



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

**Tappan Presbyterian Association
LIBRARY.**

Presented by **HON. D. BETHUNE DUFFIELD.**

From Library of Rev. Geo. Duffield, D.D.



Geo Duffield

Section
V^o

BS

1430

.V46

[875]

2232 V3

HERMANNI VENEMA
COMMENTARIUS
AD
PSALMOS
LXV — LXXXV.
QUO

SINGULORUM ARGUMENTUM, TEMPUS ET
HYPOTHESIS EXPLICANDI INPRIMIS STU-
DIOSE INQUIRITUR, EORUMQUE PAR-
TES CONTINUA PARAPHRASI ET
SELECTIS OBSERVATIONIBUS
ILLUSTRANTUR.



LEOVARDIÆ,
Apud H. A. DE CHALMOT, MDCCLXVI.

100-443887-10

1. *Chlorophyll a* and *Chlorophyll b* were determined by the method of Arar and Collins (1971) using a Shimadzu 1010 spectrophotometer. The concentration of chlorophylls was expressed as $\mu\text{g mL}^{-1}$ of the sample.

Journal of Management Studies, 20(6), 791-808.

100

• **• • • • •**

1. *Journal of the American Medical Association*, 1997; 278: 1033-1038.

ms. 5.6.11-3

Gift

Tappan Press, N.Y.

3-14-1932

IR O NOBILISSIMO
ET AMPLISSIMO

D. EPONI SJUCK
A BURMANIA,
CONSULI DOCKUMANO,

ET

PRÆPOTENT. FRISIÆ ORDINUM
DEPUTATORUM COLLEGIO
ADSCRIPTO, ETC. ETC.

*STIRPIS NOBILITATE NON MAGIS ILLU-
STRI, QUAM EAM ILLUSTRANTI,
DOTIBUS ET VIRTUTIBUS SIN-
GULARIBUS CONSPICUO,*

EXIMIO POLITICO, HISTORICO
ET POETÆ,

NEC MENUS IN RERUM DIVINARUM AC SCRIPT.
S. COGNITIONE VERSATO, ERUDITO-
RUM AC THEOLOGORUM, EO NO-
MINE DIGNORUM, FAUTORI.

CUJUS

CUJUS SINGULARI FAVORE ET AMICITIA
PER DIMIDIUM JAM SECLUM, AB IPSA
JUVENTUTE USQUE IN HOC ILLUSTR
FRISIORUM ATHENÆO, DUM UNA STU.
DIIS INCUMBEBAMUS, INITA, SINE
ULLA INTERRUPTIONE AD
HOC USQUE TEMPUS GAVI-
SUS SUM, MEQUE CON-
DECORANDUM ESSE
CONFIDO IN POST-
ERUM.


*HUNC QUARTUM COMMENTARII IN
PSALMOS TOMUM*

IN GRATI ANIMI SIGNUM, ET SUMMÆ MEÆ
ÆSTIMATIONIS AC AMICITIÆ PERPETUUM
MONUMENTUM

CUM OMNIGENÆ BENEDICTIONIS DIVINÆ
ADPRECATIONE,

DEDICAT

H. V E N E M A.



COMMENTARIUS

A. D.

PSALM. LXV.

1. *Præcenti Psalms Davidis, canticum.*
2. *Tibi æquata laus o Deus! in Tſione ſit & erit; Tibique ſolvetur votum.*
3. *O audiens preces! ad Te veniet omnis caro.*
4. *Aſtiones iniquitatum ~~patentium~~ ~~præcipue~~ ~~ſunt~~ defectuum noſtras tu expiabis.*
5. *Beatum! quem elegeris, & adpropinquare feceris, ut inhabitet atria tua: ſatiabimur bono, ſeu ubertate, domus tuæ, ſancto palatiorum tuorum.*
6. *Verenda, vel terribiliter, in recto-rigido reſpondebis nobis, Deus ſalutis noſtræ. O præſidium! comprehendens fines terræ & maris longinquos,*
7. *Firmans montes robore ſuo, ſuccinctus virtute prævalente,*
8. *Compescens fragorem marium, fragorem fluctuum eorum, & aſtuationem populorum.*

A

9. Et

COMMENTARIUS

9. *Et timebunt incolæ finium a signis tuis; incolas egressuram manē & vespere lætum tinnire facies.*
10. *Visitasti terram, & irrigaveris eam, multum ditaveris eam, e rivo Dei aquis pleno aptaveris frumentum ipsorum. Quia, vel nam, sic disposuisti eam.*
11. *Sulcos ejus irrigare, descendere facere cæsuras, vel aggeres ejus, tenuibus densisque pluviis undare eam facies, germi-
ejus benedices.*
12. *Coronasti annum bonitatis, vel ubertatis, tuæ; & vel tunc, orbitæ tuæ stillabunt pinguedinem.*
13. *Stillabunt pinguedine pascua deserti, & exultatione col-
les cingentur.*
14. *Vestientur regiones, vel montes, ovibus, & valles coope-
rientur tritico. Jubilabunt, etiam canent.*

PROLEGOMENA.

S. I.

Argumentum præstantissimi hujus Psalmi est *ὑμνὸς*, seu celebratio Dei super illustrissimis potentiae, justitiae & bonitatis, signis & effectibus in Ecclesia & mundo conspicuis; *ὑμνὸς*, seu gratiarum actio pro insignibus beneficiis in Ecclesiam & mundum collatis ac conferendis; simul & Thronitarum, & omnium hominum, ad Deum laudandum excitatio, quæ de prædictione aliquid trahit, quatenus, tale quid in Ecclesia & orbe futurum esse, insinuat. Quæ signa & beneficia recensentur partim *spiritualia*, quibus populus Dei in Ecclesia gaudet, in remissione peccatorum, & omne genus bonis, quæ hominem beatum reddunt, sita, partim *corporalia*, hominibus per orbem in genere, & populo Dei in specie

specie concedi solita, quibus societates conservantur, & pacantur, & terra fecundatur, ut omnia ad hominum sustentationem & delectationem abundantissime suppetant. Argumentum itaque est generale, omnibus temporibus congruum, in specie lætis & prosperis, quibus Deus aliqua ejusmodi specimina repræsentat. Quare in *characteres* & verum argumenti conspectum inquirere, opus non est.

§. II. De tempore itaque & occasione Ps. compositi a Davide, pro autore habendo secundum inscriptionem, nihil certi constat. Inscriptio Ps. in versione Vulg. & nonnullis editionibus Lxx. Int. habet, *canticum Jeremiæ & Ezechielis populo transmigrationis cum inciperent exire*, nimirum ex Babylonico exilio: sed nullius est autoritatis, nec his prophetis, ante mortuis, convenit, nullum quoque indicium hic occurrit exilii, aut liberationis; ne dicam, *Davidi* Ps. attribui in titulo, a quo non est ulla discedendi ratio. Forte inscriptio inde orta est, quod traditio aliqua habuerit, hunc Ps. fuisse ab illis prophetis populo commendatum, ut tempore liberationis istius caneretur, ad fidem & spem ejus corroborandam. Sed de eo nihil affirmari potest. Rectius longe illi instituerunt, qui, finita plaga sterilitatis terræ & famis causa Gibeonitarum, a Saulo vexatorum & expulso- rum, nec a Davide vindicatorum, inflicta, 2 Sam. xxi. Ps. volunt compositum esse; licet *male adjungant* iudicium *pestis*, 2 Sam. xxiv. tanquam ejusdem fere temporis; cum illæ plagæ longo temporis intervallo fuerint disjunctæ, de quo hic non est disputandi locus. Ne minimum quoque hic occurrat *pestis* indicium, aliqua *famis*, & causæ Gibeonitarum sese videntur offerre; maxime in fusiore descriptione fertilitatis terræ, tanquam insignis beneficij; quo digitus ad præcedentem sterilitatem videtur intentus; quemadmodum vers. 8. adludi cense- ri potest ad motus populorum vicinorum contra Israël, tempore Davidis sedatos; quod haud diu ante sterilitatem & famem illam, ex mea opinione, contigit. Utique hic ipse casus, quo Deus Gibeonitas, vindictam a

4. C O M M E N T A R I U S

Deo petentes & consecutos, exaudivit, *occasione* dare potuit sese in laudes Dei effundendi; tanquam qui extraneorum quoque preces audiat, vers. 3. & Gentium quoque curam habeat: nec non peccata populi, quæ ipsi causa Gibeonitarum incumbabant, remittat; & terræ Israeliticæ, per seilitatem modo adflictæ, luculenter succurrat, vers. 10. Sed nihil de his omnibus adfirmaverim; nec ad intellectum Ps. multum facit, *tempus & occasione* præcisè scivisse, cum argumentum ejus sit generale, ut modo vidimus.

§. III. *Scopus* est, formulam Deum laudandi tanquam unicum & liberalissimum omnium bonorum, in Ecclesia & mundo, autorem, populo in manus tradere; & omnibus in sancto hoc opere præire, omnesque ad id excitare; præterea spem Ecclesiæ de nomine Dei per totum orbem aliquando celebrando confirmare. Excitantur enim non simpliciter homines qualescunque per orbem ad Deum laudandum, sed illud futurum aliquando esse insinuat, ut verba fut. temp., quibus utitur poëta, haud obscure indicant. Unde etiam de *usu* Ps., & publico & privato, facile colligitur, per omnia tempora. *Publico* usui non tantum, sed & *privato* fuisse dicatum, ex inscriptione colligi potest. *Præcentori Psalmus Davidis*, non simpliciter habetur, sed & *canticum* additur; ut ab unoquoque & ubique canendum esse indicaretur. Alia enim ratio hujus vocis additæ non suppetit, aptior.

§. IV. Ad *structuram* Ps. pertinet, quod continuum sit ad Deum adloquium, ne quidem vers. 7. interruptum, ut suo loco patebit: *stylus* sit facilis & emphaticus, simul elegantibus figuris interstinctus: *ordo* denique, quo decurrit, naturalis. Constat enim Ps. ex *propositione*, & ejus deductione, ac demonstratione; quæ duæ *generales* partes sunt, in quas dividitur. I. *Prior* occurrit, vers. 2 & 3. qua dicuntur in Tſione laudes capendæ, & vota solvenda, totus vero orbis eum adoraturus. II. *Posterius materiam & rationem* laudationis exhibet; & opera ac beneficia Dei recenset in Eccle-
siam

siam & mundum conferenda; in *eam* vers. 4 & 5. in *hunc*, vers. 14. De quo postea distinctius.

A N A C R I S I S.

§. V. Ad *hypothesein* Ps. exponendi tria pertinent *observata*, quæ Interpreti semper ob oculos versari debent. 1. *Primum* est, perpetuam fieri adlusionem ad felix illud tempus; quo Ps. compositus est; cujus lineæ hic ducuntur. Quod tempus supra definivi. 2. *Secundum* est, opera & beneficia Dei, cum Ecclesiæ, tum mundi, respectu, quæ hic memorantur, & laudationis Dei per orbem materiam constituunt; generalia esse, & secundum litteram intelligenda, spiritualia & corporalia, quæ Deus, tanquam populi sui Deus fœderatus, & mundi rector æquus & benevolus, variis vicibus præstat; & quorum respectu per totum orbem adorari, coli & celebrari, meretur, ac debet. 3. *Tertium* est, felicitia sub Messia depongi tempora, quibus Ecclesia per orbem foret diffusa, & pax; ac omnium bonorum, spiritualium & corporalium, abundantia conspiceretur in orbe, ac Deus in lætitia ubique celebraretur cum gratiarum actione. Quem conspectum *propheticum phrasen*, ~~vera~~ sua *emphasi* sumunt, facile exhibent, & sequentes duo Ps., huic propterea subijuncti, confirmant; ut suo tempore patebit. Quæ felicitia tempora subinde quidem experta est Ecclesia Christi, minore majoreve gradu; sed adhuc expectat, & sub finem seculorum vera sua emphasi, secundum constantem verbi prophetici doctrinam, experietur.

E X P L I C A T I O.

§. VI. *Propositio*, qua Deum in Tſione a Tſionitis, & omnibus per orbem hominibus, laudari debere, & laudandum

6. C O M M E N T A R I U S

esse, ac adorandum, declaratur, ita habet vers. 2, 3. *Tibi æquata laus, o Deus! in Tſione sit et erit; tibi solvetur votum. O audiens preces! ad te veniet omnis caro.* h. e. Tibi congrua et perennis laudatio ac celebratio sit eritque in Tſione! o Deus! vota que quæcunque concepta ibi solvantur, solventurque: quin, cum tua sit laudabilis adfectio audire preces, et iis adnuere, a quibuscunque etiam fiant, modo pie et debite fusæ, veniant, venientque ad Te in Tſione omnes per orbem homines, qui votorum cupiunt fieri compotes, ut te ibi adorent ac invocent. Præsupponitur, Tſionem esse habitaculum Dei veri, et sedem religionis; quod expressius adfirmabitur, si in Tſione quoque cum Deo connectatur; quod potest; cum æque ad Deum ac ad laudationem Dei referri possit, ut recte Gejerus. Quod si LXX. Interpretum editioni, Ald. & Compl., legerunt etiam Eusebius et Theodoretus, ac Vulg. versioni, quæ habent, *ἐν Ἱερουσαλὴμ*, votum in Jerusalem, aliquid tribuendum foret, nomen *שׁלם* Salem per verbum *שׁלם* absorptum fuisse, statuerem, uti Tſion et Salem pro Hierosolyma conjunguntur, Ps. LXXVI: 3. Sicut Tſion, proprie et litteraliter dicta, tempore Davidis jam talis fuit, cum arca in eum montem est translata, quod jam acciderat, et postea semper, durante œconom. V. mansit; sed sensu spirituali Ecclesia Christiana, in specie originalis, primæva et Apostolica, facta est, et manet in perpetuum. Adfirmatur nunc, Deum esse decenter et perpetuo ibi laudandum accolendum a Tſionitis non tantum originariis, sed et omnibus per orbem hominibus, sese eo conferentibus. Prius vers. 2, posterius vers. 3. traditur. Prius nihil habet difficilis, nisi in voce *דָּמָה*, quæ varie redditur et exponitur: mihi videtur laudationem denotare Deo congruam, et perennem; quod sicut huc unice quadrat, ita vocis potestati apte respondet. Radices enim *דָּוָה*, *דָּמָה*, et *דָּמָה*, quæ sororiæ sunt, primariam habent significationem in *aequatione liniendo* facta, seu linitione in æquum et planum; unde dicunt *aequari*, *explanari*;

planari; et inter alia fluxit usus 1. effigiandi, adsimilandi, 2. perennandi, seu æquo in statu permanendi; sicut apud Arab. *adfigi*, compingi firmiter; & tenacissimam immobilitatem signat, etiam in Script. *Laudatio* Dei itaque *æquata* est cum Deo congrua, & ei respondens, tum perennis. Quod huc recte convenit. *Posterius* nihil habet, quod moram injicit; modo notetur 1. Deum adpellari *audientem preces*, quatenus, sine discrimine personarum, quorumcunque preces, modo pie fusas, exaudit; Judæorum non tantum, sed & gentium; ut est Act. x: 34, 35. Quam sensus amplitudinem & phrasin, quæ generalis est, & sequens membrum clare adfirmat. Sequitur enim, tanquam ejus consequens, *omnem carnem ad eum venturam*. 2. *Venire ad Deum*, scilicet, ut adoret, invocet & eum colat, non simpliciter dicere *ad Deum accedere*, sed *Tsionem* venire ad Deum adorandum: modo enim dictum erat, Deum in Tsione laudandum esse; quo itaque referendum etiam est, *venire ad Deum*; quare etiam non *in* sed *in* habetur; proprie *usque ad Deum*; seu ad locum habitationis Dei ad Deum adorandum. Sicut profelyti & gentiles Deo Hierosolymis supplicare solebant, seu animo saltem eo verso; ita tempore Messiae Deum in Ecclesia Apostolica habitantem, & in communione ejus. Conf. Jes. ii. LXVI: 23. & alibi sæpe. Sensus itaque est, Deum ea ratione in Tsione laudari ac coli debere, *coli ex parte*, & celebrandum esse deinceps magis a Judæis & Gentibus per totam terram.

§. VII. In *propositionis* deductione & confirmatione recensentur varia justitiæ & bonitatis Dei signa & effecta, & illustrata beneficia, quæ omnes ad Deum laudandum excitare debent, & excitabunt reapse; ut Ecclesiæ Tsionæ; 1. mundi respectu. ut. *Tria* memorantur, quoad Ecclesiam Tsioneam, vers. 4—6. in priore membro, *a. Primum* & capitale, ac omnium reliquorum fons, est peccatorum, cum prævaluerint, gratuita remissio, vers. 4. his verbis: *Actiones iniquitatum valentiores præ me sunt: defectiones nostras*

stras tu expiabis, h. e. Iniquitates, actionem judicialem, longe validiorem quam ut refutari possit, cum contra me instituerint, & vindictam postulaverint, quam effugere per me non possum; tu, o Deus! defectiones & delicta nostra, sumtore redemptionis pretio, condonabis, nosque ab eorum effectis liberabis. Prius membrum cum in præf. occurrat, & posterius in fut.; oportet prius habeat conspectum antecedentis, quod hic ponitur, sive jam adsit, sive futurum sit: adeoque sensus est, quem in paraphrasi expressi: quum, vel quando prævaluerunt — *tunc* tu condonabis. Præter ea voces, *iniquitates*, *defectiones*, elegantiae causa divisæ, secum sunt connectendæ, ac si legeretur, *actiones iniquitatum & defectionum* mearum & nostrarum valentiores sunt me & nobis &c. *Iniquitates & defectiones* in peccatis describendis & adgravandis sæpe conjunguntur: uti notum est. Denique cum in priore membro dicat *מני* præ me in sing., & in posteriore *defectiones nostras* in plur. memoret; rursus elegantiae orationis id tribuendum, & ita est accipiendum, ac si haberetur; *iniquitatum & defectionum*, mearum & nostrarum. Non itaque necesse est ut pro *מני* legatur *מנו* vel *מנו*, *præ nobis*, uti LXX. acceperunt, repugnantibus reliquis versionibus antiquis. Voces & phrasæ nihil habent, quod nostram requirit operam, nisi *prima* *יכרי*, quam *actiones* judiciales verti. Interpretes passim, eam vocem redundare, putant, & vertunt *iniquitates*. Sed loca, quæ adfert Gejerus ad illud illustrandum, non sufficiunt, de quo hic plura non dicam; & vox *יכרי* hic exserit usum forensem & judicialem, quo *actionem* denotat in judicio contra aliquem institutam, ac agitatam: ut Ps. cxi: 5. Jer. xxxviii: 5. & verbum *יכרי* frequenter; de quo alibi sæpe dixi, ut ad Ps. xxxvii: 30. L: 1—7. LI: 6. & ad Jer. variis in locis. *Actiones iniquitatum* itaque sunt, quas iniquitates, a nobis perpetratæ, instituunt contra nos in judicio, ut condemnemur & puniamur. Quem conspectum, per fictionem personæ, *peccata* recte gerunt, & in negotio *justificationis*

nis nostræ coram Deo, quod ad verum ejus conspectum multum facit, omnino habent, quare *peccatum condemnari* dicitur per justificationem, Rom. viii: 3. *Actiones* autem iniquitatum dicuntur *prævalere præ nobis*, quatenus valentiores & fortiores sunt, quam ut aut negare aut refutare eas possimus, nosque postulationi pœnarum, quam intendit actio peccati, subducere: adeo ut nullum supersit refugium, quam ad clementiam & gratiam Dei judicis. Conf. Ps. cxliii: 2. cxxx: 3, 4. Verbum נָבַר genuina sua notione denotat vim, seu virtutem *prævalentem, victricem & victoriosam*.

§. VIII. Videamus nunc, quid sibi hæc verba velint, et quo tendant. Secundum hypothefin, in anacrisi jactam, David 1. insinuatum voluit, se & populum, gravi reatu obstrictum, ac a Deo punitum, cum peccato, vindictam exigenti, succumberent, remissionem peccatorum esse consecutum, &, peccato expiato, a judicio famis, ipsi inflicto, liberatum: uti ex 2 Sam. xxi. constat: 2. generalem veritatem & doctrinam de remissione peccatorum, quæ in Ecclesia Tsiſionea conceditur, tradit; quæ habet, peccata, quæ nos reatui subjiunt, non nisi a Deo remitti, & hoc beneficium concedi omnibus pœnitentibus & credentibus, seu veris Tsiſionitis. Quod est facillimum. 3. Denique prophetice, cum veram peccatorum expiationem suo tempore a Messia faciendam, quum peccata maxime per mundum & Ecclesiam invaluerunt, Dan. ix., repræsentat, tanquam omnium bonorum fontem, tum etiam Deum, prædicat, continuo Ecclesiæ, si peccatis fuerit inundata, & pressum videretur itura, gratia sua adfuturum & peccata remissurum, eorumque effecta ablaturum esse. Conf. Jes. lix: 20. & alia in loca.

§. IX. β. Secundum bonum est liberum veræ religionis exercitium in Tsiſione, & bonorum communionis Dei participatio ad satietatem usque, vers. 5. *Beatum! quem elegeris & adpropinquare feceris, ut inhabitet atria tua: satiabimur bono domus tue, sancto palatiorum tuorum.* h. e. Cum felici-

cem & beatum prædicare fas sit, qualiscunque sit, vel Sacerdos & Levita, vel quivis alius, cujuscunque nationis & ordinis, quem tu e mundo selegeris, & cui jus ac potestatem, occasionemque, dederis, ut atria tua inhabitet, te ibi colendo, & coram fruendo; nosque inter eos simus, quibus hæc felicitas, partim contigit, partim concedetur amplius, jure & nos beatos pronunciamus, cum bono domus tuæ, & sancto palatiorum tuorum, seu omnigena benedictione, ex cultu & præsentia tua oriunda, simus saturandi, seu ad plenam animi & desideriorum satisfactionem explendi. Verba continent thesion, & ejus deductionem; thesion seu propositio est, felicem esse eum, quicumque sit, quem Deus elegerit & adpropinquare fecerit, ut inhabitet atria ejus. Quæ verba nihil habent inpedici. Quoad structuram orationis, duplex hic est notanda ellipsis, altera pronominis *non quem* in principio post *non*, ut plene sit, beatum, quem elegeris, quæ, licet satis frequens sit, hic rectius statuitur omissa propter vocem earundem litterarum, quæ præcessit, altera vero particulae conjunctivæ, &, pro ut, in verbo *habitabit*, pro & habitabit, quod est, ut habitet, nam enim usum finalem sæpe præfert, &. Quod vero ad sensum attinet. 1. *inhabitare atria Dei* est in domo cultus Dei adesse frequentem, & actuosum; omnes cultus Dei partes, in meditationibus piis, precibus, hymnis, & cujuscunque generis oblationibus, secundum præscriptum Dei, continuo & pie obeundo & explendo. Quod non est difficile. Conf. Ps. xxvii: 4. & lxxxiv: 5. & ibi dicta. 2. *Eligere Dei & adpropinquare facere*, nihil aliud significat, ac jus, potestatem & occasionem dare id faciendi. 3. Extenditur illud privilegium ad *unumquemque*; proprie pertinet ad Tribum Leviticam, adeoque Sacerdotes & Levitas, quibus verba etiam proxime conveniunt, ut notum est, sed hic latius ad qualescunque porrigitur, qui suo etiam modo divi possunt domum Dei inhabitare; uti liquet ex Ps. modo citatis: sed simul innuitur, eos in consortium personarum sacrarum
ea

et ratione venire: isto sensu sublimiore, de quo mox, eos veros, sed spirituales, fore sacerdotes, ut sub N. T. Licet vero qualitates eorum precedentes, quos Deus *eligit & adducit*, non memorentur, res ipsa tamen requirit, eos hic intelligi, qui cum Davide Ps. xxvii. dicere possunt, *se id unum petere & querere*. Quod verbo tetigisse suffecerit. 4. Felicitas vero, quae hic memoratur, intelligitur quaecunque & qualiscunque, ac summa. Quae mox in desideratione explicatus traditur, cum subiungitur, cum *satiandam esse bona domus Dei ac sancto palatiorum eius*: sic enim recte vertitur *ut sit boni*, modo memorati, accuratior demonstratio, seu restrictio. *Bonus datus Dei* enim per epitheton *sancti* definitur, cum ne illud ad ipsum & potum simpliciter restringeretur, tum, ut singulare, nec omnibus commune, esse bonum, quin divinum & humanum esse, declararet. *Bonus* itaque *domus Dei*, & *sanctum palatiorum*, seu *palatii*, *ut* *ibidem* sic dicti, *eius*, *sive ceterum*, est praestantissima illa & singularis benedictio, qua Deus genituros suos cultores prosequitur, cum animae tum corporis respectu, in hoc non tantum, sed & futuro seculo. Alias appellatur, *emanationem Dei videre*, & *bonitatem eius*, Ps. xxvii: a. 13. *pinguedine domus eius irrigari*, & *torrente deliciarum eius potari*, Ps. xxxix: a. ubi vid. dicta. Alluditur quidem ad oblationes quascunque Deo *sacratas*: de quibus quoque vesciebantur personae sacrae: sed in genere quamvis benedictionem, in primis spirituales & aeternales, exhibent, quae desideriis nostris rationalibus satisfaciunt: ut ad l. c. exposui. Quod magis elucescet, si per *palatium Dei*, non tabernaculum, modo *domum Dei* dictum, sed *celum* intelligamus, convenienter stylo Davidis: de quo alibi a. egi, quod alias *palatium sanctitatis Dei* appellatur: quod & hic tacite per *sanctum palatiorum suorum* insinuat. *Sanctum* enim *palatiorum Dei* est, quod ex palatiis *sanctis* Dei datur, & eorum natura convenit.

Ad Ps. vi. 9. & xxvii.

§. X. Peculiarem meretur animadversionem, quod non dicat, ut nexus sermonis postulare videbatur, *saturabitur*, scilicet is, *quem elegeris* &c. sed in prima perf. plur. *saturabimur*. Quod commodius expediri non posse videtur, quam per reticentiam apodosios seu redditionis, & adplicationis, quæ addita orationem reddet satis concinnam; hac ratione: *beatum unum quemque, quem elegeris*, — — — beatos itaque nos, quos elegisti — — — *saturabimur*. Scilicet uti nos, ita quicumque alius, quem adsumferis, ut nobiscum domum tuam inhabitet. *Propositio* generalis est, sed in ejus explicatione, seu *beatitudinis* demonstratione, flectit sermonem ad se & socios; et in prima persona loquitur; hac utique sub hypothese, quod ipsi inter eos sint, quos Deus *elegerit*, & *adpropinquare* fecerit. Propositionem vero generalem fecit, ut latius ad quoscunque, quibus Deus hoc privilegium, quo ipse nunc cum suis fruebatur, concederet, extenderet; et sensum redderet ampliorem. Insinuat itaque David, se votorum ex parte factum esse compotem, et, quod sæpe in exilio experierat, nunc domum Dei in Tſione collocatam in pace et libertate adire posse, ac benedictione cultorum Dei frui. Significat vero, alios quoscunque ad hanc felicitatem esse deinceps adducendos, sicut nunc Gibeonitis rursus licebat, ita et postea multos alios hæc prærogativa beandos esse; ita ut, quod supra dixerat, *omnis caro* ad Deum in Tſionem veniret; denique felicia ea tempora adfutura, quibus Ecclesia Dei pomæria per orbem extenderet, et bona majore emphasi, *sancta & spiritualia*, dispensarentur, omnesque, qui eorum participes fierent, *sacerdotes* forent; ad quos, ut supra dixi, phrasès proprie pertinent.

§. XI. γ. *Tertium* bonum in Tſionem conferendum, in eo ponitur, quod Deus secundum vota ejus causam ejus contra hostes fortiter, et cum summa majestatis demonstratione, ageret; eos subigendo, & Tſionem omni felicitate cumulando, vers. 6. his verbis: *verenda*, vel terribiliter, in

in recto-rigido respondebis nobis, Deus salutis nostræ, h. e. Sicut peccata nostra condonabis, & nos te libere ac multiplici cum benedictione colere facies; ita remp. nostram fortiter contra hostes tueberis, & nobis justitiam terribilibus cum signis facies, nostraque vota abundanter implebis. Phrases sunt selectæ, & emphaticæ, paucis illustrandæ. Vox מִיָּדָה, proprie *terribilia*, hic adverbialiter occurrit, & *terribiliter* vertenda; & sedem habet in *vibratione*, ac *coruscatione*, unde ad *timorem* transit, & concussionem animi ac corporis; adeoque *terribiliter* respondere est cum magna vibratione coruscante, quæ reverentiam his, & timorem ac horrorem concutientem incutit aliis. De quo dixi ad Ps. xlv: 5. Additur מִיָּדָה, proprie in *recto-rigido*, dein in strenuitate & vigore inflexili, nec non in *veritate* & *justitia*; adeoque invincibiliter, secundum promissa Dei, et convenienter *justitiæ*, veraciter et *juste* respondere. Sed quid sibi vult, cum dicunt, *respondebis nobis*? nobis scilicet Tſionitis, qui populum tuum constituimus, et te rite colimus; nobis præterea cum hostibus contendentibus, qui nobis controversiam movent, et male volunt, nobis denique petentibus et quærentibus stabilitatem reip. et Ecclesiae, ac omnigenam felicitatem & salutem; talibus nobis *respondebis*, dicit, h. e. in favorem & gratiam nostram, & secundum vota nostra; adeoque causam nostram agendo, & decidendo secundum nos, & desideriis nostris satisfaciendo; eaque ratione nos firmando, & felices reddendo, & adversarios nostros confundendo, ac subigendo. Quæ omnia verbo *respondendi* recte censentur comprehensa: *respondet* doctor & iudex controversiarum, cum eas decedit, & finit, uti Ps. xlv: 5. *responde recto-rigidum*; vindex & omnisufficiens, cum suos liberat & omnibus adfluere facit bonis: quam significationem præfert מִיָּדָה Hos. ii: 23. Eccles. x: 19. Jes. xli: 17. & alibi; Dicit quoque radix proprie *fluere*, *adfluere*, *adfluere facere*; unde reliquæ notiones fluxerunt, *respondendi*, *fuccurrendi*, etiam *deprassum faciendi*, etc. Quo itidem fa-

est titulus *Dei salutis nostra*, quo Deum ornant; ut facile intelligitur. Ceterum, sicut David ad statum recip. presentem adludit, quo Deus in hostibus subigendis & rep. fortunanda per Davidem *terribiliter in rostris rigide responderat*, ita spem suam testificatur non tantum, & vota sua expromit, Deum in posterum eadem ratione cum populo identidem acturum esse; sed & prädicit illud futurum esse. Quod populus cum Judæus tam Christianus etiam saepe expertus est: uti satis notum est. Loquitur autem in genere, & eoque, quo dixi, extendi potest.

§. XII. 1. *Mundi respectu duo imprimis recenset illustriora potentiae, justitiae & bonitatis, Dei signa & effecta, quae sicut materiam Deum timendi & laudandi præberent ac rationes, ita etiam celebrarentur per orbem: prius est, quo Deus montes format, & motus turbidos ac sonoros marium ac populorum compescit, omniaque serena reddit in orbe & tranquilla; posterius est, quo terram reddit fertilem, & omnia ad vitæ sustentationem abundanter suppeditat. Prius vers. 6—9. Posterius vers. 10—14. Prius, his verbis: vers. 6—9. O præsidium! comprehendens fines terræ & maris longinquos, firmans montes robore suo, succinctus virtute prævalente, compescens fragorem marium, fragorem fluctuum eorum, & aestuationem populorum, & timebunt incola finium a signis tuis, incolas egressum mane, & vespere lætum tremere facies, h. e. o Deus, locus præsidii & securitatis totius universi! qui manu continet & mensurat fines globi terræque, quam longinquos, & late extensos; qui montes robore suo firmat, & stables reddit. immenso succinctus robore, heros invincibilis, qui, sicut marium fluctus sonoros & terribiles, ita æstuantes populorum, omnia susque deque vententium, motus compescit, & sedat; incolæ finium, seu septentrionalis ac australis plagæ, nec non egressus mane ac vespere, seu orientis & occidentis, potentiae, justitiae ac bonitatis tuæ signa advertentes, sicut te metuendi & laudandi habebant abundantissimam materiam, ita quoque te aliquando*

aliquando metuent, & celebrabunt. Tres sunt pericopæ partes, quarum in prima. a. Deum compellat aptissimo epitheto, sermone ad eum versio, vers. 6. *praesidium*, h. e. & *praesidium*! & locus securitatis totius universi, in quo cuncta subsistunt, & secure quiescunt, qui omnia tutatur, conservat & dirigit. Vocabulum *nostrum* per se stat, & tanquam epitheton, a quo Deus describitur, considerandum, & latissime ad totum universum extendendum est; uti vers. 3. habuimus, quo Deus ea ratione adpellatus est *audiens preces*. Forma vocis *nostrum* ducit ad cogitandum de loco securitatis, & deoque dicit *praesidium*, ut Jer. xvii: 7. Prov. xiv: 26. *in nostro praesidio refugit*, Jer. xlviii: 13. vel, quod eodem redit, *securitatem*, & quidem summam, ut *in nostro praepingue*, *in nostro praemolle butyrum*, & alia. Sic Prov. xxi: 22. *in nostro asylum summæ securitatis*, Jes. xxxii: 18. *mansiones complantissimæ securitatis*. Significatur itaque, Deum esse ipsissimam *securitatem* & certissimum *praesidium*, sive agnoscatur ab hominibus, & ei fidatur, sive non; esse autem talem in genere, adeoque *totius universi*, quatenus omnia in ipso subsistunt, Col. i. & ipse omnia fert verbo potentia sua, Heb. i. in ipso sumus & movemur, Act. xvii. Cujus respectu etiam petra *seculorum* vocatur, Jes. xvi: 4. etc.

§. XIII. β. In Secunda parte pleniorē dat tituli hujus descriptionem, nonnulla potentissimæ hujus curæ, qua se praesidium & securitatem universi præstat, præferens, vers. 6—8. Quorum a. primum est, Deum continere & mensurare fines orbis terræque, quam longissime etiam distantes, vers. 6. *comprehendens fines terræ & maris longinquos*, vel *qui comprehendit fines etc.* prout *hæc* pro præ. sumatur aut partic., quod utrumque potest & perinde est: sensus est, Deum orbem terrestrem suâ potentia & cura, usque ad fines ejus latissime a se invicem distitos, adeoque totum orbem, quam late pateat, in omnibus suis partibus, conservare, & dirigere. Vocabulum itaque *hæc* non est nomen aut particula; *vincit* aut universalitatem denotans, ut accipi solet, sed cum

fines

fines terræ construi; hoc sensu, quod Deus sit *fiducia omnium finium terræ*; sed verbum est præteritum vel participium, a radice כל proprie *continere*, intra se *convolvere*, inde *mensurare*, & in כלל *sustentare*, *moderari*. Ita nostrum כל occurrit, Jes. xl: 12. Jer. xvii: 9. ubi כל est pro מי כל *quis capit*, *mensurat* cor; ut ibi vidimus, nec non c. xxxi: 40. Quæ interpretatio, sicut loco est aptissima, ita vulgata habet, quod offendit, inprimis in phrasi *omnium finium*. *Fines* autem terræ ac *longinqui* cohærent, & terra ac mare distincte tanquam partes globi terrestris memorantur. b. Secundum est, Deum *firmare montes robore suo*, vers. 7. Quod in specie additur, quia sunt roboris Dei luculenta specimina *montes*, non nisi robore Dei subsistentes; & præterea regnorum potentium in terra emblemata; quæ per Deum quoque tantum subsistunt: quod utrumque hic locum habere potest; sicut mox *marium* & *populorum* motus conjunguntur. Transitus a persona secunda ad tertiam in voce *robore suo*, nihil habet insoliti: uti constat, & satis notatum est. c. Tertium est, Deum, tanquam fortissimum heroam, motus quoscunque, & marium & populorum, compescere, vers. 7, 8. *Succinctus virtute prævalente, sedans fragores marium, fragores fluctuum eorum & æstuationem populorum*. Voces, *succinctus robore*, licet cum præced. quoque cohæreant, directe tamen ad seq. pertinent, quibus Deus heroicum suum robur præcipue demonstrat in compescendis motibus streperis & æstuantibus, sicut aquarum, ita populorum, tanquam *beros fortissimos*; qualem voces, *succinctus robore*, proprie depingunt. Radix מר, cui respondet מר & מרר, primariam notionem habet in *torfione*, et tali quidem, qua quid *nectitur* ac *substringitur*, unde מר *torfit cum nexu*, vel nexuit cum torfione; et מר *cingulum tortum*, et substringens. Tortus vero in *robore* est ipso robore, loco cinguli, substrictus et contortus, adeoque robustissimus heros, qui *robur* in se habet, et eo cinctus est. Qua talis compescit *motus marium & populorum*, eorum *streperos*, horum *æstuentes*, utrorumque

que vehementissimos, et terribiles; qui apte connectuntur, cum populorum motus bellici & tumultuosi emblemate totum fluctuum marium soleant, & apte possint, depingi: quare etiam hic conjunguntur, ut sensus litteralis & emblematicus locum inveniatur. Per maria vero gentes, & per populos Judæos intelligere, precarium est. Verbum vero מַרָּא & מַרָּא, recte vertitur, *compescuit*, *sedavit*, a propria notione *mulcendi*, & leni manu tactive tractandi, unde & *celebrandi* & *compescendi* ortæ sunt metaphoræ. De quo vid. Cl. Schultens a. De vocibus מַרָּא fragore, strepitu, & מַרָּא proprie aestuatione, alibi sæpe diximus, nec habent multum obscuri.

§. XIV. γ. Tertia pericopæ pars comprehendit celebrationem Dei, cum ejus timore conjunctam, per totum orbem faciendam, ex consideratione horum speciminum potentiae & aliarum virtutum Dei, vers. 9. Et, vel itaque, *timebunt incolæ finium præ signis tuis, egressuum mane & vespere*, scilicet incolæ, *tinnulum sonare facies*. h. e. Cum tot tantaque providentiæ tuæ specimina in toto orbe conspiciantur, oportet, ut homines per totum orbem, quam late patet, secundum quatuor ejus plagas, te revereantur, timeant & laudent; quod etiam suo tempore, regno tuo per orbem diffusum, facient. Membra versus duo sunt, elegantiae causa, ut sæpe alias fit, divisa, & hac ratione ordinanda. Timendi te & laudandi materiam præbebis, *timebunt* etiam te & laudabunt, propter signa tua illustria, *incolæ finium & egressuum mane ac vespere*, seu Septentrionales & Australes, ac Orientales & Occidentales. In priore membro habetur, *timebunt*, in posteriore, *celebrare facies*; sed utrumque in utroque membro intelligendum est: ut *timebunt* sit, timere facies & timebunt, & *tinnire facies* sit, & facies, & facient. Vox *incolæ*, in priore membro expressa, supplenda est in posteriore; denique *incolæ finium* sunt, qui utrumque polum, septentrionem ac austrum versus, incolunt, & *incolæ egressuum mane* sunt Orientales & inco-

la

lae *vesperae* occidentales; *egressus enim mane*, seu matutini temporis, ad aurorae et solis exortum nos ducunt, *non enim de ortu solis et aurorae dicitur* Pf. xix: 7. Hof. iv: 4. nec cum *vespera* conjungi potest, cum non *non* sed *non* & *non* de occasu adhibeatur; adeoque & ante *non* *vesperam* supplendi sunt *incolae*, ac *occidentales* intelligendi. De hisce autem *incolis* & *finium terrae*, & *ortus ac occasus*, cum habetur, Deum eos *timere* ac *laudare* facturum esse, eosque simul *metuituros* ac *laudaturos* esse, *tria* potissimum inculcantur; 1. Deum iis abundantissimam hoc faciendi praebiturum esse materiam, et eos ad id multis modis esse excitaturum per illustria ea providentiae suae *signa*, modo memorata; 2. Eos per totum orbem ad id esse obligatos, & si recte adverterent, ac ratiocinarentur, illud non posse non praestare. 3. Denique, eos aliquando tam efficaciter ad id esse a Deo excitandos, ut reapse per totum orbem eo functuri sint officio, Deum *timentes*, & *laudantes*, tanquam potentissimum, justissimum & optimum, mundi rectorem, & hospitatorem, *praesidii* & *securitatis* titulo unice dignum. Conferatur insigne vaticinium mystice intellectum, *Jes. xliix: 5, 6. ab oriente adducam semen tuum, & ex occidente colligam te: dicens septentrioni, cedo, & austro, ne cohibe, adduc filios meos e longinquo, & filias meas ab extremo tetris; ubi fines terrae etiam septentrioni & austro, ut hic, tribuantur, et ab ortu et occasu distinguuntur.*

§. XV. Sed quorsum haec magnifica Dei potentissimi rectoris universi descriptio tendit? et quare in eam sese hic effundit poeta? eo, ni fallor, collineat, ut 1. Deum, cui in Tifione laudes dantur, esse solum verum Deum, oppositè ad Deos fictitios gentium, solum dignum, qui colatur, et cui fidatur, beatum ergo esse populum, cujus Deus est, declararet, et in animos populi, nimium ad idololatriam pròni, defigeret. Conf. Pf. xxxiii: 6. et saepe alibi. 2. Populos per orbem omnes, licet revelatione peculiari carentes, sufficientem in operibus Dei habere rationem et occasionem
ipsam

ipsum cognoscendi, metuendi & celebrandi, in omnium oculos ingereret, cum sese iis per opera creationis et providentiae manifestaverit, ita ut inexcusabiles sint, si eum non glorificent, Rom. 1: 20. 3. Talem sese in praesentia exhibuisse populo suo, & mox majore gradu praestiturum, ut sub Salomone fecit, firmando regnum ejus, & motus populorum hostilium compescendo, exponeret, ut populi omnes, ad quorum notitiam haec venirent, inde occasionem haberent Deum Israelis agnoscendi et metuendi. Adhuc enim, ut supra quoque observavi, ad felicia & pacata populi Dei tempora, quibus Deus sese coram oculis totius terrae demonstraverat potentissimum, justissimum, & optimum rectorem Universi, & populi sui servatorem. 4. Denique ob oculos poneret, Deum, qua talem, aliquando per orbem esse agnoscendum et celebrandum, partim sub V. partim sub N. Oeconomia; in primis, cum Deus orbem pacasset, & motibus omnibus sedatis, tranquilla & pacifica illa tempora, a Deo saepe promissa, repraesentaret, ac adduceret; quorum illustrissimum emblema ante fores erat sub Salomone: ad quae digitus omnino intenditur. Conf. Pl. LXIII.

§. XVI. *Posterior* bonitatis & omnisufficientiae signum et effectum, quo incolae terrae excitantur ad grata juba in honorem Dei, in terrae fecundatione, & omnium bonorum terrae abundantia situm, eodem modo & ordine describitur, vers. 10—14. ut a. ipsum beneficium vivis coloribus depingatur, vers. 10—14. b. celebratio Dei, inde oriunda, subjungatur, duobus ultionis verbis, vers. 14. Hac enim ratione connectenda est oratio, ut sequentia docebunt. a. Beneficium duobus articulis, per modum gradationis, describitur; quorum a. prior fecunditatem terrae ordinariam & sufficientem exhibet, vers. 10, 11. b. posterior extraordinariam & summam, vers. 12—14. Quae divisio pericopae, sicut ex ipsis verbis sese offert, ita sermonem liberat a minus necessaria repetitione. a. Prior articulus, his verbis comprehensus.

prehensus est, vers. 10, 11. *Vistasti terram, & irrigaveris eam multum, ditaveris eam e rivo Dei pleno aquis, aptaveris frumentum ipsorum. Quia, vel nam, sic disposuisti eam; fulcos ejus irrigare, descendere facere cæsuras, vel aggeres, ejus, tenuibus densisque pluviis undare eam facies, germi ejus benedices, h. e. Cum terram frugiferam favore tuo visitas, vel statim ac illud feceris, eam multum irrigabis, aqua, ex nubibus cœlestibus, aqua plenius, eam copiose replendo, et frugiferam faciendō, parabis cujuscunque generis fruges, in usum hominum, qui terram quaquaversum incolunt. Ea enim ratione instruxisti terram, & aptabis in perpetuum; ut fulci ejus irrigentur, & glebæ turmatim dispositæ per arationem deprimantur & penetrentur, ac pluvia guttatim uberrime fluente terram undare facias, ejusque graminibus benedicas, & ea ad maturitatem adducas.* Verba continent 1. fertilitatis terræ per abundantem pluviā descriptionem, vers. 10. 2. ejus illustrationem ex terræ dispositione, a Deo in creatione facta, vers. 10 fin. & 11. 1. In *prior* parte præmittitur *visitatio terræ* a Deo, tanquam antecedens, & inde, tanquam consequens, derivatur terræ fructificatio per pluviā cœlestem. *Visitatio terræ a Deo* itaque hic memoratur tanquam antecedens, & causa originalis fructificationis, quæ mox subjungitur; eamque ob rationem in præter. occurrit, *vistasti terram*, h. e. *si*, vel *cum*, id feceris. Quæ satis apta est ratio formæ præter., qua utitur poeta; cum mox in fut. loquatur. *Visitare autem terram*, quid sit, non est in obscuro. Denotat hic actuosam & benevolam Dei curam, qua, terræ q. sese intime adjungendo, ei prospicit, eamque sæcundat, sicut maritus dicitur *visitare* uxorem; Jud. xv: 1. & Deus Saram *visitare* eo sensu, Gen. xxi: 1. Hac ratione cum Deus sese terræ adplicat, eam curat, & faventem adfectum suum ei præstat, sequitur ejus *fructificatio*, his verbis descripta: *& irrigabis eam multum, ditabis eam e rivo Dei, pleno aquis*, h. e. pluviā e nubibus abundanter & tempestive emittendo in terram, eam copiose irrigabis.

rigabis. Quæ verba ita cohærent, ut posterius membrum sit prioris explicatio, seu modum tradat, quo terra irrigatur, per pluviam cœlestem. Interpretes hic varie instituant, sed ex nostra hypothese cuncta sunt plana & facilia. Prius *visitationis Dei* effectum est terræ abundans *irrigatio*, quæ a. proponitur verbo *irrigabis eam* per conjunctivum & connexo cum *visitatione Dei*, ut, immediatum vel proximum ejus consequens esse, indicaretur, sive *itaque*, sive *tunc* vertatur, aut *statim*, qui usus satis noti sunt. Radix *pw*, cui respondet *ppw*, proprie est *discursare*, unde varii usus fluxerunt, quos nunc mitto, sed inter eos est *exundandi*; quatenus *discursandi*, & semet identidem impellendi, potestas adplicatur *aquis undantibus*; uti apud Arab. ^a, & ita Joel. II: 24. Denotat itaque *exundare* facis in Pih., ut hic, quod vers. 11. נַחֲמָן appellatur; de quo mox. *Modum irrigationis*, quæ terram facit exundantem, b. hæc verba, quæ propterea sine copula subjunguntur, exponunt: *ditabis eam, rivo Dei pleno aquis*. *Ditare terram* appellat variationis ergo, & ut irrigationis bonum effectum designaret, quo terra redditur frugifera, seu apta quæ ex divite penu proferat fruges; quod modo *inundare* facere dixerat. Addit *medium* hujus exundationis frugiferæ, quum dicit, *rivo Dei aquarum pleno*, per *ellipsis* particulae *ex* vel a. *Rivus Dei* itaque nubes sunt, quæ aquis repletæ eas instar *rivi* in terram emittunt; appellat *rivum Dei*, ut a terrestribus, & ab hominibus factis, distingueret: idem itaque est ac *rivus cœlestis*, a Deo factus, *Cataractæ cœli*, Mal. III: 10. *Aquis plenum* appellat, ut terræ exundationis, inde oriundæ, ratio detur: *aqua enim plena* nubes effectum illum tantum præstant Eccles. XI: 3. oppositæ ad *νεφέλας ἀνίδους* nubes aqua carentes Judæ vers. 12. Quo cum nihil sit facilius, Interpretes, qui hic mirifice ludunt, suo loco lubens relinquo. Sequitur denique, *aptabis frumentum ipsorum*; ultimum *visitationis Dei* effectum, ex terræ irrigatione proxi-

me oriandum. *Fru mentum* hic late denotat quascunque fruges terræ, quæ tribulis excutiantur, & hominibus præbent alimenta: *frumenta eorum* cum adpellat, manifestè respicit ad *incolas finium*, & *ortus ac occasus*, modo memoratos, a deoque non Cananæ tantum, ut volunt multi, sed totius orbis. *Præparare* denique frumentum est, efficere ut frumentum sit maturum, & aptum. Quod non est difficile.

§. XVII. 2. Illustrat dicta ex terræ dispositione, a Deo in creatione facta, & continuo conservata, in eo sita, quod, terra per arationem parata, pluvia opus sit ad ejus fructificationem, his verbis: vers. 10. fin. & 11. *Quia sic aptasti eam in perpetuum; irrigando sulcos ejus, descendere faciendo casuras, vel aggeres, ejus; guttis uberrimis eam undare facies, germi ni ejus benedices.* Connectenda sunt hæc verba, per pravam versuum divisionem avulsa, & rationem dant, quare terra e rivo Dei irrigata fruges proferat, quæ repetitur a terræ primâ dispositione in creatione, quæ continuo a Deo conservatur; per quam est, quod terra, per arationem præparata, & feminata, opus habeat irrigatione sulcorum & aggerum per pluviam spissam, qua undans benedictionem accipit. Ex qua hypothese sicut usitatus vocabula: *quia* usus retinetur, ita sermo ab ingrata repetitione liberatur. Relegamus nunc verba, & ubi opus fuerit, illustremus. *Quia sic aptasti eam* firmiter & in perpetuum, (quam emphasim habet חֲכִין, & forma fut. תִּכְוֶנָה *aptabis eam.*) *Sulcos ejus irrigare, descendere facere aggeres ejus, guttis frequentibus undare facies eam*, (h. e. vel, irrigando & descendere faciendo undare facies guttis, vel, irrigabis, descendere facies, quin undare facies, pluvia uberrima guttatim sparsa. Utrumque admittit forma infinit. verborum רִוּחַ & נָחַח; uti notum est. Irrigationi & depressioni sulcorum & aggerum additur *undatio* per aquas, ut indicaretur, per pluviam id fieri, & quidem ad undationem usque. Verba exponunt modum fructificationis terræ secundum dispositionem terræ, a Deo

2 Deo factam; seu explicant, in quo sita sit illa dispositio terræ ad fruges proferendas. Memorat *fulcos* & *aggeres*, ut arationem & præparationem terræ, opera hominum faciendam, tanquam necessariam, insinueret. Vox חלם est *fulcus*, seu ipsa fulcatio & præcisio terræ ad sementem faciendam, seu prima *aratio*, a propria *frangendi* potestate, quam radex Arab. نلם adfert, uti jam notavit Simon * post Clodium †: altera vero vox נרר exprimit vel repetitam, seu iteratam & tertiatam, arationem, a נרר *incidit*, *insecuit* altius, sicut utriusque quoque arationis mentio fit, Hof. x: 11. & Job. xxxix: 13. ubi vid. Cl. Schultens, vel *aggeres*, porcas dictos, inter *fulcos* prominentes, & *turmatim* digestos, ac abscissos; sicut נרר *glabum* militarem a reliquis *refectum*, & *acie secante* præditum, designat: de quo alibi † monui. *Irrigationi* *fulcorum*, quæ nihil habet *difficilis*, addit *casurarum descensionem* verbo נרר expressam; cujus non ita manifesta est significatio hoc in loco. Admitti posset, quod dedit Cl. Schultens ad Prov. xviii: 10. qui vertit, *descendere fac*, *altius imprimere fulcos ejus*; nisi quod in infinit. potius reddiderim, *altius imprimere fulcos ejus*. Verbum נרר proprie est, *profundius cavari*; unde *sodpendi*, *insculpendi* potestas apud Arab., inde *descendere*, *altius penetrare*, ductis q. *fulcis*. *Arationi* adtributum verbum notabit *altos* & *profundiores fulcos ductos & impressos*; ut in *aratione* iterum iterumque repetita: *altius* itaque *descendere* *facere fulcos*, & *profundiores ducere* significabit: & sensus erit, *fulcos rigandos esse*, eosque *altius esse ducendos*, ad terram reddendam aptiorem; adeo ut *duo* indicentur, & *fulcorum irrigatio*, & eorum irrigatorum *profundior ductio ac impressio*. Sed ne sic sensus oritur perspicuus; quare potius in נרר respici putaverim ad *pluviam* altius *descendentem* & *penetrantem in arationem*; per ellipsin † ante נרר; ut sit: *fulcos vel aggeres ejus irrigare, descendere facere*

* In Lex.
‡ 157.

† Lex. Seldo.

‡ Ad Gen. xxix.

facere altius in cœsuras ejus, scilicet pluviā, cœlitus demissā, ut ex seq. patet: ita נחם descensus mensæ, Job. xxxvi. 16. est, quod in mensam e cœlo ipso demittitur q., omni benedictione cumulatum; ut exponit Cl. Schultens. Additur adhuc, pluviis undare facies eam, cum ad irrigationis modum per pluviā definiendam, tum ad irrigationis abundantiam demonstrandam. Vox ריב denotat crassiorem & spissorem pluviā, a רבב, cujus potestas est in concrecendo, & spissum ac densum denotat, ut observavi ad Deut. xxxii. sic & ריב notat abundantiam & adfluentiam bonorum; & ריב divites, opulentos. Verbum vero מוּו proprie est non liquifieri, sed undare, fluere vebementius. Quod modo dictum erat, ditare e rivo Dei pleno aquis. Ultimæ voces, germi ejus benedices, quæ ultimum irrigationis terræ effectum continent, nihil habent difficilis, quare nihil addo, nisi hoc unum, respici in hoc verbo simul ad abundantissimā pluviā, nomine ברכה benedictionis subinde insignitam: de quo alibi ^b exposui.

§. XVIII. b. Posterior articulus extraordinariam omnium rerum optimarum abundantiam summam complectitur, eleganter depictam, vers. 12—14. his verbis: *Coronasti annum bonitatis, vel ubertatis, tuæ; & orbita tuæ stillabunt pinguedinem. Stillabunt (pinguedine) pascua deserti, & exultatione colles cingentur. Vestientur regiones ovibus; & valles operient se tritico. h. e. Si, vel cum, annum uberrimæ tuæ bonitatis, gloriose & copiose repletum; oriri feceris; cœlestes tuæ orbitæ, quas soles incedere in nubibus, ipsam pinguedinem quasi, loco pluviæ, leniter & copiose in terram emittent, adeo ut pascua deserti, colles, planities, seu montes, & valles, partim summa ubertate graminum, & quorumvis optimorum fructuum, adfluxura sint, partim quorumvis gregum copia abundatura. Antecedens est anni ubertatis Dei coronatio; ideo in præter. occurrens, ut vers. 10.*
visitatio

^a Vid. Schultens clav. p. 198, 234. & Lette ad Ex. xv. p. 232.

^b Ad Mal. i. 11: 10.

visitatio terræ. Phrasis vero selecta est, & emphatica; quæ tempus summæ prosperitatis, & omnium bonorum copię, de singulari Dei bonitate testantis, vivis depingit coloribus. Annum bonitatis *coronare* est ad summum gradum, & cumulum cum bonorum, tum lætitie & glorię, adducere. *Coronare* est complere, gloriosum & lætum facere: *annus bonitatis* Dei est tempus, quo summam suam bonitatem demonstrat; *qui coronatur*, quum bonitatis effecta summo gradu repræsentantur, & magnam adferunt gloriam ac lætitiā. Tale tempus cum adluserit, nubes q. pinguedinem stillant, & terræ omnes partes uberrime replentur. Proximum itaque consequens, medium causale felicitatis sequentis, est, quo *orbitæ Dei stillant pinguedinem*, h. e. omnis abundantia optimarum rerum e cœlo demittitur. *Orbitæ* Dei sunt nubes, antea *rivus* Dei adpellatæ, conf. Ps. civ. 3. nunc *orbitæ*, quas Deus ipse censetur incedere; & unde, loco pluvie ex rivo Dei, fluit *ipsa pinguedo*, seu dulcissimorum & optimorum bonorum summa copia.

§. XIX. Abundantia terræ, cunctarumque ejus partium, respectu gregum & frugum optimarum, ultimum consequens, ex *stillatione pinguedinis*, modo memorata, oriundum, his verbis describitur: vers. 12, 13. *stillabunt pascua deserti, exultatione cingentur colles; vestientur ovibus regiones, vel montes, & valles cooperientur tritico.* Quæ verba mihi elegantie ergo videntur divisa, ut sæpe in stylo poetico obtinet, & ordinanda, ac si una serie haberent; pascua deserti, colles, planities, vel montes & valles, stillabunt, exultatione cingentur, gregibus vestientur, & tritico cooperientur. Verba enim, *stillabunt, cingentur, vestientur & operientur*, ad omnes terræ partes recte adplicantur, eisque conveniunt, & greges ac fruges æque montibus ac vallibus congruunt. Memorantur variæ & præcipuæ terræ partēs, gregibus alendis, & frugibus producendis, aptæ; *pascua deserti*, sunt loca graminoſa, pecoribus inservientia: quæ מררי stylo Script. adpellantur, q. d. locum patens, pastui aptum, ubi peccora possunt agi.

D

Quod

Quod a Doctis ^a abunde demonstratum, & ex ipsa verbi ^b potestate, quæ in serie & ductu rerum se invicem sequentium sita est, facile eruitur. Quare *pascua* ei recte adiunguntur, quæ voce נָחַם exprimuntur, uti habuimus Pf. xxiii: 2. & Jer. ix: 6. *Colles & valles* cum explicatione non indigeant, de voce נִירִים aliquid est dicendum. Sunt, qui *arietes* intelligunt, & *induere oves*, de eorum cum ovibus congressu ad fœtificationem interpretantur. Quod maxime exornavit Cl. Schultens ^c: sed *duo* maxime obstant; *alterum*, quod illud minus ad rem hic faciat, ubi de summa ubertate omnium rerum agitur; non itaque *arrietum* cum *ovibus* congressus tam, quam gregum magna copia expresse debuisset memorari; *alterum*, quod seq. membrum, *operientur valles tritico*, exigat, similiter capiendum esse antecedens membrum; adeoque נִירִים notare *locum*, & sensum esse, *eum esse vestiendum* ovibus, vel gregibus. Nec tamen in facili est, vocis נִירִים notionem ad *locum* aliquem designandum transferre. Vulgo *pascua* intelliguntur, sed sine solido fundamento; nec ad rem hoc loco, cum modo נָחַם jam fuerint memorata. Mihi, si vox retinenda sit, nihil videtur aptius, quam ut in genere *regiones* intelligantur, alias dictæ נִירִים pro נִירִים, proprie loca *orbiculata*, ^a כּוּר *gyravit, orbiculavit*, inde *vicus, urbes*, a forma rotunda, ac *regiones* tandem *late patentes*: de quo vid. Rev. Hackman. ^c. Sic Jes. xxx: 23. *pascent pecora tua illo tempore כּוּר in regione late extensa*. Qualis fuit, ex gr. in Cananæa regio *Saron*, כּוּר pro כּוּר *planities magna*, *pascua* valde & gregibus celebratissima ^d. Quod si minus sufficiat, nihil suppetit, quam ut pro נִירִים legatur cum Meibomio, cui, licet non nominato, adstipulatur nuperus Criticus Haubigant, הָרִים *montes*; notissima ovium & caprarum loca, uti Bochartus ^e ostendit, & montes *Bafan & Carmel* in Cananæa, alique comprobant. Commendat insuper oppositio

vallium

^a Vid. Cl. Hæfæus Bibl. Brem. cl. 1. fasc. 2. ^b Anim. adh. l. ^c Anim. p. 156. ^d Vid. Bochart. H. p. 1. l. II. c. 48. ^e Ibid c. 46.

vallium in membro seq., sicut vers. 13. *pascua deserti* & *colles*, ita hic *montes* & *valles*, recte junguntur.

§. XX. De omnibus hisce locis sequentia prædicantur. 1. *stillabunt*, nimirum *adipe* ex orbitis Dei defluente; quæ vox ex præced. facile suppletur. Indicatur, *pascua* fore copiosa, & pingua, quæ oves reddunt *pingues*, & *agros* fertiles, qui pingues proferunt fruges, *triticum*, ut mox occurrit, & alios fructus delicatos, etiam *mel* & *mustum*: ut est Joel. iv. 18. Am. ix. & alibi. 2. *exultatione*, vel choreis, *cingentur*, cum pecorum, ibi exultantium præ lascivia, respectu, tum *segetum* ridentium & se agitantium. Ducit quoque verbum *cingi* ad summam copiam pecorum & frugum se invicem prementium, & arcte adherentium. Radix *נח* originem habet in *arctatione*, undique *adstricta*, unde *arctare* lumbos pro arctiore vinculo substringere circumquaque, & *נח* pro *cingulo*. 3. *Vestiri* & *operiri* de montibus & vallibus respectu *ovium* & *tritici*, summam quoque & lætissimam copiam gregum & frugum denotat; ut facile patet, & satis tritum est, etiam apud Gr. & Lat. .

§. XXI. β. Beneficio, bonitatis Dei luculento specimine & effecto, duobus articulis, per gradationem, descritto, subjungitur vers. 14. *jubilabunt*, *etiam canent*: h. e. *clangent non tantum*, ut in victoria & *triumpho*, voce & buccina, sed & canticis, *rite dispositis*, Deum celebrabunt. *Prius* inconditum denotat clamorem & sonum, ex lætitia ortum; sed posterius arte compositum, & rationalem magis cantum, in laudes Dei exprimit: quod itaque, tanquam majus quid Deo & homini convenientius, recte subjungitur, per *etiam*: quæ particula vim suam retinet, non nude connectendi, ut putatur, sed & exaggerandi. *Prius* quoque verbum apte ad lætitiæ signa in genere refertur, & *posterius* in specie ad *laudes Dei*, per cantum & psalmodiam celebrari solitas: quod, quia *priore* majus est & excellentius, ac pietatis & gratitudinis indicium, recte habet *etiam*,
D 2 præfi-

¶ Vid. la Cerda ad Virg. G. 11. p. 322.

præfixum: quod Clericus etiam vidit, qui supplevit *Deum* canent. Sed quinam sunt, qui *jubilarent & canerent*? Communis fere hypothesis est, terram ejusque fruges & animalia excitari ad jubila & cantica, sive per *personæ fictionem*, sive quod materiam jubilandi & canendi præbitura sint hominibus: sed longe rectius de *incolis terræ*, vers. 9. memoratis, hic cogitatur, 1. quia iis magis conveniunt, & *cantare* proprium est. 2. quia de *exultatione* collium, vallium & pascuorum, jam actum erat, vers. 13. 3. quia pericopa eodem modo finitur, quo præcedens vers. 6—9. ubi *incolæ finium terræ* dicti fuerunt timere ac lætum canere; adeoque & hic *incolæ* illi sunt mente intelligendi. Quod recte vidit Meibomius, sed male supplevit & addidit, tanquam excidisset, *omnes timentes Jeboræ*, quod supervacaneum est & arbitrarium.

§. XXII. Ceterum cum *eodem* hæc pericopa manifeste tendat, quo superior, *scopo* ejus explicando non necesse habeo inmorari. Alluditur ad fertilitatem terræ, quæ ejus sterilitatem exceperat, tempore compositi Ps., sed indicatur simul, 1. Deum se non *relinquere intestatum* incolis terræ *benefacientem*, *cælitus dantem pluvias & tempora frugifera*, ac *animos alimento & lætitia replentem*, Act. xiv: 17. 2. orbem suo tempore in gratia visitaturum, & omnis generis benedictionibus, corporalibus non tantum, sed & spiritualibus, esse repleturum, cum *annus bonitatis ac complacentiæ* Dei adluxerit, & terra sit ornanda hominibus, qui fidei & pietatis fructus sint daturi ad laudes Dei: vid. Jes. xxx: 23. & quæ ibi adtulit Cl. Vitringa, nec non Coccejus ad nostrum Ps. Nobis illud tetigisse suffecerit.





P S A L M. LXVI.

1. *Præcentori canticum, Psalmus. Jubilate Deo tota terra:*
2. *Pfallite gloriam nominis ejus, ponite gloriam coruscæ eminentiæ ejus.*
3. *Dicite Deo: quam verendus es operibus tuis in spissitate roboris tui! abnegabunt se Tibi hostes tui.*
4. *Tota terra adorabunt te, & cantabunt Tibi, cantabunt nomen tuum. Sela!*
5. *Ite & videte molimina Dei, verendi arduo opere, coram filiis hominum.*
6. *Convertit mare in siccum, fluvium transibunt pede, ibi latibimur in ipso.*
7. *Qui robore suo dominatur in perpetuum, gentes speculabitur, refractarias illas, ne extollant se.*
8. *Benedicite populi Deo nostro, & audiri facite vocem laudis ejus.*
9. *Qui inprescit animam nostram in coagmentationes, nec tradidit pedem nostrum lapsui.*
10. *Quia probasti nos, o Deus! conflasti nos, sicut conflare argentum quis solet, vel secundum conflationem argenti.*
11. *Intrare nos fecisti in arcem tanquam rete, inprescisti pressuram artissimam in lumbos nostros.*
12. *Inequitare fecisti hominem capiti nostro, & emicare nos fecisti in irrigationem, vel recreationem.*
13. *Intrabo domum tuam per adscensiones, solvam tibi vota mea,*

14. *Quæ ruperunt labia mea, & os meum pronunciavit, cum mihi erat angustum.*
 15. *Holocausta medullata offeram Tibi cum nidore arietum, faciam boves cum hircis. Sela!*
 16. *Ite, vel agite, audite & narrabo, o omnes timentes Dei! quod anima, vel vitæ, meæ fecit.*
 17. *Ad ipsum ore meo clamavi, & exaltatio est sub lingua mea.*
 18. *Inanitatē si vidi in corde meo, non audiret Deus.*
 19. *Profecto exaudivit Deus, attendit vocem precationis meæ.*
 20. *Benedictus sit Deus! qui non removit precationem meam a se, & benignitatem suam a me.*

P R O L E G O M E N A.

§. I.

ARgumentum Ps. est publica nominis Dei, summopere nunc glorificati, celebratio, cum gratiarum actione, solenniter facienda, conjuncta, quam illustris aliquis vir, hic loquens, faceret pro populo & se ipso, & ad quam omnes excitat terræ populos, super miraculosa plane liberatione ex summis & insuperabilibus angustiis, ex hostium invasione partim, partim aliunde ortis, in quas populus cum ipso, dein ipse solus, erat conjectus; quæ tanta habuit potentiaæ Jehovæ, ejusque bonitatis erga populum suum, signa, ut per orbem percrebresceret, & omnes populi excitari potuerint ad nomen Jehovæ publice celebrandum. Incipit mox ab excitatione totius terræ ad Jehovam, Deum Israelis celebrandum, formula quoque incolis terræ, qua id facerent, præscripta: ad quod ut permoverentur, ipsos vocat ad contemplationem mirabilium Dei moliminum, nunc
 in

in gratiam populi Dei patratorum, haud absimilium antiquis illis miraculosis liberationibus, quum mare Rubrum, & Jordanem exsiccatum transierunt. Quo facto, eos ad Deo Israelis benedicendum incitat, ratione petita a miraculosa liberatione a morte & ruina, populo Dei nunc concessa. Quando, periculi, in quo fuerant ipse & populus, descriptione facta, & liberatione memorata, se paratum profitetur ad Deum in Templo publice celebrandum, & vota, in angustiis concepta, solvenda. Denique sese vertit ad singularem suam liberationem piis enarrandam, in signum pietatis suæ, & ad piorum omnium consolationem in simili casu; & desinit in solenni benedictione Dei super exauditione precum suarum.

§. II. De cujus argumenti conspectu, characteribus personæ loquentis, status populi ac temporis, ut recte judicetur, sequentia sunt ad animum revocanda. 1. *Primum* est, loquentem esse sicut pietate, ita dignitate, illustrem. De pietate facile constat, sed & ipse ejus indicium profert, vers. 18. *Dignitas* ejus vel ex eo elucescit, quod totius populi personam gerat, & ejus nomine loquatur & agat; beneficium populo concessum ipse in sing. num. dicit se celebraturum in Templo, vers. 13, 14. 2. *Secundum* est, duplex beneficium Dei memorari, tanquam materiam celebrationis Dei, *alterum*, quod cum populo habebat commune, *alterum*, quod ipsi privum erat, & ad preces ejus pias in ipsum collatum. Cujus utriusque indicium est, non tantum in eo, quod si unum & idem foret vers. 9 & 16. memoratum, repetitio supervacanea sit habenda, sed in primis, quod vers. 9. populum sibi adjungat, in plur. loquens; deinceps vero vers. 16. de se solo in sing. loquatur. 3. *Tertium* est, quod *status*, unde cum populo vindicatus erat, fuerit a. summe periculosus, a ruina populi proximus, vers. 8—11, 12. b. contumeliosus, cum publicis conviciis conjunctus, vers. 12. c. ineluctabilis, qui populum cum ipso in summas conjecerat angustias, vers. 11. d. ab hostium super-

superborum invasione ortus, vers. 6, 7. & inprimis 12. e. qui speciem *probationis* divinæ prætulit, vers. 10. salva tamen adhuc metropoli & arce, salvo Templo & cultus sacri exercitio. Quod vers. 11, & 13. innuitur. In voce מִצִּיּוֹן ad *arcem* Davidis, Tſionem, adluditur, & nihil de Templo profanato, aut cultu cessante, habetur, contra, mansisse utrumque integrum, supponitur vers. 13. 4. *Quartum* est, liberationem plane miraculosam fuisse; similem illi, qua per mare rubrum siccatum, & Jordanem transierunt olim; vers. 6. in qua singulare & arduum Dei molimen fuit conspicuum, vers. 6. quæque ulteriorem hostilium regnorum depressionem præfiguravit, vers. 6, & 7. 5. *Quintum* est, celeberrimam fuisse liberationem, quæ per orbem personuit, & Deum Israelis valde exaltavit cum populo ejus inter Gentes. Quod adhortatio ad Deum Israelis celebrandum, gentibus per orbem imperata, manifeste pro hypothesei habet.)

§. III. Hæc, quæ adtuli, qui adverterit, nullo negotio perspexerit, Psalmum 1. tempore Davidis non fuisse compositum, cum ejus tempore ejusmodi calamitas & periculum populo Israelis non contigerit, nec talis concessa fuerit liberatio, quæ sine ope humana a Deo miraculose est procurata: nec tamen ullo indicio constat, de iis rebus hic prophetice agi; contra, & status populi, & ejus liberatio, tanquam præsens ob oculos ponitur. Frustra itaque sunt, qui aut Davidem pro autore habent, cujus nomen non fuisset silentio involutum, aut ad tempus Davidis adplicant; quod demonstrare nequeunt, argumento Ps. congruum. 2. Nullum tempus, durante œconomia V., adcommodatius occurrere eo, quo Hierosolyma est a Senacheribo tentata, & miraculose liberata, Hizkias ipse e gravi morbo mirabiliter est sanatus. Quadrant quidem multa in tempora Epiphanica ac Maccabaica, ad quæ aliquando retuli canticum; sed alia obstant, in primis *secundum* & *quartum* criterium; nec omnia, quæ ad statum periculosum populi definiendum adduxi, in illud conveniunt, ut quod de Templo, Hierosolyma

solyra & cultu sacro falvis dixi. Tempori Hizkiæ cuncta criteria tam exacte respondent, ut, tunc factum esse canticum, nullus dubitaverim, sive ab Hizkia ipso, aut alio poeta sacro: quemadmodum similia cantica alia tunc sunt ad miraculosum illum eventum celebrandum composita, ut ex. gr. XLVI. & CXXXIV. quod alibi demonstravimus. In hac itaque hypothese acquiescimus; & Pf. censemus factum post liberationem populi ab Assyrio, & Hizkiæ a morbo. Quæ utraque hic, tanquam facta, celebrantur.

§. IV. *Scopus* cantici est, 1. gloriam nominis Dei, seu potentiae, justitiae & gratiae, in Assyrio mirabiliter prostrato, & Hizkia quoque sanato, conspicuam, cum gratiarum actione publice celebrare; & ad illud faciendum omnes alios excitare. 2. illustrissimi hujus eventus verum conspectum & usum tradere; quatenus *α.* providentiae Dei, qua mundum gubernat, & populum suum curat, illustre specimen erat, quo Israelitæ convinci, & ad Deo fidendum, eumque colendum, permoveri poterant. Quo etiam oculo consideratur, Jes. xxx & xxxi. *β.* Signum & pignus erat destructionis regnorum hostilium, & populi Dei continuæ conservationis ac liberationis; quo vers. 3 & 7. digitus haud obscure intenditur, & Jes. xiv: 24—26. clare indicatur. *γ.* materiam & rationem præberet Gentibus per orbem Deum Israelis reverendi & celebrandi. Quo tendit prima pars Pf. vers. 1—8. & Pf. XLVI: 11. diserte traditur. *δ.* Denique tanquam in emblemate et typo exhibeat liberationem Ecclesiae Christi ab hostibus carnalibus et spiritualibus, nec non inde ortam Gentium conversionem, et nominis Dei per orbem celebrationem. De quo vid. Cl. Vitringa ad Jes. xiv et xxxii. Quod prima Pf. pars, modo citata, omnino quoque innuit.

§. V. Ex quibus cum de *usu* Pf. facile constat, dignissimum etiam esse, qui *Præcentori* inter sacra canendus traderetur, sicut inscriptio habet; ad *structuram* ejus, et *partes* pergo. Ad *structuram* pertinet, sermonem *primo* ad populos

los terræ dirigi, qui ad Deum Israelis super hoc mirabili opere laudandum, et celebrandum, excitantur, *dein* ad Deum ipsum, cui gratum animum, omni modo demonstrandum, pro tanto beneficio, quod fufius describit, promittit et testificatur; *denique* ad pios et timentes Jehovah, quibus peculiarem suam liberationem, ad ipsorum instructionem, enarrat. *Stylus* nihil habet singularis, facilis est, sed adfectuosus et emphaticus. *Partes* Pf. sunt *generales* duæ; quarum *prior* de beneficio liberationis, populo mirabiliter concessio, a gentibus celebrando, et a populo Dei grate agnoscendo, agit vers. 1—15. *posterior* privam liberationem, in miraculosa sanatione sitam, commemorat, tanquam pietatis ejus fructum et signum vers. 16—20. Cujus utriusque partis membra in seq. exhibebo.

A N A C R I S I S.

§. VI. Interpretes quidem valde secum in hypothesi Pf. exponendi dissentiant, dum alii ad Davidem adplicant, alii generale volunt ejus esse argumentum, quo populi terræ excitantur ad Jehovah ob præclara ejus opera celebrandum, alii ad Judæorum ex Aegyptiaca servitute, aut Babylonico, vel præfente exilio Romano, liberationem, alii ad Ecclesiam Christi referunt, vel in principio evangelii, vel quando ab adversitatibus et hostibus liberata est, ne alios memorem. Sed omnes errant in tempore compositi Pf. definiendo; quod si nobiscum rite fixissent, in hypothesi Pf. non potuissent hære. Explicandus itaque est de mirabili liberatione, populo et Hizkie concessa tempore Senacheribi, et ad eam adplicanda est, in vero suo conspectu, supra memorato, consideratam. Quæ hypothesi, sicut sponte sua, admissio modo tempore facti Pf., sese commendat, ita firmatur, quod nullum tempus sit Ecclesiæ Judaicæ, cui æque conveniat; ad Ecclesiam Christi nulla sit ratio cum di-
recte

recte applicandi, contra sit, quæ impedit, ut quod de cultu Levitico in Templo occurrit, vers. 14. ne alia memorum.

EXPOSITIO.

§. VII. In priore parte generali a. populi terre excitantur ad Deum Israelis laudandum ob præclara ejus facinora, in superbis hostibus reprimendis, & populo Dei liberando, vers. 1—9. b. autor Ps. sese paratum profitetur ad Deo gratias publice agendas pro miraculosa liberatione sui statu summe afflictio & desperabundo per hostis superbi & truculenti invasionem; vers. 9—15. c. In sermone excitatorio ad populos terre, eos adhortatur a. ad Deum celebrandum vers. 1—7. ß. ad ei benedicendum, vers. 8. d. In priore parte a. excitantur populi ad Deum extollegendum, vers. 1—4. b. Invitantur ad mirabilia Dei opera, in gratiam populi sui facta, consideranda, ut inde ad Deum laudandum permoveantur, vers. 5—7. e. In sermone excitatorio 1. excitantur simpliciter vers. 1, 2. 2. formula carminis in laudem Dei in ore traditur, vers. 3, 4.

§. VIII. 1. Simplex excitatio ita sonat, vers. 1, 2. *Jubilate Deo tota terra; psallite gloriam nominis ejus; penite gloriam celebritatem ejus*, h. e. vos totius orbis, quam late patet, incolæ, sicut rationem habetis & materiam Deo jubilandi, & nomen ejus glorificatum carmine celebrandi, ita fas est, ut faciatis, uti faciatis aliquando. Sermo vertitur ad *totam terram*, seu incolæ, quare cum verbo plurimum. constructur, non *Judeam* aut *Cananeam*, sed & *totum orbem*, uti amplitudo phrasios indicat, & sequentia requirunt, ubi *populi* adpellantur vers. 8., & loquentes, qui *Judei* sunt, ab iis distinguuntur. Sermo vero est adhortatorius, quo excitantur ad Deum glorificandum, ut significetur, eos rationem habere & materiam hoc agendi, eorum

esse officium quoque, cum Deus Israelis sese tam illustrissimo modo conspicuum reddidit, & celebrem coram toto mundo, hostes tam mirabiliter prosternendo, & populum suum vindicando: denique insinuat, multos id facturos esse, & hoc tempore, & deinceps; quum Deus sese in hostibus delendis, & populo salvando, gloriosum majore emphasi sit inter Gentes manifestaturus; ut sub Messia factum, & per hoc Dei facinus expictum est. Hoc scopo hortatur poeta populos terræ, ut *Deo jubilent*, (in signum victoriæ de hostibus reportatæ & triumphæ,) *nominis ejus gloriam psallant*, (nomen ejus hinc valde exaltatum ac glorificatum psalmis celebrent. Vid. Ps. xxix: 2.) *ponant gloriam celebritatem ejus* (vel, *dent gloriam celebritati ejus*, eam confitendo & extollendo, ut Jos. vii: 19, vel *ponant gloriam ad laudem ejus*, monumentum gloriæ ejus erigendo, & dedicando, in perpetuam Dei laudem. Verbum enim שׁוּם *ponere* subinde pro erigere, dedicare, monumentum sumitur: ut alibi observavimus ad Ps. l: 23. Jer. xi: 13. xxxi: 22. xxxii: 20. Interpretes varie instituunt, quos suo loco relinquo. Gejerus ad constructionem verbi שׁוּם *ponere* cum duobus accus. attendens, vertit *ponite gloriam laudem ejus*, & interpretatur, *efficite, ut gloria*, seu gloriosissima, *sit laus ejus*. Qui minime facilis & elegans est sensus. Syrus reddidit: *canite honori laudis ejus*; qui legisse videtur שׁוּם pro שׁוּמו, & קבִיר pro קְבוּר in statu constructo: quæ non est spernenda lectio, cum quod titulo שׁוּם מְמוֹר respondeat; tum quod sensum egregium fundat, modo תהלה sumatur pro *splendore ex alto radiante*, & potentia Dei eminente ac coruscante: quæ propria est vocis notio, in *vibratione coruscante* sita ^a. Sed, ea notione admissa, recte quoque verbum שׁוּם *ponere* vel dedicare retinetur, ut sit, Deo ponere, vel dedicare gloriam eminentis ac coruscantis majestatis, uti modo, *gloriam nominis ejus canere*. In quo potius

^a Vid. ad Ps. x: 3.

potius acquiesco, etiam quia in cantico Moſis Ex. xv: 11. *verendus* celebratur מְרִא corusca majeſtate.

§. IX. 2. Formula hymni in laudem Dei, ad quod officiū populos excitaverat, quam iis præſcribit, ita habet verſ. 3, 4. *Dicite Deo: quam verendus es operibus tuis, in ſpiſſitate roboris tui abnegabunt ſe tibi hoſtes tui. Tota terra adorabunt te, & cantabunt tibi, cantabunt nomen tuum. Sela!* h. e. Hæc eſto ſumma carminis, quod vobis modo canendum injunxi. Verendus & terribilis es, o Deus! ſummopere, & plusquam exprimi poteſt, in *operibus* tuis magnificis, quæ de ſumma & invincibili tua potentia teſtantur, quorum illuſtriſſimum dedisti ſpecimen, in hoſtibus populi tui proſternendis, & populo tuo vindicando: adeo ut hoſtes tui ſeſe ad te convertere, ſeu majeſtatem tuam ſubmiſſe, & cum abnegatione ſui, revereri ac adorare, imo tota terra, ſeu orbis incolæ quaquaverſum, coram te ſe incurvare, nomenque tuum magnificum in laudes tuas celebrare debeant; uti facient aliquando. Relegamus verba, & explicemus. *Dicite*, (ſcilicet cantando; quem uſum verbum מְרִא ſubinde habet, de quo ad Pf. xxxv: 10. dixi, & alibi ad Pf. cxviii. & Jer. xxiii: 11. Mal. 1: 5.) *Deo*, (non *de* Deo, ut alii, ſed *Deo ipſi*; in ejus laudes, & animis ad Deum elevatis, ut mox verſ. 4. *canite ipſi*; &, quod recte advertit Gejerus, ſermo ad Deum vertitur in ſeq. Præterea *Deo noſtro*; ut verſ. 8. *benedicite populi Deo noſtro*: absolute *Deus* adpellatur, quia, ſolus verus erat Deus,) *quam verendus operibus tuis in ſpiſſitate potentiae tuæ*, (cohærent enim hæc verba, & ita, ut feci, vertenda ſunt; ו per ellipſin in מְרִא intellecta ex ſequentibus: ubi expreſſe occurrit. Littera illa ſubinde in prima voce reticetur, & in ſequenti exprimitur: ut obſervavi ad Mal. 1. Alias reddi ſolet: *verendum*, pro *verenda opera tua*, in *multitudine*, ſeu propter eam, *potentiae tuæ tibi mentientur hoſtes*; ſed rectius מְרִא ad Deum refertur, ut mox verſ. 6. & alibi Pf. Lxviii: 36. Lxxvi. 8, 13. Lxxxix: 8.

E 3

Ez. xv.

Ex. xv. 11. & aliis in locis, ut recte notavit Gejerus, & *verendus* vertitur, proprie, cui *adremiscitur* corpore vibrato; si ad primigeniam potestatem radices *in vibrari*, tremulo q. motu agitari, attendas: cui apte respondet, quod sequitur, *se tibi abnegabunt hostes*; de quo mox. Præterea sequentes voces, *in spissitate roboris tui*, construenda sunt, ut dixi, & sensus est, Deum esse tremendum *in operibus ejus*, ac *spissa potentia* per ea manifestata. Phrasis *in operibus in abundantia potentia*, dicit, in operibus, quæ de multa & summa potentia testantur: *in* proprie *spissum* ac *densum concretum* denotat, inde multitudinem, copiam & abundantiam, uti *densum* Lat., tenui & raro oppositum, *in* vero *valer invictum*, & omnia superans. Cujus respectu *verendus* recte adpellatur, ut facile patet, & quidem *summe verendus*; quod particula *in* *quam verendus es*, indicat; præterea genibus, quæ talis, injungitur *celebrandus*, quia illustrissimum dederat potentiaæ suæ specimen in opere magnifico, quo Assyrios deleverat, & Judæos liberaverat. Quo hic primo loco respicitur; de quo ad vers. 5tum.)

§. X. *Abnegabunt se tibi hostes tui*, (scilicet, Assyrii superstites, & alii qualescunque populi vicini, populo Dei hostiles, hoc potentiaæ tuæ specimine absteriti, se tibi submittent, cupiditatibus suis renunciantes in gratiam tuam, sive vere, sive fide & ex metu; quod verbo *in* non definitur. Phrasis, *negare Deo*, id enim *in* denotat, sensum etiam habet reciprocum, dicitque, *negare se Deo*, h. e. se abnegare in gratiam Dei; seu commoda sua Dei voluntati subicere, sive vere, sive fide; non enim *mentiri* dicit, ut putatur, sed *negare*, abnegare: de quo egi ad Ps. xviii: 45. & lxxxii: 16. Factum id est tempore Hizkiae; ut ex historia constat, 2 Chron. xxxii: 22, 23. fieri deberet ab omnibus; & fieret etiam aliquando. Quæ omnia hic involuta sunt verbo fut. temp.) *Tota terra adorabant te, & psallens nomen tuum.* (Quæ eodem modo, quo superiora, intelligenda sunt, nec aliquid habent difficilis; tantum not. differencia

rentia inter *psallere tibi*, & *psallere nomen tuum*: prius est in laudem tuam, posterius materiam & argumentum psallendi, *nomen* scilicet Dei, comprehendit. Vid. Ps. XLVII: 7.

§. XI. *b.* Ad hoc officium Deum Israelis celebrandi ut & sentirent obligatos, & magis excitarentur populi terræ, eos vocat ad contemplandum, ac prudenti oculo considerandum in vero suo conspectu & consequentibus, *molimina* Dei ardua & mirabilia, in gratiam populi Dei nunc facta, vers. 5—7. quemadmodum Ps. XLV: 9. quoque fit. Continet autem pericopa *a.* propositionem, vers. 5. *β.* ejus deductionem vers. 6, 7. *γ.* Propositio, vers. 5. ita habet: *ite & videte molimina Dei verendi ardua opera, coram filiis hominum*, h. e. agite, ad animum revocate, & adente in omni complexu suo considerate stupenda Dei, qui verendus & terribilis est in opere suo, molimina in conspectu totius terræ nunc facta. Respicitur manifeste ad opera Dei nunc effecta, in Assyriis prostruendis, ac populo Dei liberando: sunt enim posta, ut *venit & viderent ea*, & eo quidem scopo, ut inde ad Deum celebrandum excitentur. Adpellantur *molimina* Dei, h. e., vi & usu vocis, ardua, illustria & potentissima, facinora, de Dei maiestate ac potentia testantia; qualia nunc ediderat in Assyriis delendis: Deum vero ipsum dicit esse *verendum*, terribilem in opere arduo & magnifico, ut Deum, tanquam obiectum metus & reverentiae, alterius ipsis ob oculos poneret, & Deum, qua talem, nunc sese prestitisse inculcasset. Pertinent vero ee voces ad Deum, quocum construende sunt, ut in versione expressi. De voce *verendum*, que ardua dicit facinora, repetitis vicibus velati exantlata, vid. Cl. Schultens *e.*, ubi fere de hac radice agit. Denique ultime voces, *coram filiis hominum*, conjungende sunt cum primo membro, *videte molimina Dei*, intermedia enim epitheton Dei, ut dixi, continent, & vertende sunt *coram filiis hominum*, ut *verendum* sit pro *verendum*; que vox *verendum* facilius subintelligitur, quod per

per similem יב; quæ sequitur, fuit absorpta. Sed subinde quoque absolute pro *coram* sumitur *. Indicatur, opera illa Dei fuisse *publica*, adeoque illustria, ut lucem quaqua-
versum sparserint in oculos hominum.

§. XII. β. In *propositionis* deductione traditur illustris huius moliminis verus conspectus, in eo situs, quod antiquis Dei moliminibus, quibus populus ab Aegyptiorum oppressione vindicatus, et in Cananæ possessionem miraculose immissus erat, respondeat, & hostilium populorum subjectionem, ac populi stabilem felicitatem prænunciet, & tanquam in emblemate exhibeat. De quo conspectu supra dixi. Huc existimem tendere verba vers. 6, 7. *Convertit mare in siccum, fluvium transibunt pede, ibi latibimur in ipso. Qui robore suo dominatur in perpetuum, gentes speculabitur, refractarias illas, ne extollant se*, h. e. sicut molimen Dei, nunc præstitum, antiquo illi, quo populum per mare rubrum & Jordanem miraculose duxit, & hostes, tanquam potentissimus Dominus, adspectu suo terruit ac protrivit, simillimum est, ita, cum dominator potentissimus sit in æternum, haud absimiliter populum suum potenter in posterum vindicabit, & gentes refractarias, ne se extollant superbe & hostiliter, reprimet. Verba artificiose & concinne ita sunt composita, ut de præterito simul & futuro accipi debeant: alia enim in præter. occurrunt, alia in fut., ut de utroque tempore cogitaremus; adeoque præsens Dei molimen repræsentaretur, tanquam præterito simile, & futuri præludium. Conjungenda itaque sunt præter. & fut., & verba ad utrumque tempus referenda, ut *vertit mare in siccum*, sit, vertit, & vertet; *transibunt fluvium*, sit transierunt & transibunt: quo etiam facit epitheton Dei, quod inseritur, quo *dominator potentissimus* adpellatur *in æternum*. Ceterum versus ita sunt dispositi, ut *sextus* contineat beneficium in populum Dei collatum, vers. *septimus* vindictam ab hostibus sumtam. Relegamus, his præmissis, verba. *Con-*
vertit

* Nold, part. p. 551.

vertit mare in siccum, fluvium transibunt pede, ibi lætabimur in ipso, h. e. mare & fluvium exsiccat in gratiam populi sui, transierunt per mare & fluvium pede suo, & ibi lætati sumus, vel, nos illi, qui transierunt, lætati sumus. Respici ad miraculosam exsiccationem maris rubri, & Jordanis, populi que per utrumque transitum, facile in oculos incurrit, & observatum jam est. Sed, præterquam quod præter. & fut. tempora misceantur, uti modo notavi, duo, minus etiam tria, adhuc observanda sunt. 1. *Alterum* est, voces, elegantiae causa divisas, hac ratione esse concinnandas, ac si legeretur, *convertit mare & fluvium in siccum, transierunt per utrumque, ibi lætati sumus*. Exsiccatio enim, ut & transitus, æque mari ac fluvio competit. 2. *Alterum* est, mutationem personæ tertiæ, *transibunt*, in primam, *lætabimur*, ex suppleto *non* in *transibunt* esse explicandam; ut oratio plena sit, *nos illi, qui transibunt, lætabimur*. Quales mutationes personarum, ea ratione explicandæ, satis frequentes sunt. Habuimus exempla, Ps. LX: 10, & LXII: 5. & alibi.

§. XII. Judicium Dei in populos improbos & hostiles, his verbis effertur; vers. 7. *Dominator in robore in seculum: oculi ejus gentes speculabuntur, refractarias illas, ne efferant se*. Respicitur quoque ad Aegyptios & Cananæos, oculo Dei minace in eos coniecto perterritos & prostratos: quod de Aegyptiis, mari rubro immerfis, diserte habetur Ex. XIV: 24. & de Cananæis insinuat, Jos. X: 10. Ad structuræ & verborum intellectum not. est. 1. In primo membro subintelligendum esse *non qui*, cui respondet relativum *ejus* in phrasi, *oculi ejus*; ut sermo hac ratione digeratur: *Ejus, qui dominatur — oculi —*. 2. Epitheton Dei, quo *dominator* adpellatur *in robore in seculum*, (id enim עַלֵּים pro עַלֵּים hic denotat, ut notum est,) hic inseritur, ut, quod Deus olim fecit, & nunc facere potuisse, ut fecit, & in posterum facturum, cum sit dominator potentissimus in perpetuum, significaretur. Vocabula sunt valde emphatica, כַּסַּל in origine est, *pressit, premente manu tractavit*,

vit, unde inter alia ad *dominium* transit *ἀντρος* *εὐροανός*, & omnia penetrans; de quo vid Cl. Schultens *, sic Pl. ciii: 19. *regnum ejus בכל משרה in omnia vim inibet effetricem illam.* Additur, *emphasios augendæ ergo, בנבורה in robore suo, proprie vi prævalente, victrice & victoriosa.* 2. Verbum נאח proprie est *ἀνγάζειν splendere*, & metonymice *oculo splendido lustrare*, nitidissima acie inspectare, adeoque *speculari*, æque in bonum ac malum, ut Prov. xv: 3. *omni in loco oculi Jehovah, speculatores bonorum & malorum.* Hic in malum sumitur, dicitque, e specula captare, & ita alicui ex alto imminere: Pl. xxxvii: 22. *speculatorem agit improbus iusto*, & Job xv: 22. *captatus ille e specula ad gladium, h. e. destritus ensis super impia cervice velut e specula Dei imminet* †. Sed respicitur hic simul ad Dei speculationem e columna nubis & ignis in exercitum Pharaonis in mari rubro, Exod. xiv: 24. ut modo notavi, & sese facile commendat. 3. Epitheton חסררים *refractarios illos* construendum est cum נאח *populis gentilibus*, quorum mentio modo erat facta, & eorum characteres ducit, quibus Deus acribus suis oculis ex alto imminet: sicut olim fecit Aegyptiis, ita nunc in posterum: quibus hoc epitheton apte convenit. Radix proprietatem habet in *scissione*, seu *fissione* cum acri sonitu; & ex sono ficta est. Hinc ad *refractarium*, protervum & contumacem, transit חסר Deut. xxi: 18. qui sanctissima vincula violenter perfringit, ut Pl. ii., & sese Deo ac populo ejus præstat protervum ac pervicacem; qualis olim fuit Aegyptius, nunc *Affyrius*: deinceps Syri, Judæi & gentiles Pl. ii. Denique 4. *scopus* speculationis Dei in gentes protervas memoratur, his verbis: *ne efferant se*; ut reddi debent, scilicet superbe & insolenter agendo contra Deum & homines: uti Pharaon & Senacheribus, aliique fecerunt: quod nemini non constat.

§. XIII. β. Alterum officium, quod gentibus injungit una cum ejus ratione, his verbis profertur; vers. 8, 9. *Benedicite populi Deo nostro, & audiri facite vocem laudis*

a Ad Prov. i: 1.

b Id. ib. & c. xxvi: 23.

ejus:

opus: qui inpressit animam nostram in coagmentationes, nec tradidit pedem nostrum lapsui, h. e. laudationi & celebrationi Dei, quam vobis præcepi, adjungite submissam reverentiam, & gratiarum actionem, omnibus modis & signis demonstratam, propterea quod nos a morte & lapsu liberavit, & vitam nostram reddidit firmam & felicem. Adloquitur non Judæos, ut nonnulli putant, sed Gentiles, uti supra, se enim & populum Dei ab iis distinguit, cum Deum nostrum dicit, quem a populis vult honorari. Injungit ipsis benedictionem Dei, & laudis ejus publicum præconium; adeoque submissam adorationem, venerationem, & gratiarum actionem, omnibus signis, in specie donis & muneribus, Deo oblatis demonstratam. Radix נִי proprie dicit plicare; unde ad genu maxime plicatile ductum cum nova virtute genuplicandi, inde pro reverentia seu adoratione, in genu flexione demonstrata, nec non fausta comprecatione & benedictione, sive ore, sive donis & muneribus, quæ nomine נִי veniunt, &c. Quo officio ut gentes defungantur vult, ut olim regina Sabæa, 1 Reg. x. & Hiram rex Tyrriorum, Salomone rege facto, fecerunt; & populi vicini quoque tempore Hiskie, 2 Chron. xxxiii: 23. facerent etiam postea, maxime sub Messia. Rationem moventem adhortationis derivat a miraculosa liberatione, populo Dei concessa, his verbis: qui inpressit animam nostram in coagmentationes vitales, (h. e. vitam nostram, & reip. nostræ, conservavit non tantum, sed & firmam reddidit, ac prosperam. Selecta est & emphatica locutio, non nisi ex vocabulorum vera emphasi intelligenda. Anima est vita, uti notam, verbum נִי est ponere, imponere, & imprimere, vox נִי significat proprie coagmentationes, compactiones in unum; adeoque illas facultates & virtutes, quibus natura continetur, & firma redditur. Sic Job x: 1. dirupta crepat anima mea in coagmentationibus meis, h. e. onere mihi incumbente gravor, ut diffidiam, absque ut expirare queam propter coagmentationes vitæ firmatas,) nec permisit, aut tradidit, nutationi,

aut lapsui, *pedem nostrum*, (tantum abest, ut nos perire si-
verit, ut firmaverit nos. Quæ nihil habent difficilis.)

§. XIV. 1. Flectit dein sermonem ad se ipsum, & fir-
mum suum propositum, nunc exsequendum, declarat,
Deum pro beneficio liberationis, sibi & populo concessio,
publice celebrandi per sacrificia legitima, vers. 10—15. In
qua pericopa *a.* beneficium recensetur, vers. 10—12,
β. cultus Deo propterea deferendus, vers. 13—15. *a.* In
beneficio explicando *a.* statum afflictum prolixè & emphati-
ce proponit vers. 10—12. *b.* ipsam liberationem memo-
rat, vers. 12. in fin. *a.* In statu afflictio repræsentando
hoc ordine versatur, ut 1. verum ejus conspectum tra-
dat, vers. 10. 2. ipsam afflictionem vivide depingat,
vers. 11, 12. 3. omnia summatim recolligat, vers. 12. in
secundo ejus membro. 1. Verum conspectum & scopum
præmittit, ut de gravi afflictione populi sanum feratur ju-
diciu, his verbis: vers. 10. *Quia probasti nos, o Deus!*
conflasti nos sicut conflare argentum, seu sicut conflare solet,
aut conflatur conflator sive aurifex; subintellecto *וְיָ*, aut
quis alius. Ita enim infinit. *וְיָ* rectè resolvitur; ut ab aliis,
& Gatakero, jam est observatum. Posset etiam infinit.
pro nomine *verbalis* sumi, ut passim apud Arab., & verti, *se-
cundum conflationem*. Sermo vertitur ad Deum, cui sese di-
recte ad grati animi testificationem obstringit. Incipit au-
tem sermo cum *וְיָ quia*, quæ particula cum vers. 13. *in-
trabo domum tuam cum holocausto*, &c. connectenda est, ut
ratio detur, quare Deum publico hocce cultu honoraret;
quia Deus populum ex summa afflictione liberaverat: ut in
fin. vers. 12. habetur: quo illud *וְיָ quia* directe pertinet.
Non enim gratias agere vult, quod Deus populum angustia
adfecerat, sed quod angustiiis pressum eduxerat in statum
liberum & prosperum: ut sensus sit: *quia cum nos probave-
ris; &c. eduxisti nos*, sicut Jes. xii: 1. *Celebro te, Jebowa,*
quia iratus fuisti mihi, resedit nasus tuus, & consolatus es me,
h. e. quia, cum iratus fueris, resedit, &c. ubi Vid. Cl. Vi-
tringa,

cringa, qui locum Matth. xi: 25. apte contulit. Addo Rom. vi: 17. *Grates Deo: quod fuistis servi peccati, obedi-
vistis autem &c.* pro, *quod, cum fueritis servi, obediistis*, nec
non Pf. LXXI: 20. Tradit autem, ut dixi, hoc versu verum
conspectum & scopum afflictionis, in eo situm, quod popu-
lus Judæus respectu fidei & spei ac fiduciæ suæ in Jehovam
fuerit exploratus, simul a *scoriis*, seu peccatis & peccatori-
bus, qui detecti & prostituti sunt, *purgatus* quodammodo.
Eo collineavit afflictio Assyriaca sub Senacheribo, eaque
ratione fuit instituta, ut eum finem producere apta fuerit,
cum populus sub pio rege in tantas fuerit coniectus ca-
lamitates, & Jehova publice fuerit diffamatus ab Assyrio,
populus etiam omni modo per eum excitatus ad Deum ve-
rum deferendum per minas & promissa, simul actum vide-
retur de rep., sola Hierosolyma superstiti, & arctissime
obsessa: quæ gravissima erat *tentatio*: habuit quoque hæc af-
flictio ex parte hunc effectum; perstitit populus in fide &
religione Dei, et liberatus mirabiliter magis est confirmatus,
simul ab occulta idololatria, et vana in hominibus fiducia,
aliisque peccatis purgatus. De quo egregius exstat locus,
Jes. xxxi: 6, 7. de hoc eodem tempore et casu agens; *re-
vertimini pro eo ac profundam fecerunt recessionem filii Israelis.
Quia illo die spernet quisque idola sua argentea & idola sua au-
rea, quæ manus vestra vobis fecerunt, peccatum.* Ubi in seq.
etiam de reformatione Ecclesiæ, inde orta, et impiorum
confusione, agitur. De quibus omnibus legendus est Cl.
Vitringa ad l. c. Solet quoque emblemata *conflationis* ad popu-
lum Judæum adplicari in exilio Babylónico, Jes. i: 25.
XLVIII: 10. In phrasibus nihil est difficile, utique quod
nostra indiget opera.

§. XV. 2. Statum afflictionis et angustiarum per ho-
stem his verbis depingit, vers. 11. *Intrare nos fecisti
in arcem tanquam rete, inpresisti pressuram arctissimam in
lumbos nostros; inequitare fecisti hominem capiti nostro*, h. e.
de loco munitissimo nostro fecisti rete, quo arctissime su-

mus constricti, et coarctati, ut nullum superesset effugium; nosque insuper tradidisti publicæ, et ignominiosæ, insultationi hominis, per se imbecillis, qui nobilissimæ nostræ parti, Deo et religioni ac liberati et salutis nostræ, acerbè conviciatus est, nosque tanquam vilissima jumenta tractavit. Quæ quam aptissime in adflictionem Assyriacam per Senacheribum quadrent, facile intelligitur. Conf. Jes. xxxvii: 13. ubi Hiskias eodem fere modo hac de re loquitur. Percurramus verba, & iis lucem sceneremur. *Adduxisti nos*, (intrare nos fecisti, quod est *נָכַח* *introire*, oppositè ad foras, Hof. vii: 2. Ps. xxvi: 4.) *in munitionem tanquam rete*, (in arcem nostram, alias munitissimam, nos conclusisti, tanquam in *rete*; ut nullus pateat exitus. Hierosolymæ artissima obdicio depingitur, quæ populum tanquam *rete* tenuit conclusum, præ hoste, undiquaque premente. Exferit enim *מִצְדָּתָא* duplicem suam vim, & *arcis* & *laquei*. Radices *צד* & *צד* ejusdem sunt originis, in *unco*, *adunco*, *recurvo ad unguem*; unde *צד* *venari*, Lat. *inuncare*, q. d. unco adacto capere, seu piscem, seu feram, *צד* vero transiit ad cacucumina montium, rupium, *unca adunca*, prærupta, & ita inaccessa: adeoque *מִצְדָּתָא*, quæ a *צד* æque ac *צד* derivari potest, & *arcem* præruptam, & *rete* venatorium denotat. Quæ utraque significatio hic locum habet, & studio captata est hæc ambiguitas, ut de *arce* nunc in *rete* commutata cogitaremus. Quod in rem præsentem est aptissimum. Indicatur enim hac voce, Judæos arcem suam nunc tenuisse tanquam *rete*, quo conclusi sunt ab hoste: uti tempore Senacheribi & Hiskiae factum est. Accedit, Tſionem *צִיּוֹן* *ἱερὸς* adpellari solere *מִצְדָּתָא* *munitiorem*; *arcem*. Comparatio cum *rete* etiam de hoc casu adhibetur, Ps. cxxiv: 7.) *inpresisti pressuram in lumbos nostros*, (fecisti, ut pressura nostros lumbos artissime strinxerit, adeo ut instar feræ coarctatæ & constrictæ nusquam exitus pateret. Radix *ץ*, cui respondet *ץ*, adfert gravem & arctam pressuram, ad elisionem usque. Sic Hof. i: 15. Jes. xxxvii: 3. *צִיּוֹן* *צִיּוֹן* *diem arctationis stringentis* adpellat, & comparat

comparat cum *parturiente*, vi nitendi carente, quæ est *lumi-
borum* artificissima constrictio,) *inquitare fecisti hominem capiti
nostro*, insultare fecisti hostem metropoli, & prærogativæ,
nostræ, qua populus tuus peculiaris sumus, simul vitæ & li-
bertati nostræ. Qui est *capitis* emblematicus conspectus.
Inquitare capiti est, tum ei imminere, & potestati suæ sub-
jectum censere, tum insultare alicui, sicut pro *contumelia*
quoque usurpatur apud Lat., ut *inquitare philosophia* apud
Macrobius, quod jam adtulit Clericus, tum denique
se insolenter jactare, uti apud Cic. *a jactabit se & in his e-
quitabit equuleis*, & Horat. *b. Vectabor buneris tunc
ego inimicis eques. Meæque terra cedit insolentia*. De qua
insultatione & *infectione* contumeliosa per Senacheribum
& Rabfacen satis constat ex historia. Epitheton *בְּמִנִּי* *homi-
nis* eandem hic emphasim habet, quam Ps. ix: 21. x: 18. &
ibi exposui. Chald. vertens *בְּמִנִּי* *dominum increpatio-
nis*, rem expresse, & tyrannum, durumve dominum, intel-
lexit; non aliter legit, multo minus *בְּמִי*, uti putat & præ-
fert Haubigant, *exactorem* reddens; quod æque ab Hebr.
בְּמִי ac Chald. *בְּמִי*, vel *בְּמִי* abhorret. Exactor Hebr. est
בְּמִי, & *בְּמִי* proprie *torquere* adhibita violentia, *extorquere*,
inde *multare* denotat, Chald. *בְּמִי* est *mutuo accipere*, *בְּמִי* va-
ro *increpare*, cui hic locus dandus est. Quod vero addit
Criticus, *imponere hominem super capita nostra*, quid signifi-
cet, nec ullo exemplo docemur, nec intelligimus, ex modo di-
ctis facile solvitur.

§. XVI. 3. Sequitur summaria omnium repetitio & conclu-
sio, his verbis: vers. 12, *intravimus ignem & aquas*, h. e. in
summum venimus & præsentissimum Reip., Ecclesie & vitæ,
discrimen; probati sumus per tentationem & afflictionem,
instar ignis, & ab exercitibus hostilibus invasi sumus, ac pro-
pe absorpti, instar aquarum. Quæ omnia per Senacheribum
evenerunt Judæis sub Hiskia: ut modo vidimus. Phrasis
vero *generalem* habet & *specialem* intellectum; in genere
summum

* In Verr. l. iv. c. 20. b Epod. xvii, vers. 74.

summum periculum exprimit, sed in specie duplicis generis afflictionem, & fidei ac religionis respectu per afflictionem urentem & explorantem, & reip. ac civitatis per hostiles invasiones; *prior per ignem, posterior per aquam* depingitur; sicut etiam fit Jes. XLIII: 2. ubi vid. Cl. Vitringa; qui nobis nihil reliquit hac parte observandum, nisi hoc unum, in igni respici ad *probationem & explorationem constantem*, vers. 10. memoratam, et aquarum inundationem quoque huic casui adplicari Jes. VIII: 7, 8. & Pf. cxxiv.

§. XVII. b. Ipsa liberatio, quæ subjungitur, his paucis verbis comprehensa est; *& eduxisti nos*, (emicare nos fecisti; secundum propriam verbi *ער* *emicuit ignis* potestatem, & usum peculiarem de *exitu* in libertatem & felicitatem, Ex. xii: 31. 2 Reg. x: 25. Ez. xv: 7. Quo etiam facit usus, quo *letitiam & pompam* adfert Ex. xv: 20. Jud. xi: 31, 34. Quod utrumque hic locum habet, ut & Mich. iv: 10. ubi de hac eadem re agitur,) *וירח* *in irrigationem*, statum jucundum et abundantem, oppositum ad *ignem* urentem, et *aquas* inundantes. Vox teritur in irriguo et potu expleto: sed Græci verterunt *eis ἀναψυχὴν, ἀναπαυσιν, κατεργασίαν*, vel *ἐνερχασίαν*. Videntur legisse *וירח*, uti quoque Chald. et Syr. Quod spernendum non est. Radix *ויר* teritur, a vento *ויר* arrepta ansa, in flando, persflando, unde ad *laxa spatia*, q. d. *persflabilia*, ad recreationem, et respirationem, transfertur. Opponitur itaque *angustiis*, modo memoratis. Nihil definitio.)

§. XVIII. β. Beneficio descripto, gratitudinem suam, publice in Templo, per cultum lege præscriptum, demonstrandam, apte subjungit, vers. 13—15. *Intrabo domum tuam per adscensiones; solvam tibi vota mea, quæ ruperunt labia mea & pronunciavit os meum, cum mihi erat angustum. Holocausta medullata offeram tibi cum nidore arietum; faciam bœves cum bircis. Selah!* h. e. magna cum pompa, ut gratum meum animum demonstrem, et vota mea, in angustia solenniter nuncupata, exsolvam, intrabo domum tuam,

sibi

& optima quævis sacrificia tibi offeram. Beneficium licet sibi & populo concessum in plur. memorasset, de se tamen in sing. loquitur, qui vota solenniter solveret, non tam quod de populo hac parte minus bene sentiret, quam quod ipse, tanquam rex & ductor, præiret, & pompam duceret: quod in Hiskiam recte convenit. Nec de qualicunque oblatione, quotidie facienda, hic agit, sed solenni, pompatica, festiva, mox post miraculosam liberationem, in ejus signum, instituenda. Quo sicut votorum nuncupatorum solutio, & optimarum victimarum mentio nos ducit, ita phrasis, *intrabo domum tuam per adscensiones*, manifeste tendit. *Intrare* enim est pompaticè, & splendide, ut in festis & lætis diebus, domum Dei adire; ut Ps. cxviii: 19. *aperite mihi portas justitiæ, intrabo per eas, laudabo Jāb*, nec non Ps. xxiv: 7, 9. & alibi. *Intrare* vero נִכְנֹחַ est *adscensionibus* gloriosis, & pompaticis per regias illas adscensiones adscendere in Templum. Respicitur ad נִכְנֹחַ *adscensiones* Salomonis in Templum, 1 Reg. xi: 5. & alibi memoratas: occurrit etiam vox נִכְנֹחַ eo sensu, Ez. xl: 26. alias נִכְנֹחַ adpellantur *gradus*, quibus adscenditur: sed simul pompaticus, & gloriosus ac lætus, adscensus in Templum hac voce significatur; quemadmodum titulus *Psalmorum* נִכְנֹחַ etiam involvit. Vidisse videtur hunc sensum Syr., qui vertit: *veniam ad domum tuam cum decore*. Interpretes communiter alias reddiderunt *cum holocaustis*; quod ferri nequit, *cum* quod emphasi careat, *venire* in domum Dei *cum holocaustis*, quæ non adducebantur ab offerentibus, sed ibi tantum offerebantur, tum quod mox demum oblatio holocaustorum memoretur. Reliqua vix nostra indigent opera. Tantum not. i. verba vers. 14. ita esse intelligenda, acsi legeretur, *quæ labiis meis effractis pronunciavit os meum*. Verba, *aperuerunt labia, & prolocutum est os meum*, ita cohærent, ut prius modum posterioris declaret; quod satis est usitatum. *Labiortum apertorum* fit expressa mentio, ut *vota* indicaretur fuisse nuncupata magno cum impetu animi, & in statu necessitatis

necessitatis ac angustiarum; ita ut *labia* q. fuerint *perfracta*, & late aperta. Radix enim *rix* complectitur potestatem aliquid *aperiendi violentius*, ut fit, *patescere* cum *effractione*, quod Lat. dicitur, *rumpere labia*. 2. Vox *nxp* non dicit hoc loco *suffitum*, sed *nidorem*, seu carnis adiposæ stillationem, cum *arietibus* adplicetur: quem usum alibi habet. De quo dixi ad Mal. 1: 11, & ex primigenia verbi *nxp* potestate *stillandi*, *guttatim fluendi*, illustravi. 3. Tralaticium est, verbo *nxp* *facere* exprimi oblationem, uti quoque Ex. xxxix: 39. Ez. xlvi: 2. & alibi, Gr. quoque *δεξι-εξεν*, & Lat. *facere* s. Ceterum de solenni hac Hizklæ adscensione ad domum Jehovæ sermo quoque fit Jesh. xxxviii: 22.

§. XIX. *Posteriore* Pl. parte liberationi publicæ & communi adjungit privatam, quæ sibi speciatim, & eo ipso tempore, contigerat, quam itaque apte superiori adnectit, & eo scopo memorat, ut pietatis veræ & sinceræ fructus demonstraret in usum piorum, qui inde discere possent, Deo in omnibus fidendum esse, & pietati severe incumbendum ac constanter. Qui verus conspectus & scopus est pericopæ, vers. 16—20. Cujus sunt sequentes partes. a. In *prima* omnes timentes Jehovæ convocat, ut beneficii Dei, in se collati, commemorationem audiant, vers. 16. *Ite*, vel agite, *audite*, & *narrabo*, *omnes timentes Dei! quod anima mea fecit*, h. e. Vos omnes, qui Dei estis amantes & reverentes, qualescunque sitis, & ubicunque, ad me accedite, & audite me distincte & ordine narrantem ingens illud Dei beneficium, quo *anima* seu vitæ meæ conservandæ, & restituendæ, succurrit mirabiliter. Loquitur in sing. pers. de *se*, adeoque de bono sibi speciatim facto, cum supra in plur. de bono communi fuisset locutus; agit de bono in *animam* suam collato, adeoque *vitæ* suæ, quæ per animam intelligi solet, respectu, quo ea fuit restituta. Indicat autem,

a Vid. la Cerda ad Virg. ecl. 111, p. 60, & Joh. Bochiu ad h. l. & Casaub. ad Athen. l. xiv. c. 23.

tem, singulare fuisse & miraculosum, quod sibi hac parte concessum erat; dignum quippe, quod ad omnium notitiam perveniat. Denique pietatis & reverentiae Dei fructum & remunerationem in eo conspici inquit; adeo ut *reverentes* Dei illud maxime audire, & ad animum revocare, debeant. Quae omnia quam apte in Hiskiam, miraculose sanatum, conveniant, ut demonstrem, opus non est. Interpretes, qui in hac perisopa rem ac non tetigerunt, lubetis mitto.

§. XX. 1. Secunda pars continet mutationem status, quo de clamante factus est glorificans & exaltans Deum, adeoque sibi precanti beneficium esse concessum indicat, vers. 17. *Ad ipsum ore non clamavi, & exaltatio est sub lingua mea*, h. e. Deum in angustiis meis invocavi ardentem, & nunc indesinenter, ac cum delectatione, ipsum exalto, ac celebraz. Indest Deum precibus suis tantum tribuisse, ut se liberaret, & materiam in Deo gloriandi, eumque laudandi, praeberet, denique se ad Deum propter glorificandum paratum esse, adeoque pios ad se accedere debere, ut beneficium Dei enarrantem audiant. Haec ratione oratio cohaeret, & hic verborum sensus est & scriptus. *Pris membrum*, *ad ipsum ore non clamavi*, pertinet ad statum angustiarum praeteritum, & *propter* ejus in eo officium, quo opem Dei ardentem imploravi. *Dei officium* est, quod expresso addat, *ore meo*, significat enim se non tantum corde, & gemitibus occultis, sed & clara voce id fecisse, imo magna cum fiducia, ore aperto, quod ejus est indicium. Hiskiam autem id peregissee tempore morbi, notum est, vid. Ies. xxxviii 2. 3. 14. *Posterior vero membrum* ad praesentem ejus statum pertinet, & propositum Dei celebrandi pro beneficio concessio representat, his verbis: *& exaltatio sub lingua mea*, h. e. et nunc exaltatio Dei, mensque status gloriosi enarratio, indesinenter & tanquam viva vena ex ore meo magna cum delectatione erumpit. Opponitur haec exaltatio sub lingua *clamari* modo memorato, adeoque, & hic est

pro *at, sed*, & subintelligitur *nunc nunc*. Vox *רום*, non enim verbum, sed nomen est, cujus plur. *רומום* *exaltationes* occurrit, Pf. cXLIX: 6., absolute posita & ad loquentem & ad Deum referri potest, hic recte ad utrumque; ut sit, *exaltatio mea* ad Dei gloriam, adeoque quæ Dei est exaltatio: sic *רומום אל* *exaltationes Dei in gutture ipsorum*, Pf. l. c. Chald. itaque recte per *laudem Dei* vertit. Hæc exaltatio dicitur *sub lingua esse*, ut significetur, eam palato esse dulcem, seu animo gratam, nec non indefinente vena ex ore erumpere ^a. Videtur enim locutio esse formularia, quæ *sub lingua esse* dicitur verbum, quod viva vena inde erumpit indefinenter. Vicina est phrasis, Pf. cXLIX. 6. *exaltationes Dei in gutture ipsorum*, adeoque *sub lingua*. In quo si acquiesci nequeat, nihil superest, quam ut *non* pro tert. fut. fœm. verbi *רום*, vel *רום* habeatur & vertatur; *exaltationem*; vel *exaltatione*, *clanget lingua mea*. Radix, Arab. nota, denotat *clanxit*, & de strepero sonitu alarum, in specie aquilæ, adhibetur, in prædam irruentis, unde *imminere*, in prædam impetuosè ruere, dicit, & in ipsis reliquis linguæ Biblicis reperitur, Hab. II: 17. uti observavit Cl. Schultens ^b. Ceterum conf. de Hizkia sanato Jes. xxxviii: 19, 20.

§. XXI. 1. *Tertia pars exauditionem precum pro liberatione repræsentat tanquam pietatis fructum*, eo scopo, ut pii & timentes Dei in pietatis studio confirmarentur, & spe ac fiducia replerentur, vers. 18, 19. *Inanitem si vidi in corde meo, non audiret Deus; profecto audit Deus, attendit vocem precationis meæ*, h. e. cum Deus me clamantem exaudiverit, & tam gloriose liberaverit, pietas mea sicut clarescivit, ita pietati illustre dedit testimonium ad piorum instructionem & consolationem. Est enim indubium, Deum me non exauditorium fuisse, si inanitem aut iniquitatem in animo meo deprehendissem, aut fovissem. Nihil hic notandum superest, cum ex dictis sensus, ejusque veritas, facile pateat, præter singularem phrasin, *si vidi inanitem aut iniquitatem in corde meo*. Vox *רום*, cujus primaria

^a Conf. ad Pf. x: 7.


^b Gn. p. 427.

notio

notio est *vacuitatis*, *inanitatis*, & transitive, *inanem* reddentis, & exhaurientis, denotat & vacuitatem boni & scelus, quo alius omni bono privatur ^a. Utrumque hic locum invenire potest, ut significetur, nec boni moralis vacuitatem, nec flagitium, alios exhauriens, crucians, in *corde* ejus fuisse, adeo ut nec patraverit, nec propositum faciendi habeat, sed purus sit *manibus & corde*, Ps. xxiv. Singulare est, quod non dixit, *Deum non vidisse tale quid in corde suo*, sed, *se non vidisse*. Inanitatem, inquit, *si vidi in corde meo*. Videtur provocare ad bonam conscientiam, qua nixus ad Deum clamavit, & ejus etiam testimonium a Deo accepisse indicatum velle; ut sensus sit, *si vidissem tale quid in corde meo*, si mihi ejusmodi sceleris patrati, aut propositi, conscius fuisset, ad Deum cum fiducia non ausus fuisset clamare; & si fuisset, a Deo non fuisset exauditus: feci vero, & Deus adnuvit, indicio puritatis & innocentiae meae manifestato.

§. XXII. 7. Finit tandem, & aptissime, in *benedictione Dei*, vers. 20. *Benedictus sit Deus, qui non removit precationem meam a se, & benignitatem suam a me*, h. e. Laudes sint Deo & grates, qui a facie sua non repulit preces meas, nec a facie mea, aut a mecum, gratiam & benignitatem suam, sed me precantem exaudivit, & liberationem gratuitam concessit. *Nihil hic obscuri*; modo notetur ellipsis in priorè membro vocis *אֵלַי* *a se*, aut similis; quæ requiritur, ut utrumque membrum cum verbo *הֵסִיר* *removit* rite construatur.

^a Vid. ad Ps. x. 7.





P S A L M. LXVII.

1. *Præfetto pulsatiliū Psalmus canticum.*
2. *Deus gratiam nobis faciet, & benedicet nobis: splendor faciet vultum suum nobiscum, Sela!*
3. *Ad cognoscere in terra viam tuam, inter omnes gentes salutem tuam,*
4. *Celebrabunt Te populi o Deus! celebrabunt Te populi omnes.*
5. *Latabuntur & tinnient nationes, quis, & quando, judicabis populos in aequitate, & nationes in terra diriges. Sela!*
6. *Celebrabunt Te, o Deus! populi, celebrabunt Te populi omnes.*
7. *Terra dedit proventum suum, benedicet nobis Deus, Deus noster.*
8. *Benedicet nobis Deus, & timebunt ipsum omnes fines terræ.*

P R O L E G O M E N A.

§.I.

Argumentum brevis quidem, sed præclari, & profundius sensus, cantici est votum propheticum, ardente cum adfectu & certa fiducia prolatum a populo Judæo, seu piis de eo, pro gratuita Dei benedictione, & faciei ejus illustratione

tionem super populo, nec non pro omnium per orbem populorum illuminatione ad cognitionem viæ Dei & salutis ejus, ac lætitia super æquo & benevolo Dei regimine, & quiete ac prosperitate orbi concessa, indeque oriunda publica Dei per orbem celebratione & gratiarum actione; *votum* vero propheticum ex *singulari* fertilitate terræ, qua populus Judæus mactatus erat, educum, & promisso benedictionis populi, a Deo solenniter facto, firmatum. Incipit poeta a voto benedictionis Dei super populo Dei, sermone de Deo in tertia persona prolato. Dein sese ad Deum vertit, & ipsum adlocutus vota, spiritu prophetico ductus, exprimit pro celebratione Dei per orbem ab omnibus populis super cognitione viæ Dei & salutis, nec non æquæ gubernatione & prosperitate, cum orbe communicata. Denique *occasionem* hujus voti exponit, in anirabili terræ Judææ fertilitate, & promissa benedictione, sitam, & in voto benedictionis repetito, ac reverentiæ & timoris Dei per orbem; aptissime finit.

§. II. Verum loquentium, eorumque status, conspectum sequentes pandunt characteres, in Ps., adtente considerato, obvii. 1. Primus est, loquentes esse Judæos; quia se a gentibus manifeste distinguunt, & in voto pro se concepto respiciunt ad sacerdotalem benedictionem, qua nomen Dei poni solebat super Israele, Num. VI: 24. 2. Secundus est, populo singulare beneficium salutis fuisse concessum, & in læta ac prospera conditione, cum æquâ regiminis forma fuisse constitutum. Cujus indicium est *cum* in mentione viæ Dei, & ejus salutis, quæ Gentibus notificata materiam celebrationis Dei præberet, & rationem moventem, vers. 3, 4. *tum* in commemoratione æquæ Dei gubernationis & tranquillitatis ac felicitatis, cujus & gentes per orbem forent participes, vers. 5. Gentes quidem introducit super ea re, tanquam bono suo, lætaturas, sed, populum Dei nunc ejusmodi bono gaudere, innuit, & inde occasionem repetit, de gentibus illud prædicendi; seu digitum ad populi Dei similem

milem statum præsentem intendit: de quo postea. 3. *Tertius* est, probe advertendus, singularem terræ fertilitatem populo hoc tempore fuisse concessam, cum promisso benedictionis, quæ pro signo & pignore felicitatis, quam hic vovent, & sibi promittunt, haberi debeat, & possit; vers. 7. Hoc enim scopo memorant *proventum terræ uberem*, tanquam jam factum: cujus alia reddi nequit ratio aptior, ut postea videbimus; & *benedictionem* suam futuram proferunt tanquam promissam, in qua fundant mox votum pro ea vers. 8. Qua ratione repetitio benedictionis recte exponitur.

§. III. Ex quibus criteriis si de *tempore & occasione* Pf. sit judicandum, uti oportet, cum de *autore & tempore* nihil sit adnotatum, nullum se nobis aptius & adcommodatius offert, quam quo, Assyrio miraculose prostrato, & populo Judæo liberato, resp. Judaica insigniter est instaurata, reformata & prosperrima facta, adeo ut a populis quaquaversum etiam fuerit honorata, & in laudes Dei celebrata. Quam hypothesin præterea commendat arcta cum superiore Pf. conjunctio, & similium odarum, XLVI, LXXVI, LXXXVII, & aliarum, hujus quoque temporis, collatio: sed ingens ei accedit momentum ex *tertio* caractere; huic tempori eo, quo hic venit, conspectu unice proprio; cum signum liberandi populi, & prosperitate mactandi, fuerit hoc ipsum a Deo per prophetam datum, Jes. xxxvii: 30. *Et hoc tibi erit signum: comedite hoc anno sponte natum, & anno altero sponte renatum: anno autem tertio serite & metite, & plantate vineas, & comedite fructum earum.* Hoc signum grati agnoscunt & celebrant repræsentatum, cum dicunt in præf. vers. 7. *terra dedit proventum suum.* Accedit ibid., cum additur, *benedicet nobis Deus, Deus noster*, respici ad promissum, quod apud Jes. l. c. sequitur: *& perget residuum Judæ, quod reliquum factum fuerit, radices mittere deorsum & fructus facere sursum.* De quo deinceps. Hoc criterium in primis fecit, quominus de tempore Salomonis, aut Joh. Hyrcani

Hircani Maccabæi, quod utrumque in argumentum Ps. ceteroquin non male quadraret, cogitandum esse censeam. *Psalmum* itaque existimaverim compositum post temp. liberatam, & in meliorem formam redditam sub Hizkia, cum terra, per Assyrium desolata, & ipso illo anno sponte produxisset fructus, & anno seq., sive Sabbatico, denuo; denique anno tertio sata & culta uberrimos dederat fructus; *fignum* itaque, a Deo positum, implementum esset nactum; quo vers. 7., ut dixi, respicitur. Quod ipsum tempus *occasionem* præbuit aptissimam *canticum* canendi, quo votum suum pro *benedictionis* uberiore implemento, & Gentium ad Deum conversione, expromant.

§. IV. *Scopus* Ps. est, ut ex dictis facile patet, 1. populo liberato & instaurato formulam in manus tradere, qua vota sua pro reip. & Ecclesiæ conservatione, multiplicatione, prosperitate, & celebratione Dei inter gentes, suo tempore futura, exponat, 2. pios in hac fide & spe confirmare, & 3. regni Dei per orbem propagationem, secuturis temporibus, post exilium Babylonicum, & calamitatem Epiphanicam, inprimis sub Messia, futuram, prophetice repræsentare; cujus eventus emblema & typus erat in mirabili Judæorum liberatione ab Assyriis, & rerum felici instauracione sub Hizkia, uti ad Ps. præcedentem vidimus. Ex quo de *usu* Ps. per omnia tempora facile constat; simul quam dignus sit, qui *præcentori*, seu *præfecto pulsatilium*, quæ vocis גִּיטָר signifikatio est, de quo ad Ps. iv. dixi, commendetur.

§. V. In Ps. *structura* nihil singulare est, nisi quod in *principio* & *sine*, quo vota exponuntur pro populi Judæi felicitate, fermo fiat de Deo, sed *intermedia*, quæ ad celebrationem Dei per orbem inter omnes populos pertinent, per adloquium ad Deum proferantur; cujus diversitatis alia mihi non patet ratio, quam quod *intermedia* conspectum ferant rationum moventium, quibus Deum ad vota sua complenda excitent: quæ rectius per sermonem ad Deum pro-

feruntur. Facit præterea ad elegantiam carminis ejusmodi personarum mutatio, & satis frequens est *Stylus* autem est planus & facilis; sed verbis fut. temporis concinnatus, quæ vota & prædictiones continent, seu, ut supra dixi, *vota prophetica*. *Partes* vero *Pf.* tres sunt. I. *Prima* continet votum propheticum, pro gratia, benedictione, & illuminatione vultus Dei super populo Judæo, vers. 2. II. *Secunda* similia vota comprehendit pro celebratione Dei a Gentibus per totum orbem, una cum ejus materia & ratione movente, duobus *articulis* proposita, vers. 3—6. III. *Tertia* votum pro benedictione populi repetit, una cum ejus *fundamento*, cui votum erat innixum, & *scopo*, ut gentes quoque Deum timerent, vers. 7, 8.

A N A C R I S I S.

§. VI. Communior est Interpretum hypothesis, agi hic de salute & benedictione per Messiam adducenda, conversione Gentium ad fidem, & fructibus spiritualibus sub regno Messiae, sive in genere, sive in specie, aut in principio, aut fini regni Messiae, aut etiam per varia Ecclesiae fata; ita ut vers. 2 & 3. votum contineant eorum, qui consolationem Israelis expectabant proxime ante Messiam manifestatum; dein vers. 4. conversio gentium per tria prima Secula exhibeatur; vers. 5to status Ecclesiae in Romano orbe jam dominantis sub Constantino M. & successoribus: reliquarum vero gentium conversio, sec. viii. & seq. vers. 6. Ecclesiae denique reformatio, vers. 7., & gentium ac Judaeorum plenaria & ultima conversio, cum statu regni Christi glorioso, in terra vers. 8. Quae ultima hypothesis, nescio, num ab aliquo proposita, ut ut ingeniosa, tota est arbitraria, & fundamento destituta. Quod vero ad reliqua adtinet, ad regnum Messiae per orbem ultimo respici, omnino etiam putem; sed nec omnia eo refero, nec directe & primo sensu.

su. Nostra itaque cogitata huc redeunt. *a.* Praesens tempus liberatae, & gloriose instauratae, ac florentis, reip. Jud. sub Hiskia, post Assyrios prostratos, in signum destructionis regni Assyriaci brevi secuturæ, primo & directo sensu intenditur, & ei Ps. applicandus est; quatenus votum continet pro prosperitatis continuatione & amplificatione, & populorum per orbem illuminatione, qua Deum Israelis agnoscant, & celebrent, tanquam salutis & liberationis populi Judæi autorem, & populorum per orbem liberatorem ab oppressione Assyriaca; nec non justum & æquum judicem & rectorem mundi. Cum Ps. eo tempore, ut modo vidimus, sit compositus, & ea, quæ hic voventur, ab eo tempore fuerint in Israele & orbe aliqua ratione conspicua; fieri non potest, quin hoc ipsum tempus fuerit poetæ observatum: quod ex aliis Ps. ac prophetiis, ad hoc tempus pertinentibus, supra citatis, ulterius confirmatur. *ß.* Deinde, cum tempora Hizkiæ & Maccabæorum, imprimis Joh. Hircani, multa secum habeant communia, & hæc ipsa, quæ hic voventur, majore gradu locum habuerint, poetam existimaverim ea ratione fuisse a Spiritu ductum, ut reip. Maccabaicæ lineas una duxerit; adeoque vota, hic concepta, habenda quoque esse pro votis Judæorum ejus temporis. Quæ hypothesis ex aliis Ps. & prophetiis, quibus tempora Hizkiæ & Maccabaica simul describuntur; haud exiguum robur acquirit. De quo plura dicam ad Ps. LXXXVII. *γ.* Denique, cum tempora Hizkiæ & Maccabaica gesserint emblema regni Messiae, & hoc cum Maccabaicis temporibus arcte fuerit connexum, de quo in Diss. ad Danielelem fusius disserui; cuncta etiam, quæ in hoc Ps. occurrunt, verum suum implementum in regno Messiae habuerint; ultimo, sed præcipue intento, sensu Ps. eo referendum esse, omnino statuendum est. Phrasibus enim nullo modo satisfaceret, nisi ad tempora Messiae respiceretur; ut facile patet.

E X P L I C A T I O.

§. VII. *Prima* Pf. pars, quæ votum propheticum pro salute & felicitate populi Judæi continet, his verbis vers. 2. proponitur: *Deus gratiam nobis faciet, & benedicet nobis; Splendere faciet vultum suum nobiscum*, h. e. faciat Deus, quod ardens nostrum votum est, faciet, quæ certa nostra est expectatio, ut tenerrimi ejus erga nos adfectus signa & effecta in nobis omni genere bonorum cumulandis, in specie se benevolum & gloriosum in medio nostrum præstando ad nostram instructionem, sanctificationem & consolationem, inter nos existent, & abundant. Verba fut. temp. votivam exprimere adprecationem, satis observatum est, sed addo, cum fiducia fusam, & prædictionis simul conspectum ferre; adeoque, *votum propheticum*. Cohærent autem ea ratione, ut *duo* prima, secum connexa per copulativum, &, significant generalem favoris & adfectus Dei demonstrationem per omne genus bona de eo testantia; *ultimum* vero speciale favoris Dei signum & effectum in medio populi, ad ejus gloriosam & salutarem illuminationem & beatitudinem comprehendat. *Gratiam facere & benedicere*, est ex intimo adfectu benevolo & gratuito quævis bona conferre. Verbi *פן*, ut sæpe alias observavimus, primaria significatio sita est in *stridulo* sono gutturis, quem animalia edunt, quum tenerrimum adfectum erga foetus suos demonstrant, unde transfertur ad *pietatem maternam*, & intimam teneritudinem *אִם סֹסֶרָה*. Alterum verbum *בן* *benedicere*, & fausta quævis adprecari, & conferre, denotat; uti notum est. *Tenerrimum* itaque *adfectum* demonstrare, & *benedicere*, est ex tali animo quævis bona & felicia alicui adferre, sive Spiritualia & æterna, sive temporalia & corporea, majore minoreve emphasi pro ratione circumstantiarum. Sed in specie additur, *lucere facias*, & facies, *vultum tuum nobiscum*, quod est, favorabilem & gloriosum te in medio nostrum exhibeas ad nostram illuminationem, & salutem.

salutem. Quo indicatur *cum* præsentia Dei gratiosa & gloriosa apud populum, quare non *super nobis*, ut alias, sed *cum nobis*, dicitur, *tum* ejus effectum ad populi illustrationem gloriosam & salutarem, ex vultu Dei lucido oriundam. Vid. ad Ps. iv: 7. & alibi sæpe, ut xxxi: 17. Num. vi: 25, 26. Vovent itaque, & futurum prædicunt, ut Deus in genere favorem suum erga populum Judæum in medio populi, tanquam rex ejus & objectum cultus, reddat stabilem & gloriosam, quamvis prosperitatem, pacem, & bonorum quorumvis abundantiam in populum conferat, legis & viæ salutis notitia imbuat, sanctificet, ut in viis Dei ambulet, consoletur, ac lætificet, sed in specie, se in Messia præsentem sistat inter Judæos *benedictione*, Abrahæ promissa, qua in semine ejus sibi benedicerent gentes, populum beet, eamque impleat, & bona puræ gratiæ, ac salutis, in communione Dei, bona Spiritus S., ad illuminationem, sanctificationem & consolationem, in hac & futura vita repræsentet. Quam sensus amplitudinem verba omnino continent, & vota piorum sub V. Oeconomia admittunt. De quo plura non necesse est dicere.

§. VIII. *Secunda pars*, votum propheticum pro celebratione Dei a populis terræ complexa, *duobus* ex articulis constat, qui duplicem continent celebrationis materiam & rationem. *Prior*, qua ratio celebrationis a cognitione viæ & salutis Dei inter gentes repetitur, ita habet vers. 3, 4. *Ad cognoscere in terra viam tuam, inter omnes gentes salutem tuam, celebrabunt te populi, o Deus! celebrabunt te populi omnes*, h. e. quum viam salutis tuæ cognoverint gentes in terra, propterea celebrent te, & celebrabunt populi, imo populi omnes. Quæ verba comprehendunt *tempus* & *rationem* celebrandi Deum per totum orbem, & celebrationem ipsam, a populis terræ instituendam: prius vers. 3. post-erius, vers. 4. Hac enim ratione sermo cohæret, opinor. De quo ut constet, attendendus est usus particulæ ך in נַחֲמֶיךָ, quo & *tempus* rei ingruentis denotat, sive *quum*, *quando*, sive *postquam* vertatur, & rationem ac causam; sive *de red-*

H 3
datur,

C O M M E N T A R I U S .

datur, sive *propter*. De quo vario voculae & usus satis constat. Vovent itaque, simul imperant & prænunciant, quam sensus amplitudinem admittit verbum fut. temp. *celebrabunt*, ut omnes terrae populi Deo confiteantur, & laudes dent, cum gratiarum actione, *super cognitione viae*, & salutis Dei inter gentes per totam terram, quo tempore ea Gentibus fuerit facta. Voces vero vers. 3. elegantiae causa divisae secum sunt hac ratione construendae; ac si legeretur uno tenore: *quum & quia cognoverint in omnibus gentibus in terra viam salutis tuae. Via Dei & salus Dei*, est *viam salutis Dei*, seu modus & ratio, qua Deus salutem praestat, & praebet hominibus; quae *viam cognoscitur*, quum manifestata intelligitur, & fide adsumitur. Sed quaenam est illa *viam & salus Dei*, seu *viam salutis Dei*? quam ipse in salvando tenet, & homines ad salutem observant, & ambulant; utroque enim modo, & active & passive, sumi debet *viam Dei*. Respicitur quidem ad statum liberationis, & prosperitatis, in quo Judaeorum resp. & Ecclesia hoc tempore sub Hizkia erat collocata, & constitueretur deinceps; cuius causa celebrandus foret a gentibus, ut Ps. LXVI. 8, 9. vidimus: sed ulterius sese omnino porrigit ad modum salutis verae & aeternae consequendae; ut facile patet: cuius *cognitio* totum orbem aliquando pervaderet; sicut factum esse, novimus; exiliore sensu sub Oeconom. V., maxime a temporibus Maccabaicis, sed majore & vera sua emphasi sub Messia, maxime sub finem seculorum. Quod notum esse praesuppono. Ceterum cum vovent, ut Deus tum, & propterea, celebretur inter gentes, simul vovent, ut *cognitio viae & salutis Dei* omnibus terrae populis innotescat: ac si dixissent: *cognoscant per terram gentes viam Dei & salutem ejus*, & tum ac ideo eum celebrent: quemadmodum, vers. 5. mox loquuntur. Hac ratione licet vers. 3. *tius recte* accipiatur, & cum seq. connectatur, etiam omnino constitui debeat; trahit tamen aliquid de ambiguo, & ita ordinatus est, ut cum praeced. etiam connecti possit, & *proprium*,
eventum

eventum ac terminum, comprehendat praecedentis voti populi pro gratia & benedictione Dei super se; hac ratione; *gratiam nobis faciat Deus &c.* *נִתְּנָה לָנוּ אֲדָרְכָּךְ* *ad cognoscere &c.* h. e. eo scopo, eoque cum eventu, ut *cognoscatur &c.* etiam eousque, seu ad illud tempus usque, donec *cognitione viæ* illustretur mundus. Vovent itaque, ut benedictio Dei super Israele sit, eo fini & eo eventu, & eousque, *ut, & donec*, cognoscant gentes per terram *viam salutis Dei*; quae cognitio per Ecclesiam Judaicam communicaretur cum gentibus, & ad eas transferretur, sicut in *semine Abrahae gentes benedicerentur*, *Lex ex Tisione exiret* in orbem universum; & quae plura sunt similia, ubique obvia; eventus quoque comprobavit, & comprobabit magis usque ad finem seculorum. Statuamus itaque, poetam sermonem ita concinasse, ut proprie quidem cum seq. cohaereat versus 3. quare *Selab* etiam insertum est, quo sermo solet claudi, sed sese ad praeced. quoque extendat; ut exposui.


§. IX. *Posterior* articulus, qui rationem celebrationis Dei, inter gentes faciendæ, repetit ab æqua gubernatione & ductione, qua populi terræ gauderent, & super qua lætarentur, his verbis exhibetur, vers. 5, 6. *Lætabuntur & tinnient nationes, quia, & quando, judicabis populos in æquitate, & nationes in terra diriges eas; Celebrabunt te, o Deus! populi, celebrabunt te populi omnes.* Cohærent omnino hi versus, ut duo præcedentes, & populos orbis excitant ad Deum laudandum, uti facient; nova ratione producta, quod materiam lætandi sint habituri, in æqua Dei gubernatione & directione sitam, cujus primordia & praeludia nunc jam erant inter Judaeos, & populos vicinos, conspicua. Verba vers. 5., quae rationem celebrationis Dei a populis terræ repræsentant, elegantiae rursus causa divisa, ita sunt ordinanda, ac si legeretur: *lætabuntur & tinnient populi & nationes, quia judicabis populos & nationes æquisime, et in terra diriges eos.* Conjunxit poeta *judicabis et populos*, nec non *nationes et diriges eas*; sed utrumque verbum ad populos & nationes

tiones aequae pertinet. *Latabuntur*, dicit, ut relegamus & illustremus, (laetitiam externo sono & gestu demonstrabunt; verbum enim *ננ* proprie *tinnulum* vel *tremulum* sonum exprimit, & inde fictum est, ut saepe alias notavi; adeoque laetitiam externis signis, seu tinnula voce & cantu, expressam signat. Verti autem debet in fut., & significat, eos materiam talis laetitiae habituros, & quoque laetatueros esse,) *quia* (scilicet, *quia* & *quando*; quem utrumque significatum habet *כי*, & hic admittere licet; cum & ratio laetitiae detur, & *tempus* finiatur, quo id fieret,) *judicabis populos rectitudine*, (h. e. in aequitate, seu aequissime; secundum regulam justitiae et aequitatis *judicabis*, h. e. gubernabis, leges ferendo, secundum eas judicando, vindicando, et tractando. Verbum *שפט* late sese ad totam gubernationem, et omnes ejus partes, extendit, uti jam observatum est,) & *nationes diriges eas*, (pro *diriges nationes*; secundum stylum Hebr., quo affixum abundat, quod tralatitium est. Radix *נדר* sedem habet in *tensione directa*, unde recte vertitur, *dirigere*, sive in Kal, *praemonstravit viam*, sive in Hiph. *dirigere fecit*, sive tensim et directim procedere fecit; est praeterea verbum pastoritium, praesertim in numerosis gregibus. Significatur, Deum populos recta et aequabili via ducturum instar pastoris, ut laete, jucunde, et copiose agant &c. Conf. Ps. xxiii: 3. Quaeritur, quo tendat poeta? respicit quidem ad felicem statum, quo Judaei et reliqui populi gauderent post tyrannidem Assyriacam e medio sublatam, in signum cujuscunque tyrannidis suo tempore destruendae, quemadmodum Jes. xxxii: 1. praedictum erat, et alibi; dubium tamen non est, quin oculos praecipue habuerit intentos in Messiae tempus, quo populi, ipsi subjecti per orbem, aequissime gubernarentur, et regia via ducerentur: quemadmodum ubique in verbo prophetico occurrit, Ps. lxxii. Jes. ii: xi. Mich. iv. & alibi.

§. X. *Tertia* Pl. pars, quae votum pro benedictione populi Judæi repetit, cum insigni variatione, respectu ejus occasionis & fundamenti, nec non scopi & eventus, ita habet, vers. 7, 8. *Terra dedit proventum suum, benedicet nobis Deus, Deus noster. Benedicet nobis Deus, & timebunt ipsum omnes fines terræ.* Quæ verba, in quibus Interpretes minus feliciter versati sunt, a. occasionem & fundamentum voti repræsentant vers. 7. *Terra dedit proventum suum, benedicet nobis Deus, Deus noster*; prius membrum in præterit., posterius occurrit in fut: quia prius respicit ad id, quod jam factum erat, & posterius ad promissum, deinceps implendum. Prius pertinet ad signum liberationis & prosperitatis, quod Deus per Prophetam dederat Hizkiæ, cum a Senacheribo infestaretur, Jes. xxxvii: 30. ut supra vidimus, & eo tendit, ut, *signum* illud esse impletum, significaretur. Hac ratione si verba capiantur, & eo conspectu; quam apte huc quadrent, & quo collineent, facile patet: *occasionem* enim & fundamentum voti, quod mox sequitur, continent, quia Deus *signum* illud, Hizkiæ datum, repræsentaverat, cum fiducia poterant *sibi benedictionem* Dei vovere, & promittere. Nec caret emphasi, *terra dedit proventum suum*: cum quod *spontaneus proventus*, sine opera hominum, indicetur, tum quod uberrimus & lætus proventus, una cum pace terræ, hostibus non amplius turbantibus, exprimatur. Interpretes se extricare non potuerunt, nisi ad sensum emblematicum & mysticum confugiendo; cujus nullum est indicium, quia *scopum* verborum non penetrarunt. *Posterius*, in fut. expressum, *benedicet nobis Deus, Deus noster*, referendum est ad promissum, a Deo per Jesaiam & tunc factum Hizkiæ Jes. xxxvii: 31. *Et perget residuum Judæ, quod reliquum factum fuerit, radices mittere deorsum, & fructum facere sursum.* Quibus cum multiplicatio populi, tum ejus prosperitas comprehenditur. Quo nostra quoque verba manifeste pertinent, cum *benedictionis* nomine utrumque soleat venire, uti notum est. Retineri itaque debet significatio fut.

temp., & eo accipi, quo dixi, sensu & scopo, ut *fundamentum* voti, quod mox sequitur, constituat.

§. XI. β. Votum vero ipsum, *benedicet nobis Deus*, pro benedicat, & benedicet, scilicet sicut promisit, & cujus signum dedit in ubere proventu terræ, cum nihil habeat difficile, supra jam expositum, ad ejus scopum & eventum pergo, qui γ. his verbis continetur, & *timebunt ipsum omnes fines terræ*, h. e. ut timeant, sicut facient; ipsum reverendo, colendo, & ejus judiciorum metu a populo Dei vexando abstinendo; *omnes fines terræ*, seu populi quaquaversum, Conf. Ps. LXIV: 10. & alibi sæpe. Etenim eo tendit votum *benedictionis Dei*; ut tanquam antecedens *timoris* Dei inter gentes consideretur: sed et sese latius extendit ad *benedictionem*, Abrahamo promissam; quæ repræsentata produceret conversionem Gentium, quæ *sibi in semine ejus benedicerent*, Deumque verum in fide & amore *timerent* usque ad fines terræ. Quod monuisse suffecerit.





P S A L M. LXVIII.

1. *Profecto Davidis Psalmus canticum.*
2. *Surget Deus, dilabentur hostes ejus, & aufugient a facie ejus.*
3. *Quemadmodum excutitur fumus, excuties eos, sicut liquescit cera a facie ignis, peribunt impii a coram Deo.*
4. *Et iusti lætabuntur, exsultabunt coram Deo, & offerent se in lætisia.*
5. *Cantate Deo, psallite nomen ejus, exaggerate equitanti in desertis, & exsultate coram ipso.*
6. *Pater pupillorum, judex viduarum est Deus in habitaculo sanctitatis sue.*
7. *Deus est, qui solitarios educti in nexas conglobationes; sed refractarii decumbentes habitant glabritiem.*
8. *Deus! cum emicares coram populo tuo, cum magnifice gradireris in solitudine horrida. Sela!*
9. *Terra tremuit, etiam cæli stillarunt a coram Deo. Hic iste Sinai a coram Deo, Deo Israelis!*
10. *Imbrem exuberationum evibrabis, Deus! in hæreditatem tuam, quamque ad incitas redactam Tu firmasti.*
11. *Cætus tuus coagmentatus habitat in ea, firmabis bonitatem tuam inopi, o Deus!*
12. *Dominus dabit dictum, læta nunciantium spissus erit exercitus.*
13. *Reges exercituum quassati dissipabuntur, quassati dissipabuntur*

14. Si, vel profecto, recumbetis inter series firmiter dispositas, inter alas columbæ obductæ argento, & pennas ejus flavissimo, vel bracteato, auro purissimo.
15. Quum expanderit & dissipaverit omnisufficiens reges in ea, nivescet in Tſalmone
16. Monte Dei. Mons Basan, mons collium, mons Basan!
17. Quare insilietis montes colles in montem hunc? quem Deus adpetiit vebementer ad incolendum.
18. Currus Dei sunt myriades, millibus multiplicatis, vel myriades multiplices in Chiliadibus tranquillitatis, Dominus in medio eorum est; Sinai in sancto.
19. Ascendisti in altum, captivam abduxisti captivitatem, sumpsi dona in homines, & quoque refractarii, seu nasus refractariorum, ad decumbendum, Fab Deus.
20. Benedictus sit Dominus, die die, seu quotidie, onerat nos, Deus iste salus nostra. Sela.
21. Deus iste noster, nobis Deus salutem, & Jehovæ Domino emitationes mortis sunt tribuendae.
22. Profecto repetitis haustibus cruentabit Deus caput inimicorum suorum, verticem pilis horridum, grassantem in reatibus suis.
23. Dixit Dominus: reducam e Basane, reducam e profundis maris.
24. Propterea immerfus in sanguinem pes tuus bauriet, lingua canum tuorum de hostibus, de ipso.
25. Vibrarunt incessus tui, o Deus! processus Dei mei, regis mei, in Sanctum.
26. Praiverunt cantores, agmen post duxerunt Psaltae, in medio virgines tympanizantes.
27. In publicis cætibus benedicite Deo Domino, qui estis e fonte Israelis.

28. Ibi

28. *Ibi Benjamin exiguus calcator eorum, Principes Judæ lapidatio eorum, Principes Zabulonis, Principes Naphtali.*
29. *Præcepit Deus tuus robur tuum. Firmum fac, o Deus! quod molitus es nobis*
30. *Ex palatio tuo. Hierosolymas (vel Præ Templo tuo Hierosolymis) Tibi pompatice adducent Reges munus.*
31. *Increpa catervam feram arundinis, cætum taurorum, vitulos populorum, conculcantem, contusores argenti, aut ambientes pecuniam, tu qui disperfit populos, qui præliis delectantur.*
32. *Venient clientes pudibundi, vel illis stipati, ex mibi Aegypto, Cusch submissus, vel recto-rigidus, manibus suis ad Deum.*
33. *Regna terræ cantate Deo, psallite Domino. Sela!*
34. *Adpactum se tenenti in cælis cælorum antiquorum; ecce dabit voce sua vocem firmissimæ laudis.*
35. *Date robur, vel laudem, Deo, excelsio Israelis, cujus excellentia & robur in subtiliore æthere.*
36. *Verendus Tu, o Deus! e sanctuariis tuis, Deus Israelis tu ipse idem, dans robur & compactiones solidas ac plenas populo. Benedictus Deus.*

P R O L E G O M E N A.

§. I.

Illustris & sublimis Psalmi argumentum est adprecatio & prædictio plenissimæ liberationis ab hostibus, pacis, prosperitatis, & celebritatis populi Dei in Judæa & Hierosolymis, a præsentia Dei in medio ejus super arca; in Tsfionem translata, derivandæ; nonnullis vero singularibus periodis summo

gradu locum habituræ, & publice ac solenniter in laudes Dei a populo celebrandæ, & a gentibus per orbem agnoscendæ. Thesin hanc cum in genere proposuisset poeta, & hæstium, qui coram facie Dei diffuerent & perirent, & populi Dei respectu, qui summam haberet lætandi, Deumque super concessâ prosperitate laudandi, materiam; sese, præmissa commemoratione manifestationis Dei in monte Sinai, antiquitus facta, in accuratiorem thesios descriptionem diffundit, nonnullasque periodos illustriores recenset, in quibus veritas thesios luculenter foret conspicua, quoad liberationem ab hostibus & felicitatem populi Dei: quas memorat *tres, primam*, qua hæreditas seu Judæa, omnibus abundaret bonis, reges exercituum dissiparentur, & populus Dei secure & tranquille ageret; *secundam*, qua ab æmulis regnis vindicaretur Hierosolyma, tanquam unica ac perpetua Dei sedes, agnosceretur, ac celebraretur; *tertiam*, qua hostile regnum, quo Judæi oppressi & dissipati erant, destrueretur, & exules ac dispersi recolligerentur, Deumque publice in cœtibus celebrarent; simul a populis quaquaverfum honorarentur, & regna mundi ad Deum celebrandum excitarentur. Quando, per modum conclusionis, in Deo benedicendo finit canticum.

§. II. Ad argumenti verum conspectum cognoscendum, *α.* notandum est, illud esse *propheticum*, adeoque non ejus temporis, quo Ps. compositus est, sed sequentium, statum populi Dei felicem repræsentare; uti ex verbis fut. temporis, quibus autor utitur, facile liquet; nec non inde confirmatur, quod tempore autoris hujus Ps. descriptio status Ecclesiæ Dei non respondeat. *β.* Præterea observandum est, statum felicem populi Dei hic non depingi unius & ejusdem temporis, sed diversorum, seu variarum periodorum, quæ se invicem sequerentur. Quod ex diversâ statum populi Dei delineatione, & serie orationis, haud obscure elucescit; & in ipsa explicatione demonstrabitur uberius. *γ.* Denique ad animum est revocandum, populum Dei, de quo

quo hic agitur, esse Israellem, proprie intellectum. Characteres autem populi Israelis sese hic offerunt sequentes. 1. *primus* est, quod *populus* Dei adpelletur, vers. 8. coram quo Deus in deserto processit, & in Sinai sese manifestavit. 2. *Secundus* est, quod mons Tſion tanquam sedes Dei digito monstretur, vers. 17. & montes Basan tanquam ejus æmuli & adversarii occurrant vers. 16. 3. *Tertius* est, quod Hierosolymæ, & Palatii Dei in ea urbe expressa fiat mentio, tanquam loci, quo munera deferrentur a gentibus vers. 30. 4. Denique, ne plura in re clara proferam, *Israel* adpellatur, vers. 27, 35. & distincte celebrantur Benjamin, Juda, Zebulon & Naphtali, tanquam tribus heroicæ, & ea parte celebratissimæ, vers. 28.

§. III. De *tempore* Pf. compositi in genere quidem constat, eum tempore Davidis esse factum, cum *David* ejus autor sit, teste inscriptione, quæ alium non fert sensum, ut facile patet, nec in dubium vocari debeat; sed præcise nihil, nisi probabiliter, quid definiri potest. Mihi plusquam probabile fit, *Psalumum* esse vulgatum 1. postquam *arca* in montem Tſionis jam esset translata; cum quod Deus jam ibi habitans repræsentetur, vers. 17. tum quod verba, vers. 2. *Surget Deus &c.*, quæ ad arcam nos manifeste ducunt, ut ex Num. x. 35. liquet, pro hypothesis habeant, *arcam* stabilem habuisse sedem; tum denique quod Hierosolyma, vers. 30., tanquam sedes palatii Dei occurrat: de quo mox. Multis quidem placet, tempore translationis arcæ Pf. esse compositum, vel ei solennitati destinatum; sed, præterquam quod, *arcam* jam obtinuisse sedem suam, modo demonstraverimus; verba vers. 2. & alia criteria, mox producenda, evincunt, Deum hic non sibi, tanquam quietum locum occupaturum, quo translatio arcæ ad montem Tſionis spectat, sed eum deserturum, & expeditionem in hostes, ad populum vindicandum & quietem ei procurandam, suscepturum. 2. *Secunda* thesis habet, *Psalumum* esse posteriorem proposito Davidis de Templo ædificando, & promisso Dei de stabilitate regni in domo Davidis

vidis Hierosolymis, ac Templo a Filio ejus aedificando, 2 Sam. VII. Cujus indicium est *a.* in eo, quod Deus in monte Tſionis dicatur *aeternum* habitaturus verſ. 17. *β.* quod *palatii* Hierosolymis jam meminerit, verſ. 30., ut putatur, quae vox mihi hoc loco plus dicere videtur, quam *tabernaculum*; maxime cum *tabernaculum* Moſis nondum fuerit tempore Davidis in ea urbe; uti conſtat. 3. *Tertia* theſis eſt, Pſalmum eſſe anteriorem expeditionibus Davidis ad populos vicinos domandos & regnum pacandum, ac a metu hoſtilium inſaſionum liberandum, 2 Sam. VII. quia Deum excitans ad expeditionem bellicam, verſ. 2 illud haud obſcure indicat, de *regum fuga*, verſ. 13., loquens in fut., clare ſignificat; ne dicam, ſtatum regni pacatum, & proſperum quoque repraeſentari tanquam futurum. 4. *Quarta* itaque theſis habet, tempore intermedio, inter arcam tranſlatam, promiſſum Dei de poſteritate acceptum, & expeditiones bellicas in hoſtiles populos vicinos, Pſalmum eſſe factum. Quod ex modo dictis ſponte ſua ſeſe offert. Concinit Syr., qui habet, *Davidis: quum pararunt ſe Reges ad bellandum contra ipſum.*

§. IV. Ex quibus *occaſio* Pſ. compoſiti haud difficulter eruitur. Cum enim arca in Tſionem eſſet tranſportata, ut ſedem ibi haberet fixam, promiſſum etiam de Templo, ibi a Filio ſuo aedificando, naſtus eſſet David; & expeditiones jam jam ſuſciperet in populos vicinos, ad eos domandos, & ſtatum Iſraelis pacatum, firmum & proſperum, reddendum; aptiſſime excitari potuit ad hoc canticum, quo expeditionum ſucceſſum & conſequentia, ſpiritu prophetico ductus, ob oculos poneret, & hoſtium ſubjectionem, ac populi Dei liberationem ac proſperitatem per varias periodos repraeſentaret. Quae hypotheſis & inde firmatur, quod mox in principio iſdem verbis fere utatur, quibus olim Moſes Num. x. cum populus ſtationem ſuam mutaret, & Deus tanquam Imperator & Dux ſeſe moveret ad populum in itinere tutandum contra hoſtes: quemadmodum David, arca
in

in Tfione jam collocata, Deum simili modo excitat ad expeditiones suas bellicas fortunandas.

§. V. *Scopus* Pf. est 1. singularem populi Dei *prærogativam*, in præsentia Dei per arcam Hierosolymis sitam, extollere: cum inde omnis populi felicitas repetatur. 2. Populum certiore reddere de perpetua sui conservatione, & prosperitate, hostiumque, qui eam conarentur turbare & interrompere, prostratione; quæ utraque identidem renovaretur, & certis periodis illustrioribus singulari modo conspiceretur, & celebraretur. 3. Finem, in quem hæc tandem exirent, exponere; Messiæ nimirum exaltationem, & gentium conversionem, adeoque regni Messiæ, in Tfione erigendi, propagationem per totum orbem; ut ex vers. 18, 19. nec non vers. 30. &c. colligi potest. 4. Populum præparare ad hæc beneficia consequenda, & excitare ad Deum, cum illa fuerint repræsentata, laudandum & celebrandum. De quo facile constat, cum quod peccatores esse extirpandos, & justos ac pios lætatuuros esse, declaretur, tum quod Dei velit in deserto equitanti *viam* esse parandam, vers. 5. tum denique quod formulæ Deum celebrandi identidem inferantur, & populus ad id excitetur, vers. 5, 20, 25. &c.

§. VI. *Ad structuram* Pf. & ejus *stylum* pertinet 1. varias in eo occurrere *apostrophas*, quibus sermo subinde vertitur ad Deum, ad populum, ad hostes, ad gentes orbis. 2. variam institui *adlusionem* ad præterita facta & fata, in deserto, & occupatione Cananæ, ac hostium in ea prostratione, etiam sub Judicibus; ut sequens tractatio docebit. 3. Tempora subinde mutari, adeo ut, licet de rebus futuris agatur, & verba fut. temp. passim adhibeantur, subinde sermo fiat verbis aut præf., aut præf. temporis; quia personæ introducuntur eo tempore viventes, quo res illæ jam locum haberent; uti cum *formula* cantici traditur, quæ tunc uterentur; vers. 6, & 7; 25. & 34. De quo postea. 4. Denique *stylum* esse sublimem, emphaticum & adfectuosum; hic

illic quoque obscurum; licet minus, quam vulgo putatur, & ex perversis hypothesibus Pf. exponendi oritur. *Partes* Pf. tres generales sunt, in quas facile dispescitur. I. *Prima* generalem continet descriptionem extirpationis hostium & impiorum, & prosperitatis populi Dei, ab eo celebrandæ, vers. 2—7. II. *Secunda* illustriores recenset periodos, in quibus liberatio & felicitas populi Dei singulari modo repræsentaretur & agnosceretur: quæ tres, ordine successuræ, memorantur, postea demonstrandæ, vers. 8—35. III. *Tertia* exhibet celebrationem Dei per modum conclusionis, vers. 36.

A N A C R I S I S.

§. VII. Diverſæ admodum sunt Interpretum hypotheses de hoc Pf.; quæ ad duas generales referri possunt: quarum *altera* ad populum Israelis, sive tempore Davidis, sive Hizkiæ, refert, *altera* ad regnum Messîæ, ejusque fata, sive in genere, sive per certas periodos. Quibus recensendis & examinandis cum scopus non sinat immorari; meam hypothesin per sequentes theses proposuisse & demonstrasse contentus ero. κ. *Prima* thesis est, Psalmum non esse historicum, sed propheticum, ut supra adfirmavimus; adeoque ad fata populi respicere futura; quæ post tempus, quo Pf. factus est, de quo supra egi, locum haberent. α. *Secunda*, non unum aliquem casum futurum, sive tempore Davidis, sive Hizkiæ, sed varios, diversis temporibus futuros, depingi. Quod ex supra dictis quoque manifestum est. γ. *Tertia* thesis habet, fata læta & prospera non Ecclesiæ N. sed V. Oeconomîæ primo & directo sensu repræsentari; adeoque ad populum Israelis, cujus metropolis & sedes religionis est Hierosolyma, referendum esse. Rationes nostræ sunt præcipue sequentes. 1. *Primam* suppeditant characteres Israelis proprie dicti; qui hic sese offerunt varii, supra
jam

jam producti. Terra Canaan appellatur *hereditas Dei*, quam *caterva ejus* inhabitaret, vers. 10, 11. Mons Tſion memoratur tanquam a Deo inhabitandus in perpetuum, vers. 17. opposita ad *Basanem* versus Syriam & Assyriam, vers. 15, 16. Munera traduntur a regibus *Hierosolymam* deferenda, tanquam sedem *Templi*, & religionis vers. 30. Quæ, & quorum similia alia, criteria nos ad Israellem proprie dictum haud obscure ducunt &c. 2. *Secundam* rationem præbent indicia expeditionum bellicarum, quibus Israel sub auspiciis Dei hostes suos prosterneret. Deus, tanquam *arcam* insidens, excitatur ad hostes delendos, eadem formula, quam Moſes in deserto usus est, & eodem modo id faceret Deus, quo olim, *cum coram populo in deserto procederet*, vers. 2, & 8. Regum fugatorum *spolia* divideret Israel, domi feliciter & pacate agens vers. 13. *Hostes* ita forent debellandi, ut in iusto prælio sit, quo pedes in eorum sanguinem a victoribus immittuntur, vers. 22, 24. In carmine triumphali Israelitarum heroes sistuntur tanquam *conculcatores & lapidatores hostium* vers. 28. 3. *Tertiam* rationem inde repeto, quod sine urgente necessitate a Vetere populo, ejusque factis, non sit discedendum; nisi Psalmorum & prophetiarum interpretationem velimus facere lubricam. Videamus itaque, num talia sese hic offerant, quæ oculos directe, flectere cogant ad Ecclesiam Christi. Duo sunt, quæ illud in primis jubere videntur, & maxime urgeri solent; alia enim minoris momenti lubens mitto. Prius est, ducem populi hic repræsentari jam in cælum evectum, vers. 19. qui alius esse nequit ac Messias, ad quem etiam applicatur a Christo ipso, Joh. iii: 13. & Paulo, Eph. iv: 8. Agnosco, hæc verba ad Messiam exaltatum recte referri; sed inde colligendum esse nego, expeditiones Messiae ad mundum sibi subiciendum in hoc Ps. depingi, cum quod primo sensu hic ad Deum, ducem Israelis ex Aegypto, qui, hostibus devictis, sedem capeſſivit in monte Sinai, & inde foedus suum promulgavit, adludatur, & ad eundem directe respiciatur, qui

montem Tſionis, populo liberato, & pacato, conſcendit habitatum in perpetuum. Introducitur enim hic, tanquam qui coram populo proceſſerat, & ad montem Sinai eum duxerat, verſ. 8, 9. qui itaque, expeditione peracta, ſe in monte Sinai manifeſtavit: conf. Jud. v. 4, 5. unde hæc verba deſumpta ſunt; *tum* quod adſcenſus Meſſiæ in cælum ſimul comprehendatur, & memoretur, ad extollendum montem Tſionis, unde quaſi cælum peteret, & fundamentum omnis liberationis & felicitatis Iſraelis, ejusque ſcopum & finem demonſtrandum, pro more Davidis & prophetarum, de Meſſia loquentium. De quo alibi ad Dan. egi, & dicam poſtea. *Poſterius* eſt, effectum & conſequens victorioſarum expeditionum Dei memorari *gentium & regnorum* mundi converſionem, ad Deum verſ. 32—, quæ non niſi ſub Meſſia contingit. Et illud lubens admitto; ſed ſuperiora ad regnum Meſſiæ in hoc Pf. pertinere nego inde concludendum eſſe; quia hic occurrit tanquam conſequens omnium factorum populi Iſraelis, in quod tandem exirent, & cum ultima populi felicitate ſub Maccabæis connectitur; ut Prophetis quoque in more poſitum eſt, qui Eccleſiam Meſſiæ & Maccabaicam connectere & permiscere ſolent. De quo poſtea uberius & accuratius.

§. VIII. 7. *Quarta* noſtra theſis, quæ ſuperioribus, & modo dictis, lucem ſœnerabitur, habet, læta & proſpera populi Iſraelis fata, ab inhabitatione Dei Hieroſolymis derivanda, & ejus ductui ac directioni accepta ferenda, hic ob oculos ſiſti, a tempore compoſiti Pf. uſque ad finem, & conſummationem Oeconomix V. per Novam, & regnum Meſſiæ, inde per orbem propagatum. Quæ theſis haud difficulter demonſtratur. *a.* De *initio* ſatis teſtatur, quod tunc demum cœperit expeditio Dei, jam Tſione verſantis, uti verſ. 2. innuitur, & ad reges a Davide deviſtos, indeque ortum regnum pacatum & fortunatum ſub Salomone, clare reſpiciatur, verſ. 13, 14. *b.* De *fini* & termino nos dubitare non ſinit *tertia* Pf. pars, quæ populorum terræ conver-

conversionem sub Euangelio manifeste repræsentat, vers. 32. &c. Denique c. fata Israelis intermedia, prospera & gloriosa, exhiberi præcipua, sicut facile præsumitur ex principio & fini Ps., ita *secunda* pars Ps. recte intellecta demonstrabit; ut tractatio sequens docebit.

E X P L I C A T I O.

§. IX. *Prima* Ps. pars, vers. 2—7, quæ hostium & impiorum destructionem, ac justorum & piorum Dei cultorum statum felicem & lætum in genere depingit, quemadmodum per varias periodos, sed summo gradu in fine Oeconomiae V., & sub N. Oeconomia, obtineret, in duo dividitur membra, quorum α. prius hostium desolationem ac populi Dei felicitatem comprehendit, vers. 2—4. β. *posterius* ad cantandum excitat populum Dei, quo tempore hostes forent deleti, ac populus Dei feliciter & pacate ageret, formula cantici ipsis quoque summatim in manus tradita, vers. 5—7. α. *Prius* membrum α. hostium & impiorum subjectionem, vers. 2, 3. β. justorum lætam conditionem, vers. 4. exhibet. α. De hostibus & impiis in hæc verba loquitur poeta, vers. 2, 3. *Surget Deus, dilabentur hostes ejus, & fugient ofores ejus a facie ejus. Quemadmodum excutitur fumus, excuties; sicut liquescit cera a facie ignis, peribunt impii a coram Deo*, h. e. statim ac sese ad judicium adcinxerit Deus, quod ut faciat opto, & facturum prædico, hostes populi Dei, qui ipsi imminet, & adversantur, imo qualescunque improbi, etiam de populo Dei, qui Deum non timent, & legem ejus spernunt, evanescent, idque plenissime, facile & subito, haud secus ac fumus coram vento, & cera coram igni. Versus cohærent, & se mutuo illustrant. Verba vers. 2. respiciunt ad ea, quibus Moses uti solebat, cum castra movebantur, Num. x: 35. sed cum aliqua variatione: cum enim Moses dicebat, *surge Jehova!*

poeta dixit, *surget Deus*, ut & votum exprimeret, & futurum prædiceret: quod utrumque hic involutum est: Verba vero vers. 3. comprehendunt superiorum explicationem & illustrationem. Significant enim 1. eandem sortem habituros quoscunque *impios*, qui hostibus adduntur, 2. dissipationem eorum omnium fore plenam, facilem & subitanæam; quo simile *fumi* coram vento, & *cera* a facie ignis tendit, ut facile cernitur. Dependent vero cuncta a *surrectione Dei*; adeo ut sensus sit, *Deo surgente* hostes & impios esse perituros; sive statim ac *surrexerit*: quod ipsum tamen futurum esse, sicut vovet, ita prædicit. Cum autem verba Moſis, quibus Deum, supra arcam fœderis residentem in columna nubis & ignis, sese moventem prosequi solebat in deserto, transumſerit; digitum intendit ad *arcam* in Tſione jam collocatam, & Deum inde sese indicat moturum esse ad hostes & improbos dissipandos; populumque suum ab iis liberandum. Habent itaque verba pro hypothesi, Jehovaham esse verum *Deum*, quare אלהים adpellat, quem Moſes *Jehovam*, & præſentem adesse populo suo, seu *arcam*, ejus sedem, in Tſione jam verſari, tanquam judicem & ducem, qui populum tuetur, & ab hostium invasionibus, ac impiorum infestationibus, vindicat. Quod cum facit Deus, *surgere* dicitur, instar judicis & Imperatoris, qui ad judicium exercendum, & opus suum faciendum, se adcingit. Memorat vero *hostes oforesque Dei*, & *improbos*; ut omnes qualescunque & Dei & populi ejus hostes, sive gentiles sive populares, comprehenderet in genere; quotquot regno Dei adversarentur, & illud infestarent. Declarat nunc, illos omnes esse *dilapsuros* & *aufugituros*, instar *fumi* coram vento, & *cera* coram igni, perituros, h. e. subito, facile & plenissime, partim esse perituros, partim dissipandos & subjiciendos. Quæ utraque fors verbis comprehensa est; ut facile cernitur. Radix פָּ hic denotat, *dilabi* & *divagari* extra sedes, habetque noxam, errorem, interitum denique, aliquando conjunctum; metaph. tracta ab *aquâ diffluentibus*: ut observavit

observavit Cl. Schultens ^a. Additur נוס, ut eos, qui non interirent, fugitivos fore, significaretur. Sic vers. 3., ubi dicta illustrantur, duplex adhibetur simile, & *fumi*, qui disturbatur, & *cerae*, quæ igni dissoluta perit; & declaratur, Deum hostes & impios partim esse *instar fumi* diffaturum, partim *instar cerae* esse in nihilum redacturum, & perditurum. Verbum חנך proprie est *concutiendo adtenuare*, seu quatere, pulsare, & inde discutere, excutere, vehementius impellere ac dispellere: unde metaph. *ventus* dicitur *glumam*, pulverem, & fumum, Jes. xix: 7. Job. xiii: 25. Pf. i: 4. ita nostro loco: *sicut fumus quatitur, quaties*, diverberabis, tanquam sub turbine videlicet rotante, & fumum quaquaversum discutiente ^b. Occurrit quidem, sine adfixo vel objecto addito, חנך *quaties*; sed ex seq. facile suppletur *impios*, nec perf. sec. *discuties* aliquid difficultatis parit, cum in stylo poetico sermo facile flectatur, uti hic ad *Deum*, & mox in altero membro de improbis in tertia persona *peribunt*. Sunt enim hæc duo membra ita concinnanda, ut hostes esse deturbandos, simul a Deo, indicaretur: ac si haberetur; *discuties* & discutientur, perdes & *perdentur*. Sana itaque sit lectio Masorethica חנך, nec mutanda in יתנחם vel יתנחם, quod vult Haubigant.

§. X. β. *Iustorum lætam & felicem conditionem*, hostibus & impiis exterminatis, hæc verba depingunt vers. 4. *Et iusti lætabuntur, exsultabunt coram Deo, & efferent se in lætitia*, h. e. omnibus curis & molestiis vacui, summo gradu lætabuntur iusti, & lætitiam quibusvis signis expriment, cum super liberatione ab hostibus, tum quorumvis bonorum fruitione, in laudes Dei. Verba sunt valde emphatica, & oratio gradatim procedit. Primum שמח proprie dicit, *enodem esse*, & habitum animi pingit omnibus curis, tanquam *nodis*, exsoluti, ac in lætitiam diffusi. Additur sine copula חנך *exsultare*, proprie *jactare* corpus, & motitare, ad lætitiæ demonstrationem, externis signis explicandam, quod

^a Orig. l. i. c. 4.

^b Vid. Schultens ad Prov. xvi: 6.

quod alias est lætari לָיִן: *ad choream usque*, Hof. ix: 1. Subjungitur major adhuc, & summus lætitiæ gradus, & *efferent se in lætitia*. Radix ~~וּ~~ originem habet in *obliquo & limo oculo*, & exprimit proprie gaudium feroculum, quo alios *obliquato oculo præ nobis despicimus quasi*; unde in malum proclivis est usus quidem, sed & in *bonum* sumitur de summo gradu exultationis, de ferocula quasi & *triumphante* lætitia. ^a. Denique ubi *coram Deo* additur, sicut *pia & religiosa* lætitia, ita Deo gloriosa indicatur, in laudes Dei vindicis & benefactoris. Quæ lætitia itaque oriretur ex liberatione ab hostibus & impiis, ac bonorum quorumvis possessione, a Deo singulari modo procurata; qua fruentur *justi*, sive relate ad improbos, et causæ suæ justitiam, sive *absolute*, quatenus omne genus virtutis studiosi sunt et observatores. Quem utrumque usum habet, ut notum, et sæpe alias observatum est.

§. XI. Adplicemus hæc ad subjectam materiam, et de *implemento* dispiciamus. Cum verba sint generalia, et hæc Pf. pars summam proponat, quæ postea specialius deducuntur, in generalibus hic est manendum, et ad hostium populi Dei exstirpationem, ac justorum liberationem et prosperitatem, in genere per omnia tempora usque ad finem seculorum pericopa est referenda; adeo ut sensus sit, hostes et impios identidem esse delendos, ac pios vindicandos, donec Ecclesia in plenissimam fuerit adserta libertatem ac prosperitatem. Cujus eventus varia edita sunt specimina sub V. T.; quæ in Ecclesia Christi sunt completa, et complebuntur amplius. Ad quæ omnia specimina, variis pericopis temporum conspicua, extendere licet verba. 1. *Primum* illustre specimen fuit temporibus Davidis et Salomonis, post hunc Pf. compositum. Quo etiam primo vel figurato sensu respicitur, Pf. xxxii et xxxiii, xxxvii, lxxii, et alibi. 2. *Secundum* specimen adparuit tempore Hizkiæ; quo etiam pertinet Jes. xxxi, xxxii. 3. *Tertium* tempore
reducum

^a Id. ad Job. iii: 21 & viii: 19.

reducum ex Babylonico exilio, in primis sub Maccabæis: quo variæ pertinent prophetiæ, ut Jes. xxiv. & seq. varii Pf. eadem ratione loquentes. 4. *Quartum* specimen sese offert in Ecclesia Christi, quæ Veteris est consummatio, cum in principio propagationis per orbem, tum per varias periodos, tum sub finem temporum. De quo prophetiæ V. T. non nisi in genere solent agere; ut alibi ad Dan. demonstravi. Quæ speciminis ergo sufficiant.

§. XII. 1. *Posterius* primæ partis membrum justos sistit, tempore illo fortunato Deo servatori & vindici canentes, seseque ad ipsum læte excipiendum parantes, per modum adloquii adhortatorii ad eos, ut id faciant, simul formulam cantus, qua tunc uterentur, vers. 5—7. Ubi α. occurrat adhortatio ad Deo canendum, eumque digne excipiendum, vers. 5. *Cantate Deo, psallite nomen ejus, exaggerate equitanti in desertis; Sub nomen ejus, & exsultate coram ipso.* Sermo exhortatorius censeretur debet directus ad eos, qui tempore illo viverent, quo Deus hostes & impios deleverat, & populo lætitiæ materiam procuraverat; & non ad Judæos tempore poetæ. 1. Quia *lætitia*, modo memoratæ, demonstrationem continent, & ad eam manifeste respiciunt. 2. Quia in argumento cantici Deus celebratur tanquam qui populum jam vindicaverat, & in securam ac felicem conditionem adseruerat; nec non hostes & impios obstinatos represserat. Quod 3. ulterius firmatur ex verbo præf. vel præf. temp. *וְיָבִיטוּ בְּגִלְבְּרִיתִם* *habitant glabritiem*, quo de improbis utitur. Exhortatio vero, quam poeta instituit, *duo* significat vel *tria*, sed connexa, α. justos eo tempore Deum esse canticis celebraturos. *Imperat.* enim in verbo prophetico sæpe pro *fut.* usurpantur, & idem dicunt; ut sensus sit; *justos tunc cantaturos esse.* Quo nihil est vulgatius β. Eos habituros materiam & rationem lætitiæ ac gratitudinem ea ratione testificandi. γ. Denique eos se invicem eo tempore *excitatos* ad id esse, ut alter alteri dicturus sit, *canite* &c.

§. XIII. Ex quibus simul elucescit, Deum hic non representari tanquam ducem, qui expeditionem in hostes suscepturus est ad populum suum vindicandum, & regnum promovendum, quem populus lætis canticis & jubilis prosequitur, ac per vias stratas & exaggeratas deducit exeuntem; uti a nonnullis accipitur, phrasi, *exaggerate viam equitanti in deserto*, deceptis; sed tanquam ducem & vindicem, qui, expeditione feliciter peracta, triumphabundus a populo excipitur, & solenniter cum pompa & signis lætitiæ deducitur in regiam suam, ut ibi gloriosus & pacatus in posterum resideat. Ratio est, quod verba manifeste respiciant ad justorum lætitiā super hostibus devictis, & prospera sua conditione, modo descripta: accedit, cuncta aptius in regis & ducis triumphantis deductionem in regiam convenire; robur insuper addit collatio vers. 33, 34. ubi eadem occurrunt fere verba. Nec obstat *exaggeratio viæ*, cum illa etiam in pomposam ducis receptionem quadret, uti Jes. XL: 3. & LXII: 10. *equitans vero in deserto* potius respicit ad expeditionem peractam, & reditum ducis; ut mox dicam. Explicemus secundum hanc hypothesin verba, sed paucis, quantum sufficit. *Cantate Deo*, (in laudēs ejus, qui se solum verum Deum demonstravit, Deum populi sui, quem liberavit: carmen itaque *ἐπινίκιον* ac triumphale indicatur, ut Ex. xv., quo hic omnino respicitur,) *psallite nomen ejus*, (sc. ipsum glorificatum, qui sibi *nomen* acquisivit magnum & gloriosum, Ex. xv: 3, 11. & Jes. xii. *psallite nomen*, & non *nomini*, habetur, ut significetur, ipsum cantico, erudite & artificiose composito, quod est *נִשְׁבָּח*, esse extollendum, & materiam psalmi faciendum,) *exaggerate equitanti in desertis*, (h. e. vel, voce elata, & animo elevato, ipsum laudate & in ipsius gloriam, vel deducite ipsum triumphabundum ad sedem gloriæ ejus, animis præparatis & bene dispositis, instar ducis per viam stratam & exaggeratam ad palatium ejus, qui *equitat* heros triumphans in deserto ad locum suum. Verbum *וְיָ* trahit quid de ambiguo: potest enim & ad canticum

canticum elatum & sublime, & ad *viam* regiam & stratam referri. Radices כלי & כלי, quæ ejusdem sunt originis, proprie sedem habent in longa *serie* & *concatenatione*, dicuntque *nectere*, *connectere*, unde כלי *canistrum* a viminibus implicitis & connexis, ac כלי כלי *ramusculi*, seu *palmites* tenuiores, seu *vitium flagella*, se circumplicantia, & longa serie fundentia; unde *ad tollendi* orta est significatio, & ad *vias* longa serie stratas ac exaggeratas transit ^a. Unde כלי signum elevationis animi & vocis. Potest itaque כלי 1. significare animi & vocis elevationem, ut in cantu sublimi & triumphabundo: ac si esset, dicite כלי. Quod confirmatur ex vers. 33, 34. ubi vox כלי inseritur, plane ut hic כלי. Acceperunt simili sensu Chald. & Syr. & Ex. xv: 2. ejus loco occurrit כלי. Sed 2. capi quoque potest per ellipsin vocis כלי, de via concatenata, plana & aggesta; uti aliis in locis occurrit, quæ ex Lex. satis nota sunt. Quod cum verbo *equitare* propius convenit. Quando ad morem, satis receptum, in regum & ducum publica & solenni deductione respicitur, quo via aptatur & aggeritur; & sensus erit, regem & ducem illum solenniter & cum pompa esse deducendum, nec non animis bene dispositis ac præparatis, qui cum *via* plana & strata comparari solent, ut Jes. xl, lxii. & alibi: *conjungamus utrumque sensum*, huc apte quadrantem, & videamus, quid sibi titulus *equitantis in desertis* velit. Dubium mihi non est, quin ad Deum respiciatur, qui, Aegyptiis prostratis, in deserto Arabiæ triumphabundus quasi incessit ad montem Sinai, ubi sedem capeffivit, in signum liberationis populi a Cananæis, & tranquillæ habitationis in Cananæa: præterquam quod ad canticum, Ex. xv. respiciatur, deinceps vers. 10 & 18. montis Sinai expressa sit mentio. Deus itaque proponitur populo liberato laudandus tanquam *equitans in deserto*, ut 1. in memoriam revocetur mirabilis illa victoria de Aegyptiis reportata, & Dei triumphantis processus ad montem Sinai, ubi populus est formatus

L 2

in

^a Vid. Schultens ad Prov. iv: 3.

in *regnum sacerdotale*; principium & fundamentum omnium sequentium liberationum, & bonorum. 2. Deus hic repræsentaretur, tanquam liberator, vindex & dux, populi sui, qui, hostibus superatis, & populo in statum felicem ac liberum educto, sedem suam in medio populi capeffit triumphabundus; ut a populo debite celebretur & colatur; quod figurate est *viam* sternere & exaggerare. Quæ latius non deduco,) *Jab*, vel *in Jab*, *nomen ejus*, (h. e. meretur cantu & psalmo celebrari, ac summa cum reverentia, animis præparatis, recipi, quia nomen ejus est purum putum, summo gradu, יה, sive *concinnum* & præcisum, sive *verendum*. Alii vertunt, *in decore nominis ejus*, sc. equitanti, ut sit signum & vexillum quasi ejus: sed obstat 1. ne de accentuatione dicam, quæ has voces a præcedentibus separat, cui tamen versiones antiquæ adstipulantur, quod יה non occurrat in statu constructo: non enim יה sed יהי punctatur. 2. quod phrasis, *equitare in decentia nominis sui*, sit insolentior. Rectius itaque ניה in יהיה cum emphasi statuitur abundare, ut sæpe alias א, adeoque dicere, nomen Dei esse summa emphasi יה, sive *decorum*, sive *verendum*; prout vel איהיה sive איהיה, vel איהיה cum ה mobili derivatur: si איהיה, per apocopen *tertiæ*, relicta media, quæ est mobilis, quare *mappik* habet, denotabit *pulchrum*, harmonicum; proprie, *præcisum*, inde apta circumcissura corporis omni parte commensuratum, & ita pulchrum ac decorum; radix enim proprie dicit, *secare*, *præcidere*. Sed si איהיה, quod maxime regulare est, denotabit *nomen verendum*; nam apud Arab. teritur radix in *religioso tremore*, a primaria virtute *tremendi*. Quod huc, & in alia loca, aptius quadrat, ut Ex. xv. & Ps. lxxxix: 9. *quis sicut tu*, יהיה *robustum nomen verendum*: יהיה enim robustum, & invicto robore polentem denotat. Fr. Hare ב, Vir eruditus, legit שמו pro שמו quod non foret reijculum, cum verba hæc & alibi conjungantur, ut Ps. ix: 3, 5. & Jer. l: 11. Sed opus non est, uti

א Vid. ad Ps. xxxix: 7. ב In libro Ps. merice diviso,

uti nec cum Cappello • כִּי הֵיאָה quia *Jab* nomen ejus, cum כִּי fit emphaticum, & כִּי quia in stylo adfectuoso facile o-mittatur,) & *exsultate coram ipso*. Quod nihil habet difficilis: tantum notetur, construi etiam posse cum præced. in *Jab* no-mine ejus, ut sit, in *Jab* nomine ejus etiam *exsultate coram ipso*: quemadmodum, Ex. xv: 2. *robur meum & psalmus meus Jab!* & Ps. lx: 8. in *sanctitate ejus exsultabo*: uti verti quoque potest.

§. XIV. ג. Formula cantici, eo tempore canendi, vers. 6, 7. his verbis exhibetur. *Pater pupillorum, judex viduarum est Deus in habitaculo sanctitatis suæ: Deus est, qui solitarios habitare facit domum, vinctos educit in nexas congloriationes: sed refractarii decumbentes habitant glabritiem.* Quæ verba non continent elogium simpliciter Dei, cantico celebrandi, sed summam cantici, & ea ratione cum superioribus cohærent; ac si haberetur: *cantate in hunc modum; dicentes, vel, & dicite.* Qualia exempla in hoc Ps. & sæpe alibi occurrunt: Non enim dicitur, cantate Deo, patri, educenti &c. sed *pater est Deus, &c. Deus est habitare faciens, &c.* Verba α. exponam β. ad subjectam materiam adplicabo. α. Describitur hic α. felix populi Dei conditio, vers. 6, 7. β. infelix & misera hostium & improborum vers. 7. ultimo membro. α. Deus in priore parte celebratur 1. tanquam *pater pupillorum & judex viduarum*, vers. 6. quatenus se personarum imbecillium, & oppressioni expositarum, præstitit & præstat tutorem, patronum, vindicem: quod facit, iis necessaria suppeditando, easque ab oppressione liberando, ut & in eo collocando statu, quo libertate, & rerum omnium copia, frui possunt. Tituli *patris & vindicis*, licet apte sint divisi, ut prior ad *pupillos*, posterior ad *viduas* referatur, conjungendi tamen sunt in utroque membro; ita ut & *pupillorum & viduarum* sit *pater* simul, simul *judex & vindex*, quatenus eos benevolo prosequitur adfectu, curat, sustentat, & eorum causam agit, sive oppres-

siones avertendo, & in ea collocando conditione, qua nihil metuendum habeant; ut in bene constitutis rebus-publicis & regnis. Significatur itaque, Deum eos 1. tempore oppressionis fuisse tutatum 2. inde liberasse & vindicasse, 3. in tuto collocasse. 2. Laudatur tanquam qui *solitarios habitare fecit domum*, h. e. nulla familia gaudentes, aut sperantes, numerosa ac felice sobole beavit. *Solitarii & domum* habentes opponuntur, adeoque *illi* sunt, qui familia ejusque spe orbi sunt, *hi*, qui numerosa gaudent & fortunata: sicut *domus* frequenter pro *familia* venit: uti notum, & ab aliis satis observatum est. Conf. Ex. 1: 21. Ps. cxiii: 9. 2 Sam. v: 11. Ruth. iv: 11. 3. Denique, qui *vinctos exire facit in nexas conglobationes*, h. e. non tantum captivos liberat, sed & longe aliam ac lætorem conciliat coagmentationem, & aptam societatem. Verbum מַצִּיחַ proprie *emicare faciens*, illustrem liberationem, & coruscam, qualis fuit Israelitarum ex Aegypto, & sub Hizkia, ex gr., designat. De quo ad Ps. lxxvi: 12. jam monui. Radix vero מַצִּיחַ originem habet in *apte nexo & conglobato*, & מַצִּיחַ dicit *conglobationem nexam, cum societatum, tum fortunarum*. Quod sicut huc recte quadrat, ita elegans est & acutum; ut facile adparet. Alii aliter instituunt, quos mitto. *b*. Infelix improborum fors his verbis proponitur; *at*, seu veruntamen, *refractarii decumbentes habitant glabritiem*, h. e. hostes Dei & improbi obstinati longe oppositam sunt nacti sortem, infelicem plane & miseram, qua omnibus bonis privati, omni consolatione orbi & desperabundi, decumbunt, & flaccescunt. Voces sunt emphaticæ. Imbrobi et hostes adpellantur מַצִּיחַ sive a מַצִּיחַ, geminata littera י ad intendendam significationem, proprie *fletere, flutando stringere*, inde discedere cum nisu et contumacia, instar jumenti, manum retrahentis stringentis, et refractarii מַצִּיחַ, sive a מַצִּיחַ proprie, *findere, scindere*, ex sono sumpta anima, inde refractarium

^a Vid. Schultens ad Prov. xxxi: 19.
xxx: 1.

^b Vid. Vitranga ad Jcf,

rium et protervum esse, qui omnia fræna obsequii scindit, & rumpit *a*. De illis dicitur, quod *decumbant*, vel *decumbentes* habitent *ariditatem*, seu aridam *petram*. Verbum *קָנַן*, quod proprietatem habet in *sedatione quieta*, usu suo & *habitare*, & in tentorio *diversari*, & *quiescere*, & *decumbere* ægrum, dormientem, mortuum denotat, Nah. III: 18. & ibi Schultens, Jes. xxxiv: 24. & alibi. Indicatur itaque, eos refractarios 1. se *quietos* tenere, nec amplius oppugnare Deum & populum ejus, 2. fixam habere sedem, & statui esse adligatos, 3. ægros, dormientes, & mortuos quasi esse, in statu misero decumbentes. Additur ad hanc ideam amplificandam, מִיָּבֶשֶׁת *glabritiem*, & siccitatem nitentem. Radix proprie dicit, *nituit*, *splenduit*; unde ad terram transfertur, *soli expositam*, & *nitido ejus æstui patentem*, & porro ad petram *glabram*, quæ nitet & splendet, in qua ne gleba terre conspicitur; ut Ez. xxiv: 7. nec non ad locum *aridum* & *siticulosum*, Jes. v: 13. *Habitare* vero *nitorem*, vel *ariditatem* & siccitatem, significat, versari & decumbere in statu inopiæ, miseriæ, ac desperationis, nec non sensu iræ Dei *urentis*; eaque ratione ab omni infestatione aliorum abstinere.

§. XV. Quæ diversa justorum & improborum sors, *illorum* *læta* & *prospera*, *horum* *misera* & *afflicta*, derivatur a Deo, *habitaculum sanctitatis suæ* incolente, cum in principio cantici dicitur, *pater pupillorum*, & *vindex viduarum* est *Deus in habitaculo sanctitatis suæ*; quod ad reliqua omnia extendi debet. Quæ phrasi cum Tabernaculum, Templum, etiam Ecclesia & cælum, in Script. veniat; illa omnia hic conjungi poterunt. Idem enim ille, qui *cælum* pro sede Majestatis habet, olim inter Judæos sese præsentem stitit per Tabernaculum & Templum, & inter Christianos deinceps spiritualiter in Ecclesia sua. *Habitaculum sanctitatis* est, ubi Deus *sanctus* versatur, summa Majestate, & gloriofis virtutibus justitiæ & bonitatis, præditus, earumque
manifeste

manifesta dat signa in piis & iustis servandis, & impiis puniendis. Quæ uberiore expositione non indigent.

§. XVI. Videamus nunc *β. quo* hæc omnia tendant, & in quænam tempora convenient. Hasce providentiæ Dei rationes & vias existimaverim speciatim in hoc cantico, quod populo Dei præscribitur canendum, memorari & celebrari 1. ut populus grata mente recoleret insignia, quæ consecutus erat, beneficia, 2. lineæ aliquæ felicitatis populi ducerentur, & populus ejus notitia probe imbueretur. 3. excitarentur ad Dei vias hac parte imitandas, & exprimendas. 1. Quod ad *primum* adtinet, digitus quidem intenditur ad beneficia, olim in populum ex Aegyptiaca servitute liberatum, collata; sed directe certa quædam tempora indicantur, quibus bona illa renovata fuerunt; & novam celebrationis Dei materiam suppeditarunt. Respici ad populi conservationem in Aegypto & liberationem, ipsæ phrasæ, & adlusio ad canticum Moysis Ex. xv., ut supra observavi, fatis evincunt. Gessit enim Deus tunc temporis *pupillorum* ac *viduarum* præcipuam curam, cum populus sub tyrannico gerneret domino, & populum ipsum, tunc tutelâ humana carentem, oppressioni obnoxium, ac in conditionem *pupillorum* ac *viduarum* redactum, conservavit, sustentavit ac tutatus est; denique causam populi oppressi luculenter vindicavit, hostes puniendo, & populum liberando. Præterea populum in Aegypto valde multiplicavit, adeo ut ex 70 animabus in immensam creverit multitudinem, & dici potuerit, *solitarios in domum* seu familiam fuisse ductos; uti Ex. 1: 21. habetur: quod deinceps magis est continuatum, cum in terram Cananæam est immissus, & *stabiles* est nactus fedes. Denique *vinctos*, & dura servitute pressos, Israelitas in Aegypto non tantum liberavit, sed & in nexas conglobationes, seu societates arte unitas, & in bene ordinatam remp. colligavit; tandem hostes & impios refractarios, sive Aegyptios, sive rebelles Israelitas in deserto, miseros reddidit & afflictos. Ad quæ beneficia adlusum est, ut eorum memoria

ria semper renovaretur, & populus ea consideraret tanquam primordialia & fundamentalia sequentium. Sed directe intenduntur beneficia, quæ populus in sequentibus, variis periodis, consequeretur, quando Deum propterea celebraret. Maestus autem est hisce bonis *tribus* imprimis vicibus illustrioribus post hoc canticum compositum; tempore Davidis & Salomonis, dein Hizkiæ, & denique, post exilium Babylonicum, proprie sub Maccabæis: quæ periodi in seq. expressius recensentur. Quam apte vero in ea tempora conveniant, adeo ut eorum fere etiam characteres ducant, in oculos facile incurrit. Fuit enim tunc populus, antea imbecillis, & hostium ac impiorum insultationibus expositus, vindictus, & pupillis ac viduabus in populo securitas procurata, populus valde multiplicatus, ac ditatus; simul ex vinculis & angustiis in bene compactas, & fortunatas, societates redactus, hostibus & improbis repressis vel deletis. Deus denique in *habitu sancto* degit, & se populo præsentem demonstravit, ibique decenter cultus est. Quæ omnia tandem in Ecclesia Christi sunt, aut erunt, consummata. Quod ab Interpretibus, qui Ps. ad Ecclesiam Christi directe adplicant, satis est expositum.

§. XVII. Quod vero, 2. ad *Secundum* adinet, verbo *tantum observo*, hæc in specie beneficia memorari, ut populus, in statu illo felici positus, ad animum revocaret, felicitatem populi in eo esse sitam, ut pupilli ac viduæ secure degant, & patrocinium inveniant, iisque bene & liberaliter prospiciatur, populus procreationi sobolis operam legitime, & ad domum recte ædificandam, det, & multiplicetur; denique societates sint bene connexæ, & fortunatæ, simul pax & libertas vigeat, omni oppressione, sive externa, sive intestina, remota; Deus tandem in habitu sanctitatis suæ se præsentem sistat populo, & ab eo debite colatur ac celebretur. Denique 3. eo hæc collineant, ut populus *officio* suo instrueretur, & ad illud exemplo Dei excitaretur; ut sese hac ratione diserneret ad Deum, ducem &

servatorem suum, digne excipiendum, & secum retinendum. Quo pertinebat, pupillis & viduabus adesse & prospicere, domos seu familias suas recte curare, & fortunatas reddere, vinctos seu oppressos liberare, & Deum in sancto habitaculo suo sancte colere. Qua ratione censerī possent *viam* æquare ac exaggerare Duci & imperatori suo, ad se venienti; ut vers. præced. erat dictum. Quæ *instructio* & *admonitio* ad diversa illa tempora, quibus hæc bona conferetur populus, facile poterit adplicari.

§. XVIII. *Secunda* Pf. pars, qua nonnullæ illustriores periodi recensentur, quibus modo in genere exposita præberentur, majore minoreve gradu, conspicienda vers. 10--36., præmissam habet illustrissimam & tremendam Dei manifestationem in deserto, & in monte Sinai, tanquam fundamentum et emblema sequentium adparitionum Dei ad populum suum liberandum et felicem reddendum, vers. 8, 9. *Deus! cum emigres coram populo tuo, cum magnifice gradireris in solitudine horrida, Selah! Terra tremuit, etiam celi stillarunt lacrimas coram Deo. Hic Sinai a coram Deo; Deo Israelis.* Quæ verba et sensus et scopi respectu varie admodum accipiuntur, passim minus recte, a nonnullis in perversum longe sensum. Cujus rei conspectum dare non licet. Ipsi Interpretes se mutuo fati refutant. Nostrium fuerit, verba explicare, et ad scopum adplicare. Quem in finem *duo* vel *tria* in antecessum sunt probe notanda. *a. Primum* pertinet ad singularem structuram, minus animadversam; qua sermo vers. 8. per *Selah* abrumpitur, et vers. 9. non ad Deum, ut vers. 8., sed de Deo sermo fiet: cujus ratio est, quod vers. 8. per aposioposin, vel reticentiam, intelligenda et supplenda præbeantur, et majora esse indicetur, quam quis debere possit eloqui; vers. vero 9. unum alterumve tantum specimen proferatur eorum, quæ silentio erant involuta: acsi dixisset poeta, o Deus! cum tu coram populo tuo exires et incederes in deserto, quæ et quanta non fuerunt tuæ tremendæ potentiae et bonitatis specimina et effecta

effecta conspicua! plura & majora, quam eloqui pos-
sim; notiora, quam ut recensere necesse habeam: unum
alterumve, si velitis, sermone ad auditores verso, ecce!
terra tremuit coram Deo, &c. Cohærent quidem verba
vers. 9. cum vers. 8. ut structura sermonis docet, et a
nonnullis recte observatum est, nec diversæ sunt perso-
nae loquentes, uti ex voce *Selab!* male concluditur,
sed ita connexa sunt, ut vers. 8. sermo abrupta-
tur, silentio involutis majestatis Dei signis, quæ Dei in-
cessum fuerunt comitata; versu autem 9. pauca ejus
memorentur, sermone non ad Deum, sed de Deo, institu-
to. Vox *הוה*, cujuscunque etiam sit potestatis, de quo alibi di-
xi, sermonem semper absolvit; uti et hic, ea, qua dixi, ra-
tione. *Aposiopesis* vero insigni pollet emphasi, et facile sup-
pletur, uti feci. Sic Jes. LXIV: 3. *Cum faceres tremenda,*
quæ non expectabamus, descendisti, a facie tua montes fluxerunt,
& a seculo non audiverunt, &c. Conf. etiam Ps. xl: 6—.

§. XIX. β. Secundum est, duplicis generis citari magni-
fici incessus Dei specimina, vers. 9. alterum terribile, alte-
rum amœnum et salutare, prius justitiæ Dei terrificæ in
terrae concussione, posterius bonitatis Dei singularis, in
calorum stillatione conspicuum. *Concusio terræ*, qua in tre-
morem conjicitur, quæ vera potestas est verbi *הוה*, proprie
tremuit, *concussus fuit motu*, potissimum exteriore, terribilis
Dei potentiæ signum est, & de populorum ac regnorum exi-
tiosis motibus sumi solet, uti notum est, adeoque ad ho-
stes & impios prostratos respicit, quorum modo facta fue-
rat mentio. Sed *calorum stillatio*, seu donorum cælo demis-
sorum, sive sit pluvia, sive ros, sive cibus & potus, ad
hominum refrigerium, sustentationem & delectationem, bo-
nitatis Dei est indicium, & ad populum Dei spectat, qui di-
vinitus alitur & recreatur. Interpretes passim aliter capiunt.
Sed & verbum *הוה stillare* nos eo ducit, & superiora,
quibus æque bona in populum Dei collata, ac judicia in ho-
stes Dei, fuerunt recensita, requirunt, denique *sequentia*,

vers. 10. extra dubium collocant, cum mox *fluxus imbris munifici* in *hereditatem* Dei celebretur. Verbum vero *שֵׁן* in origine dicit *eliquationem*, seu expressionem *liquoris sincerioris*, & *interioris*, unde, *stillare*, *stillatim fluere*, & *שֵׁן* *stacte*, *שֵׁן* *stillatio*, aroma exquisitissimum, *stillis* eliquatum; est enim sincerissima pars *myrrhæ*, *ultra exstillans*; & *שֵׁן* *inaures*, guttarum instar de auribus q. destillantes, & ipsam *stillaturæ guttæ* pellucidam & oblongam figuram exprimentes *a*. Unde *שֵׁן* transfertur ad prophetas, sermonem suum *eliquantes* quasi, ut summa cum puritate & sinceritate de eorum labiis *destillet*. Quod mox usui erit. Nec alium conspectum habet hoc verbum, Jud. v: 4. quo hic alluditur, ubi ad *aquas stillantes* etiam refertur.

§. XX. γ. *Tertium* est, voces *שֵׁן* *hic Sinai*, ut vertendæ sunt, secundum verum & usitatum voculæ & structuræ significatum, respicere quidem ad proxime præcedentia majestatis Dei signa, in eo monte aliquatenus conspicua olim facta; sed non ita cohærere, ut, quæ modo dicta erant, ad montem Sinai restringerentur, verum per se stare, & novum ac illustrissimum majestatis & præsentiae Dei in bonum populi signum continere, quod non exprimitur, sed per reticentiam extollitur, & cogitandum relinquitur: ut sit, hic tam excellens, simul aridus & petrosus mons, *Sinai*, quid qualisque fuit coram Deo? vel, quam excellens majestatis Dei indicium præbuit, majus quam exprimi potest. *Hic Sinai* scilicet, quanta ei contigerunt illustria specimina! quam hac parte excellens, & mirabilis! tremuit & ipse, ac certo sensu stillavit, & alia bonitatis plane singularis indicia prætulit. Voces, *hic Sinai*, manifeste a superioribus, *terra* & *calis*, distinguuntur; nec *tremor* ejus præcipuum fuit, quod eum reddidit celebrem; ut ejus expressa tantum fieret mentio, nec *stillationis* ejus, proprie dictæ, mentio occurrit, Ex. xix. cum Deus sese in eo manifestavit. Vocula denique *שֵׁן* *hic* ad excellentiam ejus amplificandam in genere

a Vid. Cl. Schroeder ad Jes. lxx. cap. 4.

genere tendit, ut sit, hic quam excellens *Sinai!* quot & quanta non habuit majestatis Dei signa, in bonum populi? Vocula illa non tantum demonstrat personam, sed simul *excellentiam* ejus extollit, ut Jes. xxv: 9. 1 Reg. vi: 12. xxi: 2, 5. Jer. vi: 16. xiv: 13.

§. XXI. *Explicemus* nunc verba, sed paucis, ea relegentes. *Deus!* (ut te adloquar, illustre tuum factum celebraturus, olim populo tuo præstitum; & postea præstandum, ut opto & prævideo, tuo Spiritu ductus,) *cum exibas coram populo tuo*, (proprie *emicabas*, pompose & triumphabunde *exibas* coram populo tuo, ab Aegyptiis liberato, instar gloriosi & triumphantis ducis, populum in statum felicem & prosperum deducens. *Populus* hic consideratur, tanquam jam liberatus, Aegyptiis partim multis judiciis afflictis in Aegypto, partim in aquas maris rubri demersis; & *egressus* Dei non tam est bellicus, ad hostes profligandos, quod jam factum erat, quam triumphabundus & pompaticus, ad populum felicem reddendum, & in terram suam, statumque prosperum, transferendum. Quemadmodum *מַרְאֵה* speciatim exitum in libertatem & felicitatem denotat, & lætitiā ac pompam adfert: uti Ps. Lxvi: 12. & alibi vidimus,) *cum gradiebaris in solitudine*, (horribili proprie & vasta, ubi nec fata & fruges, nec gramina, nec aquæ, sed omnia squalent & horrent: quæ vera est vocis *סוּדָה* potestas. Arab. *سود* est *splenduit*, *splendicavit* quam *nitidissime*; unde etiam ad desertum splendicans transiit, ubi omnia æstu ac siccitate glabra sunt, nitida & siticulosa. Præterea, sicut *סוּדָה* potestate pollet *siderandi*, & ad talem refertur vastationem, quæ vel ex aere infecto, adurente omnia, oritur, vel ex *vento* pestilenti. Quæ omnia in desertum Arabiæ, secundum aliquam ejus partem, recte conveniunt. Conf. Deut. i: 19. viii: 15. xxxii: 10. & ibi dicta. Quo epitheto *desertum* hic insignitur, ut *bonitatis & potentiae Dei* in populi sui commoda fieret illustrior demonstratio. Hac in solitudine horrida Deus dicitur magnifice & secure incis-

fisse, instar ducis potentissimi, & sibi ac suis abunde sufficientis, sine ullo scrupulo aut metu. Utitur poeta verbo emphatico, & in rem apto, *וַיַּי*, cujus proprietates est in gressibus majoribus, diductionibus, simul compositis & pompaticis, quod Lat. *spatiari* est, sicut pro gressu *magnifica* sumitur, Prov. xxx: 29. Job. xviii: 24. *. Ceterum respicitur ad *incessum* Dei ante populum suum per totum desertum, usque ad introitum in Cananæam: cum in genere Deus dicatur *spatiatus* in *deserto*; non itaque ad montem Sinai tantum usque, sed per totum desertum. Quod recte est notandum.)

§. XXII. *Terra tremuit, etiam cæli stillarunt a coram Deo*, (scilicet, cum tu, o Deus! per desertum, quam horribile etiam & sterile, magnifice incedebas; quam multa & magna dedisti tuæ potentiae & omnisufficientiae signa & effecta, quæ recenseret & laudari satis nequeunt? quo vocula *Selah*! ut dixi, inserta, & sermonem abrumpens quasi, tendit; unum autem & alterum, & terribilis potentiae, & bonitatis, ut memorem specimen, ecce! sermone ad socios verso, seu a Deo simpliciter averso, *terra tremuit, etiam cæli stillarunt a coram Deo*, h. e. horror & metus fuit populis vicinis quaquaversum incussus, & ipsorum destructioni, seu fugæ præludum fuit, quæ etiam secuta est; verum etiam quævis bona & dona cœlitus effluerunt in sinum populi ejus, ad eum alendum, refrigerandum, & omnibus necessitatibus prospiciendum, adeo ut secure, tuto, & omnium bonorum cum abundantia fuerit versatus in deserto, licet tam arido & terribili. *Terram* proprie *tremuisse*, cum Deus incesse per desertum, *cælos* aquam demisisse, nusquam legimus; de *monte Sinai* concussio tantum constat, sed semel, non cum Deus incesse, sed super eo monte confedit, adeoque huc non pertinet; quare improprie utrumque est capiendum, *prius* de *timore* populis incusso, & destructionis secuturæ signo; *posteriorius*

* Vid. Schultens ad l. c. & Hackman ad Gen. xlii: 22. nec non Schroeder ad Jes. lli, c. 8.

posterius de quibusvis bonis de cœlo missis in usum & commodum populi, etiam secururæ felicitatis signis. De *priore* facile constat ex historia, ut Jos. II: 9. & Moses Ex. xv: 14. &c. diserte locutus est: phrasis vero *tremoris terræ* satis usitata est in script. de populorum concussione & subversione; quæ hic indicatur simul; ut dixi. *Posterius* vero illud conspicuum fuit, cum in *manna*, cœlitus, instar roris, defluente, tum in aqua miraculose suppeditata, per petras percussas, & fluidas factas, aquas quasi de cœlo mittentes. *Cælorum stillatio* recte ad *Manna* refertur: ut Ps. LXXVIII: 23.— Deus *nubibus* legitur præcepisse, *portas cælorum aperuisse*, & *pluisse super ipsos Manna, ad edendum & frumentum cælorum dedisse*; imo *carnem* quoque per co- turnices ipsis concessam complectitur, quemadmodum *pluisse* Deus quoque dicitur *carnem*, ibid. vers. 27. Quod vero ad *aquas* adtinet, etsi de *pluvia* proprie dicta nihil legamus; eam aliq. fuisse miraculose concessam præsumere licet; sed ejus instar fuit aqua per montes & petras demissa: quod idem est, acsi cœli stillassent: quemadmodum de *nubibus & montibus* diserte habetur, Jud. v: 4, 5. quo hic respicitur, & unde noster locus supplendus est; & explicandus.)

§. XXIII. *Hic iste Sinai a coram Deo, Deo Israelis*, (h. e. Sinai imprimis celebris factus est, & multa ac illustra prætulit bonitatis Dei signa erga populum; ita ut digito monstrari mereatur, & dicier, *hic est*; sedes quippe Dei non tantum in genere, sed *Dei fœderati* populi Israelis; quo de monte lex pronunciata est, & fœdus inter Deum & populum iſtum; quo nos manifeste ducit titulus *Dei Israelis*: cujus ea est, quam dedi, ratio; in fœdere tunc pacto querenda. Poeta quidem non expresse memoravit, quid huic monti tunc contigerit, quia celebritas ejus satis nota erat; & silentio eam magis extulit, ut supra dixi; attamen tacite eam insinuavit, cum per titulum *Dei Israelis*, coram quo *Sinai* fuisse dicitur, tum per *eliquationem cælorum*, modo memoratam, quæ & huic monti adplicari certo sensu, sed mul-

to nobiliore, potest. *Cæli* enim super hoc monte recte censentur *stillasse*, quatenus Deus 1. favorem suum, & omnigenam benedictionem, populo hic promisit, fœdere cum magnis promissis cum ipso pacto, unde omnis felicitas ad populum manavit. 2. *legem* de hoc monte promulgavit, & populum docuit viam ad felicitatem; simul per Moysen omnia ad religionem & civitatem ordinandam docuit. Quod in Script. solet verbo hoc *ῥῆμα stillare*, ut supra observavi, significari. *Tremoris* itaque, modo etiam memorati, non tam, quam *stillationis* cælorum ratio habenda est, respectu *Sinai*; quemadmodum Jud. v: 5. etiam indicatur, ubi uno tenore legitur, *montes fluxerunt, coram Deo, hic Sinai &c.*)

§. XXIV. Inquiramus, restat, in *scopum* horum verborum, quorsum tendant. Poeta, illustriores periodos liberationis populi & prosperitatis recensiturus, ut spiritu prophetico ductus facit in seq., magnificum Dei incessum coram populo per solitudinem Arabiæ, cum ejus signis concomitantibus & effectis, præmisit α. tanquam futurarum liberationum & prosperitatum omnium *fundamentum & originem*; adeoque & *spei* ac expectationis populi principium. Qui verus est redemptionis populi e servitute Aegyptiaca, cum Aegyptiorum multiplici clade, & manifestationis Dei in monte Sinai, conspectus. Populum enim hac ratione sibi adseruit, fœdus cum eo tunc pepigit, & sese publice declaravit ejus vindicem, tutorem, & servatorem; magnificis denique promissis sese ei obstrinxit. Quæ omnia notiora sunt, quam ut nos detineant. Quæ etiam ratio est, quare ad hoc capitale & originale beneficium ubique provocari soleat in precibus, & Deus ipse illud citare ubique introducatur tanquam causam, quare populum illum ferat, liberet, & felicem reddat. Quæ ubique recurrunt. β. Considerari vult poeta hunc antiqui temporis casum, quod cum superiori arte cohæret, tanquam *signum* sequentium liberationum, imprimis illustrium & miraculosarum, quales mox in medium

dium profert; ex quo colligi possit, quid, quave ratione, Deus populo facturus sit; quid populus identidem expectandum habeat; adeo ut, in rebus quoque desperatis, Deus populo suo sit potenter & benigne adfuturus, hostes prosternendo, & populo quævis bona procurando. Quem admodum olim fecit, cum populum ab Aegyptiis liberatum duxit per desertum, & hostibus terrorem incussit, eos subiecit, populo abundanter prospexit, ita in posterum ager, cum res exegerit, hostes identidem reprimendo, & populum Israelis felicem reddendo. Quæ rationes sunt, quare ad hunc casum digitus soleat intendi in descriptione mirabilium potissimum liberationum, earumque lætorum consequentium: uti in cantico Deborah, Jud. v. Pf. XVIII, & Habac. III. ne alia memorem. γ. Denique, cum liberationum populi Israelis *consummationem* in Ecclesia Christi, per orbem disseminata, quoque in oculis habuerit poeta, ut supra vidimus; primum hoc & fundamentale beneficium, Israeli concessum, respici simul vult, tanquam novæ æconomiae erigendæ inter Gentes *typum* vel *emblema*; quo expicta fuit Ecclesiæ introductio in terras gentium, ejusque multiplex defensio & benedictio, donec orbem sibi subjecerit per Evangelium. Cujus comparationis conspectum jam dedit Cl. Vitringa ^a; in eo, quod salvo summi Viri, & æstumatissimi mei Doctoris, honore dictum sit, tantum errans, 1. quod primo & directo sensu transfulerit hanc pericopam ad Ecclesiam Christi, ex falsa hypothese Pf. exponendi; de quo supra egi. 2. quod *montem Sinai* respexerit tanquam emblema vel Ecclesiarum in orbe Rom. in genere, vel *Antiochiæ*, metropolis Syriæ, ubi nomen *Christianorum* primum incepit. Quæ minus solida sunt, & longe quæsitæ. *Sinai*, vel locum non habet in conspectu mystico, cum omnia non necesse sit transferre, ubi sensus typicus non primus est & directus, vel emblema est *cæli*, aut Ecclesiæ *Apostolicæ*, sive utriusque simul: sicut & Tſion est,

N

^a Comm. Belg. verso ad h. Pf.

est, cui respondet tunc *Sinai*, uti vers. 18. *Sinai in deserto*. *Sinai* enim hic occurrit, tanquam ubi Deus sedem habuit, unde cœli stillarunt, lex promulgata est, & benedictio manavit ad Israellem.

§. XXV. Pergit, hoc jacto fundamento, poeta ad illustriores periodos felicitatis Ecclesiæ Judaicæ recensendas, vers. 10—30. Quarum *a.* prima, ad prosperrimum regnum Salomonis in primis pertinens, vers. 10—14. vivis depingitur coloribus. Ubi *a.* proponitur ejus felicitas, vers. 10—13. *β.* confirmatur & amplificatur, vers. 14. *α.* In propositione *a.* prosperitas in genere describitur, vers. 10—12. *b.* relate ad hostiles populos in specie, vers. 13. quæ duo hic memorantur, tanquam *tremori terræ* & *stillationi cœlorum*, de quo modo erat dictum, respondentia; quod probe advertendum est. *a.* Incipit oratio prophetica a futura felicitate, benedictioni Dei accepta ferenda, *stillationi cœlorum* in deserto simili, cujus proxime facta erat mentio, eadem retenta fere phrasi, vers. 10. quæ mox magis proprie exponitur, & latius deducitur, vers. 11—12. 1. Phrasi metaphorica, his verbis exhibetur prosperitas, vers. 10. *Imbrem exuberantem evibrabis, Deus! in hereditatem tuam, quam tu ad incitiam redactam firmasti.* h. e. Cum Tu, o Deus, terram Cananæam, quam Tibi in usum populi tui elegisti, & tuam fecisti, valde oppressam, & ad summas redactam angustias, firmare jam cœperis, intestinis turbis sedatis, & regno meo in ea stabilito; ea me firma tenet spes, quam implendam esse, in spiritu quoque prævideo, fore, ut liberalissimum benedictionis & spiritus imbrem in eam sis cum coruscatione evibraturus, ad eam quibusvis bonis, corporalibus & spiritualibus, replendam; quemadmodum olim *cœli stillarunt* in deserto. Duo sunt *versus* membra, *alterum* in fut., *alterum* in præt. expressum; quorum itaque *prius* bonum exhibendum, *posterius* jam exhibitum, quo tempore Pf. compositus est, continet. Qua ratione verba fut. & præt. temporis usum suum retinent;

retinent, quem Interpretes sine ratione confuderunt. Prius membrum habet: *imbrem liberalissimum evibrabis in hereditatem tuam*. Vox enim *הֲרִיתָ* hereditas tua cum præced. proxime cohæret, cum quod subjectum alias deficeret, quod imbrem recipiat, tum quod conjunct. וְ in *הֲרִיתָ* distinguat a præcedente. *Hereditas Dei* hic est terra Cananæa, quam Deus sibi adseruit in usum populi sui, in qua sibi complacet, & se manifestat, uti liquet ex vers. 11, ubi *caterva Dei*, seu populus ejus, in ea habitare dicitur, & vers. 15. ubi reges sistuntur expansi in ea; de quo postea. Fert & alibi haud infrequenter eum titulum; ut Ex. xv: 17. Jer. 11: 7. & alibi: quemadmodum terræ hujus *producta* quoque *Dei* esse dicuntur, Ez. xvi. Hof. 11. & alibi. Hanc hereditatem suam dicitur Deus *largissimo imbri repleturus*. Voces sunt valde emphaticæ. *מִבְרַת* proprietatem habet in *spissa compactione*, & denotat gravi mole & onere superne incumbere valde; *מִבְרַת* sunt moles aquæ pluviae, deorsum suo pondere delatæ, & absolute usurpatur *מִבְרַת* pro imbri spissiore & graviore. Sed additur *מִבְרַת* *exuberationum liberalissimarum*, ut de larga quidem, sed simul benigna ac utili pluvia, quæ de liberalitate & bonitate Dei testatur, cogitarem, adeoque in bonum, non in malum, sumeremus. Verbi *מִבְרַת* primaria potestas est in *fluendo*, & exuberando, quatenus aliquid succi plenum madet, & sponte fluit, præ ubertate, estque *uvescere*, præ *uviditate fluere*; unde transfertur ad *munificentiam & liberalitatem*, inde *spontaneitatem*, seu voluntarium & liberaliorem impetum. *Imber exuberantiarum* itaque est, largissimus, ex lubente dantis adfectu ortus, & terram uberrime irrigans, ac fecundans. Hunc *imbrem* Deus traditur cum *coruscatione evibrare*; quæ est verbi *מִבְרַת* vera potestas, sita in *coruscatione*, vel agitatione splendente, & præeminente ante oculos, vel vibratione eminentiore, unde pro *eminentia vibrante*, & procul oculos feriente, usurpatur; & ad varias res adplicatur, hic egregie ad *pluviam*, quam Deus fecit *coruscare*, vel largissime per aerem

evibrare : adeoque indicatur , Deum densissimum imbrem liberalissime quaquaversum sparsurum , & coruscare factorum ad jucundam refocillationem hominum , & terræ fecundationem uberrimam. Hunc imbrem Deus dicitur *evibraturus in hereditatem suam*; particula *in* per ellipsin omiſſa , ut alias sæpe. Cum hac enim voce construendum esse verbum *הני* , modo demonstravi; quod versiones omnes antiquæ confirmant. Respici ad indolem Cananæ , per imbrem irrigari , & fecundari , solitæ , facile patet: nec obscurum est , directe & primo sensu frugum & productorum terræ abundantiam in usum hominum & animantium denotari. In quo cum incolarum terræ præcipua sit sita felicitas , & *benedictionis* nomine veniat; ulterius ad quævis bona alia externa & corporalia , de favore Dei testantia , & ex fœdere Sinaitico fluentia , extendere licet. Denique cum *pluvia* soleat esse emblema *verbi Dei* , & *spiritus ejus* , ad hominum illuminationem , sanctificationem & consolationem , eorum bonorum copiam simul comprehendere fas est. De quibus ad Pf. Lxv. monui , & alii abunde dixerunt. Quam egregie vero hæc in tempora Salomonis conveniant , ut demonstrem , opus non est.

§. XXVI. Confirmat poeta hanc prosperitatis expectationem ex præſente terræ statu , collato cum præterito ; his verbis: *וְעָזָרְתָּ* , vel *etenim* , *defatigatam tu firmasti* , scilicet hereditatem tuam , ex præced. , quod facillimum est. *Defatigata* , & a ruina proxima , adpellatur relate ad omnia illa mala , quæ ante tempus regni Davidis ei contigerant. De quo abunde egi ad Pf. Lx: 3—5. Radix. *תָּוֹךְ* proprie est , *tor-tus intortus fuit* , *obæſit* , ut se expedire nequeat , hinc *תָּוֹךְ* , & *defatigari* , cum adlusionem sæpe ad onus grave , quod torquet & elidit. Hanc adeo afflictam & oppressam terram Deus declaratur *firmaſſe* , quatenus intestinos motus jam represserat , regnum Davidis erexerat , & stabiliverat , a Philistæis vindicaverat , Davidi promissum perpetui regni dederat ; nihilque supererat , quam ut regnum amplificaretur ,

tur, & a vicinis populis tutum redderetur; quod ab hoc tempore fieri cœpit. Quæ lætissima rerum in Cananæa catastrophe, a Deo mirabiliter procurata, futuram prosperitatem indicabat & promittebat; adeo ut dicere potuerit, prosperam reddes terram; cum eam jam firmaveris, & eo ipso viam ad eam felicitatem straveris, ejusque spem nobis feceris.

§. XXVII. 2. Propriis magis phrasibus eadem mox explicatius traduntur, per duos articulos vers. 11, 12. Quorum *a.* prior ita habet, vers. 11. *Cætus tuus coagmentatus habitat in ea, firmabis bonitatem tuam inopi, o Deus!* h. e. cum societas bene compacta, & ordinata, quæ tua est, Deus! in hac terra tua jam secure habitet, bonitatem quoque tuam dubium non est, quin cœtui huic, antea valde inopi & adflicto, sis firmam redditurus & stabilem. Quemadmodum modo ex eo, quod Deus hæreditatem suam defatigatam firmaverat, deduxerat, Deum imbre largissimo eam esse irrigaturum; ita plane hic adsumit, & præmittit, cætum Dei bene conglobatum in ea securas & fixas jam habere sedes, & inde repetit expectationem beneficentiæ Dei, cœtui huic inopi firmiter concedendæ. Membra enim versus rursus ita concinnata sunt, ut alterum sit in præterit., alterum in futuro. *Prius* in præterit. habet, *cætus tuus habitat in ea*, nimirum in præsentia, & secure, ac firmiter, simul bene ordinatus & compactus, in ea *hæreditate tua*. Interpretes hic varie instituunt, & nonnulli suaviter ludunt; quibus non immoror. Omnia sunt ex nostra hypothese facilia, & apta. Respiciunt verba ad præsentem Israelis statum in Cananæa, & eo tendunt, ut spem futuræ prosperitatis faciant, & protendant, quæ mox promittitur: sicut vers. præcedente etiam obtinet. Verba sunt selecta & emphatica. Populum Israelis sui temporis scite & emphatice adpellat, Deum adloquens, *וְיָחַד* *cætum tuum coagmentatum*, opposite ad divisiones præcedentes & varias dissipationes; ut significaret, populum jam esse adunatum, in unam societatem conglobatum, &

unitum; simul bene ordinatum, ut *societatem Dei*, legibus ejus jam vigentibus, & observari solitis, constituat. Hanc enim sensus amplitudinem continet vox חַי, cujus proprietates est in *coagmentatione*, *conglobatione*; & in unum compactione, unde multitudinem quoque hominum conglobatam, & in unam societatem coagmentatam, denotat: uti & Pf. LXXIV: 19. 1 Sam. XVIII: 18. 2 Sam. XXIII: 13. & alibi. De quo usu alii jam exposuerunt, ut Bochartus *a*. De propria verbi potestate quoque monuit Cl. Schultens *b*. *Cætus itaque tuus* est, quem tu olim in societatem coadunasti ad montem Sinai, & tibi adseruisti in peculium, quemque disjectum nunc iterum coagmentasti, ut sub Davide factum erat. De hoc *cætu* conglabato dicit, *eum habitare in ea*, his verbis: *cætus tuus habitant in ea*, ut proprie sonant; quæ constructio turbare neminem potest, cum *cætus* contineat plures, & nomen collectivum sit. Vocem vero חַי in *ea* ad *hereditatem* pertinere, & non, ut alii, ad *desertum* vers. 8. facile patet, quod *proximum* sit, & mox eo referatur, vers. 15. denique quod nullum sensum, nullam utique emphasin habeat, *habitare in deserto*. Sed *habitare* hic simul firmam & *quietam* denotat inhabitationem, quæ propria est verbi potestas, in *sedatione quieta* sita. Qui status fuit populi Israelis, quo tempore Pf. est compositus; uti dixi, & notum est.

§. XXVIII. Hinc derivat poeta, seu confirmat, expectationem *felicitatis*, quam prædicit, & populus nactus inprimis est sub Salomone, his verbis: *firmabis bonitatem tuam inopi*, o Deus: sic enim voces vertendæ sunt, redundante cum emphasi littera נ, in נִסְכֶּיךָ; ut sæpe alias, vel, *firmabis per bonitatem tuam inopem*, ut ל in לִעְנִי cum emphasi abundet; quo modo recte accipi possunt verba, eodem manente sensu. Populum Israelis, quem modo *cætum coagmentatum* adpellaverat, hic *inopem* cognominat, uti Pf. LXXIV: 19. חַי עֲנִיךָ, *cætum inopum tuorum*, non tantum, quod

a H. p. 1. l. III. c. 5. *b* Ad Job. & Prov.

quod per se fit debilis & inops, cujus salus & robur in Deo est Pf. LXXXIV: 6. sed & respectu status præteriti, quo fuerat afflictus; quemadmodum modo *hereditas defatigata* fuit memorata. In quo nihil est singularis. Tantum notetur, quod propria *fluendi* potestate inter alia transiisse ad *inopiam* non tantum proprie dictam, qua *opes* defluerunt, sed & humilem, depressum & infirmum, statum, quo *vires* & *præsidia* deficiunt. De quo vid. Schultens *a* & Schröder *t*. Quod huc recte quadrat. Prædicit nunc, Deum hunc cœtum *per bonitatem*, aut ei *bonitatem suam*, firmaturum esse; quo beneficentiæ Dei abundantia in eum conferenda, ut firmiter adhæreat, indicatur; adeoque proprie exprimitur, quod vers. 10. figurate per *imbris liberalis* effusionem erat depictum. Quod uberiores expositionem non postulat.

§. XXIX. *b*. Posterior articulus, qui priorem confirmat, & amplificat, ita sonat vers. 12. *Dominus dabit dictum, læta nuntiantium spissus erit exercitus*. h. e. Quod, Deum adlocutus, modo dixi, eum bonitatem suam cœtui suo, ante adlito, confirmaturum esse, illud inde confirmo, ut me ad populum vertam, quod Deus promissum sit impleturus, & lætum ac felicem statum producturus, materiam denique & occasionem loquendi & canendi præbiturus; simul ulterius deduco, populi occupationem declarans in eo fore sitam, ut in pace & cum lætitia Dei bonitatem, ac suam felicitatem, publice & ubique prædicet. Verba continent *antecedens* & *consequens*, seu materiæ lætandi suppeditationem a Deo, & lætam populi occupationem in ea celebranda. Prius his verbis: *Dominus dabit dictum*; quæ pauca quidem verba sunt, sed amplissimum fundunt sensum; ex vario vocis דָּבַר *dicti* usu eruendum: quem pandam, posteaquam verbo notavero, sermonem subito flecti, & de Deo fieri, quia, quod modo Deum adlocutus dixerat, nunc confirmat & deducit. Phrasis vero, ut in rem veniam, 1. promissi implementum denotat, dicitque, Dominum promissum, quod Davidi & populo fecit, amplissimum,

a Ad Job. III: 2.

b Ad Pf. x: 9.

plissimum,

plissimum, de regni firmitate & prosperitate, 2 Sam. vii, nec non populi in Cananæa felicitate, Gen. xlix: 9, 11. sensu typico, & alibi, nunc esse præstiturum, & impleturum. Vox אמר *verbum, dictum*, nonnunquam ad bonum refertur, quod alicui *addicitur*, seu promissum; uti Ps. lxxvii: 9. *an in perpetuum exspiravit benignitas ejus? refectum est dictum in generationem & generationem?* Sicut & verbum אמר *dicere* pro *polliceri*, Jes. xxxviii: 1. Num. xxiii: 19. & alibi. *Dare* vero *dictum* hoc sensu non erit ipsum *promittere*, sed *præstare*, in publicum proferre & sistere. *Dare dictum* quidem est *eloqui*, verum cum Deus *dicit* & *est*, Gen. i., loqui ejus & præstare idem est, adeoque *dare* promissum recte est *præstare*; sicut *dare fructus* est in lucem edere; & *dare* in genere pro *facere*, ut *sit*. Sensus itaque est, Deum *bonitatem confirmaturum*, ut modo dixerat, secundum *promissum suum*, quod *daturus*, seu impleturus est.

§. XXX. 2. Cum vox Hebræa אמר quoque *rem* ipsam, si-
ve *statum & conditionem*, denotet, ut Job. xx: 29. & apud Arab. frequenter, ei quoque hic locus poterit dari, ut sensus sit, Deum ejusmodi rerum *statum daturum*, seu esse facturum, qui læta proferret præconia; ut seq. definit membrum. Quod phrasis, *dare statum*, recte admittit; *dare* quoque, sensu divite, *pro concedere habendum* sumitur; ut Num. xxxii: 5. 1 Reg. ii: 21. xii: 29. Dan. xi: 21. 3. Denique, quod adfine est, *dare dictum* quoque exprimit *materiam & potestatem* præbere loquendi, etiam *canendi*: cum אמר de *cantu* quoque usurpetur, Ps. xlv: 2. cxviii: 2. Jes. xxv: 9. *Dare* vero pro *materiam, occasionem & potestatem*, suppetitare, usitatum satis est, ut inter alia Job. xxxv: 10. *dare cantica in nocte*. Quæ omnia huc redeunt, Deum *promissam felicitatem populo concessurum esse in materiam lætandi & canendi*: quemadmodum supra habuimus, & ad tempus Salomonis adplicuimus. Cujus characterem etiam quasi ducit, quod sequitur, *læta nuntiantium exercitus spiritus*, scilicet *erit*, qui felicitatem eam prædicaturus est, & in eo fere

fere tantum occupatum sese tenebit opere. *Nunciare* hic est, *adnunciare*, quo alter cum altero communicat lætum quid & jucundum, quod *exhilaret*; præterea *prædicare* & celebrare; *nunciantes*, proprie *nuniatrices*, est enim foemin. generis, cum adlusione ad foeminas cantatrices, quæ majore cum suavitate ac delectatione id agunt, ad augendam lætitiā, & ut simul ad quoscunque cives, debiliore sexu non excluso, extenderetur, chorearum quoque cogitatio fuscitaretur, in quibus *foeminæ* suas partes habebant, ut est vers. 26. *nunciantes*, inquam, non sunt unus aut alter, sed *multi*, simul in certos ordines ac clasces dispositi, qui *exercitum* quasi constituerent, & id fere unice agerent, uti in *choreis* & in cultu religionis publico secundum institutum Davidis: quem usum etiam vox צבא *exercitus* habet; uti constat. Radix proprie dicit, *micuit*, *emicuit*, uti derivatum צי *decus*, *splendor*, quoque indicat, inde *agminatim* ivit; & in *actem* prodiit, seu *emicuit*.

§. XXXI. Significatur itaque, 1. statum fore tranquillum, pacatum, lætum & prosperum, quo populus læte & jucunde ageret, sine sollicita cura aut metu; omni bello, omni calamitate cesante, & bonis quibusvis magna copia adfluentibus. vid. 1 Reg. 1v: 20. v: 4, 5. 2. quævis lætitiæ signa locum habitura; privata & publica; 3. quoscunque & qualescunque ea esse edituros, & sibi invicem super felicitate temporum esse gratulatórios, eamque prædicatórios; ita ut spissus & numerosus foret eorum ubique *exercitus*, 4. In specie bene ordinatos & dispositos, magno numero, choros futuros, qui lætis carminibus Deum celebrarent, & felicitatem populi & Ecclesiæ promulgarent. Quales *exercitus* sacri fuerunt a Davide conscripti, & sub Salomone maxime adhibiti. 5. Denique addere liceat, præcones magnorum Dei operum & beneficiorum fore magno numero, qui *voce*, vel *scripto*, ea inculcarent, deducerent, ac celebrarent, ad aliorum instructionem & consolationem. Quales utique fuerunt hoc tempore, præeuntibus piis & sapientibus regibus,

bus, Davide & Salomone, & excitantibus, præcipue inter *sacerdotes & Levitas*, uti notum est. Quo etiam facit, phrasin, *Dominus dabit dictum*, recte capi posse de inspiratione Divina, qua Deus per viros, divinitus actos, loqueretur præclara & salutaria, uti fecit per Davidem, Ethanem, Hemanem, Nathanem, Salomonem & alios; quorum carmina, & libri supersunt aliqui; & alteram phrasin, *nuntiantium spissus erit exercitus*, recte quoque referri ad cognitionis veritatis & viarum Dei multiplicationem, ac promulgationem a multis faciendam. Quod de illis temporibus facile præsumitur: cum ad *sapientiam Salomonis* audiendam undiquaque confluerint, inter quos *regina Schebæ* illustre in Script. nomen, habet 1 Reg. x. quæ inter *præconiatores*, hic memoratos, eximium meretur locum; quæque *beatos* prædicavit *servos Salomonis*, quod *sapientiam* ejus quotidie excipiant. Qualium fuisse ingentem exercitum, inde quoque colligi poterit, *quod ex omnibus populis, ex omnibus regibus*, venisse diserte dicantur *ad audiendam sapientiam Salomonis*, 1 Reg. v: 14. Sapientia autem ejus fuit, quam Deus ei, ut notum est, *dedit*; adeo ut Deus recte dici queat, hac etiam parte *dedisse dictum*; maximo cum *sententia* Salomonis nomine *dicti* recte insigniri possint. Primaria ejus significatio est in *actione dicendi*, & quidem continuata, ac flexu leni sese impellente & promovente in animos; originem enim habet in motione leni & sensum fluente, sequæ pandente, & in omnem formam ac faciem vertente: recte quoque ad proverbialia, & parabolas, sententiasque applicatur. De quo plura adferri possent, si tempus permitteret. Robur denique dictis addit, quod *de stillato coelorum* in deserto, & *imbris liberalis ejuculatio*, supra memorata, vers. 9, 10. hunc etiam sensum figuratum complectatur; ut supra vidimus.

§. XXXII. *b.* Quemadmodum vero *terra* dicitur *tremuisse a coram Deo* in deserto, in signum concussionis & prostrationis hostium, vers. 9. ita poeta felicitati temporis securi,

turi, modo descriptæ, apte subjungit populorum vicinorum quassationem & disjectionem, quæ Israëlî bona simul augetet, vers. 13. *Reges exercituum quassati dissipabuntur, quassati dissipabuntur, & habitatrix domus dividet spolia*, h. e. prosperitatem temporis, quam depinxi, haud parum firmabit & augebit, quod hostiles populi, belli potentes, qui Israëlî imminere, sint variis vicibus singulari & mirabili modo quassandi, & ita disjiciendi, ut vires recuperare nequeant; ex quorum spoliis ditabitur quoque haud parum coetus Dei conglobatus, pacifice & prospere in sedibus suis versatus. Quæ verba itidem *antecedens* continent & *consequens*. Prius complectitur hostilium & bellicosorum populorum in vicinia, qui prosperitatem populi Dei impedire aut turbare adgrediuntur, plenissimam dissipationem, cum signis iræ Dei conjunctam; his verbis. *Reges exercituum quassati dilabentur, quassati dilabentur. Regum exercituum* titulo hic insigniuntur reges populorum, qui exercitiis duccendis, & bello gerendo, imprimis incumbunt, & in eo toti sunt, bellicosi itaque & heroes, qui populo Israëlî imminerent, & ejus pacem ac prosperitatem turbare instituerent, coetum illum Dei conglobatum, in Cananæa habitantem, & jam firmatum in ea, oppugnaturi: quorum mirabilis & probrosa subactio, & destructio, his verbis prædicatur, *quassati dilabentur, quassati dilabentur*, h. e. certo certius, nec non diversis vicibus, iterum iterumque, cum dedecore abacti, profligati, & destructi, peribunt, & regnis privati, omnique potentia destituti, disparebunt. Quam *emphasin* & *sensus amplitudinem* exhibet verbum *נָפַץ*, ejusque duplicatio, seu repetitio. Radix proprietatem habet *quatiendi sparsim*, seu *cum sparsione*, unde occurrit pro *disquassata*, & ad volandum *sparsa*. Jes. x: 14. & Nah. iii: 17. hinc usus ortus est *fugendi & divagandi*, cum quis *excussus* veluti dissipatur; imo cum opprobrio & ingestis probris abigitur & expellitur. Apud Arab. enim exponitur *نَفِץ* in conj. II. inter alia *diffamavit*, vel potius opprobria & con-

vicia ei ingessit; proprie expulit hominem, ingestis opprobriis, unde *נא* pro *anathemate*. Significatur itaque bellicosos illos gentium reges sub fulmine quasi maledictionis divinæ, & execrationis hominum, esse e terra sua exterminandos, seu dissipandos. Iteratio verbi *dissipabuntur, dissipabuntur*, sicut certitudinem, ita iteratas vi-ces comprehendit: quod facillimum, & satis tritum est.

§. XXXIII. Consequens est incolarum Cananæ, seu *coetus Dei* coagmentati in Cananæ degentis, ditatio e *spoliis* eorum, quibus fruerentur in statu tranquillo & prospero, his, quæ sequuntur, verbis: &, vel *sed, habitatrix domus dividet spolia*. h. e. *coetus* iste Dei seu Israelitarum seu Tſionitarum, bonis eorum regum & populorum ditatus, ea distribuet, iisque fruetur in statu pacato, securo & felici. Nihil hic nobis relictum est observandum, præter emphasin tituli *habitatrix domus*; minus perceptam & recte explicitam. Respici vulgo putatur, ad illos, qui tempore belli cum hostibus domi manentes spolia iis detracta tamen participant, secundum institutum Moſis & Davidis, Num. xxxi. 1 Sam. xxx, in specie ad *mulieres*, propter vocem *נא* *habitatricem* in gen. foem.; & Ecclesiam intelligi, bellis illis non immixtam, attamen spoliis participem factam. Sed longe alia & major hic latet emphasis; quam brevibus exponam. 1. In voce foem. gen. digitus omnino intenditur ad vocem *נא* *coetum tuum conglobatum*, vers. II. *coetus tuus coagmentatus habitabunt in ea*. Qui ipse coetus hic intelligendus & supplendus est, ipseque adpellatur *societas habitatrix domus*. 2. Venit vero hoc titulo cum populus Israelis in genere, tum Tſionis, Hierosolymæ degens, in specie; prout vel latius vel strictius sumitur. In genere *habitatrix domus*, est tota gens Israelitica, *coetus Dei* in hæreditate Dei habitans supra dicta, quæ in multas familias divisa *domatim* eam incolit: sed in *specie* Hierosolymitani & Tſionis incolæ, in meditullio quasi, & centro habitantes, seu metropolin incolentes, indigitantur; quippe in quos hoc epithe-

theton vera sua emphasi quadret. Præterquam quod vox בית *domus* subinde de *aula* regia usurpetur, uti *præfektus domus* pro præfecto palatii, & *viri domus* pro aulicis & satellitibus; vox *habitatrix* nos recte ducit ad coetum in loco abundante, & meditullio terræ, degentem. Significat enim hospitium commodissimum, ad quod *tenditur*, tanquam centrum & meditullium, toto animo, & omnibus viribus, a primaria potestate *tendendi, intendendi*. Sic Ex. xv: 2. dicit de Deo Israel, וָאֵנִי *faciam eum mihi meditullium*, scilicet omnis laudis ac lætitiæ, & felicitatis meæ; Tſion quoque Jer. vi: 2. adpellatur מִנְחָה *habitatrix commodissima*, tanquam totius populi meditullium, quo *tendunt*, & de quo gloriantur, omnes. Coniungamus utrumque, & Israelem in genere, Tſionis incolas, & domum regiam in specie intelligamus.

§. XXXIV. Sed 3. *habitatrix domus* non est, quæ *domi* mansit tempore belli, quo reges sunt dispulsi, ut accipi solet, cum quod phrasis hoc non ferat, tum quod spoliolum divisio, ab habitatrice domus facienda, tanquam consequens disipationis hostium occurrat, cuius totus populus, in primis in metropoli, particeps foret; nec tantum est populus, Cananæam inhabitans, verum, longe maiore emphasi, quam phrasis requirit, Israelitæ in genere, & Tſionitæ in specie pacifice, & prospere degentes, omnibus rebus abundantes, & fruentes. Sensus itaque, 4. totius enunciati est, incolas Cananææ & Tſionis, a. quo tempore a regibus exercituum impeterentur, in terra sua, tanquam coetum coagmentatum, fixas jam habituros esse sedes, turbis intestinis sedatis, & omnibus rebus ex voto fluentibus; b. statum suum contra hostiles populos bene tuituros esse, suasque sedes firmiter retenturos; ab hostibus quippe loco non movendos, adeo ut semper, durante illa infestatione, *habitatrix domus* titulo ornari potuerint. c. hostibus vero prostratis & subactis longe maiore adhuc emphasi, respectu pacis, tranquillitatis, & omnium bonorum abundantiae; quam em-

phasm hoc titulo esse comprehensam modo notavi. *d. bonis* præterea populorum illorum esse ditandos, & *e. tandem* reges illos penitus esse sedibus suis vel regimine suo privandos; quod verbo *dissipandi* & *fugiendi* quoque involutum est, & Israelitas in eorum possessiones esse inmittendos, quod *spoliorum* partitio etiam involvit: opponuntur *reges dissipati* & *habitatricis domus*, &, regibus abactis, Israelitas quietos & securos *domi* acturos, ac spolia eorum pertituros, esse, declaratur. Quæ omnia in ea tempora, inprimis Salomonis, adeo quadrant, ut eorum characteres ducant: uti ex historia Davidis & Salomonis nemini non constat. Nil tamen impedit, quominus ad sequentium temporum casus aliquos verba simul extendamus, eosque poetæ, vel Spiritui prophetico, una fuisse obversatos, statuamus; adeo ut felicia Salomonis tempora primo et directo sensu quidem intendantur, sed simul insinuetur, *habitatrici domus* haud absimilia in posterum eventura esse. Utique oratio ita est concinnata, ut manu quasi ducamur ad duos casus illustriores, alterum sub Asa, a rege Aethyopum, seu Cuschæorum, et regibus fociis invaso, 2 Chron. xiv: 8. &c. alterum sub Josaphato, a pluribus regibus coadunatis infestato, ib. c. xx. Quæ tetigisse suffecerit; tantum, ad dicta confirmanda, advertatur duplicatio phrasios, *quassati dissipabuntur*, *quassati dissipabuntur*, quæ ad diversas et iteratas vices nos sponte ducit.

§. XXXV. In hisce licet acquiescere possim, subjungam tamen longe aliam interpretationem, cujus ansam dederunt Intt. Græci, qui hac ratione verterunt, uti Lat. reddidit: *Rex virtutum* (rectius *exercituum*, *δυναμειν*, ut Gr. habent, quod Hebr. צבאות est convenientius) *dilecti*, *dilecti*; & *speciei domus* (ὡραϊσμένης τῆς οἰκῆς *splendida formæ domus*) *dividere spolia*. Legerunt igitur aliis punctis, סלכי צבאות, et צבאות cum ירון construxerunt; præterea pro חיל habuerunt חלק, et pro infinit. acceperunt, eaque ratione cum בית נוח construxerunt, ut divisio spoliorum facta fuerit nitidæ

tidæ et splendide formæ domus, scilicet ad eam producendam sive Templi, sive aulæ, sive domuum aliarum in genere, cum נאם permiscentes; denique ירד a ירד derivarunt, et pro nomine acceperunt, ut ירדון, et ירד, cui æque ין ad augendam et intendendam significationem accedere potest; ut in ירדון et aliis nominibus. Quæ versio respectu prioris membri non adeo spernenda foret, si paulo aliter instituitur; *rex exercituum dilecti dilectus*, scilicet est: nec turbat parag. in מלכי cum recte dicitur abundare, cum insigni emphasi, ut Lat. *mibi*, adeoque sensus sit: *rex mihi exercituum dilecti est dilectus* h. e. *exercitus dilecti* (seu Israelis, *dilecti Dei* sæpe dicti, seu *angeli Jehovæ*, qui Deus est exercituum Israelis, cujus itaque exercitus est Israel,) *rex* nunc est, qui in ejusdem tituli communionem venire dignus est, *dilectus* nim. ille אר' עֲלֵיךָ adpellandus, *Salomo* scilicet, cui Deus nomen ירדון indidit 2 Sam. xii: 25. et qui eodem sensu למדל Prov. xxxi: 1. h. e. *dilectus Dei*, seu *carissimum ejus peculium*, ut Cl. Schult. docuit, adpellatur. Possent etiam voces, servata punctatura Masorethica, verti: *reges exercituum Jedudun, Jedudun, dilectus, dilectus*, scilicet, et supremus, Angelus Jehovæ, et inferior, Salomo. Quibus verbis itaque, ad felicitatem temporis extollendam, rex Israelis promulgaretur *dilectus Dei*, et verba *nunciantium* summam exhiberentur; hac ratione: *Dominus dabit dictum* (promissum mihi et populo datum implebit, et loquendi, ac læta canendi, multiplicem materiam dabit) *evangelizantium spissa erit turba*; qui dicent, et quaquaversum adnuntiabunt, *rex mihi exercituum dilecti est dilectus* ille. Conf. Jes. xl: 9. et lxi: 7. Quale quid in Salomonis inauguratione locum habuit, 1 Reg. i: 39, 40. Quo hic respici potuit. In altero autem versus membro adjuvari nequeunt Lxx Interp. Sed illud prophetice erit capiendum de omnium rerum abundantia, ut expositi; *priore* membro tantum pro summa nuncii læti accepto. Sed tutius est in punctatione Masoreth., et data expositione, acquivisse.

§. XXXVI. β. Ad felicitatem istius temporis, in cujus descriptione pergit poeta, confirmandam et amplificandam sequentia pertinent verba, vers. 14. *si*, vel *profecto*, *recumbetis inter series firmiter dispositas*, *alas columbæ obductæ argento*, & *pennas ejus flavissimo*, vel *bracteato*, *auro purissimo*. h. e. ut itaque concludam, et omnia summam re-coligam, ac confirmem et amplificem, sermone ad istius temporis homines verso, *profecto*, et certo certius, *secure*, *tranquille*, et *late*, omnibus curis et laboribus soluti, *recumbetis*, et bonis vestris in domibus vestris copiose fruemini, undiquaque bene muniti et tuti; simul, quasi inter alas columbæ, argento et auro fulgentis, placide et molliter recumbentes, gloriose, et omnibus bonis copiose ditati degetis, et splendescetis. Ad quorum intellectum duo in antecessum sunt observanda; *alterum*, particulam *ut* non esse conditionatam, *si*, ut accipi solet, sed adseverativam *profecto*, certo *certius*: uti sæpe alias. Quod huic loco aptius est; cum *conditionate*, et *dubie*, loqui minus congruere videatur spiritui prophetico, et orationis seriei: *alterum*, verbum, *recumbere inter*, construendum quoque esse cum *alis columbæ*, hac ratione: *profecto recumbetis inter series dispositas*, *inter alas columbæ* etc. qua ratione sermo planus est, qui alias valde contortus est, et impeditus; cum *alæ columbæ* etc. nihil haberent, quocum cohæreant; nec, quid sibi velint, adpareat. Interpretes solent supplere, *eritis sicut alæ columbæ*, vel *dabuntur vobis*, aut adparebunt. Quæ longe quæsitæ sunt, nec expedita; *nec alarum columbæ*, et *pennarum*, hic memoratarum ratio dari potest; quæ sufficit. Cum *recumbere inter* aptissime et facillime cohærent voces, *alas columbæ*; ut in oculos incurrit. *Recumbere vero inter alas columbæ* idem est, ac iis esse cinctum et obtectum: uti *inter humeros habitare*. Deut. xxxiv: 12. quod alias *pennis obtectum esse*, & *sub alis refugium habere* dicitur, Pf. xci. 4.

§. XXXVII. Adfirmat itaque poeta, spiritu prophetico duc.

ductus, in genere eos esse *recubituros*, h. e. placide & secure ac otiose acturos, tanquam manibus pedibusque ac toto corpore profusos ac resolutos: proprietatem enim habet radix שכב in *fundendo*, *profundendo*, unde ad decubitus *quieturi*, *somnumve capturi*, inde ad *mortem*, & decubitus in sepulchro, & alia transiit. De quo vid. Schultens *a*. Sumitur inde in malum non tantum, sed & *bonum*, pro circumstantiarum diversitate. Sic in bonum pro *secura* & *quieta* conditione Num. xxiv: 9. de Israele, *curvaverit recubuerit*, שכב, *instar leonis*, pro quo רבץ usurpatur in loco parallelo, Gen. xlix: 9. quod proprie adhibetur de grege pecudum, cum suis pastoribus hoc vel illo in tractu *recubante*. Imo quod hic שכב, illud Gen. xlix: 14. רבץ dicitur, ubi eadem phrasis, *recubare* בִּין בְּמַשְׁכָּם, quæ hic. Hof. ii: 20. *recumbere ipsos faciam secure*; sic & ubi pro *somno* quieto & *dulci* sumitur, Pf. 111: 6. in signum *altæ pacis* ac *securitatis*; ut & iv: 9. ne alia proferam, ut Ez. xxxiv: 25. Additur duplex emblemata, ad hanc securitatem & quietem illustrandam ac amplificandam; *alterum* a *deside*, & laute in culina vel domo sua versante, *alterum* a *columba*, alas suas tenente expansas, inter quas pulli latitant & *recumbunt*. Prius his verbis; *recumbetis inter ordines* firmiter positos, in specie *lapidum focariorum*, בִּין שֹׁפְתִים. Radix שָׁפַת posuit, ordinavit, & in Pihlel, ultima radicali duplicata, שֹׁפְתִים quæ forma intendit significatum, ut docuit Schultens *b*, unde est derivatum שֹׁפְתִים, *firmiter* posuit, proprio suo usu usurpatur de *olla in foco posita*, adhibito sustentaculo, vel ferreo, vel lapideo, *chytropode* vel *tripode*, ut ex Arab. lingua patet, & usu biblico firmatur, 2 Reg. iv: 38. Ez. xxiv: 3. unde derivatum כִּשְׁפָתִים, & שֹׁפְתִים, denotat *lapides focarios*, sed forma triangulari firmiter positos, & forma dualis, *duas lapidum focariorum strues*, quibus *olla* imponitur: sic & שֹׁפְתִים *chytropodas* denotat, 1 Sam. ii: 8. Pf. cxiii: 7. & porta Hierosolymitana,

P

quod

a ad Job. iii: 13.*b* Gr. p. 267.

quod tribus lapidum struibus esset constructa, forma fere *triangulari*. De quibus vid. quæ ex Cl. Schultens institutionibus addit Rev. Lette *a*. Ex dictis liquet, Israelitas hic depingi, tanquam recubantes inter chytropodas, lapidum focariorum strues, rite & firmiter dispositas. Sed nondum patet, quid sibi hoc emblemata hic velit? esse enim phrasin figuratam, cum ex hoc loco, tum aliis, ubi occurrit, ut Gen. XLIX: 14. Jud. v: 16. 1 Sam. II: 8. Ps. cxIII: 7. dubio caret. Usurpatur utique *duobus* postremis locis manifeste in malum pro statu *abjecto* & *afflicto*; simili ducto ab illis, qui ad culinam admovebantur, ubi atrati & pulverulenti reddebantur. Quod Ps. xxII: 16. *poni* dicitur in *pulvere mortis*, ubi verbum *נָחַץ* quoque occurrit. Sed in duobus aliis locis, etsi *desidia* conspectus, respectu operum bellicorum inprimis, quoque non excludatur, otium, quies, securitas, & rerum suarum usus, suorumque bonorum læta & lauta fructio præcipue intenditur; ut exposui ad Gen. I. c. Nec dubitaverim, quin & hoc loco illud in primis locum teneat. 1. Quia Israel modo erat repræsentatus, tanquam qui in hospitio commodo & abundante verfabatur, & spoliis fruebatur, vers. 13. 2. *Cubare* nos eo proxime ducit, ut *נָחַץ* & *נָחַץ* in locis parallelis. 3. Quia mox exponitur, & amplificatur per *recumbere inter alas columbarum*: de quo mox. Recumbere itaque inter *lapidum focariorum duas strues*, sicut tranquillam domus inhabitacionem, uti modo habuimus, ita securam, otiosam & lautam, conditionem pingit, qua quis juxta focum suum sedet, suis fruitur bonis ad satietatem usque, & nulla re turbatur, aut ad bellica negotia avocatur; sed quasi deses hac parte & tranquillus versatur. Quod ex Jes. xxvi: 12. quoque firmatur, ubi *נָחַץ* cum pace construitur, & Deus dicitur *pacem posuisse* populo, ut inter lapides focarios q. suos federe possit. Quod alia, sed simili, phrasi dicitur *sub ficu & vite sua sedere*, uti de Israele & Juda tempore Salomonis traditur, I Reg.

a ad Jud. v: 16.

1 Reg. v: 5. & propria phrasi, *edere, bibere, & latari* lb. c. IV: 20.

§. XXXVIII. Ad quam latam conditionem vividioribus pingendam coloribus additur, inter *alas columbae obductae argento, & pennas ejus flavissimo, vel bracteato, auro purissimo*. Respici ad columbas nitidissimas & pulcherrimas, argento quasi & auro rutilantes & splendescentes, satis constat, & a Becharto a pluribus illustratum est. Quare uno, alterove, contentus ero observato, ad litteralem emblematis intellectum pandendum. 1. *Primum* est, ipsam columbam hic sibi argento obductam, & alas ac pennas ejus auro. Verbum enim כנף & genere & num. cum נמר columba, & non כנף alis, rectius cohæret; ut linguae peritus sponte sua cernit. Voces itaque, elegantiae causa divisae, ita sunt ordinandae & capiendae: *ala & penna columbae, obducta argento*, ipsissimum sunt aurum purissimum, vel eo incrustatae. 2. *Secundum*, columbam dici *incrustatam argento*, quatenus tota est nitida admodum, candida & splendens. Radix נרן est *incrustavit*, in specie, crusta speciosa et splendida obduxit. *Argento obducta columba* appellatur, quæ instar argenti nitet, candet et splendet. 3. *Terrium*, alas כנפים, quia duæ sunt, ita esse appellatas, quod *cingendi et circumsepiendi* usum habeant et facultatem, et ipsum columbae corpus, et expansæ pullos: quod motui usui erit. Radix enim *cingere*, sepiare, septo circumdatum includere denotat. Altera vero vox נמר denotat *pennam*, proprie aculeatam extremitatem, in specie germinis, et pennæ pullulantis, a rad., quæ proprie dicit *pungere*, rumpere pungendo; unde et נמר proprie *pennatum*, inde robustum, audacem, πρῶμαχον, ut recte Coccejus, quæ *perrumpit*; sicut et *pennæ* ejusmodi robore pollent. 4. *Quartum* denique est, voces, ad aurum describendum adhibitas, exhibere aurum purissimum, et vel flavissimum, vel bracteatum, aut *bracteam* auri purissimi. Vox חרוז, a rad.,

P 2

quæ

quæ proprie dicit *findere acuminatim*, *cuspidare*, aurum proprie signat lectissimum, quod *effunditur* q. sua sponte ex terræ gremio, excoctum ad summum nitorem, estque acre et *acutum*, quod vibrat, et multo splendore pollet *a*. Altera vero vox קרק et coloris viridis in pallidum vergentis, et laminarum sive bractearum cogitationem injicit, cujus utriusque hic ratio recte habetur: originem habet קר, cui קר etiam respondet, in *nitore* micante, emicante, unde et *viroris*, seu viridi nitoris, simul flavescentis, et *sputi* usus, ob claritatem pellucidam, fluxit, præterea derivatum קר induit notionem *folii* virentis et flavescentis; quæ ab Arab. translata est ad *bracteas auri* vel *argenti*, quibus aliquid obducitur; nos *folia* dicimus. Duplicatio vero litterarum, uti satis constat, intendit significatum, adeoque intensum et rutilantem denotat virorem, simul bractearum multitudinem. *Ala* vero et *pennæ* cum dicuntur in virore intenso et bracteato auri, significatur, eas vel *obductas* esse virentibus bracteis auri, verbo נהן repetito, vel totas esse tales; ut א in cum emphasi abundet, et ipsissimas q. esse bracteas auri indicet; uti sæpe alias hanc emphasin habet præf. א apud Orientales. Sicut vero argenteum, ita et *aureum* dicitur, quicquid est pulcherrimum et nitidissimum *b*.

§. XXXIX. Inquiramus nunc in sensum et scopum emblematis, vel a pullis petiti, qui inter alas columbæ recumbunt, vel ab insigni forte domus, columbam, alas expansas habentem, referente, qualia vel animantium vel avium insignia non fuerunt, nec sunt, insolita. Sic de Assyriis referunt, eos in labaris, vexillis, et publicis ædificiis, habuisse *columbarum* imagines; quod tamen minus certum est *c*. Propius accederet, si verum foret, quod Judæi tradunt apud Ligtfotum, *d* summitati sceptri Salomonis insedisse *columbam auream*, ut et, quod apud Euthymium *e* ad-

a Vid. Schultens ad Prov. xxi: 5.

b Vid. la Cerda ad

Virg. Aen. x. p. 411.

c Vid. Bochartus l. c.

d Hor. Hebr.

ad Luc. iii: 22.

e ad Pf.

feritur, Hebræos veteres ditiores pro symbolo felicitatis solitos fuisse, *alas columbæ* gypso illitas tectis adfigere. Sed ipse subjungit, *nullibi legimus, Judæos hujus modi ritum aliquando servasse, ut columbas in domorum tectis insingerent.* Attamen, cum a Judæorum institutis & moribus non abhorreat, *animantium* nonnullorum imagines pingere, aut habere, uti a Doctis a dudum est demonstratum, Salomonis ævo, rege præeunte, invaluerint, uti ex bobus sub mari æneo, & leonibus in gradibus throni, aliisque patet, nihil vetat, *columbarum aurearum* imagines, aptissima regni Salomonis emblemata, locum habuisse, statuere. Adpellatur tamen, quod ad nostrum scopum sufficit, Hierosolyma *urbs columbæ*, Tseph. iii: 1. qualis in primis fuerat, quo ibi forte respicitur, tempore Salomonis; si hic sit loci sensus; de quo alibi exposui. Quicquid sit, emblemata per se aptissimum est ad statum urbis, & Israelitarum, tempore Salomonis, cujus lineæ hic ducuntur, depingendum; sive ad *columbam* ipsam, sive ad ejus *pulchritudinem* & splendorem, cujus hic expressa sit mentio, adtendamus. *a.* Israel in genere, & Hierosolymitani in specie, modo *habitatricis domus* epitheto insigniti, & inter *lapides focarios* recumbentes representati, ut vidimus, recumbere apte dicuntur inter *alas expansas columbæ*, quatenus, 1. in statu pacis, concordiæ & mutui amoris, placide, mansuete, & tranquille versati sunt in sedibus suis, tanquam in *columbariis*. Quæ columbarum sunt notissimæ qualitates, & *columbæ* vulgatissima earum symbola, quarumque respectu Hierosolyma expresse adpellatur *urbs columbæ*, Tseph. iii: 1. 2. Sub regimine & tutela regis mitissimi & dilectissimi fuerunt, & supremi, qui Angelus foederis fuit, dilectus & Dei & hominum adpellatur, & inferioris, ejus nomine regnantis, *Salomonis*, a pacifico regimine, & *Jedidja* ac *Lemuel*, ab amore Dei, nomen gentis. Ad quod æquum, mansuetum & pacificum, ejus re-

P 3

gimen

a Vid. Pineda de rebus Salomon. l. vii. c. 15. & Selden. J. N. & Gent. l. ii: c. 6, & 8.

gimen digitus intenditur, Pl. XLV & LXXII. tanquam regni Messiae emblema. Duæ *alæ* & *pennæ* sicut duos rectores, & doctores, *supremum*, Filium & Spiritum Dei, *inferiorem* Salomonem, ita duos ordines, politicum & Ecclesiasticum, depingere possunt, tanquam Israelis *alæ*, & sub quibus tuto, pacifice & utiliter, agerent. 3. Denique, ne plura congeram, foti, & alti, & excitati, sunt a columbinis doctoribus & ductoribus ad omnem sapientiam, prudentiam, & vitæ morumque integritatem ac puritatem, cum supremo doctore, *Spiritu S.*, propterea cum *columba* comparato, Matth. III., ubi in signo *columbæ* descendit in Christum, tum inferiore, *Salomone*, illis dotibus & virtutibus pleno. Quæ, utpote notissima, tantum attingo. 4. Tandem in meditullio regni & Ecclesiæ, Hierosolymis, cujus *alæ* quaquaversum erant longe lateque expansæ, civitate vere *columbina*, casta & pia, tuto & secure, simul læte, omnes, tanquam cives, dederent.

§. XL. β. Sed inter *alæ columbæ* non simpliciter, verum *aureas* alæ & *pennas columbæ argenteæ*, non sine ratione decubuisse dicuntur; quatenus, 1. auro & argento abundarunt, & omnia, maxime Hierosolymis, splenduerunt, & rutilarunt; adeo ut externam prætulerint speciem, qui inter alæ ejusmodi columbæ quasi recubuerunt, splendidam & illustrissimam. 2. Sub gloriosissimo fuerunt *tutore* & Angelo foederis, in columna nubis & ignis residente, & *Salomone*, sapientissimo & splendido rege. 3. Donis Spiritus S., sapientia & virtute, splenduerit regnum, *alæ* fidei & spei rutilarint in ejus medio. 4. Denique regnum fuerit inter populos vicinos celebratissimum factum, ita ut plurimorum oculos præstrinxerit, & animos excitarit; uti constat.

§. XLI. γ. Subjungam aliam interpretationem, ad communio-
rem Interpretum ~~adcommodatorem~~, sed alio modo
cœcinnatam: secundum quam nova hic incipit periodus
Ecclesiæ Judaicæ sub Hizkia, ad quam sequentes ver-
sus

sus 15—21. omnino pertinent, & verba reddenda sunt, *si decubueritis inter duas lapidum focariorum strues*, profecto recumbetis inter *alas columbæ*, obductæ argento &c. h.e. Quod si contigerit, uti continget profecto, ut in sede vestra metropolitica arcte conclusi visi fueritis delassati & miseri decumbere in statu abjecto & adfecto; vere tamen & tunc *recumbetis*, vel recumbere vos adparebit, inter *alas*, seu sub protectione amantissimi & potentissimi patroni, vestro respectu mitissimi & benignissimi, sed hostium oppressoris potentissimi; sub cujus tutela sicut fide & spe fulsuri estis, ita gloriosam admodum ejus tutelam, & liberationem experiemini; adeo ut, inter alas coruscas splendide columbæ vos jacere, manifestum sit futurum. Quæ paraphrasis sicut adfectionis Assyriacæ, status piorum in ea, & gloriosæ liberationis ex ea, tempore Hizkiæ luculentam pingit imaginem, ut facile percipitur, ita verbis, & eorum structuræ, recte convenit; modo notetur, voces, *si cubaveritis inter, ante alas columbæ* repetitas, ut supra jam vidimus, paulo aliud præferre sensum in posteriore, quam priore membro, ambiguitate illa studio captata, & ex phrasi sponte sese offerente, hac ratione, *si decubueritis inter lapides focarios, recumbetis* vere inter *alas columbæ* &c. particula *et* æque profecto, vere, ac *si, quod si*, denotat, & verbum *וַיָּבֹאוּ* in bonum æque ac malum, ut supra exposui, sumitur, adeoque & decumbere & recumbere dicet. Utrumque Judæis evenisse tempore Senacheribi & Hizkiæ, satis constat. Fuerunt tunc Hierosolymæ arcte constructi, ut sese inter lapides suos focarios continere debuerint, simul contenti, illusi, & ad inuitas redacti, in summo periculo, & statu adfecto, positi; ut ex historia notum est, & ipse Hizkias profitetur, *Jes. xxxviii: 9.* Quod phrasi emblematicæ, vel proverbiali, *inter lapides focarios decumbere*, recte convenit; ut ex supra dictis patet. Sed eo ipso tempore sicut ipsi, fide & spe corroborati, sese tenuerunt inter *alas columbæ*, mites, imbelles, & Deo unice fidentes, ita experti sunt gloriosum Dei

patrocinium, & manifesti facti sunt recumbere inter alas splendide & coruscæ *columbæ*; dum gloriose cum clara potentia, iustitiæ & gratiæ, Dei demonstratione sunt liberati; uti notum est. Quo ipso *columba* illa, inter cujus alas fuerunt, sese præstitit gloriosam, instar argenti & auri, ut facile adparet, simul vim nominis sui יונה luculenter exhibuit; ad quam hic censerî potest quoque adlusum fuisse, maxime cum hic ipse titulus Deo in verbo prophetico datur, quum hostes populi sui prosternit, & opprimit. Radix יונה proprie est *calcavit, detruncavit, inde eradicavit, & debilitavit*, nervo remisso, & teritur in violenta oppressione: unde *gladius יונה* est *enervator, & contruncator ille*, vel enervatoris illius; Jer. xxv: 38. xlvi: 16. & l: 16. Hinc etiam *columba* nomen accepit, sed sensu passivo, quatenus *enervis, imbellis*, & oppressioni obnoxia est: uti ad Jer. observavi; sed intransitive tunc sumitur, & potest quoque transitive ut hic: quæ ambiguitas in hac voce etiam videtur captata Tseph. iii: 1., ubi Hierosolyma adpellatur urbs יונה & *columbina*, respectu status pristini, & ejus naturæ proprii, & *enervatrix*, opprimens *cives*, ut tunc erat. Ceterum commendat hanc interpretationem vers. sequens, ubi idem fere traditur, & noster versus censerî potest clarius exponi. De quo nunc agere instituo.

§. XLII. Periodus *secunda* reip. & Ecclesiæ Judaicæ, læta & gloriosa, sive vers. 14., sive 15. statuatur incipere, de quo supra dixi, sese ad vers. 21. inclusum porrigit, & hac ratione depingitur. α. Gloriosa ejus conditio tempore hostilis invasionis describitur, vers. 15. β. Hostibus, per modum insultationis, vanæ eorum infestationes ob oculos ponuntur, respectu montis Dei, quem sibi elegit in perpetuam habitationem, vers. 16, 17. γ. ἐκπύσιον, seu carmen triumphale in laudes Dei populo ejus temporis in ore datur, vers. 18—21. α. Gloriosa populi conditio, tempore invasionis hostilis, his verbis describitur, vers. 15. *Quum expanderit & dissipaverit omnisufficiens reges in ea, nivescet in*
Tsalma-

Psalmone, monte Dei. h. e. Quo tempore reges hostiles per terram hæreditatis suæ Deus quaquaversum expanderit instar densæ nubis, simul expansos disjecerit in ea terra, refrigerabitur & illustrabitur ea terra in loco ejus umbroso, Hierosolymis & Templo, instar gratæ & foecundæ nivis, in eam decidentis. Dici nequit, quantopere hic versus torserit Interpretes, & varias admodum pepererit expositiones; quibus recensendis & refutandis non licet inmorari. Equidem hic non hæreo, & mentem vatis, non tam obscuram, quam obscuratam, in lucem, si ita loqui fas sit, proferam. Duo sunt versus membra, quorum prius antecedens continet, & posterius ejus adjunctum & consequens.

a. Prius hostium per Cananæam & Judæam cum diffusio- nem, tum dissectionem, a Deo omnipotente factam, repræ- sentat his verbis: *in diffundere & dissipare* (verbum *וַיִּפְּסֶה* enim occurrit in infim.) *omnipotentem reges in ea*, h. e. quum Deus omnifufficiens & omnipotens reges hostiles partim ex- panderit, partim disjecerit in terra hæreditatis suæ, sive Cananæa & Judæa. Reges sine dubio sunt extranei & ho- stiles, qui vers. 13. *reges exercituum a Deo fugati* adpellati sunt, & mox *montes ac colles*, monti Dei insidiaturi, figu- rate vocantur; deinceps etiam *reges* dicuntur, & *regna terræ*, a quibus Deus honoraretur, vers. 30, 33. Hoc ve- ro loco *Assyrius & duces ejus* sunt, totidem *reges*, vel re- guli, Jes. x: 8. & alibi: ne dicam, regem potentissimum, & longe lateque dominantem, posse per excellentiam nomi- ne *regum* insigniri, ut unus Dominus titulo *dominorum*, haud infrequenter. Hi reges hic sistuntur tanquam *disper- si* in Cananæa, seu Judæa: vocula enim *בָּהּ* *in ea*, uti verti debet, & non *propter eam*, ut alii nonnulli, quod alienum est, cum proprie dicat *in ea*, manifeste respicit ad *hæredi- tatem Dei*, vers. 10. memoratam; cum eo vers. 11. diser- te referatur, & hic de terra possessionis Dei ubique agatur. Sed verbum *וַיִּפְּסֶה* duplicem habet usum, contrarium qui- dem, sed utrumque huic loco congruum; quem poeta in

Spiritu loquens utrumque etiam intendit; alter est *expansionis* & *diffusionis*, alter vero *dissipationis* & *dissectionis*; *prior* satis usitatus est, & de *nube*, *rete*, ac manu *expanti* uiurpatur; nec inusitatus posterior, ut Ez. xvii: 21. *in omnem ventum dissipabuntur*, & Zach. ii: 10. Sensus itaque est, reges illos fuisse in Judæa primum *expansos*, cum eam quaquaversum pervaserint ac occuparint, dein quoque *disj. eos* in ipsa ea terra, & disturbatos; instar *nubis* primum *diffuse*, dein *dissipatæ*. Quod utrumque in simili casu obcinet in verbo פָּזַר Pf. xlvii: 14. ut ibi vidimus, & in Assyrium tempore Hizkiæ, uti constat, rectissime quadrat. Cujus utriusque eventus *Deo*, tanquam פָּזַר, & omnissufficienti, & potentissimo vastatori, recte tribuitur; uti notum est, & Deus ipse sibi tribuit, Jes. x & xxxvii: 26. ne alia loca citem. Nomen פָּזַר proprie quidem Deum *omnissufficientem*, ubere vena manantem, denotat, ut alibi exponitur, sed in Script. subinde ad פָּזַר *vastare* digitus intenditur, ut Jes. xiii: 6. & alibi. Præstitit vero sese in regibus illis dissipandis & omnissufficientem respectu populi sui, & *vastatorem* respectu *hostium*.

§. XLIII. Adjunctum & consequens *expansionis* & *dissectionis* regum in Judæa his verbis exponitur, *nivescet in Tſalmone monte Dei*, vel *nivesces in Tſalmone mons Dei*: quo utroque modo verba reddi possunt; *priore*, נִשְׁכַּח foem. gen. vel cum *ea*, scilicet *terra* hæreditatis, modo memorata constructui potest, ut sit sensus; *nivescet terra*, aut *niveam* sese præstabit, in Tſalmone, monte Dei, vel etiam neutraliter accipi potest, pro, *nivescet*, aut *ninget in Tſalmone*, nix in eum montem decidet, uti, ne alia citem, Am. iv: 7. *ager, super quo לא יחשיך non pluet, arescet*: posteriore vero ratione, נִשְׁכַּח erit sec. masc. *nivesces*, & cum מֶנְעַם monte Dei cohæret; ac sermo censendus est ad *montem* illum dirigi, uti mox *montem Basan* adloquitur poeta; qua figura orationis nihil est, etiam in hoc Pf., frequentius: sensus tunc erit, ipsum montem Dei in Tſalmone *nivem* esse missurum in Tſal-

Tſalmonem: quemadmodum montes Jud. v: 5. *fluere* pluvia dicuntur. Perinde est, qua ratione voces construuntur, cum sensus idem maneat: ad quem percipiendum sequentia sunt observanda. 1. *Primum* est, *montem Dei*, cum præced. in Tſalmone, coherere, & non cum seq., *mons Basan*, ut prava *versuum* distinctio habet, cum quod Tſalmoni recte, ut mox patebit, *Basani* hic non conveniat titulus *montis Dei*, cum de monte sede Dei agatur, uti seq. demonstrant: etsi alias mons excelsus posset *mons Dei* adpellari, hic tamen non posset, nec emphasim haberet ullam; tum quod verl. 17. in *mon* iste manu ducamur ad montem Dei modo memoratum: quid enim erit alias *mons iste*, si non ejus fuerit mentio facta? *mons Dei* itaque est proprie sic dictus, quem Deus sibi elegit, & inhabitat, mons Templi Dei Hierosolymis, uti *mons Dei & Hierosolyma* distincte memorantur, Zach. viii: 3. 2. *Secundum* est, *Tſalmona* esse symbolicum nomen Hierosolymæ, quod Theodoro quoque suboluit & Theodoro ^a, & non alium aliquem montem, aut nomen adpellativum. Unus tantum ejus nominis mons in tribu Ephraim prope Sichemum notus est, ex unico loco Jud. ix: 48. sed cujus hic nulla potest haberi ratio, nec aliqua ab Interpretibus data est, quæ animadversionem meretur: accedit, *montem Dei* nullo sensu dici posse in Tſalmone esse; aut esse Tſalmon. *Hierosolyma* vero, cui, ut facile patet, recte subnectitur *mons Dei*, &, quo ipso Tſalmonis usus, ne hic hæreremus, traditur, hoc epitheto eo aptius insignitur, quod nomina Hierosolymæ שׁלם & פֶּסַח Pl. lxxvi: 3. in שׁלם lateant, & ipse significatus huic loco sit aptissimus: denotat enim & locum *umbrosum*, arborum densitate opacatum, & obscuratum, & *umbraculum*, ac locum *protectionis*, quo quis tutus est. Sicut Lat. quoque *umbram* pro *protectione* dicunt ^b. Quem conspectum & usum habuit, & præstitit, Hierosolyma tempore Hizkiæ; uti notum est. Fuit & tunc *obumbrata*, ac ob-

Q 2

icu-

^a In Carina Corderii.^b Vid. Simon. Onom. p. 345.

scurata per hostes, *nubium* instar ei imminentes, & simul *protecta*, ac protectrix populi. Ceterum nomina aliq. inflecti solere, & cum symbolicis permutari, non est ignotum. Sic Hierosolyma adpellatur מְרוֹם cum adlusione ad nomen Hierosolymæ, & montem Moria; q. d. *visione adfectam*, sicut *vallis visionis* adpellatur, Jes. xxi: 1. Rursus Mich. i: 11. מִן עַם & מִן עַם est Tlion instar gregis refertissima, & c. vi: 9. nomen Hierosolymæ datur, מְרוֹם יְרוּשָׁלַם *videbit perennitatem & soliditatem*, cum adlusione ad יְרוּשָׁלַם *videbit pacem*. Tlion quoque nomine mystico מְרוֹם Jef. xxix: 1. venit, vel ex מְרוֹם *visione Dei*, cum adlusione ad יְרוּשָׁלַם, vel quod sit civitas Davidis, *herois Dei*, qui *leo Dei* vocatur a. Babel quoque מִן Jer. xxv: 26. adpellatur, ut ibi exposui, q. d. *spinosam*, formidabilem, horridam, inaccessibile munimento protectam, pro מִן a rad. מִן *punxit*, transfixit spina, spinis horruit. Denique, ne plura, quæ possem, colligam Israel adpellatur מְרוֹם Hof. i. & מִן Deut. xxxii. & Kadesch Meroz Jud. v: 23. ut ad Gen. xlix. obfervavi, & Antiochus Gog Ez. xxxviii.

§. XLIV. 3. *Tertium* est, in verbo *ningere* adludi ad nubem expansam super terram, eamque obfuscantem, & imbrem ac grandinem emittentem, quacum comparati erant reges per terram expansi, sed indicari Hierosolymam inde nihil damni passuram, potius multum commodi, cum *nix* inde in eam caderet, vel ea nitesceret multum & recrearetur. Qui emblematicus est *nivis* & *roris* significatus notissimus. Sic ad puritatem refertur Jef. i., & recreationem, Prov. xxv: 13. Sensus itaque est, Hierosolymam esse tunc splendidam futuram, & recreandam, simul multiplici benedictione Dei cumulandam; quæ cum *rore* etiam comparatur, Pf. cxxxiii: 3. Quæ felicitas ei contingeret propter *montem Dei* in ipsa; quare & is dici posset *ningere*, ut supra tetigi. Quæ omnia quam apte in tempora Senacheribi & Hizkiæ convenient, ut demonstrem, opus non est. Quo tem-

a. Vitrina ad l. c.

tempore reges fuerunt in Judæa diffusi, eamque instar deniæ *nubis* infederunt, Hierosolyma fuit libera, & promisso Dei per Jesaiam tanquam *nive*, symbolo *verbi* Dei, Jes. LV., illustrata & refocillata, simul benedictione Dei multiplici mactata, dein, cum reges sunt dissipati, urbs ea fuit magis adhuc illustrata, & celebrata, ac mirifice benedicta, & terrestribus, & coelestibus, bonis ac donis: de quo supra dixi. Conf. Jes. xxxvii: 30, 31 & Pl. xlvi: 4, 5. Ceterum superiori periodo felicitatis sub Salomone hæc sub Hizkia recte subjungitur, cum fuerit singularis, & præcedenti haud uno respectu similis: utraque ex regibus hostilibus fugatis orta est, reges habuit pios & splendidos, bonis & donis corporalibus & spiritualibus abundans, per orbem celebrata, & regni Messiae illustrissimum fuit emblema.

§. XLV. 1. Gloriosæ Hierosolymæ & montis Dei liberationi ab hostibus, eorumque dissipationi, divinitus factæ, poeta subjungit eorum objurgationem & insultationem, ob vana eorum molimina contra sedem Dei, quam sibi in perpetuam habitationem adseruit, sermone ad eos, majoris elegantiae & emphasios ergo, directo, vers. 16, 17. his verbis: *mons Basan, mons collium, mons Basan! quare insilietis mantes colles in montem hunc, quem Deus adpetiit flagranter ad incolendum, etiam Jehova inhabitabit æternum & victorioso. h. e. cum Jehova, verus & summus Deus, montem Tſionis ardente studio sibi ad inhabitandum petierit, & adseruerit, quem etiam in perpetuum & victorioso, continua carminis triumphalis præbita materia, inhabitabit, uti promissit & publice sæpe declaravit: quæ vos cepit insania, quid operam perditis, quam noxium vobis erit, & male cedit, montes & colles, quicunque & qualescunque, tu Basan, mons illustris & late diffusus licet sis, tu, inquam & repeto, Basan! quod huic monti insidias struere, & hostiliter eum impetere, ausi fueritis? Poeta quidem ipse loquitur, sed ita, ut insinuet, eo tempore, quo hostes illi regnum Judæ invaderent, Tſionitas ipsis hac vel simili ra-*

tione insultaturos esse; quemadmodum etiam tempore Sennacheribi & Hizkiae contigit, constat ex Jes. xxxvii: 22. &c. Compellat quidem poeta montem Basan, quem ad audientiam citat, vers. 16. sed extendit mox sermonem objurgatorium & irrisorium longius ad *montes & colles* qualescunque vers. 17., ut indicaret, eandem fore omnium aliorum hostilium regnorum, majorum, minorum, quæ idem tentaverint, sortem. Qua ratione recte cohæret oratio, & ratio in promptu est, quare, monte Basane compellato, mox *montium & collium* in genere mentionem faciat. Versu itaque 16to mons Basan citatur ad audientiam, & vers. 17to sermo increpatorius ac insultatorius profertur ad eum montem, & reliquos montes ac colles alios qualescunque.

§. XLVI. *Mons Basan*, inquit poeta, eum inclamans, *mons collium*, *mons Basan*, scilicet huc adesto & audi: sic enim verba sunt vertenda & supplenda, cum citationem contineant montis Basanis ad audiendum, ut facile perspicitur; licet Interpretes acceperint, ac si poeta de monte Basanis fuisset locutus, & dixisset, *montem Basanis* esse *montem Dei*, *montemque collium*; titulum *montis Dei* cum monte Basanis etiam connectentes; quod modo refutavi. Compellari vero montem Basanis, & non describi, seq. satis evincunt; ubi sermo ad *montes* vertitur, & res ipsa facile docet, cum descriptio montis Basanis sine ratione & emphasi institueretur; & oratio elegantiam suam perderet. *Mons Basan* itaque compellatur, & epitheto *montis collium* ulterius circumscribitur; dein emphasios ergo repetitur *mons Basan*, ut fieri adsolet in compellationibus, quum quis serio & studiosè vocatur, nomine repetito: uti notum est, & exemplis variis facile confirmandum, si opus foret. *Mons Basan* quis qualisve sit, & qua ratione *mons collium* adpellari possit, cum nemini non constet; moram hic non necesse: uno verbo dixisse suffecerit, proprie esse celebra-

a Vid. Glaff. Gr. f. l. III. tr. 1. can. 5.

bratissimum illum montem, ad ortum aquilonarem Jordani, ab Ogo ante possessum, & dein ab Israelitis, duce Mose, occupatum, & Menassitis concessum, montem fertilissimum & pascuum, ovibus, bobus & tauris, nec non *quercubus* altissimis refertum; montem vero *collium* dici propter multos colles, vel tumulos, quibus distinctus est & scabrosus. Radix יַד proprie denotat, *coagulari*, *concr. scere in grumos*; unde יַד *caseus*, proprie *coagulatum*, & concretum in grumos majores, lac, & גִּבּוֹת *gibbositates*, colles, tumuli: ut Gr. a πῆμα πῆμας *coagulare* formarunt πῆμα pro colle, *tumulo*, gibbo, compactiore scilicet *a*. Sed quoque montes *gibbosi* sunt, *edito vertice præditi b*. Videamus de sensu emblematico; quem hic admittendum esse, satis constat; cum mox occurrat, tanquam monti Tſionis, & populo Dei, insidias struens; nec ratio dari alias queat hujus *montis* compellati. *Regnum* aliquod illustre, potentissimum & invictum, quale quid, stylo Arab. *gibbosum* dicitur, simul magnum, in varias divitum provincias, seu regna minora, ipsi subjecta, *regnum* præterea hostile & regno Judæorum imminens, intelligi, ex nexu sermonis quoque laud difficulter cernitur: sed *regnum* digito monstrari observo, quod sicut potentissimum & formidabile erat, ita quoque *Israelitas* in medio sui teneret captivos et exules; uti ex vers. 23. elucescit, ubi Deus dicitur e *Basane* reducturus populum suum. Quo clare ducimur ad regnum Assyriacum, vel Babylonicum, æque recens illud Syro-Macedonicum ac vetus; cujus utriusque ratio haberi potest in repetitione montis Basanis, ac *montium* et *collium* mentione in plur., ut mox videbimus. Sed, cum regnum Assyriacum vetus, et proprie sic dictum, primum fuerit ordine, quod *Israelitas* oppressit et occupavit, et Tſionitas invasit, tempore Hizkiæ ad incitas redegit; ejus hic primus et præcipuus debet esse locus: quo nos orationis series quo-

a Vid, quoque Schultens clav. p. 196. *b* Id. ad Har. conf. 1. p. 2. *c*. Id. ib. p. 23.

quoque directe ducit, cum periodus afflictionis Assyriacæ, & gloriosæ liberationis populi Dei, sub Senacheribo & Hizkia, in hac pericopa depingatur. Regnum vero illud cum monte, & quidem *multicolle*, recte comparari, quod sit celebratissimum, vastum, potentissimum, & ex multis minoribus regnis vel dynastiis constans, facile cernitur; & estylo figurato, quo regnorum emblemata sunt *montes*, & dynastiæ eorum *colles*, testatissimum est, satisque vulgatum. Sed quare in specie mons *Basan* adpellatur? triplice potissimum de ratione, ni fallor. 1. Prima est generalis, quod hic mons fuerit, *tum* altitudine & collium copia, ac latitudine, *tum* taurorum & quercuum multitudine, celebratissimus, adeoque ad vastum, & potentissimum, imperium, simul robustos ac eminentiores reges ac principes depingendum, aptissimum; quemadmodum *Libanus* & *Basan* eum in finem passim in estylo figurato Script. usurpari solent. Vid. Jes. II: 13. x: 34. & alibi *a*. 2. *Secunda* est, quod hoc montanum extra terram promissam versus *septentrionem* fuerit protensum, & ad Assyriam spectaverit; hoc tempore etiam ei fuerit subjectum, Israelitis jam subactis. Assyrius quoque inde in Judæam, trajecto Jordane, moverit; ut expresse fuit repræsentatum, Jes. x: 29-- 3. *Tertia* est, quod, sicut regnum Basaniticum sub *Ogo*, rege Basanis, validissimum, & giganteum, Israelitis, terram promissam ingressuris, maxime obstitit, sed victum & superatum est; ita Assyriacum, & deinceps Babylonicum, Israelitas & Judæos, in Cananæa jam sedem habentes, in specie Tſionitas, infensissime oppugnaverit, & inde conatum fuerit deturbare; deinceps quoque exules Tſionem repetituros impediverit, donec e medio fuerit sublatum: quod postea quoque locum habuit in regno Persico, Judæorum stabilitati & prosperitati in Cananæa inimico, propterea cum monte coram Zerubbabele *complanando* comparato, Zach. IV: 7. & Syro-Macedonico; uti notum est.

§. XLVII

a Vid. Vitringa ad I. c.

§. XLVII. Sermo increpatorius & insultatorius, ad montem Basan, modo citatum, & ad reliquos montes similes, directus, ita habet, vers. 17. *Quare insilietis montes colles montem hunc? quem Deus ardentem ad incolendum adpetiit, inhabitabit etiam Jehova in aeternum & victorioso.* Citaverat quidem poeta montem Basanis, sed non ad eum solum, verum ad montes & colles in genere, sermonem vertit, ut & suam sortem, & aliorum regnorum similitum, intelligeret mons Basan; sub quo itaque reliquos omnes comprehendit. Objurgat vero *montes & colles*, seu regna majora minora, sine discrimine, quam ob causam non dicit, *montes collium*, ut modo de monte Basan, sed *montes colles*, uti verti debent voces, ut omnia regna cujuscunque dignitatis & potentiae, majora minora, illud sibi adplicarent. Habet praeterea forma orationis & increpandi & irridendi vim, quam vocula interrogationis *quare* facile exhibet: ut sit, quae vos movet insania, quare incassum, & in vestram perniciem? Sed quid est, quod ipsis imputat? *insilire in montem hunc*; quare, dicit, *חֲרֹץ חֲרֹץ insidias struetis, & insilietis in montem hunc?* sic enim verba sunt vertenda & capienda. *Montem hunc* cum dicit, ejus mentionem modo fuisse factam, indicat, & digito eum monstrat; *montem* itaque *Dei in Tsalmone*, modo memoratum, quem mox ab inhabitatione Dei accuratius describit; *montem* ergo *Tsionis & Templi*, adeoque metropolin regni, & sedem religionis Jehovæ, cum ipso regno Judæorum, & religione, cujus ibi sedes erat. In quo nihil est difficile. Imputat nunc ipsis hostiles & insidiosas infestationes, verbo *חֲרֹץ* comprehensas: quod varie quidem accipitur, sed ex Ling. Arab. a Doctis, in primis Cl. Schultens ^a, demonstratum est proprie significare, *observare intentis oculis*, inde *invidiose* observare, nec non *insidiari*, & ex insidiis captare, ac data occasione *insilire*. Quo indicatur, Tsionitarum statum, & prosperitatem, regnis aliis excitaturum invidiam, simul incitaturum ad eum,

R

qua-

^a ad hunc locum.

quavis captata occasione, invadendum & destruendum: sic ut ab Assyriis, Babylonis, Persis, & Syro Macedonibus factum esse, constat.

§. XLVIII. Ad vanitatem horum moliminum, & damnum inde ipsis oriundum, demonstrandum pertinent verba sequentia, quem *ardenter adpetiit in habitaculum suum Deus, & inhabitabit Jebova in perpetuum & victoriam*. Ellipfin voculæ *וּ*, longe facillimam & usitatissimam, ante *וּ* adpetiit, quisque facile observare poterit; vel etiam *וּ* montem hunc repetere liceret; ut sit: *quare insiliretis montem hunc? hunc montem petiit Deus, etiam inhabitabit aeternum*. Quæ eodem redeunt. Duo hic, in rem admodum, de monte Tſionis adfirmantur; alterum, a Deo ipso eum esse in habitaculum suum petiit, alterum, Deum ibi in æternum & triumphabundum habitaturum esse. Prius emphatice exprimitur verbo *וּ*, quod vehemens & flagrans involvit desiderium, indeque ortum studium possidendi, & tuendi. Proprietas est in *sono ignis flagrantis*; unde ortus est significatus *adpetendi flagrante studio*; quod Lat. est, *ardere aliquem*, vel aliquid a. *Finis* desiderii Dei traditur fuisse, ut sit *habitaculum ejus*, seu regni & Ecclesiæ metropolis; ubi Deus symbolice adesset, & coleretur. Quod facillimum est. Adparuit autem hoc desiderium Dei, quum Hierosolyma, a Davide occupata, declarata & facta est sedes regni, & *arca*, in eam translata, & promissum ipsi factum est de *Templo* ibi a filio ejus ædificando: uti notum est, Conf. Ps. xxiv & cxxxii. & alia loca. *Posterius* habet, Deum ibi habitaturum esse *וּ* in perpetuum & victoriam: h. e. nec pro brevi tempore, sed longissime ad finem oeconomiae V. usque, quem usum frequenter habet *וּ*, sæpe a nobis observatum, nec otiose & subiecte, verum *victorioso*. Quod utrumque hic conjungimus, & vox *וּ* admittit. Proprietatem habet in *puro puro, sincero, mero & delibato*; ac ad veritatem, sinceritatem puram putam, perpetuitatem, victoriam

a Schultens ad Prov. i: 22. iv. 25.

riam, seu causæ victricis veritatem, & harmoniam musicam sinceram, ac similia transfertur *a*. *Habitare* vero Dei in monte Tſionis dicitur נִשְׁכָּח, quatenus verissime, firmiter, in-perturbate, perpetuo, & victorioſe eam ſedem retinet; etiam inter concentus puriſſimæ & triumphabundæ *muſica*: ad quam vox adplicatur, 1 Chron. xv: 21., & præſectus *muſicæ* inde adpellatur נֶמֶן *sincerus monitor*, qui sinceram, puram, liquidam præeat harmoniam. Antiquis Rabbiniſ quoque נֶמֶן vocatur genus laudis, quo ſinceriffima viſ Dei, omnia ſuperans, decantatur, ſeu *epinicion*, *carmen triumphale*, canitur; ut obſervavit Dieu *b*. Cujus ratio eo rectius hic habetur, quod mox carmen tale *עֲרֻמָּו* exhibetur; ut mox videbimus.

§. XLIX. 1. Carmen triumphale, quod Deo, ab expeditione glorioſa in hoſtes reverſo in ſedem ſuam ſublimem, accinerent, quoque ipſi publice gratias agerent pro ſingulari ac miraculoſa liberatione, quo tempore hic caſus contingeret, ſummatim propoſitum, ita habet, verſ. 18-21. *Currus Dei due ſunt myriades millibus multiplicatis, Dominus in medio eorum eſt, Sinai in ſancto. Adſcendiſti in altum, captivam duxiſti captivitatem, ſumſiſti dona in homines, & etiam refractarii, ſeu naſus refractariorum, ad decumbendum; & Fab Deus! Benediſtus ſis Dominus! quotidie onerabis nos Deus iſte ſalus noſtra. Selah! Deus iſte noſter nobis Deus liberationem, & Jehova Dominus emicationes mortis ſunt tribuendæ.* Quæ verba carminis triumphalis, in laudes Dei, tanquam triumphatoris, & liberatoris populi e ſummis anguſtiis, conſpectum adeo evidenter gerunt, ut, Interpretibus illud in mentem non veniſſe, mirum accidet; tuncſta enim eo manifeſte tendunt, & inde facillimos acquirunt explicatus. Præſ. temp. verba, verſ. 19. *adſcendiſti* &c. nos clare ducunt ad illud tempus, quo divina hæc expeditio jam eſſet facta, & Deus triumphabundus in aulam ſuam regiam glorioſe erat reverſus; adeoque accipiendæ

R 2

ſunt,

a Id. ib. xxi: 28.

b ad Pf. iv.

sunt, tanquam tunc a populo Dei prolata: plane quemadmodum habuimus supra, vers. 5—., & videbimus rursus, vers. 28—. Insinuavit vero poeta, se ejusmodi carmen in medium adlaturum, voce נָחַל, qua versum 17^{mum} terminavit; ubi dixit, *Deum inhabitaturum Tzionem נָחַל in purum putum*, nec non in *victoriæ* continuas laudes; ut supra observavi: sive *cantate* &c. ex vers. 5. repetatur, ac subintelligatur, sive aliud quid simile. Nec insolens est, maxime in stylo poetico & sublimi, *carmen* cantandum sine ulla præfatione in medium adduci: uti constat, & sæpe observavimus. *Partes* vero cantici *duæ* sunt. α. *Prior* magnificam continet descriptionem triumphabundi & gloriosi reditus Dei in aulam suam regiam, cum copiosissimo suo exercitu, hostibus miraculose prostratis, & celebrationem Dei ac gratulationem quasi super eo, vers. 18, 19. β. *Posterior* vero gratiarum actionem, & celebrationem Dei solennem, ob concessam liberationem, & testificationem spei ac expectationis secuturæ prosperitatis, vers. 20, 21.

§. L. α. In *prior* parte, α. numerosissimus Dei exercitus coelestis, quo in hostibus profligandis usus erat Dominus, in medio ejus præsens, quo etiam cinctus Majestatem suam in sede sua gloriosa manifestat, describitur, & ex comparatione cum Dei manifestatione super monte Sinai illustratur, vers. 18. β. gloriosus Dei victoris adscensus in arcem suam sublimen cum ejus adjunctis & effectis, depingitur, vers. 19. Hic enim verus est pericopæ conspectus, ex oculis non dimittendus, quo majestatis plenissimus Dei, tanquam Imperatoris gloriosi & triumphatoris, post hostes devictos, in aulam reversi, status depingitur, & celebratur; quo omnes phrasæ manifeste tendunt; comparatio cum manifestatione Dei in monte Sinai nos ducit, & quod collatio cum vers. 5 & 8 ulterius confirmat. Ex qua hypothese pericopam, haud difficilem intellectu, exponere adgredior, primum emblematico sensu & exiliore, dein sensu, sublimiore & magis emphatico, ac proprio: quem
utrum-

utrumque esse admittendum, mox adparebit. *a. Prius* membrum pericopæ ita habet, vers. 18. *Currus Dei sunt duæ myriades, millibus multiplicatis; Dominus est in iis, Sinai in sancto.* h. e. Supremus mundi librator & iudex, ac Dominus, in medio innumerorum exercituum coelestium residet gloriose & triumphabunde in sede sua sancta, suæque majestatis tremendæ signa dat, sicut olim in monte Sinai, quo legem promulgavit inter multa tonitrua, fulgura & terræ motus, posteaquam hostes prostravisset, & populum suum in libertatem adseruisset. *Currus Dei* hic sunt *Angeli*, tanquam exercitus considerati militares, cum adlusionem ad *currus*, Veteribus in bello usitatos; uti notum, & ab aliis satis illustratum est. Quorum numerus additur inmensus, & vix numerandus, cum dicitur; *currus Dei chiliades multæ, millibus iteratis, seu multiplicatis.* Prior vox רבנים est plur. auctus, nam רבנות est pl. a sing. רבה, contracte ex רבנות, רבנות *a*; augmentum duale; aut plur., insuper additum voci plur., ingentem myriadam numerum videtur exprimere. Vox vero רבנה, & contracte רבה, usu suo adfert myriadem, a densa multitudine; quæ radici inest potestas. Numeri augendi adhuc ergo additur, *millia duplicitatis maxima*; vox enim שנים est a שנה, vel שנה, proprie *flectere*, inde *iterare*, *duplicare*; & augmentum, nun sive cum; sive cum puncto, augendi & intendendi usum habet, adeoque *iterationem multam* denotat, sicut διπλῆς, Gr., & *duplex* Lat. pro *multiplice* adhibetur, & *duplicare*, *geminare* pro *multiplicare*. Proxime convenit Dan. VII: 10. ubi *ministrantium* Deo, qui thronum ejus circumstant, dicuntur *mille millium*, seu *millies millia*, & *myrias myriadam*, seu *myriades* per myriadem multiplicatæ. In harum medio cum *Dominus* esse dicitur, ipse hic repræsentatur tanquam eorum Dux, & Imperator, qui ab iis cinctus est, & iis, tanquam ministris, ad judicia sua exsequenda, utitur. Qui alias

R 3

An-

a Schultens Gr. p. 220. *b* Simon in Onom. p. 570.

c Vid. la Cerda ad Virg. Aen. VIII. p. 241.

Angelus Jehova, & dux seu princeps exercitus Jehova adpellatur, Jos. v: 14. & sæpe *Deus exercituum*.

§. LI. Sed *ubi* Deus cum hoc exercitu suo præsens sistitur? id quod ultimæ voces exprimunt, *Sinai in sancto*, h. e. in monte sanctitatis Tſione, sicut antea in Sinai, adeo ut *Sinai* posset censerī in montem Tſionis mutatus, seu ipse *Sinai* esse in eo. Facilior fuisset structura orationis, si haberet *כמו כפי* *sicut in Sinai in sancto*, sed reticuit poeta particulas illas, *sicut in*, abrupte & concise locutus, ut sæpe alias fieri adsolet, præcipue in stylo sublimiore, & majoris emphasios gratia; adeo ut ipse *Sinai*, tanquam in Tſionem translatus, Tſion factus *Sinai*, intelligeretur. In voce *כפי* subintelligitur *in monte* ex præced., ut sit, *in monte sanctitatis*. Sic sanctum & Tſion conjunguntur, Ps. xxi: 3. & ex Tſione optatur salus ventura, Ps. xiv: 6. *mons Dei & locus sanctitatis ejus*, Ps. xxiv: 3. Sensus itaque est, Deum exercituum, innumero suo exercitu coelesti cinctum, sedem habere in monte Tſionis, seu monte Dei Hierosolymis, seseque ibi talem exhibere, qualem olim *in Sinai*, adeoque post hostes superatos, & populum liberatum, quique antiquam illam legislationem nunc renovavit, & vindicavit, seseque populo de novo ad bona foederis danda obstrinxit. Ex quibus facile patescit, quam apte hæc in tempus Hizkiæ quadrent; aptius quoque, quod exercitus hostilis Assyriacus fuerit per Angelum Jehovæ, coelesti exercitu cinctum, mirabiliter & immediate, sine alia ope humana, ad internecionem deletus; sicut olim Aegyptiis contigit, quando Deus victoriosus & triumphabundus sese in *Sinai* fecit manifestum. *Currus* itaque & exercitus coelestes repræsentantur in monte Tſionis, una cum duce suo in medio sui, castra metati, cum ad miraculosam illam victoriam per eos solos de Assyriis reportatam digito monstrandam, tum ad securitatem Tſionis in posterum demonstrandam, quippe quæ a tanto duce & tam numeroſo exercitu insidebatur; ut Elifæ aliq. legitur concessum, 2 Reg. vi: 17. ubi

ubi mons, in quo erat, *plenus* ipsi fuit & servo ejus visus *equis*, & *curribus igneis circa Elisam*. Sed gloriosæ Dei manifestationis in monte Sinai memoria insuper aptissime renovatur, cum quod foedus Sinaiticum tempore Hizkiæ fuerit solenniter repetitum, tum quod illud fuerit frequenter inculcatum, tanquam unicum medium, quo prosperitas concessa reddatur durabilis, & populus sese Deo gratum præstet. Quo directe etiam spectat Pl. l., ubi Deus in scenam producit tanquam illustris populi vindex e Tione manifestus factus, & legis in monte Sinai latæ renovator, ac inculcator: ut suo loco vidimus.

§. LII. Hæc licet sufficere possint; addam tamen aliam paulo interpretationem, cujus ansam dederunt LXX Intt., qui verterunt: *τὸ δὲ πρὸς τὸν θεὸν ὡς πρὸς τὸν λαόν, καὶ ὡς τὸν λαόν, ἐν τῷ ὄρει* *currus Dei*, ut reddidit Vulg., *decem millibus multiplex, millia latantium*. Dominus in iis in Sinai in sancto. Legisse videntur Interpretes *πρὸς* pro *pro*, vel per metathesin litterarum ita accepisse; quod, ipso Gejero iudice, non adeo incongruum daret sensum; quem tamen minus dedit congruum, cum ad Angelos adplicuit, & *florētissimos Spiritus* interpretatur, oppositæ ad homines fragiles: quare subjungit, non recte hoc epitheton convenire militiæ *operosæ*, quippe quod *tranquille* potius consistentem aut quietum donaret. Equidem, si eam lectionem & versionem adoptare liceret, per *chiliadas tranquillitatis*, vel populi tranquille & læte agentis, intelligerem, non Angelos, sed populum Israelis, sive *Chiliadas Judæ*, Mich. v: 1. & verterem: *Currus Dei myriades multiplices* (angeli numerosissimi & fortissimi) sunt in *chiliadibus tranquillitatis defœcata*, (in medio Chiliadum Judæ, & tempore expeditionis Dei in hostes tranquillarum, & nunc, ea gloriose finita, læte & prospere quiescentium; uti tempore Hizkiæ adparuit.) Dominus in iis, Sinai in sancto (non currus tantum Dei, sed ipse supremus ductor, Angelus Jehovæ, in medio chiliadarum Judæ est in sancto, aut monte sanctitatis, sicut olim in Sinai.) Nihil hic diffi-

cilis,

cilis, modo notetur ellipsis præf. נ in אלהים, ut sit pro אלהים, uti mox in כי, quæ ex serie sermonis facile suppletur. Commendat eam interpretationem, 1. quod constructio longe sit facilior, & vocum structuræ convenientior, quam si *chiliades duplicitatis* vertatur, & *myriadibus* adjungatur. *Currus Dei myriades multæ, millia duplicitatis* sunt, nescio quid scabrosi habeat? longe facilius utique dicitur, *currus Dei multæ myriades* sunt, in *chiliadibus Judæ*, uti mox, *Dominus est in iis*. 2. quod epitheton אלהים huc aptissime quadret, de chiliadibus Judæ sumtum, ad indicandum statum Judæ, & tempore expeditionis Dei cum Angelis contra hostes, & post eam finitam. Juda enim nihil tunc egit, sed se Hierosolymis quietum tenuit & tranquillum, quo tempore Assyrii sunt prostrati, solus exercitus coelestis cuncta perfecit, deinceps rediit Deus exercituum ad chiliades Judæ, & majorem tranquillitatem ac prosperitatem sua præsentia Tſionitis adtulit: uti constat. Vox אלהים contracta est ex אלהים, quæ alibi exstat, & defœcate fufum ac liquidum proprie denotat, inde tranquillitatem, securitatem & prosperitatem ^a. 3. Denique haud leve momentum addit collatio Num. x: 36., ubi, cum columna nubis & ignis alicubi residebat, Moses dixisse fertur, *redi Jehova ad myriadas, chiliadas, Israelis*, sive *cum myriadibus ad chiliadas Israelis*, h. e. *cum myriadibus angelorum ad chiliadas Israelis*, quod facilius & rei congruentius est, vel, ut Cocc. in Lex. ad vocem רבבה, *redi Jehova, myriades chiliadum Israelis*, h. e. *Deus, qui es exercitus numerosissimus Israelis*. Ita Deus in Sinai venisse dicitur *ex*, vel *cum*, *myriadibus sanctitatis*. Deut. xxxiii: 2. Ad quas voces Mosis Num. x. probabile est hic fuisse adlufum; quemadmodum in principio Pf. vers. 2. ad altera Mosis verba, quibus Deum cum columna sese moventem adlocutus legitur ibidem: de quo supra dixi. Loco *Israelis* vero hic symbolicum aliquod nomen, seu epitheton, posuit David, ut statum populi

^a Schultens disp. iv. ad Orig. & Job. iii: 18 **xxi**: 23,

puli ejus temporis, de quò agit, depingeret; quemadmodum vers. 15. habuimus, ubi loco Hierosolymæ dixit צלמן.

§. LIII. β. Ipse gloriosus & triumphabundus Dei introitus in sublimem suam sedem, una cum adjunctis & effectis, describitur vers. 19., in hæc verba: *Adscendisti in altum, captivam duxisti captivitatem, sumfisti dona in homines, & quoque refractarii ad decumbendum, Fab Deus!* Quibus Deus tanquam triumphator depingitur, sedem suam sublimem, quam ad hostes deprimendos & populum liberandum deferuerat, repetens, & populum suum captivum, hostibus ereptum, secum ducens, simul eum bonis ac donis cumulans, & refractarios hostes in carcerem compingens: sicut in triumphis fieri solebat. In quibus verbis pleraque mihi videntur satis plana & perspicua, aliquid tantum superest ambigui. Quorum, missis Interpretationibus aliis, distincta mihi erit reddenda ratio. Clara mihi & facilia adparent sequentia. 1. *Primum* est, ultimas voces, *Fab Deus*, personam nominare, ad quam sermo dirigitur; quæ etiam vulgatio est opinio: licet alii cum verbo *אב* habitare connectant, sed diverso sensu, siue refractarios velint *Fab Deum*, aut *decentiam* Dei, ut Coccejus, inhabitare, siue *apud Deum*, siue Deum in illis. Quæ omnia valde aliena sunt: nihil facilius est, quam ut persona hic compellatur, ad quam sermo vertitur; quemadmodum etiam fit, vers. 8, 10, & 11. Cum enim subito sermonem vertat, & aliquem adloquatur, absque ut eum adpellet, in fin. versus vero *Deum* diserte nominet; Deum se designare, quem compellaverat, clare significat; adeoque orationem adparet ita esse connectendam, ut *Deus* sit subjectum orationis, & vertatur: *adscendisti* — — *Fab Deus*. 2. *Secundum* est, Deum hic sisti tanquam triumphatorem & repetere sedem suam sublimem, quam hostium & populi sui causa reliquerat; de qua deinceps agam. Hic suffecerit, ad phrasas illustrandas, notasse, *adscendere Deum in altum* involve,

re ejus *descensum* de alto, & dicere, eum sedem suam, peracta expeditione, repetere, sed eo redire cum triumpho, hostibus devictis, & populo liberato; ut seq. demonstrant. Quem *descensum* hic esse advertendum, Dominus quoque monuit, Joh. III: 13., res ipsa evincit, & generalis pars Pf. vers. 2--7. ulterius confirmat. *Adscendisti in altum* itaque est, expeditione ad hostes profigandos, ac populum vindicandum, cujus causa descenderas, seu, ut vers. 2. *surrexeras*, &c., & in *deserto equitaveras*, vers. 5., prospere finita, sedem tuam sublimem denuo intraisti; sed gloriose, & ut eam in posterum teneas firmiter.

§. LIV. 3. Nec illud mihi dubium est, quin voces, *captivam duxisti captivitatem*, expeditionis susceptæ effectum, & causam triumphi, designent, adeoque populum e captivitate liberatum, & triumphatori adsertum, repræsentent. Quod phrasi, ejusque usui, est magis consentaneum, quam quod alii volunt, ut hostes captivos abductos intelligamus. Et si enim eo sensu subinde sumatur; longe tamen usitatus pro *captivorum* liberatione; uti vel ex Lexicis constat. Confirmat hunc sensum, quod supra in generali pericopa Deus fuerit celebratus, tanquam *victorum eductor in bene compactas societates*, vers. 7. Significatur itaque, populum Dei fuisse in manibus hostium, & *captivorum* prætulisse conspectum; sive proprie, sive magis improprie, de quo postea, & inde fuisse liberatum, ac liberatoris in possessionem venisse. 4. Sequentia verba, *accepisti dona in hominem*, ut proprie sonant, vix dubitaverim, quin donorum & bonorum distributionem inter homines, a Deo triumphatore factam, uti moris erat in solennitatibus, & triumphali pompa, denotent; uti Chald. & Syr. vertunt, & Apost. Eph. rv: 8. quoque intellexit; sive sensu divite. לָקַח sit *acceptum dare*, quod a Doctis abunde est illustratum & confirmatum exemplis, sive illud constructione vocum, דָּוָן בְּחַיִּים *dona in hominem*, statuatur involutum esse, quod constructioni vocis בָּאָדָם *in Adamum*, & non לְאָדָם, ut alias

alias solet, conjunctius est. Vox scilicet nana proprie designat *tendentiam*, a נָנָא *tendere*, inde *domum*, munus ad aliquem tendens, seu directum; *sumere itaque* מִנָּנָא מִנָּנָא *munera in homines*, est ea sumere, quæ in eos tendunt, ad eos spectant, & iis porriguntur; adeoque accipere dona in homines conferenda. Sensus est, Deum, hostibus triumphatis, & populo suo captivo liberato, sedem suam sublimem intrasse denuo, & inde quævis munera & dona accepta in populum effudisse; quod tanquam consequens & effectum triumphabundi introitus Dei in sedem suam est considerandum, & qualiacunque munera coelestia comprehendit ad populum liberatum ditandum ac beandum: quod in generali pericopa, vers. 7. dictum fuerat, *reducere solitarios in domum*, & in primæ periodi speciali descriptione per *imbris largissimi fluxum* depictum erat, vers. 10.

§. LV. Superest ultimum membrum, multo obscurius & difficilius intellectu, quod verti; & *etiam refractarii decumbere*, vel *ad decumbendum*, h. e. & insuper, in cumulum victoriæ ac liberationis populi, refractarii hostes, devicti ac triumphati, in eum redacti sunt statum, ut cum terribili sua majestate infirmi, & quasi mortui jaceant. Verba continent victoriæ consequens, respectu hostium & impiorum, ipsorumque statum abjectum & afflictum depingunt: secus ac passim volunt Interpretes, qui refractariorum salutarem subjectionem, qua Dei habitaculum facti sunt, vel iis data est potestas apud Deum habitandi, describi volunt: quod a scopo & structura sermonis abhorret, & ex vers. 7. refutatur, ubi refractarii dicuntur *incolere ariditatem*: quo hic manifeste respicitur. Nostra interpretatio nihil habet, quod offendant, modo notetur, 1. infinit. נָנָא esse loco finiti; & idem esse, ac, *decumbunt*, vel *ad decumbendum* redacti sunt, aut eorum est *decumbere*. Infin. pro præter. præf. vel futuro sumi, satis vulgatum est. 2. Verbum נָנָא hic in malum sumi, & statum miserum, infirmum, ac abjectum, ex-

S 2

pri-

primere; quod vers. 7. plenius fuit expressum per *habitare* מוֹנֵחַ *ariditatem*; ut ibi expositum est; ubi etiam de usu ejus in malum dixi. Denique, 3. vocula הָא duplicem fert sensum, *alterum*, quo particulæ usum habet, & *insuper* denotat, vel *in cumulum*; est enim a rad. הָא *cumulare*, & adhibetur particula הָא ad augendum ac cumulandum ea, quæ præcesserunt; quod huc non male quadrat, ut exposui: *alterum* vero, quo vocis conspectum habet, & *nasum* dicit, unde ad *terribilem* transit Majestatem, & *inaccessam*; simul, in malum, adrogantem, fastosam, & ferocem in Deum & homines: uti exposuit & firmavit Cl. Schultens c. Ita de Assyrio, tempore Hizkiæ, Jes. xxxviii: 28. *quod infremueris adversum me, tuaque insolentia in aures meas ascenderit: idea ponam hamum meum in naso tuo & meum lupatum in labris tuis: ubi nasus figuram quoque gerit*, inquit Schult. l. c., *status & fastus insolentis; labra autem figurate similiter jactantias consignant*. Sensus ergo erit, *terribilem & insolentem illam Majestatem Assyriacam, hominum summo gradu refractoriorum, decumbere, & decubituram, debilem & infirmam*; sicut ex historia constat factum fuisse.

§. LVI. Posset eandem in mentem alius verbis dari sensus, si pro הָא legere liceret נָח *expiratio*, vel *expiravit*, pro *expiraverunt refractarii*; quemadmodum de Assyrio, Jes. xvi: 4. נָח נָח *expiravit oppressor*, & c. xxix: 20. נָח *expiravit violentus*, & alibi vos נָח *expiratio*, nihilum, Jes. xli: 12. *virī tui bellatores כאֲנָם כְּאֵין, sicut vacuitas ipsa, sicut expiratio b*. Littera vero נָח ex concurrentia sequentis vocis, cum נָח incipientis, facillime in נָח excidere potuit; uti alias sæpe factum est. Quo admissio, seq. נָח vel erit ad *decumbendum*, *expirationis effectum*, vel cum verbo נָח *adscendisti* construi poterit; ut sit: *adscendisti in altum — — — ad habitandum quiete & tranquille, Fab Deus;*

a Defect. §. 250.

b Idem Prov. xxvi: 20.

Deus; uti vers. 17. etiam Jehova per habitat purum putum. Eligat quis, quod sibi verius videatur.

§. LVII. Verbis in luce positis, eorum sensum tradamus, & ad subjectam materiam adplicemus, *primum* emblematicæ & exiliore, dein vere, & magis emphatico sensu: cujus utriusque rationem esse habendam, supra insinuavi.

a. Sensu emblematico & tenuiore digitus intenditur ad *duos* illustriores casus præteritos, alterum remotiorem, alterum propinquiorem, & directe respicitur ad singularem illum casum, tempore expeditionis Senacheribi & liberationis miraculosæ sub Hizkia, quando, ut supra dixi, hoc carmen triumphale caneretur. *a.* Singulares casus, tempore compositi Ps. jam præteriti, ad quos respicitur, sunt, *alter* manifestationis Dei in monte Sinai, *alter* translationis arcæ in montem Tſionis a Davide, paulo ante hunc Ps. factum. Cujus, utriusque, sicut mentio injicitur vers. 17 & 18., quemadmodum vidimus, ita ratio hic recte habetur, cum præsentis liberationis populi ab Assyrii infestatione & imaginem ferant, & fundamentum constituent. Sicut enim Deus 1. montem Sinai adscendit post populum captivum liberatum, & Aegyptiorum insolentem tyrannidem oppressam, & de eo monte *dona* sua in populum demisit, legem & promissâ, foedere inito, dedit, 2. deinceps in Tſione sedem capeſſivit, etiam post populum ab hostibus adſertum per Davidem, & ab oppressione vindicatum, ut est Ps. LX., indeque *dona* contulit in Davidem & populum, multiplici benedictione tunc maſtatum, ut habuimus vers. 10--14.: ita quoque per eos casus prælusum fuit præſenti liberationi, & ejus fundamenta sunt jacta, cum Deus, foedere ad Sinai erecto, & promisso, tempore translatae arcæ in Tſionem, se Davidi & populo obſtrinxerit, de regno Davidis, & sua in habitatione, in perpetuum in medio populi. Renovatur itaque eo, quo dixi, scopo memoria horum casuum, & Deus celebratur, tanquam qui olim & Sinai & Tſionem adſcendit, ibique sedem suam fixit, una cum myriadibus

angelorum inter Chiliadas Judæ, sub symbolo Schechinæ inter Cherubinos super arcam; adeoque ad eos casus verba etiam sunt applicanda, quibus recte conveniunt; ut facile patet, & modo tetigi.

§. LVIII. *b.* Directius vero & propius pertinent verba, sensu adhuc emblematico & tenuiore, ad stupendum illum casum tempore Hizkiæ, quo exercitus Assyrius per Judæam expansus simul, simul disiectus est ab Angelo Jehovæ, mons Tſionis vindicatus, & publice declaratus sedes Dei in perpetuum, populus oppressus ab Assyrio, & arcte inclusus, gloriose est liberatus, adeo ut *captivitas* dici potuerit *captiva abducta*; terribilis majestas Assyriaca exspiravit, & populus sub Hizkia quibusvis bonis & donis a Deo cumulatus est. Quo tempore itaque Deus introduci apte potuit tanquam triumphator *altum* conscendisse, quatenus, expeditione peracta, cujus causa *surrexerat*, & e *Tſione exierat*, ad hostes profligandos, ut est Ps. L: 3. & Jes. xxxvii: 36. xxxi: 4. ne alia proferam, ubique obvia, sedem illam suam sublimem repetiit, populo *captivo* sibi adserto denuo & liberato, & ditato valde; adeo ut & tunc dici potuerit Deus *captivitatem captivam duxisse*, & *dona accepisse in homines*. Conf. Jes. xvi: 5. xxxii: 1--8. xxxviii: 31, 32 Ps. xlvi. 10, 11. Dictis tantum addo, Deum & alibi introduci *altum* repetere, post judicium habitum, cujus causa descenderat, Ps. vii: 18.

§. LIX. Verum enim vero licet casus memorati poetæ fuerint ob oculos versati, eamque ob rationem verbis præterit. temp. fuerit usus; quod, quo tempore carmen caneretur, omnes illi casus jam exstitissent: dubium tamen mihi non est, quin, dum in eo esset, cogitationes ejus a Spritu S. in longe alium & celebriorem casum, diu post demum futurum, fuerunt defixæ, vel ita directæ, ut Messie gloriosum in coelum adscensum, cum ejus adjunctis & effectis, emphatice & directe exprefferit, adeo ut ad casus eos non nisi emblematicæ & exiliore sensu, ad Messie
ex-

exaltationem vero proprie & vero suo sensu referenda sint verba, quæ Spiritus ipsi in ore dedit, vel calamo exarare fecit. Poetæ itaque Spiritus, qui ipsum egit, verba inipiravit, quæ ad eos casus adcommodari quidem poterant, sed vera sua emphasi Messiae exaltationem delinearunt: adeo ut poetæ quidem permiserit verba proferre, quæ illos casus delineare apta erant, sed ea ratione concinnata, ut, Spiritus S. scopo convenienter, Messiae exaltationem longe clarioribus depinxerint coloribus. Quod; sicut a stylo prophetarum non est alienum, qui & litteralem & spiritua-lem habent subinde sensum, uti satis constat, ita huic loco multo convenientius est, cum quod Messiae exaltatio, post opus salutis peractum, fuerit finis & fundamentum omnium illorum illustrium casuum, qui Veteri populo Dei contigerunt, de quo alibi ad Dan. fusius disserui, tum quod omnes hi casus, ad quos digitum intendit poeta, Messiae exaltationem, post impetratam salutem populi factam, typice expinxerint; uti notum est, & alibi solet exponi. Facillimus itaque fuit transitus a manifestatione Dei gloriosa in monte Sinai, translatione arcæ in Tſionem, & habitationis Dei vindicatione tempore Hizkiæ, ad Messiam exaltatum, & regnum ejus erectum in coelis; eo etiam facilius, quod de hoc ipso monte Tſionis, vel parte montani Hierosolymitani fuerit gloriose, & triumphabunde, comitantibus Angelorum choris, in coelum sublatus: uti constat.

§. LX. Refero itaque verba, ex propria & directa Spiritus S., qui vatis mentem & calamum direxit, intentione, ad Messiae exaltationem, ejusque adjuncta & effecta, eumque sensum pro vero & directo habeo, alterum vero illum, supra traditum, pro emblematico ac tenuiore: nec sine urgente ratione ita statuo, cum haud dubia ejus sese in verbis offerant indicia, verbo tantum proferenda; cum Interpretes hic satis prolixi sint, qui consuli poterunt. 1. Primum criterium est in descriptione mortis Tſionis vers. 18., quæ

quæ ad coelestem Dei, & Angelorum, ac sanctorum, sedem, vera sua emphasi, nos manifeste ducit, in primis, si notabilis locus Heb. xii: 22, 23. conferatur, quippe hinc maximam partem, quod observo, desumptus: memoratur enim ibi *Tsion mons*, seu coelestis Hierosolyma, *myriades Angelorum*, Ecclesiæ primogenitorum in coelis, & *Spiritus justorum consummatorum*, denique *Judex Deum omnium*, opposite ad *montem Sinai* supra memoratum; plane quemadmodum hic occurrunt *myriades curruum Dei*, *cbiliades*, seu coetus copulati, & arcte uniti, hominum renovatorum & defoecate tranquillorum, præterea *Dominus*, supremus liberator, & *Judex*, in eorum medio; ac denique *Sinai* in sanctum seu Tsionem sanctum translatus & permutatus. De quo mox accuratius. 2. *Secundum* est, quod Dominus dicatur ascendisse absolute & in genere in *altum*; quo *coelum* intelligi solet. Etsi enim Tsion possit adpellari, & adpellatur subinde, *altum*, ut & *Hierosolyma superior*, Gal. iv: 26., vis tamen & usus vocis ad *coelum* nos ducit, eo epitheto absolute insigniri solitum, ut Jes. lvii: 15. Ps. cii: 20. Jes. xl: 26. xxiv: 21. Ps. xcii, xciii. & alibi. 2. *Tertium*, quod non habeatur, *שבתה שבות restituiisti captivitatem avectam*, ut solet de Israele e captivitate liberato, vel instaurato, nec addito populi Dei epitheto, sed *שביה שבי captivitatem abduxisti captivam*, & in genere, quod rectius in hostium spoliationes, adeoque in homines, Dominis suis antiquis ereptos, & in alterius Domini potestatem redactos, quadrat: quemadmodum de Christo, debellatore Satanæ, peccati & mundi, adhibetur, Jes. xlix: 24. lxi: 2. lxii: 12. Matth. xii: 29. 4. *Quartum*, quod *dona*, a Domino in altum sublato accipienda & effundenda, vero suo conspectu sint *coelestia*, & Spiritus S. dona, eo nomine in primis digna; ut facile adparet. 5. *Quintum*, quod non dicatur, *dona accepisti in Israele*, vel simile quid, verum *נארים in hominem*. Etsi enim Israel eo nomine insigniri queat, maxime ubi *Deus* tanquam dator munerum occurrit: dubium ta-

men

men non est, quin latius sese hoc nomen extendat, & ad *Gentes* quoque pertineat; quæ subinde hoc epitheto, opposite ad Israël, populum Dei, insigniri solent, ut alibi me observasse memini, ad Mal. & Jer. haud uno loco. 6. *Sextum* est, quod *refractorii* sese latius quam ad Assyrios, hostes Dei & populi ejus, porrigant, & qualescunque obstinatos & incorrigibiles adversarios Domini comprehendant, ut vers. 7. vidimus. 7. Mitto alia criteria, quæ vers. 20 & 21. deinceps sub manum venient.

§. LX. Hac itaque jacta & admissa hypothesi, relegamus verba, & secundum eam paucis interpretemur. Sumenda sunt verba in vera sua emphasi, & tanquam totidem distinctæ sententiæ, abrupte & emphatice expressæ, ut in carmine sublimi & adfectuoso fieri solet. a. *Sententiæ* vers. 18. descriptionem continent coelestis status regni Messiae, cujus sedes est in coelo, ministri vero Angeli, & populus coelo adscriptus, sive jam consummatus, sive fide & vita in coelo versatus, instar civium in metropoli regni; ubi ipse Dominus cum illustribus Majestatis signis sese præsentem exhibet, & unde leges suas promulgat; Sinai in Sanctum quasi, seu coelum, converso. Sunt autem *sententiæ* sequentes, eo, quo dixi, tendentes. 1. *Prima* habet, *currus Dei myriades multæ sunt*, h. e. Angelorum, regis & regni ejus ministrorum, robore & velocitate sua *currum* bellicorum similium, inmensa est multitudo; non exprimens, nisi *myriadum multarum* nomine, ab hominibus. *Myriadas Angelorum* adpellat Ap., huc respiciens, Heb. xii. & Dan. vii. mille millium, & *myrias myriadum*. 2. *Secunda* sententiæ, quæ regni coelestis cives comprehendit, est, *cbiliades duplicitatis*; vel politissimi, & deſœcate tranquilli, populi, scilicet, *sunt*, qui ibi versantur, & quibus adsunt myriades multæ Angelorum, sive sint in coelo, sive ibi civitatem & conversationem habeant: Apost. i. c. adpellat *Ecclesiam primogenitorum in coelo descriptorum*, & *Spiritus justorum consummatorum*; qui regnum illud Messiae, ut in

initii sese habuit, constituunt. Non itaque de *Angelis*, sed *civibus* regni coelestis capiendæ sunt voces, ut supra vidimus; sive in coelo sint, sive corpore adhuc in terra degant: qui *chiliades* *pro* sive *duplicitatis*, sive *politissimi nitoris*, sive defoecatae tranquillitatis & felicitatis, recte adpellantur. Loco *Chiliadum Israelis*, ad quas redire dicebatur Deus in *columna nubes & ignis*, cum quiesceret, Num. x., quo hic respicitur, poeta per Spiritum dixit *Chiliadas* *pro*, voce admodum emphatica, & varia continente, pro diversa ejus origine, quæ huc recte quadrant. 1. Si a *nati* derivetur, *chiliades* erunt *duplo* majores, quam Israelitarum fuerant; ex gentium accessione per orbem universum, & præterea *chiliades mutationis*, quam quoque involvit radix, sed in melius, Vetere & carnali Israele in novum mutato, ac spiritualem & coelestem. 2. Si ad *pro* respiciatur, *chiliades* erant *rasitis nitore*, & probe *polite*, ac nitidatæ, per Spiritum illuminationis ac sanctificationis, ab externis etiam & carnalibus institutis purgatæ. Radix enim proprie dicit, *polioit*, acuit poliendo, friandove. 3. Denique si *pro*, sit pro *pro*, de quo supra dixi, *chiliades* erunt defoecate tranquillorum, & late agentium; quod proprium est subditorum Christi, in primis in coelo, criterium; *Spiritus justorum consummatorum* adpellavit Ap. Heb. xii.

§. LXI. 3. Tertia sententia est, *Dominus in iis*, & *myriadibus* currum, & *chiliadibus* duplicitatis ac tranquillitatis, tanquam supremus dux, & caput; simul librator summus & judex universi; Dominus *autem* *etiam* dicens, & *judex*: quam potestatem admittit nomen *pro*, si a *pro* derivetur, ut potest, & alibi observavimus ad Mal. i. *Dominus in iis* est, cum in sede sua coelesti in eorum medio, cum iis cinctus in descensu ad iudicium, & adscensu; sicut enim Angelis comitantibus adscendit, ita rursus ad universale quoque iudicium redibit, Act. ii. Apost. vero Heb. xii. adpellat *Judicem Deum omnium*. 4. Quarta denique sententia habet, *Sinai in Sancto*, vel *Sanctum*, h. e. *Sinai*,
ma.

manifestatione Dei & legislatione olim illustris, nunc in *coelo*, sanctuario Dei, sese conspiciendum præbet, & in illud mutatus est, Sinai in Tzionem coelestem converso; ita ut nunc longe alia sit rerum facies, alia oeconomia, non legalis & carnalis, sed spiritualis, & coelestis; non *terribilis* amplius, sed jucunda & læta; quæ lex non carnalis, sed Spiritnalis tantum promulgatur, nec tabulis lapideis, sed cordibus inscripta, 2 Cor. iiii. *Sanctam* itaque est *coelum* & coelestis oeconomia; & in eo est *Sinai*, quatenus transiit & conversus est in *coelum*, & coeleste regnum, adeo ut credentes non ad *montem Sinai*, ut olim, sed *Tzionem*, supernam Hierosolymam venerint, Gal. iv. & Heb. xii.

§. LXII. 3. Reliquæ sententiæ, vers. 19. comprehensæ, repræsentant regis, post peractam expeditionem ad captivos liberandos, triumphalem inaugurationem, & regni erectionem inter homines, hostiumque incorrigibilium oppressione, regisque exaltati stabilem in sede sua mansionem: suntque sequentes. 1. *Prima* exhibet regis inaugurationem triumphalem in coelesti suo regio, his verbis: *adscendisti in altum*, h. e. coelum, regni sedem. Quæ nihil habet difficilis. Messias exaltationem in coelum quisque ex dictis facile hic advertit, neo *adscensum* simpliciter, sed eo scopo factum, ut *sedem* regiam capessat, eamque incolat in æternum: ut vers. 17. & in fin. hujus versus indicatur, si ad *habitandum* eam *adscensu* jungatur, de quo supra dixi. Script. alias adpellat, *sedere ad dextram Dei* Bf. cx. 2. *Secunda* sententiæ *descensus*, quem *adscensus* pro hypothesis habet, scopum & effectum ob oculos ponit, his verbis: *captiveam abduxisti captivitatem*, h. e. populum captivum hostium, seu Dominorum tyrannorum, potestati eripuisti, & tibi in peculum adservisti. Quod Christus dei coelo descendendo effecit doctrina, Spiritu, & obedientia sua ad mortem, vasa Satanae auferendo, & domum ejus spoliando, Matt. xxi. *Excelsam redimens suam sanguine*, Act. xx, ne alia memorem. Cum verbe *adscendens* *descensus*

prægressum innuerat, scopum & effectum descensus his verbis apte subjungit; quo peracto, coelum adscendit, instar triumphatoris. Verba continent regni, ad quod capessendum adscendit, *foundationem*, in redemptione hominum captivorum sitam; quæ, generali phrasi expressa, sese latissime porrigit ad genus humanum, spirituali captivitate oppressum a Satana & mundo; non ergo Israellem carnalem, sed & *mundum* totum, seu omnes, quotquot erant *captivi*, ipsique a Patre dati: quare mox *hominis* in genere fit mentio in tertia sententia; quæ *adscensus* effectum & fructum describit. Sicut enim *descensus* effectum modo depinxerat, ita 3. adscensus fructum & consequens apte subjungit, his verbis, *sumfisti dona in hominem*, seu homines sine distinctione qualescunque, Israelitas non tantum, sed & gentes, *sumfisti*, nim. in coelum sublatus, *dona*, Spiritualia & coelestia qualiacunque, tanquam tua, & tibi debita, seu acquisita, *in hominem*, aut homines *tendentia*, in eorum usum & salutem: adeoque secundum tuam voluntatem distribuenda. Non dixit, *dedisti*, sed *sumfisti danda*, quia cum adscensu *posterius* immediate & proxime connexum est, & *datio* sese ad omnia tempora sequentia extendit. Quæ latius non exsequor. Sed ne existimaretur, omnes, qualitercunque adfectos, eorum donorum participes futuros, aut ab hostibus regni ejus aliquid esse metuendum; subjungitur, 4. quæ est *quarta* sententia, *refractorios* esse refrænandos, & in abjectam ac miseram conditionem redigendos, his verbis: *at etiam*, seu *nasus*, *refractoriorum* est, eritque *ad decumbendum*: qualescunque etiam sint, qui sese huic regi & regno contumaciter detractaverint subicere, quique ei sese opposuerint, Judæi fuerint aut *gentes*. Conf. Pl. II. & alibi sæpe. Quæ ulteriore non indigent explicatione. Tandem 5. quæ *quinta* est sententia, regis & triumphatoris persona accuratius definitur, ne, eum esse hominem aut angelum, existimaretur; quum adpellatur *Jab Deus*. De quo ad vers. 5. egimus abunde.

§. LXIII. 1. Posterior cantici triumphalis pars laudationem Jehovah continet super multiplici salute, concessâ & concedenda, vers. 20, 21. Qui versus ita cohærent, ut posterior sit prioris explicatio & confirmatio. Prioris vers. 20. verba sunt. *Benedictus sit Dominus, die die onerat nos. Deus iste salus nostra*, h. e. Laudatus sit & celebratus a nobis Dominus omni tempore; quotidie, quum mergit nos, gravi imposito afflictionis onere, mergit se nobis, & cumulat nos donis suis; Deus iste salus nostra, & ejus autor. Verba haud una laborant ambiguitate, studio, ut videtur, captata, ad sensum, concise expressum, ut in stylo sublimiore & adfectuoso, reddendum ampliorem; cujus ratio mihi danda est. *α. Prima ambiguitas est in vocibus ער ער die die pro ער ער omni die, quotidie, quod satis notum est. Pos-* sunt enim referri æque ad præced. ac seq., ut sensus sit, *benedictus Dominus omni die, omni die mergit nobis, &c.* Cui utique hic recte locus datur; cum utrumque apte cohæreat. *β. Secunda vero majoris est momenti, & Interpretes divisit, in verbo ער ער, & phrasi ער ער ער merget nobis, sita.* Verbi primigenia potestas, uti docuit Cl. Schultens *a*, est *submergendi*, unde est sub onere demersit, quemadmodum Lat. quoque *mergere* usurpant, quum dicunt, *gravi oneremersum caput, & ære alieno mergi*, h. e. prægravari, & penitus obrui. Sed illud *mergere* quoque in bonum sese flectit pro *cumulare* aliquem bonis & donis, sicut Lat. *onerare* usurpant: de quo vid. Gronovius *b*. Quam in mentem etiam *cumulare*, & *coacervare*, super caput dicunt bona. Imo phrasis Heb. ער ער ער quoque verti potest, *merget se nobis*, onerat se in nostrum bonum, quemadmodum apud Arab. denotat *semet immergit* in aquam, in bellum, præliumve. Ex quo verbi & phrasios ambiguitas sese facile prodit. 1. In malum si accipiatur, sensus hunc in modum est formandus; *benedictus Dominus, omni die*, adverso æque ac prospero, *omni die*, quo, vel qui, *nos merferit*, idem ille

T 3

Deus,

a Clav. p. 267,*b* Ad Liv. IX: 17.

Deus est salus & liberatio nostra; five vocolæ *נשׂא*, five *נשׂא*, ante *נשׂא* statuat ellipsis, cujus utriusque ubique prostant exempla; eo facilius est vocolæ *נשׂא*, quod præcedens vox *נשׂא* ejus anam per similitudinem litteræ *נ* præbere potuerit, ut Ps. LXIV. 5. post *נשׂא* habuimus. Potest autem verbum *mergere* vel cum *Deo*, vel cum *die* constitui, cum Deo soleat adtribui afflictio populi, etiam per hostes; sicut de Assyrio ipse Deus declarat, Jes. XI. 15 & XXXVII. 26. & Am. III. 6. *malum nullum dicitur contingere civitati, quod Jehova non fecerit, & malum æque creare ac bonum*, Jes. XLV. 7. Quod satis notum est. Sed *dies* quoque *onerare* dici potest, quatenus ei tribuitur, quod in eo accidit. Conf. Mal. III. 19., & ibi observata. Laudandi itaque materiam præbet, quod omni die, qui mergit, quoque mergit Deus populum, Deus sese simul præstet liberatorem ejus. Commendat hanc interpretationem, quam nonnulli, ut Dieu, Gejerus & alii adoptarunt, 1. usus verbi *נשׂא* in malum, maxime absolute positi, ut hic. 2. oppositio verbi *mergere* & tituli Dei salutis; cum vox Hebr. *נשׂא* primigeniam notionem habeat in laxo, libero & spatiofo, oppositæ ad *merfionem* & *presfionem*, modo memoratam. 3. quod vers. seq. Deus describatur, tanquam cui *sint exitus mortis*.

§. LXIV. Sed sumi quoque 2. in bonum potest, *sive mergere* sit pro se inmergere, & onerare in alterius gratiam, in specie in prælium pro aliquo ire; uti Deus tempore Hizkiæ, de quo hic primo sensu agitur, singulari ratione fecerat, & Messias summa fecit emphasi pro nobis *passus & mortuus*, sive ad *bona* adplicetur, super aliquo cumulata; quod huc etiam apte quadrat, & eo aptius, quod modo *donorum*, quæ triumphator Dominus in altum evectus *acceperat*, ut vidimus, facta fuerat mentio; ad quæ *verbum mergere* recte potest referri. Laudabitur itaque Dominus, quod, cum sese Deum salutis præstiterit, populum liberando, *dona*, quæ sumsit, largissime in eum effundat, ita ut eum quantitate & qualitate *oneret* quasi. Tuetur sese

se hic sensus *cum* per nexum cum superioribus, quibus *donæ* erant memorata, quæ acceperat Dominus in hominum gratiam, super quorum continua effusione hic recte celebratur, *tum* per orationis structuram, quæ facilior est & proniore alveo fluit, si vertantur verba, *benedictus Dominus omni die merget nos* bonis & donis, Deus est *salutis nostræ*. Utraque itaque interpretatio cum suas habeat satis validas rationes, quidni eam jungamus, & poetam statuamus eam ob causam ambigue esse locutum? cujus non desunt exempla. Ex nostra ergo hypothese, quod 3. notandum est, verba ita sunt digerenda, acsi bis legeretur *merget nos vel nobis*, diverso sensu; hunc fere in modum, *Benedictus Dominus omni die; omni die, quem merget nos*, (gravibus premendo oneribus, & in aquas miseriarum immittendo, ut exitum non reperiamus) *merget se nobis*, (in prælium pro nobis descendendo) *nosque* bonis quasi *merget*, Deus iste salutis nostre. Quæ conciso & ambiguitas sermonis multum habet elegantie, & emphasios. Nec desunt exempla diversæ significationis verborum eorundem in eadem orationis serie; ut Jer. 1: 17. fin. xxxi: 18, 19, & 21. fin. Gen. xlix: 4. Prov. iii: 24. iv: 15, & alibi.

§. LXV. *Posterior* versus, prioris illustratio & confirmatio, ita habet, vers. 21. *Deus iste noster, nobis Deus salutarum, & Jehova Domino mortis emicationes*, uti ad litteram sonant; quæ, concise expressæ, hunc fundunt sensum. Deus iste benedictus sit, quod sit *noster* Deus, & nobis auctor omniæ liberationis & prosperitatis; quodque Domino, qui & Jehova est, Deus Israelis, verax, justus & æquus, sit unice acceptum ferendum, *mortis*, & afflictioni qualicumque mortiferæ, adesse vim producendi vitam & felicitatem; ita ut ex ipsa morte emicet vita. Nihil hic difficile, seu curæ nostræ relictum est, nisi in ultima phrasi; cujus vel sensum, vel elegantiam non perceperunt Interpretes. Quam pandam, posteaquam verbo notavero, & ambigui quid latere in pronominiis in constructione.

Quæp,

quippe ea ratione facta, ut cum præced. cohæreat & seq., adeo ut verti queat, *Deus iste noster*, & Deus iste nobis Deus salutem. Quod utrumque recte admittitur; & sensum reddit ampliorem, ut facile cernitur. *Deus iste noster*, nobis arcto foedere conjunctus, ut nobis sit Deus, idem ille nobis est Deus salutem, qui multiplicem nobis præstat liberationem & felicitatem: 2. non sine ratione *Jehovam Dominum* memorari, cum ut Dominum illum, supra celebratum, esse verum & summum Deum, simul Deum Israelis, illo nomine distincte insignitum, cogitarem, tum ut vim istius nominis a Domino præstitam in populo liberando, & hostibus prosternendis, adverteremus. Videamus nunc quid emphasios habeat, & quem fundat sensum, singularis phrasidis, *Domino, morti emicationes* sunt: sensus mihi huc redire videtur. Domino est acceptum ferendum, quod morti, quasi causæ, sint egressiones vitæ & felicitatis. Poeta non dixit, מוֹת מֵחַיִּים *exitus*, vel egressiones, *mortis*, sed מוֹת מֵחַיִּים לְמוֹת *morti*, vel mortis, sunt egressiones, ut significaret, se non exitus mortales, quos prior phrasidis denotaret, & multi admiserunt, sed exitus vitales, in quos mors exiret, & quos quasi pareret, intelligere. *Morti*, vel mortis, sunt *egressiones*, idem dicit, ac mors parit, vel progerminat, vitam ac felicitatem. Morti tribuuntur *egressiones*; seu germinationes, tanquam causæ & origini, quod alias contra *mortis* naturam est, quæ nihil parit, vitam perdit, non producit; sed hic mirabile, & a morte alienum plane, quid de morte prædicatur, quod ipsa læta ac vitalia germina proferat: cujus miraculosi effectus ne lateret vera & primaria causa, præmisit poeta voces, *Jehovæ Domino, morti exitus*, h. e. ei tribuendum est, quod ex morte oriatur vita. Quæ vis & elegantia a singulari usu vocis מוֹת מֵחַיִּים *egressio-num* pendet, quem Interpretes non observarunt. Radix מוֹת proprie est, ut docuit Cl. Schultens a, *emicuit*, & teritur in sole oriente, ac luce *emicante*, unde ortus est usus *ex-*
cre-

crescendi, & sparsim ejiciendi; sicut *נחש פאס* dicit, quæ emicant, & egeruntur ex alvo, a radice fororia, *נחש* & *נחש*, unde & *נחש נחש* *germina emicantia*, & propagines terræ, stirpis & familiæ; ipsum quoque *נחש* pro *nasci* sumitur, & speciatim adhibetur de exitu ad libertatem ac felicitatem a, & in pompa ac lætitia usu speciali teritur, Ex. xv: 20. Jud. xi. 31, 34. Utrumque obtinet, Ps. lxvi: 12. Nostro itaque loco *נחש* sunt progerminationes, emicationes, seu egressus læti, splendidi, & pompatici, *exitus vitarum* adpellati; Prov. iv: 23. Quales cum *morti* adscribantur, tanquam causæ mediæ, ex ipsa morte eos esse orituros, adeoque mortis effecta esse læta ac salutaria, indicatur, sive *mors* proprie, sive inproprie & figurate pro afflictionibus gravibus & periculosis, ac desperatis, sumatur: de quo mox. Ut porro de vera & originali hujus tam mirabilis effectus constaret causa, præmisit poeta voces, *Jehova Domino*, scilicet, tribuendum est, quod sequitur; *morti egressiones* sunt.

§. LXVI. Licet sententia, quam in lucem protraxi, ut eam ad subjectam materiam adplicem, ad lætam ac felicem rerum catastrophem sub Hizkia, ab Assyrio & morbo lethali mirabiliter liberato, pertineat, & sese transferri recte patiatur; cum *Deus tunc celebratus* fuerit, tanquam qui sese supremum Numen, & Deum Israelis demonstraverit, populumque ad incitas redactum, & gravissime pressum, vindicaverit, pro ipso in prælium descendendo cum hoste, ipsum regem orci faucibus eripuerit; adeoque sese talem præstiterit, ut dici potuerit, *Jehova Domino esse mortis egressiones*; quæ satis nota sunt, & constant: attamen, sicut supra observavi, cogitationes poetæ ita sunt a Spiritu directæ, ut longe sublimiorem & lætiores rerum catastrophem depinxerit, quæ per Messiam sub N. T. locum haberet, qua populus Dei a Satana & morte vindicatus est ab ipso Domino, pro ipso mortuo, & resuscitato, & multiplicibus

V

• Vid. Rev. Hackman ad Gen. viii: 17,

cibus donis ac bonis cumulatus, ac in possessione vitæ æternæ positus est. Phrasēs enim sunt nimis emphaticæ, quam ut in tempora felicia Hizkiæ quadrent; & digito q. monstrant salutem Messie. 1. In Messiam proprie convenit, quod sese *merferit* pro populo, & effecerit, ut *mortui sint egressiones*, sicut ipse mortuus & resuscitatus demonstravit. 2. Ipsius etiam proprius titulus est, quo *Deus Sabaoth* appellatur. 3. Ipsi denique proprie competit, quod *mortem* parere faciat & producere læta ac salutaria germina. 4. ipsius, postremo, oeconomie criterium figit donorum & bonorum coelestium, ac salutarium, tantus cumulus, ut *onerari*, & *quotidie* onerari dici queat populus ejus: uti satis notum est.

§. LXVII. Tertia periodus, quæ populi, in exilium abducti, & in gravissimas delapsi calamitates, per hostem truculentum & potentem, singularem plane liberationem, & hostium destructionem, indeque ortam populi felicitatem, choreis & canticis celebrandam, complectitur, eadem fere ratione, seu eodem ordine, decurrit, vers. 22—36. ita ut n. hostium mirabilis clades, ad internecionem usque, & populi liberatio, representetur, vers. 22—24. 3. Canticum triumphale liberatis in ore detur, in laudes Jehovæ, cum precatione & votis ad stabilitatem ac confirmationem prosperitatis implorandam, vers. 25—36. Novam hic incipere periodum, ex serie orationis, & totius pericopi argumento, quò populus representatur in exilium abductus, & in profundissimas dein calamitates demersus, a truculento principe hostili, indeque cum nece hostium mirabiliter liberatus, ac in lætum & gloriosum statum, choreis & canticis celebrandum, eductus, facile patescit. Cum vero proxime de læta rerum catastrophe sub Hizkia fuisset actum, & populus deinceps a Babylonis fuerit in exilium deportatus, postea a Syro-Macedonibus plane oppressus & dispersus, indeque gloriose vindicatus per heroas, a Deo resuscitatus, & in summa prosperitate collocatus, quæ in
Messie

Messiae regnum, inter gentes quaquaversum erectum, exiit, cujus in seq. manifesta occurrunt indicia: pericopam ad ea tempora pertinere, facile praesumitur, & ex ejus partibus, rite intellectis, confirmatur. Occurrunt enim temporum sequentium, post exilium Babylonicum, in primis Maccabaicorum, varia criteria, quae in ipsa tractatione sub manus venient, quare eam mox adgredior.

§. LXVIII. α. In priore parte, α. hostilis regni destructio vel oppressio violenta & cruenta, a Deo, populi sui vindice, facienda, describitur, vers. 22. β. ejus ratio traditur & consequens, vers. 23, 24. α. *Prius* his verbis, vers. 22. *Profecto repetitis haussibus cruentabit Deus caput inimicorum suorum, verticem pilis horridum, grassantem in reatibus suis.* Ubi α. hostium Dei occurrit descriptio, β. eorum per cruentam admodum eandem oppressio. α. *Hostes* Dei cum adpellantur, oportet in Deum & populum ejus hostili admodum fuerint animo, & in eum, ad cultum & populum ejus destruendum, hostiliter insurrexerint: non itaque qualescunque idololatrae & peccatores, aut bello populum Dei infestantes, sed Jehovah, ejusque cultui & populo, inimico animo, ad ejus totalem ruinam, imminentes, ac invadentes. Quales fuerunt Assyrii, Babylonii, & Syro-Macedones, quorum hoc proprium est criterium: qui sese proprie & directe non Israelitarum tantum, sed eorum, qua populi Dei, & cultorum Jehovah, declararent hostes; adeoque *boşer Jehovah* *וְיֵהוָה*; quales sese praestiterunt in Senacheribo, Beltzare, & Antiocho Epiphane; ut constat. Sed hi populi hic tanquam *monarche*, & in principibus suis, proponuntur, qui a Deo, qua tales, severe punirentur, & emblematicis *capitis*, *verticis* seu occipitis *comati*, ac *grassantis in reatibus suis*, representantur. Quae emblemata nunc ad unum eundemque hostilem principem, an diversos, adplicanda sint, dubium quodammodo est. *Prius* quidem communiter placet, sed, licet tria illa epitheta connexa sint, & singulis hostilibus principibus aptari

possint, & debeant, ita ut sint *caput*, *occiput* comatum, & *grassans in reatibus*; diversos tamen simul intendi, & propriis suis characteribus depingi, autumaverim. 1. Quia illud conciso & emphatico Pf. stylo est convenientius; sicut vers. 16. *montem Basan* non sine hac emphasi bis memorari, supra vidimus. 2. Quia vers. 23. distincte *Basan* & *profundum maris*, unde populus Dei liberaretur, occurrunt; tanquam diversorum populorum hostilium, qui populum Dei opprimerent, emblemata: ut mox patebit. 3. Quia vers. 24. sanguis e cæde *hostium* non simpliciter memoratur, sed expresse additur in sing. *ejus ipse*, καὶ ἑξοχὴ sic dicti, & digito monstrati: quo haud obscure ad *grassantem in reatibus*, ultimo adpellatum, & a capite, ac vertice comato *hostium*, distinctum, ducimur. Accedit, 4. omnes populi Dei, & Jehovah infensos hostes, a Deo destruendos, qui, tempore Hizkiæ, & deinceps, insurgerent in populum Dei; qua talem, omnino intendi, ex seq. manifestum esse; quibus populus representatur ab omnibus hostibus liber, & ad consummationem oeconomiae suæ adductus; ut postea videbimus: nec non eos principes in uno tertio convenire, ita ut junctim, & tanquam unum *caput*, ac *vertex*, considerari queant; quatenus idem fere intenderunt, & egerunt: quid? quod nomine *Assuris* omnes veniant in Script. ; ut mox dicam. Eos etiam comprehendit *caput super terra ampla*, Pf. cx: 6.

§. LXIX. Consideremus, hac jacta hypothesi, paulo propius hæc epitheta, & ad Monarchas hostiles populi Dei applicemus, 1. *Primus* adpellatur *caput hostium Dei*, non simpliciter tanquam populi hostilis rex & monarcha, qui *caput* adpellari solet, sed in specie qui *primus* ordine illud instituit; & populum Dei *partim* destruxit, ac in exilium abduxit, *partim* illud conatus est. Quo itaque regnum Assyriacum, in terribilibus monarchis, in primis Salmanassar & Senacheribo, sese ostentans, ob oculos ponitur. **Accedit**, reliquos, ut Chaldaeos & Syro-Macedonas, eodem

titu-

titulo *Assuris* in Script. insigniri, & omnes adpellari *Assyrios*, qui, quod illi inceperunt, persecuti sunt, & consummarunt. Vid. Jes. vii: 18. xi: 11. xix: 23. lii: 4. Sicut Nebucadnezar rex *Assyriae* vocatur, 2 Reg. xxiii: 29. & Syro-Macedones quoque Zach. x. 11. Mich. v: 5. 2. *Secundus* titulo *verticis*, seu occipitis, *pilosi*, aut pilis horridi, venit, quatenus superiore posterior, independentior, magnificentior est, & truculentior ac terribilior: *a.* enim *vertex*, ad cervicem vergens, sicut posterior est capitis pars, ita principes pingit ordine posteriores; quales Babylonii fuerunt, qui Assyriis successerunt. Vox קִרְקָר proprie dicit *occiput*, seu partem capitis a vertice ad cervicem, ubi potissimum *refecatur* capillus; unde nomen accepit, a rad. קִרַּר *per longum secuit* *a.* *b.* Occiput *pilosum* est emblemata regis vel regni plane independentis, pro lubitu agentis, & vinculis ac legibus soluti, simul Majestuoſi, & splendidi; oppositae ad statum servilem, obnoxium & contumeliosum; cujus imago solet esse *vertex nudatus & depilatus* *b.* Depingit quoque *caput comatum* apud Orient., cum proceres, potentes & nobiles *c.*, tum omnia bona & praesidia, quibus regnum ornatur ac munitur: sicut *depasci* verticem Jer. ii: 16. est populum opibus, libertate & gloria privare. Denique, *comae densitas* est formae & incorruptae corporis valetudinis signum & *roboris* emblematicum *d.*, etiam terribilitatis, quam coma proluxa indicat in bellatoribus *e.*, sicut Leonidas Spartanorum rex comam fortitudinis causa aluisse dicitur *f.*, uti amicis venerabilis, φοβερός δὲ ἐχθροῖς *hostibus terribilis* videretur. Ex quo facile liquet, quam aptum sit regni Babylonici sub Nebucadnezare & successoribus emblemata: cum nullum fuerit eo gloriosius, potentius, diffusius, & magis independens in Oriente, Dan. ii. Sed *c.* non

V 3

pi.

a Schultens clav. p. 321.*b* Vitranga Obf. l. i. c. 6.*c* Schultens ad Har. conf. v. p. 161.*d* Tollius in fortuitis c. 8.*e* Cerda ad Virg. Aen. l. viii. p. 258.*f* Philostr. Apoll.

l. viii: c. 6.

pilosum simpliciter, verum *pilis horridum* existimem significari verticem per phrasin *occipitis* *וְהוּא* *horripili*. Radix enim *וְהוּא* proprie est Gr. *φρίσσειν* & Lat. *horrere*, quatenus usurpatur de *motu vehementer stringente*, & adplicatur ad imbres, procellas urentes, notissima symbola terribilium invasionum hostilium, & praeliorum: Occiput itaque *crinibus horridum* est regnum potentissimum, terribile, & bellicosum: quale fuisse Babylonicum constat sub Nebucadnezare, qui inde proprio titulo rex *וְהוּא* adpellatur, Jer. xxv: 26. h. e. regni *spinosi*, formidabilis, horridi, & inaccessi munimento protecti, uti ibi exposui. 3. *Tertius* est, qui *grassantis* in *reatibus suis* epitheto notatur; eleganter admodum & emphatice. Pingit enim hominem clamantia continuo patrantem crimina, quæ gravem & indubium adferunt reatum multiplicem, simul iis superbit, & gloriatur, seseque gerit insolenter. *Reatus* designat crimen, quo contrahitur *reatus*, & quis impingit ad labendum in perniciem. Proprietas *וְהוּא* est *tundere*, tundendo impingere, inde *delinquendo* contrahere reatum, ut cum quis pede impingit ut labatur. Sed *reatuum* nomine in plur. sicut graves, ita multiplices reatus denotantur. *Crimina* itaque atrocia, clamantia, & multiplicita, quæ gravem & varium adferunt *reatum* ac poenam, significantur. In iis vero *ambulare* hoc loco emphatice est, ea copiose, indefinenter, & insolenter patrare, totum iis esse addictum, & iis superbire; quod Prov. vi: 12. est, *ambulare tortuositatem oris*, tanquam viam, quam jugiter calcat. Auget emphasin forma Hitpah., in qua occurrit, quæ apertam & continuam itationem exprimit: imo pro *latrocinia* & *violentiis* exercere usurpatur, ut Lat. *grassari*, Pf. xii: 9. Lxxiii: 9. Prov. vi: 11. xxiv: 34. Job. i: 7. Insolens ergo pingitur peccator, superbus & violentus grassator, qui omne jus & æquum pedibus conculcat, & sceleribus suis lætatur ac gloriatur. Quo aptius dari nequit emblemata Antiochi Epiphanis; uti ex Daniele & historia notissimum, & ad Dan. a nobis comprobatum est.

§-LXX. *b.* De hisce omnibus hostilibus populis & Monarchis Deus gravissimam sumeret vindictam, qua violenta cæde e medio tollerentur; his verbis: *profecto repetitis haustibus cruentabit* Deus, & profundissime sauciabit, multo effuso sanguine. Quam verbi *pro* emphasin & amplitudinem in lucem protraxit Cl. Schultens *a.* Significatur, 1. regna illa hostilia esse delenda. 2. Monarchas eorum, qui sese Dei, & populi ejus, tales demonstraverant hostes, quales descripsi, violenta morte esse e medio tollendos. 3. idque singulari Dei judicio, nec tamen 4. immediate, sed per cruenta bella & prælia, eaque 5. variis vicibus repetita, & multa cum cæde ac sanguinis effusione conjuncta; uti vers. 24. expressius traditur: denique 6. in quibus præliis ipsi Judæi partem aliquam haberent, qui sub auspiciis Dei hostes sæpe profigarent, & protererent; quod ib., & vers. 28., indicatur. Tandem 7. illa omnia certo certius futura; quo particula *pro* *profecto* quoque tendit. Quorum implementum non est longe querendum, cum in regno Assyriaco, cum regis cæde, a Medis & Babylonis destructo, in violenta Beltzazaris nece, & regno Babylonico per Persas deleta, in Antiochi Epiphanis multiplice clade, & regis tragica morte, regno Syro-Macedonico quoque variis bellis attrito ac everso, in omnium oculos ex historia incurrat.

§. LXXI. *g.* Rationem, modum & effectum, hujus in hostes judicii, hæc verba, vers. 23, 24. exponunt: *dixit Dominus, reducam ex Babilone, reducam e profundis maris: propterea immersus in sanguinem pes tuus bauriet, lingua carum tuorum; de hostibus, de ipso, h. e.* certum est Domini dictum & promissum, mihi etiam inspiratum, & ore meo prolatum, *de tua, o Tion!* liberatione ab exilio Babilonico, seu Assyriaco & Babylonico, & desperata calamitate secutura, nec non plenissima instauratione tua; qua propter hostes illos tuos, *partim* videbis multa cum cæde profi-

profligatos, & fructum cædis carpes ad satietatem usque; *partim* ipse profligabis, & te sanguine eorum una cum militibus tuis satiabis; in primis respectu *ejus*, qui te in profundum maris coniecit, & in reatibus suis grassatus est, præ reliquis truculenti hostis, digito monstrati. Verba continent, *a. antecedens*, vers. 23. *b. consequens*, vers. 24., ut ex structura sermonis, & particula *לכן* *propterea*, facile elucet. *a. Antecedens* est promissum Dei de populi sui liberatione ab exilio & calamitate desperabunda, ejusque plenissima instauratione, vers. 25. *Dixit Dominus, reducam e Basane, reducam e profundis maris*, nimirum, non hostes delendos, ut nonnulli autumarunt, quod emphasi careret, & verbo *reducere* adversatur, sed *populum Dei*, quem mox adloquitur vers. 24., adeo ut recte suppleri possit *te*, vel *vos*; quod ex nexu haud obscure colligitur, cum antea dixisset, Deum esse populi sui servatorem, qui ex orci faucibus eum educat, & mox, sermone ad eum verso, subjungat, *propterea hauriet pes tuus sanguinem*, in eum immer-
sus, & *lingua canum tuorum*. Quo clare indicat, se eos in oculis habuisse, quos mox adloquitur, adeoque populum Dei: cui etiam promissum illud de *reductione* unice convenit. Stylo enim Script. exulum, vel in exilium deportatorum, aut disperforum, *reductionem* in patrias sedes, præterea disturbatorum & oppressorum plenissimam instaurationem, & pristinae felicitatis restitutionem, verbum *השיב*, & plenior phrasis *שוב שבו*, vel *השיב*, *reduxit captivitatem avellam*, complectitur. Quod utrumque adtenditur Pf. LXXXV: 5. in verbo *שוב*, nec non Deut. xxx: 3., Pf. cxxvi. Sicut rerum collapsarum in genere instauratione hac phrasi exprimitur Job. XLII: 10. Præsupponitur itaque populi deportatio vel destructio; quæ diserte non memoratur, sed præsupponitur, & tacite indicatur, quia lætæ periodi, & rerum felices mutationes, in hoc Pf. tantum depinguntur; uti in superiore etiam habuimus periodo, vers. 15. Sed unde *reduceret* Deus populum? *e Basane & præfun-*

fundis maris. Per *Basanem*, dubium mihi non est, quin regnum *Affyriacum* præcipue intelligatur & *Babylonicum*; cuius supra, vers. 16., facta fuit hoc ipso sub nomine symbolico mentio; & rationem dedimus. Exsilium quoque illud, quod hic, ut dixi, præsupponitur in verbo *reducere*, notius est, & celebratius, quam ut quis in generali phrasi *reducendi* hæere possit; cum sponte in mentem lectoris venire debeat. *Profunda vero maris*, ex quibus populus quoque reducendus expresse memoratur, majus forte facessere poterunt negotium. Adludi mihi videtur ad *mare* Mediterraneum, vastum illud & late diffusum, *mare* eximie dici solitum in Script., quemadmodum & hic *mare* in genere, nullo addito epitheto, adpellatur. Videtur autem mihi hoc emblemate, (emblematicam enim esse phrasin, facile intelligitur;) significari status populi, i. vel in remotissimis locis exulantis; quod alias *finium terræ* vel *coelorum* nomine exprimitur, Deut. xxx: 4. etiam *ortus & occasus*, *septentrionis* ac *austri* epitheto Jes. xliii: 5, 6. Erat autem *Basan* ad ortum, & *mare* ad occasum Cananææ. 2. in specie a Syro-Macedonibus, quorum regnum ad hoc mare erat, oppressi, 3. denique summa & desperabunda in afflictione positi, quæ omne genus mala, & insuperabilem calamitatem, continet: *cujus emblema* solent esse *aquæ* inundantes, & *profunda maris*, uti notum est. Vid. Ps. lxix: 7, 16. lxxxviii: 7. & alibi. Sed 4. specialius adhuc aliquid hic latere opinor, ex *maris*, & maris æstuantis ac vehementissime sævientis, conspectu figurato eruendum. *Mare* solet esse emblema vastissimi & populosissimi regni, in specie gentilis, infrugiferi, & variis obnoxii motibus. Vid. Jes. xxi: 1. Zach. x: 11 & sæpe alibi & in Apoc.. In specie pro regno robusto, sævo & immani sumitur, quod omnia absorbet; sicut stylo orientis homines bellicosi, fortes & sævi, cum mari comparantur; quo sensu Tamerlanes vastum *mare* adpellatur a. *Profundum* vero maris proprie est *mare æstuens*, & commotum,

X

ac

ac *sævius*; radix enim חר, Arab. usitata, designat *veementiam* valde *æstuantem*, & furorem incitatum; & pro *ferocire* passim sumitur a. Sensus itaque est, populum fuisse a *sævissimo*, & furibundo, rege & regno oppressum, & jacatum. Quo manu quasi ducimur ad *grassantem illum in reatibus suis*, vers. 22., adeoque, afflictionem Epiphanicam, & statu exilii Assyriaci & Babyl. diversam, & eo longe graviolem & periculosiorem. Cujus character hic ducitur; & distincta fit mentio, verbo etiam *restitutionis* expresse repetito; ut de duplici calamitate, & liberatione, cogitaremus, *altera Basanis*, seu Assyriaci & Babyl. regni, *altera maris æstuantis*, seu regni terribilis ac ferocientis Syro-Macedonici sub Epiphane, sævo & furibundo hoste. Cujus utriusque *liberationis*, & rerum collapsarum instaurationis, *promissum* poeta memorat, quum dicit, *dixit Dominus, reducam e Basane* &c. h. e. promissum dedit, & publicavit, quod est חר, uti vers. 12. habuimus, sive per prophetas anteriores factum, sive poetæ inspiratum, & per eum promulgatum. *Dixit* ergo est, sicut per superiores prophetas, ita nunc per me. Quod utrumque admitti potest, cum David prophetam agat in hoc Pl., & formula, *dixit Dominus*, prophetis usitata, recte censeatur uti; præterea de liberatione ab exilio, & populi perfecta instauratione, Moses jam olim diserte fuerit vaticinatus, Deut. xxx & Lev. xxvi.

§. LXXII. b. Consequens hujus promissi, & vaticinii, his verbis effertur, vers. 24. *Propterea situlam aget pes tuus in sanguine, lingua canum tuorum de hostibus, de ipso*, h. e. hoc dictum Jehovæ & promissum ut impleatur, *propterea*, ut, quod Jehova dixit, tu, o Tſion! liberareris plenissime ab exilio Basanis, & in specie a mari Syro-Macedonico æstuantem & sævientem, teque absorbentem, *ideo*, inquam, hostibus illis, & sævo illo grassatore inprimis multa cæde prostrato, ut modo dixi, *pes tuus* q. *aquatium* ibit, cum *lyn-*
gua

• Id. ad Har. iii. p. 452. & Lette ad Ex. xv.

*gua canum tuorum, in sanguine eorum, & in primis istius ferocissimi; dum partim triumphabundus sis incessurus q. per cædes eorum, & iis insultaturus, fructumque inde percepturus, partim etiam in iis cædendis sortem habiturus; quatenus te, tuisque militibus, Deus sit usus in iis laniandis. Secundum quam paraphrasin, ut eam illustrem & confirmem, 1. vocula *pro* verum suum retinet usum, quo *propterea* vertitur, & consequens ac effectum superioris propositionis denotat: quod huc recte quadrat. Cohærent itaque verba cum proxime præcedentibus, & non cum vers. 22., ut alii, qui vers. 23. putant esse parentheticum; sine ratione & necessitate. 2. Sermo vertitur ad populum Judæum, vel Dei, in exilium antea abductum, & gravissimam dein calamitatem coniectum, per hostes truculentos; indeque liberandum vel liberatum. De quo supra dixi, & ex nexu facile constat. 3. Verba ipsa, *situlam aget pes tuus in sanguine, lingua canum tuorum*, scilicet idem aget, ut facile cernitur (sic enim voces rectius redduntur, quam, ut aliis placet, *figas vel cruentes pedem tuum, linguam canum tuorum, in sanguine*; rectius enim lingua canum dicitur situlam agere, quam homines per eam,) duplicem ferunt conspectum, *unum*, quo hostes jam præsupponuntur multa cæde fusi, & alii eos prostratos vident, & contemtui exponant, *alterum*, quo victores de hostibus, a se fuis, triumphant; vel eos cruenta cæde prosternunt, & de iis triumphum agunt. In *priore* conspectu adluditur ad hostes jam cæsos, & in terram projectos, quorum cadavera strata inter rivos sanguinum conculcantur pedibus, & a canibus lacerantur, eorumque sanguis fusus forbetur: adeoque, *a.* præsupponitur, eos esse violenta & cruenta cæde debellatos, *b.* significatur, populum Dei 1. quidem nullam in iis cædendis partem habiturum, quod Deus per alios faceret, ut vers. 22. habetur, attamen, 2. hostes multa cæde deletos, & in miserum ac contemtibilem statum redactos, visurum esse cum lætitia: adeo ut non*

simpliciter status hostium abjectus & contemtilis designetur, sed simul causa populi Dei, & in ejus commoda, factus. De ipso statu illo hostium testatur figurata phrasis, qua *pes* situlam agere dicitur in sanguine, & *lingua canum*, argumento hostes esse *pede* proterendos, ac a *canibus* lacerandos; quod summæ solet esse signum contumeliæ, uti ex variis Script. locis, 1 Reg. xxi: 19. 2 Reg. ix: 10. & aliis, constat. Sed in gratiam & utilitatem populi Dei id futurum esse, inde liquet, quod *ejus pes*, & canum *ejus lingua* dicatur situlam actura in sanguine eorum. Denique 3., quod cum dictis connexum est, & emblematica phrasi, recte percepta, comprehensum, hac cæde in commoda sua usurum, & ejus fructus carpturum esse, ad statum suum instaurandum & felicem reddendum. Cohæret enim cum reductione e Bafane, ac mari æstuante; & figurata phrasis nos eo ducit, ut in *canibus*, sanguinem forbentibus ad satietatem suam, non tantum, quod facile intelligitur, sed & in *pede situlam agente in sanguine*, sese offert, modo vis verbi *ῥῆς*, & antiquus ritus, Aegyptiis utique usitatus, ad animum revocetur. Radix ea proprie dicit, situlam inmergit, & in puteo huc illuc agitavit, *aquam hausturus*, ut modo observavi: ritus vero, cujus memini, est, quo *pede* hauriebatur aqua, cujus mentio est Jes. xxxvii: 25. & Deut. xi: 10., per *machinas aquarias*, helices dictas, quæ *planta* pedum calcabantur & circum volvebantur *a*. Ex quo elucescit, quid sibi velit *pes* situlam agens in sanguine; quod idem est, ac *pede* hauriens sanguinem. Conculcatio itaque sanguinis non tam, quam ejuseductio ad bibendum intelligitur, sicut mox in *lingua canum*; quo dicta egregie firmanitur.

§. LXXIII. Quod ad alterum, cujus memini, conspectum adinet, quo *modus* simul & *media*, quibus Deus in mac-tandis hostibus uteretur, ob oculos ponuntur; emblemata est referendum ad illustrem aliquem heroam, qui cum exercitu suo hostes multa cum cæde profligat, simul victoriosus inter

^a Vid. Vitringa ad Jes. l. c. & Ill. Grotius.

inter rivos sanguinum incedit, & victoriæ suæ fructus carpit. *Pes* populi *situlam* agit in sanguine, & eum *haurit*, cum heros ejus, quibus innititur, quique ejus causam agunt, & eum sustentant, *pedes* ejus dicti, hostes invadunt, & sanguines eorum eliciunt, ac fundunt; eaque ratione cruenta cæde eos profligant, nec semel, sed repetitis vicibus, ut in *situlatione*, de quo verbi *pro* significatu modo dixi: præterea victoriosi & triumphabundi incedunt quasi per hostes cæsos, & de iis subjectis triumphant, læte & prospere agentes, & fructus cædis eorum carpentes; quo emblemata *pedis*, situlantis & haurientis sanguinem, quoque referri potest, ut modo vidimus. Quo eodem etiam tendit alterum emblemata *linguæ canum* situlam agentis in sanguine, & sorbentis. Pingit enim *milites*, sanguinis avidos, & eum, hostes cædendo, ac laniando, haurientes, simul se inde *fatiantes*, dum, hostibus cæsis, inde occasionem accipiunt læte ac laute agendi. *Canes*, quippe lupis & hostibus valde infesti, sed hominibus ac gregibus valde fidi, & eorum custodes, ministrorum & militum sunt apta emblemata, uti notum, & *lingua* eorum, qua, ut hic occurrit, sanguinem lambunt, imaginem *gladii* ferre poterit, qui *bibere* dicitur sanguinem, cum hostes cædit, Jes. xxxv: 5. & alibi: quare etiam *lingua* cum *gladio* comparatur, & ipse gladius subinde apud exoticos *linguæ* nomine venit. De quo hic plura non dicam. Qua interpretatione admissa, verba referenda sunt ad *grassantem* in *reatibus suis*, & liberationem populi ex *æstibus maris*, adeoque tempora Epiphanica, quibus heroes populi, & eorum milites, se sanguine hostium quasi satiarunt, uti constat, adeo ut, cum vers. 22. in genere Deus fuisset introductus, repetitis haustibus cruentare *caput*, *cervicem*, & *ambulantem* in *reatibus*, seu Assyrios, Babylonios & Syro-Macedonas, & distincta mentio facta liberationum populi ab exilio Babilonis, seu Assyriaco & Babylonico, ac calamitate Epiphanica, sub emblemate *maris æstuantis*; Spiritus propheticus, in ultimam illam scenam

maxime intentus, in specie subjunxit *modum & media* ultimæ istius liberationis, & hostium prostrationis per heroas populi Judæi. Quæ hypothesis, sicut nexui sermonis apte respondet, ita sese commendat insuper, 1. quod promissum de liberatione e mari æstuante quoque, & proxime, præcesserit: unde colligendum videtur, eam in primis hostium cædem hic depingi, quæ cum ultima illa liberatione fuit conjuncta. 2. quod, cum *populi* Judæi pedes, & *eorum* canes, expresse memorentur, tanquam sanguinem hostium hausturi, scena hæc in ipsa terra Cananæa repræsentetur facta; in qua sanguis hostium fuerit fusus. 3. quod in cantico triumphali, vers. 28., heroes illi speciatim & expresse celebrentur, tanquam *calcatores & lapidatores hostium*; ut mox adparebit. 4. denique, quod *sanguis*, pede populi Dei, & lingua canum ejus, hauriendus, non tantum *de hostibus* dicatur fluxurus, sed in specie addatur, *de ipso illo*; quo manu quasi ducimur ad illum ultimo memoratum, & omnium sævissimum hostem, seu *grassatorem in reatibus suis*, a *capite hostium & vertice piloso* distinctum; argumento, modo dicta de pede & lingua situlante in specie ad eum esse referenda. Uterque conspectus, quem exposui, cum habeat, quo sese tueatur, recte jungitur, & hic admittitur; maxime cum *sanguis hostium* in genere etiam memoretur, & in præcedentibus clades eorum omnium, cum liberatione populi ex eorum potestate, præcesserit. Verba itaque nostra ita videntur exponenda, ut ad omnes illos hostes adplicari possint; ita tamen, ut in specie pertineant ad ultimos, seu Syro-Macedonas. In quibus acquiescimus; nec de implemento, satis noto, aliquid addimus.

§. LXXIV. 1. Hostium omnium debellatone, & populi gloriosa liberatione, ac plenissima instauratione, depicta; poeta, ut antea quoque fecerat, populum introducit choreis & canticis Deum, illustrissimum suum ducem, glorioso & triumphabundo incessu sanctam suam sedem repetentem, prosequentem ac celebrantem, vers. 25-36. In qua peri-

pericopa, *a.* Pompatica Ducis deductio inter choreas & canica, ac instrumenta musica, in sedem suam describitur, vers. 25, 26. *β.* generale carminis argumentum, seu summa ejus capita recensentur, vers. 27—36. *a.* Prius his verbis repræsentatur, vers. 25, 26. *Vibrarunt incessus tui, o Deus; processus Dei mei, regis mei in sanctum. Præiverunt cantores, agmen post duxerunt psaltæ, in medio virgines tympanizantes.* h. e. Sicut gloriosus & coruscus fuit tuus, o Deus, incessus ad hostes debellandos, & populum tuum liberandum, multis cum potentiae & justitiae signis conjunctus, ita, hoc præstito, pomposus Dei, & regis mei, triumphatoris processus ad sanctam suam sedem fuit inter cantantium, psallentium & tympanizantium, choreas, ipsum splendido comitatu deducentes. Respicitur manifeste ad morem antiquum, quo Imperatores triumphabundi inter cantantium & ludentium choreas deducebantur in palatia sua: de quo ex 1 Sam. xviii & aliunde satis constat; & significatur, ejusmodi lætas choreas tunc temporis, de quo hic agitur, locum habituras esse, in laudes Dei; sicut Ex. xv. Jud. v. & alibi occurrunt institutæ; & temporibus Simonis ac Joh. Hyrcani Maccabæorum quoque fuerunt; quo Ps. cxviii. etiam pertinet, & Jes. xxiv. 14. 16. xxvii. 2. & alibi prædictum est. Occurrit autem, *a.* eoruscus Dei & incessus & processus, vers. 25. *b.* pompaticus ejus comitatus, vers. 26. *a.* Duo memorantur, probe distinguendi, *incessus* Dei, de quo utroque dicitur, eum fuisse coruscum, & vibrantibus oculis undiquaque conspectum. Non unum, sed duplicem & diversum indicari incessum, liquet, 1. quod vox *incessus* repetatur expresse. 2. prior absolute, posterior restrictæ, addito *in sanctum*, memoretur; argumento, priorem alterius fuisse naturæ, ac posteriorem; priorem in hostes, posteriorem ad sedem Dei sanctam, post finitum incessum priorem; ut mox dicam. 3. quod rei natura exigat utrumque incessum; cum processus triumphalis in aulam alterum illum præsupponat, & Deus modo esse

repre-

repræsentatus tanquam hostium devictor, & populi liberator. 4. Accedit, utrumque illum quoque memoratum fuisse vers. 5. ut ibi vidimus.

§. LXXV. Prior incessus absolute, sermone ad Deum verso, exprimitur his verbis: *vibrarunt incessus tui, o Deus!* h. e. expeditio tua, maxime singularis, & sæpius repetita, summe corusca fuit, & omnium oculos in se vertit; ita ut eam acribus intuiti fuerint ubique oculis. *Incessus* bellicus intelligitur, & num. plur. exprimitur, quod fuerit illustis, & sæpius repetitus; quo Deus, ut supra dictum erat, hostes suos debellavit. Verbum *וָיָח* proprietatem habet in *volvendo*, *revolvendo*, & reciprocando gressum; & pro magnifico incessu sumitur, æque in malum ac bonum; in specie de *grassationibus* adhibetur latronum & militum, ut Prov. vi: 11. & Job. 1: 7. ad quem utrumque locum vid. Cl. Schult. De Dei expeditionibus militaribus etiam usurpatur, Hab. iii: 6. & Zach. ix: 14. Sic & *וָיָח* & *וָיָח* Jud. vi: 14, 2 Sam. vii: 23. Pl. lxxx: 3. *Posterior* incessus gloriosus & triumphabundus his verbis effertur, sermone non ad Deum, sed de eo instituto, variationis ergo, *incessus Dei mei, regis mei in sanctum*, sc. palatium suum sanctum, *Tsionem* umbratice & symbolice, sed *coelum* majore emphasi, de quo vidimus ad vers. 18. ubi eadem vox eodem sensu reperitur, & a nobis exposita est. *Incessus* hic sunt gloriosi & triumphabundi, instar ambulantium & gressus glomerantium; ut in pompaticis solet processibus: *incessus* intelliguntur *ad sanctum*, ut reddi debet, non in *sancto*; agitur enim de processu ad *palatium*, ut, re feliciter peracta, ibi quiescat, quemadmodum cum *arca* in *Tsionem* est translata, 2 Sam. vi. quo hic quoque respicitur, cum illud simili modo pompaticè, inter cantus & instrumenta musica, factum sit. Quæ usitata est *sancti* significatio, ut supra, vers. 18., vidimus. Denique *Dei mei* & *regis mei*, inquit poëta, seu David, qui hic omnino censendus est loqui; ut, suum æque ac populi regem esse supremum, et
Dei,

Dei, qua talis, esse incessum, qui causam populi sui vindicaverat, indicaret. De hoc *utroque* incessu, alio bellico, alio triumphabundo, dicit, *וַיִּרְדּוּ*, proprie *vibrarunt*, *coruscarunt*, & dein acribus oculis intuiti sunt, & ad coruscus ejus radios viderunt, ac experti sunt, scilicet qualescunque, & Judæi, & populi quaquaversum. Quam significatus amplitudinem hic recte admittimus, cum verbi potestas ferat, & huc recte quadret. Significatur itaque, 1. incessus illos Dei fuisse *coruscus* & gloriosos; cum Majestatis, & potentiae ac virtutum aliarum Divinarum, signis conjunctos. Quod de incessibus Dei bellicis tempore Maccabaico diserte adfirmatur, Zach. ix: 14., & de hostium, Assyriorum ac Babyloniorum, destructionibus, Hab. iii. Radix vero *וַיִּרְדּוּ* proprie est, *fulsit stella*, *micuit acri oculo a*, & proprietatem habet in *vibratione radiante*, Gr. *ἀνταύγειν*. 2. eos quoque in oculos hominum incurrisse, adeo ut quaquaversum eos fuerint experti, & intuiti: quod passim denotat verbum *וַיִּרְדּוּ*, *videre* in specie experimentis certis, & ad splendentes radios. Cum autem impersonaliter loquatur, *viderunt*, ad quoscunque extendere licet, & Judæos & populos alios. Quod non est difficile. Sed *viderunt*, alii *lati*, ut Judæi inprimis, & cantantes ac psallentes, uti mox sequitur, *alii* admirabundi, & stupentes; uti reliqui populi, qui ad Deum Israelis agnoscendum etiam eo permoti sunt; uti seq. docent. Quod utrumque verbi *וַיִּרְדּוּ* usu quoque comprehensum est.

§. LXXVI. b. Pompatica regis in aulam suam deductio, a populo liberato cum multis lætitiæ & jubilationis signis facta, his verbis depingitur, vers. 26. *Praiverunt cantores, agmen duxerunt psaltæ, in medio virgines tympanizantes*. Sic rectius vertimus, quam, ut alii, *in medio virginum tympanizantium*, cum quod vox *וְהָיָה* in medio manifeste respiciat ad *ante* & *post* modo memorata, inter quæ itaque *medium* illud est collocandum, tum quod in publicis celebri;

britatibus antiquitus fuerit usitatum, ut *tympanizantes* medium in processibus tenuerint locum, post *cantores* & ante *psaltas*; uti liquet ex Gen. xxxi: 27. Nec obstat punctatio vocis, quæ de statu constructo testatur, quod absoluta & constructa non tantum subinde permutentur, sed hic vim constructi habeat, cum tacite referatur ad *cantores* præcedentes, & *psaltas* sequentes, adeoque *in medio* sit pro *in medio eorum*. Cum vero sensus literalis nihil habeat obscuri, de virginum choreis in triumphis & festivitatis fatis constet ex Ex. xv., 1 Sam. xviii., & aliunde; nihil hic notandum habeo, quam publicas lætitiæ demonstrationes & festivitates in laudes Dei, ejusque *incessum* coruscorum, hic describi; absque ut, aliud mysterium hic sectandum esse, autumaverim. Ceterum, quod verbis prætemp. utatur poeta, illud inde originem repetit, quod homines ejus temporis, quo *incessus* Dei corusci forent facti, in scenam producat, sicut vers. 19., habuimus; & prophetis in more est.

§. LXXVII. 1. *Carminis* ipsius, in choreis, modo memoratis, cantandi & psallendi, quod apte subjungitur, ut facile patet, *duæ* sunt generales partes, quarum *altera* ad Israelitas respicit, *altera* ad populos & regna per orbem: *illa* exhibetur, vers. 27—31., *hæc* vero, vers. 32—36. Quæ totius pericopæ divisio ex ipsa tractationis confirmabitur. a. Prior pars continet, a. *adhortationem* ad Deum publice laudandum, cum ejus ratione et materia, vers. 27, 28, 29. in principio. b. *precationem* pro status prosperi stabilitate, & hostium ulteriore repressione, rationibus munitam, vers. 29—31. a. Adhortatio, 1. proponitur, vers. 27. 2. ratio & materia celebrationis Dei subjungitur, vers. 28, 29. 1. Ipsa adhortatio ad Deum celebrandum, directa ad Israelitas, his comprehensa est verbis, vers. 27. *In publicis coetibus benedicite Deo, Domino*, qui estis *e fons* *te Israelis*, h. e. vos, genuini Israelitæ, Dei & cultus ejus studiosi, vos in specie, eodem heroico, quo Jacob, inde

de Israel dictus, præditi Spiritu, Deum & Dominum, qui sese talem nunc in vestram gratiam luculenter demonstravit, debitis celebrate laudibus, nec privatim solum, sed & publice in coetibus numerosis, & conditis populi, quales nunc instituere licet, & instituentur plures. Quæ paraphrasis sicut in Judæos liberatos, & prosperitate ac pace gaudentes temporibus Simonis & Hyrcani, quæ hic directe intenduntur, recte convenit, ut nemini non ex historia constat, ita ex structura orationis sese facile offert. Sermo dirigitur adhortatorius ad eos, qui sunt *e fonte Israelis*, per ellipsin usitatissimam voculæ *וְהוּא* *qui*, scilicet *estis*, ut in versione expressi. Non enim, quod nonnulli volunt, conjungendæ sunt eæ voces, *e fonte Israelis*, cum *Domino* celebrando, ac si is hoc epitheto insigniretur, tanquam Messias ex Israele oriundus, sed cum verbo *benedicamus* cohærent, & personas definiunt, quibus hæc benedictio Dei imperatur, uti alii rectius statuunt, cum quod phrasis, de Messia intellecta, sit insolita, nec res ante incarnationem ei congrua, tum, quod personæ, Deum celebraturæ, silentio nequeant involvi, tum denique quod mox ad principes tribuum Israelis adplicentur; ut mox patebit. Intelleguntur vero in genere quidem omnes Judæi, Jacobi posterii, simili phrasi denotati, Jes. XLVIII: 1. LI: 1, 2. ne alia loca adferam, ubi vid. Commentator, sed in specie, nominis *Israelis* emphasi servata, Dei ac legis studiosi, etiam in mediis periculis, quibuscum *luctabantur*, Chasidæi, sic propterea dicti in historia Maccabaica, & *faciem Dei querentes*, ut *Jacob*, Pl. xxiv: 6., interque eos principes heroici, eodem Spiritu, quo *Jacob*, inde *Israel* dictus, animati, qui sese cum Deo & hominibus victoriose gesserunt, *Maccabæorum* nomine notissimi, quorum lineæ mox accuratius ducuntur, vers. 28. His omnibus imperatur officium celebrandi Deum, Dominum, h. e. laudibus & gratiarum actionibus efferendi Deum, qui Dominus simul est, seseque talem nunc præstitit, ut vers. 33. *Psallete Deo, psallite Do-*

mino: sed *celebrandi* Deum *in coetibus*, scilicet, publicis, & conditis; secundum vocis Hebr. emphasin, satis nunc notam; sive sacris & religiosis, sive aliis festivitibus quibuscunque, in primis in memoriam illustris liberationis, a Deo concessæ, institutis. Quales eo tempore locum habituros esse præsupponitur, & tempore Maccabaico habuisse, constat. Pluribus cum ad intellectum verborum opus non sit, verbo tantum observandum restat, pro personis loquentibus & adhortantibus recte haberi *cantatores*, modo memoratos, & *carmen* eorum triumphale hic incipere. Quod sicut nexui & rei ipsi convenientius est, cum *cantatarum* & psallentium fuerit modo facta mentio, quibus aliquod *carmen* est tribuendum, ita ex superioribus, ubi simili modo instituit poeta, *carmen* aliquod abrupte memorans, vers. 6 & 18., nec non ex eo confirmatur, quod aliæ personæ loquentes commode fingi nequeant, & si aliæ forent, adhortatio censeretur debere ad ipsos *cantatores* directa, quod superfluum foret, cum jam fuerint in scenam producti, tanquam cantantes in laudes Dei, & incessum ejus: nec iis convenit adhortatio ad Deum *in coetibus* laudandum, quippe jam in unum coactis; ne alia, in seq. obvia, & mox memoranda, proferam.

§. LXXVIII. 2. Ratio & materia Deum celebrandi his verbis exhibetur, vers. 28, 29. *ibi Benjamin exiguus, calcator eorum, principes Judæ lapidatio eorum, principes Zabulonis, principes Naphtali: præcepit Deus tuus robur tuum, h. e. quam juste & apte vos excitemus ad Deum laudandum, & Israelis genuini posteris, quantam habeatis rationem & materiam id faciendi, facile intelligitis, cum præsentibus inter vos sint illustres heroes, per quos Deus hostes protulit, antiquis illis, qui similibus facinoribus illustres fuerunt, similes, Benjaminem, parvum licet, qui eos pede calcavit, & Judam, qui jaculis & lapidibus, ut olim David Goliathum, prostravit eos; Zabulonitas quoque & Naphtalitas, qui sub Barako & Debora Cananeos mirabiliter*

ter ceciderunt, & populum vindicarunt a gravissima afflictione, carminibus quoque propterea celebratos: vos præterea agnoscatis & experiamini, Deum vestrum præcepisse, & dedisse nobis robur, & firmum omniaque obstacula vincentem statum; in quo nunc versamini. Ex qua paraphrasi patet, rationem & materiam Deum laudandi in eo constitui, quod tribus Israeliticæ heroicis facinoribus hoc tempore fuerint illustres, quibus hostes prostrati sunt, & populus in libertatem vindicatus est; quodque robur, quo populus erat præditus, Deo sit acceptum ferendum. Ob oculos itaque ipsis, quos excitant ad Deo benedicendum, ponunt adhortatores 1. heroas in medio ipsorum, antiquis illis similes, vers. 28. 2. roboris ipsorum causam, *Deum* vers. 29.

§. LXXIX. 1. Heroum, in medio populi præsentium tanquam victorum, & victoriis de hostibus reportatis illustrium, descriptio, coloribus ab antiquis tribuum principibus, qui per similia facinora fuerunt celebrati, mutuatis, his notabilibus sit verbis, vers. 28. *Ibi Benjamin parvus, calcator eorum, principes Judæ, lapidatio eorum, principes Zabulon, principes Naphtali*, h. e. *ibi*, inter vos, qui estis e fonte Israelis, & in coetibus vestris adsunt præsentis, qui vobis Dei celebrandi copiosam præbent materiam, & ipsi e fontibus Jacobi, ac principes coetus vestri, hostium prostratione illustres, & antiquis illis heroicis tribubus & personis similes, easque referentes; ita ut dici queat, ipsas illas nunc esse inter vos resuscitatas, & præsentis. Quæ paraphrasis, sicut nexum & scopum verborum exponit, ita ex verbis, recte intellectis, facile sese offert, & illustratur ac confirmatur. Quem in finem a. notandum est, sermonem continuari ad eos, quos modo adlocuti erant, veros scilicet, & genuinos Israelitas. Quod ex præcedente & sequente versu quoque confirmatur: utrobique enim sermo ad eos manifeste vertitur; adeoque, versu hocce intermedio non de illis, sed ad eos quoque sermo fiat, necesse

est. *b.* Vocula *וּבִי* *ibi* vel ad *coetus*, vel ad *fontem* Israelis; potius ad utrumque, referenda est; ut sit, *ibi*, in coetibus vestris, in quibus Deus celebrandus est a vobis, & *ex ibi*, vel ex quo fonte Israelis, sunt in medio vestri; qui Dei laudandi materiam vobis suppeditant abundantissimam. *Ibi* itaque dicit, & *ibi* adsunt in coetibus, & *ex ibi*, seu fonte Israelis sunt; præf. *וּ* ante *וּבִי* ex præced. *וּבִי* repetito, & per ellipsin intellecto; uti sæpe alias. Adde, sicut victis, seu rebus perditis, insultatur, aut adgemiscitur per *ubi*, ita victoribus & rebus salvis adplaudi posse per *ibi*: Sic I Sam. IV: 21. *ubi gloria?* non est, ablata est arca. Jes. xxxiii: 18. *ubi est scriba? ubi adpensor? ubi recensens turres?* sc. infatuati sunt & aboliti. Jes. xix: 12. xxxvi: 19. LI: 13. Gr. & Lat. illud *ubi* pro evanuit, satis est usitatum *a.* 3. Epitheta, Benjamini & Judæ propter singularem rationem tributa, sed ad Zabulonem ac Naphtali quoque extendenda, ut facile patet, sunt *calcationis* & *lapidationis eorum*, sc. hostium, modo memoratorum, nunc digito quasi monstratorum. *Ibi Benjamin calcator eorum, principes Judæ lapidatio eorum.* Relativum *eorum* non, ut solet, ad *coetus*, sed *hostes* respicit, 1. quod relat. masc. & vox *coetus* foem. sit generis, 2. epitheta *calcandi* & *lapidandi* non populum Israelis, sed *hostes* pro objecto habere debeant; 3. denique, quod in carmine triumphali materia Deum laudandi, quem conspectum hic versus habet, repeti debeat ab hostium cæde, supra memorata, per heroas illos, ope Dei, effecta. Epitheta sunt *וּבִי* & *וּבִי*, quæ Interpretibus crucem fixerunt, quod relativum *eorum* ad populum Israelis retulerint, & a vero verborum conspectu aberrarint. Quam varie autem hic instituerint, exponere non licet, nec necesse est; cum ex nostra hypothesi faciles habeant explicatus; verbis *וּבִי* & *וּבִי* unice congruos. Primaria radice *וּבִי* potestas est in *calcatione pedum*, unde prostrationis, subactionis, & severi domini usus fluxit: quod verbo notavit Schultens *b*, uberior

^a Vid. la Cerda ad Virg. Aen. x. p. 538.

^b Clav. p. 203.

rius deduxit ac adstruxit Schroederus *a*. Adhibetur frequenter de violenta hostium & populorum proculcatione ac subactione; Jes. xlv: 1. xiv: 6. Ez. xxix: 15. & alibi; ut & de sava dominatione, Lev. xxv: 43. Sic & Gr. ac Lat. hostem *pede premere*, proculcare, est ei subacto insultare *b*, ac plane dominari. Convenit itaque superiori phrasi vers. 24. *stimulationis pedis in sanguine hostium*. Ceterum ירם esse pro ירם, & dicere *calcatores eorum*, ab aliis jam est observatum, & ex חמץלם Jes. lxiii: 11. illustratum. Addo Prov. xx: 3. ירם *vastatio eorum*. Quare moras non necto. Alterum epitheton est אנאן *lapidatio eorum*, a אן *lapidavit*, *jaculatus est lapides*, inde lapidibus obruit, & ignominiosa adfecit nece; & נאן *tumulus lapidati*, Prov. xxvi: 8. ubi vid. Schultens. *Lapidatio itaque eorum*, sensu act., est eorum ignominiosa occisio, cum execratione conjuncta. Quo titulo cum insigniatur Juda, hostes ea ratione ab eo fuisse tractatos, indicatur, cum aduisione ad Davidem, qui *lapide* occidit Goliathum: quo hic respicitur. Aliorum lusus & conatus lubens prætereo. Convenit itaque superiori titulo *calcatoris eorum*.

§. LXXX. 4. Denique *Benjamin, Juda, Zabulon & Naphtali*, tanquam hostium *conculcatores & lapidatores*, nominatim celebrantur, non tam quod heroes ex illis fuerint tribubus, qui hic intelliguntur, licet & illud simul intendatur, tribubus illis ex. gr. memoratis, quam quod ex illis olim ejusmodi heroes fuerint admodum celebres, qui nunc quasi denovo revixerunt in Maccabæis, similibus plane heroibus, & per familia facinora illustribus; adeo ut dici possit, & nunc in coetibus populi, & ex fonte Israelis adfuisse, Benjaminem *calcatores* hostium, *principes* Judæ *lapidationem eorum*, principes *Zabulon & Naphtali*. Qualis figura a stylo poetico & sublimiore non est aliena. Nomina enim & personarum & locorum subinde aliis imponuntur, ob
fanti.

a ad Jes. lxx. p. 378.
p. 517,

b La Cerda ad Virg. Aen. x.

similitudinem vel typum *a. Benjamin & Juda, Zebulon & Naphtali*, conjunguntur, quod ex illis tribubus primi fuerint, ordine succedentes, *judices & servatores populi*; qui eum vindicarunt ab hostibus, Othniel ex Juda, Ehud ex Beniamine, Zebulonitæ & Naphtalitæ sub Baraco & Debora; Jud. iii: v. uti constat, qui etiam canticis triumphalibus celebrati sunt, Jud. v. Deinde *Benjamin* primum dedit regem Saulum, qui populos vicinos quaquaversum *proculcavit*, ut mox in principio *Ammonitas*, 1 Sam. xi., dein *Amalekitas*, & Philistæos ib. xiv, xv. denique *omnes circumquaque*, ib. xiv: 47. quare primum hic tenet locum, & *parvus* adpellatur, qualis erat eo inprimis tempore, & Saulus diserte fatetur 1 Sam. ix: 21, & xv: 17. repetitur. *Juda* secundum tenet locum, quod sub Davide perfectum sit opus hoc, a Saulo incoeptum, uti notum est, & regnum Judæ tribui, ac familiæ Davidis, fuerit adligatum. Initium autem David fecit, & præludium, in Goliatho *lapide* occidendo; quo respicitur in epitheto *lapidationis*, hic memorato; quemadmodum uterque, & Saulus & David, *canticis* hac super re celebratus est, quoque a *mulieribus*, 1 Sam. xviii: 6. quarum & hic specialis facta est mentio.

§. LXXXI. Suppetunt & aliæ rationes, quare *Benjamin parvus* adpellatur, *principes*, non reges, memorentur, & *harum* in primis mentio fiat *tribuum*. 1. Benjamin *parvus*, & minor natu, & vilis ac spretus, quod utrumque admittit vox *רַעַי*, cognominatur, ut heroum Maccabæorum proprii characteres ducerentur, in eo siti, quod exiguas vel nullas habuerint dignitates, & vires inter Judæos; quin spreti fuerint & contemti; cum magnum illud liberationis populi opus adgrederentur: sicut Zach. xii: 8., diserte adpellantur, & cum *lapide* ab ædificatoribus *spreto* comparantur, primo & typico sensu, Pf. cxviii: 22. De quo ad ea loca, Deo volente, fusius differam. Quales liberatores Deus elegit, ut manus sua in populo vindicando clarius elucesceret,

a Vid. Glassius Gr. f. l. iv. tr. iii. obs. 19.

sceret; uti in locis citatis habetur, & mox nostro loco subiungitur, vers. 29. 2. *Principum* titulo tantum insigniuntur, ut *cum* verus eorum conspectus, qui populum vindicarent, traderetur, *tum* forma regiminis, quæ tunc locum teneret, definiretur. *Duces* fuerunt, non *reges*, quibus Deus, summus populi imperator, usus tunc est, nec Monarchale, verum aristocraticum magis, regimen obtinuit; ut *regni Dei* conspectum ferret, & Deus tanquam rex populi agnosceretur; quemadmodum olim sub Iudicibus; ad quos, ut dixi, manifeste respicitur. Quod variis in locis a prophetis prædictum est. Vid. Zach. xii: 7—, nec non Mich. v: 4. ne alia citem. 3. Denique *quatuor* hæc tribus celebrantur, *cum*, ut rectores populi non ex Iuda solum ut antea, quando domui Davidis erat regnum adstrictum, sed & reliquis tribubus, sine discrimine, futuros, indicaretur, conf. Zach. xii; *tum*, ut loca, quæ Iudæi eo tempore in Cananæa maxime incolerent, digito quasi monstrarentur. Singulare enim est, regiones harum quatuor tribuum tunc inprimis infedisse Iudæos, *Iuda & Benjaminis*, ubi sedes erat civitatis, & Ecclesiæ, *Zabulonis & Naphtali*, seu Galilææ; media regione, Ephraimitarum & Menassitarum, a Samaritanis possessa; Ephraimitis & Menassitis quoque Hierosolymis tunc habitantibus, ut est, 1 Chron. ix: 3. *Iuda* itaque & *Benjamin* memorantur, quod eorum regiones tunc fuerint præcipuæ, in quibus Iudæi resederunt, & Metropolis ac Templum erat, *reliquæ* duæ tribus, in Galilæa præcipuæ, ex gr. citantur, ad reliquas terras Iudæorum in Cananæa designandas. Ceterum, ut hoc addam, cum hostes præcipue fuerint grassati in regionibus Iudæ & Benjaminis, & profligati; epitheta *calcationis & lapidationis* eorum, quæ hic occurrunt, ipsis inprimis tribuuntur.

§. LXXXII. Dicta, sicut in tempora Maccabaica verum nostrum recte convenire demonstrant, ita eorum hypothesin, qui Ecclesiam Christianam, sive Apostolicam, sive Re-

formatam, quæ est Apostolica renovata, hic depingi autamant, quod Veteres nonnulli & recentiores faciunt, Cl. Vitringa quoque, a quo invitus dissentio, ex professo egit a, facile refutant. Adversatur enim nexui prophetiæ, & ipsis verbis; nec aliquod sese hic offert Apostolorum criterium. Titulus *principum* nimis generalis est, quam ut supremos in Ecclesia *doctores & rectores* definiat; nec ratio patet, quare Apostoli tam absolute adpellarentur *principes*, nullo alio addito epitheto, quo dignosci possent. Præterea, cum gentium æque vel magis fuerint doctores, quam Judæorum; quare principes *Judæ, Zabulonis & Naphtali* in specie vocarentur? an, quod ex illis tribubus originem habuerint? ut passim exponi solet. Quid quæso illud multum ad rem facit? & unde constat, eos ex Zabulone & Naphtali fuisse? non utique ex locis, ubi sedes habuerunt; cum & ex tribu Juda orti ibi degerint; sicut Christi parentes ac fratres: ne dicam, phrasin ad originem sese non pati tantum restringi, sed earum tribuum etiam *principes* designare. Paulus Apostolus præterea si *Benjamin parvus* sit, ut volunt; quare *princeps* non, æque ac reliqui, adpellatur? quam emphasi *Benjamin* memoraretur, ad solum Paulum designandum? quam hoc est obscurum & remotum? Denique epitheta *calcationis & lapidationis*, qua ratione in Apostolos quadrant? nec tamen alium sensum ferunt, ac quem supra dedi.

§. LXXXIII. 2. Altera ratio & materia Deum laudandi in eo ponitur, quod populus firmum suum statum & gloriosum Deo unice acceptum ferre debeat; adeoque principes & heroes, modo memorati, sint considerandi, tanquam a Deo ipso, supremo Duce & Imperatore, animati & roborati, per quos, tanquam viâ instrumenta, Deus ipse tam gloriosum opus effecerit; vers. 29. his verbis: *præcepit Deus tuus robur tuum*, scilicet o Tſion! vel popule e fontibus Israelis! Sermo enim ad eosdem manifeste con-

continetur, numero casum de plur. in singularem muta-
to; cum egressus e fonte Israelis contempletur poeta, tan-
quam in unum populum sanctos, & unam constituentes
societatem. In quo nihil est difficile. Verba, quorum
scopum tradidi, nihil habent, quod moram injicit. *Robur*
populi Israelis est, *partim* quod in hostibus profigandis, ac
statu suo instaurando, exierat, *partim* quo nunc frueba-
tur in statu *firmo*, & *glorioso*: cujus utriusque ratio recte
habetur, cum vox *ro* proprie denotet *robur invictum*, unde,
per metonym., honorem, decus & gloriam illibatam ac
excellentem. Cujus *roboris* causa unice queritur in Deo,
Ejusque potentissimo *jussu*, quo omnia irresistibiliter agit:
quod *precipere* Dei est, & appellatur in Script. Conf. Ps.
XLIV: 5. CXXXIII: 3., & alibi. Quod quam exacte in tem-
pora Maccabaica conveniat; nemini non in promptu est.
Conf. Jes. XXVI: 1. Zach. IX: 14:—X: 3—XII. & alibi saepe.

§. LXXXIV. 6. Altera pars carminis triumphalis conti-
net *preces*, rationibus moventibus munitas, easque dupli-
cis generis, pro duplici, quod continent, *sono*, precum
materia; *alterum* ad status proprii stabilitatem spectat, *alte-
rum* ad hostes, eam turbaturos. a. *Prus* vers. 29, 30.
a. *preces* comprehendit, vers. 29. b. *rationem moventem*,
vers. 30. a. *Preces* ipse ita sonant, vers. 29. *Firmum fac*,
o Deus! quod *molitus es nobis*, h. e. Cum robur praecepe-
rit, Tibi, o Tſion, seu Israelis progenies! Deus; vota non-
tra, quæ & tua sunt, pro te & nobis, qui unum constitui-
mus populum, facimus, & sermone ad Deum verso, pre-
camur, *firmum reſſe*, o Deus! quod in gratiam nostram
molitus es, singulari tua potentia. Caritatores, qui tribu-
les suos ad Deum laudandum excitaverant, loqui pergunt,
sed, persona totius populi adsumta, in prima nunc persona
Deum pro stabilitate status liberi & prosperi; a Deo cum
singulari potentie demonstratione effecti & concessi, orant,
sermone ad Deum directo; dicentes, *firma*, (h. e. firmum,
stabile & invincibile, fac; quod hic est *ny* in imperat cum *n*

paragogen ad intendendam significationem; nec aliam admittit interpretationem) *Deus! quod molitus es nobis* (magnum; arduum, & stupendum, illud opus, quod in nostram gratiam effecisti. Quod est *hæc*; uti notum.) Concinat, quod *Jes. xxvii: 12.*, de his iisdem temporibus *Maccabaicis* precantur liberati, *Jehova pacem ordinabis nobis, quippe etiam opera nostra operatus es nobis*: nec non *Pf. lxxiv: 12. Et Deus est rex meus ab antiquo, qui operatur salutes* (salutem maximam) *in medio terræ.*

§. LXXXV. *b.* Urgent petitionem a gloria & utilitate, inde redandatura, quod reges & potentes exteri Deum, in medio populi tam gloriose præsentem, veneraturi, & donis liberalibus honoraturi sint Hierosolymis; quod simul, ut fiat, optant, *vers. 30. Præ templo tuo Hierosolymis Tibi pompæ adducent reges munus. h. e.* Interest multum gloriæ tuæ, quod durabilis sit, & firmus, noster status; fiet enim, quod etiam optamus, ut nomen tuum inter populos quaquaversum glorificetur, & ipsi reges ac potentes gentium excitentur ad Te donis suis honorandum Hierosolymis, propter sedem tuam ibi tam gloriose fixam. Quod sicut tempore *Hizkiæ*, prostrato *Assyrio*, factum est, *2 Chron. xxxii: 23.*, a prophetis quoque prædictum, his iisdem fere verbis, *Jes. xlviii: 7.* & *Pf. lxxvi: 12.* ita novis his *Assyriis*, seu *Syro-Macedonibus*, subactis, & *Judæorum* statu firmato, quoque futurum esse indicatur, & vovetur: alibi quoque, *Jes. xxv: 3.*, prædictum exstat; ubi dicitur: *propterea honorabunt te populus validus, civitas gentium violentarum timebunt te.* Ubi vid. *Vitringa*, qui & implementum in Ecclesia *Maccabaica* demonstrat. Quare nobis nihil hic superest, quam ut vocum sensum & emphasin verbo pandamus. *Præ templo tuo Hierosolymis* (sic enim voces recte vertuntur, uti ab aliis jam est observatum; quibus præiungitur, Templum fore Hierosolymis, quod *David*, auctor *Pf.*, in Spiritu prævidit, & quidem illustre, ac frequentatum; & significatur, illud, partim destructum, par-

partim profanatum, antiquum suum statum, & splendorem ac usum, recuperaturum esse, eo, de quo hic agitur, tempore; quod *operis Dei in gratiam populi effecti* haud exiguum partem faceret: uti haud obscure indicatur, cum preces, modo pro stabilitate moliminis Dei fusæ, inde urgeantur, quod propter templum Deus honoraretur Hierosolymis a regibus. Ex quo simul elucescit, quam male oculos a populo Israelis ad Ecclesiam Christianam flectant Interpretes; cum in eam, non nisi coacte, quadret, quod hic de Templo Hierosolymis dicatur, & inde ratio repetatur Deum honorandi a regibus. Sed negligenda non erat emphasis phrasis, *pro Templo tuo & super Hierosolymis*, qua indicatur, Templum Hierosolymis *super imminere*, & ei quasi *præfektum* esse, quod & dicit, ita ut per illud regatur, & defendatur Hierosolyma. Verum rectius mihi videtur vox *ex palatio tuo* construi cum præcedente versu, & *palatium Dei* esse coelum, unde Deus daret robur, sicut per *palatium Dei* intelligi *coelum* passim solet in odis Davidicis. Conf. Ps. xx: 3. *mittat tibi auxilium e sacrario suo*, &c. & ibi dicta. Quo admissio, sequentes voces reddendæ sunt, *Hierosolymas tibi adducent*, &c. ^γ itaque est *ad*, sed ita ut *adscensus*, particula illa involutus, simul adtendatur) *tibi*, sic pergit oratio, *adducent* (pompatice scilicet, & solenniter, ut in festis, & aliis solennitatibus, quibus magno comitatu & pompa Deus coli solet. Quæ vis est verbi ^{דל}, cujus origo est in *quatiendo*, de quo alibi dixi. Vid. Ps. xlv: 15. lx: 11. lxxvi: 12. Jer. xxxi: 9. Job. xxi: 30.) *tibi reges munus* (scilicet liberale, & copiosum, quale solet voce & insigniri: cuius proprietas est in *copioso lactis fluxu*, unde transit ad munus copiosum, largum, lautum ^α, in specie *honorarium*, quod superiori potestati offertur honoris & reverentiæ testandæ ergo ^β. Quale quid cum *reges* dicantur Deo adducturi Hierosolymas, non communis

Z 3

tan-

^a Schultens ad Har. conf. xvi. p. 52. xliii: 7.

^b Vitrings ad Jesh

tantum fortis homines, qui id facturi præsupponuntur; sed & eminentioris conditionis qualescunque eo officio defuncturos esse indicatur: sicut tempore Salomonis, & Hizkiae, de quibus id diserte testatur Script., & quo hic respicitur, ita & temporibus Maccabaicis: ut modo obtinuerimus.)

§. LXXXVI. β. Posterior præcū pars, ad hostiles populos, qui firmitatem status populi turbaturi essent, spectans, ita habet vers. 31. *Incēpa cātervā fēram arundinis, coetum taurorum, vitulos populorum, concūcantem, confusores argenti, aut ambiētes pecuniam, tu qui dispersit populos, qui praeliis delictantur.* Quæ verba valde torserunt Interpretes, & varias pepererunt expositiones; quibus omnibus, suo loco relictis, meam addam. Continent, *a.* preces, & *b.* rationem earum moventem: quæ membris una divisio mox adparbit, & rei naturæ, ac præcedentibus præcibus, respondet. *a.* Preces his verbis comprehensæ sunt, *incēpa fēram cātervā arundinis, coetum taurorum, vitulos populorum, concūcantem, confusores argenti.* Quæ epitheta hostium populi Dei continent, & cuncta cum verbo *incēpare* constituenda sunt, sine copula propria, ut vers. 22. etiam habuimus. Exponamus, *a.* epitheta, β. *incēpationem*, quam supplices petunt a Deo: *a.* Epitheta sunt duplicis generis, alia figurata, alia magis propria, quæ figuratis subijciuntur ad hostilia facinora populorum designanda. *a.* Figurata epitheta tria sunt. 1. Primum *cātervā fēram arundinis*; uti rectius vertitur vox *κρη*, quam *fēra*, ut aliis placet, cum quod vers. 11. eum significatum habeat, tum quod mox coetus taurorum sequatur, tum quod sensus emblematicus exigat: non de uno enim tyranno, sed pluribus hic agitur, sibi succedentibus; ut mox patēbit. *Cātervā fēram arundinis* epitheton nos non ducit ad crocodilum, aut hippopotamum equum marinum, quod Bochartus & multi putant, qui, ad regnum Aegyptiacum, vel proprie vel mystice sumtum, respici, consent, sed ad aprum sylve.

Sylvestrem, vel *leonem*, de quo etiam cogitavit Vir eruditissimus, qui omnium optime de *poesi Hebraea* meritus est, R. Lowth. *a*, utrumque in arundinetis recubantem, & inde in obvios insipientem: quod de *apro* comprobavit ipse Bochartus *b*, & de *Leone* quoque constat, ut vidimus ad Jer. XLIX: 19. & Zach. XI: 3. ubi *leones* memorantur in arundinetis Jordanis; sed & in Mesopotamia occurrunt, ut tradit Amm. Marcell. *c*. Inter *barundineta*, dicit, *Mesopotamia fluminum & fruticula leones vagantur innumeri* &c. ubi Vales. ex *Aegatharclide* idem confirmat. *Robur* haud exiguum nostrae hypothese addit, quod emblemata sit ad regnum Syro-Macedonicum primo sensu adplicandum; & non *Aegyptiacum*. 1. Quod de Aegyptiis mox contrarium memoratur respectu populi Dei, vers. 32., 2. pericopa ad tempora Maccabaica, quibus Syrorum infestationes experti sunt Judaei, omnino pertineat, ut ex supra dictis liquet, 3. denique, quod hostes illi, Antiochus Epiphanes & Successores, emblemata *apri sylvestris*, ac *ferae agri* veniant. Pl. LXXX: 14. Sed *ferae arundinis* epitheton figurate quoque capi potest pro truce & terribili potestate bellica. Sic bellator Arabs de se & suis alibi praedicat, *nos sumus leones, qui in arundinetis recubamus*, h. e. qui lanceis & sagittis horrente exercitu sumus circumdati, quod a Cl. Schultens observatum est *d*. *Arundinem* quoque pro *sagitta* posuit Virgilius, quod a Junio jam notatum est; qui cum aliis *ceteroam arundiferam* exponit per *armatam sagittis*. Accedit, *ἀνὰ τὰς ἐρημίας* adpellari *ἀπὸ τῶν ὄρων* juncea, herbae agrestis, & in paludibus natae, genere; q. d. in junceam veluti & insensilem omnis boni naturam mutatos; ut exposuit, Vir summus, mihiq. amicissimus, Cl. Hemsterhuis in not. ad *Timaeum* Plat. Cl. Rhunkenii *e*.

§. LXXXVII. 2. Secundum epitheton est *coetus taurorum*, cum adlusione speciali, ut *puerum*, ad *tauros Basanis*, quia:

a De sacra poesi Hebr. prael. vi. p. 56.
 6-29. *c* L. XVIII: 7. *d* in MSS.

b H. p. I, l. III.
e p. 33.

quia illi in primis hoc nomine noti sunt in S. Script., & supra *Basanis* facta fuerat mentio; denique Ammonitarum, Moabitarum, & aliorum populorum Transjordanensium, apta sunt emblemata, quod hoc ipso tempore quoque Maccabaico Judæis fuerint infestissimi, & protervos sese præstiterint: quare *feræ catervæ arundinis* recte subjunguntur. Radix *אבר* apud Arab. dicit *pungere*, rumpere *pungendo*, unde derivatum denotat *punctionem*, & *aculeatam* extremitatem, in specie *germinis* & *pennæ* pullulantis; & *אברי* live *penatum*, live *cornutum*, & ita *taurum*, hinc *robustum* audacem *απουάχον*; de quo sæpe exposui. 3. *Tertium* epitheton est *vitulorum populorum*, quo omnes reliqui populi hostiles in vicinia populi Judæi intelliguntur, minus quidem nunc potentes & robusti, attamen inpinguati, lascivi & petulantes, ut sunt *vituli* majores & pingues, ad quos hic respicitur. Significari videntur Tyrii, Sidonii, Philistæi, Samaritani & Idumæi; divites, lascivi, & erga populum Dei petulantes, eique variis modis insultantes, & eum spoliantes, ejusque spoliis se ditantes, quare mox *contusores argenti* appellantur; ut statim adparebit. Ceterum not. insuper est, 1. vocem *עמים* *populorum* huic quidem epitheto *vitulorum* addi, ut de peregrinis populis cogitaremus: quem usum hic omnino habet, ut ex sequente etiam liquet, ubi *populi* a Deo dispersi memorantur, qui *prelliis* delectantur; attamen pertinere quoque ad *feram catervam* arundinis, & *taurorum coetum*; adeoque significare, eos omnes quærendos esse inter gentes, a civitate & religione Judæorum alienos. 2. Præf. *ב* in *בעלי*, non esse *cum*, ut accipi solet, sed *in*, & ad verbum *נער* *incredare* pertinere; quod cum *ב* quoque construi solet, uti notum est; sed sensu molliore, quam sine *ב*. Denotat enim *perdere* sine *ב*, sed cum eo *reprimere*, & subicere: de quo mox. Ex quo ratio diversitatis structuræ verbi *נער* elucescit.

§. LXXXVIII. *b.* Figuratis hisce epithetis duo subjunguntur magis propria, quibus hostilium populorum, modo

do depictorum, facinora describuntur; quando additur, *conculcatorem, contusorem argenti*, scilicet *increpa*; quippe a quo verbo æque, ac superiora, pendent; nec verti debent, *conculcantem*, vel substernentem, *frustis argenti*, ac si voces נרץ כסף cum מרעם construendæ essent, ut Interpretes instituerunt; sed per se capienda sunt & vertenda, *conculcatorem, contusores argenti*, eadem structuræ varietate observata, quæ modo notata est, verbi נרץ cum & sine ב. Ex quo simul elucescit, *contusores argenti* respicere ad *vitulos*, & *conculcatorem* ad *catervam feram*, & *coetum* tauro- rum; quod & inde firmatur, quod *conculcator* in sing., *contusores* in plur. occurrat, quia *prius* ad *catervam* & *coetum*, posterius ad *vitulos* pertinet. Tendunt itaque hæc duo epitheta ad superiora illustranda, & eorum populorum facinora in lucem proferenda. Quæ hypothesis, sicut ratio- nem dat aptissimam horum epithetorum additorum, cum alias *facinora* fuissent omissa, quod non deberet fieri: ita in verum eorum sensum nos ducet, quem Interpretes penetrare non potuerunt; ideo inprimis, quod epitheta hæc conjunxerint, מרעם כסף cum נרץ כסף construentes; unde nullus extundi potuit sensus tolerabilis. Sumamus, ut modo observavi, epitheta seorsim, & cum *increpare* construa- mus, eo scopo addita, ut facinora eorum, qui modo epi- thetis figuratis erant depicti, describerentur: omnia erunt quam facillima, & valde apta. 1. Occurrit מרעם *conculcator* & *conturbator*, a rad. רעס & רעש eo sensu nota a. Forma vero Hitph. aliquid de ambiguo trahit, studio captato, ut mox patebit, dicitque, cum *conculcatorem* sese præstantem נרץ כסף sic dictum, quod in eo totus sit & continuo, qui satis notus est istius formæ usus emphaticus, tum se ipsum conculcantem, & exculcantem, seu conculcatione suâ se- se perdentem. Epitheton, sic absolute positum, est ho- minis, seu hominum societatis, seu regni, omnia contur- bantis, jus & fas proculcantis, & alios crudeliter tractan-

A a

tis,

cis, necando, spoliando, in servitutem redigendo, & dissipando. Quemadmodum eadem ratione מורד *grassator*, מורעב *conturbator*, sæpe absolute occurrit in libro Prov. & alibi. Aptissimum est epitheton *feræ arundinis ac taurorum*, quibuscum omnino connecti debet, & in regnum Syro-Macedonicum imprimis quadrat, quale sese, sub Alex. M., & deinceps Antiocho Epiphane, & successoribus præstitit. Quo egregie facit, quod *quarta bestia*, Dan. vii: 7., regni istius emblemata, quoque repræsentetur, tanquam reliqua pedibus רמס *conculcans*, & de *birco* quoque, ejusdem regni imagine, dicatur c. viii: 7. De quo plura dixi in Diss. ad vaticinia. Dan. emblematica: de Antiocho Epiphane & successoribus præterea expresse habeatur, Ps. lxxx: 14. eos, *instar apri sylvestris, conculcasse, & feræ agri depastos esse*, vineam Judaicam. Quæ huic epitheto, isti regno adplicato, illustrando sufficiunt. Sed reciprocos usus, cujus meminimus, in hoc regnum quoque aptissime quadrat, cum hisce conculcationibus aliorum, in primis Judæorum, ad quos hic respicitur, non tantum sibi contraxerit reatum, quo deletum est judicio Divino, sed sibi ipsum quoque intestinis discidiis & bellis perniciem adtulerit; uti prædictum erat Jes. xxiv: 17. ubi vid. Cl. Commentator, qui illud egregie demonstravit. Nec aliam fere sortem habuerunt reliqui populi hostiles, per *tauros* depicti, similitum facinorum, licet minore emphasi, rei; ad quos hoc epitheton quoque extendi possit, licet proprie & directe *ad catervam illam feram* adplicari debeat.

§. LXXXIX. 2. Alterum epitheton est, מרעב *conturbator* vel *avidus argenti*, ab eodem adhuc verbo *increpare* pendens, sed præf. נ habens, plane sicut modo habuimus מרעב *vitulos* populorum; ad quos itaque recte illud referimus, ad eorum facinora delineanda. Interpretes רעב redere solent *frusta*, a sing. רעב *rad. רעב contudit, tundendo contrivit*, speciatim *partes grossiores*, ut docuit Cl. Schultens: sed

Sed *וַיִּרְא* pro *frustis* nusquam occurrit, & longe rectius *contusores*, seu *contritores*, vertitur; quo sensu *contusores argenti* recte adpellantur *grassatores*, & *raptores opum ac divitiarum*, qui aliorum opes violenter destruunt, & auferunt, sive sensu prægante *contundere argentum* sit contundendo rapere argentum, sive opes aliorum simpliciter perdere, & violare, inque usum suum vertere. Ita Job. xx. 19. *quia concussit*, *וַיִּרְא*, *dereliquit pauperes, domum spoliavit, & non edificavit eam*. Sed verbum *וַיִּרְא* quoque derivari potest a *וַיִּרְא* in conj. Pih., ut *וַיִּרְא* a *וַיִּרְא*, & de *avaris capi*, qui pecuniæ, seu opibus, unice intenti sunt, & iis delectantur; ut *וַיִּרְא* sint qui opes habent gratas & jucundas, easque sectantur, & ambiunt, iis penitus *adfixi*. Radix enim *וַיִּרְא* proprietatem habet in *adherendo*, inde gratum habere & jucundum, sequi & amplecti; ut verbo notavit Cl. Schultens a. Utrumque apte convenit in lascivos, pingues, & protervos illos *vitulos*, modo memoratos, seu *populos divitiis & luxuriæ inhiantes*, & *Judæos spoliantes*, seu sese eorum opibus ditantes, quales fuerunt Tyrii, Philistæi, Idumæi & alii. De quibus hunc in modum loquitur Deus, Joel. iv. 5, 6. *Quia argentum meum atque aurum abstulistis, & pretiosissima mea quæque delubris vel palatiis vestris intulistis, filios Judæ, & Hierosolyma vendidistis filiis Græcorum &c.* Idumæis quoque imputatur: quod *manus iniecerint in opes Judæorum*, tempore calamitatis, Obadj. 13.

§. XC. β. *Populos hostiles*, per epitheta hæc depictos, petunt Judæi, jam liberati a persecutione Epiphanica, ut Deus *increpet*, partim delendo, partim a facinoribus inhibendo, & subjiendo. Quod utrumque verbo *וַיִּרְא*, proprie *crepare*, *increpare*, est comprehensum, & prius quidem sine *ו* constructo, *posterius* cum *ו*; si vera sit Abenezræ, & ex eo Amamæ, observatio, illius ad Ps. ix. 6. hujus ad h. l. Quod sese nostro loco recte patitur adplicari, cum utraque constructio hic locum inveniat, non sine ratione,

A a 2

ut.

a Ad Job. xxxiv. 9. & Har. conf. v. p. 87.

ut videtur; sine enim connectitur cum *caterva fera & tauris ac conculcatore*; sed cum cum *vitulis & quassatoribus argenti*. Nec illud ab implemento adeo adhorret; Syro-Macedonicum enim regnum, cum populis infensissimis Trans-jordan., est destructum; Tyrii, & Philistæi sunt repressi, Samaritani & Idumæi Judæis subjecti. De Syro-Maced. vid. Diff. nostræ ad Dan. vaticinia emblematica: de *Moabitis*, cum quibus Ammonitæ deinceps confusi sunt, qui communi nomine Arabum venerunt, vid. Jes. xxv: 10, 11., *triturbabitur Moab subter se, ut conteritur palea in fimo* &c: ubi vid. Cl. Vitringa: de reliquis populis vid. Zach. ix. Obadj. vers. 18. Joel. iv. Tseph. 11. & alibi. Ceterum, cum liberati ab oppressione Epiphanica hic loquantur, precibusque introducuntur petere, ut Deus hostiles populos *increpet*, observari velim, non de initio sed progressu increpationis intelligi debere, ut *increpa*; sit *increpare* perge, & increpando rem perface; sive increpa ulterius, & ad finem usque. Sicut vers. 29. dixerant, *firma quod nobis molitus es*, ita, eo respicientes, hic dicunt, *increpa*, scilicet, ut firmetur & consummetur molimen tuum in gratiam nostram.

§. XCI. *b.* Sequitur ratio movens, qua petitionem urgent, his verbis ultimis vers. 31. *tu, qui dispersit populos, qui præliis delectantur*. Cum subita fiat personæ mutatio a *secunda* in *tertiam*, Interpretes, ad eam offendentes, varie instituerunt; ad stylum Script. & Oriental., imo & Gr. ac Lat., satis usitatum, minus adtendentes, nec ellipsin, in ejusmodi mutationibus latentem, advertentes, quæ supplenda est, ut in versione feci. Cujus varia exempla produxi ad Mal. iii: 9. *Dispersit populos* &c. itaque idem est, ac *tu ille, qui, dispersit* &c. Quod addunt orantes, ut Deum, quem adloquuntur dicentes, *increpa*, ad preces suas exaudiendas permoveant; ratione ducta a sæta agendi ratione, quam Deus in gubernando mundo, in primis populo suo, hucusque tenuit, & variis speciminibus, etiam
hic

hic memoratis, demonstravit; in eo sitam, quod populos, *belli avidos, disperferit*, & ventilando ad nihilum redegerit. Verba sunt generalia, & modum agendi, quem Deus tenere solet, exponunt; in specie ad populos superiorum temporum, qui populum Dei hostiliter invaserunt, a Deo dissipatos, respiciunt.

§. XCII. β. *Posterior* pars carminis, ad populos extraneos spectans, eorum conversionem ad Deum Israelis comprehendit, primum *anticipatam* & prælusoriam in profelytis, ad Ecclesiam Israeliticam adgregandis, dein magis Spiritualem & plenam in regnorum orbis conversione ad regem Israelis, jam exaltatum in coelis, posteaquam vocem suam per orbem personare fecisset. Quæ *duæ* conversionis populorum periodi, se presse secuturæ, recte subjunguntur precibus pro status Ecclesiæ Israeliticæ, jam liberatæ, firmitate, & hostilium populorum subjugatione, *quæ* ad preces urgendas, *tum* ad lætum consequens prosperi istius status repræsentandum, & fata populi ad consummationem reip. & Ecclesiæ Judaicæ usque pertexenda: qui Ps. hujus, ut supra dixi, scopus est. Sunt itaque duæ pericopæ, vers. 32—35., partes; quarum *α.* prior *anticipatam* & *prælusoriam* conversionem Gentium in specimine, ex nobilibus & fortibus ac rectis Aegyptiorum ac Cuschæorum producto, ad Deum Israelis, qui sedem habebat Hierosolymis, exhibet, vers. 32. his verbis: *venient clientes pudibundi. vel illis stipati, ex mihi Aegypto, Cusch submissus, vel recto-rigidus, manibus suis ad Deum, scilicet Hierosolymas. ad eum supplicandum & colendum.* Cohærent enim, verbum *venire* & voces *ad Deum*; uti facile patet, licet minus observatum sit; cum nec *venire* alias haberet, quocum connectatur, nec etiam voces *ad Deum* haberent, quo referantur; non enim cum *וְיָרֵם*, quod vulgo volunt, conjungi possunt, ut mox patebit, cum verbum non sit, sed epitpheton Cuschi, uti *וְיָרֵם* Aegyptiorum. *Epitheta*, ut ab iis incipiam, sunt singularia, nusquam alias in Script. occurrentia, & prop-

terea difficiliora explicitu, quæ tamen, lingua Arab. faciem præferente, expediri possunt. Vocem *עֲבָדָיו* jam illustravit Hottingerus *a*, ex verbo *עָבַד* Arab. *multi famulitii fuit, multos habuit adseclos*; unde *עֲבָדָיו*, inserto *א* epenthético, forent magnates, domini multi famulitii, quod Aegyptiis & Cuschæis in primis convenit. Sed adfert radix quoque *pudoris & verecundiæ potestatem*; & derivatum æque *clientes, familiares, famulos, ac dominos eorum denotat*. Videtur vero præcipue prægravantem potentiam & auctoritatem notare, quæ pudorem incutit, ac reverentiam, indeque ad *clientes pudibundos & reverentes, nec non eorum dominos & patronos, reverenter habendos, transferri*. Ambiguum itaque est, num *clientes pudibundi*, an magnates & patroni potentes sint intelligendi. Coniungamus eos hoc loco, & utrosque intelligamus, sed eos, sive dominos, sive clientes & famulos, hic sibi statuamus, qui pudibundi, submissi & reverentes, accederent ad Deum, ut eum venerentur & colant. Quæ ipsa ambiguitas, adeoque sensus amplitudo, in altero epitheto *רָחֵם* latet. Vulgo pro verbo habetur tert. foem. fut. verbi *רָחַם*, proprie *quaterere*, dein currere festinanter; in Hiph., ut hic, *currere facere*; ut sensus sit; Cusch *currere faciet manus suas ad Deum*, vel eas ad Deum protendendo in precibus, vel *munera offerendo*; ut manus sint pro *muneribus* manuum itylo Orientis. Nepos meus Cl. Verschuir *b* vertit: *currere faciunt manus suas*, & interpretatur, *agmina civium suorum ad Deum una cum splendidis & magnificis donis*. Forte simpliciter nihil aliud dicit ac *citissime current*, ut qui *manibus* potens faciunt. Vid. Jos. ix: 19. Sed involvitur idea confugiendi ad Deum tanquam patronum: quod est *tendere manum ad aliquem*, Thren. v: 6. 1 Chron. xxix: 24. 2 Chron. xxx: 8. Sed 1. phrasis est nimis insolens, *currere facere manus*, 2. ratio gen. foem. in *רָחֵם* vix dari potest sufficiens, 3. utique

a Smegm. Orient. p. 158.
14 p. 92.

b Disp. Doctorali ad Hagg.

que sicut modo de Aegyptiis, ita hic de Cuschæis longe commodius censetur epitheton tradi, si eo flecti possit vocabulum. Quod non longe erit querendum, cum formæ nominum per *n* ab initio aucto. um plures existent *a*, & radix *רנ* in lingua Arab. iuperfit. Priore modo radix statuenda erit *רנ*, quæ inferioritatem & depressionem involvit, unde *רנ* pro *terra*: *רנ* itaque, pro *רנן*, erit submissus, humilis, & phrasis, *submissus manibus*, sive *manus*, pro subiecto, & submisso. Quo nihil est facilius, & in rem præsentem aptius. Sicut *clientes pudibundi ex Aegypto*, ita nunc *submissi manibus* ex Cuschæis recte memorantur, ad mores eorum qualitates pingendas, quibuscum venirent ad Deum. Sed si radix *רנ* admittatur, *recto-rigidum, libratum*, *manus* sistet Cuschum, & *partim* fortitudinem ac strenuitatem ejus denotabit, *partim* iustitiam ac æquitatem eorum, qui ad Deum ex Cuschæis sint accessuri. Radix enim significat *firmum* & bene *compactum*; dein rectum & libratum. Quod utrumque huc recte quadrat, *alterum* respectu qualitatis *physicæ* Cuschæorum in genere, *alterum* moralis, qua illi forent præditi, qui Deum Israelis colerent. *Physicæ* qualitatis Cuschæorum quoque expressa in loco simili sit mentio Jes. XLV: 14. Sic dixit *Jehova*, *labor Aegyptiorum, negotiatio Cuschæorum, & Sabaorum*, *וירא מן הים* *virorum mensura* seu procerorum, & fortium, *ad te transibunt* &c.

§. XCIII. Significatur itaque his verbis, i. ex Aegyptiis & Cuschæis, sive Arabiæ felicis incolis, & Aethyopibus infra Aegyptum, eo nomine venire solitis in Script., ut alibi disputatur, ad Deum verum conversos, venturos esse ad locum cultus Dei, ut eum honorent & colant. *Venite enim ad Deum*, quæ secum esse constituenda modo observavi; plus dicit quam sese *ad eum convertere* simpliciter, idololatriæ nuncio misso, licet illud includat; quod alio verbo *וירא*, vel simili, solet exprimi; cum hic *וירא* *venire*, facto itinere, occurrat: adeoque eos ad locum cultus Dei, Hieroso-

a Vid. Simon de formis nom.

rosolyimas, profecturos esse, indicatur; & *profelytos* futuros; qui non simpliciter Deum Hierosolymis *muneribus* honorarent, ut supra *de regibus* dictum erat, vers. 30., sed religionem Judaicam simul profiterentur. Quare 2. additur, eos tanquam *clientes* venturos esse, & *submissos* manibus, ac rectos & puros; quales cultores Deus requirit. Denique 3. qualiscunque conditionis esse accessuros, & *magnates*, ac *potentes fortesque* manibus, & eorum *clientes* ac *famulos*; qui manus submittunt aliis. Ex quibus manifestum est, profelytos Judæorum ex illis populis primo & directo sensu intelligi; sed eorum conversionem simul tanquam præludium conversionis populorum per orbem ad Deum in Christo, deinceps secuturæ, considerari; uti seq. evincunt. Concinunt & aliæ prophetiæ, a Cl. Vitringa *a* adductæ, qui de *implemento* etiam ibi egit, & consulendus est. *Aegyptiorum* & *Cuschaorum* vero expressa fit mentio, speciminis ergo, quia illi Judæis & olim, & hoc tempore, de quo hic agitur, fuerunt faventiores, oppositæ ad alios hostiles, supra memoratos, & felicibus illis populi Judæi temporibus plures dederunt profelytos, *Salomonis* nimirum, *Hizkiæ*, & *Maccabaorum*; quorum temporum lineæ in hoc Pf. ducuntur. De *Salomonis* tempore satis ex historia constat, habuit & ipse *filiam Pharaonis* in uxorem, & regina Sabæorum ad eum venit. Ad *Hizkiæ* tempora pertinet Pf. LXXXVII. De Maccabaicis temporibus plures exstant prophetiæ, a Cl. Comment. ad Jes. *b* productæ. Quare plura non addo.

§. XCIV. 1. *Posterior* pericopa, regnorum mundi conversionem ad Deum Israelis, jam in coelis versantem, & inde sese manifestantem, complexa, vers. 33-35., adhortationem eorum comprehendit ad Deum Israelis, in coelis nunc unice versantem, & inde sese manifestum facientem, laudandum & canticis celebrandum. In qua pericopa *a*. occurrit propositio, vers. 33 *β*. ejus deductio, vers. 34, 35. *a*. Propositio exhibet regnorum orbis terrarum excitationem

a ad Jes. XLV. 14.

b l. c.

nem ad Deum glorificandum, vers. 33. *Regna terræ cantate Deo, psallite Domino. Selab!* Quæ verba nihil habent obscuri. Tantum notetur, i. emphasis nominum *Dei*, & *Domini*, quibus Deus insignitur etiam relate ad *regna terræ*, & significatur, *tum* eum esse unicum & supremum orbis Deum & Dominum, cui omnia mundi regna sunt subiecta, *tum* regna mundi esse æque Jehovæ, ac olim populum Israelis; ita ut eandem nunc habeant, quam antea Israel, rationem Deum laudandi. Quo ipso præsupponitur, regna mundi omnia sese ad Jehovam convertere debere, & converfura esse; sicut sub Messia contingeret; sed successive, usque ad finem seculorum; quod a Prophetis V. T. in genere solet repræsentari, ac si mox, Messia exaltato, locum haberet. De quo pluribus egi ad Dan. visa emblematica.

§. XCV. β. In *propositionis* deductione, a. ratio & materia Deum laudandi exhibetur, vers. 34. b. adhortatio, cum aliqua amplificatione, repetitur, vers. 35. a. *Prius* his verbis, vers. 34. *Adpactum se tenenti in coelis coelorum antiquorum: ecce dabit voce sua vocem firmissimæ laudis.* h. e. Deum & Dominum omni modo celebrandi habetis per totum orbem iustissimam rationem & abundantissimam materiam; quia ipse nunc in supremo coelo, non sicut antea in coelo inferiore, & supra terram in loco sublimi, residet, ei plane adfixus, absque ut in terra sese Symbolice sistat, ut olim, præsentem, adeoque omnium Deum & Dominum, qui in coelis est, exhibet: præterea de coelo *vocem* suam nunc & in posterum proferet, quæ per vocem laudationis Dei resonare debet, instar echo, seu vocis percussæ in orbe. Hunc existimaverim verum verborum esse conspectum & sensum, quem Interpretes non penetrarunt, quod ad phrasas non recte attenderunt, & earum emphasis non perspexerunt. Duo sunt versus membra, *alterum* in præf., *alterum* in fut. Quorum *prius* Deum repræsentat in supremo coelo sedentem adpactissime, & in perpetuum; oppositè ad præcedentem Dei manifestationem in

inferioribus coeli partibus inter Judæos; ut tanquam totius orbis nunc Deus & Dominus, non Judæorum tantum, sed & gentium, describeretur, & inde ratio peteretur, quare regna mundi eum nunc celebrare debeant. Cohæret verbum כִּנּוּן cum præced. per ellipsin verbi *cantare*, quod repeti debet, ut sit: *psallite Domino*, psallite *adpasse sedenti in coelo supremo*, & propterea id facite, quia talem sese nunc præstat, secus ac olim in *coelis antiquis*. Utitur Spiritus, in poeta loquens, verbo כִּנּוּן, non tam ad actualitatem & expeditionem bellicam Dei, tanquam imperatoris & ducis, depingendam, quam stabilem ejus mansionem significandam; secus ac olim, cum, loco suo relicto, expeditiones pro populo suo suscepit; *equitans ex. gr. in deserto*, uti vers. 5. habuimus. In *coelo insidere* hic dicitur, quatenus ibi adpactus hæret; nec sese inde amplius movet, aut Symbolice sese in terra præsentem sistit. Quod verbo כִּנּוּן, vera sua emphasi sumto, est involutum. Proprie enim est, *pangere, adpingere*, & compactionem ac coagmentationem solidam denotat, unde כִּנּוּן *currus*, q. compaginato solidam, ut Gr. *ἀπὸ ἀπὸ ἀπὸ, necto*; & כִּנּוּן *genu Dan. v. a solida compactione &c. a*. Ipsa vero Dei sedes hic emphatice adpellatur, non coelum simpliciter, aut *coeli*, sed *coelum coelorum*, & quidem *antiquorum*: cujus ratio unice hic repetenda est a diversitate inhabitationis & conversationis Dei sub V. & N. T. Antea Deus censitus est in *coelis* versari, sive in *nubibus equitans super Cherub*, & *vis ventis*, tanquam imperator, & vindex suorum, & inde pro populo suo militans per tonitrua quoque, fulgura, ac imbres & grandines, Ps. xviii. Deut. xxxiii. 26. & alibi sæpe; sive in coelorum inferioribus partibus, aut terræ sublimioribus, symbolice habitans, ut super *Sinai & Thione*; quod etiam in *alto* residere tunc dictum fuit: uti notum. Quo retulerim, ad antiquam scilicet habitationem, seu sedem Dei, epitheton כִּנּוּן, quod *coelo inferiori* hic datur; cum dicitur, in *coelo coelorum* כִּנּוּן *anti-*

* Vid. Rev. Kuypers Diss. Acad. ad V. T. p. 50.

antiquorum, non enim ad *cœlum*, sed *coelos*, pertinet. *Coeli* vero *antiqui* non sunt, qui ante reliqua creationis opera fuerunt, multo minus, qui *durant* in perpetuum, quod ab usu vocis abhorret, dicit enim *linguam olim*, & *æternitatem* antegressam; sed qui *antiquitus* sedem Dei constituerunt; qui itaque ab *antiquo* fuerunt, & quibus Deus ab antiquo usus est tanquam quasi *curru* suo, aut *vehiculo*. Addi potest, *coelos* *q̄p* adpellari posse, quod Deus inde solitus fuerit pro populo *bellare*; usurpatur enim *radix* etiam in re bellica, pro, *ante* omnes alios adgredi hostem, *ire præ* illi eum; ut Ps. LIX: 11. Quo sensu etiam, inter alia, censeri potest adpellari *q̄p* *Deus anterioritatis*, Deut. xxxiv: 27. Ita olim; sed nunc Deus adaptus dicitur in *caelo coelorum anterioritatis*: adeoque supra coelos illos residens, longius a terra remotus, in loco itaque sublimissimo, purissimo, & summæ gloriæ ac tranquillitatis: in sede, quæ respectu *coelorum* inferiorum est & ipsa, & dici potest, *coelum*. Plane quemadmodum, Eph. iv: 10. Christus legitur *ascendisse supra omnes coelos*: & Heb. vii: 26. *sublimior caeliis factus*, & iv: 14., *pertransisse coelos*. Gr. & Lat. poetas *Ὀλύμπιον olympum* adpellant, & pro stabili Deorum sede; a *coelo* diversa, habent *a*. Respicitur præterea ad superiorem Domini exaltati descriptionem, vers. 18, 19., ubi etiam *currus* Dei fuerunt memorati, in quorum medio Dominus erat, sicut hic *curru* quasi insidere in coelo dicitur, & quod ibi *Sinai* in *Sancto*, illud hic in *coela coelorum* est, ut coeli sint in supremum coelum, respectu inhabitationis Dei, mutati.

§. XCVI. *Postertus*, verbo fut. temporis expressum, habet, *ecce dabit voce sua vocem fundatissimæ laudis*; fecus, nimirum, ac olim in coelis anterioritatis versatus, quando terribili edita voce metum incussit, & voces, metus & tremoris plenas, populo extorsit, adeo ut deprecatus fuerit *vocis* Dei repetitam auditionem, ipso Mose intremente;

Bb 2

Heb.

^a Vid. la Cerda ad Virg. Aen. x. p. 409. 424.

Heb. xii: 19- ad montem Sinai. Quo hic directe putem respici; ita ut terribili isti voci Dei opponatur jucunda hæc & salutaris, quæ longe aliam in hominibus produceret vocem, laudis nim. & celebrationis lætæ ac jucundæ, nec inter Judæos tantum, verum in primis quaquaversum in orbe, & inter regna mundi. Quæ cum mirabilis plane foret scena, qua Deus de coelo supremo ederet vocem, quæ ora totius orbis in cantica laudis resolveret, præmittitur vocula *ecce*; quæ nos manifeste admonet, ut de longe alia *vocis* Dei prolatione cogitemus, quam antea unquam factum fuerat. Subjungitur etiam apte præcedenti membro, quo Dominus in supremo coelo versatus describitur; cum *vox* illa Dei tunc demum audiretur, & ipsa *vox* definiretur, tanquam *coelestis* plane & *beata*; qualis convenit coelo supremo, sedi beatitatis: denique in fut. *dabit*, quod exaltationem Domini sequeretur, & continuaret per omnia secula ad finem mundi usque. Ipsa vero verba *duo* continent; unum, Deum e coelo supremo editurum *vocem suam*, alterum, per eam ora hominum esse in voces laudis resolvenda, quæ tanquam *echo* ex voce Dei orirentur. Hic enim sensus est verborum, *dabit voce sua vocem laudis*, quem Interpretes, qui hic varie instituunt, non perceperunt: licet voces eum sponte sua proferant: uti quisque admonitus facile intelligit. Phrasis enim, *voce sua dare vocem*, alium ferre nequit sensum, hunc aptissime fundit; quem seq. adhuc confirmant, cum mox sequatur adhortatio ad *Deo laudem dandam*, seu ad vocem eam edendam, quam Deus voce sua *dederat*, aut dandi occasionem & materiam præbuerat. Deum *vocem suam* daturum non expresse quidem habetur, sed clare satis indicatur, phrasi, *dabit voce sua vocem*, manifeste involutum; adeo ut sermo, concise expressus, plene sit: *dabit vocem suam*, & *voce sua* dabit *vocem laudis*. *Vox Dei* itaque est, ut paucis absolvam, vox evangelica, Divina, & coelestis, qualis Domino in coelum everso, & coelo, tanquam beatitatis & sanctitatis purissimæ

mæ fedi, unice convenit. Quæ vocis & sermonis Dei, vocis coelestis & salutaris ac beatæ, nomine notissima est in Script. Vox denique Dei est, quæ regna terræ ad Deo canendum excitavit, ut vers. 33. habuimus, vel, ut hic habetur, *vocem laudis* produceret, qua *voci Dei* tanquam echo responderent incolæ terræ. Quo verba tendunt, *dabit voce sua vocem laudis*, sc. ab incolis terræ proferendam; quam Deus dare dicitur, cum ejus materiam suppeditat voce sua, & homines quoque ad eam edendam extus & intus, Verbo & Spiritu suo, utroque ex Deo orto, & voce ac halitu Dei, movet. Quo nihil est facilius. Vox Hebr. itaque hic, ut sæpe alias, & mox vers. seq., *laudem* denotat fundatissimam & firmissimam, nec non *gloriam illibatam* ac excellentem, a primigenia *roboris invicti* potestate. Conf. Ex. xv: 2. 1 Chron. xvi: 27. Jes. xiii: 2. Ps. viii: 6. lxii: 8. & alibi. Concludamus verbis Ps. viii: 2, 3. in rem præsentem egregiis; *Jehova Domine noster! quam magnificum est nomen tuum per totam terram, cujus domicilium Majestatis tuæ fixum super coelos (in coelo itaque, ut hic, coelorum) ex ore parvulorum, & lactentium fundasti robur, y, seu fundatissimam laudem & gloriam.*

§. XCVII. *b. Repetitio* adhortationis, cum aliqua amplificatione, aptissime, ut facile cernitur, subjuncta, ita sonat, vers. 35. *Date robur*, vel *laudem & gloriam*, *Deo excelso Israelis, cujus excellentia & robur in subtiliore æthere.* Cum modo dixissent qui hic loquuntur, Deum dedisse voce sua *vocem laudis*, recte repetunt adhortationem, qua regna mundi excitant, ad hanc *vocem laudis*, quam Deus dederat, vel cujus occasionem & materiam præbuerat, Deo reddendam. Dirigitur itaque sermo ad *regna mundi*, & adhortatio superior repetitur; cum dicitur, *date robur*, seu *laudem & gloriam*, uti modo: *cantate & psallite*: quod idem est. Repetitur quoque descriptio Dei laudandi, quum Deus repræsentatur tanquam *Dominus Israelis, cujus excellentia & robur est in subtilissimo æthere.* Sic enim voces ca-

piendæ sunt, & intelligendæ. Phrasis itaque *יְהוָה יְהוָה* co-
hæret cum Deo, ut recte Chald., & supremum Israelis
Dominum excelsissimum denotat: sicut *יְהוָה* subinde sumitur,
ut & *excelsi* designet, & *Dominum* ac protectorem. Ita
pro *excelsi* sublimi sumitur, 2 Sam. xxiii: 1. Hof. vii: 16.
xi: 7. pro Domino & præposito, Jes. xiv: 12. a, denique
pro *defensore*, Zach. xii: 2. Ita hoc loco omnes illos signi-
ficatus conjungere licet, ut *יְהוָה יְהוָה* sit sublimis Israelis, si-
mul ejus Dominus & protector: quemadmodum & forte
Zach. xii: 1. *sententia gravis verbum Jehovah יְהוָה יְהוָה excelsi*
& *protectoris* Israelis. Respondet quoque nomen *יְהוָה*, quo
Deus insignitur in Script. Ceterum *excelsus Israelis*, titulo
hac in latitudine sumto, hic adpellatur Deus, a regni
terræ celebrandus, 1. respectu *Jacobi*, patriarchæ, cui sese
præstiterat *Goalem*, & redemptorem ab omni malo. Gen.
xlvi: 16. per quem *benedictio*, Abrahamo promissa, ad
posteriores ejus, ac ipsas Gentes, in semine ejus benedicen-
das, devoluta est. 2. respectu *Israelitarum*, Jacobi poste-
riorum, quos tuitus est, defendit, & valde extulit, Jes.
lxiii: 9. & alibi sæpe, 3. denique Ecclesiæ Christianæ, ex
Israele primum *collectæ*, dein *Spiritualis* & veri Israelis,
etiam ex Gentibus congregati, factæ; quare nomine *Israe-
lis* passim apud Prophetas venit; & *Israel Dei* adpellatur,
Gal. vi: 16.

§. XCVIII. Ultimæ voces, *excellencia ejus* & *laus ejus*,
vel robur, in *subtilissimo athere*, aliquid habent ambigui, in
relat. ejus latentis, quod & ad *Israelem*, & ad *Deum* re-
ferri potest. *Priore* ratione vertendæ voces sunt, date glo-
riam Deo, excelsi Israelis patrono, *excellencia ejus* &
robori ejus in summo athere, adeo ut epitheton Dei conti-
neant respectu Israelis, *cujus excellencia* & *robur* diceretur
Deus *in athere*; qualem sese antea Israeli, proprie dicto,
præstitit, & nunc sub N. T. *Israeli* secundum Spiritum, seu
Ecclesiæ Christi. Quam interpretationem commendat,

I. struc-

a Vid. Vitringa ad L. c.

1. structura vocum, quæ eo sponte tendit; absque ut aliqua opus sit ellipsi. 2. Locus similis, ad quem hic forte respicitur, Deut. xxxiii: 26. ubi Deus dicitur *coelos equitare in auxilium Israelis, & in excellentiam ejus ætherem*. 3. Vox *אֶתֶר*, quæ non solet supremum coelum, sed *ætherem*, aut coelum *æthereum* significare: qua manu quasi primo sensu ducimur ad Israellem, litteraliter dictum, pro quo Deus ex æthere & nubibus pugnavit, cum nunc sub N. T. insideat *coelum* supremum; ut vers. 34. habuimus. Pertinent itaque verba, hoc adsumto, primo sensu ad Israellem, & excelsum ejus patronum accuratius describunt; sed *secundo* sensu ad Israellem Spiritualem, cujus excellentia quoque est & *robur in purissimo æthere*, pro supremo coelo sumto, sensu latiore. Vox enim *אֶתֶר* a radice, quæ proprie dicit *subtilius trivit*, & adtenuavit in pulverem minutissimum, ut docuit Cl. Schultens *a*, inde ad *subtiliorem ætherem* transferatur, & a *אֶתֶר*, quæ vox *spissas nubes* denotat, distinguitur, Deum vero optimo sensu adpellari *excellentiam* & *robur* populi sui, quatenus excelsus ejus est, gloriosus ac potentissimus, rex & patronus, non opus est, ut exponam aut demonstrem. Sed *relat. ejus*, quoque ad Deum referri potest, per ellipsin frequentissimam *וְהוּא*, ut sit, *Deo excelsus Israelis, cujus est excellentia & robur in subtilissimo æthere; seu coelo supremo*. Quemadmodum Ps. viii: 2. *Jehova, Domine noster, quam magnificam est nomen tuum per totam terram, cujus domicilium Majestatis tue fixum super coelos*. Ubi vid. comm. noster. Repetitur itaque, cum ipsa adhortatione, epitheton Dei, vers. 34. memoratum, tanquam ratio & materia laudationis Dei. Uterque sensus conjungi poterit, & ambiguitas studio conseri captata; ut sæpe alias.

§. XCIX. III. Conclusio Ps., quæ superiorum recapitulationem & laudationem Dei continet, a poeta ipso subjuncta, ita habet, vers. 36. sermone ad Deum verso. *Venerandus tu, o Deus! e sanctuariis tuis, Deus Israelis tu ipse idem,*
dan;

a ad Prov. xxiii: 30.

dans robur & compactiones solidas ac plenas populo. Benedictus Deus! Verba sunt poetæ, Pl. concludentis, quibus, Deum adlocutus, ex superiorum operum in gratiam populi sui consideratione, ipsum celebrat, tanquam *verendum*, summa Majestate, potentia & gloria, fulgentem, & omnibus reverentiam incutientem, seseque talem manifestantem *e sanctuariis* suis, sive in terra, ut inter Israelitas propriè dictos, sive in coelo, ut sub N. T., quique Deum Israelis sese præstat semper *eundem* & invariabilem *populo*, κατ' ἐξοχήν sic dicto, Israeli veteri & novo, dantem *robur*, & *solidas ac copiosas compactiones*; in eo roborando, multiplicando, ditando, & consummando; adeoque dignum, cui accinatur in perpetuum, *benedictus sit Deus*. Quibus verum verborum conspectum & amplitudinem exposui, adeo ut uno alterove defungi possim observato. 1. *Primum* est, continuum institui ad Deum adloquium, secus ac vulgo putatur. Personam enim subito mutari, communiter censetur, adeo ut in principio sermo ad Deum flectatur, sed mox de Deo fiat. Quod non necesse est, & nimis videtur desultorium, in seq. vero æque *tu* suppleri potest, ac in primo membro, ubi illud fieri debet, si adloquium ad Deum continuet, uti passim admittitur. Audiendi enim non sunt, qui in primo quoque membro *Israelem* suppleant. *Sanctuariorum* enim longe rectius *Dei*, ac Israelis, dicuntur, &, ad Israelem dirigi sermonem, nullo patet indicio. 2. Cum in superioribus mentio fuerit facta *duplicis* Dei sedis, & in montibus Sinai ac Tfionis, & in coelo; numerus plur. *sanctuariorum* Dei verum suum significatum retinere debet, nec de *sanctuario* per excellentiam intelligi: ut facile patet. 3. Voces, *Deus Israelis ipse*, secum sunt construendæ, & per ellipsin pronomini *tu* supplendæ: duplicem verofundunt sensum, Deum scilicet *Israelis* eum esse, simul semper *eundem* & invariabilem, *cum* Veteris, *tum* Novi Israelis. Quam potestatem etiam alibi habet κατ' α, uti Ps. cxi;

28.

a Vid. ad Ps. XLIV: 3.


28. Denotat etiam excellentem, magnum & illustrem, ut Jer. XLIX: 12., & pro epitheto Dei sumitur *a*. 4. Vox מִרְיָן est amplissimæ significationis, qua non *robur* tantum, sed & *copiam* ac consummationem denotat, a propria *effis* potestate, unde ad *robur* & *multitudinem* transit; ut probavit Bootius *b*. Denique magnum, pretiosum, dicit, Pf. cxxxv: 10. *c*. nec non *consummationem*, a numero solidato & pleno, forte, quod *os* fuerit adhibitum in summis computandis, uti idem *d*, conjicit. Quæ omnia hic conjungi possunt. Denique 5. vox עַם absolute & cum *n* emphat. dicit *populum* Dei eximium, Spiritualem æque ac *carnalem*; cujus utriusque fata læta in hoc Pf. fuerunt celebrata.

a Vid. ad Pf. XVIII: 32.

b Animadv. f. l. IV: c, 11.

c Vid. Schultens ad Pf. cxxxix: 17.

d ad Job. xxi: 23.





P S A L M. LXIX.

1. *Præfatio super Iehasbannim, Davidis.*
2. *Serva me, Deus! quia supervenerunt aquæ usque ad an-*
imam.
3. *Immersus sum in lutum vehementer astuans, nec locus stan-*
di est, intravi profunda aquarum, & fluxus inundat me.
4. *Hiasco in clamare meo, adustum est guttur meum, consum-*
ti sunt oculi mei; patienter expectans sum Deum meum.
5. *Spissi sunt præ capillis capitis mei ofores mei frustra, fir-*
miter compacti sunt præ cincinnis meis hostes mei falso: quod
non rapui tunc, restituiam nunc.
6. *Deus! tu nosti crassam meam stultitiam, nec reatus mei*
te latent.
7. *Ne pudefiat in me expectantes te, Domine Jehova exer-*
cituum! ne ignominia frangatur in me quærentes te, Deus
Israelis!
8. *Quia propter te, tult approbium, obcecit contumelia faciem*
meam.
9. *Fastiditus fui fratribus meis, & peregrinus filiis matris*
meæ.
10. *Quia, vel quamvis, zelus domus tuæ me consumsit, &*
vel attamen, opprobria Te probro adficientium ceciderunt
super me.
11. *Et compressi in jejunio animam meam, fuitque mihi oppro-*
brio.
12. *Et dedi vestimentum meum saccum, & factus sum ipsis*
proquerhiis.
13. *Ex-*

13. *Exspatiantur in me sedentes in porta, etiam modulationibus potatores sicera, vel modulationes sum potatoribus scetæ.*
14. *Et, vel at, ego, precatio mea ad Te, Jehova! tempore complacentiæ, o Deus! in spissitate beneficentiæ tuæ responde mihi, in firmitate salutis tuæ.*
15. *Extrabe me e luto aestuante, & ne inmergas, vel inmersus peream, vindicatus liberer ab osoribus meis, & e profundis aquarum.*
16. *Ne inundent me fluitus aquarum, & ne absorbeat me aestuatio vehemens, & ne circumvinciat super me patens os suum.*
17. *Responde mihi, Jehova! quia uberrima est benignitas tua, secundum multitudinem miserationum tuarum respice me.*
18. *Et ne velo faciem tuam obtegat a servo tuo; quia arduum mihi, festina responde mihi.*
19. *Adpropinqua ad animam meam, libera eam, propter hostes meos redime me.*
20. *Tu nosti opprobrium meum radens, perplexum meum pudorem, & calumniam meam frangentem: coram te sunt hostes mei coarctantes.*
21. *Opprobrium fregit cor meum, & animi pendeo. Et exspectabam condolere, sed nihil simile; & consolatores, sed non inveni.*
22. *Et, vel quin, dederunt in cibum meum amarissimam herbam, & ad sitim meam potarunt me aceto.*
23. *Sit, eritque, mensa ipsorum coram ipsis in laqueum, & ipsissimæ paces, seu id quod ad paces, in tendiculum.*
24. *Stricti obtenebrentur oculi ipsorum, ne videant, & lumbos eorum jugiter flexos & vulsos redde.*
25. *Effunde super ipsos spumantem tuam iram, & aestus nasi tui se adnectat iis hostiliter.*

26. *Sit arx ipsorum fiderata, in tentoriis eorum ne sit habitator.*
27. *Quia sicut quem tu percussisti persequuntur, vel, quia tu percussisti qui persequuntur, & ad luridum vulnus profanatorum tuorum adnumerabunt.*
28. *Da iniquitatem super iniquitatem eorum, & ne veniant in tuam justitiam.*
29. *Deleantur e libro vitarum, & cum justis ne scribantur.*
30. *Et, vel at, ego depressus & luctans; salus tua, o Deus! exaltaverit me;*
31. *Laudabo nomen Dei cantico, & magnificabo ipsum confessione, seu protensa celebratione.*
32. *Et placebit, vel suavis odoris erit, Jekhova, præ bove, juvenco cornificante, ungulas dividente.*
33. *Viderunt mansueti letabuntur, quærentes Deum, etiam vivat cor vestrum.*
34. *Quia audit pauperes Jekhova, & vincitos suos non spernit.*
35. *Laudent ipsum coeli & terra, maria & quicquid se in eis vibrat.*
36. *Quia Deus servabit Tzionem, & ædificabit urbes Jude, & habitabunt ibi, & hæreditabunt eam.*
37. *Et posteritas servorum ejus cretam tenebunt eam, & amantes nominis ejus tentoria figent in ea.*

P R O L E G O M E N A.

§. I.

Argumentum præclari & utilissimi hujus Ps. est, Viri illustres, servi Dei titulo conspicui, in quem piorum oculi erant defixi, tanquam publicum fructus pietatis exemplum,

plum, ex cuius forte infelice confusione, & felice consolationem ac spem suam, concipiebant, simul pietate in Deum præditi singulari, ita ut *zelus domus Dei ipsum consumserit*, innocentis præterea & probi coram hominibus, licet ab omni peccato non puri, sed Deo reatu suo obstricti; nunc in summam ac desperabundam, simul probrosam valde, calamitatem per hostes & ocores, quorum ingens erat multitudo, coniecti, & ab iis in eo statu illusi, ac probris lacerati, tanquam esset hypocrita, & sceleratus, ab ipsis amicis & arcta consuetudine conjunctis deserti, & contenti; denique gravi adfecti per hanc afflictionem tristitia, & de sorte sua dubii, vel anxii; talis, inquam, viri, in eo statu positi, *oratio* ad Deum, qua 1. miserabilem suam conditionem, modo in genere expositam, vivis depingit coloribus, 2. citam suam liberationem, additis rationibus moventibus, inplorat, 3. hostium inpiorum & obstinatorum exemplarem poenam ad eorum destructionem supplicat, ad vias Dei, quibus persecutores publice solet percutere, & e medio tollere, provocans; 4. denique consequentia, Deo gloriosa, piis salutaria, & Tſioni ac Judæ prospera, inde oritura, recenset.

§. II. Cujus argumenti ut uberius & clarior sit intellectus, personæ loquentis, ejusque status & affectionum, *criteria*, in Ps. obvia, in lucem proferam. 1. *Primus* character, ad personæ dignitatem & excellentiam pertinens, habet; eam non esse vulgarem, sed publicam, singularem, & in medio populi eminentissimam. Cujus indicium in eo est, quod *seruus Dei* κατ' ἐξουσίαν adpelletur, vers. 18. quodque ab eius forte suspensa sit vel confusio, vel consolatio iustorum ac Dei studioforum, vers. 7 & 34, præterea ejus persecutio, & insultatio gravissimi judicii reatum mereatur; ut ex imprecatione hostium ac persecutorum patet, vers. 23--; denique, quod Tſionis salus cum personæ hujus liberatione esset conjuncta, vers. 36, 37. 2. *Secundus*, ad qualitates ejus morales, & vitam, quam duxerat, spec-

tas, habet *a.* eam fuisse pietate erga Deum valde illustrem, & præclara ejus dedisse specimina in *domo Dei*, ejusque cultu, reformando & exornando, jejniis, precibus, aliisque devotionis religiosæ exercitiis, vers. 10—12., adeo ut piis fuerit ante oculos versata tanquam pietatis præclarum exemplum, vers. 3., & impiorum suscitaverit invidiam, eorumque calumnias produxerit, vers. 9. &c. *β.* præterea coram hominibus *innocentem*, *probam*, & a criminibus, ipsi impactis, & quare odio habebatur, puram: vers. 5. *γ.* nec tamen coram Deo plane innocentem, quin reatu ipsi obstrictam, sive proprio, sive alieno, & ipsi impunito, vers. 8. De quo suo loco disquiram. 3. *Tertius*, ad statum ejus externum, in quo nunc versabatur, respiciens, fert, eam *a.* gravissima, quia desperabunda, & probrosa admodum calamitate, ad violentam necem tendente, fuisse oppressam, vers. 1—4., nec non vers. 15 &c. *β.* ab hostibus & invidis popularibus, non extraneis, profecta, & per probra ac contumelias adgravata: vers. 5, 8. & seq. 15, 20. & seq. *γ.* quæ ipsa conspectum præbebat judicii Divini, ipsi incumbentis; quod vers. 6. innuitur, & ex contumeliosa ejus exprobratione vers. 10— elucescit: num vero ipsis verbis directe exprimitur vers. 27., quod vulgo putatur, postea suo loco disputabo. 4. *Quartus* character, habitum & statum animi in mediis hisce afflictionibus repræsentans, habet, eam fuisse summa tristitia, & solitudine anxia super eventu, adfectam, consolatione non tantum ab aliis non erectam, sed contra ab ipsis amicis intimis desertam, vers. 9., & ab aliis insultatam, vers. 21, 22. attamen in præsentia majore animatam fiducia, ita ut hostium destructionem, & sui liberationem, in solatium piorum, ac Tſionis salutem, animo anticipaverit, & futuram esse præviderit. Quo tota pericopa, vers. 23., ad finem, manifeste tendit. 5. *Quintus* & ultimus character, ad autores, vel fautores, calamitatis pertinens, eos ob oculos sistit, *a.* ingentem numerum facientes, vers. 5. *β.* populares, etiam

etiam aliquos amicos intimos, vers. 9. 7. pietatis & devotionis osores, & irrisores, vers. 10—. 8. dignitate & potentia illustres, vers. 13, 26. 1. denique laute & luxuriose degentes, vers. 13, 23—.

§. III. Videamus de *tempore* & *occasione* Ps. Licet non David, sed Messias de se loquens hic introducatur, quæ communior est hypothesis, de qua mox accuratius disputabo; cum tamen David sit ejus autor, & nusquam directe indicet, se aliam sistere personam loquentem, sed ubique primaturatur persona, dubium non est, quin ad se, statumque suum, continuo alludat, & sibi quoque rationem haberi velit, adeoque exiliore & umbratico sensu de se quoque loquatur; *occasionem* Ps. in Davidis statu esse querendam, dubium mihi non est; maxime, cum hic ille aliquid fuerit insertum, quod Davidis personæ rectius convenit. Quo in statu vero fuerit, quando ad hoc canticum componendum excitatus est, ex *characteribus*, modo in medium adlatis, judicari debet; cum inscriptio Ps. de eo nihil habeat. Duo vero *tempora* hic tantum in censum venire queunt, ut facile perspicitur, alterum infestationis Sauli, alterum Absolomi. In quod utrumque licet characteres, modo educti, maximam partem recte quadrent, adeo ut difficilis videatur electio; nonnulla tamen sese hic offerunt, quæ posteriorem calamitatem designant: quæ strictim exhibebo. 1. Primum est, quod vers. 5. in phrasi, *quod non rapuerunt, nunc restituiam*, sic enim verba vertenda sunt, respicere videatur ad regnum e domo Sauli ad ipsam translatum, quod calumniose traducebatur, tanquam a Davide raptum, cujus facinoris nunc poenas laere debeat, regnumque sibi eripi visurus. Quæ ipsissima fuit calumnia Simei in Davidem, coram Absolomo fugientem. 2 Sam. xvi: 8. 2. Secundum est, quod confessio *stultitiæ* & *reatus* sui, quæ calumniæ mox subjungitur, vers. 6. eo quoque tendere videatur, ut praesens calamitas, tanquam peccatorum suorum consequens, adeoque iudicio Dei in se, ex parte adscribenda, considerata sit. Quod in post-

eri-

erius exilium recte, minus in prius, quadrat: Conf. Pf. XVIII: 21— & alibi, 3. *Tertium* suppeditat commemoratio *flagrantis studii in domum Dei*, quo se celebrem reddiderat, vers. 10. Quod utique longe rectius in tempora ante Absolomi, quam Sauli, persecutionem, convenit: uti facile cernitur. 4. *Quartum* est, quod tempore afflictionis posterioris majore quoque emphasi dicere potuerit, se *fratribus & filiis matris suæ* fuisse peregrinum, vers. 8. cum ab ipso filio fuerit ad necem quæsitus, & ab ipsa tribu Juda, seu tribulibus suis, ex eadem matre progenitrice secum natis, desertus; tempore vero Sauli domus Patris, & fratres se ipsi adjunxerint. Conf. 2 Sam. XVI: 11., & XV: 12., ubi Achitophel, & ipse e tribu Juda, cujus erat urbs Gilon, Jos. XV: 51., intimus Davidis amicus, partes Absolomi sectatus legitur. Denique tribules Judæ, Davidem reduc-turi, diserte fatentur, se *regi* esse reliquis *propinquiore*s, 2 Sam. XIX: 43., ipse David, ut eos excitaret ad se ante omnes reducendum, adpellat eos *fratres suos*, *de osse & carne sua*, ib. vers. 13., plane ut nostro loco, *fratres & filios matris suæ*. 5. *Quintum* est, quod *animam* suam confiteatur esse *fractam* per opprobria, quæ patiebatur, seque *animi pendere*, de felici eventu anxium, vers. 21. uti verba capi-enda sunt: quod etiam majore emphasi tempore Absolomi expertus est in principio, uti liquet ex 2 Sam. XVI: 12., XV: 26. 6. *Sextum* exhibet prius membrum, vers. 27. si ver-tatur, *tu es qui percussisti eos qui persecuti sunt*, de quo suo loco; cum manifeste respiciat ad persecutores præcedentes a Deo punitos, Saulum, ejusque domum & socios; quo imprecationem recte urget, ut fecit Pf. III: 8. in simili ode. 7. Denique, si ultima pericopa non sit recentioris temporis, postea a Judæis in libertatem ex gravissima calamitate adlertis, addita, de quo suo loco videbo, mentio *Tsionis*, vers. 36, indicium præbet temporis post Saulum, quum David in Tsionis possessionem jam esset inmisus. Quæ ratio sola movit Rev. Foord, ut postea vidi, ad hoc ipsum tem-pus Psalmo adsignandum.

§. IV. Hæc criteria faciunt, ut in eam inclinem sententiam, Ps. tempore afflictionis Absolomicæ esse compositum: cui non obstat, quod tam desperata tunc non videatur fuisse Davidis conditio, qualis hic depingitur, nec tam terribilis inprecatio, qualis occurrit, vers. 23., a Davide proferenda in Absolomum, & ejus socios: *cum* quod calamitatis descriptio ad initium fugæ ejus coram Absolomio respiciat, quando omnia videbantur desperata, & David animo esset fractus, ut mox dicam; inprecatio vero sit prophetico magis Spiritui, quam sedato ejus animo, adscribenda: *tum* in primis; quod non tam se, quam Messiam per Spiritum propheticum depinxerit, & hostium ejus miseram sortem delinquerit: unde repetendum est, quod colores sint fortiores, quam fuissent, si de se tantum fuisse locutus. De quo postea.

§. V. *Tempus* itaque afflictionis sub Absolomo huic Ps. adsignandum esse censeo, quod aptissimam præbebat *occasionem* sese in hanc orationem effundendi, sive ad Davidem, sive ad Messiam referatur; cum a statu suo facile ad Messiam statum representandum potuerit excitari; quemadmodum, Ps. xl, nec non cx. ac aliis in Ps. factum est; *cum* quod typum Messiam in eo statu gesserit, *tum* quod ex illa meditatione ingens solatium carpere posset, maxime cum *passio Messiam sit omnis spei & salutis*, etiam Davidis ac veterum fidelium sub V. T., fundamentum; uti constat. Sed illud in specie *tempus*, quo afflictio ad summum venerat, & in melius vergere incipiebat, ac David animosior factus erat, in censum venire, autumaverim, ita ut calamitatis, & adfectionis animi ejus, descriptio respiciat ad tempus paulo præcedens, qua ob oculos posuit, in quantam miseriam & tristitiam fuerit conjectus, unde nunc respirare incipiebat, cum Ps. composuit; adeo ut hostium destructionem, & gloriosam suam liberationem, cum ejus consequentibus lætis, mente anticipaverit. Pericopa utique, vers. 23. incipiens, talem animum spirat, non jam amplius fractum

tum & anxium, sed spe & fiducia plenum: ut facile patet, & suo loco exponam.

§. VI. Ex dictis cum de *scopo* & *usu* Pf. facile constet, paucis poterò defungi. *Scopus* enim est, ut facile colligitur, 1. salutare illam & summi momenti *doctrinam* inculcare, cum generalem illam, de justitia & gratia Dei, in improbis persecutoribus piorum severe puniendis, & piis afflictis tutandis ac eripiendis, tum specialem de Messia passionibus, ac glorioso earum eventu, spei quoque Veterum, ac omnis liberationis & salutis, fundamentum. 2. pios *partim* instruere & docere, eos in gravissima sæpe incidere pericula, & acerbis subire debere improborum vexationes, ne inde colligant, se Deo minus esse amatos, aut de pietatis studio quid remittant, *partim* consolari spe liberationis, quam Deus, cum res ad summum venit, concedere solet; *partim* formulam querelarum & precum in eo statu fundendarum in manus tradere, prudenter tamen utendam; ne sibi, quod prophetis ecstaticis, licitum esse putent, hostes suos qualescunque diris carminibus petere. De quo plura dicam ad Pf. cix. Denique 3. *impios* a piis vexandis abstertere, iudicio Divino ipsis ob oculos posito, in specie respectu Messia; quem si tam scelerate tractarent, uti in factis erat; extremam ruinam reip. & suam expectandam haberent. Ob quas & similes rationes alias dignus erat Pf., qui in sacrorum exercitio publice caneretur; cui usui eum destinatum fuisse, inscriptio, *præcentori super Schemschannim*, docet. De quo dixi ad Pf. xlv.

§. VII. *Structura* Pf. nihil habet singulare, nec *stylus* quid inediti. Sermo continuo vertitur ad Deum, & conspectum querularum precum ad Deum fusarum præfert: tantum in ultima pericopa, vers. 33— quæ Pf. quasi adplicationem continet, sive a poeta, sive ab aliis factam, pii & iusti objectum orationis constituunt, rei natura id exigente, cum dicta ibi ad pios adplicentur. Planus vero est, sed adfectuosus & emphaticus, ejus stylus, simul simplex,

simplex, una alterave tantum figura illuminatus, sed facillima & usitata, ex loco moræ Davidis, circa Jordanem, quem tunc transiit, forte nata. *Generales* Ps. partes, quæ sponte sese offerunt, tres sunt. I. *Prima* est oratio querula & supplicatoria ad Deum, a viro pio, summe afflictio, facta, pro cita & gloriosa liberatione, vers. 2—22. II. *Secunda* est prophetica imprecatio improbis suis persecutoribus, singulari Dei judicio delendis, vers. 23—29. III. *Tertia* exhibet consequens & usum liberationis impetratæ respectu ipsius afflicti, & aliorum piorum, vers. 30—37. Partes speciales postea, suo loco, recensabo.

A N A C R I S I S.

§. VIII. Interpretes circa personam loquentem, qui ardiri merentur, in duas fere scinduntur partes; alii enim primo & directo sensu ad solum Messiam in gravissimis passionibus suis referunt; alii primo sensu ipsum Davidem in summis angustiis positum, quas non definiunt, intelligunt, sed secundo, sive emblematico, sive typico, Christum & ejus Ecclesiam; adeo etiam, quod nonnulli addunt, ut David in sua persona Christi passiones delineaverit, cum Christi fuerit & progenitor & typus. Ita fere Junius a, Calvinus, Bucerus, Piscator, Mollerus, Amyraldus, Angli commentatores, Muysius, alii, Jungmannus b quoque ab objectionibus Calovii vindicavit. Nostræ hypotheses huc redeunt. a. *Prima* est, Spiritum propheticum, quo David in hoc Ps. faciendo fuit ductus, ejus meditationes & verba ita direxisse, ut non tam suæ personæ quam Messiae, in extremo passionum a morte proximi, lineas duxerit. Rationes sunt sequentes, a. Quia Evangelistæ & Apostoli non tantum nonnulla hujus Ps. ad Christum & hostes ejus accommodarunt, sed, & implementum in iis consecu-

D d . 2 .

fecu.

a Parall. 65. lib. 1.

b Ad Dan. 1. 11. sect. 2.

secuta esse, dixerunt. Joh. 11: 17. xv: 22. xix: 28. Act. 1: 20. Rom. xi: 9. xv: 3. Imo Christus ipse, ut, quod hic vers. 22. habetur, impleretur, dicitur, *situm* suam declarasse, & potum petiisse, Joh. xix: 28. Quæ, ni fallor, clare indicant, Messiam patientem in hoc Pl. secundum Apostolorum opinionem, quæ utique falli nequit, fuisse repræsentatum. *β.* Quia nonnulla hic occurrunt, quæ non nisi in Messia veram suam emphasin, & inplementum, nacta sunt. *a.* Primum est, quod *propter Deum*, ejus tantum, vel præcipue, causa, probris addiciatur, vers. 8. *b.* Secundum, quod *zelus domus Dei* ipsum non agitaverit tantum, sed *consumserit*, adeoque causa & ratio mortis extiterit, vers. 10. *c.* Tertium, quod, loco consolationis, ipsius dolores auxerint non tantum, sed *absinthio ac aceto cibaverint & potaverint*, vers. 22., quod ad litteram in solo Messia veritatem habuit. *d.* Quartum, quod piorum spes & expectatio ab ipsius liberatione fuerit suspensa, vers. 7. & Tisionis salus inde orta, vers. 36., nec non materia jubilationis *coeli*, & *terrae*, vers. 35. *e.* Quintum, quod neminem habuerit, qui ipsi aliquid dederit solatii, vers. 21., argumento, ipsum ab omnibus fuisse desertum. *f.* Sextum est, quod hostes & persecutores ejus totale excidium a Deo meruerint, illudque ipsis inprecari potuerit persona patiens, vers. 23. &c.

§. IX. *a.* Secunda hypothesis fert, Messiae, ejusque status & adfectionum, descriptionem ea ratione esse a Spiritu directam, ut in præsentem Davidis statum quoque, licet tenuiore sensu, conveniat, imo nonnulla fuerint permixta proferri a Davide, quæ ipsum magis, quam Messiam, characterizent. *a.* Præterquam quod prima utatur ubique persona, nec usquam, aliam personam introduci loquentem, indicetur: nihil de Messia hic dicitur, ipsi ita proprium; ut non simile quid in Davide fuerit. Nihil hic de excellentiore Messiae natura, qua Davide erat superior, tanquam *Domini* ejus, nihil de passionibus Messiae eximie vicariis, aut meritoriis, nihil expresse de aliorum reatu ipsi imputato, hic

hic occurrit. Quicquid de Messia habetur, Davidi quoque congruit, & alibi ipsi tribuitur; ut recte Jungman. contra Calovium demonstravit ex aliis Psalmis: ipsa etiam explicatio, recte instituta, evincet. *b.* Nonnulla sese hic offerunt, quæ in Davidem directius, & majore emphasi, quadrant, quam Messiam, cum in finem Davidi permissa effari, ut, ejus quoque rationem in hoc Ps. habendam esse, patefceret. Possunt & debent etiam ad Messiam adplicari, sed alio sensu, Davidi magis proprie & directe conveniunt. Sunt autem sequentia, quæ simpliciter recensebo, postea magis explicanda. 1. *Primum* est, quod, secundum hostium calumnias, *nunc restituere* deberet, quod *antea rapuerat.*, vers. 5., uti verba capienda esse docebo. Quo directe ad regnum, Saulo ejusque domui ereptum, respicitur, cujus nunc poenas lueret secundum hostes. 2. *Secundum* est, quod vers. 6. sibi coram Deo adtribuat *stultitiam & reatum*, tanquam cujus ratio in hac afflictione sibi inmissa a Deo habeatur. 3. *Tertium* in devotionis signis externis, *jejuniis & sacco*, ab hostibus illis situm est, vers. 11, 12. Quæ in Davidem magis proprie conveniunt. 4. *Quartum* est, quod phrasæ, quæ liberationis ab afflictione petitionem continent, vers. 15, 16., directius in mortis deprecationem quam resurrectionem ex morte, conveniant. 5. *Quintum* est, quod propriæ animæ redemptionem David rectius quam Messias supplicare possit, vers. 19. 6. *Sextum* habet, quod etiam urfit Junius, tanquam de Davide proprie, de Christo figurate, dictum, Davidem majore emphasi, quam Messiam, dicere potuisse, *animum suum esse fractum; & se pendere dubium*; ut voces intelligendæ sunt; vers. 21. 7. *Septimum* suppeditat ratio, qua hostes esse a Deo puniendos urget, desumpta a superioris temporis judicii Dei in persecutores, vers. 27., si hæc vera sit verborum interpretatio: de qua postea disquiram. Digito enim tunc quasi monstraretur judicium Dei in Saulum, ejusque domum & socios. 8. *Octavum* demique est, quod vers. 32. innui vi-

deatur, cultum ritalem sacrificiorum adhuc locum habere, & exercendum esse.

§. X. 1. *Tertia* hypothesis est, Davidem, vel, sese ad querelas suas super calamitate sua, ab hostibus inflata, & preces pro liberatione sua, ac hostium prostratione, coram Deo effundendas, adcingentem, a Spiritu prophetico fuisse ad altiora evectum, & Messiae passionem verius quam suas depinxisse, sed cum perpetua ad statum & adfectionem suas adlusionem; sicut Ps. XLV & LXXII., respectu Salomonis omnino factum est, ne alia memorem exempla, vel, in suis afflictionibus ac animi adfectionibus describendis ita fuisse, ductu Spiritus, versatum, ut eas Messiae simul, tanquam in tabella, depinxerit, nonnullis inmixtis, quae Messiae directius conveniunt; tanquam totidem caracteristicis indicibus sensus sublimioris: quemadmodum in verbo prophetico, duplici sensu, Litterali & Spirituali, conjuncto, fieri saepe adsolet. Quae hypothesis, sicut ex duabus praecedentibus sponte fluit, & eas secum conciliat; ita nihil habet, quod offendant, contra quo se commendat, cum Davidis & Messiae personae haud uno nexu cohæreant; uti notum est, tanquam Patris & filii, typi & antitypi. Accedit, meditationem passionum Messiae statui ejus praesenti esse aptissimam, ad ipsum consolandum & erigendum, cum illae passionem Messiae fundamentum essent omnis liberationis & salutis, simul fidei & spei piorum, ipsius in primis Davidis, objectum. Quam ob rationem eas inseruit Ps. XL. post liberationis suae e manu Sauli & exaltationis commemorationem, & ante afflictionem suam sub Absolomo descriptionem, ut ad eum Ps. fusius demonstravi & exposui. Quem ipsum conspectum gerere solent pericopae de Messia agentes in verbo Prophetico.

§. XI. 1. *Quarta* itaque hypothesis, ex praecedentibus sponte sua sese offerens, habet, Psalmum ita esse exponendum, ut sensu exiliore & umbratico Davidi, coram Absolomo fugienti, quo tempore eum demonstravi esse com-

compositum, adplicetur, sed magis emphatico ac vero sensu ad Messiam, jam jam moriturum, transferatur; cum David in sua persona depinxerit Messiam, seu passiones & adfectiones Messiae cum continua ad suas adlusionem; ita tamen ut alia in se, alia in Messiam directius quadrent, cuncta in utrumque sensu vel exiliore, vel abundantiore, vel litterali, vel mystico. Quæ ex ipsa tractatione, ad quam pergo, fient clariora.

E X P L I C A T I O.

§. XII. In *prima* Pl. parte, quæ preces pro liberatione ex desperata calamitate, variis rationibus urgentibus munitas, complectitur, occurrit, *a.* propositio, vers. 2-4. *1.* ejus deductio, vers. 5—22. *a.* *Propositio* continet, *a.* preces, vers. 2. in initio, *β.* earum rationem, in desperata sitam afflictione, vers. 2-4. *a.* Preces his paucis verbis efferuntur, vers. 2. *Serva me Deus*, h. e. in liberum & spatiosum campum me educ, qui es potentissimus, simul justus & æquus, verus & adorandus Deus. Quibus verbis cum abrupte incipiat, se summopere hac liberatione indigere, & eam ardentius expetere, significat; cum res ad summum venerit, tuti mox exponit. Voces nihil præterea habent, quod nos innotetur. De verbo *propter*, cujus potestas est in *amplitudine* & spatii latitudine, oppositæ ad *angustias*, & nomine *propter*, alibi sæpe dictum est. Aptissime itaque usus est poeta hoc verbo, quod *angustiarum* involvit ideam, quarum mox subiungitur descriptio.

§. XIII. *β.* *Rationem* precum, in gravissima afflictione, unde liberari cupit, sitam, *a.* in genere proponit, vers. 2. *b.* exaggerat & exponit specialius, vers. 3, 4. *a.* In genere, his verbis, vers. 2. *quia supervenerunt aquæ usque ad animam*, h. e. calamitas mea tanta est, ut a vita perdenda, & animo despondendo, proximus sim. Met. desumpta est, ut faci-

facile patet, ab aquis, quæ ad os, seu locum respirationis, adscenderunt, & jam suffocaturæ sunt; adeoque directe indicat supplex orator, se a violenta morte prope abesse, & jam jam *animam* efflare debere; sed indirecte simul, *animum* suum summa adfectum esse tristitia, & adeo defatigatum, ut vix amplius Deum inclamare possit: quod utrumque mox explicatius tradit in deductione, quæ vers. 3, 4. subiungitur, & alterum pericopæ membrum constituit. *b.* In deductione & amplificatione itaque, 1. adffictionem exaggerat, vers. 3. 2. *animi* lassitudinem depingit, vers. 4. 1. Prius his verbis, vers. 3. *Inmersus sum in lutum vehementissime æstuans, nec locus standi est, intravi profunda aquarum, & fluxus inundat me.* h. e. tanta est mea miseria, ut exitum non reperiam, sed mihi certo certius sit pereundum, planeque similis sim homini in profundum aquarum inmerso, qui, æstuanti luto infixus, ubi pedem figere nequit, nec emergere potest, aquis crescentibus inundandus est, & suffocandus. Metaphoræ duæ sunt partes, quarum altera infixionem in lutum æstuans, unde emergi nequit, sed ubi magis subsidendum est, continet, altera luto addit aquarum abundantiam, quæ inundatura & suffocatura est, ne de luto *ficco* cogitaremus. Indicat itaque orator, se plane hære in calamitate, instar hominis in lutum æstuans inmersi, eamque talem esse, ut suffocandus sit, ac mala morte adficiendus. Relegamus nunc verba, &, ubi opus fuerit, illustremus. *Inmersus sum*, inquit, (proprie mergendo *infixus*, & adpactus, ut eluctari nequeam. Radix enim מָצַע proprietatem habet in *pangendo*, unde inter alia *infigere mergendo*, nec non *cadere monetam*, quasi pangendo signare; ac de *annulo*, digito adpacto, & signato, adhibetur a,) *in lutum vehementer æstuans* (vox מְצַע primario significat *æstare*, unde *vini* æstuantis usus in מֶי, & *luti* æstuantis in מֶי, ortus est; ut ad Ps. xl. 3. observavi: altera vox מְצַע non tam *profundum* maris, quam *æstum* sævien-

tem

tem exprimit, a rad. *לר*, quæ Arab. frequentatur in vehementia æstuante, & furore incitato. *Lutum* itaque æstuans vehementissime & furibunde designatur; emblemata quoque motuum gravissimorum, & hostium incitatisime furentium; quorum mox mentio fit, tanquam autorum calamitatis,) *nec locus stationis est*, (sic enim recte vertitur *מקור*; ut a Gejero & aliis jam observatum est. Significat itaque, se in eo statu tueri se non posse, nec inde emergere, sed infixum hædere,) *intravi profunda aquarum*, (h. e. in aquas amplas, latas & altas; ita ut *ad animam venerint*, ut supra dixerat; quod additur ad periculum vitæ augendum, cum non tantum luto æstuanti sit infixus, sed *aquis* quoque obrutus) & *fluxus inundat me* (h. e. prope abest, ut inundet, & absorbeat me fluxus *aquarum*, quas intravi: non enim erat jam inundatus, sed parum aberat, ut dicere potuerit, se jam esse inundatum. Conf. vers. 16. Verbum *פץ* proprie adhibetur de torrente, qui *exundat*, & *præcepserit*, ac sulcos post se relinquit, terramque absorbet a. Vox vero *שלה* laxum & longe protensum aquarum fluxum denotat, a rad. *של* proprie, *laxari*, *elaxari*, & *laxe protendi*, unde *שלה* *spica* frugum laxè protensa, & *שלה* *ramus* oleæ Zach. iv., deorsum quoque pendens ob pondus olivarum, qualem Lat. adpellant *termitem*. Significatur itaque, ipsum in amplas illas & latas aquas venisse per exundationem earum, seseque laxè protendentium, adeo ut ipsum, luto æstuante adfixum, sint absorpturæ, nisi subito eripiantur).

§. XIV. Etsi dubium est, unane an plures, aut duæ, adhibeantur metaphoræ, cum utriusque posset locus esse, adeo ut *una* sit a puteo lutofo, & aquis aliunde adfluentibus pleno, quo vers. 16. tendit, sed *duæ*, altera a solo lutofo, altera a torrente exundante: sensus emblematicus idem manet, qui gravissimam continet calamitatem, ad mortem violentam tendentem, ab hostibus quidem, tanquam auto-

E e ribus

ribus & proximis causis, profectam, sed quæ de *judicio Dei* simul testabatur. *Hosium* mox fit mentio expressa, vers. 4., & 15., & imprecatio vers. 23. etiam satis illud demonstrat. *Manum* vero Dei in eo esse conspicuam, quæ ipsum ob *reatum* feriebat, vers. 6. indicatur, seu tacite innuitur; absque ut tamen aliquid de *ira Dei* sensu expresse habeatur. Possunt quidem *aque exundantes* eo trahi, sed non necessario & directe eo ducunt. Ex quo elucescit, passiones Messiae ea ratione hic describi, ut in statum Davidis quoque conveniant; quemadmodum de sua quoque afflictione eodem fere modo loquitur, Pl. XVIII: 17 & XL: 3. imo de manu Dei iudicis ipsam premente & castigante fortiter loquitur Pl. XXXVIII., ut ibi exposui. Fuit quoque afflictio ejus, tempore Absoloni, gravissima & probrosa, summeque periculosa, utique in principio, cum totus populus contra eum conspiraret; adeo ut ab interitu videretur proximus. Attamen si phrasæ summa fumantur emphasi, non nisi in personam conveniant, quæ in manibus hostium jam versatur, & is elabi non posse videtur, quæque luto adfixa aquis inundantibus est absorbenda. Quo ad Messiam, in ultimis passionibus in cruce morti proximum, ducitur. Stylus itaque ea ratione est concinnatus, ut afflictionis Davidis imago tantum conspiciatur.

§. XV. 2. Animi adfectionem in media hac afflictione his verbis depingit persona loquens, vers. 4. *Hicæto in clamore meo, adfusus est guttur meum, confusæ sunt oculi mei, patienter expectans sum Deum meum.* h. e. Tanto sum afflictionis & periculi adfectus sensu, tam vehementer inlauravi Deum, ut viribus plane defuturus fatiscam, nihilque itaque superest, quam, quod etiam facio, ut lenta & patiente expectatione auxilii Dei mei me consolet. Dividit sese versus in *duo* membra, quorum *prius* continet *clamores* ad Deum, in *summam* lassitudinem & virium defectum deficientes, *posterior* vero *presentem* animi, Deo sese committentis, adfectionem, inde ortam, & nunc unice reliquam.

Prius

Prius his verbis, quæ relegam, ut emphasin eorum ostendam, dein exponam, & adplicabo ad loquentem. *Hiasco*, inquit, *in clamare meo* (h. e. dum querulas cieo & lamentabiles voces, ex intimo meæ afflictionis sensu ortas, tuumque auxilium, o Deus! imploro, animo deficio, & moribundi instar defatigatus decumbo. Verbum *in*, ut sæpe notavi, est in origine *biare*, *biascere*, dein *fatiscere*, delasfari, quasi hiant ore & manu: *clamare* est, tum lamentabiles edere voces, tum inclamare Deum ad auxilium, quod facillimum est: sed *biascere in clamare suo*, est non tantum præ clamoris vehementia fatiscere, sed & durante clamore, & dum in eo est, succumbere sub onere calamitatis periculosa ac probrosa;) *adustum est guttur meum* (scilicet cum vociferationum æstu, tum interno ardore, animum cruciante, quasi excoctum & perustum, instar *foci*, igni adusti; unde met. petita est, Ps. ciii: 4. *Vociferatio* itaque sola hic non attenditur, sed & *astus* interni ratio esse habenda, ex sensu miseræ orti: ut modo exposui,) *consumti sunt oculi mei* (h. e. ad extremum redactus sum, & morti proximus, acie oculorum jam fracta, & viribus destitutus: vid. Ps. xxxviii: 11., ubi de eadem conditione sua agit, & nos exposuimus.) Cuncta itaque eo tendunt, ut se, ad extrema esse redactum, & miseræ sensu enectum quasi, significet. Quod David de se quoque Ps. xxxviii. *emphatice* admodum, eo ipso in statu, ad quem Ps. iste omnino pertinet, ut demonstravimus, fatetur. De Messia quoque ex historia passionum ejus illud satis constat, & majore adhuc emphasi. *Posteriorius*, cujus memini, his verbis effert, *patienter expectans sum Deum meum*, h. e. ad extremam hanc metam redactus, defatigatus & defectus, sortem meam Deo committo, & lenta patientia auxilium ejus expecto: quod est *in*, ut alibi sæpe notavi, & ad Ps. xxxviii: 15., ubi idem eo in statu, hoc ipso verbo usus, de se adfirmat David. Sensus itaque non est, ipsum, *dum expectat Deum*, fatigatum esse, ut accipi solet, sed fatigatum sensu miseræ & clamoribus sese

tranquillasse, & se Deo commississe, ejusque auxilium patienter expectasse in posterum. Voces itaque per se stant, & seorsim capiendae sunt, ut statum animi, post defatigationem illam, exponant, in eo situm, quod patienter & tenaciter nunc expectet Dei auxilium. Quod & Christo, & Davidi recte convenit. Conf. de Davide, 2 Sam. xvi: 12., & de Christo placidus ejus status in cruce, in mortem, cum fiducia adsumtam, transiens, satis testatur. Eodem tendit, quod, non in genere *Deum*, sed *Deum suum*, se tenaciter expectare, declaret, ut fiduciam suam in Deum, ejusque fundamentum, in relatione sua ad Deum situm, exponeret: quemadmodum quoque Messias, jam jam moriturus, dixit, *Pater, in manus tuas trado Spiritum meum.*

§. XVI. 1. In propositionis *deductione*, vers. 2-22. a. praemittuntur quaedam rationes moventes ad Deum excitandum, ut afflictum liberet, & preces exaudiat, cum dignus sit, qui eripatur, & votorum compos fiat, & relationes ejus ad pios ac Dei studiosos id requirant, simul Dei & cultus ejus inter sit, ne in contemptum veniat, ut id fiat: vers. 5-12. In qua pericopa, a. provocat ad innocentiam suam coram hominibus, qui ipsum persequiebantur, simul confitetur reatum suum coram Deo, vers. 5, 6. ubi 1. se sine causa ad necem quæri, & innumeros habere hostes, purum in primis esse a crimine, sibi impacto, declarat vers. 5. his verbis: *spissi sunt præ capillis capitis mei osiores mei frustra, firmiter compacti sunt præ cincinnis meis hostes mei falso; quod non rapui tunc, restituam nunc.* h. e. misericordia tua, & prompta ope dignus sum, o Deus! quod hostes mei innumeri sint, & firmiter compacti, uniti ac potentes, qui me sine causa, & falso, accusant, ac persequuntur, adeo ut nunc restituere debeam, quod antea non rapui, adeoque innocens, & falso crimine obrutus, persecutionem patiar. Quæ ut intelligantur, 1. observandum est, hostes hic proponi & describi a copia & firma compactione, majore quam capilli sunt capitis, & cincinnati. Verbum רכב, ut רכה, pro-

proprieta-tem habet in *concreſcendo*, quando res aliqua ſpiſſatur & denſius concreſcit, unde inter alia transfertur ad ſpiſſam multitudinem, etiam opum & dignitatis abundan-
tiam. Alterum verbum *צמח*, anſa ab *offibus* arrepta, iti-
dem denſam copiam exprimit, & firmiter ſimul compac-
tam ac unitam multitudinem, eamque potentem & vali-
dam. Quæ ut illuſtrarentur & amplificarentur, comparatio
ſumitur a *capillis* capitis & *cincinnis*, ad multitudinem,
compactam unitatem, & dignitatem, vividius depingen-
dam. Quæ nihil habent difficiliſ. Tantum notetur, vo-
cem *צמח*, ſecundum hanc interpretationem, eſſe a *צמח*
derivandam, unde æque *צמח* ac *צמח*, ad formam *צמח* a
רבה vel *רבה*, oriri potuit, licet minus uſitata ſit. Dicit
autem *צמח* proprie comam plexam, & intortam, a *צמח* ple-
xuit, intorſit, in *fasciculum conſtrinxit*, a. Convenit Chald.
צמח conſtringere, ut recte conjicit Coccejus b. Præterea
deſicit *צמח* præf. in *צמח* pro *צמח*, ex concurrentia ſimilis
litteræ, & ex præced. *צמח*. Confirmat noſtram inter-
pretationem Syr., qui reddit, *præ offibus meis*, in voce *צמח*
errans tantum: ſed vulgo aliter longe ſumitur, pro part.
verbi *צמח*, & vertitur, *perditores mei*, proprie *ſilente plaga*,
ſeu lethali, adſicientes. Quod in Davidem non niſi re-
ſpectu propoſiti & moliminum eorum quadrat, uti expo-
nere ſolent, ſed in *Chriſtum* verius, cum ipſum vere occi-
derint: ſed minus commode *occifores* & *hoſtes falſo* conjun-
guntur in hac orationis ſerie; cum alterutrum ſufficeret,
& cum præcedente membro conjunctius eſt, ut compara-
tio repetatur. Eligat quiſque, quod ſibi rectius videtur.
Ceterum de copia, compacta unitate, & potentia hoſtium
ſuorum, tempore Abſolomi, David & alibi loquitur, ut
Pf. III: 2. xxxviii: 20., & alibi, hiſtoria quoque teſtatur,
uti conſtat. De Chriſto res eſt notiſſima.

§. XVII. 2. Ad innocentiam ſuam declarandam hoſtes
ſuos adpellat *gratis* & *falſo* tales, ſeu ſine ulla cauſa &

E e 3

fua

a Schultens clav. p. 285. & Har. conf. i. p. 19. b in Lex.

sua culpa, imo in emphasi tales, quatenus *malum* pro bono *repēdebant*, ut Pl. xxxviii: 21. addit; præterea adjungit, se *nunc* cenferi *luere*, quod antea deliquerat, seu quod *rapuerat antea, nunc restituere*; scilicet, ut opinabantur falso, & calumniabantur hostes. Verba sunt, *quod non rapui tunc, restituiam*, scilicet nunc. Interpretes sese hic minus recte expediverunt, & aliena sectati sunt, quod ad usum particulæ *nunc*, antea, olim, non adtenderint, nec ellipsin voculæ *נָּא* *nunc*, in *nunc* latentis, observarint; quare cum verbo *אָשִׁיב* *restituam* male construxerunt *nunc*, sine commodo sensu; cum pertineat ad *נָּא* *rapui*. Sensus est facillimus, ex nostra hypothesi; qui huc redit: *quod antea non rapui, illud nunc* cenfeor *restituere* debere, adeoque merito, tanquam gravis peccator puniri, & ad necem quæri. Locutio vel generalius, ad modum proverbii, eo, quo dixi, sensu capi potest, vel specialius, & magis proprie, relate ad regnum, & gloriam, injuste sibi vindicatam, nunc vero judicio Dei eripiendam. Quod, respectu Davidis, referendum est ad regnum, a Sauli domo ad ipsum translatum, quod calumniose traducebatur, tanquam violenter a Davide raptum, & tempore Absolomi ei propterea juste ereptum, ut ipsis verbis ipsi objecit Simei, 2 Sam. xvi: 7, 8., sed respectu Messiae, ad titulum *filii Dei*, & *Messia*, sibi vindicatum; quare a Judæis est occisus; uti notum est. Uterque igitur, & David, & Messias, rectissime dicere potuit, *quod tunc*, seu antea, *non rapui, illud nunc restituiam*. Interpretes longe aliter instituunt, & de nostris peccatis Christo imputatis interpretantur, ut sensus sit: quod non ipse, sed alii deliquerunt, gloriam Deo eripientes, illud ego luere debeo, eorum loco. Quod nec *scopo* nec *verbis* convenit. Cuncta enim ad innocentiam & puritatem suam a criminibus intactis demonstrandam tendunt ut, se sine causa & falso ab hostibus odio haberi, & ad necem quæri, patefaciat.

§. XVIII. b. Addit mox propriæ culpæ confessionem coram

ram Deo, ut, licet hostes suos non læserit, aut rationem se persequendi iis dederit, se tamen coram Deo non esse purum, simul ut vias Dei, persecutionem hanc permittentis, justificaret, humillime confiteretur, & rationes calamitatis redderet, vers. 6. *Deus! tu nosti crassam meam stultitiam, nec reatus mei te latent.* h. e. Sicut tu, Deus! cui omnia mea cogitata & opera nuda sunt & aperta, probe nosti, me sine causa ab hostibus meis oppugnari, & a criminibus, mihi in pactis, purum esse; ita probe cognitum habes, quæ mea sit stultitia, per quam in hanc calamitatem incidi, quique *mei reatus*, quorum causa hæc adhuc mala patiar, iusto tuo iudicio iis traditus, qui longe alii sunt ac quibus hostes permoti sunt ad me persequendum. Verba duplicem habent conspectum, *alter* ad innocentiam suam confirmandam, *alter* ad veram rationem calamitatis pandendam, tendit: qui uterque huc aptissime quadrat, & omnem verborum amplitudinem in luce collocat. Quod ad *priorem* adtinet, cum modo dixerat, se gratis ab hostibus peti, & calumniose censeri illud luere, quod non deliquerat, recte provocat ad Dei scientiam, cui stultitia sua & reatus non latebant, & quasi juratus adfirmat, se ab istis criminibus esse immunem; acsi diceret: tu, Deus, cui omnis mea stultitia & reatus patet, probe nosti, & ad te ansim provocare, inter ea mea stulta & prava facinora nihil simile reperiri &c. Hac ratione verba ad innocentiam suam in præsentem casu adfecto, seu respectu criminum ab hostibus in-pactorum, confirmandam collineant. Sed, cum non simpliciter dicat, Deo probe cognitum esse, se gratis odio haberi, & calumniose traduci ab hostibus, verum Deo *suam stultitiam*, *suosque reatus* nihil minus quam latere, sed probe innotescere, dubium non est, quin plus intendant, & *stultitia* ac *reatuum* coram Deo quoque confessionem edat. Quæ confessio alio commodius spectare nequit, ac ad *rationem* præsentis afflictionis relate ad Deum, ejusque directionem in hisce passionibus permittendis, dandam.

§. XIX. Quæ ratio quoque non longe quærenda est, five *Davidis*, five *Messia*, habeatur ratio. Duo sunt, quæ Davidem in hanc calamitatem conjecerunt, propria *stultitia*, & criminis ante commissi *reatus*, a Deo quidem remissus, sed ita ut ejusmodi malis castigatoriis adhuc vindicaretur. Quæ verbo expediri merentur, licet non sint in difficili. Propriæ *stultitiæ* suæ in regni & domus suæ gubernatione acceptum ferre debebat, quod Absolomi conspiratio fuerit orta, & eousque provecta; quam per exactam disciplinam, justitiæ exercitium, & prudentiam, prævenire potuisset. Proferamus ipsum hoc diserte confitentem, & explicationem nostram inde luculenter illustremus. Ps. xxxviii: 6. *Foetorem emiservunt, sanie crepuerunt stria mea maculosa*, עֲבֹרֵי אֶמְעִי פֶּרַעַם מֵעֵי אֶמְעִי *præ crassa mea stultitia*, h. e. plagæ, corpori meo inflictæ, quæ illud striis maculosis notarunt, antea minus notabiles & ignominiosæ, nunc eo provectæ sunt per propriam meam stultitiam & crassam fatuitatem, qua eas curare neglexi, quin acerbiores reddidi, ut instar foetidi puris crepantis, profiliantis, & foetorem producentis, in publicum emanarent, & me in omnium oculis contemptissimum, ac divinitus percussum, reddiderint. Agit de hac eadem afflictione Absolomica, qua plagæ, sibi & domui inflictæ, secundum interminationem prophetæ, 2 Sam. xii: 10, 11., summum gradum consecutæ sunt, & ipsum contemptissimum ac abominandum reddiderunt, ita ut *stria maculosa foetorem emiservint*; & causam proximam quærit in *crassa sua stultitia*, qua non tantum in genere officiorum justitiæ & virtutis sese minus studiosum præstitit, sed in specie filios exorbitantes, Amnonem, & Absolomum, non severius castigavit, Absolomum in gratiam recepit, & ambitioni ejus non iniecit fræna. De quo ad eum Ps. plura dixi. Utitur autem & ibi eadem voce *crassæ fatuitatis*, quæ hic occurrit. Addit *stultitiæ* suæ *reatus suos* tanquam alteram calamitatis causam, & ipsius stultæ suæ gubernationis originalem, a *judicio Divino* repetendam; quo Deus crimina *adulterii & homicidii*,
in

in domo ejus adfligendo, & ipso in hanc miseriam conficiendo, persecutus est: quemadmodum Nathan ipsi, nomine Dei, expresse denunciavit, 2 Sam. I. c. Etsi itaque ab hostibus innocens pateretur; coram Deo tamen nocens erat, & reatu ei obstrictus, sibi, ac stultitiæ suæ, imputandum habebat, quod hæc omnia pateretur. Cujus hic humillimam, ad se damnandum, & Deum justificandum, confessionem aptissime edit, per parenthesin quasi & obiter insertam: sicut & alias fecit, ut Ps. XL: 13. LI: 6. xxxviii: 5. & alibi. Uterque conspectus, & innocentiae confirmationis, & reatus confessionis, in Messiam quoque convenit, quin majorem adhuc emphasin habet, sed *posterior* longe alio sensu, nec tamen longe quæsito. De *priore* cum facile constet, *posteriorem* verbo illustrabo. Duplicem Messias recte proferre potuit suarum passionum rationem, alteram *stultitiam*, alteram *reatum* suum, sed *priorem* putitiam, *posteriorem* inputatam, priorem itaque hominum, posteriorem Dei respectu. *Stultitia* Mesiae est ejus sapientia pro stultitia habita, & simplicitas ingenua in se filium Dei ac Messiam profitendo, pro crimine, morte luendo, habita. *Stultitia* itaque est in oculis hominum, & relate ad eorum judicium; quemadmodum ex Matt. xi: & 1 Cor. i. ac aliunde patet; nec latuit Eusebium. *Nosti stultitiam meam*, ergo idem est, ac tu, Deus, probe nosti, qualis mea sit stultitia, quæ odium hominum mihi peperit, vera *sapientia*, quam tu me docuisti, sed ab ipsis tanquam *stultitia* traducta; adeoque quam gratis ipsis odio sim & falso. *Reatus* vero Mesiae, vera passionum causa apud Deum, est, uti notum, per imputationem ipsius proprius factus. adeo ut *peccatum* pro nobis fuerit factus; 2 Cor. v. nostrosque tulerit *reatus*, Jes. liii. Majore longe emphasi quam Davidis fuit, quare & in plur. *reatuum* fit mentio, quum *peccata mundi* tulerit. Quæ latius non necesse est exsequi.

§. XX. *b. Secunda* ratio movens, a causa pietatis & piorum petita, ne illa sprete pereat, *hi* pudifiant & prosti-

uantur, a. proponitur, vers. 7. & deducitur & amplificatur, vers. 8-13. a. *Propositio* ita habet, vers. 7. *ne pudeant in me expectantes te, Domine Jehova Deus exercituum; ne ignominia frangantur in me quærentes te, Deus Israelis* h. e. cum oculi piorum in me, tanquam publicum pietatis exemplar, sint defixi, suamque sortem, & pietatis fructum, ex mea sorte dijudicent; adeoque pietas sit prostituenda, & pii animis frangendi, ac pudore & ignominia perplexi futuri sint; si me cum pietate mea ignominiose perire viderint; hanc etiam ob causam peto, ne me malis succumbere patiaris, eaque ratione pietatem & pios prostitui, ac flaccescere, sinas. Verba continent rationem moventem liberationis suæ, per modum petitionis propositam, adeoque tacite involvunt supplicationem liberationis, absque qua esset, pietatis & piorum causa multum perderet de vigore suo; quod ne fiat, Deum orat, & inde preces pro salute sua urget, cum Deus pati non possit, ut pietas cum piis prostituatur. Verba vero elegantia causa divisa, ut sæpe adsolet, secum sunt ordinanda in hunc modum: *ne in me erubescant & prostituantur expectantes & quærentes te, Domine Jehova exercituum Deus Israelis!* Pios adpellat *expectantes & quærentes Deum Israelis, Jehovam*, ad pietatem & spem eorum exprimendam; ut facile patet: nec moras hic injicit, cum verba sæpe alias sint exposita: Deum vero aptissimis titulis ornat, quippe qui pati non poterant, ut pii prostituantur, & eorum spes frangatur; cum sit *Jehova*, verax & justus ac æquus, *Deus Israelis* proprius & foederatus, quocum foedus hac formula pepigit, *ero Deus tuus*; & *tu populus meus*; denique *Dominus*, supremus pensator, iudex & Dominus; tandem *Deus exercituum*, totius itaque mundi potentissimus gubernator, &c. Ipsa petitio habet, *ne pii pudeant & ignominia frangantur in se*. h. e. pudore & ignominia perplexi hæreant, spem suam perdant, & publice prostituantur, ac infamia notati incedant. Quam verborum *וְאֵלֵינוּ* & *וְאֵלֵינוּ* emphasin sæpe alias in lucem protraximus.

mus. In me vero est, ut facile patet, in me *prostituto & perditto*. Ex quo elucescit, oratorem sese hic sistere, tanquam pietatis, ejusque fructus, publicum & illustre exemplum, ad quod pii oculos animosque verterant, ut ex ejus sorte colligerent, quid pii expectandum habeant. Quod minore emphasi ad Davidem, sed longe majore & veriore ad Messiam adplicandum est. David utique & alibi hunc in modum de se loquitur, & suam fortem hunc habere effectum declarat, ut pii fuerint haud parum commoti & perplexi per ejus additionem, sed letitia adfecti, & in spe sua confirmati, per ejus liberationem & salutem. Sic Ps. XXXVIII: 12. *Amici mei & sodales mei a coram plaga mea consistunt* sc. sub onere fatiscientes & deficientes. Ps. XL: 17. LVIII. 11, 12. LXIII: 12. LXIV: 11. & alibi. Sed vera sua emphasi ad Messiam pertinet, cum quod longe illustrius fuerit pietatis exemplum, tum quod spes & salus quærentium Dei in ipso fuerit reposita, tanquam causa & fundamento; ut notum est, nec ulteriore explicatione aut demonstratione indiget.

§. XXI. β. In propositionis deductione exponit, quod de pietatis & piorum prostitutione in se modo dixerat, & rationem reddit, quare illa prostitutio inde metuenda sit, vel sequi debeat, inde petitam, quod pietati ac fiducie suæ in Deum publice illudant, & eam in contumeliam suam vertant, ac si vana sit ejus pietas, vel pura puta hypocrisis, quæ nullam adfert salutem; cum alium inde fructum non carperit, quam perniciem. Quod a. in genere effertur, vers. 8, 9. b. in specie, nonnullis productis speciminibus, illustratur, vers. 10—13. a. Prius his verbis est comprehensum, vers. 8, 9. *Quia propter te tuli opprobrium, obtexit contumelia faciem meam; fastiditus fui fratribus meis, & peregrinus filiis matris meæ.* h. e. Quantopere causa pietatis in me pati debeat, & piorum spes frangendæ sint, ex eo facile demonstratur & patescit, quod ipsa mea pietas petatur, illudatur ac prostituatur, ita ut in meam rapiatur

contumeliam, quæ tanta est, ut ea plane & palam sim ob-
 rutus, & ipsis tribulibus ac familiaribus meis factus sim pe-
 regrinus & fastiditus, qui me fugiunt, & oppugnant. Ver-
 ba non continent ipsius calamitatis, ejusque originis & cau-
 sæ, acsi *propter* Deum in eam incidisset, descriptionem, nec
 eo directe tendunt, ut Deum ad liberationem suam mo-
 veant, uti accipi solent, sed ad superius dictum illustran-
 dum & confirmandum, adeoque rationem dandam, quare
 liberationem suam inde urferit, ne pietas & pii in se prosti-
 tuantur; inde petitam, quod pietas sua in media hac cala-
 mitate virulentis dictis inpetatur, & illudatur, ipseque,
 tanquam qui vana in Deum fiducia sese lactaverit, hypo-
 crita & sceleratus, traducatur, adeo ut ipsis tribulibus suis
 nunc sit fastiditus & extraneus, quem vitent, & e medio
 tollant. Cohærent enim hæc verba cum proxime præce-
 dentibus, & eorum rationem reddunt, præterea de calami-
 tate sua hic non agit, quam aliis verbis & figuris descripse-
 rat supra, sed de *contumelia*, qua pietas ejus, inde ansa
 arrepta, petebatur & insultabatur; ut verba facile docent.
Duo itaque de se tradit, *alterum*, se *Dei causa* pati contu-
 meliam, *alterum*, contumeliam illam esse universalem, ita
 ut ipsos tribules suos a se abalienaverit. *Prius*, his ver-
 bis: *quia propter te tuli*, feroque, *opprobrium*, *texit*, tegit-
 que, *ignominia faciem meam*. Quibus significat, favorem
 Dei erga se, pietatem suam in Deum, & fiduciam suam in
 Deo, nunc palam traduci, & in contumeliam ipsius verti;
 adeo ut publice propterea insultetur, & eorum vanitas ipsi
 exprobetur; & hostes in hæc vel similia dicta probrosa
 erumpant: ecce virum! cui Deus tantopere favit, qui tam
 religiose Deum coluit, Deo tam certo fidit: quem inde
 carpsit fructum? quam vana itaque sunt omnia illa, quæ
 prætendit? de sede sua deturbatus & excidio devotus ober-
 rat, mox periturus; falsa itaque sunt, & hypocritica, quæ
 præ se tulit de favore Dei, pietate sua, & fiducia; vel va-
 na est omnis pietas & religio. *Propter Deum* itaque pro-
 brâ

bra ferre, & contumelia adfici, est earum rerum respectu & intuitu traduci, quæ ad Deum, ejusque favorem & cultum, spectant, adeo ut *propterea* illudatur, quod Deum se habuisse faventem, & inde prosperitatem fuisse ortam, dixerit, Dei cultum tam studiose coram hominibus exercuerit, & fiduciam in Deum prætenderit. *Propter te*, ergo est, propter favoris tui erga me signa, meam erga te pietatem, & in te fiduciam. Hæc sunt, quæ mihi nunc in contumeliam cedunt, cum homines ea vel a me fingi, vel nullius esse pretii ad felicitatem, ansa ex mea calamitate arrepta, palam mihi exprobrent, & eo nomine insultent. Quemadmodum Ps. III: 3. de hoc ipso tempore, *multi dicunt animæ meæ*, & de ea, *nihil salutis ipsi in Deo*. Sic & xl: 16. xli: 9. xxxv: 21. xxii: 8, 9. & alibi. De Messia ea ratione illuso ab hostibus, cum cruci esset adfixus, nemini non ex Evangelio constat.

§. XXII. Quam gravis sit & universalis ista contumelia, frequentia declarant, vers. 9. *Fastiditus sum fratribus meis, & peregrinus filiis matris meæ*. h. e. eousque provecta est hæc contumelia, tam late inter homines diffusa, ut ipsi tribules, & proxime mihi conjuncti, se ea passi sint abripi, quippe qui me nunc fastidiunt, & tanquam peregrinum considerant, quem fugiant, e communione expellant, & tanquam Dei hominumque hostem persequantur. Hanc enim emphasin habent vocabula מוֹרָא & נִכְרִי. Prius enim adfert *aversationem* hostilem, cum tædio & fastidio conjunctam, ut Job. xix: 23. ubi vid. Schultens. *Posterius* signat peregrinum, alienigenam, proprie *dispunctum* e genere nostro, non nostri census, seu non *nostræ punctionis* a, Quod idem respectu tribulium suorum hoc ipso tempore fatetur & conqueritur David Ps. xxxviii: 12, 13. his verbis: *propinqui mei e longinquo stant, & pulsant se aliosque*. h. e. offensi se & alios a me abstrahunt, & sese hostibus adjungunt. Ubi vid. dicta. Quod ipsum in Messia fuit summo

Ff 3

gra-

a Schultens ad Prov. xxviii: 21.

gradu verum, uti constat; sed male ad *discipulos* ejus applicatur; a quibus illud, ut exposui, est alienum valde.

§. XXIII. *b.* Quod modo in genere declaraverat, illud mox, productis nonnullis pietatis speciminibus, in contumeliam tractis, illustrat, & ad quoscunque homines applicat, qui ipsi hac ratione illudebant: vers. 10—13. Ubi *a.* primum specimen a zelo domus Dei, quo flagavit, repetit, vers. 10. *Quia zelus domus tue me consumpsit, & opprobria te probro adficientium ceciderunt super me.* h. e. Quamvis aetatem trivi & vires consumsi in cultu tuo renovando & ornando; hoc non obstante, quod nemini non notum est, in me, fulminis instar, cadunt opprobria, famam & vitam meam carpentia, quæ illis conveniunt, qui Dei gloriam per idololatriam vel profana facinora lacerant, adeo ut tanquam idololatra vel profanus homo traducar, ac tracter, tribulibus meis fastiditus & peregrinus. Interpretes hic varie instituunt, sed verum verborum conspectum & sensum non penetrarunt; siue quod oppositionem duorum versus membrorum non recte perspexerint, siue quod posterioris membri sensum non intellexerint. Dabium non est, quin *membra* sibi sint opposita, adeoque sermo non continetur, acsi esset, *quia zelus domus tue me consumpsit, quia probra te probro adficientium in me ceciderunt*, illa pati debui, & passus sum patienter, &c. sed indignitas contumeliæ in posteriore membro ex priore exaggeratur; quemadmodum structura orationis docet, & seq. versus, ubi idem obtinet, extra controversiam ponit. Continet itaque versus *antecedens* & *consequens*, sed consequens ab antecedente longe diversum, & ei *contrarium*; uti est vers. 11 & 12., ut mox patebit. *Antecedens* tanquam notorium proponitur, & eo non obstante, longe aliud sibi accidere, in altero membro declarat. Particula itaque *quia* exferit usum, quem frequenter habet *a*, quo idem dicit, ac *quamvis*, non obstante quod; adeo ut sensus sit; licet res sit testa-

a Vid. Diff. Sel. ad Gen. xx.

testatissima, me vitam viresque in domo Dei purganda & ornanda trivisse, attamen, hoc non obstante, nunc traducor tanquam detractor gloriæ & cultus Dei, ejusque destructor; iisdem probrosis titulis obrutus, quibus solent idololatræ, ac irreligiosi & profani homines, insigniri.

§. XXIV. *Antecedens* habet, quod tanquam notorium proponitur, *zelum domus Dei ipsum consumpsisse*; quo nihil aliud primo sensu indicatur, ac ipsum ætatem trivisse, & vires quasi consumpsisse in cultu Dei reformando & ornando, & exercendo; ejusque fuisse studiosissimum. *Domus Dei*, totum cultum religionis, uti in tabernaculo vel templo exercebatur, comprehendit, & *zelus* est flagrans in eum studium, ad eum reformandum, & excolendum: *consumere* dicitur *zelus* instar ignis, quocum comparari solet, quatenus est intentissimus, simul ad vitæ finem continuus. Quæ nihil habent difficili. Convenit vero illud in Davidem umbratice, & exaltiore sensu, quatenus ea in re posuerit magnam operam, uti notum est, ex quo regnum est adeptus ad finem vitæ usque; sed in Messia longe majorem emphasit, quatenus nihil aliud egerit, & quod probe notandum, vere fuerit eo suo studio *consumtus*, neci quippe datus propter hunc suum zelum reformandæ religionis: cuius cum duplex dederit specimen in ipso Templore purgando, in principio & fine muneris, ut ex Evangelio constat, ad illud expresse, & recte, hoc dictum adplicatur, Joh. II. *Consequens*, longe aliud ac deberet, seu non obstante eo studio inde ortam, his verbis proponitur, & *probra te probro efficiuntium ceciderunt super me. h. e.* cum deberem, tanquam enim Dei cultor propterea agnosci, laudari & tractari, longe secus accidit; hoc enim non obstante, licet tanto flagraverim cultus Dei studio, nunc traducor, tanquam gloriæ Dei detractor, irreligiosus & profanus, haud melior idololatris & profanis, qui cultum Jehovæ veri Dei spernunt, & deserviunt, eaque ratione Deum probro radente ac lacerante adficiunt. Hunc sensum fundunt verba, prebra

bra probro te adficientium super me ceciderunt, h. e. iisdem probrosis titulis obruor, quibus jure merito illi, qui *Deum probrose* tractant. *Probra probris adficientium Deum* non sunt, uti Interpretes ceperunt, quæ ab illis in hunc oratorem sunt conjecta, quod varie exponunt, sed quæ talibus hominibus jure competunt, & ipsorum propria sunt: quod phrasis proprie & directe denotat. Non enim dicit, se ab iis hæc probra passum esse, sed eorum probra subiisse; non acsi ea in se suscepisset luenda & expianda, ut nonnulli interpretantur, quod phrasis non patitur, sed quod eadem, vel similia, probra, quæ in homines profanos, in ipsum conjecta sint; ut exposui: quod ex præcedente membro confirmatur. *Deum enim probro adficere*, & zelo domus Dei consumi, sibi hic manifeste opponuntur, tanquam directe & cum maxime contraria; & significatur, ardentissimum Dei cultorem eodem adfici probro, quo ejus contemtores; quo nihil erat indignius, & toleratu difficilius; quod tamen sibi non tantum contigisse hic declarat, sed simul *patienter* tulisse indicat: quam emphasin in verbo, *ceciderunt super me*, omnino admittere licet: ut divite sensu sit, *conjecta* probra recepta sunt a me. Quod in Davide rursus aliquo sensu verum fuit, ut ex 2 Sam. xvi., notum est, & ipse de se hoc ipso tempore ibi, & Pl. xxxviii: 13—15. confessus est, sed in Christo longe uberiore; qui traductus est ut *Samaritanus*, Dei Israelis, ac legis ejus & cultus, hostis & destructor: uti ex euangelio constat: quare ei etiam adplicantur hæc verba Rom. xv: 3. Ceterum, quod ex dictis facile liquet, *Deum probro adficientes* sunt homines irreligiosi, profani, ac idololatræ, qui Deo gloriam, ipsi debitam, detrahunt, & eum contumeliose tractant, ac prostituunt. Quod Chald. ex parte jam vidit, licet ad idololatræ minus recte restrinxerit; sicut vero *qui opprimat tenuem* dicitur, *factorem ejus probro carpere*, hoc ipso verbo, Prov. xiv: 13., ita longe majore emphasi id facit, qui cultum ejus, & veram religionem, opprimit. Radix
vero,

vero וְנָחַם primario valet, *carpsit*, carpendo *strinxit*, vel stringendo *carpsit*, inde *obtrektare*, & meritis detrachere, nec non contemtim habere, & lacerandum tradere *a*.

§. XXV. *β. Secundum*, seu alterum, specimen non fucatae pietatis, in statu afflictionis, vel suae, vel aliorum, praebitum, per *fletum* in jejunio & *saccum*, nunc etiam ab hostibus illulum, & in contumeliam ejus raptum, his verbis exprimitur, vers. 11, 12. *Et compressi in jejunio animam meam, fuitque mihi opprobrium: & dedi vestimentum meum saccum, & factus sum ipsis proverbium.* h. e. Sicut zelum meum in domum Dei traduxerunt, ita quævis alia pietatis meae signa, tempore afflictionis, sive meae, sive aliorum, per jejunium, fletum & saccum, demonstrata, nunc quoque contumeliose interpretantur, tanquam ficta, vel vana, & mihi propterea illudunt; proverbio etiam de me facto, quod contentibile quid & vanum expriment. Nihil in verbis superest obscuri, quod nostram requirit operam. Quare verbo tantum observo, 1. *prius* membrum vers. 11., quod verti solet, *flevi in jejunio vel animae meae*, vel rectius, cum בַּיָּמִים secundum puncta non admittat statum constructum, ut recte Gejerus & alii, *anima mea*, sive in aut cum *anima*, sive in jejunio existente, reddidi, *compressi in jejunio animam meam*, scilicet in fletum, convenienter primariae potestati verbi כָּנַח, quæ est, *pressit*, *compressit*, *expressit*, unde ad *lacrymas* expressas transiit. Qua ratione facilis fit structura, nullius ellipsis indiga; & proxime convenit simili phrasi, Ps. xxxv: 13. אֶדְלִי־בִי *adfixi in jejunio animam meam*; quod ipsum verbum in origine sistit *succi* expressionem, effusionemve. Prope absunt Lxx, reddentes οὐκ ἐκχυσε, & Syr. verbo כָּנַח utens, proprie *exsuxit*. 2. *Posterius* membrum proprie sonare, *& factum est mihi in opprobria*, ad summum & multiplex opprobrium significandum: quam emphasin sæpe habet, uti notum, plur. Denique 3. formam fut. cum conversivo, ut dicitur, in verbis, quæ hic occurrunt, hac

Gg

pollere

a Schultens ad Job. xxvii: 6. Lette ad Jud. v.

pollere emphasi, qua præter. & præter. una comprehenditur, adeoque tam ad præter. tempus, quam ad præter. hic respici. Quod utrumque hic recte admittitur; cum & ad *præteritum* tempus, & *præter.* hic intendatur digitus. Quæ unica est clavis hæc verba recte intelligendi. De quo nunc paucis exponam.

§. XXVI. Observari itaque velim, voces utriusque ver-
sus, quæ *consequens* continent, ad *præter.* tempus pertine-
re, quæ vero *antecedens*, æque ad præteritum ac præter.
Opprobrium enim & *disertum* non antea fuit, sed erat in
præsentia; quod hic intendit. Licet enim simile quid tem-
pore Sauli fuerit passus, de quo Ps. xxxv. conquestus est,
hic tamen de eo agit, quod nunc experiebatur, ut facile
liquet; quemadmodum vers. 10. præcedente habuimus &
explicuimus. Erat autem *opprobrium* & *disertum*, ut exem-
plum de ipso fuerit vulgo sumtum, ad hominem irriden-
dam, cum in genere, quatenus contemptus & illusus est, ut
ex historia liquet, & supra vidimus, tum in specie respectu
humiliationis suæ piæ tempore afflictionis, in primis suæ
propriæ, adeo ut signa pœnitentiæ & luctus fuerint irrita
hoc tempore, tanquam vel hypocritica, vel vana & inuti-
lia, ansa ex præsentis ejus statu misero arrepta. Ad ejus-
modi enim signa pœnitentiæ & luctus tempore calamitatis,
vel suæ, vel aliorum, phrasæ *jejunii*, *stetui* & *sacri*, manife-
ste ducunt. Prætulit vero David ea, & antea tempore
præterito, & nunc coram Absolomo fugiens: cujus utrius-
que hic habenda est ratio. De præsentis tempore illud fa-
cile constat ex 2 Sam. xvi. & ipse clare testatur, Ps. xxxviii.
quæ ipsa ejus humiliatio dubium non est quin in ejus contu-
meliam fuerit versa, uti a Simei constat esse factum. Sed
antea duo in historia notati sunt casus, qui hic apte in cen-
sum veniunt, *alter* est in principio regni super toto Israele,
occasione necis Abneris, e familia Sauli, quam ea ratione
publice luxit, 2 Sam. iii. in signum innocentiae suæ; sed
quod ipsum fuit a Simei tanquam hypocriticum traductum,
&

& ipsi exprobratum, quum Davidem adpellat *virum sanguinum*, & *domus Sauli destructorem*, 2 Sam. xvi. alter est, quo acerbè luxit, his ipsis signis adhibitis jejunii, lacrymarum & sacci, se & domum suam, tempore morbi filii ex Bathseba, 2 Sam. xii. quod ipsum hoc tempore ipsius in contumeliam trahi potuit, tanquam vel hypocriticum, vel vanum, cum, regno ab Absolomo rapto & occupato, videretur excidisse spe de Salomone successuro, quam eo tempore pœnitentiæ & luctus conceperat; ut ibid. narratur. Hac ratione facile intelligitur, quo sensu de se dicere potuerit David, singulare hoc suæ pietatis specimen fuisse ipsi in opprobrium hoc tempore versum.

§. XXVII. Quod vero ad Messiam adinet: in eum non proprie, sed inproprie & figurate, quadrant hæc verba; cum de jejunio ejus & sacco nihil constat; quid? quod traductus sit tanquam non *jejunans*, sed *edens & bibens*, Matt. ix & xi. Sicut itaque verba præcedentia, vers. 10.; majore emphasi in Messiam, ita hæc in Davidem conveniunt; cum uterque hic in scenam prodeat, ut supra vidimus. Messia itaque non nisi figurate adplicanda sunt, quatenus *partim* vitam degerit vilem, pauperem & afflictam, contemptus ejus materiam apud Judæos, instar jejunantis & lugentis, ac saccum, loco vestitus honoratoris, ferentis, *partim* peccatores & ipse luxerit, uti *flevit super Hierosolyma*, & *duritiæ cordis* Judæorum, & ad pœnitentiam in sacco & cinere excitaverit, Matt. xi. *partim* denique tempore passionis ultimæ talem personam prætulerit, & materiam illusionis præbuerit hostibus: uti constat. In quibus acquiescendum est.

§. XXVIII. γ. Subjungit illusionis modum, & universalitatem, vers. 13. *Exspatiantur in me sedentes in porta, etiam modulationibus potatores sicera*, vel *modulationes sum potatoribus sicera*: habet enim posterius membrum aliquid ambigui, cum, ut jam observatum est, suppleri possit ex præcedentibus, vel, *exspatiantur in me modulationibus*, vel, *sum modulationes potatorum*, uti Job. xxx: 9. & Thren. iii: 14.

Sed, quoad sensum, parum interest; cum idem maneat, & eo tendat, ut, se graviter & a cujuscunque fortis hominibus illusum, indicet, adeo ut & primores, judices, ac eminentioris dignitatis viri, *sedentes in porta*, ubi de rep. deliberari, & judicia exerceri solebant, dicti, & vilioris fortis homines, aut genio indulgentes, *potatores siceræ*, sive potus qualiscunque inebriantis, quem vox שׂכר in genere denotat, adpellati, de se materiam fecerint longioris discursus contumeliosi & injuriosi, instar Sycophantarum, & canticis suis ac modulationibus se risui exposuerint, ut fieri solet in popinis & tabernis, ubi potu ac musica tempus fallitur. Quæ nihil habent obscuri, vel satis illustrata sunt: tantum not. emphasis verbi שׂכר, cujus primaria vis est in *reciprocatione motus*, qualis est, ex. gr. hominis huc illuc ambulantis, & spatiantis liberius; unde ad animum exspatiantem in aliquam materiam, & libere discursantem, transfertur, etiam in malum, ut hic; ubi denotat, capere materiam, in quam exspatiantur, atque unde oblectamentum capient, eum ludibrio exponentes more Sycophantarum ^a. Significat itaque his verbis orator 1. irrisores suos læte, laute & jucunde, agere, 2. primas tenere in civitate, 3. se invicem super misera sua sorte oblectare, 4. & nihil non arripere, quod in contumeliam suam flecti possit, 5. denique in popinis & tabernis se inter pocula & cantus esse ludibrii materiam quibuscunque personis, genio indulgentibus. Quæ in Davidem minore, in Messiam majore emphasis conveniunt; ut ex utriusque historia patet. Ipse Absalom, ne de Simei & aliis dicam, cum ad concubinas Patris intravit coram toto populo, 2 Sam. xvi. illustre dedit hujus contumeliæ in Davidem specimen, & materiam sine dubio præbuit multiplicem toti populo Davidem irridendi, & ei insultandi.

§. XXIX. β. Altera pars deductionis pertinet ad preces pro liberatione: in qua κ. occurrit præfatio, vers. 14. in
priori

^a Schultens ad Prov. iv: 22.

priore membro 2. *preces ipsæ*, duplici instantia fusæ, vers. 14—19. n. Exordium ita habet, vers. 14. *Et, vel at, ego precatio mea ad Te, Jehova! tempore complacentiæ, o Deus!* h. e. Equidem longe aliter & antea fui, & nunc sum adfectus, ac illi me traducunt, o Jehova Deus! cum, tempore complacentiæ tuæ erga me, & antea totus fuerim, & nunc adhuc sim, in *precatione* ad te fusa, pro me non tantum, sed & illis ipsis, quibus sum ludibrio. Referri possunt verba, quæ conspectum exordii precum, mox sequentium, habent, ad *præteritum* & *præsens* tempus; habentque aliquid ambigui, forte captati ad utrumque exprimendum, quod loco est adcommodatum. *Præteriti* si habeatur ratio, sensus erit, se, tempore benevolentiae Dei erga se, solitum fuisse preces cum fiducia ad Deum fundere, sive pro se, sive pro aliis, etiam illis, qui nunc tam hostili erant erga se animo, adeoque *scopus* erit demonstrandi, se longe aliter fuisse erga hostes illos suos olim adfectum, & meliorem ab ipsis meritum fuisse sortem, quam nunc experiebatur, dein se rationem habere sperandi exauditionem præsentium precum, mox sequentium, ex superiorum temporum experientia, quibus tempore benevolentiae Dei solebat cum fiducia fundere preces, & exaudiri a Deo. *Tempus benevolentiae Dei* hoc sensu est, quo Deus ipsum favore singulari fuit complexus, & multiplicia ejus dedit signa, ex quo ad regnum evectus est: cujus ipse quoque hoc sub nomine meminit Ps. xxx: 8. Conf. etiam Ps. v: 12. & III: 6. Hoc tempore *benevolentiae Dei* declarat, se totum fuisse in *precibus*, easque cum fiducia semper fecisse, & exaudiri fuisse; quam emphasin habet phrasis, *Et ego, precatio mea ad te*, h. e. talis fui ego totus, hæc mea præcipua occupatio, sicut Ps. cix: 4. *Et ego precatio*; hoc fuit meum opus, hoc unice semper refugium, hoc præsentissimum auxilium & remedium. Sed cum non exprimat, pro quibus oraverit, extendi poterit quoque ad alios quoscunque, etiam hostes illos suos; uti Ps. xxxv: 13. expresse dicit: quod huc recte

quadrat, ut suum erga eos adfectum opponat illorum erga se; illi miseriæ ejus nunc illudebant, & pietati ejus insultabant; sed se, dicit, longe aliter fuisse erga eos adfectum, & aliud longe ab iis meruisse; uti in simili casu Ps. xxxv. & in hoc eodem xxxviii: 21. exponit. Sed si ad *presens* referatur tempus, *exordium* precationis sequentis erit, quo *partim* se a pietate sua per hostium insultationes nihil remittere, *partim* se cum fiducia, vel spe exauditionis, preces ad Deum facere, cum tempus benevolentiae Dei adhuc sit, declarat: ac si haberetur; illudant illi, quantum *velint*, & pietatem meam traducant tanquam hypocriticam, *vel vanam*; persevero tamen, & me in precibus ad te converto, Jehova, Deus! facio etiam illud cum spe exauditionis, quam desperata mea quoque videatur conditio; cum *tempore benevolentiae*, quo tu exaudire soles, adhuc gaudeam. Est vero illud tempus respectu Davidis, quo Deus declaraverat per Nathanem, ipsum quidem a Deo esse castigandam, sed gratiam & benevolentiam Dei ab ipso non auferendam, 2 Sam. xii., quod ipsum dein David est obsignatum tempore nati Salomonis, vers. 24. Verum longe majore emphasi pollet respectu Messiae, in cruce pendentis, & orantis, quo denotat gratiae Dei tempus, tantopere celebratum in Scriptis, ut recte hic potavit, & demonstravit locis adductis, Coecejus, qui vid. Ceterum *voces*, *pro me*, sive vertantur *tempore beneplaciti*, pro *me*, sive *tempus beneplaciti*, scilicet, sicut fuit, ita est etiamnum; perinde est, & utrumque stylo loquendi congruum.

§. XXX. 1. *Preces* ipsæ duplici funduntur instantia, vel cum insigni emphasi, nec sine variatione, repetuntur, vers. 13—19. *a.* Prior articulus, vers. 14—16. continet *a.* preces generales, vers. 13. *b.* speciales, materia earum expressa, vers. 14—16. *a.* In genere, his verbis orat, *In spēsitate beneficentiae tuae responde mihi, in firmitate salutis tuae*, h. e. votis & desideris meis responde, mihi que opem feras, propter summam tuæ beneficentiae, continua fluen-

tis

tis venâ, copiam, & salutis tuæ, mihi olim præstitæ & promissæ, firmitatem ac veritatem constantem. Voces, in *spissitate beneficentiae*, omnino cum seq. conjunguntur, licet sese ad utrumque, præcedens & consequens, ut sæpe fit, censerî queant extendere; cum quod seq. recte conveniant, tum quod vers. 17. eum conspectum ferant. Subjungit apte, & emphatice, in *veritate salutis tuæ*, respiciens, & inde urgens preces, ad superiorem suam liberationem, quam Deus declaraverat fore *firmam & perpetuam*, 2 Sam. VII. Sed majore longe emphasi hinc liberationem suam a morte urgere potuit Messias, cum *gratia & veritas sit per ipsum*, Joh. 1. & *salus Dei*, sive hominum a Deo, inde pendeat: quæ firma & salva esse non posset, nisi Christus servaretur.

§. XXXI. b. Speciales preces ita sonant, vers. 15, 16. *Extrabe me e luto aestuante, & ne immergas*, (vel, ut non immerſus peream,) *vindicatus liberer ab osoribus meis; & e profundis aquarum*, (scilicet *extrabe me*, cum hoc enim verbo coherent, proxime præcedentibus per parenthesin insertis, ad causam proximam calamitatis, in *hostibus* querendam, designandam.) *Ne inundent me fluctus aquarum, & ne absorbeat me aestuatio vebemens, & ne circumvinciat super me puteus os suum*, (h. e. ne ostio putei firmiter religato omnis spes evadendi pereat. Radix ~~re~~ primigeniam potestatem habet, ut ex lingua Arab. patet, in *torquenda*, unde nata est significatio *retorti*, *torquendo religati*, & *circumvincti*; nervo firmitus constricto. Ad *os*, seu orificium, aut marginem & oram, putei relatum significat orificiû & oræ putei firmam circumseptionem & religionem, ac conclusionem; sicut Orientales *puteos* suos diligenter claudere solebant.) Quæ omnia, supra illustrata vers. 3, eo redeunt, ut summe periculosis ac exitiâlibus calamitatibus, quarum proximæ causæ erant hostes ac osores, quorum propterea fit specialis mentio, potente Dei vindicis manu eripiatur, ne iis succumbat, & ita pereat. Quæ primo quidem & directè sensu

sensu *Davidi* conveniunt, cum eo tendant, ne *moriatur*, sed indirecto, ac maxime emphatico, sensu *Mesiae*, quatenus continent liberationem a passionibus, & morte per resurrectionem ac exaltationem; adeoque ne passionibus & morte intereat; eaque ratione *puteus* oram suam firmiter accipiat religatam super ipso: quod fieret, si morti maneret obnoxius. Pluribus ad intellectum opus non est: nam de vocibus & phrasibus supra ad vers. 3. egimus.

§. XXXII. β. *Posterior* articulus, quo preces cum nova instantia repetuntur, vers. 17—19. duo continet a. precum repetitionem, vers. 17. *Responde mihi, Jehova! quia uberrima est benignitas tua, secundum multitudinem miserationum tuarum respice me.* Quæ nihil obscuri habent. Ad elegantiam sermonis facit, notasse, ענה proprie esse *fluere*, adfluere, inde succurrere, respondere, טור in origine sistere *succositatem uberem*, ubertatem; & חסר proprie dici *de ubere*, cujus lac continuo confluit & manat; unde ad Deum refertur, vena benignitatis continuo fluentem in homines: uti notum, & sæpe observatum est. b. Earum instantiam, productis rationibus moventibus ex relatione sua ad Deum, statu suo calamitoso, & hostium insultatione, his verbis, quæ proferam, & simul exponam, vers. 18, 19. *Et ne velo obtegās faciem tuam a servo tuo*, (scilicet, sicut, me in hanc afflictionem inmittendo, visus es fecisse, ne ita pergas, sed preces meas ad te penetrare sinas, meque faciei tuæ luce & favore frui facias, quemadmodum servo tuo, intimæ admissionis ad te, convenit. Egregia voces pollent emphasi, per omnia minus percepta, quam pandit verbum וכו, & phrasis; *velare faciem a servo tuo*. Respicitur ad regem, qui in thalamo suo promiscuum aditum *velo* præposito arcet, & intimæ admissionis ministros tantum intra aulaeum admittit: ut est Ps. xxxi: 21. ubi vid. dicta. *Facies* itaque Dei est ejus majestas, & præsentia gratiosa ac favorabilis, *servus* Dei est intimæ admissionis minister, & *faciem velare ab ipso* est, eum ab aditu Dei arcere, adeoque

que longe aliter tractare ac personæ *servi* Dei congruit. Sensus itaque est: cum servus tuus honoratior & intimior sim, cujus est singulare privilegium petitiones cum fiducia coram expromere, & exaudiri, ac favore tuo gaudere, ne nunc hoc velo me excludas, ut te cum fiducia adire nequeam, seu favore tuo frui opeque in miseria mea. Ex quo manifesta est ratio movens, qua preces urget: *quia arctum mihi, festina responde mihi* (h. e. cito adnue desiderio & petitioni meæ, quia ad incitas redactus perire alias debeo quantocyus. Petit itaque non tantum opem Dei ad liberationem, ut modo, sed *citam* opem, & urget ab *angustia* sua, qua ad incitas erat redactus.) *adpropinqua ad animam meam, libera eam.* (h. e. subito te animæ meæ præstita *propinquum* & *goelem* ejus, eam liberando, & tibi adserendo. Emphatica, & elegans, est oratio, ex verbis קרִי & נֶאֱמַל recte intellectis sese tantum pandens. Duplex latet in verbo קרִי vis, *una*, qua festina & *proxima* indicatur liberatio, *altera*, qua cognationis proximitas exhibetur, tanquam ratio movens ad liberationem; ut sensus sit: admove te mox animæ meæ ad liberandam eam, & te ea ratione demonstras *propinquum* ejus, seu *goelem*, qui vi *propinquitatis* fratrem suum vindicare debet; quare mox sequitur, נֶאֱמַל *libera eam ut goel*,. juste & potenter, ut mox dicam. Quæ duplex verbi קרִי vis, sicut in rem præsentem aptissima est, ita ex ipso ejus usu sese facile effert, cum & intimiorem conjunctionem denotat, & rem mox futuram designat. Pro instanti, & brevi spatio, jam jam futuro sumi, observavit alibi Cl. Schultens a. Sic & *propinqui* ad bellum audiunt, qui mox adgressuri sunt Deut. xx: 4. De *cognatione* & *propinquitate* sanguinis sumi, res est ex Lex. quoque nota. Eam vero hic omnino esse adtendendam, sequens verbum נֶאֱמַל evincit, cum illud comprehendat liberationem *propinqui* & *consanguinei*: quod in vulgus notum est. Cum vero duplex sit Goel, vel *sanguinis* propinqui fusi vindex

Hh

per

a ad Ps. LXXIV: II. & Job. XVII: 12.

per necem homicidæ, vel servitutis ac miseriæ vindex, qui propinquum liberat, soluto pretio, vel vi, manu forti injecta, sibi adserit; utriusque ratio hic recte habetur, ita ut petat *cum* vindicias animæ adstrictæ, vel effusæ, per hostium severam poenam, *tum* animæ seu vitæ liberationem seu restitutionem, intuitu etiam pretii soluti pro redemptione; quo utroque conspectu Deus dicit, Jes. XLIII: 1. *ne timeas, ego vindicias tuas suscepi,*) *propter hostes meos redime me.* (h. e. si vel tanta non esset tua ad me relatio, qualem *Goelis* persona requirit, hostium tamen meorum consideratio te moveat ad me in libertatem vindicandum, *cum* quod me gratis odio habeant & persequantur, vers. 5., *tum* quod mihi, & pietati meæ, adeo insultent, & de innocentia oppressa triumpharent, si me perire sineres; quod fieri nefas foret. Utitur verbo *me* paulo generaliore, cum in genere significet personæ in servitutem ac miseriam redactæ liberationem, soluto quoque pretio, vel manu inserta. Videtur enim propria notare *vi erumpere*, unde *liberare* captivum, *ruptis catenis*; sed usurpatur etiam pro *emulgere*, facere ut *erumpat* lac, unde *redemptionis* significatus fluere potuit, q. d. per lac emulsum solvere pretium redemptionis; cum in prisca hominum simplicitate, deficiente pecunia, *lac emulsum* potuerit fuisse *pretium* redemptionis). Verba ea ratione exposita in Davidem & Messiam recte quadrant, sed ita ut alia in Davidem, alia in Messiam directius, & majorē emphasi conveniant. Titulus *servi* Dei, intra velum faciei seu Majestatis Dei admitti soliti, nec non *propinquitatis* Dei conspectus, etiam *anima* effusæ vindicatio, utique Messæ propius competunt, ut facile cernitur; sed *pretii* intervenientis respectus, simul *hostium* ratio, Davidi directius. Quæ latius non necesse est exsequi.

§. XXXIII. II. *Secunda* Pf. pars, quæ inprecatoria est, 1. rationes & causas inprecationis, quæ cam justam reddant, repræsentat, vers. 20—22. 2. inprecationem ipsam exhibet, vers. 23—29. 3. Verba, quæ rationes justificantes

tes continent, ita habent, vers. 20—22. *Tu nosti opprobrium meum radens, perplexum meum pudorem, & calumniam meam frangentem; coram te sunt hostes mei coarctantes; opprobrium fregit cor meum, ut animi pendeam, & expectavi complorare, sed nihil est, & consolatores, sed non invenio: imo, contra, dederunt in cibum meum fel, & ad sitim meam potarunt me aceto.* Quæ licet conspectum rationis moventis ad redemptionem, cujus modo facta erat supplicatio, quoque contineant, eaque ratione cum superioribus etiam cohereant, proprie tamen, & vero suo scopo, rationes exhibent justificantes inprecationem mox sequentem, & ideo ei præmittuntur, cum quod ratio tam prægnans alias non fuisset sese in calumniæ & calumniantium descriptionem denuo diffundendi, tum quod inprecatio mox subjungatur, & verba ita concinnata sint, ut hostium inopportunitatem, barbariem, & obstinationem invincibilem ob oculos ponant, adeoque, eos ulla ulteriore longanimitate ac clementia Dei judicis indignos esse, declarent. *Rationes* verò, quibus mox superstruitur inprecatio, sunt *duæ*, vel *tres*, *a.* *Prima* petitur a Dei, qua inspectoris & judicis iusti, persona, & hostium improbitate, qua coram Deo, nulla ejus habita ratione, tam scelerate & contumeliose cum hoc innocente, illustri Dei servo, agant, his verbis, vers. 20. *Tu nosti opprobrium meum, pudorem meum, & ignominiam meam, coram te sunt omnes hostes mei.* h. e. Cum tu sis inspector & judex hominum omniscius, & iustus, ferenda a te amplius non est contumelia mea & persecutio, sed severe vindicanda, cum quod probe scias, quanta sit & quam injusta, tum quod hostes me, non obstante præsentia tua, tuti nulla habita ratione, violenter oppugnent, & coarctent. Deum hic describit tanquam inspectorem & judicem hominum, & ad eum, qua talem, provocat, cum dicit, *tu nosti, & coram te sunt*, ut, Deo non amplius ferendum esse hoc facinus hostium, & calumniantium, demonstret, cum quod Deus injustitiam summam facinoris probe sciat, tum quod

hostes sese improbos plane & obduratos præsent, qui talia coram oculis supremi & iustissimi judicis agant. Hanc enim emphasin habent voces, *tu nosti*, & *coram te sunt*: h. e. quam gravis & iniqua sit mea contumelia, *tu nosti*, adeoque ad animum revocas nec ferre amplius poteris, *coram te sunt hostes mei*, qui, te inspectante & præsent, tui nulla habitatione, me coarctant; adeoque a te puniendi sunt. Memorat distincte *coarctatores* suos, & *contumeliam* suam, ut hostium facinora omnia complectatur, quæ *duo* generalia erant, *alterum*, quo virum hunc in summam & exitialem præcipitarant calamitatem, quo epitheton *coarctatorum*, quo hostes insigniuntur, tendit, quorum, tanquam autorum, miseri sui status, etiam supra vers. 15. meminerat, *alterum*, quo ipsum eo in statu insultabant, & multiplici adficiebant *ignominia*; uti supra late exposuit. Adcumulat autem voces *ignominiam* denotantes, ut, multiplicem & summam esse, significaret; simul *effectum*, quem in animo suo habeat, explicaret; quo *pudoris* vox tendit. Plura de vocibus, quas supra habuimus, non addo.

§. XXXIV. β. *Secunda* ratio petitur ab effectu ignominiosæ tractationis, tam gravi, & molesto, ut ferre amplius nequeat, & a desperatione prope absit. vers. 21. in principio, his verbis: *opprobrium fregit cor meum, & animi pendeo*: h. e. tanta & tam acerba obruor contumelia, per verba & facta hostium meorum, ut vis vigorque animi per summam tristitiam & pudorem adeo sit debilitatus, ut, ne succumbam tandem, & mala morte in hoc statu peream, summo pere metuam; quo in statu cum te inspectante sim, & talia mihi ab hostibus *coram te* fiant, vindicta tua non potest non sese in hostium perniciem exferere. In verbis nihil est difficile, nisi in *נחם*, cujus sensum verbo tradam. Fut. est in Kal, cum *נ* paragogico, significationem simul intendente, rad. *נחם*, ut recte post R. Nathan Gejerus, qui tamen male cum *נחם* confundit, nisi forte ejusdem sint originis hæ duæ radices, quæ sita est in *quatiendo*, & ita frangen-

gendo ad summam usque debilitatem; *ubi* vero speciatim Arabibus est, *ultra citroque motitari*, & pendulum hære; adeoque animi statum anxium, quo se vertat nescium, & a desperatione proximum, depingit. Quod huc recte quadrat, cum *fractioni cordis* subjungatur, tanquam ejus adjunctum vel effectum. Significat itaque, se moribundo esse similem, & instar deliquium patientis, jam jam animam expiraturi. Qualem sese Ps. xxxviii: 9—11., vivis coloribus depinxit David, de hoc ipso tempore agens, *singultio & tundendo comminutus sum valde, rugio præ fremitu cordis mei* — — *cor meum vagatur, deseruit me vis mea, lumen quoque oculorum meorum, etiam ipsi, non est meum.* Ubi vid. dicta. Unde patet, hoc majore emphasi & directius in Davidem, quam Messiam, quadrare; licet ab ipso, sed minore emphasi, non sint aliena, cum & ipsi adscribatur *metus*, Heb. v. & ipse in cruce quoque clamaverit, *Deus mi, quare me dereliquisti?*

§. XXXV. *γ.* Tertia ratio desumpta est ab inflexili & immani barbarie hostium, in eo maxime conspicua, quod nulla non tantum misericordia fuerint erga miserum hunc tacti, sed ipsi in eo statu insultaverint, ac acerbissime eum tractarint, vers. 21, 22. *Et expectabam condolere, sed nihil simile, & consolatores, sed non inveni: & quin, dederunt in cibum meum amarissimam herbam, & ad sitim meam potarunt me aceto.* h. e. Tantum abest, ut, quod jure expectare potuissem, condoluerint, aut consolati fuerint me, verbis aut factis, ut me felle & aceto cibaverint ac potaverint; loco consolationis auxerint afflictionem meam; sese eo ipso demonstrantes inflexiles hostes, ac inmaniter sævos; qui itaque nulla amplius misericordia digni sunt, sed merentur, ut gravi poena a Deo judice, coram quo hoc fecerunt, e medio tollantur. Hic enim verborum sensus, & scopus est. Cum dicit, se *expectasse*, non tam proprie dictam *expectationem* suam exprimit, quam quid desiderasset, & voluisset, ut facerent, quidve debuissent, & fecissent.

quoque, nisi sceleratissimi fuissent & obdurati in peccato: cum summus corruptionis gradus sit, ne miseria alicujus tangi, sed ei insuper in eo statu insultare. Sed *quid*, & a quibus expectavit? prius ex ipsis verbis manifestum est, expectasse enim se dicit *condolere* & *consolatore*, h. e. qui misericordia adfecti aliquid ad miseriam ejus levandam, ac animum fractum erigendum, præterea ipsum liberandum, conferant. Quod est *condolere* & *consolari*, uti facile patet. *Posterius* quælitum de personis, a quibus illud expectabat, ex nexu sermonis, & irriti expectationis effectu, facile solvitur, licet Interpretes etiam aliena fuerint sectati, quum ad amicos & discipulos Davidis ac Messæ adplicant: in quos nec verba quadrant, nec orationis nexus. Et si enim amici & ipsi steterint coram plaga ejus, ut David de se tradit Ps. xxxviii: 12., Christus etiam expertus est: eos tamen non *condoluisse*, dici nequit, præterea virium & occasionis, non voluntatis & pii animi, defectus fuit, ut non fuerint *consolati*; cum tamen hic ipsis, tanquam grave crimen, imputetur, quod id non fecerint. Præterea, cum hic de hostibus & coarctatoribus agat, & mox subjungat, eos, a quibus complorationem & consolationem expectaverat, ipsius miseriam contra auxisse, fel & acetum, ad refocillationem scilicet, præbendo, dubium esse nequit, quin hostes & irrisores suos in oculis habuerit. Quibus denique vera sua emphasi competit, quod dicat, eventum expectationis frustraneum exponens, *non est, non inveni*, h. e. nihil simile ab iis expertus sum, quin *contrarium*; *non in* est ipsa *vacuitas*, pura puta *inanitas*, quæ propria est potestas vocalæ *in*, dein *non inveni* consolatores est emphatice, ut solet *non inveni*, nihil minus quam tales inveni, sed contrarium potius; ut mox additur, *non inveni* consolatores, sed contra *irrisores* & crudeles in media calamitate mea; *dederunt enim mihi fel in cibum, & ad sitim meam acetum*; argumento, eos esse inmaniter & obstinate sævos, nulla Dei misericordia dignos.

§. XXXVI. Verba, quibus contrarium expectationis effectum, seu sævam hostium indolem, ipso facto demonstratam; exprimit, parum habent difficilis. Significant enim, acerbo cibo & potu eum fuisse ab hostibus cibatum ac potatum, loco *cibi fel*, & *potus acetum* datum ad sitim extinguendam. Vox Hebr. *מר*, quæ communiter *fel* redditur, proprie denotat herbam, vel plantam, amarissimam; & inde ad *fel draconum* transfertur *a*, sive sit *cicuta*, quod disputat Olaus Cels. *b*, sive potius, cum *cicuta* non sit *amara*, qualem tamen requirit usus vocis, *centaurium minus*, quod vult Hillerus *c*. Herba quoque vel plantæ convenit magis quam *felli*, quod cum *cibo* jungatur, ut *acetum* cum *potu*. Sed quæritur, num proprie an improprie capiendum sit? resp., utrumque hic admitti posse, cum utrumque Messia contigerit ab hostibus, Davidi tamen *posterius* tantum. Derunt enim Messia *acetum* cum *byssopo* loco cibi & potus, ut ex Evangelio constat, & a Joh. c. xxx. additur, in eo fuisse impletum, quod prædictum erat; ad nostrum locum respiciens. Ex quo clarescit, mentem Davidis in hoc Ps. ita fuisse a Spiritu directam, ut sævam & inhumanam hostium indolem, sese tempore afflictionis suæ erga se exerentem, iis verbis expresserit, quæ proprie in Messia implerentur; sed ita ut figurate quoque sibi, licet minore gradu, conveniant. Spectant itaque verba proprie & directe ad Messiam, & ad eum Joh. xix. ex intentione Spiritus, qui Davidem egit, directe referuntur. Figurate vero significant in genere, hostes, quicquid ad illudendum & miseriam augendam facere possit, præstitisse; adeoque non *condoluisse*, & *refocillasse*, sed contrarium fecisse, & verbis & factis. Conf. de sensu figurato & proverbiali, Jer. viii: 14. ix: 14. xxiii: 15.

§. XXXVII. 1. Ipsa imprecatio, vel, qui verus ejus est conspectus, denunciatio prophetica malorum, quæ obstinatis & truculentis istis hostibus ordine evenirent, usque

in

a Vid. Bochartus H. p. 1. l. II. c. 50.
11. p. 47.

c Hiero-phyt. p. 11. p. 54.

b Hiero-bot. p.

in finem seculorum, ea ratione est instituta, ut directe quidem, & vera verborum emphasi, in Judæos, qui Messiam scelerate tractarunt, conveniat, & iis adplicanda sit, attamen indirecte quoque & leviore sensu in præcipuos illos Davidis hostes, tempore fugæ coram Absolomo, adeo ut ad eos sit perpetua adlusio. Hoc oculo si pericopam consideremus, ejus sensus & scopus sese facile offeret. Pandam, hac jacta hypothesi, quæ ex supra disputatis sponte sua sese commendat, *sensum* verborum, & dein *inprecationis* verum conspectum & scopum. Recensentur in hac pericopa *mala*, quæ hostibus evenirent, non confuse, aut oratorie, ac si diversis orationis figuris tantum exhiberentur, sed distincte & ordine, quo se invicem exciperent, usque ad finem seculorum. *a. Primum* ita habet, vers. 23. *fit, eritque, mensa ipsorum, coram ipsis in laqueum, & ipsissimæ paces*, seu *id quod ad paces, in tendiculam*, h. e. prosperitas & securitas ipsorum, qua unice delectantur, quamque sibi tribuunt, quicquid etiam ad eam firmandam, & durabilem reddendam, ab ipsis peragatur, in ruinam & exitium iis cedat & cedet, vel occasionem ejus præbeat. *Mensa coram ipsis* figurate denotat *cum* prosperitatem, abundantiam omnium; & pacem ac securitatem, uti habuimus, Pf. xxiii: 5. vid. & Job. xxxvi: 16. tum etiam mutuam amicitiam, animorum conspirationem & consiliorum conjunctionem, cujus emblemata & signum solent esse *convivia*, ut Pf. xli: 10. & Dan. xi: 27. ubi vid. comm. noster. Quod posterius ne nos fugeret, additur in membro seq., ad superioris illustrationem, ut fieri adsolet in Psalmis, *paces in tendiculam*, h. e. omnimoda, quam firmissime etiam facta, *pax*, seu quicquid ejus causa factum est, occasionem & causam excidii præbeat. Vox לשלום proprie *ad paces* utrumque illud comprehendit, ut sit ipsissima pax, & quod ad pacem fit, prout ל pro articulo cum emphasi abundante, ipsamque rei essentiam & præstantiam exprimente, habeatur, vel ellipsis voculæ ו statuat & vertatur,

tur, quod ad pacem, in tendiculam sit, vel erit, ex præced. membro. Prius jam observavit Dieu; & usus iste litteræ 5 est frequentissimus: uti nunc fatis constat. Plur. vero num., alias rarior, captatus est ad augendam emphasin, ut *paces* sint multiplex, summa, & firma pax. Interpretes aliter & varie instituunt; quos suo loco relinquere debeo: nostra interpretatio sese facilitate sua, & nexu cum præced. membro, fatis commendat. Alluditur vero ad conspirationem Absolomicam, seu animorum consensionem, & prosperitatem eorum, qui cum eo faciebant contra Davidem; quæ causâ & ansâ foret excidii ipsorum, fuit quoque *laqueus* summi consilarii Achitophelis, uti notum, & dein Absolomi, & aliorum. Sed vero suo sensu respicitur ad Judæos, qui per ipsam suam prosperitatem, ac securitatem, nec non pacis fœdera cum Romanis, in exitium se præcipitarunt; ut egregie fuit prædictum Jes. xxviii: 14, 15, 17, & 18. ubi vid. Cl. Vitringa. Addatur, ipsam Christi necem huc pertinere, quatenus ex prudentia politica facta est, ne resp., Christo salvo, periret. Joh. xi. 50. Accessit mutua & intestina divisio ipsorum Judæorum, qui secum uniti fuerant instar eorum, qui ad eandem mensam adsidebant: de quo luculenter vaticinatus est Zach. xi: 6, 14.

§. XXXVII. β. *Secundus* articulus his verbis est expressus, vers. 24. *Stricti obtenebrentur oculi ipsorum, ne videant, & lumbos eorum jugiter flexos & vulsos redde*, h. e. Sapientia & prudentia eorum infatuetur, & vis vigorque eorum infringatur judicio tuo, ut nec sana ac salutaria ineant consilia, nec vires habeant ad statum suum tuendum; sed propriis consiliis pereant, & fracti succumbant. Nihil hic est difficile. *Oculi* expingunt sapientiam, & prudentiam, *lumbi* vires & potentiam, uti facile cernitur: utriusque hic fit mentio relate ad statum suum, & reip. & Ecclesiæ, firmandum, ac tutandum. Sed oculi *stringerentur* arctius, quod proprie est 77n, & ita stricti obtenebrarentur, *lumbi* mollesca-

ſi infringerentur, ut cadere debeant, quod proprie eſt
non flexit vulſim, ſecti præ molliæ a. Reſpicitur rurfus
 manifeſte ad id, quod factioni Abſolom contigit, cujus
 conſilia ſunt infatuata, & vires fractæ, ſicut ex hiſtoria
 conſtat, & David quoque inprecatus eſt Achitopheli, 2 Sam.
 xv: 31. *infatua quaſo conſilium Achitophelis, Jebova!* Sed
 vera emphafi in Judæos, poſt Chriſtum exaltatum, qua-
 drant hæc exacte, uti conſtat, & prædictum eſt, ut Zach.
 xi: 15. &c.

§. XXXVIII. γ. *Tertius* articulus continet ipſam ho-
 ſtium totalem deſtructionem, cum clariſt. juſtitie divi-
 nis conjunctam, verſ. 25, 26. *Effunde ſuper ipſos ſpumam-
 tem tuam iram, & æſtus naſi tui ſe adnectat iis hoſtiliter: Sit
 arx ipſorum ſiderata, in tentoriis eorum ne ſit habitator.* Quæ
 omnimodam eorum deſolationem, una cum arce & domi-
 bus, juſto, ſed ſevero, Dei judicio efficiendam, deſcribunt,
 nec aliquid habent obſcari: tantum elegantia ſermonis &
 emphafi notanda eſt, quam in verſione expreſſi. Vox
non ſignat iram ebullientem, & vehementiſſimam, quæ in
 efferveſcentiam ſpumantem ſeſe exſerit. Radix enim pro-
 prietatem habet in *ſpumando*, ſpumas ore agendo: unde li-
 quet, quam apte jungatur verbum *effundere*; ad abundan-
 tiam ſpumantis iræ exprimendam. *Æſtus naſi*, quæ pro-
 pria, ut notum, eſt vocum poteſtas, eleganter & empha-
 tice dicitur *adſequi* eos, proprie, *ſe iis adnectere*, & hoſtili-
 ter tenere. Rad. *non* proprie reſpondet Gr. *ἀντιτάξι*, *necti*,
adnecti, inde *adſequi*, & ſic *hoſtiliter invadere*. Iræ Dei, effu-
 ſæ inſtar ignis, recte & eleganter ſubjungitur, *ſit arx ipſorum
 deſolata*, proprie *ſiderata*, fulmine tacta, & ita in cineres re-
 ducta. Quiſque hic facile videt elegantem picturam deſola-
 tionis Hieroſolymæ & Templi, cum toto illo tractu; adeo
 ut ne veſtigium fere ſuperfuerit. *Arx* recte adpellatur
 Hieroſolyma & Templum: uti facile patet. Sed adluditur
 ſimul ad hoſtium Davidis deſtructionem, in primis præci-
 puorum

puorum conspirationis virorum, ut Achitophelis, Absolomi, & aliorum. Eadem enim ratione ad Achitophelem ex. gr. adplicatur, qua ad Judam proditorem, Act. 1: 20.

§. XXXIX. Interferuntur verba, quæ aut *rationis* ultimi excidii hostium, aut *confirmationis* ejus conspectum habent, pro ut vertuntur, & intelliguntur, vers. 27. *Quia sicut tu quem percussisti persequuntur, & ad luridum vulnus profanatorum tuorum numerabunt, vel numerant.* Quæ communiter accipi solent de Christo, a Deo percusso, & Christianis cædi a Deo traditis, quorum *illam* Judæi non clementer & misericorditer illo in statu traxerunt, sed inhumaniter, *hos autem cum gaudio* tanquam occisos memorarunt, & de iis, tanquam talibus, *narrant*; quod ipsis est. no. Sed gravibus hæc interpretatio premitur difficultatibus. 1. Messias non dicitur, nec dici potest, *percussus Dei*, ac ad eandem profanatus a Deo, nisi vel secundum hostiam pravam opinionem, vel ob peccata nostra, quod utrumque Jes. lxi. expresse additur; non itaque *absolute*, ut hic capi solet. 2. Messias in hoc Ps. introducitur, non a Deo, sed hostibus *percussus*, idque gratis & sine causa, sicut & Zach. xiii: 7. ubi *gladio* id tribuitur; ad violentam eandem a Magistratu, seu Judæis, inflictam denotandam: tantum figura orationis est, quæ vox Dei ad *gladium* excitandum dirigitur, ut Dei permissio & directio sapiens indicaretur. Unde est, quod Matth. xxvii: 31. legatur *verbera percussam*, nisi, ut lxx. codices nonnulli habent, *quis malit verbera percute* legere apud Matth. 3. *Persequi* non est simpliciter, a Deo percussum inhumaniter tradere, sed necis Messie causam esse; minus recte itaque Judæi dicuntur *persecuti*, quem Deus percusserat, quatenus ad Christi mortem refertur. 4. Phrasis *consolatorum Dei*, seu profanatorum ad eandem a Deo, nusquam in bonum sumitur de martyribus, ut hic accipi solet, sed in malum de iis, qui judicio Dei exemplari poena e medio auferuntur. Vid. Jes. lxvi: 16. Jer. xxv:

33. Denique §. illud *narrare* de plaga confessorum Dei nimis leve & dilutum est, quam ut hic, ubi ratio daretur excidii totalis reip., locum habere possit.

§. XL. Quid itaque? ex nostra hypothese verba dupliciter capi possunt, adeo ut vel *rationem* iudicii, modo memorati, & mox uberius exponendi, contineant, vel ejus *confirmationem*, & adgravationem. *Priore* modo, a quo parum abesse Kimchium, & qui eum sequitur, Bucerum, deinceps intellexi, vertenda sunt, ut feci, & de hostibus intelligenda personam hanc considerantibus tanquam divinitus percussam, & lurida plaga confossum, a Deo, adeoque improbam & sceleratam, eoque nomine eam, ejusque socios, persequentibus, & miseram eorum sortem cum delectatione commemorantibus, ac de eo materiam confabulationis & disterii facientibus. Quod in Davidem ex parte convenit, ut ex maledictione Simeï liquet, & ex sinistro rumore de Davide, ejusque injusto regimine, per Absolomum sparso, eaque ratione odium & contemptum ipsi apud populum conciliando, 2 Sam. xv. facile colligitur; sed in Messiam, ejusque discipulos, longe plenius & verius quadrat, cum quod ipsum tanquam blasphemum tractarint, tum quod ipsum, ejusque socios, persequi eo nomine & diffamare, postquam percussus esset, perrexerint, tum quod verba hic occurrant, tanquam rationem continentia, quare hostes, post facinus in hanc personam commissum, tam severe fuerint tractati a Deo, ita ut resp. fuerit excisa, & illi obdurati in reprobam mentem fuerint traditi, & a communione Dei & populi ejus plane exclusi. Verba enim subjuncta sunt descriptioni plenarii excidii reip., & præmissa prophetiæ de misero & reprobo eorum statu sequente; adeoque *rationem*, & destructionis reip., & reprobæ populi Judæi conditionis secuturæ comprehendere debent, sese ad præced. & seq. porrigentia. Quod non in Davidis, sed præcipue Messiae hostes quadrat: ut facile cernitur.

§. XLI. Explicemus in hanc mentem & illustremus verba. Prius membrum habet: *quia tu quem percussisti persequuntur*, h. e. me ad necem insectantur, & post necem persequi pergunt, tanquam sceleratum, & blasphemum, quem tu divinitus inflicta plaga soles e medio tollere. Sensus non est, personam hanc de se fateri, se a Deo esse percussam, quod abhorret, & modo removi, sed ab hostibus talem haberi, & eo nomine eorum passam esse persecutionem: quod sequens membrum clarius exponit, hic involutius latet, & suppleta ellipsi particulæ similitudinis *» sicut quem tu percussisti*, sese offert; adeo ut plena foret oratio: *quia, sicut quem tu percussisti*, persequuti sunt, & persequuntur me. Ellipsis litteræ *» sicut* frequens est, & eo facilior, quod similis litteræ vocula *» præcesserit*; cujus exempla produxi ad Malach. a. Referenda sunt in hunc sensum verba cum ad Messiam, tum discipulorum ejus, persecutionem a Judæis institutam. Messiam ad necem persecuti sunt, tanquam sceleratum & blasphemum, quem Deus ipse percusserrat, eum neci tradendo, quo oculo supplicium ejus considerarunt Judæi, ut Jes. LIII: 3, 4. diserte traditur, sed eundem & deinceps, postquam a Deo census erat percussus, post necem ejus, persequuti sunt in discipulis ejus; quod Christus ipse Saulo exprobravit, *quare persequeris me*, Act. ix. sicut *passionum Christi* reliquias adpellat Paulus, Col. i. quibus ipse erat subjectus. Quod vocum structuræ proxime convenit, ut facile intelligitur; cum *percussioni* Dei subjungatur persecutio, tanquam ea posterior; & occurrat tanquam causa meritoria destructionis palatii ac tenteriorum, ac totalis reprobationis populi; quæ mox sequitur. Quæ ratio, quod probe notandum, non in nece Messiae tam querenda est, quam in populi Judæi impœnitentia, & perseverantia obstinata in odio Messiae, & ejus persecutione in discipulis ejus. Potuissent enim hanc miseram sortem suam prævenire Judæi, si resipuissent, & se ad Messiam convertissent:

sunt: uti Apostoli sæpe iis declararunt, Act. II, III. & alibi. Ex quo simul elucescit, preces Christi in cruce, *Pater remitte ipsis*, &c. huic inprecationi non adversari, quod putat Clericus, & alicui videri posset, cum illæ preces *pœnitentiam* pro hypothese habeant, & eo tendant in specie, ut Deus non mox populum excindat, sed tempus & locum pœnitentiæ concedat; uti factum est: quo finito, hoc iudicium iis a Christo recte potuit denunciari; quemadmodum hic fit, ut ex dictis patet.

§. XLII. *Alterum* membrum, ad prioris illustrationem additum, duplicem admittit sensum, qui uterque recte conjungitur; *alter* est, quo verba redduntur, *Et ad plagam luridam profanatorum tuorum numerant*, h. e. meam & meorum afflictionem adnumerant *plagæ profanatorum* tuorum ad eandem, & quævis mala; pro tali plaga, quæ sceleratis & blasphemis infligi a te solet, habent quicquid mihi & sociis meis evenit: *numerare* ad utique recte exponitur de *adnumerare*, accensere, pro eodem habere, uti facile cernitur. Quo facit usus particulae *in* pro *una cum*, vel *inter a*. Sed reddi quoque possunt, *Et de plaga lurida profanatorum tuorum enarrant*, ut sensus sit: promulgant ubique, & dictoril instar cum delectatione loquantur, ut *me* & *meos* contemtu & odio exponant, de afflictione nostra, tanquam lurida *plaga profanatorum tuorum*. Vocula *in* cum *res narrare* materiam narrationis exprimere potest, & de verti, ut Pl. II: 7. *Narrant de plaga confessorum tuorum* est, pro tali plaga venditant nostram afflictionem, & ita de ea narrant: quod clarius evadet, si usus voculae *in* admittatur, quo *convenientiam* exprimit, & *secundum*, juxta, ad modum, vertitur; quo sensu aliq. sumitur *b*, & idem erit, ac *a* *quo sensu narrare ad plagam* erit, secundum eam, ad ejus modum, tanquam talem. Quæ omnia eodem redeunt, & sensum constituunt facilem ac abundantem; hostes nim. accensere afflictionem hujus personæ, & sociorum, *plagæ luridæ confessorum*

^a Vid. Schultens ad Job. XVI: IX.

^b Vid. Coccejus in Lex.

fofforum Dei, & secundum eam de ea loqui, & eam divulgare. Phrasis, פְּרָסָה מְבִינָה, est selecta & emphatica, proprie dicit, *plagam luridam profanatorum Dei*, h. e. hominum scelestorum & improborum, ad omnem cædem, seu omne malum, solutorum & traditorum a Deo iudice & vindice. De quo alibi egimus, ut Jer. xxv. & alibi.

§. XLIII. Demus nunc & posterioris modi, cujus memini, conspectum, secundum quem prius membrum confirmationem superioris iudicii continet, & posterius ejus consequens; quum hac ratione vertenda sunt & explicanda verba: *quia tu es, qui, vel tu, percussisti eos qui persecuti sunt, & ad luridam plagam profanatorum tuorum numerabunt, & narrabunt, scilicet, quicumque & ubicunque*: h. e. iudicium, cujus memini, in hostes meos merito exspecto, quia hac ratione solitus semper es persecutores tractare, eosque alte inflicta plaga percutere; eritque plaga quoque hæc publica, quæ materiam narrationis præbebit universalis & perpetuæ inter homines, &c. Prius membrum itaque, vel erit ellipticum, & vocula אַתָּה ante רַדְדוּ *persecuti sunt* supplenda, ut plena sit oratio; *quia tu, qui percussisti, qui persecuti sunt*, seu eos, qui persecuti sunt, quemadmodum & alibi ejusmodi ellipsis occurrit, ut Job. xxiv: 19. *Siccitas, etiam calor, rapiunt aquas nivis, infernus non peccarunt*, pro אַתָּה רַדְדוּ eos, qui peccarunt, rapit; ubi vid. Schultens: vel potius vocabula אַתָּה רַדְדוּ, transposita sunt, & sic ordinanda: *quia tu רַדְדוּ percussisti אַתָּה, eos qui persecuti sunt*. Qualia exempla alia non deficiunt. Sic Deut. xxxii: 5. *corruptio non ipsi non*, pro לא לי non ipsi, 1 Sam. xx: 7. *Si sic dixit Saulus de Davide, bene pax servo tuo*, pro pax servo tuo, bene est, 2 Sam. xviii: 20. *hodie non nuntiabis mihi* quia propter, pro על כֵּן, propterea quod *filius regis mortuus est*. Prov. ii: 30. *ne litem intendas homini gratis*, לא אם si non, pro לא אם non, si ואל tibi malum retribuerit. Num. xi: 6. *nihil nisi manna ad oculos nostros, vel coram oculis nostris*. Alia mitto, & tantum addo, vulgatam

gatam interpretationem admittere ejusmodi quid in מִיָּאֵר אֲשֶׁר pro מִיָּאֵר אֲשֶׁר. Qua ratione verba hæc inserta sunt per modum parenthesis, vel per reticentiam connectenda cum seq., ut plenus sit sermo: *quia tu es, qui percussisti eos, qui persecuti sunt*, percuties etiam meos hostes, & *ad luridam plagam confessorum tuorum numerabunt & narrabunt*. Respicient vero, hoc admissio, verba ad vias providentiæ Dei in puniendis persecutoribus, & respectu Davidis ad iudicium in Saulum ac domum ejus, *Messia* vero ratione latius, in specie ad iudicium in Syro-Macedonas, & impios Judæorum, temporibus Maccabaicis. Eligat quis, quod sibi rectius fuerit visum, mihi maxime *prius* placet, quod supra exposui, tanquam facilius & orationis seriei congruentius, licet *posterius* non plane spernam.

§. XLIV. 3. *Quartus* articulus continet obdurationem in peccatis, indeque ortam privationem justitiæ Dei, in peccatis condonandis & vita danda conspicuæ, tanquam triste consequens resipiscentiæ, ipsis tempore opportuno oblata, spretæ; in quem statum Judæi post excidium reip., modo memoratum, inciderunt, vers. 28. his verbis: *da iniquitatem super iniquitatem eorum, & ne veniant in tuam justitiam*, h. e. permitte, nec extraordinaria gratia miraculose intervenias ac impediās, sed sine, ut peccata addant peccatis, eaque ratione justitia tua justificante, pœnitentibus promissa, excludantur, tuæque iræ maneant continua objecta. Iudicium describitur obdurationis & excæcationis, indeque ortæ privationis justitiæ Dei, qua peccatores absolvit, & ad communionem suam admittit, hostibus Messia infligendum, posteaquam gratiam ipsis oblata proterve respuerunt, contra, in Messia persequendo perseverarunt, tempore longanimitatis, a Deo ipsis præfixo, neglecto & finito. Qua ratione si verba capiuntur, & secundum seriem versuum, a nobis ostensam, referantur ad statum Judæorum, post iram Dei in eos effusam, nihil habent difficultatis; cum, iudicio obdurationis fuisse tunc traditos

traditos Judæos; ex verbo prophetico, Jes. vi. & alibi, manifestum sit. Tantum not. illud *dare* Dei nihil aliud esse, quam permittere, gratia extraordinaria negata, finire: quemadmodum illud *dare* & *tradere* alibi quoque sumitur, ut Ez. xx: 25. *dedi ipsis præcepta non bona*, &c. Act. vii: 42. *tradidit eos Deus servire exercitui cælorum*, Rom. i: 24, 26. & alibi. Plura non addo, cum a Tarnovio & Mollero, ac aliis, hæc satis illustrata sint. Ceterum *venire in justitiam Dei* est, ejus participem fieri justitiæ, qua justificat impium, resipiscentem in Christo; ut ex Script. satis est ab aliis demonstratum. Conveniunt itaque hæc aptissime in Judæos post Messiam occisum, & resipiscentiæ tempus, iis concessum, finitum; nec aliquid habent Messia indignum, quatenus prophetam agit & judicem, aut precibus ejus in cruce pro populo contrarium; ut supra jam observavi: Apostoli quoque simile quid Judæis impœnitentibus denunciarunt, ut Act. xiii: 46. xviii: 6. xxviii: 25. Sed quæritur, num in tempora Davidis quoque conveniant? resp. aliquo, sed exili, sensu, respectu Simeï & similium; quorum facinora, a Davide licet impunita relicta, velle censeri potest a Deo suo tempore vindicanda, cum nova crimina commiserint, ita ut felicitatis sub Salomone participes non fiant; quod tenui admodum sensu est in *Dei justitiam non intrare*. Conf. i Reg. ii: 8.

§. XLV. 1. Quintus articulus habet, vers. 29. *Deleantur e libro vitarum, & cum justis ne scribantur*. Quæ verba duplicem ferunt sensum & conspectum; alterum generalem & absolutum, alterum specialem & relativum. a. Prior simpliciter & in genere comprehendit mortem infamem divinitus inflictam, impiorum, & non justorum, sortem: quæ duplici phrasi figurata proponitur, una a catalogo viventium, altera a libro memoriali bene & male mœrentium, præmia vel pœnas consecutorum, petita. Prioris respectu dicitur, *deleantur e libro vitarum*, pro morte adfici violenta & infami, a Deo judice inflictæ, eaque ratione catalogo

viventium expungi. Quo sensu manifeste occurrit Exod. xxxiii: 32. ne alia memorem: quod alias est *e terra viventium deleri*. Ad posteriorem metaph. pertinet altera phrasis, *non scribi cum justis*, scilicet in libro memoriali, qui bonorum & malorum comprehendit catalogum, quibus præmia adsignata sunt & pænæ. Qualis liber memoratur Mal. iiii: 16. ubi vid. comm. noster. *Cum justis vero non scribi*, sed, quod mente est supplendum, cum *impiis*, denotat, locum inter justos in eo libro non habere, sed improbos, adeoque non præmia, sed pænas pro sorte. Vult itaque orator, ut mala morte pereant, & non justorum sed improborum sortem consequantur; Ps. i: 5. & hæc verba tanquam superiorum summam per modum conclusionis subiungit. *b. Posterior*, qui specialior est, & ad statum Judæorum, tanquam populi Dei; & hæredum promissorum Patriarcharum, respicit, habet, improbos & impænitentes Messie hostes, qui in eo persequendo obstinate perrexerunt, catalogo populi Dei esse delendos, seu populum Dei esse cessaturos, nec ullam sortem habituros in communione justorum sub Oeconomia N. *Liber vitæ* eo sensu est, qui Israelitarum, tanquam populi Dei, nomina comprehendit, quibus promissum vitæ factum est, & præcepta data sunt, *quo qui fecerit homo vivet per ea*. Conf. Ez. xlii: 9. Quo ex libro delentur, qui nomen & prærogativam populi Dei perdunt, a Deo plane abjecti & anathemate devoti, Mal. iiii. fin. ubi vid. comm. noster, *rami fracti*, &c. adpellati Rom. xi. *Cum justis vero non scribi*, est, eorum societati non accenseri, nec eorum sortem consequi, patriarcharum promissa & bona Spiritualia, in semine benedictionis, non adipisci. Sunt itaque *justi* cum *patriarcha*, ut vidimus ad Mal. iiii. fin. *tum sancti* primogeniti Ecclesiæ Christi Jef. iv. & sensus est, eos antiquis privilegiis esse privandos, nec novis gavissuros. Quæ latius non exsequor, cum Cl. Coccejus fere idem senserit, & deduxerit, qui consuli potest. Quod si quis librum vitæ sumserit pro
catalogo

catalogo prædestinatorum ad salutem; *deleri* ac *non scribi* tanquam se mutuo explicantia capienda sunt: quemadmodum Arab. *deleri* sumitur pro non scribi, uti apud Harir., ubi dives a paupere ad liberalitatem invitatur hac ratione, *quod sic nomen suum deleret ex avaris*, h. e. non iis accesseretur, sed pro liberali haberetur: quæ est expositio Cl. Schultens a. Sensus itaque erit, eos *palam & publice* esse tanquam reprobos, & *vita æterna indignos* manifestandos, ac cognoscendos, quibus nihil commune est cum *justis & vita hæreditibus*. Conf. Jes. iv: 3. & ibi Cl. Vitringa.

§. XLVI. De vero hujus imprecationis *conspectu*, quæ supra promissi, verbo potero absolvere; cum ad Pl. cix. factus & ex professo de eo acturus sim, nihilque aut Davidi, aut Messia, minus congruum continere demonstraturus. Est itaque vero suo conspectu, 1. denunciatio prophetica iudicii divini, improbis hostibus facta, 2. a Davide & Messia non secundum proprias animi sedati adfectiones, sed tanquam prophetis, a spiritu prophetico agtatis, promulgata. 3. quæ pro hypothesi habet impenitentiam, indeque ortam obstinationem in peccatis, nec levibus illis, sed gravissimis, salva iustitia Dei non ferendis, sed severe puniendis. 4. Denique per *modum imprecationis* proposita, ut iustitiæ ac iudicii Dei adprobatio, tanquam iusti & necessarij, significaretur, & Deus quoque hac parte glorificaretur: non itaque ex animo maligno, & vindictæ cupido, sed gloriæ Dei studio, & felicitatis promissæ desiderio, alia ratione per hostes obstinatos non implendo, orta. Quæ non sufficiunt.

§. XLVII. III. Consequens liberationis supplicante, & hostium illorum excidii, quæ *tertia* Pl. pars est, memoratur *triplex*, respectu ipsius oratoris, reliquorum iustorum, & totius mundi, in lætitia & glorificatione Dei super hæc liberatione situm, vers. 30—37. Cujus itaque pericopæ tres partes sunt; quarum memini. a. *Prima* exhibet laudationem

tionem Dei ab ipso oratore tunc instituendam, quum a Deo impetraverit plenissimam liberationem & exaltationem; vers. 30—32. Ubi *a.* præmittitur liberatio, quam supplicavit, tanquam antecedens & laudationis Dei causa ac materia, vers. 30. *Et, vel at, ego depressus & lurens, salus tua, o Deus! exaltaverit me, h. e.* Ad me vero quod adinet, adflictum nunc, miserum & tristem, salutem & liberationem tuam, o Deus! quum fuero consecutus, & per eam in sublimi loco ac statu positus, quod supplico non tantum, sed & mihi promitto, tunc ego iste adflictus & lurens *laudabo nomen Dei, &c.* Verba non tam preces continent, quam *antecedens* laudationis Dei, quod *expectationem* ejus una comprehendit; ut in paraphrasi exposui. Cohærent enim cum seq., & antecedens ac materiam laudationis Dei exprimunt; ac si haberetur, *salus tua quum me exaltaverit*; per defectum particulæ *אם* si, quam, ante *והנני*, qui facilius est propter concurrentiam litterarum in voce *אלהים*. Nec tamen *dubie* loquitur, quin sibi promittit exaltationem, tantum præmittit id, quod expectabat, tanquam antecedens, ut gratam mentem tunc demonstrandam testificaretur. Prius vero membrum, *ego adflictus & lurens*, accipi potest, vel absolute, & per se stans, pro ad me adflictum quod adinet, uti sæpe alias, vel cum seq. versu connexum, ut sit; *ego ipse ille adflictus & lurens, quum me exaltaverit salus tua, laudabo te, &c.* Ceterum *liberationem* non tantum ab adflicto & lurido statu suo memorat, sed ulteriorem ejus gradum addit, quo in sublimi & glorioso statu collocaretur; quod est, *per salutem Dei exaltari*, h. e. servatum a Deo exaltari. Quod Davidis respectu pertinet ad regnum recuperatum, & gloriosius quam antea redditum in Salomone, quo seq. nos etiam ducunt, sed *Messiae* ratione ad sublationem in cælum, & sessionem ad dextram Dei, &c. quod satis notum est. Sed majore adhuc emphasi pollet phrasis selecta, *salus tua me exaltaverit*, qua exaltatio derivatur ab ipsa salute Dei, ipsi & populo promissa, quæ

quæ ut effectum habeat, exaltandus erat; ut vers. 14. habuimus.

§. XLVIII. β. Sequitur ipsa laudatio, tunc præstanda, vers. 31. *Laudabo nomen Dei cantico, & magnificabo ipsum confessione*, seu protensa celebratione. Licet modo *antece-*
dens laudationis expresse-rit, oratione ad Deum versa, ipsam laudationem effert sermone alio flexo, & de Deo loquens, quasi alios adlocutus, ut, se iis in laudando Deo præire, indicaret; quemadmodum mox pios adloquitur eum in finem. In quo nihil est insoliti. Verba nihil habent, nobis relictum notandum, nisi illud unum, voce *חור* exprimi confessionem salutis Deo tantum acceptæ ferendæ, & celebrationem ejus, denique utramque summo studio & publice faciendam; uti ex intrinseca vocis potestate quoque elucescit. Radix *ח* proprie est *tendere*, *exserere prolixius*, unde *ח* manus extensa, hinc *jactare* cum studio & fervore summo, nec non usus *confitendi* & *celebrandi*, q. d. ostendere, ostentare, ob oculos aliorum in publico protendere. Quare Ps. xxii: 23. idem orator dicit, *narrabo nomen tuum fratribus meis, in medio cætus laudabo te*. Ceterum, Davidem illud magis proprie dicere potuisse, Messiam non nisi improprie, quatenus per fideles suos id facit, qui Deum super ipsius exaltatione laudant, facile intelligitur.

§. XLIX. γ. Subjungit hujus generis laudationis commendationem & præstantiam præ cultu rituali, vers. 32. *Et placebit*, suavis odoris erit, *Jehovæ præ bove, juvenco cornificante, ungulas dividente*, h. e. suavius longe & gratius hoc confessionis & laudationis sacrificium erit Jehovæ, quam cujuscunque animalis puri, præstantissimi alias, & secundum legem ritua-lem offerri soliti, adeo etiam, ut non hoc, sed illud Deo sit acceptum futurum. Sensum enim habent verba vel restrictiorem, vel ampliorem; *priorem*, quo non rejiciuntur sacrificia legalia, sed postponuntur tantum cultui rationali, qui directe & primo loco sese offert, *posterio-rem*, quo loco moventur, & iis substituitur rationalis, uti Ps. xl.

Uterque hic admittendus est, cum *prior* in Davidem, *posterior* in Messiam rectius quadret. Cum vero *laudatio* Dei comparatur cum *bove* &c. facile intelligitur, quod tamen notandum est, utrumque hic considerari tanquam *sacrificium*, quemadmodum *sacrificium laudis* alibi plenius dicitur, Pf. L. adeo ut *bos*, *juvencus*, sit pro *sacrificio* bovis, &c. quo verbum *non* etiam nos ducit, cum pro bonæ fragrantiae odore, apud Arab. & in Script. Ecclef. vii. 1. Cant. i. 3. Jer. i. 20, usurpetur; quod sacrificiis solet aptari, ut Gen. viii. 21. & alibi. Ceterum quid sibi epitheta velint *cornificantis* & *ungulas dividensis*, ut voces vertendæ sunt, quod jam observavit Gussenius *a*, & quare sint addita, vix expedire possum; possunt in specie ad *juvencum* referri, quum *cornua* emittit, & *ungulas* habet firmas, quo statu vegetiores erant, & sacrificio aptiores, uti Bochartus *b* cum aliis exponit, nec non *bovi* & *juvenco* censeri addita, ut in genere quævis animalia *cornigera* & *bifidas ungulas* habentia, quod *purorum* animantium criterium erat Lev. xi., significarentur.

§. L. 2. Secunda pars ad pios & cultus Dei studiosos inter Israelitas pertinet, & eos ex hac liberatione sua materiam lætitiæ ac consolationis carpturos esse, declarat, vers. 33, 34. Ubi *a*. ipsum consequens eorum respectu exhibetur, vers. 33. *Viderunt mansueti lætabuntur, quærentes Dei, etiam vivat cor vestrum*, h. e. Cum viderint hanc meam liberationem & exaltationem mansueti & modesti, Deo sese submittentibus & hominibus cedentes; curis & anxietatibus soluti lætabuntur, Dei ejusque cultus studiosi coagmentato & corroborato corde exultabunt, utique lætandi materiam habebunt illi, & ut consolatione ac hilaritate gaudeant, quod possunt, ipsis injungo, & eos ad id exhortor. Ad structuram orationis recte percipiendam . i. notandum est, verbo *viderunt* exhiberi antecedens, & prærequiritum lætitiæ, & idem esse ac, *quam viderint*, lætabuntur:

a In Lex. in *pon.*

b H. p. II. l. III. c. 26.

tur: quæ ratio est, quare in præteritum occurrat. Ita Ps. xxii: 23. *exaudivisti me*, narrabo nomen tuum fratribus meis, h. e. cum exaudiveris me, id faciam. Conjungendæ enim sunt hæ voces, & ea ratione intelligendæ, ut ad eum Ps. observavi, & alia similia exempla produxi. Non exprimitur quidem, *quid* viderint, sed ex ferie orationis illud sese sponte sua offert; cum supra de liberatione ac exaltatione sua, hostiumque excidio, locutus fuisset. 2. Voces, elegantiae causa divisæ, ut sæpe solet, secum hac ratione ordinandæ sunt: *viderunt mansueti, quærentes Dei lætabuntur, & vivat cor vestrum*. Verba enim *letari* ac *vivere* ad utroque pertinent, & *mansueti* iidem sunt, qui *quærentes Dei*: quæ duo sunt epitheta eorum, qui lætarentur & viverent, sæpe recurrentia in Ps., & a nobis exposita. Conf. Ps. xxii: 27., qui locus nostro parallelus est: quare moras non necto. 3. Denique observari meretur, sermonem, & de *his* hic fieri, & ad *eos*, ut indicaretur, eos id *partim* esse facturos, *partim* facere debere: *prius*, cum dicitur, eos *lataturos*, *posterius*, cum excitantur ad cor firmandum, & exultandum: ac si haberetur, *viderunt mansueti, quærentes Dei, lætabuntur, & vivet cor ipsorum; letemini* itaque omnes vos, *& vivat cor vestrum*, habetis enim materiam & rationem id faciendi. Phrasis, *vivere cor*, quæ in loco parallelo etiam occurrit Ps. xxii: 27., est selecta & emphatica; denotat enim cor *coagmentatum* & firmum, quæ propria est radicis *נחם* potestas, simul tranquilum & securum, demique exitatum & exultabundum. 4. Tandem not. est; hoc liberationis consequens opponi contrario, vers. 7. memorato, quod ex personæ hujus excidio fuisset secutum, & unde rationem petit orator, ad preces pro liberatione sua urgendas; dicens, *ne pudeant in me quærentes te* &c. Loco itaque confusionis lataturos esse & exultaturos pios, & studiosos Dei cultores, cum liberationem hujus adfecti viderint. Quod facile applicatur ad Davidem, & majore longe emphasi ad Messiam.

§. LL. β. Consequentis, seu consolationis & lætitiæ, materiam & rationem subjungit poeta, vers. 34. his verbis: *quia audit pauperes Jebova, & vinctos suos non spernit*, h. e. lætandi, & animum in quovis casu firmandi, habent rationem pii, habetis vos, quicumque estis, Dei cultores! quia meo exemplo vident, Deum suos non deferere, sed votis eorum respondere, adeo ut inde ad qualemcunque statum afflictum, in quem inciderint pii, concludi possit, sive sit pauperrimus & afflictus eorum status, sive sub potentum & tyrannorum dominio gemant, instar victorum, permissu Dei, vel causa Dei & religionis, Deum eorum querelas audire, & tantum abesse ut eos sperneret, ut erepturus sit tempore opportuno. Ad quorum intellectum in genere notandum est, provocari quidem ad exemplum liberationis hujus personæ, sed consolationem, inde petendam, latius ad qualicumque in statu misero positos, licet dissimilis sit hujus personæ, extendi; adeo ut inde colligi non debeat, personam hanc quoque fuisse *vinctam Dei*; licet sensu commodo id de ea quoque affirmari possit, sive sit David, coram Absolomo fugiens, sive Messias, cruci adfixus. In specie observandum est 1. idem hic locum habere, quod vers. superiore, voces, elegantiae causa divulsas, esse concinnandas, ut uno tenore legatur, *quia pauperes & vinctos suos audit Jebova, & non spernet*, h. e. tantum abest, ut spernat, ut eos quærentes, & Deum inclamantes, audiat, & liberet. Hanc enim emphasin habet sermo, *audit & non spernit*, ut facile nunc intelligitur. 2. *Pauperes* esse in genere qualicumque calamitate gravi pressos, & ope destitutos; & *vinctos Dei* esse in specie, qui, proprie magis, vel improprie, potentum & tyrannorum sub dominio gemunt; utrosque tamen pios, & fideles Dei, eo etiam nomine subinde afflictos, *ut vincti Dei*, & *pauperes* ejus, adpellari possint; sicut Paulus Phil. 1. se *vinctum Christi* adpellat. *Pauperes* enim æque *Dei*, ac *vincti ejus*, intelligendi sunt, licet de vinctis tantum dicatur;

dicatur; cum *relativum* sufficiebat uni epitheto addidisse, ut ad alterum quoque extendatur. *Pauperes* vero proprie sunt, ratione habita originariæ potestatis vocis Hebr. אֲבִיִן, cujus radix אָבָה proprie sedem habet in *curvatione flexa*, *incurvati*, proni, humiles, inde pondere miseriæ oppressi, etiam vexatione tyranica; simul gementes, אֲבִי *heu*, *ebheu* clamantes, & opem implorantes; quare hic habetur, & alibi, Deum *eos audire*; usu autem suo de piis & probis adhibetur, qui *pauperes Dei* propterea adpellantur. Sed *vincti* peculiari usu sunt *bello capti*, & inde in genere tyrannide aliorum oppressi, & potentum dominio subiecti, uti Job. III: 18. ubi vid. Schultens. Conf. Pf. LXVIII: 7. & ibi dicta. 3. Denique, *audire pauperes & non spernere vinctos*, esse, ut jam dixi, non tantum, eos clamantes, & opem implorantes, non susque deque habere, sed *audire*, & *cripere*: quod hic addendum est, & verbo *audire* comprehensum; ut facile intelligitur; conf. Pf. I: 15. Vocula vero אָנֹכִי ante אֲבִיִן usum articuli habet; ejusdem potestatis ac אָנֹכִי ante אֲבִיִן: qui usus Arab. est frequens, Hebr. non insolens.

§. LII. א. Tertia pars respicit ad totum hoc universum, quod ad Deum laudandum excitatur, intuitu salutis, indeque ortæ felicitatis, in populum Dei conferendæ, vers. 35--37. Ubi iterum α. occurrit excitatio orbis ad Deum celebrandum, vers. 35. β. ejus materia & ratio, vers. 36, 37. α. Prius his verbis, vers. 35. *Laudent ipsum coeli & terra; maria, & quicquid in iis se vibrat*. h. e. universæ rerum creaturarum naturæ interest, ut Deum celebrent, & officium omnium creaturarum foret, eo etiam defungerentur, si intelligentia pollerent, & sapientia. Apostrophe est, ut facile patet, poetica ad totum universum, quam late patet, &, per modum personæ fictionis, excitatur ad Deum laudandum, ut significetur, summum esse beneficium, hic memoratum, cujus simul est peculiaris relatio ad universum, adeo ut lætari & Deo jubilare deberet, si intelligeret. Quales fictiones, & apostrophæ, non sunt a

ſtylo poetico & prophetico alienæ, uti ſatis conſtat. Vid. Jeſ. XLIV: 23. & ibi Cl. Vitringa. Partes autem univerſi recenſeri, ſatis patet, ſed quorſum pertineat ultimum membrum, & *omne ſeſe vibrans in iis*, dubium eſt. Verbum *viri* ad piſces non tantum, ſed & animantia, ac aves, ſeſe transferri patitur, ſicut *animantibus* terræ adplicatur Gen. I: VII, VIII, IX. 2. licet paſſim *piſcibus*, ut Pf. CIV: 25. Hab. I: 14. Gen. I. Lev. XI: 46. Vera quoque vocis poteſtas quibusvis animatis competit: habet enim radix propriam notionem *vibrandi*, ſeu cum vibratione *palpitandi*, unde *viri* derivatum de eo dicitur, quod ſe vibrat, ſeu huc illuc, & in ſpecie *agiliter*, ſeſe movet. Structuram vero ſermonis ſi adtendamus, primo cogitandum eſt de *natatilibus*; ſicut enim *coelum* & *terra* junguntur, ita in altero membro *maria* & *quicquid in iis ſeſe movet*, h. e. in *maribus*: ſed licet proxime adjungatur *maribus*, & iis adplicandum ſit, ulterius tamen ad *coelum* & *terram* extendi poteſt; uti fecit *Drusus* *a*. Quod tanti non eſt.

§. LIII. β. Majoris eſt, materiam & rationem celebrationis Dei, univerſe naturæ rerum imperatæ, recte explicuiſſe; quæ his verbis exprimitur, verſ. 36, 37. *Quia Deus ſervabit Tſionem, & ædificabit urbes Judæ, & habitabunt ibi, & hæreditabunt eam, & poſteritas ſervorum ejus cretam tenebunt eam, & amantes nominis ejus tentoria figent in ea.* Quæ pro hypotheſi habent, Tſionem, ſeu metropolin civitatis & Eccleſiæ, in arctum eſſe redactam, & oppreſſam, urbesque Judæ deſtructas, ac incolis orbas: ſignificant vero earum inſtaurationem, & frequentem inhabitationem hæreditariam a ſervis Dei & nominis ac cultus ejus ſtudioſis, in longam poſteritatem, ſimul tutam, tranquillam, & proſperam poſſeſſionem. In verbis nihil eſt obſcuri: quod verſ. 36. fin. in genere dictum erat de frequente inhabitatione hæreditaria, illud verſ. 37. exponitur ratione *incolarum*, qui pii forent, & *perpetuitatis* ejus, cum *ſemen ſervorum Dei* eam dicit.

• Anim. I. II. c. 45.

dicatur possessurum. Hac enim ratione verba coherent. Sed in sensum & scopum verborum inquiramus. Admittant *duplicem* intellectum, *litteralem*, ut adpellatur, & *spiritualem*. Posterior, ut ab eo tanquam, magis recepto, incipiamus, pro hypothesei habet, *Tsionem & urbes Judæ* esse Ecclesiam Christianam, in primævam Apostolicam, in Tsione fundatam, & varias particulares; cum ea tanquam metropoli unitas, per totum orbem, divisam; sub emblemate Tsionis & urbium Judæ, phrasi, a Judæo populo petita, proponi solitam in Script. V. & N. T., uti notum. Quo admissio, prædicatur his verbis, tanquam consequens exaltationis Messie, & materiam jubilationis universæ naturæ rerum, Ecclesiam Judaicam, valde corruptam, quin spiritualiter subversam, etiam litteraliter destructam per Romanos, esse renovandam & in melius mutandam, Ecclesie Tsionæ per orbem propagata, & in varias Ecclesias distincta, eamque esse in perpetuum duraturam, & florituram, cujus membra forent pii, & Dei amantes. Quæ cum ab Interpretibus sint latius deducta, moram nobis injicere non debent.

§. LIV. Quæ licet recte sese habeant, & *partim* ex hypothesei, supra jacta, de Messia hic loquente, sponte sua fluant, *partim* ex eo firmentur, quod jubilationis universæ argumentum constituent justissimum & præcipuum, cum universum in eo suam subsistentiam habeat & firmitatem, quod Ecclesia Christi sit in mundo, cujus causa omnia conservantur & durant, præterea per Ecclesiam Christi Deo gloriam det, & scopo creationis ac conservationis ita respondeat, denique renovationem suam inde suo tempore expectet, Rom. viii. 2 Pet. iii. & alibi: hæc, inquam, licet vera sint, sensum tamen litteralem, ad Tsionem & urbes Judæ pertinentem, non excluderim; cum David quoque in sua hic loquatur persona, ut supra vidimus, & verba ita sint formata, ut ad populum Judæum, a Deo servandum ac instaurandum, nos manifeste ducant, & aliis


prophetiis de hoc populo respondeant: uti constat. Accedit, populi Judæi instaurationem ad eam Ecclesiæ Christianæ respicere tanquam scopum, complementum & fundamentum suum, ejusque simul typum esse & emblema: adeo ut uterque sensus, litteralis & mysticus, recte consistere possit, & soleat.


§. LV. Sed *duo* tunc inprimis sunt, quæ expediri merentur, *alterum* est, qua ratione Judæi populi instaurationis, & prosperitas, possit considerari, tanquam materia & ratio jubilationis totius universi, *alterum* est, quo sensu David ejus mentionem facere potuerit hoc in casu, & tanquam consequens suæ liberationis considerare. *Prius* illud nos non detinebit, cum Cl. Vitringa illud jam illustraverit ad Jes. XLIV: 23., ubi idem fere occurrit: quare uno tantum verbo notasse suffecerit, Ecclesiam Judaicam easdem ob rationes, licet minore gradu, ob quas Ecclesia Christiana, materiam jubilationis universæ rerum naturæ præbere, cum quod vera Dei notitia & religio ab ea pendeat, tum quod, sine ea conservata, Ecclesia Christiana, inde quippe oriunda, & eam consummatura, locum invenire non possit. Sed *posterius* explicatus habere videtur difficiliore, in primis, cum verba destructionem Tſionis & urbium Judæ pro hypothefi habeant, quod ab hoc tempore Pf. est valde alienum. Ad quem nodum solvendum, i. dici posset, Davidem, si ejus sint verba, de quo mox, ut Tſionis & populi Judæi perpetuam conservationem eo fortius exprimeret, quod proprie in animo habuit, Tſionem cum urbibus Judæ sibi tanquam destructam repræsentasse, quod in Spiritu potuit prævidere, quod Muisius quoque observavit, eamque ne sic quidem esse perituram, sed identidem a Deo instaurandam, declarasse, & qua talem universæ naturæ exhibuisse materiam jubili: denique cum sua & Messie exaltatione arcte connexam considerasse, ut pro utriusque consequente haberi possit. Utique durare debebat Tſion usque ad Messiam, in quo consummaretur, & in Salomone

pro-

promissum regni perpetui, Davidi factum, impleretur; quod sine restituto Davide fieri non poterat. David si præfenti calamitati succubuisset, videri posset actum esse de Tsione & urbibus Judæ, ac tranquilla & prospera populi in iis habitatione, quæ per ejus liberationem denuo est confirmata, & sub Salomone mox illustrissimo specimine manifesta facta. Addatur, Davidem suam afflictionem & liberationem potuisse respicere tanquam imaginem calamitatis, & liberationis, sicut piorum, ut vers. 34., ita populi Tsionæi in genere, cujus rex erat, & foret in Salomone ejusque posteris in perpetuum.

§. LVI. Sed 2. verba vers. 35—37., haberi quoque possunt pro adfumento, eo tempore a propheta aliquo addito, quo populus Judæus, Tsione, cum urbibus Judæ, destructa, manus admoveret rebus instaurandis post exilium Babylonicum, ad fidem & spem populi de plenissima rerum restitutione & prosperitate exprimendam & confirmandam. Quod adfumentum huic Ps., quo Davidis & Messie afflictio & liberatio depicta erat, aptissime conveniebat, ut ex supra dictis liquet; nec exemplo caret. Exstat utique simile, ne nunc alia proferam, Ps. LI: 20, 21. ubi vid. dicta. Quando omnis sublata est difficultas, & idem sensus litteralis & Spiritualis retinetur.





P S A L M. LXX.

1. *Præfetto, Davidis ad commemorandum.*
2. *Deus! ad eripiendum me, Jehova! ad auxilium meum, festina.*
3. *Perplexi sint & ignominia notati qui quærent animam meam: retrocedant & pudore frangantur qui delectantur malo meo.*
4. *Redeant super vice pudoris ipsorum, vel super vestigio pudore ipsorum, qui dicunt, evax, evax!*
5. *Exsultent & lætentur in Te omnes quærentes Te, & jugiter dicant, magnificetur Deus! amantes salutem tuam.*
6. *Et ego humilis ac pauper, Deus! festina mihi ad auxilium meum, & ereptor meus tu, Jehova! ne moreris.*

P S A L M. LXXI.

1. *In te, Jehova! patrociniū habeo; ne erubescam in æternum.*
2. *Pro justitia tua extrahes me potenter, & evadere facies; inclina ad me aurem tuam, & serva me.*
3. *Esto rupes commoda habitationis ad intrandum jugiter; præcepisti ad me servandum. Quia petra mea & munitio mea Tu,*
4. *o Deus mi! evadere me fac e manu improbi, e vola iniqui & fermentescentis.*
5. *Quia Tu exspectatio mea, Domine Jehova! fiducia mea a pueritha mea.*
6. *Su-*

6. Super Te fultus sum ab utero, a visceribus matris mee. Tu promus condus meus, in Te splendor meus conflagrat jugiter,
7. Sicut portentum fui malis. Et, vel etiam, Tu persegium meum, robur invictum, es erisque.
8. Impletur os meum magnifica tua laudatione, omni die excellentia tua.
9. Ne projicias me tempore senectutis, quum absunta fuerit vis mea, ne deseras me.
10. Quia dixerunt inimici mei de me, & observantes animam meam consularunt uniter:
11. Dicendo, Deus deseruit ipsum, persequimini ipsum, & prebendite ipsum, nam non est vindex.
12. Deus! ne longe sis a me, ad auxilium meum festina, Deus mi!
13. Erubescant, confundantur, adversarii anime mee, opprobrio & ignominia involvantur querentes malum meum.
14. Et ego jugiter lentus expectabo, & addam ad universitatem laudationum tuarum.
15. Os meum narrabit justitiam tuam, omni die salvationem tuam. Quia non novi recensiones,
16. Veniam cum fortitudinibus Domini Jehovæ, memorabo justitiam tuam, Tui saltus.
17. Deus! instigasti me a pueritia mea, & hucusque premulgabo mirabilia tua.
18. Itaque etiam usque ad senectutem & canitiem, o Deus! ne deseras me, donec publicavero brachium tuum etati omni venturae, fortitudinem tuam, & justitiam tuam.
19. Et justitia tua, o Deus! usque ad altissimum est, qui fecisti mirabilia, o Deus! quis sicut Tu?
20. Qui videre non fecisti angustias stringentes, spissas & quassantes; denovo vivificasti nos, & ex abyssis terre nos denovo emergere fecisti in altum.

21. *Multiplacasti magnificentiam meam, & avertisti Te consolatus es me.*
 22. *Etiam ego celebrabo Te instrumento nablii, psallam Tibi cithara, sancto Israelis.*
 23. *Tinnulum sonabunt labia mea, quum Tibi psallam. Et anima mea, quam redemisti,*
 24. *Etiam lingua mea omni die fervide ebulliet justitiam tuam, quia pudore confusi, quia ignominia notati, sunt quærentes conquassationem meam.*

P R O L E G O M E N A.

§. I.

DUos hosce Psalmos conjungimus, & priorem consideramus tanquam partem Ps. XL: 14--18. repetitam, & Psalmo LXXI. simpliciter præmissam ad statum personæ loquentis calamitosum depingendum, precesque tum fufas representandas, ex quo nunc vel plene, vel ex parte præcipua, erat erepta, ita ut Deum glorificare potuerit & celebrare super liberatione sua, ac cum fiducia ejus patrociniū & tutelam implorare usque ad finem vitæ: quod Ps. LXXI facit, & precibus pro liberatione fufis in statu adflicto, tanquam exauditis, subjungit, ad gratum suum animum testificandum, suamque fiduciam in Deum exprimendam. Decurrunt enim hi Ps. uno filo, & priori tantum præfixus est titulus, posterior ei immediate, sine ullo novi-Ps. indicio, est adnexus. Est quoque prior Ps. pura puta repetitio lacinia Ps. XL. ut ex collatione liquet, adeoque non pro integro Ps. haberi debet, sed pericopa inde excerpta, & huic Ps. LXXI præmissa, per modum exordii, & introductionis, quæ itaque preces in statu adflicto fufas, adeoque alio tempore, continet, & hic repetuntur ad statum personæ loquentis

eo tempore describendum; ad quem Pf. LXXI. respicitur, quo preces illas suas esse exauditas, & fiduciam suam in Deum esse auctam, indicat; denique, sese in posterum esse celebraturum, ac fiduciam in ipso collocaturum, declarat. Digitus quoque Pf. LXXI: 12, 13. manifeste intenditur ad preces Pf. LXX. comprehensas, ut suo loco patebit. Respiciunt itaque duo Pf. ad eandem calamitatem, sed prior tanquam presentem, posterior præteritam & finitam, seu ex parte præcipua, vel perfecte. *Prioris* itaque Pf. partis, instar prologi præmissæ, quæ Pf. LXX. nunc constituit, *argumentum* est supplex viri pii, ab hostibus ad necem quæsit, præcatio pro cita sua liberatione, ad hostium, qui excidium ejus jam læti sibi promittebant, confusionem, & piorum consolationem ac lætitiā. *Posterioris* vero partis, quæ Pf. hoc tempore compositum absolvit, argumentum est ejusdem pii, provectionis jam ætatis, ab ea calamitate vel plene vel ex parte liberati, oratio ad Deum, qua Deum, liberatorem & redemptorem suum, *partim* cum fiducia supplicat, ut vel perfectam concedat liberationem, vel eam perpetuam reddat, nec in senectute, cum vis vigorque defecerit, se deferat, rationibus a concessa liberatione, & aliis multiplicibus favoris Dei signis, ab ipsa pueritia hucusque sibi præstitis, petitis, *partim* pium & gratum suum animum, in Deo laudando, & operibus ejus celebrandis, demonstrandum, testificatur, & explicat. Quæ duæ orationis partes eo, quo dixi, ordine, *tribus* articulis, cum insigni emphasi & variatione, repræsentantur; ut ex *divisione* Pf. patebit.

§. II. *Posterioris* partis, seu Pf. LXXI., cujus ratio hic in primis habenda est, cum *prior* pars ejus tantum sit, ut dixi; introductio, seu prologus, ex Pf. XL. petita, ubi de ea dixi, *criteria* sese offerunt sequentia, quæ argumenti conspectum in lucem proferunt. 1. *Primus* character, ad morales loquentis qualitates pertinens, habet, eum ab ipsa pueritia fuisse Deo consecratum, & eum studiose coluisse; eique semper fuisse, vers. 5, 6, 17. *Secundus* 2. est, eum singu-

laria accepisse a Deo promissa, ad quæ in omni vitæ statu, quam difficili etiam, provocare possit, & a Dei justitia ac veracitate petere liberationem & conservationem: sicut in hoc Ps. facit ubique; in specie, vers. 2, 15, 19, 22. 3. *Tertius* continet varia singularis favoris Dei specimina, in hominum oculos incurrentia, quæ antea & per totam vitam expertus erat; adeo etiam ut *portenti* instar fuerit, vers. 6, 7. 17. 4. *Quartus* est, eum & antea, & novissime, e gravissima calamitate, & hostium persecutione fuisse, cum hostium confusione & prostitutione, ereptum: ut clare exprimitur, vers. 23, 24. Significatur quoque vers. 3. & innuitur pericopa, vers. 9—14. recte intellecta; ut postea patebit. 5. *Quintus* est, aliquid adhuc perfectæ liberationi ipsius deesse; quod a Deo petit perfici, vers. 4. 6. *Sextus* habet, eum in eo jam versari statu, in quo vota, ante concepta, solvere, & Dei virtutes ac opera publice cum gratiarum actione celebrare possit; quod, se quoque facturum esse usque ad finem vitæ, testificatur, vers. 14— & 22—24. Denique 7. *Septimus* est, eum jam provectionis esse ætatis, integris tamen viribus, qui nihil admodum metuendum habeat amplius, quam ut in senectute instante deferatur: quare orat supplex, ut Deus sit, maneatque, præsidium suum in perpetuum, vers. 3, 9. 18.

§. III. Ad hos qui adverterit characteres, is profecto facile intellexerit, quæ etiam communior est Interpretum hypothesis, circa tempus calamitatis Absolomicæ canticum esse compositum; quod ex lacinia Ps. XL., hic repetita Ps. LXX., ulterius confirmo; cum & illa Psalmi XL. ad idem tempus pertineat, ut ad eum Ps. demonstravimus. Sed, quæ nostra est opinio, non vigente, sed jam finita illa afflictione, & Davide Hierosolymis jam restituto, Ps. est ab ipso factus; ut ex criteriis, modo prolatis, manifestum est. Tantum dubium quodammodo est, num plenissima jam fuerit gavius liberatione, an aliquid adhuc superandum, & e medio tollendum, restiterit, cujus in *quinto* caractere memini.

Uti-

Unique cum vers. 4. orare videatur, ut e manu impii, & nullius frugis hominis, eripiat: *tempus* Ps. recte figitur in eo, quo, Absolomo superato, & a Juda receptus, Hierosolymam redux, Joabum misit ad Zebam cum Israele rebellantem in ordinem redigendum, 2 Sam. xx. in quem recte quadrat epitheta, quæ vers. 4. huic hosti dantur. Confirmat traditio, in versione Syr. conservata, sed Ps. LXX. male præmissa, quæ habet, Ps. ad litteram eo pertinere. De quo quicquid sit, sive plene, sive præcipue, fuerit finita calamitas Absolomica, David, ea superata, & in sedem suam restitutus, aptissimam inde sumere potuit *occasionem* sese in favoris Dei signa, quæ hucusque expertus erat, diffundendi, & sese cum fiducia Deo in posterum commendandi, suumque propositum Deum semper celebrandi testificandi; quod hoc Ps. fecit.

§. IV. Unde de *scopo & usu* Ps. quoque facile constat: modo inter laciniam Ps. XL. hic repetitam Ps. LXX., & ipsum Ps. nunc compositum, distinguatur. *Pericopum* illam repetiit, & Ps. præmisit, quæ, quanto fuerit in periculo, & quas tunc preces fuderit, exponit, ut calamitatem, quam in oculis habebat in hoc Ps. LXXI., accuratius definiret, & preces suas esse exauditas, doceret. In ipso vero Ps. intendit gratiam suam animam erga Deum, pro hoc & aliis beneficiis in eam collatis, in lucem proferre, simul fiduciam suam in Deum exponere, & qua ratione sese Deo per preces commendaverit contra senectutis ingravescentis mala, cum publico communicare; ut pii inde consolationem adipiscerentur, & exemplum, quod imitentur, sibi sumant. Quam ob causam *precatori* demandatus est Ps., ut inter sacra cantaretur, & titulum quoque meruit *לחמי*; de quo dixi ad Ps. xxxviii., ad eandem calamitatem pertinentem.

§. V. *Structura* Ps. nihil habet singulare: continua est ad Deum oratio, sed in introductione *precatoria* tota, in ipso Ps. partim *precatoria*, partim *laudatoria* cum gratiarum actione

conjuncta. *Stylus* est planus & facilis, emphaticus tamen & adfectuosus. Partes sunt *duæ* generales, quarum *altera* laciniam alterius Pf. repetit, & per modum introductionis præmittit, Pf. Lxx.; tota precatoria ad liberationem e calamitate præsentis impetrandam; *altera* materiam Pf., nunc compositi, comprehendit Pf. Lxxi., cujus *tres* partes sunt, eodem fere modo, sed cum insigni variatione, decurrentes, quatenus *precationem* continent cum testificatione *laudationis* Dei, qua studiose defungeretur. ». *Primus* articulus est, vers. 1—8. 1. *Secundus* vers. 9—16. 2. *Tertius* vers. 17—24.

A N A C R I S I S.

§. VI. Pf. Lxxmum Interpretes alii ad Davidem vel a Saulo, vel Absolomo, adfectum, referunt, alii pro adpendice Pf. præcedentis habent, & vel preces Messiae patientis continuari, vel Ecclesiae, aut piorum sub cruce ad Christi exemplum gementium, querelas hic fundi, autumant, sese in eo tantum fundantes, quod eum conspectum hæc pericopa gerat Pf. xl: 14—., unde petita est. Sed cum ad eum Pf. demonstraverim; pericopam agere de Davide coram Absolomo fugiente, facile liquet, sublestum esse eorum fundamentum, qui ad Christum aut Christianos adplicant, & omnino ad Davidem tempore afflictionis Absolomi pertinere. In quo hic acquiesco. Pf. Lxxi., licet alii de Christo patiente, alii de Ecclesia in afflictione posita, sive Judaica sub Babylonis, Persis & Syro-Maced., ut Tillius, inscriptioni Lxx. Interp. aliquid tribuens, aut a Romanis a vers. 20. ut Kimchius, sive Christiana, ut alii, interpretentur: communior tamen hypothesis habet, eum de Davide, coram Absolomo fugiente, esse explicandum; quæ unice vera est, ut ex supra dictis liquet; hoc tantum cum discrimine, quod non durante, sed finita hac afflictione fuerit compositus, & ad Davidem jam libera-

beratum adplicandus. Præterquam quod nulla sit ratio a Davide, autore Ps., discedendi, nullus sese offerat Messia, aut Ecclesiæ Christianæ, character, absque quo si Ps. eo referatur, arbitraria plane & imaginaria fieret Ps. interpretandorum methodus; adsunt nonnulla, quæ ad Christum aut Ecclesiam vix adplicari possunt; ut quod ex. gr. de *sensu sua*, ejusque incommodis, hic habet autor. Acquiescimus itaque in vulgatiore hypothese, paululum immutata, ut modo notavi, & ad Davidem, modo afflictionibus Absolomi ereptum, & sedi restitutum, adplicamus Ps.: secundum quam hypothesein exponere adgredior.

E X P O S I T I O.

§. VII. Pericopa introductoria, de cujus scopo jam dixi, Ps. LXX. comprehensa, cum ex Ps. XL: 14. sit desumpta, & ibi explicita, nos non detinebit; tantum de una alterave notabiliore differentia inter hunc Ps. & XL. verbo monebo. 1. Omissa hic est periculi & calamitatis descriptio, quæ occasionem precum dedit, & mox preces ipsæ incipiunt; quia ex Ps. XL: 13. repeti facile poterat, & ex ipsis precibus etiam sese offerebat. 2. Loco verborum Ps. XL: 14. *benevole velis Jehova me eripere, Jehova ad auxilium meum festina*; hic habetur vers. 2. *Deus ad eripendum me, Jehova ad auxilium meum festina*; sive prius membrum, quod incompletum est, per sequens compleatur, verbo *festinare* eo etiam translato, uti sæpe alias fit, ut Ps. xciii. & seq., sive per reticentiam sit verbum omissam, mente supplendum, ut sit, *Deus ad eripendum me sis benevolus*, ut Ps. XL., vel *veni*; quando recte additur, imo *veni cito*, seu *festina*. Sed potest infin. etiam pro imperat. seu optativo sumi, ut *eripere me* idem sit, ac *eripe me*: pro ut vertit Syr. & Gr. 3. Majoris est, ut alia leviora mittam, quod Ps. XL: 16. habeatur *non sidentur super vice*

pudoris ipsorum, hic occurrat *non* revertantur *super vice pudoris ipsorum*; quod difficilius est explicitu. Verba Pl. XL, ut a nobis exposita sunt, habent, eos esse *siderandos*, seu adtonita mente & desolatione adficiendos, cum vices pudoris & confutionis ad eos venerint: sed quid erit, *redeant super vice pudoris ipsorum*? si recepta lectio sit retinenda, & non *non* legi, ut legisse videtur Syr., alterutrum dicendum est, vel *redire* hic esse pro *retrocedere*, ut Chald. & Gr. acceperunt, & verbum protritum est in *retroactione* cum ignominia & clade in bello, vel *redire* exserere usum haud insolitum, quo scenæ exitum & finem denotat, ut Lat. *huc rediit res*, vel *persona*, hunc habuit exitum. Quod utrumque huc apte quadrat. Sed aliud habeo, quod hic observem; voces nimirum, *על פניו*, quas Pl. XL: 16. reddidi *super vice*, forte rectius reddi *super vestigio*, pro statim, ut Lat. *e vestigio*, sic LXX. Pl. XL. *καταχρησθαι*, & hic *καταχρησθαι*. Quod eruditus admodum criticus, Fr. Hare a, jam occupavit. Verti ergo debebit, *redeant super calcaneo*, vel *confestim*, cum *pudore suo*. Quod alias *γὰρ* sicut momento dicitur, uti Pl. LXXIII: 19. & quod propius accedit, *וְיָ* in via Pl. II: 12. ubi vid. dicta. 4. De differentia lectionis vers. 6. & Pl. XL: 18. in verbis *non*, ut hic, & *וְיָ* ut ibi, dixi ad eum Pl., in nostro Pl. nulla est difficultas.

§. VIII. *Prima* pars Pl. LXXI., vers. 1--8. comprehensa, continet *precationem*, diversis phrasibus cum rationibus moventibus expressam, & *laudationis* perpetuæ testificationem; sed pericopam de favoris Dei signis, a pueritia hucusque, mediam insertam, cum ad preces urgendas, tum ad laudationis materiam & obligationem tradendam: adeoque recte in *tria* dividitur membra; quorum 1. primum complectitur preces pro conservatione & ulteriore liberatione cum rationibus moventibus, vers. 1—4. 2. secundum recensensionem beneficiorum per omnem vitam, vers. 5—7. 3. tertium *laudationis* Dei a se faciendæ testificationem, vers. 8:

a. *Pre-*

a Ad Pl. librum metricè divisum.

a. *Preces*, rationibus moventibus munita singula, quatuor articulis proponuntur, vers. 1—4. quarum a. primus generalis est, & his verbis effertur, vers. 1. *In te, Jehova! patrociniū habeo, ne erubescam in aeternum.* h. e. cum tu sis, Jehova, patronus meus, sub cujus clientela fui & sum, magna cum fiducia oro, & exspecto, ne unquam pudore confusus destituatur tua tutela, & spe mea excidam. Supplicat, simul promittit sibi, *ne pudore confundatur in perpetuum*, adeoque non nunc tantum, sed nunquam per totam vitam, sed tutus & securus degat, & votorum compos prosperitate in posterum fruatur: *in* ne est deprecantis non tantum, verum & inficiantis, ac longe a se removentis: ut sit, *absit*, ut *confunderer pudore*; & negativa loquendi formula simul contrarium involvit; *non confundar*, sed votorum damnas laetus & prosper degam. Fundat precationem & expectationem in eo, quod *Deum* veracem illum & summum, *Jehova* adpellatum, habeat *patremum*; sub cujus ala & umbra undique clausus sit, sicuti antea semper, ita & nunc. Quod non involutum est; ut saepe observavi.

§. IX. β. *Secundus* specialior, superiorem explicans, & ad praesentem statum adplicans, ita habet vers. 2. *Pro justitia tua extrahes me potenter & evadere facies, inclina ad me aurem tuam, & serva me.* h. e. cum tu sis patronus meus potentissimus, simul justus & verax, cujus itaque est me potenter vindicare, & tibi adserere, eaque ratione efficere, ut periculis & oppressiōibus eripiar, ac evadam, qualem te mihi semper praestitisti, & praestiturus es ut confido; precor cum fiducia, ut me, Te invocantem, audias, & in latum pacis, securitatis ac prosperitatis, campum educas, in eoque statu conserves. Quod modo dixerat, *Jehovam esse patremum suum*, illud nunc explicatius tradit, & inde deducit liberationem suam multiplicem, qua gavissus erat, ac spem certam ejus in posterum; *precationem* vero, negative expressam, *ne confundar in perpetuum*, vertit in positivam, & ad praesentem casum adplicat, cum dicit, *inclina ad me au-*

surem & serva me. Prius itaque versus membrum comprehendit fundamentum spei & expectationis, precumque exauditionis; in Dei, patroni sui, *justitia*, indeque ortis liberationibus suis præteritis, de futuris quoque testantibus, situm, his verbis: *pro justitia tua extrahes me, & evadere me facies*, h. e. pro ea, qua fulges, virtute, per quam in dictis & promissis constans es, eaque imples semper, injurias & in justitias vindicas, ac innocentes oppressos liberas, quæ est *justitia Dei*, tibi etiam convenit me liberare ab omni oppressione, quod sicut fecisti hucusque, ita non dubito, quin facturus sis in posterum. Verba non sunt *orantis*, quibus a Deo petitur, ut id faciat, cum precatio mox subjungatur, & in fut. occurrant, sed *fundamentum* precationis continent, & exponunt, quid Deus, qua *justus*, facere debeat, soleat, & facturus sit: quem usum forma fut. sæpe habet: adeoque ad præteritum sese etiam extendit. *Justitia* vero Dei hic ea est virtus, qua dictis fidem præstat, quæ alias *veracitas* dicitur, & injustitias ulciscitur, ac pietati remuneratur: ad quam David hic provocat, non quod coram Deo innocens sit, sed quod, sicut promissis Deus sese ei obstrinxerit, ita coram hominibus, eum persequentibus, sit innocens & justus, adeoque dignus, qui eripiatur, quemadmodum Deus hucusque sese erga eum gesserat, etiam novissime ex tanta calamitate, in quam per Absololum inciderat, liberando. Quo fundamento nunc orat, ut Deus ipsum inclamantem audiat, & *servet*, h. e. ulterius & in perpetuum, ut vers. 1. vidimus. In quo nihil est difficile.

§. X. 7. *Tertius* articulus, quo preces latius extenduntur, & earum fundamentum clarius exponitur, his verbis proponitur, vers. 3. *Esto mihi rupes commodæ habitationis, ad intrandum jugiter, præcepisti ad me servandum*: reliquæ enim voces ad vers. seq. pertinent, ut mox adparebit. Sensus est, oro, ut te mihi præstes firmissimam & omnibus rebus abundantem habitationem, quam ita intrem, ut eam in-

incolam jugiter, absque ut eam deferere necesse habeam: quod cum fiducia oro, dum adpareat, te meam liberationem perfectam præcepisse, & effecturum esse, me periculis eripiendo, & sedi restituendo. In *precibus* respicit ad Tſionem, arcem Davidis, & petit, ut per Deum commodum ac munitum habeat habitaculum, quod ita *intret*, ut ibi maneat in perpetuum. Vox *נָכַח*, quæ vera est lectio, & non *נָח*, ut recte Buxtorfius *a*, quæ vox etiam restituenda est Pf. xxxi: 3., & occurrit Pf. xc: 1., denotat commodam, & omnibus adfluentem, habitationem, a *נָח*, ut ad Pf. xxxi. & alibi observavimus. Verbum vero *נָכַח* est *intrare*, & divitem insuper habet sensum, quo intrantis habitationem involvit, absque ut eam deferere necesse habeat, quare additur *נָכַח* *jugiter* in perpetuum; quod cum *intrare* non cohæret, nisi respectu *habitationis* ejus, qui intravit. Verbum *נָכַח* subinde dicit *introire*, oppositè ad *foras*, ut ibi *sedeat*, vel *habit*; uti Pf. xxvi: 4., ubi vid. dicta. LXX, reddentes *ἐν τόποις ὄχυρόν*, legerunt, vel legendum judicarunt, *בֵּית מִצְוָה* pro *בֵּית חַיִּים* ex Pf. xxxi: 3. Fundat preces in eo, quod Deus *præceperit ipsum servare* in præterit., adeoque jam inceperit, & demonstraverit ipso facto, ipsum perfecte esse liberandum. Ex quo liquet, ipsum jam fuisse ereptum, & inde concludere posse, Deum liberationem perfecturum & durabilem facturum.

§. X. 2. *Quartus* articulus redit ad præsens periculum, nondum plane superatum, & preces continet pro liberatione, fundatas in relatione Dei, qua rupis & munitiois, ad eum, vers. 3, 4. his verbis: *quia petra mea & munitio mea tu, o Deus mi! evadere me fac e manu improbi, e vola iniqui, & fermentescantis*. Conjungenda enim sunt hæc verba, prava versuum divisione separata, cum voces, *quia petra mea & munitio mea tu es*, non ad præced. sed seq. pertinent, *partim* quod, cum dixisset *esto mihi petra*, minus apte adjungeretur, *quia es mea petra*, *partim* quod seq. recte con-

Na

veniant.

veniant, cum alias deficeret ratio *moventis*, seu fundamentum precationis, quæ antea semper fuerunt conjuncta, *partim* quod Ps. xxxi. 4. ea ratione occurrant. Respicitur in precibus ad novam rebellionem Sebæ, Benjaminitæ, 2 Sam. xx. quam David in initio valde metuebat, ut ibi narratur, in quem virum recte quadrant epitheta improbi, iniqui, & acore vitiorum corrupti, ut ex l. c. liquet, ubi diserte etiam vir *Behial* adpellatur. Liberatus itaque a persecutione Absoloni, & in munitam suam arcem redux, cum denuo infestaretur a Seba, cui Israel sese adjunxerat, recte erat, ut, cum Deus sese jam arcem munitam sibi præstiterit, liberationem hanc consummet, & ipsam potestati hujus factionis eripiat. Ceterum epitheta hujus viri nihil habent obscuri, nisi ultimum *יִמְרִי* *fermentescens*, quod tamen a Doctis, in primis Bocharto, a satis expeditum est. Denotat *perversum, corruptum*, ut massa fermento corrumpitur, *oappam* dictum Lat., & Gr. *ὄζιν* *b*, simul ira & exacerbatione tumidum, & insolentem. Sicut *Συμῶν ὄζιν* *περὶ ἄκρας* Aristophanes *c*, & Plautus *d*, *ira mihi pectus peracuit*, Arab. etiam *יִמְרִי* *fermentescens corde* est in specie superba & acerba iniquitate præditus, notante Cl. Schultens *e*. Inest radici *partim aceti, partim fermenti* ratio.

§. XI. 2. Recensio beneficiorum per omnem vitam hucusque, cum spiritualium tum corporalium, vers. 5—7., quod *secundum* est primæ partis Ps. membrum, subjungitur precibus pro perfecta liberatione & conservatione, ac præmittitur testificationi laudationis Dei faciendæ in perpetuum, quia beneficia illa *partim* pro rationibus moventibus ad preces exaudiendas haberi poterant, *partim* materiam Deum celebrandi exhibebant uberrimam; adeo ut hæc pericopa per *יָ* *quia* cohereat aptissime cum præced., æque ac seq., & utrumque, quem dixi, conspectum habeat. Quo præ-

a H. p. i. l. ii. p. 113.

b Aristoph. Equit. vers. 1301.

c Vesp. vers. 1077.

d Aulul. act. iii. sc. 4.

e In Mill

præmissio, ejus explicationem paucis tradamus. Tria memorantur favoris Dei signa, per pronomen *tu* ter repetitum, & singulis præmissum, distincta. *a. Primum* est in singulari pietate erga Deum & fiducia in ipsum, ab ipsa pueritia, & ætæ relatione ad Deum ab ipsa nativitate, *scilicet*, vers. 5, 6. his verbis: *quia tu expectatio mea, Domine Jehova! fiducia mea a pueritia mea, super te fultus sum ab utero, a visceribus matris mee.* h. e. statim ac ratione incepti uti, Tibi me docendum, ducendum & tuendum, commisi, tanquam Deo & patrono meo, usus etiam ab eo tempore sum, spe & expectatione mea non pudesactus; imo vero ab ipsa nativitate mea te expertus sum fultorem & doctorem meum; qui me peculiaris tue curæ facit objectum, tanquam ad magna destinatum. Duo itaque de se prædicat David, alterum ad pietatem suam, alterum ad Dei erga se curam spectans; prius a pueritia, posterius ab ipsa nativitate repetitum. Prius habet, se fiduciam suam habuisse in Deum æpositam, adeoque toto animo ipsi sese adjunxisse, in pietate & cultu religioso, ab ipsa pueritia, h. e. ex quo rationis usum habuerit: uti vox *Hebr.* sumi solet: quemadmodum *quum figmentum cordis hominis appellatur salus a pueritia*, Gen. viii: 21. & *alibi*. Denotat enim vox omnem ætatem inter infantilem & virilem; ut ex Lex. constat, ipsa etiam originaria potestas, in *agilitate excessu*, ac in motum expressa, sita, demonstrat. Posterius, quod antea ad ipsam ætatem tendit, de fiducia & pietate ejus non agit, nec animi fiduciam hoc loco denotat, quippe ab ejusmodi infante alienum, sed *tutela* Dei, qua usus fuit ab ipsa nativitate, tanquam peculiaris Dei curæ erga ipsum signum, adeoque, quæ vera verti potestas est, se Deo, tanquam fulcro & sustentaculo suo, semper fuisse usum. Radix enim *pro* proprie est *fulcire* palis, & ita in altum erigere; thinc in Niph. *ut*, nifu premente incumbere; sed & fulcragento imponi, & eo uti. Quem usum hic habet, & clare

confirmat locus parallelus, Pl. XXII: 11. *super te conjectus sum ab utero, a ventre matris meae*; ubi vid. dicta.

§. XII. β. Secundum, quod ad singularem Dei directionem, conservationem & liberationem, ad hoc usque tempus, pertinet, his verbis vers. 6, 7. exhibetur: *tu promus condus meus, in te splendor meus coruscans jugiter; sicut portentum fui multis*. h. e. Sicut ab ipsa nativitate me singularis tuæ curæ objectum fecisti, ego quoque tibi amore & fiducia intime a pueritia adhæsi; ita tu mihi per omnem vitam sufficienter omnia suppeditasti, & in splendida felicitatis & potentiae conditione collocasti, ac tuitus es, adeo ut mirabilis, & portenti instar, fuerim in oculis hominum. Quæquam apte in Davidem per omnem vitam convenient, nemini non constat: adeo ut nihil nobis agendum supersit, quam ut versionem & paraphrasin demonstremus & illustremus; quod paucis fieri poterit observatis. 1. *Primum est*, voces מן נרמ non coherere cum præced., ut putatur, quod vel sensum vel emphasin non habet, sed per se stare, & novum signum favoris Dei per omnem vitam continere, in eo situm, quod Deus ipsi sufficienter prospexerit, & omnia ad vitam abundanter ministraverit. Vox נרמ tu præmissa indicat, novum hic incipere beneficium, quo gavisus est post pueritiam, cujus modo meminerat, & מן recte verteris *promus-condus*: est enim a rad. מן pro מן secare, inde *partiri*, subministrare cuique idonea, nec non copiam abundantem, ad instar *promi* alicujus; uti Gr. *ταπας* a *ταπεινω* secare: unde מן Arab. *retribuere, pensare*, notat, idem quod מן *cumulare bonis*: quod Cl. Schultens a jam adtulit. 2. *Secundum est*, phrasin, *in te splendor meus radians semper*, sc. fuit, ut ex seq. patet, *fui portentum*, pertinere ad summam felicitatis & potentiae statum, in quem per Deum evehctus fuit, & in quo constanter fuerat conservatus contra quævis hostium conamina. Qui sensus sicut in rem est aptissimus, Davidi adprime congruus, ut facile patet

tet, superiori etiam per gradationem recte subiectus; ita ex genuina vocis מלח significacione sese sponte sua offert. Primigeniam enim potestatem habet in *splendore ex alto radiante*, unde inter alia transfertur ad *insigniter eminentem felicitatis & potentiae gradum a. 3.* Tertium est, augeri hæc favoris Dei signa per sequentia verba, *instar portenti fui multis*, h. e. pro mirabili persona, a Deo in mundo suscitata, vulgo & passim habitus sum. Conf. quæ Cl. Vitrin- ga de hac phrasi protulit ad Jes. VIII: 18. & adplica ad Davidem, quæ ipsi conveniunt.

§. XIII. 7. *Tertium*, ad præsentem statum pertinens, ita sonat vers. 7. *& tu perfugium meum, robur invictum*, scilicet etiamnum es, & eris in posterum. Interpretes construunt cum præced., & interpretantur, *licet portenti instar fuerim respectu miseriæ meæ habitus, tu tamen fuisti perfugium meum*; sed præced. male ad statum miseriæ referuntur, ut modo vidimus, & pronomem *tu* repetitum indicat, quid novi hic proferri; quod facile invenitur, si ad præsentem statum referatur, & futurum, ut sit: sicut *fui isti promus meus, & in te fuit splendor meus* coruscans, ita ut portenti instar fuerim, sic & nunc es, ac eris, *perfugium meum, & turris munita*; in non est etiam, & mente suppleri debet *es ac eris*: uti vers. 3. habuimus, quo hic respicitur. Vox vero *et*, quod tantum restat notandum, sine copula cum præced. connexa, instar epitheti est *perfugio* addita, vel elliptica, ut suppleatur *arx*; quemadmodum Ps. LXI: 4, & alibi. Quæ non sunt difficilia.

§. XIV. 1. Laudationis Dei, a se faciendæ, testificatio- nem his verbis exprimit, vers. 8. *Implebitur os meum magnifica tua laudatione, omni die excellentia tua*, h. e. tot tantisque beneficiis a te mastatus, tot majestatis & excellentiæ tuæ signa cum dederis, nunc & in posterum ero quoti- die in eo totus, ut gratum meum animum quoque demon-

Nn 3

strem,

C O M M E N T A R I U S

Item, in summa tua excellentia, & virtutibus tuis ceteris, laudandis, ac splendide & magnifice publice quovis modo celebrandis. Voces, elegantiae causa, ut saepe fit, divise, hac ratione concinnandae sunt: *implebitur os meum quodidie magnifica laudatione excellentiae tuae*, nec votum continent, sed occupationem a nunc per omnem vitam, quam confitetur ac promittit, in animi grati signum: quem significatum habet verbum fut. temp.; oratio est valde emphatica. Vox *nam* non qualemcunque, sed magnificam, & splendide sese efferentem, laudationem comprehendit, ut ex originaria ejus potestate, modo tradita, facile patet: altera vox *nam* summum denotat decus, & majestuosam excellentiam; a propria notione, *tumult, intumuit, bullivit a.* Laus tua & excellentia tua idem est, ac splendide excellentiae tuae laudatio: ut modo dixi. Denique phrase, *os meum replebitur*, exhibet copiosam, & publicam laudationem, summo studio factam; & *omni die* est quotidie, ac per omnem vitam: quod facillimum est.

§. XV. 2. Secunda Pl. pars, eodem ordine decurrens, continet preces pro continua conservatione in statu prosperitatis, ne amplius, ut modo, turbaretur, maxime cum tempus senectutis, quo vires deficiunt animi & corporis, instaret, vers. 9. *Ne proficiat me tempore senectutis, quum defuncta fuerit vis mea, ne deferat me*, h. e. cum me hucusque tam benigne foveris, & curaveris, tot ac tanta favoris & curae tuae signa mihi dederis, cum fiducia oro, ut ad finem vitae talem te mihi praestes, nec, cum senectus ingruerit, & vires animi ac corporis defecerint, curam mihi subtrahas, meque mihi relinquas. Vocabula rursus disjuncta secum hac ratione conjungenda sunt: ne tempore senectutis, cum vis mea me deseruerit, me cura tua exsolvas, & a te, tuaque directione & conservatione longe removeas. *Tempus senectutis* non tanquam praesens, sed futurum & instans memorat, quod probe notandum, ut vis

par.

particulæ 4 & 5 indicat, illudque describit, tanquam quo-
vigor animi ac corporis solet discedere, adeoque homo ad
res suas agendas & tutandas est ineptior: contra quæ in-
commoda petit muniri per Dei tutelam & curam peculia-
rem; quam itaque sibi conservari & continuari supplicat;
cum dicit, *ne me deferas, ne me propicias*, h. e. cura tua
solvas, & me mihi permittas: quam emphasin habent ver-
ba 4 & 5: ut sæpe alias observatum est. Nihil hic ob-
scuri.

§. XVI. β. Urget preces, fiduciamque ac certam exau-
ditionis spem significat, simul materiam celebrationis Dei,
& se faciendæ in perpetuum, exponit, commemorationeq;
status sui periculosi, in quo hostes putabant cum ipso actum
esse, ipse preces pro liberatione cum hostium confusione
fudit, & exauditus est; vers. 10—13. *Quia dixerunt inimi-
ci mei de me, & observantes animam meam consularunt uni-
ter, dicendo, Deus deseruit ipsum, persequimini, & preben-
dite ipsum, nam non est vindex: Deus, ne longe sis a me,
Deus mi! ad auxilium meum festina, erubescant consumantur
adversarii anima mea, opprobrio & ignominia involvantur
querentes malum meum.* h. e. Quantam habeam rationem a te
cum fiducia implorandi conservationem tuam tempore se-
quenti, quantamque materiam te laudandi in perpetuum;
status mei præteriti recordatio facile suggerit: etenim hostes
mei, mecum actum esse putantes, se ad me e medio tollen-
dum excitarunt, ego vero Dei auxilium imploravi, & libe-
ratus sum, magisque ut eripiar oro. Pericopa itaque pericu-
losi status Davidis, non præsentis, sed proximo præteriti,
& piæ ejus adfectionis in eo, sistit imaginem, eo, quo dæ-
xi, scopo. Rationes sunt, 1. quia vers. præced., cui tan-
quam ratio subjungitur, non pro liberatione ex præsentem
periculo precatus erat, sed conservatione tantum tempore
senectutis, argumento manifesto, ipsum non de præsentem,
sed futuro, statu fuisse sollicitum, adeoque nunc nihil adeo
metuendum habere: ejus contrarium in hac pericopa oc-
cur-

currit. 2. Quia sequens pericopa, cui hæc præmittitur, pro hypothesi habet, eum habere in præsentī summam materiam Dei celebrandi; & rationem in eo sperandi; quod sese in perpetuum facturum esse declarat: quod clarius adparebit, si quis conferat Pf. LXX: 1. ubi longe aliter ac hic loquitur.

3. Quia ex argumento Pf., supra in lucem producto, liquet, eum non amplius in statu illo periculoso & desperato versari, sed jam ereptum esse, vers. 23., & *hostes* jam esse *confusos*, vers. 24., pro quorum tamen *confusione* hic orat.

4. Denique accedit, collationem pericopæ cum introductione Pf., quæ Pf. LXX. constituit, manifestum facere, pericopam nostram ejus esse repetitionem, & ad eam esse referendam, adeoque preces continere tunc fusas, quum fuit in illo statu, qui supra in parte introductoria descriptus erat. Ad intellectum itaque pericopæ notanda est *ellipsis* & *reticentia*; ellipsis verbi *דixi* in principio vers. 12., & *reticentia* effectus seu eventus læti, preces eas secuti, ad finem pericopæ: ita ut plena fuisset oratio: *quia dixerunt inimici mei — dicendo, Deus deseruit ipsum — ego dixi, Deus ne sis longe a me — & exauditus sum, ac exaudias magis.* Ellipsis verbi *ו* satis frequens est, ut ad Mal. notavi, & *reticentia* eventus eo facilior, quod sequens pericopa eum sponte sua offerat, ut modo observavi. Potuisset quidem dixisse, *Deus non longe a me fuit* &c. sed formam precationis retinuit, ut simul ulteriorem liberationem, & hostium confusionem imploraret; uti vers. 4. eum instituere vidimus. Agit itaque pericopa, vers. 10 & 11., de statu periculoso, in quo fuit in principio fugæ coram Absolomo, quo cum ipso actum videbatur, ipse a Deo rejectus, & auxilio necessario destitutus, adeoque tuto & certoprehendendus ac occidendus; conf. 2 Sam. XVII: 1, 2. & Pf. III: 2, 3., & preces exhibet eo in statu fusas, vers. 12, 13. quas & nunc repetit ad ulteriorem liberationem, & totalem hostium confusionem, impetrandam. Ceterum in verbis & phrasibus nihil superest impediti; de quibus alibi quoque
ad

ad Ps. xl. diximus. Tantum notetur, i. verbum ~~con~~stru-
tum cum ~~h~~ significare *loqui de me*, & non *mibi*, de quo vid.
Cl. Schultens a. 2. Verba vers. 13. *pudore confundantur*,
consummantur, significare vel, pudore confusi pereant,
pudenda morte intereant, ut Achitopeli, & Sebæ, etiam
Absolomo, contigit, vel pudefiant plene, ad consummatio-
nem usque; adeoque & Seba cum suis, qui nunc sese ipsi
opponerant; quando speciem precationis quoque hoc tem-
pore habet, ut modo notavi.

§. XVII. γ. Adfectionis & occupationis suæ, impetrata
hac mirabili liberatione & rerum stabili instauratione, con-
spectum apte subjungit, vers. 14—16. Ubi occurrit,
a. propositio, vers. 14, 15. b. ejus deductio, vers. 15, 16.
a. Propositio ita habet, vers. 14. 15. *Et ego jugiter lentus*
expectabo, & addam ad universitatem laudationum tuarum; os
meum narrabit justitiam tuam, omni die tuam salvationem. h. e.
Tam certus itaque de tua conservatione usque ad finem vi-
tæ sum, ut eam jugiter summa cum tenacitate expectatu-
rus sim, & in eo tantum occupatus futurus, ut immensæ
te laudandi materiæ hanc continuo additurus sim, qua sal-
vationem tuam, mihi præstitam & præstandam, & in ea con-
spiciam tuam justitiam, quotidie enarrem publice & cele-
brem. Declarat itaque & fiduciam suam in Deum, qua,
preces modo fusas pro conservatione sua esse exaudiendas,
sibi promittebat, & piam suam occupationem in Deo lau-
dando, in signum quoque grati animi; oppositæ etiam ad
hostes confusos & oppressos. Quam emphasin habet vox
~~in~~ itaque vel *at* ego, quacum orditur pericopam; itaque
ego, qui Dei conservationem oro, cum votorum compo-
tem me futurum esse confidam, *expectabo itaque* Deum,
& laudabo jugiter; præterea, *at*, vel *sed*, ego, ita ero ad-
fectus & occupatus; secus ac hostes mei, qui confusi jace-
bunt. *Duo* sunt versuum horum membra, quorum *prius*
lentam & securam expectationem continet, *posterius* piam
Oo &

a Anim. ad h. l.

& lætam ejus occupationem. *Præ* his verbis, *juxta exspectabo*, scilicet lentus, tenax & securus, sine ulteriore anxietate, & molesta luctatione: quam emphasin præfert verbum *me*, de quo alibi sæpe dixi, ut ad Pl. xxxviii: 16. LXIX: 4. Sed quid *exspectaret*? id quod oraverat, vers. 9. adeoque conservationem status, & auxilli Dei præsentiam, usque ad finem vitæ: quare etiam addit, *juxta*, in perpetuum, tempore quoque senectutis, usque ad mortem. *Posterior* ita habet: *Et addam super universitatem laudationis tuæ, os meum enarrabit justitiam tuam omni die salutem tuam, mihi præstitam*, h. e. universitati laudationis tuæ hoc in specie addam, quod os meum justitiam tuam, in me servando conspicuam, sit enarraturum & celebraturum. Declarat itaque, 1. se aliquid additurum celebrationi laudis Dei; & mox, 2. exponit illud additamentum, quid sit, & in quo situm. Hac enim ratione coheret oratio, & facillime expeditur: quod non observatum Interpretes reddidit impositos in phrasi exponenda, *addam super omnem laudem tuam*. Sensus, ex nostra hypothese facillimus, habet, se *universitati laudis & laudationis Dei* hoc additurum, quod *justitiam Dei & salutem* sit enarraturus pleno & libero ore: indicat multiplicem esse laudationis Dei materiam, & se etiam eam pro capto & viribus esse manifestaturum, sed ei additum nunc esse, & in specie celebraturum, laudationem *justitiæ & salutis Dei*, seu *liberationis* a Deo concessæ, & *justitiæ Dei* in ea elucescentis. *Justitia Dei & salus Dei*, est salus a Deo cum justitiæ demonstratione concessa, & concedenda in perpetuum. Conf. vers. 2. *pro justitia tua eripias me*; & ibi dicta.

§. XVIII. b. Propositionis deductio his verbis sit vers. 15, 16. *Quia non novi recensere, ventiam cum fortitudinibus Domini Jehovæ, memorabo justitiam tuam, cui solius*. h. e. Quod dixi, me omni laudi Dei additurum esse narrationem justitiæ, & salutis Dei, ejus hæc est ratio, quod laudem Dei enumerationem instituere nequeam, cum omnem nu-

merum excedant, quare, quod repeto, contentus ero summam Dei præpotentiam & justitiam in me liberando, & beneficiis cumulando, præstitam, celebrasse; quod studiose & palam faciam, venturus cum Dei præpotentiis & justitia, easque laudaturus. Cohærent itaque hæ voces, per *versam* divisionem male sejunctas, & priores, *quis non novi recensiones*, respiciunt ad *omnes Dei laudes*, ac *rationem* dant, quare non tam eas sit celebraturus, quam iis quid additurus, seu præter & super alias omnes laudationes Dei sit in specie ejus salutem ac justitiam celebraturus: quam rationem ponit in innumerabili eopia eorum laudum, dicens, *quis non novi recensiones*, h. e. *plures sunt*, quam ut enumerare possim; sicut Pl. XL: 6. *plures sunt rami quam ut recensere quis possit*. Hic verus videtur vocum sensus, & scopus, qui sese facile adprobat; quare aliorum interpretationes mitto. *Posteriores* vero voces cum emphasi & variatione repetunt, quod modo de *justitia & salute Dei laudanda* dixerat, & expriment præsentem occupationem, *qua fortitudines & justitiam Dei laudaturus sit*. Quod itaque modo *salutem Dei*, illud hic *fortitudines Dei* adpellat, quia fortitudinis & præpotentis Dei virtutis signum erat & effectum; & sicut modo *justitiam ac salutem Dei* conjunxerat, ita nunc *fortitudines & justitiam Dei*; adeoque *fortitudines Dei* hic constituunt quoque materiam laudationis Dei, quam insisteret; quod seq. confirmant, ubi vers. 18. ipse verbis dicit, se coram positurum & adnunciaturum *brachium Dei & vim ejus præpotentem*. Phrasis itaque, *venire in*, vel *cum*, *fortitudinibus Dei*, non dicit, per eas, & earum opo ac auxilio venire, ut multis videtur, cum quod vox illustis ac fortia Dei facinora denotare soleat, tum quod materiam laudationis designet, ut vidimus. *Venire vero cum fortitudinibus Jehovæ*, ut verti debet, quod recte vidit Dieu, & ex Arab. illustrat, est, iis quasi cinctum, cum iis tanquam materia laudationis, *venire*: sive *venire cum* sit, ut apud Arab., præferre simpliciter, sive per ellipsin *veniam*, quocunque *veniam*

aut in *publicum* in *domum Dei*, Pl. v: 8. *mecum* habens *fortitudines Dei*, tanquam materiam celebrationis, siue denique *venire* & *commemorare* conjungantur, & *venire commemorare* nihil aliud sit, ac adgredi & instituire commemorationem; uti Belgæ dicunt, *komen doen*. Ita & alibi *venire* denotat rem cum studio adgredi, ut Jer 1: 5. ubi vid. dicta. Ceterum similis phrasis occurrit, Pl. v: 8. *in*, vel *cum*, *spisitate beneficentiae tuae veniam in domum tuam*; eodem sensu. Denique not. *fortitudines* & *justitiam* Dei connecti, ut modo *salvationem* & *justitiam* Dei, & membra versus, elegantiae causa disjuncta, connectenda esse, acsi legeretur: *veniam cum fortitudinibus & justitia Jebova, celebrabo fortitudines & justitiam tuam*; h. e. prae potentia tua facta *justitiae* plena: plane uti vers. 16.

§. XLX. 1. *Tertia* Pl. pars, easdem fere res eodemque ordine repraesentans, a. preces continet pro continuatione beneficii, quo a pueritia gavisus erat, usque ad vitae finem, in eo siti, quod, sicut a Deo a pueritia doctus & ductus fortitudinem & justitiam Dei hucusque adnuntiabat, ita sibi in posterum, senectute etiam ingravescente, idem facere liceat, vers. 17, 18. *Deus! instigasti me a pueritia mea, & usque huc promulgabo mirabilia tua; itaque etiam usque ad senectutem & canitiem, o Deus! ne deferas me, donec publicavero brachium tuum aetati omni venturae fortitudinem tuam, & justitiam tuam*. Quibus a. beneficium commemorat, hucusque in eum collatum a pueritia, vers. 17. b. ejus continuationem petit ad decrepitam senectutem usque, vers. 18. adeo ut verba preces proprie contineant, & beneficium, quod petitur, alte repetitum, tantum praemittatur, ut indicaretur, ipsum nihil novi supplicare, & rationem habere eo majorem hoc orandi, cum a pueritia usque tam diu eo gavisus esset. a. In beneficii commemoratione, quod a pueritia repetit, nihil admodum obscuri occurrit: quare uno alterove defungar observato. 1. *Primum* est, voces, a *pueritia*, & *usque huc*, secum cohaerere, & sese ad praeced. aequae

que ac seq. porrigere; ac si haberetur: *instigasti me a pueritia & huc usque; & ab inde hucusque promulgabo mirabilia tua.* Qua ratione cuncta optime fluunt, & sensus fit amplior ac plenior; qui habet, Deum a pueritia hucusque Davidem docuisse mirabilia, iisque adsuafecisse, & ipsum quoque per omne illud tempus studiose occupatum fuisse in mirabilibus istis Dei promulgandis, quæ a Deo erat doctus. 2. *Objectum* institutionis divinæ & promulgationis Davidis, utriusque illius operis & Dei & Davidis, constituunt *mirabilia Dei*; quippe quæ vox, licet ad finem addita, sese æque ad informationem divinam, ac promulgationem, extendit: ut facile intelligitur. Significantur autem illustria Dei & mirabilia facinora, in primis in gratiam Davidis & populi Dei, quæ de Dei præpotente vi, & justitia, testabantur. De quo sicut ex præced., vers. 15, 16. ita ex seq. vers. 18. clare constat. Denotat verbum *פלה* aliquid magno conatu & molimine producere; a propria *findendi, scindendi*, idque altius adacto cuneo, potestate: uti sæpe alias observavimus. 3. *Docere* Dei, & *publicare* Davidis, sibi respondere, adeo ut Deus declaretur doctor, ipse publicator mirabilium Dei, facile intelligitur. *Docere* autem Dei est *cum* materiam publicandi præbere, *tum* in notitiam mirabilium ducere, *tum* denique *excitare* ad ea celebranda. Verbum *פלה* proprie dicit *pungere*, unde Jud. III: 31. derivatum pro *stimulo*, seu fuste præacuto & pungente, quo boves aguntur, usurpatur, hinc *pungendo instimulare*, & inde *tum docere*, informare, *tum adsuafacere*, *tum excitare*. Quid vero sit *publicare* Davidis, facile patet; comprehendit verbum claram, & publicam, manifestationem, qua quid *ante oculos* ponitur, & palam promulgatur. Quæ vis verbi *פלה* est, ut sæpe alias notavi.

§. XX. b. Petitio ipsa ita sonat, vers. 18. *Et ad senectutem ac canitiem usque, Deus! ne deferas me, usque eo publicabo brachium tuum etati omni venienti fortitudinem tuam & justitiam tuam.* Quibus verbis manifeste ad præcedentia re-

spicitur, & eorum continuatio ad finem vitæ usque supplicatur; adeoque & *institutionis* divinæ & *publicationis*, a Davide faciendæ, continuationem hic exhiberi, observandum est; unde verborum genuinus intellectus pendet. *Duo* itaque petit, *alterum*, ut Deus ipsam instituat porro, *alterum*, ut publicandi facultatem retineat. *Prius* his verbis comprehensum est, *usque ad senectutem & canitiem ne deferas me*, o Deus! h. e. durante senectute, ad ultimum terminum ejus usque, ne me destituas tua informatione ac instigatione, sed instigare & vires sufficere pergas: quam senectus amplitudinem hic habet illud *non deferere*; adeoque *positivi* quid involvit, quod ex nexu facile eruitur. Vult enim, ut in illustribus Dei facinoribus celebrandis continuare possit, ad quod opus erat *tum* informatione & excitatione divina, *tum* virium animi & corporis necessariorum suppeditatione: quam utramque intendit phrasi negativa, *ne deferas me*, ne me instigatione ac influxu tuo prives: sapere autem sibi utrumque illud capit *ad usque senectutem & canitiem*, h. e. durante ea ad finem ejus usque. Vocula *γ* duplicem exserit usum, quo & *durationem* rei, & *terminum* designat, adeo ut sit, durante senectute, & usque ad terminum ejus. Ita pro *dum*, *durante* hoc, sumitur, Jud. III: 27. 2 Reg. IX: 22. & alibi. *Terminum* vero hic denotat, non a quo, sed ad quem rei, non ergo usque quo incipiat senectus, sed donec finiatur, & in mortem transeat, *ad senectutem* itaque est, ad *finem* ejus usque. *Posterior*, cujus meminimus, his verbis profertur, *usque eo nuntiabo brachium tuum generationi omni ventura fortitudinem tuam & justitiam*, h. e. sicut hucusque a Te instigatus fui, ita peto, ut, adveniente senectute, & usque ad ejus finem, eadem informatione tua gavissus, in hoc eodem opere pergere possim, quod ut faciam mihi fixum est, eo itaque usque promulgem, uti promulgabo, præpotentissima tua facinora & justa, in usum & hujus, & sequentium temporum generationum omnium. Ad quam paraphrasin intelligendam I. notetur *γ* absoluta po-

positum respicere ad præcedens *נפיש*, adeoque esse pro *נפיש*, ut alibi habetur, *usque eo*, vel, *ad eam*. Sensus enim est, se eo etiam usque velle publicare laudes Dei, quo- usque petierat a Deo instigari. 2. Membra duo sunt, quæ sibi ad illustrationem sunt subjuncta, ita ut posterius prio- ris sit explicatio, & amplificatio: *brachium* itaque Dei est ejus *præpotens fortitudo*, & *justitia*, quæ, ut mox dicam, additur, ad brachii præpotentis qualitatem moralem expli- candam. Significatur itaque illustre Dei facinus, de poten- tia & justitia Dei testans: quemadmodum supra habuimus. Præterea voces *לכל לראי* *ætati omni venturæ*, quoque se invicem illustrant, adeo ut voces, *omni venturæ*, notio- nem ætatis ulterius extendant, ne de præsentè generatione tantum cogitemus. Respiciunt utique voces, *לכל לראי*, ad superiorem *מאתמ*, & per ellipsin *מא* dicunt, *omni ætati*, *quæ ventura est*; sicut Eccl. 1: 4. *ætas abijt, ætas venit*. Quod ab aliis jam est observatum. Sed quid est *promulgare ætati venturæ*? nihil aliud existimem, quam in gratiam quoque & usum omnium ætatum sequentium; ut ad earum notitiam veniant præclara hæc facta, sive per ora- lem traditionem, sicut parentes liberis narrare debebant Dei præclara facta, sive per *scripta*, quibus odis Davidicæ commisit per secula seq. durarent, & instruerent; quod factum esse novimus. Quo sensu etiam Ps. XVIII: 50. dixit, *se Deum celebraturum inter gentes*: ubi vid. dicta. 3. Deni- que not. vocem, vers. 19. *Et justitiam tuam* pertinere quoque ad hunc versum; ut ex superioribus, ubi *fortitudo* & *justitia* conjunguntur, quoque confirmatur. Sed separata sunt, ut utramque vocem cum præced. & seq. construeremus; ac si- bi legerentur; *promulgabo fortitudinem & justitiam tuam*. *Fortitudo & justitia tua, o Deus! sum ad usque altum* &c. Quia exempla vocum cum præced. & seq. junctarum plu- ra sunt, alibi etiam ad Mal. producta, & ad Dan. II.

§. XXI. 2. *Secundo pars, quæ beneficia, justitia & for- titudinis Dei signa & effecta, in populum & Davidem colla- ta,*

ta, & ulterius conferenda, comprehendit, *precibus* subjungitur, instar rationis moventis & fundamenti exauditionis, sed *celebrationi* Dei faciendæ a Davide præmittitur, instar *materiæ* & rationis ad eam excitantis; plane ut in præcedentibus partibus habuimus. Occurrit autem hic *a.* generalis propositio, vers. 19. *b.* specilior deductio, & applicatio ad populum & Davidem, vers. 20, 21. *a.* Generalis propositio ita sonat, vers. 19. *Et justitia tua*, (vel *Et etenim*, ut idem fere dicat ac *quia* vers. 5, 10.) *o Deus! usque ad altissimum est; qui fecisti magnifica, o Deus! quis sicut tu?* h. e. spem exauditionis precum, modo fusarum, & materiam te laudandi in posterum habeo, Deus! uberriam: etenim justitia & fortitudo tua illustrissimo admodum modo sese in gratiam nostram, populi & meam, conspiciendam præbuit in facinoribus tuis præclarissimis, quæ fecisti; adeo ut te summum demonstraveris Deum, cui nihil simile est. 1. *Justitiam Dei* dicit ad cælum pertinere; seu esse illustrissimam & summam, maximeque conspicuam, & copiosam, supra omnia, etiam captum hominum, evectam; his verbis: *justitia tua, o Deus! usque ad sublime*, scilicet est; sive usque ad cælum, uti alibi habetur, Ps. xxxvi: 6, 7. LVII: 11. & vox מרים usurpari solet, ut vidimus ad Ps. LXVIII: 19. In quo nihil est difficile. Tantum not., voce *justitiæ* una comprehendendi *fortitudinem* Dei; de qua modo dixi. 2. Addit mox signa & effecta, quibus justitia & fortitudo Dei tantopere fuit illustrata, dicens: *qui fecisti magnifica*; ut recte vertitur. Vid. Gejerus. Intelliguntur illustria & majestuosæ Dei opera, justitiæ & fortitudinis ejus effecta, in specie in salutem populi Dei & Davidis, ut seq. demonstrant. 3. Amplificat, quum addit, *quis sicut tu, o Deus!* h. e. nemo tui similis est in cælo aut terra; nemo, qui talia patrare possit opera; nemo tam justus, tam potens, quam tu. Talem te clarissime manifestasti, & demonstrasti, ut inde colli-

ligi ab omnibus debeat, *neminem esse tui similem*, seu, Te esse omnibus iustis & potentibus superiorem.

§. XXII. *b.* Propositionis specialior deductio, & applicatio, comprehendit facinora Dei in gratiam *populi Israelis & Davidis*, vers. 20, 21. Ubi 1. præmittit, quæ ad populum Israelis, cuius ipse erat pars eminentior, pertinent. vers. 20. *Qui videre nos fecisti angustias stringentes, spissas & quassantes; denuo vivificasti nos, & ex abyssis terrae nos denuo emergere fecisti in altum.* h. e. Quam magnifica sint tua opera, iustitiæ & fortitudinis tuæ signa & effecta, nos, qui populum tuum constituimus, ô Deus! maximopere sumus experti: Tu enim ille es, qui, cum nos in summas & multiplices coniecisses angustias, quæ nos conquassarent, nos denuo quasi e mortuis vivificasti, & ex infimo ac miserabili statu in sublimem eduxisti locum, non semel, sed sæpius: nec dubitamus, quin in posterum eadem ratione nobiscum acturus sis. Pertinent verba non speciatim ad Davidem, sed totum populum, cuius rex ipse erat, ut ex num. plur. liquet, & seq., ubi de se loquens sing. rursus utitur. Præpostera itaque est Masoretharum crisis, quæ *plurali* substituerunt sing. Præterea respiciunt verba ad statum populi præteritum, ad præsentem usque; ita tamen ut spem instaurationis in simili casu in posterum simul expriment: quare verbis fut. temp., *vivificabis, extolles nos*, utitur. Fut. temp. hic primo ad præteritum respicit, quo præced., *videre nos fecisti*, cui subjungitur fut. temp., ducit, & *consuetum* agendi morem denotat, ut sæpe alias, sed simul ad fut. se extendit, & *spem* in fut. continet: ut sensus sit, *vivificare & extollere nos confuevisti, & idem, quæ spes nostra est, facies in posterum.* Continent vero verba status afflicti, & gloriose liberationis ex eo, descriptionem ad iustitiæ & fortitudinis Dei celebrationem producendam. Ex quo elucescit, *status miseri* commemorationem hic occurrere, tanquam antecedens, & ad liberationem extollendam; non itaque tanquam *iustitiæ & fortitudinis* signum,

Pp

quod

quod in sola liberatione ponitur, sed tanquam occasionem earum virtutum illustrandarum per vindicationem & educationem ex eo: ac si haberetur, *qui, quum videre nos fecisti angustias, iterum vivificasti nos.* Qualia exempla plura sunt. Vid. ad Ps. LXVI: 10—12. Status afflictus his verbis describitur: *videre* (experiri, sentire, quod facillimum est,) *nos fecisti angustias stringentes*, (radix אָר , proprie *stringere, arctare*, denotat stringentem arctationem ad summum usque discrimen,) *multas* (proprie *spissas*, & densas, adeoque multiplices & frequentes, simul graves & magnas) & *conquassantes*, vel *quassationes spissas*, (vox מַרְסָה construi potest, æque ac מַרְסָה , cum מַרְסָה , etiam pro subst. sumi; priore ratione dicit *conquassantes* angustias, quæ destructionem patientiæ & virium adferunt, posteriore vero, *quassationes* ipsas, quæ *angustiis* subjiciuntur, & cum *spissis* etiam construuntur, ad emphasin augendam. Perinde est, quo modo accipiat; modo not. מַרְסָה non simpliciter *mala* denotare, ut putatur, quod *angustiis*, per se semper *malis*, sine emphasi adderetur, sed *conquassandi, frangendi* habere potestatem, unde *mali*, & *moralis*, & *physici*, usus fluxit. vid. ad Ps. x: 15.) *Liberationem* ab hoc statu exhibent sequentia verba: *rediisti vivificasti nos, & ex abyssis terræ rediisti evexisti nos.* h. e. denuo, iterum iterumque repetitis vicibus, nos quasi ex orco & morte in vitam revocasti, eamque prosperam & gloriosam. Quæ nihil habent impediti. Significatur rerum collapsarum & desperatarum populi illustri instauratio, cum resurrectione e mortuis, & vivificatione, comparari solita. De quo dixi ad Dan. XII. nec est ignotum. Ceterum digitus intenditur ad omnes angustias præteritas, & liberationes ex iis, quas populus Israeliticus ab afflictione Aegyptiaca expertus erat ad hoc tempus, usque quo Ps. est compositus. Quæ quam variæ, multiplices & graves, fuerint, nemini non ex historia constat.

§. XXIII. 2. Subjungit David mox singularia justitiæ & fortitudinis Dei signa & effecta, quæ ipse expertus erat ver.


21. *Multiplicasti magnificentiam meam, & avertisti te consolatus es me.* h. e. Quod populo evenit, idem mihi accidit: utique spissam, multam & magnam, fecisti magnificentiam meam, me e vili statu in summe gloriosum evehendo, et afflicto in summe prosperum; deinde, cum faciem tuam avertisti, & me tua gratia privasti, ac iram sentire fecisti, quasi poenitentia ductus, meaeque miseriae adgemens, & suspiria mea recipiens, iterum *consolatus es me*, & favoris tui signa, justitiae & fortitudinis tuae effecta, denuo experiri fecisti, me liberando, & in pristinum statum inducendo. Quae paraphrasis, scopo & nexui verborum unice congrua, ut intelligatur, notandum est, *tris* hic de se declarare Davidem. 1. *Primum* est, suam excellentiam fuisse a Deo magnam & multam factam; scilicet cum ad regnum super toto populo evectus est, illudque longe lateque, domitiis populis vicinis, extendit, ac prosperum reddidit. 2. *Secundum* est, Deum *se avertisse* ab ipso, favorem suum ipsi subtrahendo, & irae signa dando: quod hoc verbo exponit, *et avertisti te*; qui satis usitatus est conj. Niph. usus, quo reciprocam adfert potestatem, uti notum est. Deus autem *se vertere* dicitur in *bonum* & in *malum*, prout se *vel convertit* ad aliquem, *vel ab eo avertit*: quem utrumque usum habet, ut ex Lex. quoque constat; & hic censi potest exserere, ac si bis legeretur, *avertisti te, convertisti & consolatus es me*; quod ipsam praesupponeretur in *convertendi* significato, si ille solus adoptaretur: *reverti* enim *consolari* involvit, & pro hypothese habet, *consolationis* interruptionem. Sed rectius primo sensu ad *aversionem* Dei ab ipso refertur, indeque ortam afflictam Davidis conditionem, qua excellentiam illam spissam, cujus modo meminerat, perdidit; ut tempore fugae coram Absolomo, quo Ps. confectus est. Subjungitur enim *multiplicationi excellentiae*, & praemittitur *consolationi*; adeoque indicat statum excellentiae contrarium, & ea posteriorem, in quo indigebat, ut liberaretur, *consolatione* Dei. Confirmat hunc sensum comparatio cum

fatis populi, quorum modo meminerat, tristibus primum, dein lætis, quæ, & se ea expertum fuisse ut indicaret, requirit. Conf. Pl. xxx: 8. ubi idem de se eodem fere modo confitetur. Ceterum *dom* eodem sensu capi debet, quo vers. 20. *Et videre nos fecisti*, ut sit, *Et quum avertisti te, consolatus es me*. Interpretes aliter instituunt, & varie; quos mitto. *Tertium* 3. est, Deum, qui se averterat, ipsum iterum *consolatum* fuisse; quod hoc verbo exprimit, *consolatus es me*, & consolaberis in posterum; utrumque enim fut. temp. forma est comprehensum, ut modo habuimus. Debebat dixisse, ut modo, *non rediisti consolatus es*, sed reticuit, cum quod facile ex præced. repeti posset, tum quod ipso verbo *non involutum* sit, ut modo notavi. Verbo *consolandi* utitur divite sensu, qui *liberationem & instaurationem*; quæ realis est consolatio, includit. Quod non est difficile.

§. XXIV. *γ*. Tertia pars, laudandi Deum propositum complexa, quæ respondet pericopæ vers. 14—16. ubi de ejus scopo & conspectu dixi, ita sonat, vers. 22—24. *Etiā ego celebrabo te instrumento nablii, veritatem tuam, Deus mi! psallam tibi cithara, sancto Israelis. Tinnulum sonabunt labia mea, quum tibi psallam: Et anima mea, quam redemisti, etiam lingua mea omni die fervide ebulliet justitiam tuam, quia pudore confusi, quia ignominia notati, sunt quaerentes conquassationem meam*. Quæ verba, si quæ elegantiae causa divisa sunt connectantur, hac ratione formanda forent. Deus mi, & sancte Israelis! celebrabo etiam ego te, & in te imprimis veritatem & justitiam tuam, nablio & cithara psallam tibi, tinnulum sonabunt labia mea cantu, anima mea & lingua eructabit fervide meditando & loquendo, quia tu redemisti animam meam, & hostes mei, qui meam quassationem quærebant, confusi sunt, & prostruti. *Partes orationis itaque sunt sequentes*. 1. *Objectum* est Deus, quem adpellat *Deum suum & sanctum Israelis*, ut supremum supra omnia creata eVectum Numen, Deum Israelis proprium, & suum, designaret. Hanc enim emphasin habet titulus *san-*
cti

ſti *Israelis*. Vid. *Jef. xl: 25.* & ibi *Cl. Commentator.* 2. *Materiam* celebrandi memorat *veritatem & justitiam Dei*: de quibus virtutibus supra dixi. 3. *Rationem* celebrandi quaerit in *redemptione animae*, seu vitæ suæ, ac hostium, qui ejus quassationem quærebant, confusione & prostitutione, jam facta. 4. *Modum* celebrandi recenset *triplicem* *a.* per instrumenta musica, *nablium & citharam*; de quibus alibi diximus, & alii abunde egerunt. *Nablium* est instrumentum, chordis instructum, quæ digitis utriusque manus pulsabantur, a forma *utris*, quæ vocis נָבִל potestas est, sic dictum. Vid., præter *Tillium a*, *Relandus b.* *Cithara* כִּתָּרָא est instrumentum chordis constans, quæ plectro pulsabantur *c.* Apud Arab. ex vetustis libris notatur, part. esse pass. cum significatione, quæ originem præfert *motus tremuli & vibrantis.* *b.* Per *carmina* voce cantanda, his verbis: *labia mea tinnulum sonabunt*, læta carmina accinendo. De qua rad. יָן potestate alibi sæpe diximus. *c.* Per *meditationes & prædicationes* publicas; his verbis expressas: *Et anima — etiam lingua mea ebulliet* &c. sc. meditando & proferendo. Hæ enim voces conjungendæ sunt, & verbum תִּנְנוּ æque ad *animam* ac *linguam* pertinet: dicit exæstuationem, ebullitionem, cum *cordis* per meditationem, tum *linguæ* per pronunciationem. Conf. *Ps. xlv: 2. xlix: 4.* & alibi.

• De Musica S. b Diff. v. de Nummis Samarit. c Id. Ib.





P S A L M LXXII.

1. *Salomonis. Deus! judicia tua regi da, & justitiam tuam filio Regis.*
2. *Judicabit populum tuum in justitia, & humiles tuos in aequitate.*
3. *Proferent montes pacem populo, & colles in justitia.*
4. *Judicabit humiles populi, servabit filios egeni, & conteret oppressorem.*
5. *Timebunt Te cum sole & coram luna, generatio generatio-
num.*
6. *Descendet copiose sicut pluvia super refectum, sicut spissa gutta super adustum terræ, vel, exprimens fluxum terræ.*
7. *Efflorescet in diebus ejus justus, & spissa copia pacis erit, ad usque consummationem lunæ.*
8. *Et dominabitur a mari ad mare, & a fluvio ad terminos terræ.*
9. *Ante faciem ejus procumbent deserticolæ truces, & hostes ejus pulverem lingent.*
10. *Reges Tarsis & insularum donativa adferent, reges Schebæ & Sabæ gratitudinis munus offerent.*
11. *Et adorabunt eum omnes reges, omnes gentes servient ei.*
12. *Quia extrahet pauperem quiritantem, & humilem, & cui patronus deest.*
13. *Connivebit super tenui & paupere, & animas egenorum servabit.*
14. *A dolo & violentia vindicabit animas ipsorum, & pretiosus erit sanguis ipsorum in oculis ejus.*
15. *Et*

15. *Et vocat! & dabit ipsi de agro Schebe, & orabit pro ipso
jugiter, omni die benedicet ipsi.*
16. *Sit exspiramentum tritici in terra in vertice montium;
perstrepet instar Libani fructus ejus, & entescent præ lar-
gissima pluvia, instar graminis terræ.*
17. *Sit nomen ejus in æternum! coram seipso copiose sebolescet,
& benedicent sibi in eo omnes gentes, beatum ipsum prædica-
bunt.*
18. *Benedictus sit Jehova Deus, Deus Israelis, qui facit
mirabilia solus.*
19. *Et benedictum sit nomen gloriæ ejus in æternum, ejusque
gloria repleatur tota terra. Amen & amen!*
20. *Desinunt preces Davidis, filii Isai.*

PROLEGOMENA.

§. I.

Argumentum præclarissimi hujus Ps. est illustris alieni-
jus viri, qui se regem & filium regis *נַרִי* *isra'el* adpel-
lat, oratio partim precatoria, qua a Deo instrui & duci pe-
tit, ut secundum leges & jura Dei regnum administret, cui-
que jus & æquum dispense, pauperes & afflictos vindicet,
& regno gaudeat prospero & pacifico, partim prophetica,
qua regnum Dei sub longe excellentiore rege, sequente
tempore erigendum, vivis coloribus depingit, tanquam coe-
lestibus donis & bonis plenum, pacificum, & æternum,
simul longe lateque per orbem inter gentes diffusum, jus-
tum, æquum, & quibuscunque, seu cujuscunque condi-
tionis, subditis salutare, & regi gloriosum, qui muneribus
& donis ab omnibus honoraretur, & votivis precibus ac be-
nedictionibus exciperetur, partim denique variis, per mo-
dum

dum conclusionis, quæ, superioribus lineis summam repetitis, regno & regi omnia illa, quæ memoraverat, adprecatur. Quibus omnibus, adpendicis instar, subiungitur *δοξολογία* Dei, cum solenni formula, quæ liber Psalmorum claudi solet.

§. II. Ad cujus argumenti verum conspectum in genere notandum est, & ante omnia, duas esse ejus partes, quæ diversæ sunt naturæ, *alteram* precatoriam, *alteram* prophetica, in voto definientem; cujus utriusque indicium in eo est, quod *priori* parti directæ præmittatur *precatio*, vers. 1. cujus scopus & consequens tantum repræsentatur, vers. 2—4.; *posterior* vero pars tota, sine ullo indicio precationis, decurrat per modum prædictionis, verbis fut. temp.; nisi quod terminari videatur verbis *optativæ formæ*; ut postea videbimus. Accedit, illud ipsum, quod in priore parte supplicaverat persona loquens, in posteriore exhiberi tanquam a rege, quem ibi in oculis habet, esse præstandum, & quidem longe luculentius, quam oraverat, vers. 12. &c. In *specie* verò ad animum revocari velim, 1. *priorem* partem vero suo conspectu esse introductionem Ps., & partem ejus antecedentem, ac occasionalem; *alteram* vero proprium constituere & præcipuum Ps. argumentum. Priore enim parte brevibus absoluta, autor sese fusius in posteriore parte depingenda diffundit, & definit in ea, 2. in priore parte virum illustrem, pro quo oratur, adpellari *regem* & *regis filium*, sed in posteriore nominatim non exprimi, tantum tanquam illustrem & coelestem regem, simul potentem & optimum describi, ita tamen, ut tacite insinuetur, eodem sub titulo *regis* & *regis filii* ipsum comprehensum fuisse, licet sensu sublimiore & magis emphatico, quæ ratio est, quare expresse non adpelletur; 3. denique in priore parte supplicari tantum, ad regimen justum & æquum, pacificum simul & prosperum, constituendum, divinam informationem & directionem; præterea restringi illud regimen ad *populum Dei*, & proprios regni cives: sed in *posteriori*

riore regem delineari, tanquam coelestem, potentissimum, & a regibus ipsis adorandum, ac muneribus religiose colendum, in quo sibi quoque benedicerent gentes, quique pauperes, mites, oppressos redimeret, & potenter vindicaret, seseque iis indulgentissimum præberet patrem & rectorem: *regnum* vero ob oculos fisti, tanquam domis & bonis coelestibus plenum, pacificum, populosissimum, ex tenuibus licet originibus ortum, vers. 16., longe lateque per orbem extensum, & universale; denique æternum, nunquam cessaturum, quamdiu sol & luna forent, vers. 5, 7, 17.

§. III. De tempore & occasione Ps. ante quam dispiciamus, *autor* definiendus est, sitne *David*, an *Salomo*: de alterutro enim cogitandum esse, communis habet Interpretum hypothesis; sed alii *Salomonem*, alii, qui plures sunt numero, *Davidem*, pro autore habent: audiendi enim non sunt, qui *materiam* Davidi, *formam* & *structuram* Ps. *Salomoni* adscribunt, quippe quod ne speciem quidem probabilitatis habet. *Priores* vero sese in titulo שלמה *Salomonis* fundant, cum præf. ל in titulis Ps. *autorem* designare soleat. *Posteriores* provocant cum ad mentionem *regis*, pro quo oratur, tum ad clausulam Ps. vers. 20. qua, *Davidis preces finitas* esse, dicitur. Quod neutrum sufficit; cum *clausula*, ab alia manu perfecta, non hujus sit Ps., sed omnium præcedentium, in *duos* libros collectorum; qui, paucis exceptis, sunt omnes a Davide; secus ac in seq., qui longe maximam partem alios habent autores; *autorem* vero pro se in tertia persona orare, seseque regem, & filium *regis*, dicere, nihil habet insoliti, multum etiam emphasios; ut in seq. dicam. Placet vero & mihi *prior* sententia, quæ *Salomonem* pro *autore* agnoscit; quia hic constans est in Ps. inscriptionibus præfixi ל usus, a quo si discedas, fluxa erit & ambigua titulorum significatio, nec usquam certi de *autore* aliquo essemus. Retinet quoque eandem potestatem Ps. cxxv., qui *Salomoni* quoque tribuendus est. Quod si Davidi Ps., tanquam *autori*, esse dandum aliunde constaret, vocem שלמה non pro

titulo Pf., sed prima voce haberem & verterem: *Salomoni, o Deus! judicia tua regi da, & justitiam tuam filio regis*, adeo ut voces, elegantiae causa divulsæ, ut sæpissime fit, hac ratione decurrant: *Salomoni, regi, & Filio regis, o Deus! da judicia tua & justitiam tuam*. Sed, cum titulus Pf. ita soleat præmitti, ab eo usu non ausim discedere; maxime cum Pf. recte in Salomonem quadret, tanquam autorem, qui, brevi pro se & regno suo præmissa precatatione, cogitationibus suis per Spiritum defigitur in Messia, cujus typus erat, regnum; ut mox dicam.

§. IV. *Tempus* Pf. recte constituitur, ut facile adparet, quo in regno confirmatus, & somnio divino beatus, promissum accepit sapientiæ ac prosperitatis in regno administrando, 1 Reg. III & 2 Chron. I. Cum enim in visione nocturna hoc desiderium suum expectorasset, & Deus ei adnuisset, simul reliqua hujus vitæ bona ipsi & regno ejus pollicitus esset; ipse recte censetur excitatus ad hanc oden componendam, qua idem illud suum desiderium, quod in somnio exposuerat, repetit & confirmat, simul promissi Dei implementum supplicat. Aptissima præterea erat occasio, meditationes ad regnum Messia, in suo, tanquam emblemate & typo, conspicuum, simul sui regni prosperi fundamentum & complementum, transferendi; quemadmodum David etiam subinde fecerat, ut Pf. XL & LXIX. & alibi. Salomonem autem jam regem fuisse, & in regno confirmatum, titulus *regis* evincit, & perpetua ad regnum suum adusio in regni Messia pictura confirmat: cum vero *jura & justitiam Dei* sibi dari ad regnum rite administrandum, & in pace conservandum, tam ardentem petat, & inde mox incipiat Pf., commodius tempus eo, cujus memini, excogitare nequeo. Quare in eo acquiesco.

§. V. *Scopus* Pf. est, ut facile cernitur, desiderium, in somnio expressum, confirmare, & promissi, sibi tunc facti, implementum implorare, ut in regno suo floreant justitia, pax & prosperitas: præterea illustrissimi & prosperrimi regni

ni Messiae, ad quod suum respiciebat, & in quo terminaretur, lineas ducere, simul illud tanquam exemplum sibi imitandum proponere, ut in suo regno se ita gerat, & tunc fruatur regno, ut dignum sit Messiae & regni ejus emblemata. *Ufus* cantici sive privatus, sive publicus, definiri enim nequit, num inter sacra fuerit publice adhibitus, sese facile quoque in oculos ingerit, ad fidem & spem fidelium erigendam & corroborandam, qua Messiae regnum, in eo Salomonis conspicuum, ante oculos habebant, & expectabant; simul formulam ipsis in manus dandam, qua, pro Salomonis regno orantes, uti, & fidem suam ac spem, modo memoratam, exprimere & alere poterant.

§. VI. *Structura* Ps. nihil habet difficilis; continuum continet ad Deum adloquium, sed diverso modo institutum, partim supplicatorio, partim prophetico, partim votivo; ita tamen ut persona, pro qua oratur, sicut de qua sermo fit propheticus & votivus, in tertia persona memoretur, ejus rationem mox pandam. Adloquium vero ad Deum in parte quoque prophetica continuari, ex vers. 5., de quo mox, elucescit. *Stylus*, licet hic illic figuratus, non est difficilis, sed planus & emphaticus, una alterave voce, post illustranda, excepta. *Partes* Ps. generales *duae* sunt, *altera* precatoria, vers. 1—4. *altera* prophetica, sed in *votum*, quod subjungitur, desinens, vers. 5—17. Utriusque partes speciales post recensebo. Ultimos *tres* versus in analysi omisi, quia clausulam continent, ab alia manu additam, nec hujus tantum, sed & praecedentium Ps. omnium: de quo postea.

A N A C R I S I S.

§. VII. Interpretes circa hypothesein Ps. exponendi fere omnes, uno alterove excepto, conveniunt, Messiae regnum hic depingi, sed alii unice & directe, licet cum continua ad Salomonis regnum adlusionem, alii indirecte & mystice,

ita ut primo sensu *Salomonis*, secundo & typico *Messiae* describatur. Ex nostra vero hypothefi *partes* Pl., modo memoratae, distinguendae sunt, & *prior* referenda est ad Salomonem ipsum, *posterior* ad Messiam, utraque directe, sed posterior, cum perpetua ad Salomonem adlusione. Cujus distincta nobis reddenda est ratio. *Priorem* partem, quae *precatoria* est, vers. 1—4, directe ad Salomonem retulerim, & pro introductione, seu parte occasionali Psalmi, quem seq. pars proprie constituit, habuerim. Rationes sunt, 1. quod titulus *regis & filii regis* Salomonem directe definire videatur. Etsi enim Messias quoque *filius regis* adpellari queat, quatenus est & vocatur *filius Davidis*; non eo, sed alio titulo sublimiore usus fuisset poeta, ut videtur, si *Messiam* directe designare voluisset; quemadmodum Pl. cx. *Dominum suum* eum adpellat David, & *dominatorem*, 2 Sam. xxiii., nec usquam, quantum succurrit, a Davide, aut in Pl., *filius Davidis* cognominatur, nequidem 2 Sam. vii. 2. *precatio*, ut Deus ipsi *det jura sua* &c. longe rectius pro Salomone fiat, quam Messia; qui ejusmodi *precatione* opus non habet, cum jura Dei, tanquam sibi propria, habeat. Aliud est orare, ut regnum ejus veniat, aut feliciter succedat, de quo ad vers. 15., aliud, ut Deus ipsum informet & dirigat in jure & justitia Dei: quod phrasim proprie denotat. 3. Quod regni administratio justa & pacifica, precum scopus & effectus, restringatur ad *populum Dei*, seu Israellem eo epitheto insigniri solitum; cum in seq. parte regnum universale per orbem depingatur. Denique 4. quod regi hic tantum adtribuatur vindictio pauperum per justa & aequa judicia, eorumque executionem, sed in altera parte longe illustrior & potentior liberatio ac redemptio: rex ipse quoque ibi proponatur tanquam objectum adorationis, & causa benedictionis, &c.

§. VIII. *Posteriorem* vero partem directe ad Messiam pertinere, licet cum manifesta adlusione ad Salomonem, de qua omnes phrasae testantur, sequentes mihi persuadent ratio-

tiones. 1. Quia sub ejus regno *Deum verum timerent* per universum orbem, & in perpetuum, vers. 5. 2. Ipse rex *adoraretur* a regibus omnibus, & omnibus gentibus, vers. 11. & *in nomine ejus sibi benedicerent* omnes vers. 17. quod constans est Messiae criterium, secundum promissum Abraham factum, *in semine tuo sibi benedicent gentes*. 3. Quia *tenuium* & oppressorum, ad ipsum clamantium, sistitur potentissimus vindex, & animarum redemptor, simul suorum indulgentissimus pater, vers. 12—14. Quae Messia propria sunt criteria, ut notum est. 4. *Nomen ejus* in aeternum vigeret, & celebraretur quaquaversum tanquam unicum *nomen*, in quo sibi benedicerent gentes omnes, vers. 17. 5. Quia regnum ejus *floreret*, & *pace* gauderet usque ad finem mundi, vers. 7. 6. Denique improborum & hostium ejus & regni ejus foret status miser & depressus, vers. 9.

§. IX. Quibus admissis, *tria* sunt addenda observata. 1. *Primum* est, regnum Messiae hic depingi secundum veram suam indolem, & quale suo tempore, omnibus hostibus superatis, & offendiculis e medio sublati, foret, & erit. De quo ex lineis regis & regni, hic ductis, facile constat, & comparatio cum regno Salomonis, quo hic adluditur, quoque testatur. Convenit denique regni Messiae descriptio apud Prophetas, qui, fata intermedia silentio prementes, regnum Messiae repraesentare solent, tanquam universale per orbem, pacificum & prosperum ac gloriosum. De quo alibi fusus ad Dan. visa emblematica disserui. Connecti solet initium & finis regni Messiae secum, & depingi in statu suo vero & glorioso; quem non nisi post varia fata intermedia consequetur. 2. *Secundum* est, regnum Messiae depingi coloribus a regno Salomonis mutuatis, eo etiam scopo, ut eodem penicillo felicitas regni Salomonis duceretur, & hoc fundamento, quod arcta sit inter utrumque illud regnum connexio, tanquam typicum & antitypicum: de quo plura dixi ad Gen. XLIX. a. Adlusio ad regnum Salo-

Qq 3.

mo.

a. §. LXXXIII.

monis est clarior, quam ut negari queat: in specie animadversionem meretur, quod universalitas regni Messiae describatur terminis regni Salomonis per totam Cananæam, & loca vicina; & reges, Messiam veneraturi, iis adpellentur nominibus, quæ sub Salomone fuerunt nota; ipsa quoque veneratio phrasibus describatur a tempore Salomonis petitis. 3. *Tertium* est, *duas* Pf. partes, modo memoratas, ea ratione connecti; ut *posterior*, quæ de Messiae regno agit, præcipuum Pf. argumentum & scopus haberi debeat, quare etiam totum fere Pf. absolvit, insuper *priori*, quæ ad Salomonem pertinet, subjungatur, tanquam ejus fundamentum, scopus & complementum; quippe cui innitatur felicitas regni Salomonis, & precum super ea exauditio, quo respiciat regnum Salomonis, tanquam ad antitypum suum, & in quo consummandum sit: quemadmodum omnia præclara & felicia, quæ populo Israeli contigerunt unquam, eo spectarunt. Quæ ratio est, quare poetæ & prophetæ ex rebus, ad se aut Israellem pertinentibus, soleant occasionem sumere de Messia prophetandi: uti sæpe observavimus. Quod itaque hic monuisse sufficiat.

E X P L I C A T I O.

§. X. *Prior* Pf. pars, quæ, ut recte Jun. & Amama, continet *precationem pro justa gubernatione*, addo & pacifica ac prospera, *Salomonis, prophetiæ præmissam*, quatuor, & non, ut illi, tribus, versibus comprehensa, recte in duo dividitur membra, quorum *prius* precationem, *posterius* ejus scopum & consequens, exhibet *a. Precatio* ita sonat vers. 1. *Deus! judicia tua regi da, & justitiam tuam filio regis*, h. e. mihi, qui rex sum, & regis filius ac successor, in emphasi sic dictus, eam facias gratiam, ut in jure dicundo, ac tota regni administratione, ad tuum me componam exemplum, & secundum tua statuta & præscripta sciam, velim

velim & valeam, omnia agere, absque ut ad sinistram aut dextram deslectam, rigido tenore & constanter ac potenter, simul nomine tuo, tanquam vicem tuam gerens, ut Te regnare adpareat. Salomo, qui, ut dixi, autor Ps. est, & loquitur, de se in tertia persona loquens, se adpellat *regem*, & *regis filium*, non sine elegantia & emphasi, ut *personam*, quam gerebat, in medio populi, definiret, & se pro hac persona, non pro se absolute, hæc petere indicaret. *Regem* se cognominat absolute, & sine articulo demonstrativo, ut, se unicum esse in medio populi regem, & omnibus notum ac receptum, indicaret; præterea *filium regis* addit, non simpliciter, ut, se tanquam ex rege natum, & ejus successorem legitimum esse, indicaret, verum etiam, & præcipue, illum esse *filium*, qui Davidi regi promissus erat, & in quo regnum ejus propagaretur, filium illum eximium, & notum, qui Deo charus erat, & Templum ipsi ædificaret. 2 Sam. vii. 1 Chron. xxviii: 5, 6. propterea *Jedechab* adpellatus 2 Sam. xii: 25. & *Lemuel rex*, Prov. xxxi: 1. *Judicia* vero & *justitia* Dei, quæ materiam precum absolvunt, sunt cum *judicia justa*, tum *aequitates* & recto-rigidus tenor in actionibus & judiciis; quam propriam habent voces Hebr. significationem: *נָסַח* enim proprie est *coaequavit*, met. *judicavit*, q. d. *aequavit causas*, & alio flexu *benignus* fuit. præ autem est, *recto-rigidus fuit*; inde verax, justus, constans & æquus: uti notum est. *Judicia* vero & *justitia* Dei sunt cum quæ ipse in mundi gubernatione observat, Prov. viii: 20. tum quæ populo suo præscripsit, *jura* Dei dici solita, secundum quæ populum gubernari, & judicari, voluit. Quæ satis plana & trita sunt. *Dare* vero cum sibi, quæ regi, hæc supplicat, *scientiam*, *zelum* & *praxin*, ut adposite & nervose Tirinus, petit, ut cognoscat jura & justitiam Dei, studio & amore in ea feratur, denique ea in omni vita & tota gubernatione exerceat, simul nomine Dei, & potenter, ut Deum regem populi præferat. Vid. 1 Chron. xxix: 23. ubi in throno *Jehovae* sedisse legitur. Convenit hæc præca-

tio

tio perfecte ei, quam Salomo in somnio expromsit, 1 Reg. iii. & 2 Chron. i. Quæ cum facilia sint, & sua sponte sese adprobent, lubens suo loco relinquo subtilem viri magni interpretationem, quæ Messiam censet regem adpellari divinum, & Dei regis filium, ac ei adpeti vult iudicium divino modo exercendum, uti Deus, non homo, potest & solet: quæ valde remota & coacta sunt.

§. XI. β. *Scopus* precationis, & exauditionis consequens ac effectus *triplex*, vel tribus articulis, proponitur vers. 2—4. α. *Primus* his verbis effertur, vers. 2. *Judicabit populum tuum in justitia, & humiles tuos in aequitate.* h. e. Eo tendit mea supplicatio, & hic erit exauditionis, ac boni impetrati, consequens, ut populo Israelis in genere, & humilioris fortis hominibus, qui nec vires, nec opes habent, quibus se defendant, in specie, qui omnes peculiarem ad te habent relationem, qua populus & humiles tui sunt, suum cuique tribuam, & secundum jus ac æquum eos tractem. Forma fut. temp., *judicabit*, utitur, ut, quemadmodum dixi, *scopum* & *consequens* precum repræsentet; quod jam est observatum ab aliis. Verbum *in* proprie est *premere*, inde *pendere*, q. librando subigere cum pressione, *ponderare* examinare, & omnibus ponderatis *decidere*, ac *judicare*. Extendit sese ad totam gubernationem, qua cuique suum tribuitur, quisque secundum statum & merita tractatur, quæstiones deciduntur, & judicia exercentur. *Judicare* vero *in justitia*, & *æquitate* est, secundum jus & æquum omnia decidere & agere. *Populus Dei* in genere denotat Israelem, in specie honoratioris & potentiores; qui subinde, ut alibi notavimus, *populus* adpellari solent; quibus mox *humiles* opponuntur, pauperes, abjectioris & vilioris sortis, opibus & viribus orbi, nec se contra oppressores tueri valentes: qui proprie *עניים* adpellantur, quatenus *vires* iis *effluxerunt*, & deficiunt, a *עני* *fluere* α. Quorum specialis sit mentio, ut

α Vid. ad Ps. x. Cl. Schroeder p. 202.

ut iustitia & æquitas gubernationis extolleretur, tanquam universalis, & sine personarum discrimine instituenda, in specie tenues, & humiles, protectura.

§. XII. *b. Secundus* articulus comprehendit pacem & prosperitatem, ex iusta illa & aequa gubernatione orituram, vers. 3. *Proferent montes pacem populo, & valles in iustitia.* h. e. Eo etiam scopo peto mihi iura & æquitatem tuam, eritque etiam, si votorum compos fuerim factus, ut populus per totam terram, ex montibus & vallibus frugiferis constantem, fruatur pace ac prosperitate, una cum iustitia mutua, quæ *commutativa* adpellatur; simul per eam, a me exercitam, cujus fructus & consequens erit *pax*, & omnium rerum abundantia. *Montes & valles*, quæ partes sunt Cananæ, eæque frugiferae, cum hic fiuntur tanquam *pacem* producturæ populo, insinuat quidem, copiosos & lætos fore in usum populi per universam Cananæam *proventus* omnium terræ partium, respectu frugum, fructuum, & gregum, sed directe & proprie significatur, populum per totam terram *pace* & prosperitate ac securitate copiose gavisurum esse, ac si ex ipsis montibus & vallibus, ut fructus & fruges, oriretur: quemadmodum Ps. LXXXV: 11, 12. ubi plura hanc in rem dicam. In quibus nihil est difficilis. Sed quid sibi vult צדקה *in iustitia*? duo, si fallor, ea voce in fine addita indicantur, pacem eam fore conjunctam cum *iustitia*, quam populus ipse habebit & exercebit, & medio *iustitiæ* esse procurandam, sicut *opus iustitiæ pax* dicitur, Jes. xxxiii: 17. Potest enim verti *cum iustitia*, & *per iustitiam*, & ita utrumque, quod dixi, locum tenere.

§. XIII. *c. Tertius* articulus in specie respicit ad humiles & pauperes spoliatos ac oppressos a potentibus, a rege vindicandos & in latum ac amplum statum educendos, vers. 4. *Judicabit humiles populi, servabit filios egeni, & conteret oppressorem.* h. e. Humiles, opibus & viribus destitutos, in medio populi, a potentioribus oppressos & defraudatos, nec se vindicare valentes, ipse rex vindicabit, eos manui

Rr

op-

oppressoris eripiendo, ac in libertatem adferendo, oppressorem vero puniendo & conterendo, ut nec auit, nec poterit, amplius in eos grassari. Quod vers. 2. in genere de populo sine discrimine, iuste et æque tractando, ac iudicando, erat dictum, illud hic extenditur et applicatur ad humiles et pauperes, ab aliis oppressos et defraudatos, qui liberandi forent, cum violentorum illorum contritione: quod ad pacem et prosperitatem regni, cujus proxima mentio erat facta, quoque requirebatur. *Humiles et filii pauperis*, seu pauperes et egeni, quod phrasis denotat, uti notum, homines vilioris fortis et conditionis, qui nec opes nec vires habent, hic occurrunt, quod probe notandum est, tanquam *oppressi* et defraudati, ita ut in servitutem redigantur, ac mercede sua defraudentur, variisque modis vexentur; uti liquet ex *oppressoris contritione* addita: eos itaque *iudicare* est vindicare, in libertatem adferere, et ab oppressione liberare; uti ex verbo *יָדוּ* subiectio patet; adeoque, non tantum *iudicare*, sed potenter *vindicare*, quod sensu subinde venit, & *iudices* Israelis, qua *servatores* populi, adpellati sunt. Quod tralaticium est. Conf. Ps. ci. quo de hoc ipso iusto regimine ex professo agitur.

§. XIV. *Altera* Ps. pars, vel potius ipse Ps., cujus prior pars fuit introductio & occasio, ut supra vidimus, continet
 a. prophetica regni Messiae descriptionem, vers. 5—15.
 a. votum Psalta pro ejus implemento, in quod definit prophetia, vers. 16, 17. n. Prophetica pars recte dispecitur in *propositionem*, & ejus *deductionem*. a. Propositio verum istius regni conspectum, ejusque universalitatem & perpetuam durationem, sermone ad Deum continuato, repræsentat his verbis, vers. 5. *Timabunt te cum sole, & coram Luna, generatio generationum*. h. e. ut a meo regno, pro cujus iusta & prospera conditione oravi, meditationes meas ad verum & antitypicum regnum, mei fundamentum, scopum & complementum, transferam, & in ejus descriptionem diffundam, generalem ejus conspectum præmitto; se-

cun-

•undum quem divinum & religiosum, per orbem late diffusum, ac perpetuum, erit regnum; utique te, patrem & dominum, unicum & supremum omnis boni fontem & largitorem liberalissimum, revereantur, amabunt & timebunt, non una generatio, sed una post alteram sine interruptione in perpetuum, nec unius regionis, sed per totum orbem, adeoque quam late regnant sol & luna, & quam diu durant. Verba continent regni Messiae verum *conspectum*, & duo ejus attributa *universalitatis* ac *eternitatis*, in terra. a. Veram regni naturam pandunt hæc vocabula, *timebunt te generatio generationum*; quæ secum conectenda sunt, cum voces, *generatio generationum*, subjectum contineant religiosi cultus Dei: quod ceteroquin silentio fuisset involutum: cum superioribus enim male connectuntur, acsi humiles & pauperes a rege liberati hic declararentur Deum reverteri; quia latius longe extenditur timoris Dei exercitium, ad omnes per orbem; nec ratio esset, quare de illis hoc speciatim memoraretur. Nomen vero *in* geminatum, tam in sing. quam plur., distributionem solet involvere, & *singulas* sibi succedentes generationes denotat, ut recte Gejerus, qui etiam pro *nominativo* habet, & cum verbo *timere* connectit. *Timere* autem omnem religiosum cultum, ex amore & reverentia Dei ortum, comprehendit, ut alibi sæpe. Pro hypothese autem habet, Deum sese præstare Patrem & Dominum, & qua talem amandum, timendum, ac colendum. Conf. Mal. i. 6. III: 20. et ibi dicta. *Objectum* vero timoris non est Messias rex, sed Deus Pater, cum mox de Messia in tertia persona sermo fiat, et ipse deinceps tanquam objectum adorationis proponatur, modo etiam de Deo in secunda persona fuisset poeta locutus. Sensus itaque est, Deum, qui nunc ab Israele tantum celebratur, et ab una sæpe solum generatione, quæ sæpe pravam et idololatricam producebat aliam, suo tempore sub regno Messie esse a quacunque generatione, et per continuam successionem, colendum; quam vim habet phrasis, *generatio gene-*

rationum, h. e. quævis generatio, non Israelitica tantum; et continua: adeoque regnum Messiae natura sua in eo situm esse, quod Deus ibi sese patrem demonstret, et ametur, ac reverenter colatur. Quæ genuina est regni Messiae, uti notum, facies, verus conspectus. *b.* Ut, quod phrasi *generationis generationum* involutius erat comprehensum, apertius et clarius exponeretur, addit poeta, *cum sole & coram luna* h. e. cum et coram sole et luna; ita enim voces divulgæ sunt connectendæ, ut passim fit alibi, et sæpe a nobis notatum est. Sensus est, Deum esse colendum, ubicunque sol et luna luxerint, et quamdiu superstites erunt; *cum* sole et luna est, quamdiu erunt, *coram* iis est, ubicunque lucem sparserint; adeoque *universaliter* per orbem, et in *perpetuum* usque ad consummationem mundi: quod alias Ps. LXXXIX: 37., dicitur, *thronus ejus sicut sol coram me, sicut luna stabilietur in seculum*. Conf. etiam Job. XIV: 12. XXVI: 10. et infra vers. 7.

§. XV. *β.* In propositionis deductione depingitur, *a.* summa populi, sub rege Messia, prosperitas, spiritualis et corporea, a coelesti ejus influxu oriunda, et duratura in perpetuum, tanquam paterni Dei favoris indicium et effectum, ac amoris et timoris Dei, modo memorati, ratio et fundamentum, vers. 6, 7. *Descendet copiose sicut pluvia super refectum, sicut spissæ guttæ super adustum terræ: vel, exprimens fluxum terræ; efflorescet in diebus ejus justus, & spissa copia pacis erit ad usque consummationem lunæ*, h. e. toto tempore coelestis regis et regni, quod, quamdiu luna erit, durabit sine interruptione, summa erit bonorum cujuscunque generis, coelestium et terrestrium, copia per omnes terræ partes, antea et in se plane aridas et ineptas, a rege coelitus demittenda, qua subditi, qui justī erunt omnes, gaudebunt, & læte ac fructuose agent. Verba continent prosperitatis duraturæ regni Messiae descriptionem *emblematicam*, & magis *propriam*; ita ut prior simul *causam* ejus comprehendat, & *posterior effectus* quoque conspectum gerat:

rat: ut facile cernitur. *Figurata* descriptio vers. 6. petita est a copiosa pluvia, in sectum & adustum terræ coelitus descendente, qua abundantissime humectatur, & in rivus fluentes mutatur, aptumque redditur ad efficiendum, ut arbores & plantæ excrescant, & reflorescant. Cujus sensum mysticum antequam tradam, *littera* emblematis verbo est illustranda; cum aliquid difficultatis habeat respectu *subjecti recipientis* pluviam. Voces enim, quæ *pluviam* denotant in utroque membro, nihil habent obscuri: tantum notetur, pluviam copiosam, & imbrem ex spissis guttis constantem, denotari, quam emphasin habet vox רַב־נִיחָם, a rad., quæ propriam vim habet in *concresecendo*, quando quid spissatur, & densius concresecit. Sed quodnam est subjectum recipiens? duplex memoratur, in *priore* membro נִי, in *posteriore* מַרְיָא וְרַחֵם, quorum *illud* facilius, *boc* difficilius expeditur, licet nec *illud* recte passim sit intellectum. Solet enim נִי vel de *vellere* detonso, vel de *prato* resecto exponi, quod neutrum admittit vox; quæ & vera sua potestate, quæ est *resicare metendo*, & usu suo non *vellus*, *caput*, *pratium*, demessum vel detonsum, de illis enim adhibetur, sed lanam resectam, crines detonsos, ac herbam demessam, constanter denotat; adeoque נִי hoc loco crit vel *lana*, vel *berba* resecta; quæ, quam inepta etiam, pluvia coelesti madefacta & copiose irrigata repræsentatur, ut reflorescat: digitus videtur intendi ad signum Gideoni datum Jud. vi: 37. quod a Cl. Hasæo quoque deinceps vidi observatum a, vel ad *herbam* demessam respici, quæ denuo reviresceret: de quo mox distinctius dicam. Sed quid in altero membro est מַרְיָא? mihi, missis aliorum conjecturis, quæ Rabbiorum apud Kimchium *b* prostant, & aliorum facile in Lex. inveniuntur, nihil videtur probabilius, quam ut per *adustum*, vel percussum, adeoque aridum, & scissum præ ariditate, vertatur, & tale *terræ* solum intelligatur, ac pro subiecto pluvix habeatur, repetito ex præced. *by super*. Quod

Rr 3

fir-

a Bibl. Brem. cl. iii. p. 69. *b* Libr. Rad.

firmatur, 1. ex comparatione cum membro præced., cui hoc nostrum respondet. Sicut itaque ibi נִי *refectum* occurrat, tanquam subiectum recipiens pluviae, ita hic non פֶּרֶץ *terra* simpliciter, sed פֶּרֶץ אֲדֻשָּׁתוֹ *adustum* vel *scissum terræ*, oportet sit, æque ineptum ad fructificationem, ac gramen resectum. 2. ex collatione similium locorum Jes. xxxv: 1. xliv: 3. in primis Jud. vi. quo in priore membro respici dixi; ubi *lanæ refectæ* additur *terra arida* vel *sicca*. Quæ vox פֶּרֶץ ibi adhibita eandem fere potestatem habet, quam nostra פֶּרֶץ. Quod 3. ad nostram sententiam firmandam observo, פֶּרֶץ originem habet in fissione & laceratione, unde inter alia orta est *siccitatis* significatio, cum *fissio* sit materię *aridioris* signum, & *sicca* facile radantur, ac findentur. Eandem fere potestatem præfert פֶּרֶץ, unde per duplicationem primæ rad. usitate oritur פֶּרֶץ. Proprietatem enim habet in *scindendo* & *findendo*, inprimis æstu; unde reliquæ notiones apud Chald., Syr. & Arab. fluxerunt. Proxime respondet Hebr. פֶּרֶץ proprie percussit, verberavit, inde adussit, & פֶּרֶץ, פֶּרֶץ, *ussit*, *combussit*: nec non פֶּרֶץ, qua voce in simili casu utitur Jes. c. xxxv: 7. *Et erit locus astuosus, torridus, in stagnum.*

§. XVI. In quibus licet acquiescere possim, addam tamen alium intellectum ex conjectura *Avenarii* & *Schultensii*: ille enim vocem פֶּרֶץ derivat ex פֶּרֶץ *sparsit*, & פֶּרֶץ *fluxit*, inundavit, ut significet sparsionem inundantem, vel rectius *lentius* trahentem, veluti longo sirmate tractam & sparsam; quæ vis est verbi פֶּרֶץ; unde פֶּרֶץ *pix* Hebr. a tractu lentiore, quo se tendi patitur. *Hic*, nescio ubi, (Mss. enim ejus ad Pl. mihi hic & in seq. deficiunt) confert Arab. فَرَس, cujus potestas est in *lacrymatione*, lacrymis sparsim fluentibus, unde derivatum pro *fluentibus aquis* sumitur. Utraque conjectura in abundantem rorationem, & inundationem, qua aquæ late fluunt, tendit: quæ si recipiatur, vox פֶּרֶץ, quod obferro, non pro pluviae adtributo erit habenda, & cum פֶּרֶץ construenda, ut illi volunt, quod minus congruum est,

est, sed pro effectu, & cum terra connectenda; ut sit, descendet instar pluviae densae & stipatae in terrae inundationem, ut longo tractu fluant ejus aquae; littera γ ante $\eta\eta$ intellecta & suppleta; & proxime conveniet loco Jes. XLIV: 3. *effundam aquas in siticulosum, & profuentes in aridam*, h. e. pluviam copiosam, quae rivos ac fluentes faciat in terra arida. Forte utraque idea conjungenda est, & ambiguum studio captatum, ut adustum & scissum terrae indicetur in fluentem mutandum; de $\eta\eta$ fisso solo terrae faciendum $\eta\eta$ *fluentem* terrae; ad quod utrumque sese vox, secundum diversam originem, porrigit, uti exposui.

§. XVII. Sensum emblematis mysticum ut recte percipiamus, *persona* definienda est, quae hanc copiosam aquam, & felicem rerum mutationem, adferret. Expresse quidem non adpellatur, sed haud obscure indicatur, cum mox subjungitur, *florebit justus in diebus ejus*, utique, qui modo dictus erat *descendere instar pluviae*, & deinceps describitur tanquam dominaturus & regnaturus: adeoque *rex* coelestis indigitatur, *regi & regis filio*, supra memorato, similis, ita ut eodem titulo quoque, sed sublimiore sensu, comprehensus censeretur potuerit, eamque ob rationem non expresse nominatus sit. Messias itaque est, de quo haec praedicantur, *filius* & ipse Davidis, sed simul Dei, supremi orbis Domini & regis, cujus personam gereret; sed *rex*, non in terra, verum in *caelo*, qui inde instar *pluviae* descenderet in terram, ad eam irrigandam & aquis replendam, quod mox exponam. Sed notari meretur, *descensum* ejus hic non intelligi *personalem*, verum *virtualem*, ut sic loquar, & *effectivum*; cum *instar pluviae* dicatur *descensurus*; adeoque *in pluvia* & *per eam*; ita tamen, ut in modo pluviae dandae ipse censeretur debet quasi *descendisse*: non enim simpliciter dicitur, *demittet pluviam*, seu descendere faciet, sed *descendet instar pluviae*. Quo manu quasi docimur ad Spiritum S., de coelo mittendum, alterum, & vice Christi, *advocatum*, qui de ipso omnia sumeret, & ejus nomine effecta illa ederet. Messias ita-

itaque hic non sistitur, tanquam in terra adpariturus; cum repræsentetur jam *rex* factus, in coelo *versatus*, cujus regnum hic depingitur, Salomonis antitypicum; sed per *Spiritum S.* instar pluviae, *descensusurus*; quemadmodum exponitur Jes. XLIV: 3., & historia apostolica docet, solenniter factum esse in primordiis regni ejus Act. II. *Spiritu* enim *descendente* in Apostolos, & sic per orbem diffuso, ipse *descendit*, quatenus Spiritus ejus erat, ab ipso missus, & ejus vicem gerens, ejusque nomine agens.

§. XVIII. Comparantur vero bona & dona gratiæ, quæ Christus per Spiritum cum hominibus communicat post exaltationem ejus, cum *pluvia*, eaque *spissa* & *copiosa*, relate ad *terram*, ut hic consideratur, quatenus coelestia sunt, & divina, pura & sancta, quæ *sitim* explent, vel desideriiis satisfaciunt, facultates nostras intellectus & voluntatis vera cognitione, sapientia, prudentia & virtute, imbuunt, nosque aptos reddunt & excitant ad loquendum & operandum, lætitia ac zelo gloriæ Dei ac salutis hominum replent, frugiferos & foecundos denique reddunt in omni opere bono. Quæ verbo tetigisse suffecerit, cum aliunde satis nota sint *a*. Exponuntur etiam mox vers. 7., ut statim videbimus. Peculiarem meretur animadversionem, quod instar pluviae descenderet super *lanam* vel *herbam resectam*, idque primum, dein super *adustum*, seu *scissum*, h. e. aridum & siccum solum *terre*, in genere quaquaversum, ut *fluente* in ea existant. Exhibent enim aptissimam & elegantem picturam Ecclesiæ *Judaicæ*, in specie Apostolicæ, & *gentilis* per orbem universum, quæ hisce bonis ac donis repleretur. Quo signum Gideoni præbitum, ad quod hic respicitur, ut supra dixi, quoque tendit: sed quod ibi habetur, primum *solum lanam* resectam fuisse rore humectatam, dein *solum terram*, illud hic latius ad utramque extenditur, ut, Judæos & gentiles hanc gratiam esse participaturos sub Messia, signifi-

a Vid. Vitringa ad Jes. xxx: 23. XLIV: 3. & alibi; ne alios, satis notos, memorem.

nificaretur: sic per *fitientem & aridam* Judæi & gentiles censentur expiiti Jel. XLIV., ut exponit Cl. Vitringa. Ecclesia vero *Judaica* hac pluvia irriganda eleganter comparatur cum *refecta* herba, quatenus constabat ex hominibus a societate Judæorum carnalium abscissis, rejectis, & abjectis, nullius frugis & spei &c. quæ prima imbibit hanc pluviam coelestem, & ea cumulatissime repleta est, adeo ut *aqua* inde expressa sit, & cum aliis communicata, uti in *lana* Gideonis obtinuit, etiam illa instar herbæ denuo *refloruerit*: sed negligi non debebat, illud ipsum fuisse *miraculi* instar, & *signi* conspectum ferre, ut tempore Gideonis; quod in Ecclesiam primævam luculenter quadrat. Miraculosa plane fuit Spiritus S. effusio, & portendebat simul gratiæ per orbem diffusionem. De Gentilibus, cum *adusto & fisso terræ* comparatis, nihil addo, cum faciles habeat explicatus. Tantum not. *terram* in genere memorari, ut de toto orbe cogitarem; cum Messæ regnum hic in complemento suo repræsentetur.

§. XIX. Hisce scriptis, incidit cogitatio silentio non premenda; epitheton nimirum *refecta lanae*, vel herbæ, esse vocabulum *וירי*, & significare vel *sparsionem fluxus*, vel *compressione fluentem* longo syrmate, ac inundantem terram; adeo ut sensus sit, resectum illud, coelesti pluvia copiose humectatum, *compressione* sui terram longe lateque esse irrigaturum; fere sicut lanam resectam, rore madefactam, compressit Gideon, & expressit multum aquæ; ubi etiam adhibetur verbum *וירי* *extorquere*, *exprimere succum*; cujus prior pars, est in *וירי*; quæ vox itaque recte vertitur, *expressio fluxus*, ut aliquid denotet, quod compressum fundit humorem. Pertinebit itaque ad *וירי* & pro ejus epitheto haberi debet, quo indicatur, resectam illam lanam, multa pluvia perfusam, & compressam, abundantem suppedituram aquam ad irrigandam terram: quando facile expeditur, quare absolute occurrat *וירי*, sine præpos.,

voci 11 præmissa, quia ei adjungitur tanquam epitheton, elegantiae sermonis causa inde avulsam, inserta voce כריכים *instar guttarum spissarum*, quæ cum מים *pluvia* cohæret; æsi haberetur uno tenore: *descendet instar pluviae, instar guttarum spissarum* (pluviae spissis guttis destillantibus) *super refectum exprimens fluxum terræ*, vel compressum inundans terram. Elegans profecto est emblemata Ecclesiæ Apostolicæ, Spiritus S. effusione irrigatæ, & aquam illam Spiritualem cum tota terra communicantis, quatenus studio gloriæ Dei & salutis hominum pressa, *stritis* 2 Cor. v. 14. & excitata, bona & dona coelestia ad omnes homines per orbem transiit, non sine multis additionibus & pressuris. Quæ facile explicari, & exornari, possunt. Confirmat hypothesein, quod idem fere, sed alio emblemate, vers. 16., tradatur, in voto prophetiæ subiecto: ut postea videbimus.

S. XX. *Inundationis* terræ explicatio, & *refecti* mædici consequens, traditur vers. 7. his verbis: *efflorescet in diebus ejus justus, & spissa copia pacis erit, domus non erit lene*, h. e. terræ inundatio in eo erit fita, & hoc Ecclesiæ Apostolicæ, *instar refecti mædici* pluvie coelestis, consequens, quod quivis sine discrimine justus viam vigoremque vitæ Spiritualem sit summo gradu exerturus, & quævis prosperitas, Spiritualis ac corporalis, abundante copia locum sit habitura, toto tempore regni Messiae, usque ad consummationem seculorum. Continent verba, ut dixi, mysticam explicationem emblematis pluvie coelestis, per terram diffundendæ medio refectæ hanc, vel herbæ, abundanter irrigatæ, adeoque simul consequens tradunt ejus irrigationis, nec habent aliquid difficultis. Cives regni hic describuntur tanquam *justi*, justitia & imputata & inherente, ut dicitur, plebi, adeoque vera pietate & virtute præditi; quales sunt veri *credentes*, & gemini hujus regni cives, nomine *justi* in sing. insigniti, ut quivis sine discrimine intelligeretur, alias *gens justa* dicti Jes. xxv: 2. Quæ constans est verbi prophetici de regno Messiae doctrina Jes. xxxv. lx. Zach. xiv. Dan.

Dan. II & VII. & alibi, quod in vulgus notum est. Declaratur vero de his *justis*, eos *efflorituros esse*, & *spissam pacis copiam* futuram, durante hoc regno, seu *diebus Messia regis coelestis*, *Efflorescerent* instar arborum vel plantarum, aqua Spiritus S. copiose irrigati, quatenus in se *ostentarent omnem vim, robur, vigorem, decus vitae Spiritualis, laetis ac gloriofis status sui Spiritualis incrementis*; quod fit, ubi *fides, spes, prudentia, caritas, doctores docendi, prophetandi, zelus divinae gloriae, & studium regni Christi Jesu propagandi, continuas gratias divinae signis aucta ac excitata omnem vim suam offerunt ad aedificationem publicam*. Verba sunt Cl. Vitringer ad Jes. XLIV: 4., qui adveniens est. *Pax spissa paxem & securitatem non simpliciter, sed quamvis prosperitatem, Spiritualem & corporalem, simul comprehendit: quod tralatitium est*. Additur denique *continuitas & duratio perpetua hujus regni & felicitatis ejus*, ubi dicitur, *inque consumptionem luna*, ut voces proprie dicunt, h. e. *donec non erit luna*, de quo ad vers. 5. necessaria monui. Quare plura non addo.

§. XXI. b. *Secunda pars deductionis propositionis comprehendit vim supremam & universalitatem regni Messiae per totam terram, vers. 8-11. Quod regni ejus attributum, a. in genere exhibetur, vers. 8. & in specie declaratur respectu hostium & amicorum, vers. 9-11. a. In genere his verbis, vers. 8. Et dominabitur a mari ad mare, & a fluviis ad terminas terra. h. e. imperium justum quidem & equum, simul pacificum, et suprema cum auctoritate ac potentia, habebit & exercebit per totam terram, quam hunc patet, ab uno mari ad aliud, quaqueversum versus orientem & occidentem, a fluvio Euphrate ad fines terre longissime remotos, ad fines Aethyopiae, adeoque quaqueversum versus septentrionem & austrum. Quia ut recte caphasur, notandum est, alludi quidem ad fines regni Salomonis late admodum protensi, & pro hypothese habere verba, imperium Salomonis hoc tempore tantum amplexum*

fuisse, quam unquam secundum promissum Dei foret, adeo ut pro limite orientali habeat mare Mortuum & Rubrum, pro occidentali Mediterraneum, pro Septentrionali Euphratem, denique australi desertum Arabiæ, late extensum ad austrum: quemadmodum describitur, Exod. xxiii: 31. Jos. i: 4. Hunc enim sensum litteralem fundunt verba, secundum quem *mare & mare* ortum denotant & occasum, quia terminus Cananæ orientalis erat *Mortuum* & Rubrum mare respectu mediterranei, utrumque versus ortum, *occidentalis Mediterraneum*, Septentrionalis *Euphrates*, *fluvius natus* dictus, *australis* desertum Arabiæ & Aethyopiæ, quasi *fines terræ*, quia longius remota erant loca. Conf. Jes. xliiii: 5, 6. Attamen dubium non est, quin limites regni Messiae hic latius longe extendantur, & per totum orbem ducantur; cujus duo sunt certi characteres in ipsis verbis obvi: *alter* est, quod *a mari ad mare* in genere, sine ulla restrictione, habeatur, & non, ut alias, a mari mortuo aut algoso ad mare: *alter* est, quod *fines terræ* memorentur, quæ notio nusquam de limitibus Cananæ usurpatur, nec potest, cum longe dissita loca in genere denotet. Prior itaque phrasis, *a mari ad mare*, vel in genere dicit, ab uno mari ad aliud, ut Am. viii: 12. vel *a mari rubro ad mediterraneum*, & sic quaquaversum, versus *ortum* & *occasum*; ita ut pro illis plagis coeli latissime sumtis accipiatur; quemadmodum phrasis *ad fines terræ*, mox addita, indicat: posterior, *a fluvio ad fines terræ*, dicit a termino septentrionali ad australem longissime remotum, seu *Aethyopiam*, hoc epitheto insignitam subinde. Utique *termini terræ* sunt stylo Script. loca longe dissita, quæ horizontem cum terra copulare videntur populariter. Flura non adfero, cum fufius de eo agendum sit ad Zach: ix: 10. ubi regnum Messiae iisdem plane limitibus describitur, ubi etiam de implemento abunde & accurate differam. Tantum notari meretur emphasis verbi *דבר* *dominari*, proprie gravi pede premere vicem, & calcare subjectum; unde transit ad *dominationem* auto-

autocraticam & graviolem; five in bonum, five in malum; illud respectu civium, hoc vero hostium subjugatorum: quod utrumque mox specialius exponitur. Conf. Ps. LXVIII: 28. & cx: 3. & ibi dicta. Indicatur itaque, Messiae imperium fore αυτοκρατορικόν, ubi ejus voluntas sola lex est, & vim obtinet irresistibilem, hostibus vero terribile, qui penitus forent adtriti & subiecti, civibus & amicis amabile, æquum & pacificum, ut modo habuimus, & mox fusius traditur. Eodem tendit vox ὁν Zach. ix: 10.

§. XXII. β. Quod in genere de supremo & potente domino per totum orbem dictum erat, explicatius mox in specie traditur respectu hostium & amicorum populorum per totam terram, quorum illi procumberent coram terribili ejus Majestate, omni potentia & consolatione orbi, hi vero regi sese in fide & amore subjicerent, eumque religiose colerent. Prius his verbis profertur, vers. 9. *Ante faciem ejus procumbent deferticola truces, & hostes ejus pulverem lingent*, h. e. hostes ejus & regni ejus, hostilem animum non deposituri, truces, duri & potentes, ferae deserti, seu feles agrestes, & serpentes, five mali Spiritus fuerint, five homines sævi, omni potentia nocendi privati, eorum terribili ejus majestate *procumbent*, e medio sublatis, vel omni consolatione & dignitate privati in statu vili ac misero degent; *pulvere*, instar serpentis damnati, pro cibo utentes. Cum illis, licet paucioribus, facio interpretibus, qui non de voluntaria & religiosa subjectione, sed coacta, & violenta subjugatione hostium, eorumque conditione abjecta & misera; verba interpretantur. 1. Quia diserte *hostes* ejus adpellantur, oppositè ad alios, mox memorandos, qui *reges*, Messiam culturi, adpellantur & describuntur. 2. Cum felibus agrestibus & serpentibus comparantur, ut mox patebit, trucibus itaque & venenatis animalibus. 3. Quia phrasis, *lingere pulverem*, statum abjectum & infelicem depingit, qualis est serpentis antiqui, ad *pulverem* comedendum damnati, Gen. III. adeoque in malum sumitur, quemadmodum semper ali-

bi, ut Jes. LXV: 25. Mich. VII: 17., ubi eodem modo, quo hic, regni Messiae, in terra dominantis, status describitur, respectu hostium perniciosus, sed aliorum populorum salutaris. Occurrit quidem Jes. XLIX: 23., *lingere pulverem pedum alicujus* in bonum, ut Cl. Commentator ibi exposuit, sed non, ut hic, absolute *lingere pulverem*: quod discrimen probe notandum est. Duo itaque de hostibus Messiae praedicantur, eos esse coram ipso *procubituros*, & *pulverem* carpturos *lingendo* cum sibilo ac strepitu: quae ita distingui possunt, ut *prius* necem, vel totalem *subactionem*, *posterior* miserum statum vitae denotet. Verbum *pro* proprie dicit, in extremas partes corporis cum nisu procumbere, ut adnotat Cl. Schultens *a*, inde non *ingeniculationem*, sed totius corporis incurvationem super genibus denotat, sive ad *procumbendum* Gen. XLIX: 9. sive ad potandum, ore admoto, e fluvio Jud. VII. sive *adorandum* Ps. XCV: 8. Jes. XLV: 23., sive denique ad sese victori subjiciendum, etiam mortem subeundam: sic de homine adhibetur ictibus adversarii succumbente, nec de statu graduque tantum dejectio, verum etiam in genua procumbere adactio, cum corporis incurvatione & projectione. De quo vid. Cl. Schultens *b*. In specie de morte violenta adhibetur, qua quis instar victimae mactandae sub ictu procumbit, Ps. XXII: 30. XX: 9. *ipsi procubuerunt & ceciderunt*, LXXVIII: 31. Altera phrasis, *lingere pulverem*, statum depingit, quo alicui omnis nocendi vis est sublata, simul *abjectissime* degit, & omni caret solatio; ut exposuit Cl. Vitringer *c*, qui omnino videndus est. Ceterum sicut in hac phrasi manifeste respicitur ad *serpentes*, quibus hoc proprium est, & Satanae etiam poenae loco injunctum sub emblemate *serpentis*, eorum quoque expressa fit mentio Jes. & Mich. I. c. ita in priore membro videtur adludi ad feras sylvestres, seu *feles agrestes*, qui *pro* adpellantur, Jes. XIII: 21. & alibi, in desertis & aridis locis degentes, ac truculentos & *favos*, hominum *sevorum* & *potem*.

a ad Job. XXXIX: 3.*b* Ib. IV: 4.*c* ad Jes. LXV: 25.

tentum apta emblemata, quales hic omnino sunt intelligendi a. Aptatur quoque hostibus Messiae, ab ipso delendis, epitheton פְּנִינִי Pf. VIII: 3. quod proprie saxum, & *truculentum* denotat, qui nulla tangitur misericordia: quæ propria est verbi potestas; unde ad *ultionem & vindictam* transfertur: cui quoque concinit nomen זָרִיק *rigidus, flecti nescius* Jes. XLIX: 24. Quibus in locis cum Diabolus, & potestas Satânica, intelligatur, ut & Jes. LXV. ex interpretatione Cl. Vitringæ; eosdem hostes & hic intendi existimaverim, sed una cum hominibus Satânicis, Christi regno inimicis &c. quorum potestas, & nocendi vis, sub regno Messiae, cum in pleno fuerit vigore, plane abolebitur, illis subjugatis, & misero statui addictis. Quæ ulteriore non indigent explicatione, aut demonstratione; cum verbum propheticum in eo ubique consentiat, una cum doctrina euangelica.

§. XXIII. *Posteriorius*, respectu amicorum & lociorum, his verbis expressum est, vers. 10, 11. *Reges Tarsis & insularum donativa adferent, reges Schebæ & Saba gratitudinis munus offerent, & adorabunt eum omnes reges, omnes gentes servient ei.* Quibus verbis respicitur quidem vers. 10. ad Salomonem, sed, illud ipsum, quod Salomoni contigit, longe abundantius & majore emphasi in Messia locum habiturum esse, declaratur, dein, cujus nihil simile in Salomone fuit, Messiae longe diviniorem honorem, & a multo pluribus per orbem totum, esse deferendam, additur, ut oculi plane a Salomone abstraherentur. Præterea respici videtur ad generalibus terminis circumscriptum regnum Messiae, vers. 8., populis hic memoratis eodem ordine, ita ut vers. 10., a mari ad mare, seu ortum & occasum versus, memorarentur, distinctius dein vers. 11. a fluvio ad fines terræ, seu versus Septentrionem & Austrum. Occurrunt autem vers. 10. *reges Tarsis & insularum*, dein *Saba & Schebæ*, qui donativa adferent, & munus gratitudinis offerent: debent enim illa ad utrosque reges, modo memoratos, applicari, licet ele-

a Vid. comm. noster ad Dan. XI: 30.

elegantiae sermonis ergo separata sint, ut stylus Script. habet. *Reges Tarsis & insularum* spectant ad occidentem, *reges schebæ & sabæ* ad ortum. *Tarsisum* esse Tartessum Hispaniæ, alibi disputari & demonstrari solet, & a Bocharto satis evictum est: quæ cum sit remotissima omnium, tunc notarum, regio versus occasum, *insulas* intelligendas esse intermedias, inde usque ad Cananæam, facile colligitur; five insulæ, five peninsulæ, five regiones quæcunque maritimæ, ac transmarinæ, quæ omnes, stylo Script., nomine *insulæ* veniunt. Vid. Vitringa *a*. Radix est *יָם*, eadem ac *יָם*, & dicit *flexit*; cuius derivatum denotat *flexionem*, adeoque *flexum littoris*. Comprehendere itaque fas est hoc nomine Europam & Africam, in specie Asiam minorem, & insulas maris mediterranei, usque ad *Tyrum*, etiam insulam. Orbis ergo terræ intelligitur, quam late sese extendit, Cananææ respectu, ad occasum. Alii populi ad tractum orientalem pertinent, quorum remotiores memorantur *Schabæi*, & propiores *Sabæi*, speciminis loco memorati, ut de remotioribus quibusvis & propioribus cogitemus versus ortum. *Schabæi* sunt Joktanidæ trans sinum Arabicum in Arabia Felice, & ultra versus ortum, ubi *Ophir* regio aurifera, & *Sabæi* sunt Cuschi filii ac nepotes, sinus Arabici proximi accolæ. De quibus vid. Cl. Vitringa *b*, & Bochartus *c*. De hisce omnibus prædicitur, eos *donativa* reddituros, & munera *gratitudinis oblaturus* Messias. Salomo quidem legitur commercia exercuisse cum Tarsis & *Schabæis*, classe ad loca Tarsis & Ophir continuis vicibus missa, ad aurum & alias merces pretiosas inde deportandas, sed ab iis non legitur *dona & munera* honoraria recepisse, nisi a sola regina *Schebæ*. *Messias* autem, sicut a longe pluribus, ita alio modo honoraretur, per *donaria & munera gratitudinis*, in signum religiosæ subjectionis, & gratitudinis pro acceptis beneficiis, pro more antiquo; ad quem

a Ad Jes. xx: 5. & alibi.
Geogr. lib. II.

b Ad Jes. XLIII: 3.

c in

quem respicitur, ut religiosa subiectio, cum omnibus officiis, inde oriri solitis, significaretur, quemadmodum vers. II. explicatius traditur. Vocabula sunt selecta, quibus poeta utitur; paucis illustranda. *Prior* phrasis, מנחם וחסד & vi vocum, & usu earum, denotat munera copiosa tributi loco, continuis & statis vicibus, in signum subjectionis, adferri & pendi solita. Radix מנח, unde מנחם, Arab. usitata, continet vim donandi liberalius & largius; & verbum מנ, de aquis tritum apud Arab., potestatem habet *confluendi, exuberandi, & effervescenti*, ac adhibetur in aestu maximo identidem & statis vicibus recurrente; in specie phrasis de *pensione tributi* quoque usurpatur, liberaliter facta ad superiorem honorandum, ut 2 Reg. III: 4. XVII: 3. *Posterior* phrasis, propius ad religiosam venerationem & cultum ducit, adeoque præcedenti recte additur, & quid plus dicit. Vox מנח proprie denotat *munus remuneratorium*, & gratiarum actionis, pro beneficiis acceptis, a rad.; quæ apud Arab. superest, & *gratias agere* denotat, ut a Coccejo jam est observatum; sed addo, originem esse a *mercede danda*, unde ad *celebrationem laudis*, proprie ob beneficia accepta, quæ est instar *mercedis* pro iis, transit; quæ radix Hebr. superest מנח unde Arab. habent מנ, quæ litteræ facile permutantur. Respondet itaque voci מנח, quæ dicit *mercedem*; & inde *remunerationem* ac *celebrationem*, a rad. מנח *mercedem dare*, inde *laudibus celebrare*, q. d. *reddere mercedem a*. Verbum מנח in *oblationibus & sacrificiis* esse tritum, constat.

§. XXIV. Amplificationis & explicationis ergo subjungitur, vers. II. *Et adorabunt ipsum omnes reges, cunctæ gentes ipsi servient.* Scilicet ortum & occasum non tantum versus, modo memorati, sed & septentrionem ac austrum, uno verbo *omnes reges & gentes omnes*, a quibus ita honorabitur Messias muneribus, ut religiose colatur, & adoretur, ipsiusque leges ab iis studiose observentur, tanquam quæ so-

Tt

la

a Vid. Schultens ad Ps. VIII: 2.

in valituræ sint inter eos. Quæ non sunt difficilia: sed quorum vix umbra fuit sub Salomone; ut facile intelligitur: fuit tamen aliquid simile tempore Salomonis, ut patet ex 2 Chron. IX: 23, 24, 26. Respicitur vero ad regnum Messie, quatenus sese in summo suo vigore haberet; & sese ultimo tempore conspiciendum præbuit, quando omnia regna erunt ejus. Solent autem Propheta regnum Messie depingere, quatenus in summo ejus complemento foret, satis intermediis missis; ut alibi disputavi ad vñs *Dan. emblematica.*

§. XXV. c. *Tertia pars deductionis propositionis modum administrationis regni secundum æquitatem & justitiam, nullo personarum discrimine facto, exponit, eumque considerandum exhibet, tanquam rationem & modum regni per orbem propagati, cum reges & populi terre sese huic tam æque & justæ gubernationi subentes subicerent, & impij hostes regni deleterentur, qui fraude & violentia sese ei opposuerant.* Hic sensus & conspectus est pericope, vers. 12-14., his verbis comprehensa. *Quia extrahet pauperem quiritantem, & humilem, & cui patronus deest. Commovebit super ventum & pauperem, & animas egenorum servabit. A dolo & violentia vindicabit animam ipsorum: & pretiosus erit sanguis ipsorum in oculis ejus.* Quæ cuncta referunt ad justitiæ & æquitatis demonstrationem in gubernando populo, sed relate non ad quamvis miseriam in genere, tum ad lapsus subditorum & peccata, tum denique ad fraudulentas & violentas oppressiones eorum ab hostibus & improbis. Quæ specimen ergo præferuntur, ut inde de modo administrationis æquo & salubri judicaretur in genere. Appellantur subditi, & cives regni, *pauperes, humiles, similes modesti & tenues,* de quibus epithetis alibi sæpe dictum est, 1. ut, viles & pauperes eandem curam regis experturos esse, ac reliquos alios, indicaretur, quod ad regni administrationem æquam & justam commendandam multum facit, 2. ut, ex ejusmodi sortis hominibus regnum Messie ut plurimum, utique in

in principio, constitutum esse, insinuaretur, 3. denique ut qualitatum moralium, quibus omnes cives vestiti essent, lineæ ducerentur; secundum quas sunt *pauperes spiritu, modesti, & tenues*, omni auxilio, carnali & mundano destituti; uti Matt. v. & alibi sæpe inculcatur. De quibus cum satis constet, & ab Interpretibus abunde expositum sit; moras non nectam. Vid. Cl. Vitringa *a*. Tres vero memorantur æquitatis & justitiæ partes, pro tribus civium relationibus. *a*. Prima versatur circa qualescunque misérias in genere, quibus eriperentur, vers. 12. *β*. Secunda respicit ad continuas infirmitates morales civium, quæ ad animum non referrentur a rege, vers. 23. *γ*. Tertia pertinet ad afflictiones & persecutiones improborum, quibus forent obnoxii, sed non succumberent, vers. 14.

§. XXVI. *a*. Prima his verbis continetur, vers. 12. *Quia eripiet pauperem quiritantem, & humilem, & cui non est patronus*. h. e. Omnibus suis civibus, quam vilibus etiam & inbecillis, omni auxilio & patrocínio humano destitutis, benevola sua cura in omni statu ipsorum misero & afflictio, cujuseunque sit naturæ molestia, qua premantur, quam desperata etiam, ut omne remedium humanum respiciat, aderit, & salutarem dubie exitum. Scetus calamitatus, qualiscunque sit, vel spiritualis, vel corporalis, indicatur & amplificatur per epitheta pauperis, & humilis, addita, quibus dicuntur *quiritantes*, & *patrono carentes*; pertinent enim illa duo ad utrosque memoratos, *pauperes & humiles*, elegantius ergo tantum divulsa. *Quiritari* est querelas non tantum ciere, sed & opem implorare, propriè *guttur præfocatum sibi levare cupere* b: adeoque summam anxietatem & molestiam præfocantem continet, unde *anxia orta*. Ultima phrasis, *& non adjutor ei*, miserum pingit desperatum, qui omni patrono, & patrocínio, destitutus est. Vox *my* absolute aliquando vindicem promissimum denotat, &

T t. 2

para.

a Ad Jes. xi: 4.
conf. III. p. 141.

b Schultens ad Job. xxx: 24. & Har.

phrasis, *non est adjutor illi*, ex formula Arab. notat hominem perditissimæ rei & spei, quem nemo sua cura velit dignari *a*. Hoc in statu positus civibus suis rex Messias declaratur *adfuturus*, eosque *erepturus*, seu potenter *extracturus*, consolando, tuendo, & liberando. Quæ ab unoquoque facile extendi possunt. Conf. Ps. xxxiv. 18.—21. & ibi dicta.

§. XXVII. *β. Secundum specimen æquitatis ponitur in summa regis indulgentia erga cives, qua eorum lapsus fert, ut animas eorum salvas præstet, vers. 13. Connivebit ad tenuem & pauperem, & animas pauperum servabit.* h. e. clementer & indulgenter aget cum civibus suis, sensu peccati tactis & spiritu contritis, eorum lapsus ad animum non referendo, sed remittendo, eo scopo & effectu, ut animæ eorum salvæ fiant. Membra versus ita cohærent, ut posterius sit prioris scopus & consequens; adeoque veram animarum salutem, ex clementia & indulgentia regis oriundam, comprehendunt. In quibus nil est difficile. Tantum not. potestas verbi *an* in *contractione* ac *reductione oculi* sita, unde ad conniventiam et indulgentiam transit *a*: *oculus* itaque suppleri debet, ubicunque hæc phrasis occurrit; sicut aliquando additur, ut Deut. vii. 16. Jes. xiii. 18.

§. XXVIII. *γ. Tertium specimen continet civium vindicationem potentem e manu fraudulentorum et violentorum hostium, cives qua fraude qua vi opprimere conantium, inde ductam et confirmatam, quod cædes civium sit gravis et pretiosa in oculis regis, qui eam ferre non potest, vers. 14. a fraude & violentia vindicabit animam ipsorum, & gravis erit sanguis eorum in oculis ejus.* h. e.. Cessare tandem faciet omnes fraudulentas et violentas persecutiones civium ab hostibus factas, eosque ab iis penitus vindicabit, pace et securitate ubique concessa; eaque ratione demonstrabit, cædes eorum sibi non amplius esse ferendas. Duo sunt versus membra, quæ ita cohærent, ut posterius sit prioris

ra.

• Id. Ib. xxx. 13.

• Id. clav. p. 263.

ratio et fundamentum; quo declaratur, Deum pios tandem ab omni persecutione vindicaturum, quod *sanguis eorum* sit *gravis* in oculis ejus, seu, quia nimis moleste ipsi accidit cædes ipsorum, quam ut eam diutius tolerare possit. Hunc enim sensum fundunt voces posterioris membri, ex vera vocis *ק* potestate eruendum. Denotat enim *grave* et *ponderosum*, unde ad *pretiositatem* transit, ut *בבר*: adeoque sensus est, Deum, seu regem hunc, non pro re vili ac levi habere, pios ignominiosæ morti subjici, seu *sanguinem* eorum fundi, sed summi momenti ac pretii, adeoque ad animum revocare, & non amplius permittere. Vid. Pf. cxvi: 14. & ibi dicenda, 1 Sam. xxvi: 21. 2 Reg. 1: 13, 14. Præsupponitur, cives regni Christi multis persecutionibus & vexationibus, qua arte qua *martē* factis, fore obnoxios, quarum exacta tamen & clara non traditur notitia; declaratur vero, eas plane cessaturas aliquando, cum regnum Messiae in vero suo flore & vigore fuerit, ut vers. 7 & 9. habuimus: quo phrasis tendit, *a fraude & violentia vindicabit animam ipsorum*; quippe quæ vero suo sensu liberationem justam & potentem denotat, a Goele factam, qua non succumbunt, sed gloriose & triumphabunde eripiuntur, & in libertatem plenissimam adferuntur, ab omni ulteriore fraudulenta vel violenta insectatione liberi. Conf. Jes. xi. & alibi sæpe.

§. XXIX. d. *Quarta* pars, per modum conclusionis, summariam comprehendit prosperitatis regni propositionem in civium faustis adclamationibus & adprecationibus, donisque oblati, ab initio ad finem per omne tempus duraturis, conspicuæ, vers. 15. *Et vivat, & dabit ipsi de auro Sceba, & orabit pro ipso jugiter, omni die benedicet ipsi.* h. e. Ut itaque concludam, & dicta summam ob oculos ponam; tanta erit regni felicitas, ac gubernationis æquitas & justitia, in perpetuum duratura, ut per totum orbem & vocibus, & aliis signis, lætitiā suā sint demonstraturi cujuscunque fortis homines, ipsi reges & potentes; nec illud in prin-

cipio tantum regni inter ipsos conditi, sed in perpetuum, & continuo per omne tempus sine intermissione. Declarat poeta, in signum felicitatis & æquitatis hujus regni, quam modo descripserat, per modum conclusionis, cives regni summam suam lætitiā continuo & in perpetuum esse testificaturos per faustas adclamationes, huic regi factas, & donorum oblationes, quibus vota sua pro rege & regno ejus expromerent, & amorem ac gratitudinem suam demonstrarent. Respicitur manifeste ad regum inaugurationem per faustas adclamationes, *vivat rex*, & dona ac munera, fieri solitam; uti constat. Conf. 2 Sam. xvi: 16. 1 Reg. 1: 39. 1 Sam. x: 27. 2 Chron. xvii: 5. Sed additur, non in initio tantum regni, sed per omne tempus, quo regnum duraret, continuo & in perpetuum illud locum habiturum esse, ut cives lætitiā suā ea ratione per vota & munera significarent, in signum duraturæ prosperitatis & æquitatis regni. Duo sunt versus membra, quæ se mutuo illustrant, adeo ut *vivat* connectendum sit cum *orabit pro ipso*, & inde supplendum, *alterum* vero, *dabit ipsi de auro Schebæ*, construendum cum *benedicet ipsi*: ac si haberetur, *orabit pro ipso jugiter*, hac solenni formula, unusquisque, *vivat; benedicet ipsi omni die, dando ipsi de auro Schebæ*. Respicitur itaque in *priore* membro ad faustas adclamationes, & donorum oblationes, quibus cives regem prosequi & honorare solebant tempore inaugurationis, & in *altero* membro declaratur, cives, præ lætitiā, qua semper gauderent, durante regni felicitate in perpetuum, ita semper erga regem fore adfectos, & acturos. Duo itaque amoris & benevolentiae civium signa memorantur, alterum *verbale*, alterum *reale*; prius in votis & suppliciis pro rege & regno ejus, solenni formula, *vivat*, his verbis: *vivat & orabit pro ipso jugiter* h. e. formula solenni, *vivat*, utetur in votis & supplicationibus suis unusquisque, non in principio tantum, sed *jugiter* & in perpetuum. Verbum *vivat* abrupte positum est, & mox per *orabit pro eo jugiter* exponitur & illustra-

stratur, eo, quò dixi, sensu, & scopo: ex quo simul efficitur, *orare pro rege* nihil aliud esse quam votis & precibus regi adprecari felix & perpetuum regnum, cujus formula erat, *vivat rex*: uti fere in oratione Dominica, *adveniat regnum tuum*, nec ulterius est extendendum. *Posterius*, seu reale signum, est donorum oblatio, quæ his verbis effertur, *dabit ipsi de aure Sebea*, & per *benedictionem* regis exponitur, ut oblationis verus conspectus, & scopus traderetur. *Digitus* manifeste intenditur ad vers. 10., & significatur, regem esse a civibus honorandum & colendum quibusvis preciosis, ipsi oblatis: ut supra ad vers. 10., exposui. *Benedicere* itaque hic est *dona & munera*, in signum reverentiae & subjectionis, offerre; sicut *כבוד* *benedictio* pro *manere* sumitur, ut in vulgus notum est. Ceterum in verbis tertiae personae, nominativo carentibus, & impersonaliter finendis pro *uniusque*, nemo hærebit, opinor, cum usitatum hoc sit satis.

§. XXX. 1. Subiungitur prophetiæ de Messia ejusque regno, *utrum* propheta & poeta, superiori civium voto, modo memorato, apte subnexum, quod simul propheticum est, & numerosissimam ac florentissimam regis progeniem, in perpetuum duraturam, & regem celebraturam, comprehendit, partim figurata, partim simplici, oratione, hæc ad illius explicationem adjuncta, vers. 16, 17. *Sit exspiramentum tritici in terra in vertice montium, perstrepet in sinu Libani fructus ejus, & enitescant præ largissima pluvio iuxta graminis terga. Sit nomen ejus in æternum; coram sole copiose sobolescat, & benedicant sibi in eo omnes gentes, beatum ipsum prædicabunt.* Quæ omnia ad numerosissimam & prosperissimam, æternamque duraturam, regis familiam, ex ipso orituram, & regis nomen ab omnibus gentibus, tanquam benedictionis causam, celebrandum, tendunt; quæque ratione ordinata sunt, ut *figurate* proponantur, & simplici oratione mox exponantur, *prius*, vers. 16., *posterius*, vers. 17. Pertinet enim, ut post alios nonnullos existimo,

vers.

verf. 16. æque ad regem Mesſiam, ac verf. 17., cum quod poſterior fit manifeſta prioris explicatio, ut mox patebit, tum quod verbum maſc. *fit* alio referri nequeat, ſequitur enim vox foem. *fructus ejus*, & relativum *ejus*, in *fructus ejus*, ut per totum Pf., ad Meſſiam regem ducat. Conſideremus a. orationem figuratam, verf. 16. *Sit exſpiramentum tritici in terra in vertice montium, perſtrepet inſtar Libani fructus ejus, & eniteſcent præ largiſſima pluvia inſtar graminis terræ.* h. e. Sit, eritque, inſtar grani unici & ultimi tritici, in quo exſpirat, tanquam unico ſuperſtite, omne triticum terræ, *fit*, inquam, quaſi ex alto cadens, in *vertice montium*, loco omnium celebratiſſimo, radices agens; proferet fructum multiplicem & celeberrimum per orbem, cujus fama orbem perſonabit, inſtar arborum Libani perſtrepentem, in immenſa hominum copia, qui ex ipſo ſunt & ad ejus imaginem orituri; quique donis & virtutibus quibuſcunque ſummum vigorem & ſplendorem vibrabunt, per abundantem Spiritus S. operationem, qua inſtar pluviae irrigati floreſcent tanquam gramen terræ. Comparatur, i. cum *exſpiramento tritici in terra*, hæ enim voces conjungendæ ſunt, & ſubjectum, vel perſonam, definiunt, cui votiva fit adprecatio, mox exponenda. Quæ comparatio ut fortius exprimeretur, Meſſias adpellatur *exſpiramentum tritici in terra*, ſicut alibi *fructus terræ* Jeſ. iv., *germen David* Jer. xxiii., *ſurculus radicum Iſai* Jeſ. xi., *vitis* Joh. xv. & quæ ſunt ſimilia alia; quatenus inter ipſum & *exſpiramentum tritici in terra* exacta eſt convenientia; quam paucis exponam. a. *Triticum* vocatur, quod vox Hebr. *tr* denotare ſolet, ſicut & ipſe ſeſe adpellat Joh. xii. 24. quia *ex terra natus* homo, quare *fructus terræ* dicitur Jeſ. iv., ſimul præſtantiſſimus, ſelectus, purus, & optimus hominum, quæ vis vocis *tr* eſt, a *tr*, cujus proprietas eſt in *nitido* & *raſili politura*, quare *pulchrior* adpellatur *filiis hominum* Pf. xlv. 3. ſanctus, mundus, & a *peccatoribus* ſeparatus Hebr. vii. inſtar grani tritici a paleis purgati, denique aptus & deſti-

destinatus ad homines alendos, quare *panis vite* vocatur Joh. vi. & multam proferendam prolem, uti hic mox sequitur, ubi *fructus* ejus memoratur. *b.* Sed singulare est, & valde emphaticum, quod *expiramentum tritici* adpellatur, seu extremum, in quo expirat, & evanescit. Hanc enim adfert notionem vox נֶסֶם, minus intellecta. Radix נָסַם, unde נֶסֶם, & foemin. נֶסֶם, cui respondet נֶסֶם, proprietatem habet in extremitate, ora rei expirante, & proprie dicit, crepitu ultimo & flatu facto expiravit, verbo a *sono* facto, cujus naturam imitatur: hinc נֶסֶם נֶסֶם proprie *expirations terre*, ubi evanescit; נֶסֶם נֶסֶם Dan. iv. *expirans particula manus*, extrema ejus pars cum digitis, & obscurius adumbrata: sic & hic, ne plura congeram, נֶסֶם נֶסֶם *expirans particula tritici*, in qua evanescit, tritici ultimum, & ipsum parvum, exile, simul in partes dissolutum & evanescere visum. Quo plura significantur, strictim exhibenda, quæ Messiae statum depingunt, & verum conspectum illustrant, 1. respectu *mundi* in genere, cujus unica spes erat, & solum *tritici* granum, quod supererat, & in quo vel expirare & evanescere, vel reviviscere, debeat: quare *expiramentum tritici in terra* adpellatur, ut mox videbimus, adeo ut salus vel exitium mundi ab ipso solo pendeat. 2. Relata ad *domum Davidis*, vitam & salutem populi Israelis, cujus jam prolapsæ, & ad finem vergentis, ipse erat ultimus superstes, in quo vel finiretur, vel refloresceret, imo finiretur secundum carnem, & revivisceret secundum Spiritum: quare *virga* adpellatur *e trunco exciso Jesse* Jes. xi: 1. ubi vid. Commentator, & *tentorium Davidis* representatur *collapsum* Am. ix: 11. recte itaque eo sensu *expiramentum tritici*. Sic & 3. respectu status externi, vilis, pauperis & abjecti, instar *grani expirantis*. Vid. Jes. LII: 14. Nec non 4. status mortis, in quo granum quasi expirare videtur, & evanescere: quo etiam phrasis, *expiramentum tritici in terra*, nos ducit. Dominus ipse, forte huc respiciens, se confert ad granum tritici, quod *in terram cadit*, & *moritur*.

Joh. xii: 24. Quæ omnia tetigisse suffecerit. v. Denique *expiramentum tritici in terra* quare adpelleatur, ex modo dictis non est obscurum; cum jam observaverim, eum esse *expiramentum tritici terre*, & in terra reconditum; potest enim commode in terra contrahi cum tritico, & *expiramento tritici*, adeo ut significetur, ipsum esse *tritici terre* ultimum, & in terra esse *expiramentum*, quatenus in eam est projectum, & in ea, ut dissolvatur, positum semen. Sed terra mentio, opposita ad *verticem montium*, de quo mox, nos simul ducit ad statum abjectum in morte; ubi videbatur evanescere debere, utique gloriose non posse reviviscere, Vulgo constituitur in terra cum verbo *fit*, & cum seq. in *vertice montium* connectitur, ac si sensus esset, *expiramentum tritici fore in terra*, imo in *vertice montium*; sed longe rectius sibi opponuntur in terra, & in *vertice montium*, ut sunt revera opposita, & in terra cum tritico ac *expiramento*, eo, quo dixi, sensu, conjungitur, in *vertice vero montium* cum verbo *fit*, hoc sensu; ut, *expiramentum illud tritici in terra* in longe excelsiorem locum & statum esse transplantandum, prædicatur.

§. XXXI. 2. Ipsum votum propheticum circa Messiam, tanquam *expiramentum tritici in terra*, duo complectitur, statum ejus sublimem, et immensam ejus multiplicationem per terram, ex eo statu orituram. a. Prius his verbis expressum est; *fit in vertice montium*, scilicet illud *expiramentum tritici in terra*, aut ipse, tanquam tale: est enim verbum *fit* in masc., et non cum nos foemin., sed cum persona per illud figurata constituitur, ut exposui. Respicitur ad granum tritici, terræ mandatum, et inde, in verticem montis transplantatum, ut fructus ejus sit magis conspicuus & celebrior: adeo ut sensus sit; granum tritici, quod sicut ejus *expiramentum* erat, ita *expirans* in terra, transferendum esse in locum sublimem supra omnia excelsa terræ, & ibi fixam habiturum sedem, indeque in se immensam fructuum copiam exerturum. Quæ, licet litteraliter insolita,

24, hic ad sensum figuratum exprimendum adsumuntur, nec habet figura aliquid, quod natura rei respuit. Quales similitudines non raro in Script. occurrunt; proxime accedit, quod *mons domus Dei* dicatur *stabilizandus* in *vertice montium* Jesh. II. & de summitate stolonum ejus (regni Davidici in Jechonia destructi) *tenuis excerptus* plantatusque in *monte altifronte* (quod in Zerubbabele impletum est) promittatur transplantandus in *montem elatum* Israelis &c. quod directe ad Messiam spectat, Ezech. XVIII: 22, 23. ita hoc loco granum illud tritici in terra exspiramentum sedem haberet fixam in *vertice montium*; quod per phrasin, *sic in vertice montium*, exprimitur. Verbum enim *stabilizans* hanc habet emphasim, qua firmam & fixam existentiam denotat; uti observavi, & variis exemplis adstruxi, ad Mal. I: 4, *sic itaque in vertice montium*, est, *stabilizans* ibi & *fixam*, ac perpetuam, habeat sedem, ibique exorescat in magnam & gloriosam fructuum copiam. Sensus figuratus vero habet, Messiam, qui tanquam exspiramentum tritici in terra erat versatus, & in ea mortuus ac sepultus, inde, ut fructus ferat, esse in locum & statum sublimem transferendum, ut terra, & omnibus in ea excelsis, in specie regnis mundi, esset superior, & excellentior, in coelis sedem habiturus firmam, simul terræ, & omnium regnorum ejus, *dominus* ac *rex*. In *capite montium* esse, denotat, .i. in loco statuque sublimi & excellenti esse, 2. in specie in *coelo*, omnibus montibus sublimiore; 3. omnium regnorum mundi, quorum emblemata satis nota sunt *montes*, dominum & regem, per *caput* montium apte depictum. Simile quid habet, quod *mons domus Dei* sit *stabilizandus* in *vertice montium*: ubi vid. Cl. Commentator, & Jesh. alibi c. LIII: 8. dicat, Messiam esse *adsumentum*, scilicet in sublime, *e judicio* &c.: nec non Jesh. LII: 13.

§. XXXII. β. Consequens, copiosissimam & gloriosam progeniem per totam terram, ex Judæis & gentibus, cujuscunque status illustrioris & vilioris, comprehendens, duplici metaphora representatur, *altera ab arboribus Libani*,
V v 2 elatis,

elatis, proceris & amœnis, *altera* a gramine terræ petita; his verbis: *perstrepet instar Libani* (arborum Libani) *fructus ejus*, & *nitescant præ larga pluvia sicut gramen terræ*. Subjectum orationis est *fructus* Messiae, qua *expiramenti* tritici in terra, in sublimi loco & statu collocati, de quo duo prædicantur, *alterum*, eum daturum instar Libani strepitum, *alterum*, ejus nitorem fore vibrantem instar graminis terræ: posterius enim hoc, *enitescant præ pluvia copiosa instar graminis terræ*, æque ad *fructum* ejus pertinet, ac prius illud, *perstrepet*, licet in plur. occurrat; cum de *fructu* ex variis spicis constante æque plur. ac sing. adhiberi queat; nullum autem aliud præcessit, aut memoratur, subjectum, cui illud, *nitescant* &c., adplicari potest, huic autem aptissime convenit. *Fructus* autem Messiae, qua grani tritici in terra, sed in loco sublimi nunc collocati, alios signare nequit, ac eos, qui ex ipso nati ejus imaginem præferunt, & eandem vim vitalem habent, ac aptitudinem ad homines exhilarandos ac alendos; adeoque omnes Christi discipulos & credentes: qui & alibi *fructus* ejus, tanquam grani mortui, adpellantur Joh. XII., & alias nomine *seminis* Messiae veniunt Jes. LIII: 10. & *roris juventutis* ejus Ps. CX: 3. Quæ satis nota sunt, & facilia.

§. XXXIII. Duo de hoc Messiae populo adfirmantur, quæ nostram merentur attentionem, *alterum* est, eum *editurum* præ vento *strepitum instar Libani*, *alterum* vero, *nitorem* vibraturum instar *germinis terræ* præ largissima pluvia. In *priore* respicitur ad arbores Libani, proceras, firmas, & pulchras, a quibus mons *Libanus* est celebratissimus, vento concussas & perstrepetes, eaque ratione gratum edentes sonum: *posterior* petatum est a gramine terræ, largissima pluvia irrigato, & florente, seu nitide splendente. In *priore* itaque ellipsis *venti* notanda est, quæ in verbo *vyrlatet*, & sese sponte prodit; propria enim ejus vis est, *tremuit*, *concussus fuit*, motu potissimum *exteriore*, adeoque involvit *ventum*, quo concussæ arbores strepitum edunt; *instar*

instar Libani vero esse, *instar arborum Libani*, tralaticium est. In *posteriore* nihil est nisi in voce *רָב* difficilis; quam Interpretes *ex urbe* reddentes expedire non potuerunt, cum sensus tolerabilis, nedum emphaticus, inde extundi nequeat. Verti *prae pluvia largissima*, Cl. Schultens viam præeunte. Radix enim *רָב*, proprie *fervere*, speciatim teritur in *aemulatione* ac *zelo*, etiam in bonum, ad alterius felicitatem promovendam, uti observavit Cl. Schultens *a*, hinc specialiore usu transit ad pluviam largissimam & foecundantem: sic terra, æmulatione divinitus adfecta, Arab. est *largissime irrigata*; & copiose respondens. Ita *רָבָא* *visitavit* speciatim sumitur pro *effusione imbrium*: de quo ad Ps. LXV: 10. Nihil autem hac *largissima pluvia* aptius est hoc loco, cum inde nitor & vigor *graminis terrae* pendeat; sicut arborum strepitus a *vento*; quod utrumque solet esse *Spiritus S.* emblema, uti notum est, & huc recte quadrat.

§. XXXIV. Significatur vero utroque hoc emblemate, 1. credentium fore maximum *numerum* per orbem quaquaversum, *instar arborum*, quibus Libanus abundat, & *graminis* terræ copiosissimi & densissimi, ubique sese ostentantis per terram. 2. Spiritus S. donorum & bonorum fore abundantissimam copiam; *instar venti & pluviae* largissimæ: de quo ad vers. 6^{um} dixi. 3. Statum eorum fore lætissimum, prosperum & gloriosum, *instar arborum Libani*, & *graminis* virentis ac nitide splendentis, æque *externum* ac *internum*, corporalem & Spiritualem. 4. Denique occupationes & actiones eorum fore gratas, jucundas & utiles, simul *agiles*, magno cum zelo conjunctas, & exultabundas, ac sonoras, *instar arborum strepentium*, & *graminis nitorem vibrantis*. Quæ ab unoquoque facile dilatari possunt. Tandem 5. addatur, emblemata ita posse distingui, ut *prius* ad personas in regno Messiae illustres, dignitate & auctoritate conspicuas, *posterius* ad tenuiores seu vulgaris sortis homines referatur; adeoque significetur, divites, potentes,

Vv 3

reges

a Ad Job. viii: 6.

reges & principes, in regno Christi futuros instar *arborum* strepentium in Libano, & *vulgares* credentes, cujuscunque fortis, instar *graminis terræ*. Conf. Jes. XLIX: 7; 23. & ibi Cl. Commentator. Possit quoque *prius* aptissime transferri ad Ecclesiam Apostolicam, fundatam in Tſione super *vertice montium*, Jes. II., illis vocibus cum seq. etiam connexis, & Spiritu, tanquam *vento*, plenam, magnum edentem per orbem *strepitum*, ut in festo Pentecostis obtinuit litteraliter, & rumori per orbem prælusum; *posterius* vero recte refertur ad multiplicationem credentium per terram. Quod verbo monuisse suffecerit.

§. XXXV. Orationis figuratæ nuda & simplex repetitio, explicationis & illustrationis ergo subjuncta, ita habet, vers. 17. *Sit nomen ejus in æternum coram sole, sobolescat nomen ejus; & benedicent sibi in ea omnes gentes, beatum ipsum prædicabunt.* Quæ verba continent *propositionem*, & ejus *deductionem*; qua ratione recte in duo membra dividuntur. Quorum *prius*, propositionem comprehendens, *duo* de Messia adfirmat, *nomen ejus gloriosum futurum in æternum coram sole*, & per totam terram in immensam sobolem, de ipso nominandam, esse multiplicandum, his verbis, *sit nomen ejus in æternum coram sole, sobolescat nomen ejus.* h. e. Sit maneatque firmiter in æternum, simul agnoscatur, celebretur, & glorificetur, Messias in veris & caracteristicis personæ, quam gerit in mundo, qualitatibus, tanquam unicus & supremus propheta, sacerdos, & rex; idque non a paucis, & hic aut illic terrarum, sed ubique terrarum, ab immensa hominum multitudine, ex ipso oriundorum, & de nomine ejus nominandorum. *Duo* itaque de Messia prædicantur; quorum *prius* est, *nomen ejus fore gloriosum in perpetuum coram sole*, seu usque ad finem sæculorum & consummationem omnium, quamdiu fuerit *sol*; ut vers. 5, 7. habuimus. *Nomen* Messie hic caracteristicas personæ ejus qualitates denotat, quæ vera est *nominis* significatio, quibus dignoscitur, & a reliquis omnibus distinguitur, *nomine*

ne *Jesu, Messiae & Christi*, comprehensas, & in eo sitas, quod sit *unicum sub caelo nomen*, per quod *salvati oporteat*, *unicus & supremus propheta, sacerdos, & rex*. Conf. *Jes. ix: 5.* & alibi. Sed hoc satis notum est. Hoc vero *nomen ejus esse* dicitur, quatenus *firmetur & innatum fiat*, & agnoscitur ac celebratur: ut *max. explicatius traditur*; denique *in aeternum coram sole* est neque ad consummationem mundi.

§. XXXVI. Posterior, quod de ipso affirmatur, *immemens, & per orbem totum diffusum*, hominum multitudinem complectitur, qui de ipso cognominarentur, tanquam ejus *fili*, his verbis: *coram sole sobolescet nomen ejus*. h. e. ubi-
cumque fuerit & auxerit sol, seu per totam terram erunt immenso numero, qui de nomine ejus adpellabuntur, & ejus erunt filii, seu discipuli. Voces, *coram sole*, cum praecedentibus non tantum, ut modo exposui, sed & seq. cohaerent, ut saepe alias fit, & diffusionem seminis Messiae per totam terram denotant, adeo ut, ubique sol fuerit, semen ejus futurum sit; quod hic quoque est, *coram sole*, uti supra vers. 5. *cum sole & coram luna*. Sed quid est, *sobolescet nomen ejus*? nihil aliud, autumo, ac multa erit soboles, de nomine ejus adpellanda, vel nomen ejus per magnam sobolem propagabitur & diffundetur. Respicitur ad *nomen* per liberos superstes, qui ex una stirpe nati progenitoris nomen gerunt, et agnoscunt. Utitur poeta verbo singulari, cujus simile non exstat in reliquis linguae Biblicae, derivatum tantum superest *פ* vel *פ*; quod non denotat, ut putatur, *filium*, ne primam quidem generationem, sed prolem copiosam, generationem longe fusam, quae veluti ex suo fonte copiosius scaturiat, et diffundatur in familias: unde pro genere *piscino* quoque sumitur; et proprietatem habere videtur in *fatatione, satisfactione*; ut observavit Cl. Schultens a. Est autem *פ* in *fut. Niph.*, adeoque verendum *satisficabitur*, vel copiose *sobolescet nomen ejus*, h. e. copiosa sobole nominabitur & diffundetur nomen ejus; uti

a. Ad Prov. xxix: 21.


expofui. Magis proprie itaque illud exprimitur, quod figurate modo erat dictum, de *fructu* graminis tritici, *strepitum* edituro infiar Libani, & nitorem vibraturo infiar *graminis terræ*: ubi vid. dicta.

§. XXXVII. In propositiōis *deductiōe*, his verbis facta, & *benedicent sibi in eo omnes gentes, beatum ipsum dicent*, duo clarius exponuntur, *alterum*, sobolem ejus tam late fore diffusam & multiplicatam, ut *omnes gentes* comprehensura sit, quæ eam etiam constituent: quod enim modo dictum erat, *sobolescat nomen ejus coram sole*, illud ad *omnes gentes* extenditur, argumento, eas esse copiosam eam sobolem, de nomine ejus adpellandam: *alterum* est, Messiam; tanquam patrem & progenitorem, esse ab iis, qui de nomine ejus adpellarentur, *celebrandum* ac glorificandum, tanquam omnifufficientem, omni beatitate adfluentem, & omnis boni fontem ac causam: quod phrasis, *benedicere sibi in eo*, ut verbum reddi debet, vero suo usu denotat, uti in promisso Abrahamo facto, quo hic respicitur, *benedicent sibi in semine tuo omnes gentes*: quod ab aliis jam observatum est, & demonstratum. Conf. quoque Jer. iv. 2. & ibi dicta: quare plura non necesse est addere. Tantum notetur, *omnes gentes* ad præced. & seq. sese quoque porrigere, ut modo etiam habuimus. Sed nec negligenda est emphasis verbi *וְאֵי* cujus primæva notio est in *coruscatione*, seu *tremula micatione*, quæ *notam* sui relinquit, unde nata est potestas *vestigii*, a pede coruscante impressi, dicitque *terrae clarum pedis imprimere vestigium*. Alia vero metaph., ut reliqua mittam, *nota hæc micans*, *וְאֵי*, ei adtribuitur, quod in suo genere est eximium & præcellens, *nota* quippe *corusca* distinctum ab aliis, ut Lat. *insigne*, quasi signo notatum & antecellens; inde plur. *וְאֵיִם insignitates*, seu multiplex præstantia, nobilitas & felicitas; & per usum adverbialem *וְאֵי*, quo quis præcellens & felix prædicatur, cum pathetica exclamatione, *o insignitates illius viri*. Unde emphasis phrasis, *וְאֵי* hoc loco sponte sese offert; qua denotat, Messiam cum

cum exclamatione esse prædicandum ac celebrandum, tanquam insignem, & nota coruscum, omnique felicitate abundantem, omnisufficientem, qui & ipse *satietatibus latitiarum apud faciem Dei, ac jucunditatibus dextræ Dei* fruitur, Ps. xvi: 11. ac eas cum hominibus communicat, tanquam *causa salutis*; quare *servatus* adpellatur, Zach. ix: 9. seu in statu amplissimæ salutis & felicitatis positus.

§. XXXVIII. Sequitur clausula non hujus Ps., sed omnium præcedentium *secundi* hujus Ps. libri, ab alia manu, seu a collectoribus Ps., ut probabile est, visum quoque Mufio, profecta; quemadmodum ad Ps. xli. observavi, ac demonstravi. Eadem enim hic, & in reliquis Ps. libris, in quos olim distincti sunt Psalmi, occurrit *benedictionis* formula; tantum hic circumductior & fusior, forte relate ad Ps., cui proxime adnexa est, & cui recte convenit, quod vers. 19. *de tota terra Dei replenda* habetur. Nihil hic, quod præterea observem, habeo. De sensu verborum, *desinunt preces Davidis filii Jesse*, Interpretes satis exposuerunt. Pertinent ad omnes præcedentes Ps., in duos hosce libros collectos, qui, paucis exceptis, omnes *Davidem* habent autorem, & omnium primi videntur collecti in unum volumen, forte tempore Hizkiæ; quod his verbis fuit *clausum a*. Reliqui postea collecti sunt, forte tempore Ezræ, qui variorum continent autorum carmina; paucis tantum Davidis insertis.

a Vid. Gataker. in Cinno l. i. c. 10.





P S A L M. LXXIII.

1. *Psalmus Asaphi. Profecto, vel veruntamen, bonus & bonum Israeli Deus est puris corde.*
2. *Et ego prope inclinatus pedes meos fui, tantum non effusi sunt gressus mei.*
3. *Quia emulatione inflammatus fui in splendida fortuna se jactantes, pacem improborum vidi continuo.*
4. *Quia nulli sunt nodi stringentes ad mortem ipsorum, & concreta eorum crassitudo prænitet.*
5. *In vexatione tundente mortalium non sunt ipsi, & cum hominibus plaga non adficiuntur.*
6. *Idcirco collum ipsis erigit, & collari vincit elatio tumida, regit vestitus cruda violentia ipsos.*
7. *Emicant præ pinguedine oculi ipsorum, transgrediuntur præ imaginationibus cordis.*
8. *Purulenti crepant & loquuntur maligne, injustitiam, vel insolentiam, ex alto loquuntur.*
9. *Ponunt in cælum os suum, & lingua eorum grassatur in terra.*
10. *Propterea redibit populus ejus huc, vel redire faciet populum ejus contusio, quod, vel quum, aquæ pleni exsugentur ipsis.*
11. *Ut dicant, quomodo Deus cognoscit? & est cognitio Altissimo?*
12. *Ecce improbi illi sunt, & tamen defecate tranquillii & felices seculi, multiplicant opes.*

13. Pro-

13. *Profecto in vanum nitidavi cor meum, & loci in innocen-
tia manus meas.*
14. *Et plagis adfectus sum omni die, & castigatio mea singulis
matutinis.*
15. *Si dicam, subductis calculis concludam secundum hæc,
ecce! erga generationem filiorum tuorum perfide me ge-
ro.*
16. *Itaque ratiocinatus sum subtilius ad cognoscendum hoc, in-
leustum & operosum illud fuit in oculis meis.*
17. *Donec sacraria Dei intravit, & novissimam eorum fortem
distincte percepi.*
18. *Profecto in lubricitatibus instabis ipsis, cadere ipsos facies
in confregosa.*
19. *Quando facti sunt fideratio, tanquam momento? nati,
consumti sunt prae, vel ab, execrationibus, & furiis infan-
tibus.*
20. *Instar somni post evigilare, ita, Domine! in fuscitatem
imaginem eorum contentim tractabis.*
21. *Quam peracuerit sibi cor meum, & renibus meis me con-
punctura,*
22. *Et, vel tunc, ego brutus, qui nihil sciam, magna bestia
sum tecum.*
23. *Et, vel et, ego fugiter tecum ero: prehendisti manum
meam dextram,*
24. *Consilio tuo duces me, & post gloriam assumes me.*
25. *Quis mihi in caelis? & tecum nihil volupe habeo in terra.*
26. *Consumpta sit caro mea: & vel et, cor meum, petra cad-
dis mei, & portio mea, Deus est, vel es, in aeternum.*
27. *Profecto, ecce! longe a Te remoti peribunt, omnem forni-
catione a Te discedentem excindes.*

28. *At ego, adpropinquatio Dei mihi bonum est, ponere meum in Domino Jebaia perfugium meum, ad enarranda omnia opera tua.*

S. I.

Argumentum Pl. est *thesios*, Deum sese Israelitis, qui pietati student & virtuti, benevolum & beneficium præstare, vindictio & demonstratio contra impiorum, quibus cuncta ex voto succedunt in hoc seculo, profanas cogitationes & voces, ipsorumque piorum, qui cum malis luctantur, dubitationes & tentationes circa providentiam Dei, qua res humanas gubernat, *ratione* demonstrationis petita a statu futuri seculi, impiorum miserrimo, & piorum beato; de quo ex arcana & divina institutione constabat: indeque ortum *propositum*, per modum conclusionis declaratum, de quavis indignatione super impiorum felici, & piorum infelici, forte in hac vita missa facienda, & Deo in fide & spe unice adhærendo, eumque pie colendo. Poeta, cum *thesin* memoratam, tanquam certissimam & notissimam veritatem, Deum Israelitis piis bene velle & facere, expressisset, in medium mox profert difficultates ei oppositas, quas experientia suppeditabat, in eo fitas, quod impij hic florent vigeantque usque ad mortem, pii vero quotidie sæpe multis miseriis sint obnoxii, adeo etiam, ut illi insolenter sese contra Deum & homines gerant, ac Dei providentiam contemnant, piis quoque, tanquam fatuis, insultent; hi vero sæpe in gravissimas incidant de providentia Dei dubitationes, ex status sui miseri consideratione. Quas difficultates ut magis exaggeraret, se quoque ad eas obhæsisse, nec potuisse se extricare, confitetur; cum *thesin* non potuerit in dubium vocare, nec tamen eam ab hac objectione vindicare noverit. Quando tandem fontem solutionis ex arcana & divina aperit institutione, & summi mo-
menti

menti doctrinam de impiorum statu misero, & piorum beato, post mortem in seculo futuro, in medium adducit, & in ea sese fundat, adeo ut, omni difficultate e medio sublata, declaret, se *cum* omnem indignationem super fortunata impiorum sorte in hoc seculo, tanquam hominis insipientis, & ratione, instar bruti animalis, carentis, esse consideraturum & damnaturum, *tum* Deo in fide & spe firmiter & constanter adhæsurum, eumque pie culturum.

§. II. Quod argumentum ut in vera collocetur luce, sequentia probe sunt observanda. 1. *Primum* est, *impios & pios*, ex quorum diversa sorte objectio petitur contra æquam & justam providentiam Dei, hic considerari tanquam unius societatis externæ Israeliticæ membra; utrosque ergo Israelitas, & non gentiles & Israelitas; ut alibi fit, ubi de simili re agitur; sed alios Dei & legis contemtores ac violatores, alios utriusque studiosos, ac pios & probos. Rationes sunt. *a.* Quia nullo nomine, titulo aut caractere gentilium describuntur, sed in genere *impii* adpellantur, & fortuna sua insolentes. *b.* Quod non in genere Israelitæ qualescunque, sed inter eos *puri corde*, & veræ pietatis studiosi, in scenam producantur, qui cum miseria luctentur; qui verum Dei *populum*, & *filios ejus* præ reliquis constituunt, oppositæ ad impios. *c.* Quod afflictio piorum hic occurrat, non quam pii & impii inter Israelitas communem habent, sed pii propriam, & a qua impii immunes sunt: non itaque Gentilium prosper & Israelitarum infortunatus status, sed impiorum felix, & piorum infelix fors tantum memoratur. *d.* Quod non tam gentilium felix conditio, quam impiorum in medio Israelis, dum pii male degerent, difficultatem contra providentiam Dei parere posset: promissa enim *piis* facta erant, & *minæ* impiis e populo; quæ cum nunc aliter acciderent, videri posset, Deum non attendere ad hominum actiones, ut vers. 11.

§. III. 2. *Secundum* est, statum reip., cujus utrique membra sunt, representari pacatum, securum, & nullis

hostium opprēssionibus obnoxium; cum quod nihil mali, quo resp. adfigatur, memoretur, tum quod impii occurrant florentes & prosperi usque ad mortem, tum quod communia hominum mala tantum amementur, a quibus liberi sunt impii, & quibus pii proponuntur obnoxii. 3. *Tertium* est, statum reip. depingi *corruptum*, ubi impii maximum faciunt numerum, opibus abundant, & dominantur; pii, contra, viles, pauperes, afflictis multis malis, contemnuntur, irridentur & opprimuntur. De quo etiam testatur, quod pii alias vix tantam habuissent rationem de providentia Dei dubitandi. 4. *Quartum* est, *impios* in scenam produci, sicut per omne vitæ tempus vigentes, florentes & fortunatos ac potentes, ita superbos, sibi fidentes, insolentes, Deum fasque deque habentes, & piis insultantes; adeoque summo gradu improbos, Atheos seu Epicuræos, vers. 6—9. *pios* vero, tanquam corde & manibus puros, attamen paupertatis, & aliorum vitæ incommodorum, ac plagarum sub onere gementes, & propterea de Dei providentia bona ac iusta dubitare incipientes. 5. *Quintum* est, difficultatem contra providentiam Dei circa populum Israelis tantam esse, ut ex legali teconomia externa, quæ præmia & pœnas hujus seculi dispensat legis transgressoribus ac observatoribus, vix e medio tolli potuerit, adeoque pios ipsos apta nata sit in gravem conjicere dubitationem, nec nisi ex arcana doctrina, in sanctuario Dei docenda, de præmiis & pœnis futuri seculi tollenda; quam vates hic inculcat, & ad quam, tanquam sacram anchoram, sese in piorum dubitatione, & sua propriatentatione, recipit, vers. 18—28. quæ tota pericopa ad eam doctrinam inculcandam tendit, ut postea videbimus.

§. IV. Quod ad *tempus* Pl. compositi adinet, nihil aliud de eo definiri potest, quam illud fuisse fortunatum & pacatum quidem, attamen depravatum, quo longa prosperitate plures fuerunt in securitatem carnalem præcipitati, & insolentes in Deum & homines facti, piis oppressis & gementibus;

mentibus; præterea *tempus* fuisse, quo hæc quaestio de impiorum felici & piorum infelici sorte in hoc seculo cum bona & iusta providentia concilianda fuit mota & agitata, ac ex futuri seculi consideratione solvi cœpit a viris divinitus inspiratis, eaque doctrina de pœnis & præmiis post hanc vitam facta est vulgatio. Qui duo temporis characteres recte conveniunt in ultima regni Davidis, vel in Salomonis tempora, quibus impiorum, longa prosperitate ansam præbente, numerus & insolentia videtur crevisse, & arcana hæc doctrina in lucem protrahi potuit. In quæ tempora ætas *Asaphi*, auctoris Ps., etiam recte quadrat, uti notum est, alii quoque duo Ps. similis argumenti, xxxvii & xlix., ad ea respicere videntur; ne dicam, librum Jobi, quo eadem quaestio ex professo ventilatur, eodem hoc tempore videri compositum, ut probabile est, ex antiquis monumentis. Sed plura possunt excogitari tempora sub Oeconomia legali, quibus Ps. argumentum convenit, nec tanti est, *tempus* præcise definivisse; cum ad Ps. intellectum parum faciat: præterquam quod casus, in hoc Ps. obviis, fingi potuerit a vate, ad piorum tentationes tollendas, & arcanam illam doctrinam salutarem de futuro seculo inculcandam. Qui *scopus* utique Ps. est, & egregius ejus *usus*; uti ad Ps. xlix. exposui, quare plura non addo.

§. V. *Structura* Ps. nihil habet singularis; constat ex oratione partim de Deo, partim ad Deum. In thesios propositione, & difficultatis, indeque ortæ tentationis piorum, expositione, quæ *priorem* dimidiam Ps. partem facit, loquitur de Deo in tertia persona; sed in solutione difficillimæ quaestionis, & propositi sui de Deo fidendo ac colendo declaratione, sermonem ad Deum vertit, quæ *posterior* dimidia pars est. *Stylus* non est impeditus, attamen emphaticus & adfectuosus, nec non figuris, tanquam luminibus, interstinctus; in doctrina de seculo futuro tradenda etiam obscurior & involutio, pro natura œconomiae Veteris. *Partes* Ps. *generales* tres sunt: *prima* continet thesios de bona Dei erga
pios

352 C O M M E N T A R I U S

pios providentia vindicationem ac confirmationem, vers. 1—20. *Secunda* vero firmum pii viri propositum, per modum corollarii ex præcedentibus formatum, de omni indignatione super impiorum fortunata sorte missa facienda, & Deo in fide ac spe pie adhærescendo, vers. 21—26. *Tertia* conclusionem, vers. 27, 28.

A N A C R I S I S.

§. VI. Cum nimis clarum sit, quam ut in dubium cum aliqua specie vocari possit, Pf. esse argumenti generalis, didascalici & moralis, quo fides & spes credentium & piorum respectu futuræ vitæ confirmatur & vindicatur; vix opus est *anacrisi*, seu investigatione hypothesios Pf. exponendi, de qua ex supra dictis de argumenti vero conspectu satis constat: nec audiendi sunt, qui ad casum Absolomi, aut Nabalis, aut Senacheribi, adplicant, aut prophetice de Ecclesia Antichristiana, vel Zadducæis tempore Christi & Ecclesiæ Christianæ, interpretantur; a quo etiam abhorret arcana institutio divina de seculo futuro, quippe tunc vulgatissima. Quare mox ad *explicationem* pergo.

E X P L I C A T I O.

§. VII. In *prima* parte *. thesis ponitur, vers. 1., 2. vindicatur & confirmatur vers. 2—20. *. Thesis, multa cum adseveratione proposita, habet vers. 1. *Profecto bonus est Israeli Deus, puris corde*. h. e. Certissima est, & testatissima veritas, Deum bene velle & facere iis ex Israele, qui conscientiam habent puram, a reatu immunem, nulumque peccandi, sed sincerum ac fixum bene agendi, propositum. *Objecta* bonitatis Dei adpellantur *Israel* & *puris corde*, non *distributive*, ac si diversi intelligerentur, Israelitæ &

& quicumque alii inter gentes puri corde, ut nonnulli capiunt, sed corrective & explicative, epitheto *purorum corde* addito Israeli ad generalem Israelis notionem restringendam, vel eam explicandam, ut, se non de Israelitis secundum carnem simpliciter, sed veris & genuinis, qui eo titulo digni sunt, & Israelis imaginem præstant, loqui, indicaret poeta: non enim dicitur, bonus est *Israeli & puris corde*, sed *Israeli puris corde*, per adpositionem, argumento, non quosvis, sic dictos, Israelitas, sed veros & pios eorum intelligi, quia non *omnes ex Israele sunt Israel* Rom. ix., adeoque qui *Judæi sunt in occulto* Rom. ii., & genuina Jacobi, seu Israelis, *progenies*, cujus Jacobum non pudet, *Jes. xxix: 23. generatio quærentium Dei sicut Jacob Ps. xxiv: 6.* Illi itaque ex Israele, qui *puri corde* sunt, hic occurrunt, tanquam quibus *Deus bonus est.* Quæ phrasis & conscientia, & animi seu propositi & adfectionum, puritatem comprehendit *u. Conscientia*, quæ cordis nomine quoque venit, ut *1 Joh. iii. Si cor nostrum nos non condemnet, puritatem*, in eo sitam, quod a reatu peccati fimus immunes, mentem non habeamus *pollutam*, sive peccata non commiserimus, quæ eam turbant, sive fide & pœnitentia animum purgaverimus, & remissionem acceperimus: qui alias *puri manibus* adpellantur, ut *vers. 13. & Ps. xxiv. puri corde & manibus* junguntur. *β. Animi*, seu adfectionum & propositi, puritatem, respectu peccati omissionis æque ac commissionis, quæ comprehendit itaque odium omnis peccati, & studium omnis virtutis ac pietatis; seu sincerum propositum, alte radicatum, omne malum vitandi, & omne bonum faciendi, coram Deo & hominibus sincere, integre, juste, sancte & pie ambulandi. *Purus corde* est *cum integer & sincerus animo*, oppositè ad hypocrisin & dolum, cui nihil ineest heterogenei, aut adulterini, tum qui nullum habet in animo peccatum, seu nullum fovet, nullius propositum habet. Cor enim sæpe adfectus & desideria, cum motu cordis conjuncta, exprimit. De quo itaque dici potest, quod Domi-

nus de Nathanael, Joh. 1: 48. *Ecce Israelitam in veritate! cui nullus dolus inest.*

§. VII. Hisce ex Israele ubi declarat poeta *bonum esse Deum*, varia, sed vicina & connexa, significat, quæ strictim exhibebo. 1. *Primum* est, Jehovah, summum Numen, esse *Deum* ipsorum, qui ipsis esse vult, quod Deus omnifufficiens potest. Non quidem illud expressis dicit verbis, sed haud obscure insinuat, Jehovah non eo nomine, Dei Israelis proprio, sed *Dei* insigniendo; cujus hæc ratio apte datur, quod illo nomine supremum Ens omnifufficiens, simul fœderatum, soleat insigniri, secundum formulam fœderalem, *ego sum Deus tuus*; adeoque ut simul significaret, Jehovah talem esse, & se præstare veris Israelitis, puris corde; quemadmodum Ps. xxxiii. *beatam gentem cujus Jehova Deus est!* 2. *Secundum* est, Deum, qualem, esse *bonum* erga eos, quatenus ipsis bene vult & facit; bene erga eos adfectus, et eorum felicitati intentus, omnique bona, ad eam promovendam, in eos conferens. Phrasis enim recte vertitur, *bonus est Deus Israeli*, puris corde, vocibus, *bonus* et *Deus*, secum constructis; quemadmodum et alibi *bonus* adpellatur, Ps. cxviii: 1. xxv: 8. xxxiv: 9. et alibi, etiam *solus bonus*, Matth. xix. 3. *Tertium* est, *bonum* Israeli esse, quod Jehova sit ejus Deus; voce per hanc verba, et cum Israele conjuncta; hac ratione: *bonum Israeli Deus*, quod idem est ac Ps. xxxiii. *beatam gentem, cujus Jehova Deus!* quemadmodum in seq. vers. 28. *adpropinquatio Dei mihi bonum est.* Sensus itaque erit, veram et summam felicitatem Israelis in eo esse sitam, quod Jehova sit *Deus* ipsius, omnis boni, quod hominem perficere potest, possessor et largitor liberalissimus. 4. Denique *quartum* est, veros Israelitas, puris corde, pro *homo* suo habere, et in eo felicitatem suam censere repositam, quod hunc habeant *Deum*; adeo ut *bonum Israeli Deus* idem dicat, ac Israel *bonum* suum statuit, et firmiter credit esse in Deo, ac ejus communione; quemadmodum vers. 28. *adpropin-*

adpropinquare Deo mihi bonum est: quod vers. 24. emphaticè exprimit, *quis mihi est in celo? & tecum non deleor in terra*, opposita ad verba ex indignatione super impiorum felicitate, et tentatione, temere prolata, *quomodo novit Deus* etc. vers. 11.

§. VIII. Hæc omnia magna cum adseveratione pronunciat, et tanquam certissimam ac testatissimam, semperque agnitam, veritatem, præmittit; cum mox in principio in hæc verba erumpit, *profecto bonus & bonum Israeli Deus; parvis corde. h. e.* Sicut certissimam ejus thesios veritatem probe cognovi et agnovi ante meam fluctuationem, in quam, hoc non obstante, mea culpa incidi, ita; omnibus probe pensatis, et a Deo rectius instructus; deprehendi eam veram esse et manere, non obstante impiorum adparente felicitate, ac piorum infelici sorte, indeque orta fluctuatione animi mei et aliorum, adeo ut me condemnare debuerim, quod me eo siverim abripi, ut de veritate hac, mihi probe cognita, dubitare inceperim, et nunc, omnibus difficultatibus superatis, majore cum confidentia adfirmem, *bonum esse Israeli Deum*, quantopere etiam impii floreat, et pii adflegantur in hoc seculo. Quæ paraphrasis ut intelligatur, et se commendet, notandum est, verba *duplicem* admittere conspectum; *alterum*, quo, tanquam certissimam et agnitam veritatem complexa, præmittuntur tentationi, ad ejus indecentiam exaggerandam, *alterum*, quo instar conclusionis, ex seq. ratiocinioeductæ, thesin continent, cujus veritas post tentationem superatam clarius et certius eluxerat. *Priori* modo thesis præmittitur, quæ deinceps vindicatur et demonstratur; *posteriori* thesis, tanquam vera contra omnes difficultates et tentationes deprehensa, adfirmatur, et in seq. modus traditur, quo ad eam adseverationem venit poeta post aliquam fluctuationem. *Priori* ratione recte vertitur, *profecto bonus vel bonum est Israeli Deus, & posteriore* rectius, *veruntamen est*, non obstante scilicet adparente felicitate impiorum, & miseria piorum. Secundum *priorem* conspectum verba seq., *& ego,*
Y y 2 *prope-*

propemodum nutarunt gressus mei &c. idem dicunt, ac *attamen*, non obstante hac veritate, mihi probe nota, & admilla, *ipse ego* in gravem incidi fluctuationem: sed secundum *posteriores* voces, *Et ego* &c., recte vertentur, *equidem nutavi* &c. sed recollegi me, & veritatem thesios, quam posui, deprehendi certissimam; adeoque *modum* exponunt, quo ad thesin illam adfirmandam venerit. Quacunque ratione sumatur, vel alterutra, vel potius utraque, particula *per* retinet adseverandi vim, ipsi propriam, et verba significant, thesin illam, *bonum esse Israeli Deum*, esse indubiam, & ab omnibus piis per omnia tempora agnitam, in recta ratione & revelatione fundatam; quam & natura Dei, ejusque ad pios relationes, & promissa Dei, saepe repetita, extra omnem dubitationis aleam ponunt, quæque nulla contraria refelli aut labefactari potest experientia, nullo ratiocinio carnali, nulla impiorum quoque jastantia, aut piorum fluctuatione.

§. IX. 1. Thesios in vindicatione & demonstratione, a. difficultatem, seu objectionem, proponit & exaggerat, vers. 2—16. β. solvit vers. 17—20: α. In priore parte ita instituit, ut a. fluctuationem suam confiteatur, ex prosperitate impiorum, ac piorum adfectione, & utriusque consequentibus in improbis & probis, ortam, vers. 2—14. b. difficultatem eam superandi exaggeret, vers. 15, 16. α. In fluctuatione sua exponenda 1. eam simpliciter profert, vers. 2. dein 2. ejus *rationem* reddit, vers. 3—14. γ. Propositio tentationis his verbis fit, vers. 2. *Et ego prope inclinatus pedes meos, tantum non effusi sunt gressus mei* h. e. Parum, imo nihil fere abfuit; quin fidei in Deum rectorem universi, ac justum & æquum judicem, renunciasssem, omnemque spem remunerationis pietatis abjecisssem, adeoque a recto vitæ & actionum tramite præceptum in vitam dissolutam ruissem. Duo sunt versus membra, eandem fere rem cum insigni variatione & emphasi exprimentia, adeo ut sermonis emphasis crescat. Quod enim in *priore* membro *parum*

parum, illud in posterum par-tantum non, instar nibili, fortius exprimitur; & quod in priore inclinatus pedes, illud mox fortius per gressuum effusionem exponitur. Sed prius membrum propius ad fidem & spem, posterius ad vitæ institutum, referri potest. Prius ita habet, & ego prope inclinatus pedes meos, scilicet fui: ita enim reddenda sunt vocabula secundum textualem lectionem, quæ ׁׁׁׁ in particip, præter., quod Pahul dicitur, habet a rad. antiqua ׁׁׁ pro ׁׁׁׁ; cum marginalis substituerit ׁׁׁ in præter. Kal inclinarent, forte quod elegantia orationis non fuerit percepta, & ut cum ׁׁׁׁ effusi sunt rectius cohæreret. Sed sana est lectio textualis, quam etiam pronomen ׁׁׁ & ego aliquatenus tuetur, cum sic cum verbo inclinari construi possit; alias seorsum capiendum pro, ad me quod adinet. Rectius & majore cum emphasi dicitur, & ego ferme inclinatus pedes meos fui. h. e. pedibus meis divergentibus lapsus fere fui. Verbum ׁׁׁ proprie est tendere cum inclinatione, Lat. vergere; unde inter alia transit ad declinationem ad graviolem lapsum, pedibus divergentibus, & nutantibus. Pedes vero, qui corpus sustinent & ferunt, stylo figurato significant subinde fidem & spem, quibus quis innititur, & in vita ac moribus dirigitur, ac ducitur. Inclinatio pedum vero denotat fidei & spei remissionem, vel abnegationem, in specie hoc loco respectu providentia Dei, & præmiorum ac poenarum justæ ac æquæ dispensationis. Posterius membrum, ad vitæ institutum spectans, ita sonat: tantum non (proprie, secundum vacuitatem seu nihilum, instar nibili, ut nihil intersit; sed e vestigio fiat) effusi sunt gressus mei. h. e. dissoluti, & quaquaversum ruentes, instar aquarum effusarum; absque ut retineantur, & dirigantur. Gressus, quos pedes faciunt, recte expingunt vitæ institutum, actiones, & totam conversationem; eorum vero effusio exhibet institutum vagum, impetuosum, & dissolutum, prout fors tulerit, & concupiscentia exegerit, simul irrequietum & perniciosum, in graviolem lapsum exire solitum. Ceterum de ׁׁׁׁ pro ׁׁׁׁ

vid. Schultens *a*. Cohærent vero hæc verba cum versu præcedente, secundum duplicem ejus conspectum, duplici ratione, *altera*, qua suam fluctuationem cum admiratione expromit, *altera*, qua *modum* simpliciter tradit, quo ad eam thesios certitudinem pervenerit. *Prior* obtinet, si vers. præcedens thesios adfirmationem, dubitationi præmissam, contineat, hoc sensu; certissima licet mihi fuerit veritas, *bonum esse Israeli Deum, puris corde*; & ego, pro at, attamen, ego, non obstante ea veritate, mihi probe nota, *prope inclinatus fui pedes* &c. ipse ille ego, qui pro certo habebam, Deum Israeli esse bonum, in hanc fluctuationem incidi; quanta hæc fuit mea stulticia, quanta tentatio carnalis! uti vers. 22. confitetur. *Posteriori* vero locus dandus est, si *versus* præcedens censeatur continere thesin, ex seq. ratiocinio eductam; hoc sensu: thesios, quam memoravi, veritatem non nisi post gravem tentationem, & ratiocinia carnis superata, didici, & ex sanctuario Dei depromsi; *etenim*, ut rem fusius enarrem, ego *prope inclinatus fui* &c: ipse etiam ego, qui aliis præluere debebam, & fluctuantes confirmare, in hanc tentationem cecidi. Utraque hac ratione emphasis pronominis *ego*, expresse memorati, retinetur: ut ex dictis liquet.

§. X. 2. Hujus fluctuationis & tentationis causam, *a*. proponit vers. 3. *β*. deducit & amplificat, vers. 4—14. *a*. Propositio his verbis fit, vers. 3. *Quia emulatione inflammatus fui in splendida fortuna se jactantes, pacem improborum continuo vidi*. h. e. Infidelitatis & vitæ dissolutæ periculum, in quod incidisse me dixi, inde ortum fuit, quod improbos prosperitate utentes, & splendida felicitate sese insuper efferentes, ac insolenter jactantes, continuo viderim, & indignatione ac desiderio eos imitandi inflammatus fuerim. Verba, pro more divisa, secum hac ratione sunt connectenda: *quia improbos, splendida fortuna se jactantes, continuo vidi, ac emulatione in eos inflammatus sum*. Loquitur de *improbis*,

probris, proprie irrequieto motu circumactis, adeoque pravorum cupiditatum impetu jactatis, & in quævis flagitiis reventibus, quæ propria & usitata est vocis נָרִי significatio; quibus adtribuit *pacem*, non internam, sed externam, nec veram, sed putatitiam & mundanam, quæ omnigenam bonorum temporalium copiam, usum abundantem, cum pace, sanitate & incolumitate, conjunctam, comprehendit, uti vox חַוָּה denotat, & mox exponitur. Sed addit, eos splendida hac fortuna fuisse præfulgidos, & sese insolenter effequentes, superbos, protervos & gloriabundos: quam sensus amplitudinem adfert epitheton אֲרִיזִי, cujus proprietas est in *splendore ex alto radiante*, unde ad splendorem coruscantem, seu præcellentem felicitatis ac potentiae statum, in specie improbe acquisitum, indeque ortam superbiam, & jactationem sui, transfertur a. Conf. Ps. LXXV: 5. Dixi אֲרִיזִי splendida felicitate utentibus, ne חַוָּה ad splendidam fortunam vos efforatis, & improbis, ne extollatis cornu, seu protervi & feroces fiatis. Quæ omnia hic titulo אֲרִיזִי comprehensa sunt. Horum hominum felicem statum, & inde natam jactantiam ac ferocitatem, dicit se *continuo* vidisse, seu solum fuisse videre, non semel, sed perpetuo; quam emphasin hic habet forma fut. נִרְאֶה *videbo*, quæ præced. verbo נִשְׁמַע in præter. subjungitur, ut sæpe alias. Sed *videre* insuper includit admirationem, stuporem & indignationem, adeoque videre cum adfectu commoto; quemadmodum alias, cum delectatione, aut contemptu, videre denotat, uti notum est. Ipsum verbum נִרְאֶה proprietatem habet in *vibratione radiante*, unde *ocri*, & intento oculo, etiam ad *splendentes radios* videre, ut oculi fuerint splendore improborum coruscantium præstrikti. Addit, *emulatione inflammatus* fui; h. e. indignatione & invidia exarsit, ac ad eorum institutum imitandum me incitatum sensi, adeo ut, quod modo dixerat, *pene inclinatus fuerim pedes meos, & gressus mei effusi fere sint*. Ita Ps. XXXVII: 1. ne effervesceas
in

a. Vid. Cl. Schroeder ad Ps. xi: 9.

in maleficos, ne æmulatione inflammeris in operarios iniquitatis, quod vers. 8. dicitur, accendi ad male agendum: uti Prov. xxiv: 1. ne æmulatione inflammeris in homines maleficos, & ne cum ipsis esse concupiscas: ubi de verbi אפ potestate vid. Cl. Schultens.

§. XI. β. In propositionis deductione α. Statum felicitatis improborum fusius depingit, vers. 4, 5. his verbis: *quia nulli sunt nodi stringentes ad mortem ipsorum, & concreta eorum crassitudo prænitet. In vexatione tundente mortalium non sunt ipsi, & cum hominibus plaga non adficiuntur.* h. e. Tanta est improborum incolumitas & splendens fortuna, cujus memini, ut sine ullis molestiis, morbis, aliisque malis, quibus aut mortales communiter & per naturalem constitutionem, aut multi per iudicium divinum subiecti sunt, & afflicti, corpore, statu & vita, sint maneantque ad mortem usque sani, vegeti, opimi & hilares. Removet poeta quævis mala ab iis, & adtribuit iis qualemcunque felicitatem usque ad mortem, fere quemadmodum Job. xxi. In malorum negatione ita procedit describenda, ut *primum* phrasi figurata, *dein* nudis & simplicibus utatur, ad figuratam explicandam. *Figurata* locutio est generalis, & quævis mala stringentia ac molesta comprehendit, a quibus liberi sunt, his verbis, *vacuitas nodorum stringentium ad mortem ipsorum*, h. e. nihil ipsis contingit molesti, quo constringuntur, cruciantur, ac impediuntur frui felicitate, per totum vitæ spatium usque ad mortem, ordinarium vitæ terminum: quod est *ad mortem ipsorum*, seu usque eo; uti ab aliis recte est observatum, & facile adparet; licet alii *in morte* intelligant, ut sensus sit, *eos* nihil nodosi stringentis moriendo sentire, sed *placide* mori; quod huc non apte quadrat; nec tanti foret. Majorem difficultatem injicit vox מצינא hic, & Jes. lviii: 6., tantum occurrens. Dubium est, sitne vox aucta per ך in fin., quales prostant in ling. Arab. plures per ך vel ם promiscue ^a, an ex duabus con-

^a Vid. Schultens clav. sub litteris ך & ם, & Schroeder ad Jes. l. iii. cap. 2.

conflata radicibus, חרץ & צנב, quod Cl. Schultens aptius videtur *a*. Prius si statuatur, חרצו erit vel *incisio levis*, cutim nonnihil findens, a rad. חרץ *b*; vel funis tortus & stringens, pro חרצו, quæ ut & חרצו, Arab. eo sensu fupereft, quod Simon *c* & Clodius *d*, jam observarunt; & loco Jef. est convenientius, cum verbum חרצו *solvere*, *aperire*, ibi addatur. *Posterius* si adrideat, חרצו erit *incisio tumefaciens*. Quacunque ratione expediatur, haud multum intererit, cum sensus fere idem maneat; nihil nodosi stringentis & tumorem excitantis, nihil cutim findentis, adeoque nihil duri, molesti, impediti, noxiique, vel cutem leviter stringentis, ipsis evenire per totum vitæ cursum. Quod mox nude & simpliciter effertur.

§. XII. Subjungit enim poeta, vers. 5. *In vexatione tundente mortalium non sunt ipsi, & cum hominibus plaga non adficiuntur*. h. e. nec ordinariis mortalium molestiis ac calamitatibus, quibus premuntur & tunduntur homines infirmi & debiles, nec extraordinariis plagis, bello, fame, peste, lepra, similibusque a Deo infligi solitis, adficiuntur. Prius membrum respicere videtur ad ordinarias mortalium afflictiones, sive sint labores operosi, & delassantes, ad vitum & amictum acquirendum, aut aliis inserviendum, instar servorum & mancipiorum, sive sint aliæ qualescunque vexationes graves, & tundentes infirmitates, morbi, dolores, oppressiones: utrumque enim adfert significatum vox חרץ, cujus proprietas est *tundere* *e*, & utrique apte convenit titulus חרצו, quo homo debilis, viribus confectus, & ægritudini mortali obnoxius indigitatur. vid. ad Pf. x: 2f. *Posterius* membrum ducit ad plagas extraordinarias, divinitus inflictas, quibus humanum genus exorbitans solet in ordinem redigi; verbum enim חרצו, cujus proprietas est in *adpactione*, uti & in Gr. τάσσω, τάσσω, unde Lat. *tango*, &

a Gr. p. 311. *b* Id. ad Prov. xxi: 5. *c* Form. nom. p. 651. *d* Lex Sel. *e* Schultens ad Job. iii: 20. & Prov. xvi: 26. & Schroeder ad Pf. x: 7.

anru cum nexu pango, in Script. solet graviolem plagam, vehementius incussum, & yia speciatim lepram denotare.

§. XIII. *Mala* non tantum hæc ab iis aliena esse, sed & quævis fortunata ipsis accidere, eosque genio indulgere, declarat poeta, his verbis: & *concreta eorum crassitudo prænitens est*, h. e. opimitate, vigore, opibus & viribus præfulgent. Voces Hebr. varie exponuntur, sed nostra versio ex ipsis vocabulis, recte intellectis, sponte sua sese offert, & huc apte quadrat. Radix *מנ*, ab *מן*, secus ac vulgo putatur, probe distinguenda, proprietatem habet in *lactis æscens condensatione*, dicitque *concretam crassitudinem*, unde inter alia partim ad *stolidum* & *crassum* ingenium, ac animi stupiditatem, ut Gr. *παχὺς* & Lat. *crassus*, partim ad *opulentum* & *divitem*, qui etiam Gr. *παχὺς* adpellatur, transfertur *a*. Verbum vero *מנ*, unde *מן*, proprie est Lat. *exasciare*, *edolare*; unde ad opus omnibus numeris perfectum, & nitore præfulgens transfertur; hinc *מן* proprie est, *dedolatus*, & nitide *exasciatus*, inde pinguis, nitide corpulentus, ut Lat. *nitidus*, præfulgidus, pulchritudine, sanitate, hilaritate, & quavis dignitate. Sensus itaque est, improbos, ab omni malo cruciante & molesto liberos, fulgerè opibus, potentia, & deliciis, sanitate & quovis vigore nitente.

§. XIV. 2. Secunda pars deductionis eorum insolentiam, superbiam & tyrannidem ex summa illa felicitate ortam depingit, tanquam majorem adhuc rationem indignationis, a poeta conceptæ, vers. 5—9. Quæ descriptio per varios articulos instituitur. *a*. *Primus*, ad ornatum & vestitum eorum respiciens, eos suberbix fastosæ, & crudelitatis ac violentiæ, plenos in vita & moribus, nec non terribiles, depingit his verbis vers. 6. *Idcirco collum ipsis erigit, & collari cingit elatio tumida, tegit vestitus cruda violentia ipsos*. h. e. summa improborum felicitas, quam descripsi, non tantum mihi ægre est, & bilem movet, sed inprimis
ejus

eius consequens, & pessimus abusus, seu inde orta superbia, insolentia, durities & sævitia, ac violenta grassatio, in Deum & homines, quam in habitu, incessu, verbis, & tota conversatione ac vita, publice ostendant, & exercent; adeo aut, quod *primo* loco memoro, in publicum prædeant collo quasi erecto, & collari munito, per fastosam elationem & grassationem superbam, cruditate & duritie tanquam veste toti cooperti ac ornati. Particula *propterea* præmissa, & ad seq. vers. 7—9. etiam extendenda, indicat, consequentia & effecta prava felicitatis improborum representari, & tanquam alteram, etiam præcipuam, causam indignationis & æmulationis viri pii considerari. Respicitur autem hoc versu ad *collum* erectum & collari munitum, nec non ad *vestitum*; & *illud* in tumida elatione, *hunc* in cruda violentia esse situm declaratur, ita ut loco colli erecti & collaris præferant elationem & loco vestitus crudam violentiam. Adtribuit itaque improbis, prospera fortuna opum, gloriæ & potentiæ, ebriis, *elationem tumidam*, sese quaquaversum diffundentem, & *crudam violentiam*, quam exierit ille tumor, adeoque elationem tumidam violentia grassantem in alios. Qua ratione duæ hæ voces secum apte junguntur. Prior *nam* originem habet in *elatione tumida*, unde in malum cum ad animum suis opibus & viribus inaniter inflatum, tum ad potentiam amplissime provectam & extensam, tum denique ad vires tumidas in alios violandos seu perdendos porrectas & late explicatas, instar aquarum exundantium & sese diffundentium, transfertur. De quibus vid. J. W. Schroeder, Vir Clar. *a*. Posterior vox *nam* propriam sedem tenet in *crudo, duro & immaturo*; unde ad crudum & sævum animum, nec non violentas actiones transit *b*. Considerat poeta *elationem tumidam* tanquam collum erectum, & torque aut collari cinctum ac horridum, *crudam* vero violentiam tanquam vestitum &

Zz 2

orna-

a ad Ps. x: 2.
Prov. iv: 17. xxvi: 29.

b Schultens Clav. p. 226, 261 & ad

ornatum, quo toti sunt circumplicati. Verbum *piy* proprie adhibetur in collo erecto altius, unde *collaris* notio orta est; *erectum* vero *collum* sensu figurato cum *libertatem*, oppositè ad collum contractum & iugo pressum, denotat, ut Deut. xv: 14. servo manumisso *erectum collum facies e grege tuo*, &c. h. e. largissime donatum liberali quoque animo augebis, ut ex servo vere sit liber, & ingenuo præditus animo, *tim* ferociam & sævitiam designat, ut Ps. Lxxv: 6. *ne cornu vestrum adtollatis, neve loquamini cum collo rancidum*. h. e. cum fastu & ferocia. Quo etiam *collaris* imago ducit, quod horret multis acuminibus; quale grandioribus canibus solet circumdari, ad terrorem procul incutiendum. *Crudam* violentiam vero comparat cum *vestitu*, totum corpus obvelante, & ornante, quum dicit, *circumplicat vestitus violentia ipsos*. h. e. violentia tanquam vestis eos obtegit totos, & arte cingit. Quo significatur, eos palam exercere violentiam, & in eo esse totos, simul inde notos & famosos, nec non eo gloriari, & ornatos censere. Qui *vestitus* significatus figuratus satis tritus est. Sensus itaque est totius versus, improbos hosce 1. animis esse fastosis, trucibus & duris, 2. potentia fulgere ampla & terrificata. 3. sese in conversatione et actionibus præstare tumidos, sævos, & violentos raptores, ac oppressores, 4. ea facinora palam exercere, & super iis gloriari. Conf. Ps. x.

§. XV. β. *Secundus* articulus, ad eorum *adfectum* & *inseffum* respiciens, eos pingit delicatulos, protervos, contemptores aliorum ac insidiatores, simul omnia repagula, recti & boni normam, transgredientes, præ summa prosperitate & vanis cordis imaginationibus, vers. 7. *Emicant præ pinguedine oculi eorum, transgrediuntur præ imaginationibus cordis*, h. e. summa fruentes prosperitate, laute ac delicate viventes, simul quævis læta, tuta, & gloriosa animis concipientes, & de se statuque suo quævis præclara cogitantes, ac præsumentes in perpetuum, lascivos, adrogantes, & contemptores ac insidiatores aliorum, sese palam exhibent,

hibent, & supra omnem humanitatem, omne jus & fas, insolenter efferunt, & legum divinarum ac humanarum transgressores tumidos præstant ac superbos. *Prius* membrum proprie sonat, *emicat præ pinguedine oculi eorum*, pro *emigrant*, stylo orientis, quo verbum sing. cum nom. plur. construï solet, proprie ad hominem sanum, vegetum, & hilarem respicit, cujus oculi *nitent* ac *coruscant*; quod proprie dicitur *emicaui*, *nitidus* fuit, & *coruscavit*. Indicatur itaque, 1. eos læte ac laute agere, omnibus bonis abundare, sanos & nitidos esse, adeo ut *præ pinguedine oculi coruscent*; 2. hujus ipsius felicitatis ergo esse superbos ac insolentes, lascivos & petulantes, adrogantes & audaces, denique aliorum contemtores & insultatores. Quas omnes cogitationes suggerit *oculorum emicatio*, in malum sumta; ut hic fit. Quod facile cernitur. *Posterius* membrum, ad *incessum* eorum respiciens, verti, *transgrediuntur* præ *imaginationibus cordis*, vocula ם pro ן præ ex præced. מכלב repetita, & per concurrentiam similis litteræ in משיכה, ut sæpe alias, absorpta: qua ratione præcedenti membro aptius respondet, & sensum fundit facilem; ab omnibus non perspectum. Vox משיכה denotat *figuras* spectabiles, imagines, sive externas, sive internas in animo, ut hic & Prov. xviii: 11., א שמה *similitudinem retulit obscuram* a. Sunt autem *imaginationes* cordis vanæ & superbæ cogitationes, præsumptiones, & expectationes, quas de se & statu suo sibi temere formant improbi, quibusque innituntur & se decipiunt. Conf. Prov. xviii: 11. *Præ illis*, seu earum causa, itaque *transgrediuntur*; proprie æstuantes & intumescences, instar aquarum inundantium, sese in quævis facinora diffundunt, per omne jus ac fas perrumpentes, magnifice, scelestè & temere grassantes. Quæ omnia genuina verbi מצי potestas, in *tumido* seu fluvio intumescence, ac altius se efferente, sita, & usitata significatio, quæ & *transgressionem* legis, et hostilem invasionem, comprehendit, facile exhibet.

§. XVI. γ. *Tertius* articulus, ad verba & sermones eorum

• a Schultens ad Job. xxxviii: 36.

rum

rum pertinens, ita habet, vers. 8, 9. *Purulenti crepant & loquuntur maligne, injustitiam, vel insolentiam, ex alto loquuntur; ponunt in caelum os suum, & lingua eorum grassatur in terra.* h. e. verba in Deum & homines injuriosa, ac calumniosa, temere ac superbe effutunt, fœtoremque suum, instar radices purulentæ, aut ulceris crepantis, palam spargunt. Ad quorum intellectum, quem Interpretes minus recte expediverunt, ante omnia notandum est, duas esse partes orationis, quæ præcedunt, & totidem quæ subjunguntur, ea ratione ordinatas, & ad se invicem relatas, ut subjuncta prior respondeat proxime præcedenti, posterior remotiori. Quam regulam egregie illustravit Cl. Iken a. Respondent itaque sibi, *purulenti crepant, & loquuntur maligne*, ac *lingua eorum grassatur in terra*, nec non, *insolentiam loquuntur ex alto*, ac, *ponunt os suum in caelum*. Adeoque prius vers. 8. & posterius vers. 9. membrum ad homines, & posterius vers. 8. ac prius vers. 9. ad Deum respicit; quorum duo priora maligna & contumeliosa dicta in proximum, duo posteriora ejusmodi in Deum continent. Quæ vera clavis est verum pandendi verborum intellectum. Duo priora sunt, *purulenti crepant & loquuntur maligne, lingua eorum grassatur in terra*; quæ itaque se mutuo explicant & illustrant. *Crepare* eorum & *loqui maligne* in eo situm est, quod *lingua eorum grassetur in terra*. Prius membrum est, *purulenti crepant & loquuntur maligne*, h. e. instar ulceris crepantis ex intima corruptione effutunt verba pura puta mala, injuriosa, calumniosa, futilia & mendacia. Nihil hic difficile, nisi in verbo מִיָּקִי, quod reddidi, *purulenti crepant*; altera enim phrasis, *loqui in malum*, ut proprie sonat, faciles præbet intellectus, dicit mala maligne loqui; animo itaque ex pravo & maligno proferre falsa, injuriosa & noxia proximo, sive in judicio, sive extra illud; ad quod utrumque se referri patitur verbum יָכַר; uti Jer. v: 28. *verba mala*, de iniquis & malignis litibus & judiciis fumuntur. Sed quid est מִיָּקִי? Interpretes varie instituunt, quos mitto; mihi hic aqua non hæret. Radices

ppo & ppo, quarum alterutra hic est admittenda, perinde quam, si enim ppo erit in Hiph., & *crepare facere*, scilicet ulcus suum intestinum, dicit, si ppo erit *crepare*, ulcere suo sese effundente; radices, inquam, illæ proprie signant *fissionem* & *crepationem* longius fusam, sedemque occupant in ulceribus purulentis, quæ fissa, præ copia mali succi, *crepant*, & sonum po mak edunt; a quo ipso sono formatæ sunt: ita po quoque adpellatur radix purulenta, malo succo plena, quæ crepat & dissilit, ac teterrimam suam corruptionem ostendit. Nihil autem aptius est hoc verbo, ut facile cernitur, ad latentem in animo foetidam corruptionem, indeque orta verba putrida, prava, & maligna, exprimenda. Unde etiam ortus est usus *irridendi*, & *subsannandi*, apud Chald. & Syr., quem hic adplicuit *de Dieu*, minus restricte & tenuiter. Alia Metaph. eodem sensu, Ps. v: 10, 11. Psaltes de improbis in hæc verba loquitur: *quia nihil in ore ejus recti inest, medium eorum vasta inania, guttur ipsorum sepulchrum apertum, linguam suam glabram faciunt*. Ne autem hic ancipites hæreremus, addit mox poeta, explicationis ergo, *loquuntur malum, vel maligne*; ex quo clare elucescit, *purulentum crepare* hic ad sermones putridos & pravos esse referendum. Huic vero membro respondet posterius vers. seq. his verbis, & *lingua eorum grassatur in terra*, scilicet, obtrectando, maledicendo, & insultando, in aliorum contumeliam & perniciem. Quod Ps. xv: 3. *incedere super lingua sua* dicitur, & Prov. vi: 12. *ambulare tortuositatem oris*; adeoque instar grassatoris, & latrocinia exercentis publica. Quam emphasin adfert verbum *תן a*.

§. XVII. Posterius vero vers. 8. membrum, cui prius vers. seq. convenit, his verbis effertur: *injustitiam ex alto loquuntur*, h. e. superbe & imperiose proferunt dicta profana, insolentia, in Deum & religionem injuriosa. Quod Ps. LXXv: 6. est, *efferre in altum cornu*, & *loqui cum collo erecto durum & rancidum*: ubi pry dicitur, quod hic pry, quod a *vetustate* transit ad *durum*, intractabile, & *rancidum*,

a Schultens ad Job. 1: 7. & Prov. vi: 11.

dicit-

diciture verba putida, insolentia, & contumeliosa: quo verbo in simili casu alibi utitur Script. uti 1 Sam. 11: 3. Ps. xxxi: 19. xciv: 4. Unde videri posset, nostrum *פֶּרַח*, per litterarum *ו* & *ח* permutationem, hic quoque esse pro *פֶּרַח*; cujus usus in hoc casu solet esse frequentior. Sed retineri quoque potest vocis *פֶּרַח* significatus, quo summam denotat *injustitiam*, & *insolentiam*, sese palam efferentem, & diffundentem, instar fluvii tumidi, & omnia inundantis, cui aptatur Job. xl: 23. *ecce פֶּרַח injustus sæviat fluvius*, &c. ubi vid. Schultens: usurpatur quoque Jes. lix: 13. de sermonibus insolentibus & rebellibus in Deum; uti hic. Pertinere enim non ad verba injustitiæ & oppressionis in homines, sed in Deum, sequentia demonstrant, quibus *os suum in caelum* dicuntur *ponere*, nimirum hostiliter Deum, ejusque providentiam, leges & sanctiones, religionemque omnem invadendo: qualem impetum hostilem adfert verbum *נָחַם* *ponere* usu suo. Quod uberiore non indiget luce. Superest notetur, nos vocem *פֶּרַח* non cum præced., sed seq. construxisse, secutos Vet. Interpretes, quia cum præced. minus apte & emphatice, cum seq. vero recte coherent, & necessario, quia ceteroquin nihil occurreret, quod *locuti fuerint ex alto*, & alibi *פֶּרַח* locis citatis ita sumitur.

§. XVIII. 1. Tertia pars deductionis *alterum felicitatis*, indeque ortæ insolentiæ, impiorum consequens respectu ipsorum proborum, & Dei legisque studiosorum, repræsentat, in eo situm, quod, ex comparatione miseræ suæ et fortunatæ impiorum fortis, in dubias & fluctuantes de Dei providentia cogitationes incidunt subinde, vel periculum sit, ut eo recidant: quod ipsum indignationem & æmulationem poetæ super hac impiorum felicitate augebat; quemadmodum modo de impiorum prospere agentium insolentia confessus erat: adeo ut hic novam proferat rationem indignationis suæ, ex altero consequente felicitatis impiorum, respectu ipsorum piorum fluctuationis, eductam. Qui genuinus conspectus est pericopæ, vers. 10—14. a quo

quo nimium aberrarunt, qui de impiis & eorum calumniolis ac profanis dictis agi vers. 10, 11., & dein postea de se incipere loqui, contendunt, vers. 12. Alterum enim & novum consequens prosperitatis impiorum, & inde natæ insolentiae, tradi, ex vocula כִּי *propterea*, quæ superiori vers. 6. respondet, manifestum est; nec non, *pios*, non *impios*, introduci loquentes, titulus, *populus ejus*, utique *Dei* vers. 1. memorati, & nexus orationis cum seq., quibus pii omnino loquuntur, demonstrat; denique vers. 15., ubi ipse poeta demum sermonem orditur, & ad modo memoratas piorum dubitationes clare respicit, extra dubium collocat. Duo sunt pericopæ membra, quorum *a. prius* ipsius populi Dei fluctuationem, ex impiorum felici, & sua infelici, conditione ortam, in medium adfert, vers. 10, 11. *b. posterior* rationes recenset, quibus fluctuationem suam adstruunt, vers. 12—14.

§. XIX. *a. Prius* ita sonat, vers. 10, 11. *Propterea redibit populus ejus buc*, (vel *redire faciet populum ejus contusio*), quod, vel *quum*, *aquæ pleni exsugentur ipsis*, ut dicant, *quomodo Deus cognoscit? & est cognitio Altissimo?* h. e. Præter insolentiam improborum, ex prosperitate ipsorum natam, cujus modo memini, & hoc inprimis alterum ejus consequens me vehementer cruciat, quod ipsi pii, quum fuerint afflicti & miseriarum cumulo oppressi, ita ut aquæ ipsis largissime sint exprimendæ, exsugendæ, eo deventuri sint, ut, contusione retroacti cum pudore & tædio, in Deo injurias hasce voces inconsulto erumpant: fieri non potest, seu vix credibile est amplius, ut Deus, altissimus & excelsus, longè a nobis remotus, res humanas recognoscat & dirigat. Quæ paraphrasis ut in clariorem lucem prodeat, verba relegemus, & illustrabimus. *Propterea* (scilicet propter supra memoratam improborum prosperitatem, & inde ortam insolentem ac tyrannicum vivendi, ac loquendi, modum, quod alterum est consequens, me vehementius torquens & irritans:) *propterea redibit populus ejus buc*, vel *redire faciet populum ejus contusio*,

contusio, (h. e. ipse populus ejus, quem dixi Israeli esse bonum, adeoque Dei, seu melior ejus pars, Dei & legis ac religionis studiosi, eousque, metus est, & praesentissimum periculum, ut abrepti & retro-acti recidant, sive per *contusionem* suam, aut mala continuo tudentia, redigantur. Utramque interpretationem & verba & nexus admittunt; sensu fere eodem manente, quem pandit verbum *וָיָחַד* *redire* recte perceptum, secundum peculiarem usum, quo *exitum* & *finem* rei denotat, ut Lat. *res hac rediit*; sic & de personis, huc redierunt, evaserunt; hunc finem habuerunt & *exitum*, sive in bonum, sive malum. Vid. Ps. xxii: 6. xciv: 15. Jer. xxx: 10. in malum vero in specie sumitur de *retroactione* in bello cum clade ignominia & confusione. Indicatur itaque, studiosos Dei & legis, in contentione cum impiis retro cessuros esse pudibundos & victos, ac eo redituros tandem, ut minus sanas de Deo voces proferant, uti mox traditur. Sed ambiguum quid habet vox *וָיָחַד*, quæ reddi potest, vel *buc*, vel *contusio*, prout pro particula vel voce accipiat. Particulæ usum cum habet, non tempus, sed *locum* vel *rem* signat, & *buc* vertitur, seu ad hunc locum aut hanc ad rem *a*, (proprie dicit *adaptum*, ita prope, ut quasi *pangatur*: quod hic adsumi potest, hoc sensu: *redit populus ejus adaptum*, h. e. eo conditionis adstrictæ & angustæ) quando lectio marg. *וָיָחַד* præferenda erit. Sed pro voce quoque sumi potest, & per *contusionem* reddi, uti *וָיָחַד* 1 Sam. xiv: 16. cujus radicis primaria vis est *pangendi*, *impingendi*, unde *gravius ferire*, impingere ictum, unde *contusi vino*, Jes. xxviii. proprie compacti, quos vinum suis ictibus adlisset & stravit; & Prov. xxviii: 35. *contuderunt me* compotores mei, uvidis me poculis provocantes, magnifice me *dedolarunt*, ac *deposuerunt vino*; ubi vid. Schul-tens. Vertendæ sic sunt voces *redire ea facit populum Dei*: *contusio*, qua percussi sunt ictibus & plagis, ut vers. 14. habetur. Commendat interpretationem 1. lectio textualis *וָיָחַד* *redire facit*, quæ requirit nomen, unde de

de

de *redire* illud ortum est, quod est *contusio*: 2. nexus cum proxime seq., & *aquæ pleni exsuguntur ipsis*, quæ *contusionem* illam adferunt; sicut modo *contusos* vino habuimus. Ceterum *populus ejus* cum memoratur, manifeste respicitur ad *Deum & Israelem*, vers. 1. ac thesin ibi positam, cui contradicere videbatur *contusio populi ejus*. Loquitur enim in priorē parte Ps. de Deo in tertia persona; & recenset hic difficultates, quæ thesin illam videbantur premere, et poetæ concitaverant æmulationem super improbis. *Populus* vero Dei hoc loco meliorem Israelis partem, seu Israelitas eo nomine dignos, denotat, improbis oppositos, qui dicere poterant, *mundavimus cor & manus*, vers. 13. & supra vers. 1. *puri corde* adpellati erant.)

§. XX. Subnectitur status eorum afflicti descriptio, five ad *contusionem* eam explicandam, five ad rationem reddendam confusionis & rétroactionis, qua eo redierant, ut voces temerarias effuderint; his verbis, & *aquæ pleni exsuguntur ipsis*, (h. e. quia, vel quum, magno calamitatum cumulo, ingente malorum copia, quasi inebriati sunt, aut in tantam conjecti tristitiam, ut lacrymæ ipsis exprimantur, et in potum cedant. Alterutrum, vel utrumque, hic admitendum est: audiendi enim non sunt, qui in bonum sumunt de bonorum ac deliciarum copia, & ad impios florentes referunt; serie orationis illud non ferente, cum de populi Dei afflictione modo erat actum, & mox piorum temerariæ voces exhibeantur. Ambiguum, quod in paraphrasi memoravi, antequam exponam, de vocibus & phrasibus verbo aliquid est monendum. *Aquæ pleni*, ut phrasis proprie sonat, sunt vel pleni *calicis*, uti alibi plene occurrit, vel *plenitudinis*, adjectivo neutraliter posito pro abstracto; quod ab aliis jam est observatum. *Aquæ pleni* sunt copiosæ & magno numero, proprie *plenitudinis factæ*, & bene stipatæ; radix enim *vinis* proprie est, *farcire*, *difficere* ad distensionem rei refertæ; & de summo rei gradu ac cumulo solet usurpari; uti Jer. iv: 5. xii: 6. Job. xxxvi: 17. Verbum

vero *יָמָא*, *יָמָא* & *יָמָא*, quæ radices fororiæ sunt, inde enim est *יָמָא*, & non, ut alii, a *יָמָא* invenire, quod facile cernitur, proprie denotat *fricare*, *effricare*, inde fricatione *exprimere*, & speciatim adplicatur *suctioni* & *sorbtioni*, quæ sit *frictu labiorum*; sic de poculo usque ad fæces exsugendo, & quasi *effricando*, Jes. LI: 17. Ps. LXXV: 9. Quam utramque ideam, *exprimendi* & *exsugendi*, hic recte locum habere, mox observabo. Ambiguum vero, cujus memini, inde ostitur, quod *aquæ* intelligi queant, vel ipsis ad potandum præbitæ, vel ipsis expressæ & resorptæ. Priore ratione *aquæ* significabunt quævis mala, quæ piis eveniunt, & recipere coacti sunt, sive sint plagæ divinæ, sive afflictiones hominum. Quo sensu *aquæ* sumuntur, quibus quis immergitur, Jes. XLIII: 2. Ps. LXVI: 12. Commendat quidem hanc interpretationem præcedens vox *כֹּחַ* *contusio*, quæ speciatim ad *inebriationem* adplicatur Jes. XXVI: 1. Prov. XXI: 1. locis modo citatis; sed obstat parumper, quod *vini turbidi* vel *venenati*, non *aquæ*, emblema hoc in casu soleat adhiberi, ut Jes. LII: 17. Jer. XXV: 1. Ps. LXXV: 1. & alibi; *aquæ* præterea tanquam inundantes & suffocantes, quibus quis immergitur, eum sensum ferre soleant, non quæ epotantur; nisi quis eo referendum velit, quod Ps. CX: 7. habetur, *de torrente in via bibit*, vel *aquas turbidas*, venenove infectas, aut *amaras*, intelligendas censeat; sicut *aqua* videtur pro *urina* sumi, Jes. I: 22. ubi apud Arab. Sed alter sensus forte aptior est, quo *aquæ*, lacrymarum intelliguntur, piis expressæ, & ab iis pro potu sumtæ, vel exsuctæ; adeo ut summus tristitiæ gradus emphatice exprimatur: quemadmodum Ps. LXXX: 6. *fecisti ut pane lacrymis vescerentur*, & *lacrymas plenis cyathis biberent*, & Job. III: 24. *quia ad modum panis mei venit meum suspirium*, & *effunduntur sicut aquæ rugitus mei*. Concinnant quoque proverbiales formulæ, *comedendum dare panem anxietatis*, & *bibendam aquam anxietatis*, I Reg. XXI: 27. Jes. XXX: 20. Emphatica hæc & elegans est phrasis, ad summam anxietatem & tristitiam exprimendam, qua

qua lacrymæ plenissimæ alicui exprimuntur, & expressæ resorbentur, instar cibi & potus quotidiani, ut in locis citatis. Quam utramque cogitationem suggerit verbum *רָצַח* *exprimere* & *exsugere* fricando. Qua ratione cum summa calamitas, tum vividus ejus sensus, qui hominem extra se rapit, & animum *contundit*, significatur, ita ut in querulas subinde & temerarias voces erumpat; quemadmodum mox sequitur. In quibus acquiescimus.)

§. XXI. Sequitur, *Et dicunt* (vel *ut dicant*, qui vocolæ frequens est usus, scilicet, *redit populus* ejus eo, cum calamitate pressus, & summo mœrore adfectus est, *ut dicat*, vel *dicant*, voce populi collective sumpta,) *quomodo Deus cognoscit? Et est scientia altissimo?* (h. e. fieri vix potest, ut Deus rerum humanarum aut cognitionem habeat, aut curam gerat. Possunt versus membra pro synonymis haberi, vel ita distingui, ut prius de practica, postorius de theoretica scientia, ut adpellatur, capiatur, & in vii *Et est* pro *aut* sumatur; ita ut alterutrum videatur statuendum, vel Deum non attendere, curare, gubernare, præmia ac pœnas dispensare, quod est *cognoscere* instar patris, rectoris & judicis, quo sensu *cognoscere* dicitur cum curat, visitat, & se judicem præstat, uti Gen. XVIII: 21. Exod. II: 25. III: 7. vel Deum rerum nostrarum laborare ignorantia; quod phrasis proprie indicat, *non est scientia in Deo*. Cui distinctioni recte aptatur nomen Dei, quod hic occurrit, *יהוה*, non est scientia *in altissimo*, quippe nimis a nobis remoto, quam ut per nubes nostras res videret ac sciat: uti alibi dicitur. Ceterum, cum dicant, *quomodo*, vel, quod proprie dicit, *ubi hic*, ex *אן* *ubi*, & *הן* *hic*, non absolute & adseverative negant, sed dubitanter, & cum inclinatione ad negandum; hoc sensu: vix intelligi potest, aut credi, Deum *cognoscere* res humanas; fieri enim non posset, ut videtur, si cognosceret, ut impii adeo floreant, & insolescant, pii tantopere adfligantur; cum Deus sit *justus* & *bonus*, simul potentissimus & excelsus, supra omnes & omnia eminens.

§. XXII. *b.* Sed quæ ratio tantæ dubitationis, quæ de negatione quid trahit? eam mox addunt, qui hic loquuntur, quæ posterior pericopæ pars est, his verbis, vers. 12—14. *Ecce improbi illi sunt, & tamen defæcate tranquilli, & felices seculi multiplicant opes. Profecto in vanum nitidavi cor meum, & lavi in innocentia manus meas; & plagis adfectus sum omni die, & castigatio mea singulis matutinis.* Quibus verbis, præmissa adtentionis & admirationis particula *ecce*, ut eo altius demonstrationem superioris dubitationis, tanquam legitimæ, infigerent animis, diversam & oppositam suam & impiorum fortem, horum prosperrimam, suam miseram, repræsentant, & tunc conclusionem formant de inutili, quin noxio, pietatis ac virtutis studio. *Duo* enim sunt, vel *tria*, orationis membra, verbo illustranda, cum parum difficultatis habeant. *a.* *Primum* impiorum felicissimam conditionem ob oculos ponit vers. 12. *Ecce! illi impii sunt, & tranquilli seculi, augent opes.* h. e. *Ecce!* adtendite quæso ad hoc, ut, justam esse nostram expostulationem, adpareat, advertite & stupescite: illi ipsi, quorum lineas duxi, vel omnibus noti, simul impii sunt, simul fortunati, & defæcate tranquilli, vel impii, & tamen, nihilominus, felices ac securi, qui opes continuo adhuc multiplicant, & densissime coacervant. Not. 1. *particulam* & in *וְלֵי* singulari emphasi connectere *impios & fortunatos*, quæ admirationem adfert & stuporem; hoc sensu: *impii sunt & tamen, nihilominus, fortunati.* Quem usum frequenter habet *a.* 2. Epitheton, *וְלֵי עוֹלָם* *tranquilli seculi*, summum felicitatis gradum exprimit in hoc seculo. Vox *וְלֵי עוֹלָם* designat felices, tranquillos, & securos, sine malorum sensu, sine cura aut anxietate, in summa rerum copia degentes: proprie radix denotat *liquidum & defæcatum*, instar butyri; inde defæcatam & liquidissimam felicitatem, seu abundantiam tranquillam, & securam *b.* Sed *tranquilli seculi*

^a Schultens ad Prov. XXVIII 21.
p. 52.

^b Id. Orig. t. II.

seculi adpellantur, cum quod sint omnium felicissimi in seculo, vel mundo, superlativus enim saepe describi solet per adjectivum cum substantivo loci, ubi, vel personarum, super quas quis eminet, constructum; ut *quieti terra*, *divites populi*, *magni civitatis*, *feroces gentium*, pro quietissimis, ditissimis, maximis, ferocissimis, vid. Gejerus; tum quod sint homines hujus seculi, et in hac miseriarum valle felicissimi: sic Ps. XVII: 14. *homines vel socii de terra*, proprie, avi florentis, perennis & fortunati. Quæ vis est vocis מורו. 3. Additur, *augent opes*, pro qui augent, per ellipsin אשר satis frequentem, ut significetur prosper eorum in omnibus successus, quo fruuntur in divitiis, potentia & dignitate, multiplicandis. Radix מורו & מורו proprie adfert densitatem comæ luxuriosam, & in se implicitam; quæ proprietas est radices in implicatione sita a.

§. XXIII. β. Secundum membrum longe diversam et oppositam piorum conditionem continet, vers. 14. prima persona propositam, his verbis: *Et sum plaga adfectus omni die, & castigatio mea matutinis*, sc. singulis præsto est. h. e. *Ecce* longe alia mea sors est, licet pietati studeam, plagis castigantibus sum quotidie, et per totum diem, obnoxius, five a Deo immittantur, five ab hominibus Deo sinente et dirigente. Nihil hic obscuri, quod nos moretur; tantum observari meretur, r. cohærere versum cum vers. 12., versu 13tio per parenthesis inserto, de quo mox, et sortem piorum hic opponi impiorum, adeoque ומהו & sum esse emphatice & adverbative, *at ego sum*, vel esse soleo; qui satis frequens est fut. usus. 2. In posteriore membro, & *castigatio mea matutinis*, esse ellipsin verbi הוה est, ex præced. membro, *ego sum omni die adfectus*, & *castigatio mea adest matutinis*. 3. Voces *omni die* & *matutinis* se invicem illustrare, & *quotidie* signare, ab ipso mane usque, sine aliquo intervallo lucido. *Matutinis* esse pro singulis matutinis temporibus, facile patet. 4. Respondent quoque sibi, & lucem foenerantur, *plaga adfectus sum*, & *castigatio mea est*,

a Id. ad Job. viii: 7. & Har. conf. vi: p. 237.

est: indicatur enim afflictio divina, ad convincendum & redarguendum peccata; quæ notio est vocis מִצָּחָה a rad., quæ proprie est *candicavit*, inde in Hiph. *fecit ut candicaret aliquid*; h. e. clare evicit, demonstravit, & castigavit ad convincendum & emendandum: quod respondet Lat. *arguere a.*

§. XXIV. γ. *Tertium* membrum, præ adfectus concitati vehementia præmissum, cum subjungi deberet, conclusionem, ex opposita hac conditione eruendam, comprehendit, vers. 13. *Profecto inaniter mundavi cor meum, & lavi in innocentia manus meas.* h. e. Aliter ex præmissis vix concludi poterit, ac vanam esse meam pietatem & probitatem; qua & animum & manus meas præstiti & servavi puras a peccato interno & externo, peccata intus averfatus, & extus fugiens. Ubi dicit, *se mundasse cor suum*, proprie *candidasse*, et nitidum præstitisse, non absolutam intelligit et perfectam puritatem, cum ejus respectu nemo dicere queat, *candidavi cor meum, nitidus sum a peccato meo*, Prov. xx: 9. sed sinceram, integram, et relativam puritatem animi, per quam quis *purus est corde*, ut vers. 1. habuimus. Sed cenferi quoque posset, pium emphatica hac usum esse phrasi, ut indicaret, vel summam et perfectam puritatem non liberaturam ab hac afflictione, quia Deus non *adtenet* vel *novit*: ut modo dixerat. Altera phrasis, *lavi in innocentia manus meas*, alibi jam est explicita, ad Ps. xxvi: 6. Respicitur ad ritum *abluendi manus* in signum innocentiae, Deut. xxi: 6. et sensus est, manus suas esse quam purissimas ab omni facinore; in ipsam innocentiam, ut aquam limpidissimam, quasi immerfas *b*, quod alias dicitur *purum esse manibus*, Ps. xxiv. et alibi, hic, ob dictam rationem, fortius exprimitur.

§. XXV. Ceterum ad totam hanc pericopam, qua pil introducuntur confusi et tristitia pleni in has voces erumpere, notandum est, non indicari, eos a Deo et pietate vere

a Schultens ad Job, v: 17.

b Schultens ad Job. ix: 30.

re deficere, ita quoque sentire, et ex animo loqui, ut hic habetur, quod valde abhorret; sed 1. tale aliquod consequens, si externa rei facies spectetur, inde videri legitime deduci posse, Deum non advertere res humanas, et frustraneum esse pietatis ac virtutis studium, in primis sub oeconomia legali, qua Deus præmia et poenas constituit in hac vita dispensare, 2. metum quoque et periculum esse, ne piis ejusmodi cogitata et dicta obrepant, imo 3. eos aliquando in ejusmodi dubitationes et tentationes incidere, quod cum promissis et minis Dei ea conciliare nequeant, denique 4. eos in ejusmodi dicta, per nimiam animi tristitiam et consternationem, erumpere per modum querelarum et exostulationum cum Deo; quas tamen pie et submisse effundunt; uti Jer. xii: 1. præmittit propheta, cum Deo hac ipsa de re disceptaturus, *Iustus tu, Jeebova, quum litigabo ad te, veruntamen judicia edisseram tecum* &c. Hunc scopum & sensum esse pericopæ, 1. inde etiam confirmatur, quod in fut. loquatur poeta; vers. 10. *propterea redibit populus ejus eo, ut dicant.* &c. h. e. fieri potest, metus est, ut eo redeant, videri posset, eo redituros esse, nisi ipsis hic scrupulus eximatur; ut deinceps facit. 2. Præterea ex eo colligi potest, quod pios eo venturos dicat, quum profunda tristitia fuerit animus obrutus; ut significaretur, pios non sponte & ex animo, sed commoto nimis adfectu, eo abripi, adeo ut non animi sensa, sed adfectuum motus exprimant; uti Jobum sæpe fecisse constat. 3. Indicat denique poeta in seq., se hæc piis non in ore dedisse, ac si vere ita sentirent, sed ut difficultatem rei augeret, & nodum vindice dignum esse, insinueret.

§. XXVI. *b.* Fluctuationem suam propositam, & deductam, repetit & exaggerat poeta ex difficultate eam expediendi, & nodum hunc solvendi, cum sine impietate negari nequeat, pios Deo curæ cordique esse, ipsumque cognoscere & curare res humanas: hinc enim difficultas præcipue nascebatur, qua ratione, posita Providentia, impiis possit esse

esse bene, & piis male. Rejicit itaque poeta male sanam opinionem de nulla providentia, &, hac admissa, confitetur, sibi molestiam creasse sortem piorum infelicem & impiorum prosperam. Quæ duæ partes sunt exaggerationis, vers. 15, 16. *Si dicam, subductis calculis concludam secundum hæc, ecce! erga generationem filiorum tuorum perfide me gero. Itaque ratiocinatus sum subtilius ad cognoscendum hoc, molestum & operosum illud fuit in oculis meis.* h. e. Eluctuatione me extricare adgressus, haud difficulter quidem percepi, concludendum non esse secundum imprudentes piorum voces, *Deum non cognoscere*, quas ipsis piis non tanquam certam sententiam adtribuo; cum ita causam eorum, qui Deum unquam in mundo coluerunt, & ipsi fiderunt, & nunc faciunt, perfide proderem, & me iniquum ipsis præherem; nec tamen ratiociniis meis, quam subtiliter institutis, & politis, rem expedire potui: opus illud mihi fuit, & mansit, nimis grave, & me delassavit, ita ut sub eo onere fatiscere debuerim. Vertit nunc sermonem ad Deum, uti in seq. instituit, quia hæc verba speciem introductionis ad sequentem sermonem quoque habent. *Duo*, ut dixi, hic adferit, *alterum*, se agnoscere providentiam, *alterum*, questionis solutionem ratiociniis suis, ea agnita, fieri superiorum. 1. Removet a se & ipsis piis, quorum voces supra exhibuerat, perversam illam conclusionem, non esse providentiam, ratione petita ab injuria perfida filii Dei facienda per eam conclusionem, vers. 15. *si dico, concludam secundum hæc, ecce! erga generationem filiorum tuorum perfidus sum.* h. e. Quod si mecum, vel in animo meo, dixerō; habebō illas voces, *Deum non agnoscere*, pro vera & certa sententia, rationibus bene subductis formata, aut mea aut piorum, quibus eas voces in ore dedi, & tanquam talem veritatem enarrabo, ac in publicum proferam; gravem committerem erga totam filiorum Dei generationem perfidiam, societatem meam cum illis, & nostrorum omnium cum Deo, rumpendo, & prostituendo. Absit itaque, ut ita
CONCIUS

concludam, et divulgem; sit, stetque firma, Dei providentia, et peculiaris cura erga pios; quam toto animo agnosco, et piorum etiam nomine profiteor; quippe quos non introduxi certam suam sententiam proferentes, sed quid adfectus commotus, quid species rei externa, quid tentatio, aliquando ipsis extorqueat. Forma orationis, *si dicam, calculis subductis colligam secundum hæc, perfide agerem*, involvit negationem vehementem, cum aliqua indignatione conjunctam; acsi haberetur: absit longe a me, ut tale quid colligam; quippe quod sine perfidia in pios non posset concludi. Declarat itaque poeta, se ita non concludere, & rationem dat negationis, a perfidia ergo pios petitam, quam ita concludendo committeret.

§. XXVII. Relegamus, his præmissis, verba, & illustremus. *Si dico* (scilicet apud animum meum, quod alias *in corde dicere* exprimitur, ut Ps. xiv: 1., sed & absolute occurrit pro *secum* & *in animo* loqui, ut Jer. v: 4. Ponit casum, sed ita ut rejectum velit; acsi dixisset: quodsi eo infantiæ venerim, ut tale quid mihi insinuaverim, & mecum constituerim) *calculis subductis concludam secundum illa* (h. e. si hoc mecum dixerō, pro certa habebō veritate, eamque in vulgus divulgabo, *Deum non cognoscere*, eamque piis tanquam talem imputabo. Profert itaque ea, quæ supposuerat in animo dicta; scilicet hæc, *calculis subductis concludam & proferam secundum hæc*, nimirum modo piorum nomine a me prolata, *quomodo cognoscit Deus, & est scientia in altissimo?* Eo enim digitum intendit, & vucula כִּי sicut, secundum, elliptice ac abrupte designat, quod plene esse הִנֵּה כִּי sicut secundum hæc: uti Ez. xvi: 57. כִּי firmitur & וְאֵם subintelligitur, quæ vucula deficit per sequentem הִנֵּה ecce absorpta; sicut alibi ad Mal. demonstravi, haud infrequenter in litteris & vocibus contingere. Vidit de Dieu, הִנֵּה hæc recte locum habere, sed ex הִנֵּה male punctato eruit, nec fidit conjecturæ; rectius dicitur, fuisse omissam eam vocem ex concurrentia similium litterarum in הִנֵּה ecce.

Suppleverunt quoque simili ratione Chald. & Syr., sed verterunt, *sicut ipsi*, scilicet homines, modo memorati, rectius LXX. *כמו*; sic reddiderunt. Requirit utique *כמו* particula *sicut*, *secundum*, aliquid, quocum construat, nec aptius eo, quod protuli, inveniri potest. Verbum vero *כמו*, quod *narrare* vertitur, alia & majore pollet emphasi, ex propria *pulveris* potestate, quam habet apud Arab., eruenda. Significat itaque proprie *pulverare*, ut sic dicam, h. e. in pulvere numerare, & quidem accuratius, more Arithmetico; solebant enim numeros, & calculos inire in pulvere super tabula vel *abaco*, tenuiter sparso. Hinc pro *calculari*, seu exacte inquirere, & deliberare sumitur Pf. LXVI: 6. nec non summa collata *concludere*, denique *enarrare*, a numerando. q. d. numeratim & facta computatione totam rem denarrare. Nostro loco conjungi possunt significationes *calculandi*, *concludendi*, & *denarrandi*; ut sensus sit, deliberatione instituta, & subductis calculis, concludam & in medium proferam, secundum voces modo memoratas, *Deus non cognoscit*, &c: adeoque pro veritate, bene ponderata, & ipse habebit, ac pios etiam, quorum memini, habere agnoscam, ac divulgabo, & aliis inculcabo. Extendit enim hoc dictum sese quoque ad voces piorum, & declarat, eos ita ex animo fecisse locutos, & cum intima persuasione. Quod cum hic rejiciat poeta, a se non tantum illud removet, sed piis quoque denegat, sese ea ratione quasi corrigens, quod piis has voces in ore dederit; & significans, quod supra jam indicavi, piis eas voces fuisse extortas magis, quam ex animo prolatas, eosque alias longe ab ea sententia abesse. Loquitur itaque hic & suo & piorum illorum nomine; sicut & modo pios introduxerat, temerarias illas voces, prima persona usus, effundentes).

§. XXVIII. Crimen, quod, hoc instituendo, committeret, his verbis enunciat: *ecce in generationem filiorum tuorum perfide agerem* (h. e. Universo filiorum tuorum coe-

tui

tui, qui fuerunt, sunt, ac erunt, summam facerem injuriam & injustitiam, summopere nocerem, & meam cum ipsis arctam conjunctionem violarem ac rumperem. Perfidum, occultum, hostem & pravaricatore[m] agere erga filios Dei, sequentia complectitur, huc pertinentia, 1. ipsis facere injuriam, *partim* ipsis prærogativam filiorum Dei, quibus Deus bene vult, quique ipsum amant & timent, eripiendo, *partim* iis adstringendo impias sententias contra providentiam Dei. 2. Iphis valde *nocere*, fidem & spem eorum frangendo, & eos in cursu pietatis ac virtutis retardando, nec non fallendo, & falsis ac noxiis opinionibus decipiendo. 3. *Societatem* suam cum illis abnegare vel abrumperem; perfidum præstando apostatam, & foedifragum, eorumque partes deserendo, aut saltem contra conjunctionem suam cum ipsis, indeque ortam obligationem suam, agendo, & causam eorum, quæ & Dei est, cum sint ejus *filii*, quam tueri deberem, prodendo. Quæ omnia ex usu verbi וְנִי firmare possem, si necesse foret. Tantum observetur, pios non sine emphasi titulo *filiorum Dei* insigniri, ut relatio eorum ad Deum, & curæ Dei paternæ erga eos, necessitas ac veritas inculcaretur, cui e diametro repugnaret, *Deum non cognoscere*, non curare eos, & iis bene facere.

§. XXIX. Admissa itaque hac providentia, & paterna Dei cura, cum difficultas, ex inæquali impiorum felici ac piorum infelici sorte nata, e medio tollenda sit, fatetur poeta, sibi aquam hæsisse, nec sese per ratiocinia sua expedire potuisse, vers. 16. *Itaque ratiocinatus sum subtilius ad sciendum hoc; molestum fuit & operosum hoc in oculis meis.* h. e. Experimentum cepi virium mearum; num rationes providentiæ Dei circa impios & pios, illos prosperos, hos miseros, percipere potuerim, me intra hujus vitæ limites tenendo, absque ut justitiæ & bonitati Dei vel minimum decederet; varia formavi ratiocinia, etiam subtilius instituta, sed sensu me frustra laborasse, & illud tanquam mihi nimis operosum & molestum relinquere debui, absque ut me

hoc scrupulo, tam molesto, levare potuerim. Declarat a. se ratiociniis suis, subtilius quoque ductis, usum fuisse, ad arcanum hoc investigandum; cum dicit, &², vel itaque, *ratiocinatus sum subtilius ad sciendum hoc*; scilicet arcanum hoc, & difficile cognitu, quod homines semper exercuit, & pios tantopere cruciat, impiis adeo adblanditur, qua ratione Deus impiis adeo favere, & piis ægre facere, videatur, quomodo illud cum virtutibus Dei conciliandum sit; quænam sint tam singularis & paradoxæ dispensationis Dei rationes, justæ, bonæ, & sapientes, cum in genere, tum in specie respectu singulorum hominum, Emphasin habet vocula *nam hoc*, quod supra memoravi, *hoc* tam paradoxum, & difficile, tam molestum, &, ut videtur, noxium pietati ac virtuti: sumitur enim subinde pro gravissimo crimine aut malo, uti notum est, serie orationis id exigente. Sed aliam præterea continet pronomen illud demonstrativum emphasin, qua rem *ipsam*, *ejusve essentiam*, designat, uti Job. v: 27. *Ecce nam hoc! investigavimus illud, sic se res habet*; ubi *ecce hoc* idem est, ac *ecce rem & veritatem ipsam*, *ecce quod res ipsa dici mereatur, quodque aliter nec est, nec esse potest*; quæ verba sunt Cl. Schultens a. Ita hoc loco, ad *sciendum hoc*, est, tanquam verum, certum & indubium, idque clare & distincte; quod verbo *scire* involutum est. Usus se, ut ad eam scientiam perveniat, dicit *ratiociniis* quibuscunque, & subtilibus, undiquaque conquisitis, sed ex se, & propria ratione, eductis; oppositæ ad *sanctuariæ Dei*, unde meliora hausit, ut mox declarat. Radix *non* in origine est, *polivit*, *perpolivit*, *expolivit*; unde inter alia est, cogitare accuratius, & perpendere ratione perpolita, in qua nihil scabrum aut inæquale, nec non *ratiocinari* subtilius, consiliis elibratis & perpolitis a.

§. XXX. b. Addit successum irritum, his verbis, *molestia, seu labor onerosus, hoc in oculis meis*, scilicet mansit, ut fuit, nihil profeci; sub hoc labore fatiscere debui delassatus, &

a Schultens ad Prov. xvi: 9.

& relinquere. Radix hujus a propria *tundendi* potestate transiit inter alia ad opus gravius, & delassationem ac afflictionem adferens; de quo dixi ad vers. 5. Indicat itaque, se ratiociniis suis nihil lucratum esse, sed rem illam sibi molestam mansisse, & graviter cruciantem, quam expedire non potuit. Quale quid Ecclesiastes etiam alibi fatetur, cap. viii. fin., quem locum Interpretes huc passim contulerunt. Ceterum ratio, quare difficultatem hanc ratiocinia humana solvere non potuerint, in eo præcipue quærenda est, quod, seposita doctrina de statu futuro post mortem, eo tantum collinearint, ut providentiam Dei cum virtutibus justitiæ & bonitatis conciliarent in hoc præsentem seculo; quod fieri non poterat secundum dominantem hypothesein, præmia & poenas hic a Deo distribui; adeo ut si impii ad tempus florent, tamen in hac vita quoque tandem puniantur, pii, si ad tempus castigentur, tamen deinceps a malis liberentur, & singularia mala, quæ in morte terminantur, non nisi impios feriant. Hisce admissis, omnia ratiocinia tandem recidere debebant in supremum ac independens Dei jus & dominium; absque ut cum virtutibus Dei memoratis conciliare potuerint. Secundum hanc hypothesein disputatum hac de re est inter Jobi amicos & Jobum, in libro ejus. Quæ difficultas longe gravior facta est per oeconomiam legalem, quæ præmia & poenas in hoc seculo comprehendit, ut notum est. Quæ omnia fufius deduci possent, si hic locus esset.

§. XXXI. β. Sequitur tandem difficultatis solutio vera & plena, ex longe alio principio educta, vers. 17—20. In qua pericopa α. Principium & fons solutionis præmittitur, vers. 17. his verbis: *donec sacraria Dei intravi, & novissimam eorum sortem distincte percepi.* h. e. Eousque ratiocinis me frustra defatigavi, donec, iis missis, arcanam & divinam doctrinam divinitus ex ore Dei hausi, & novissimam hominum sortem, in futuro seculo distribuendam, distincte percepi. Duo sunt versus membra, quorum prius
insti-

institutionem divinam, & posterius ejus *argumentum* continet; acsi haberetur: *donec in sanctuaria Dei admissus ibi intellexi novissimum eorum.* Repetit itaque solutionem quaestionis difficillimæ a doctrina de novissimis impiorum, quam declarat se in sanctuariis Dei didicisse. Per *novissima* impiorum sine dubio intelligit, non exitum & sortem eorum in hoc seculo, sed in futuro. 1. Quia vers. 4. eos in scenam produxerat *usque ad mortem* fortunatos. 2. Judicia Dei in impios in hoc seculo non necesse habebat in sanctuario discere, sed ex superiorum temporum experientia, ac solis ratiociniis facile cognoscere poterat: hic agit de doctrina arcana, in sanctuariis Dei tantum tradi solita, & a Deo ipso docenda, ut mox dicam. 3. Quia in seq. unice agit, ad hanc doctrinam illustrandam & in usus suos vertendam, de impiorum exitio, & piorum salute, in futuro seculo post resurrectionem & judicium ultimum; ut suo loco patebit. Hæc *novissima* impiorum, in quæ vita ipsorum, morte finita, quam gloriola etiam & prospera fuisset, tandem exiret miserrima & pudenda, quæ mox depingit accuratius, declarat se *distincte intellexisse & certo*: quam emphasin adfert verbum *בין* & *הבין*, cujus proprietas est in re per *medium secando*, seu fissione, & inde divisione; unde ad intelligentiam interiorem transiit, qua acies mentis rem veluti secat mediam. Significat itaque, se antea quidem aliquid ea de re audivisse, & intellexisse, sed confuse & dubie magis, nunc vero longe certiores & accuratiores ejus accepisse notitiam, quæ plenam adtulit animi acquiescentiam. Sed ubi, & unde, hanc doctrinam hausit? illud his verbis indicat, donec *intravi sanctuaria Dei.* Quæ metaphorica, vel figurata est & mystica, phrasis, ab ingressu Pontificis in sanctum sanctorum cum oraculo Urim & Tummim, ad oracula Dei audienda, petita, ut cum uno alterove existimo; licet alii aliter statuere soleant. Phrasis *sanctuaria Dei* nos non tantum eo ducit, verum institutio, ibi hausta, de alio non patitur cogitare. *Sanctuaria Dei* excellentissimum, &

& proprie sic dictum, *sanctuarium* dicunt, in quo Deus præsens esse censebatur, & unde oracula sua fundebat, quod est *sanctum sanctorum*, hic in plur. *sanctuaria* dictum, ad ejus excellentiam indicandam; qui num. plur. satis notus est usus. Hinc phrasis derivata in genere translata est ad divinam institutionem internam, externam, immediatam aut mediatam, qua arcana docentur & divina. *Intrare* vero in ea est, sese Deo offerre docendum, & ab eo petere institutionem, simul media quævis alia adhibere, ad eam acquirendam, quorum præcipuum eo tempore erat *scrutinium scripturæ*, tunc exstantis in libris Moïsis, qua promissa gratiæ & gloriæ Patriarchis facta etiam continebantur, & promissis legalibus ac ritibus involuta secundum mysticum intellectum exstabant; adeo *ut in iis vita æterna* quoque reperiri potuerit, Joh. v: 39. præterea institutiones prophetarum in scholis, ab ipsis erectis, jam a tempore *Samuelis*, uti notum est, in quibus hæc arcana doctrina quoque, ut probabile est, fuit tradita. Significat itaque divinus poeta, 1. doctrinam de statu felici vel infelici hominum in seculo futuro non quidem vulgatam esse & publicam, attamen acquiritu possibilem, ex penitioris Scripturæ investigatione ac illuminatione Spiritus S., serio implorata, haberiendam: adeoque in *sanctuariis Dei* discendam, in quibus oracula sua fundit Deus, & homines arcanis suis instruit. 2. se ratiociniis suis defatigatum hæc adiisse sanctuariam, Scripturas scrutando, & a Deo petendo illuminationem, eaque ratione plenissime fuisse instructum, & de veritate hujus rei convictum, ac persuasum. 3. Denique eam doctrinam esse certissimam & aptissimam clavem hoc dubium solvendi, & omnem difficultatem ac tentationem e medio tollendi: sicut revera est, uti constat, nec hic latius deducendum.

§. XXXII. 1. Subjungit mox partem hujus instructionis; quam in sanctuario Dei perceperat, respectu impiorum, cum quod eorum prosperitas & insolentia ipsi in primis

crucem fixisset, *tum* quod de piorum forte felice mox in sua persona sit locuturus. Proponit vero *a.* hanc infelicem eorum conditionem, in quam exiret omnis illa felicitas, vers. 18. *β.* accuratius deducit, & illustrat, vers. 19, 20. *α.* Propositio his sit verbis, vers. 18. *Profecto in lubricitatibus instabis ipsis, cadere ipsos facis in confragosa.* h. e. Novissimum eorum impiorum, quod in sanctuario Dei didici, hoc erit; in lubricitatibus versatos, in quibus nihil est stabilis & firmi, tu, o Deus! quod certo nunc scio, impressionem facies, adeo ut in vasta & confragosa ac horrida loca incidant, & toti dispereant rupti, omni itaque consolatione orbi dagent in summa miseria. Representantur impii in hac vita, tanquam in lubricitatibus positi, ubi pedem firmiter figere, & consistere nequeunt, qui hujus vitæ, & omnium ejus bonorum, est verus conspectus: adblandiuntur, & molli sese præbent, sed sunt vana, mendacia, & ad hominem fallendum, ac in ruinam præcipitandum, apta nata. Radix *p'm* proprietatem habet in *glabro*, *levigato* & *lubrico*, unde ad *blanditias*, & fallacias, transfertur *a.* Hoc in statu positos Deus dicitur *in eos impetum* factururus, suis iudiciis eos invasurus; quod hic est *מב נמן פונס* in illos, h. e. instabis illis, & impressionem hostilem in eos facies. Solet cum *lubricitatibus* construi, & *in locis lubricis eos posuisti*; verum rectius & majore cum emphasi vertitur, *in lubricis invades eos*; quem usum verbum *מן* & alibi habet. Ps. xix: 7. *undiquaque ponunt contra me*, *הי*, ut hic *מב*, hostiliter irruunt. Lxxxii: 13. *insta ipsis*, impressionem in eos fac, *מן*, *instar rotæ* &c. ubi vid. dicta Jes. xxi: 7. *ponendo ponunt portam versus*, impetum faciunt. Consequens hujus divinæ impressionis est ruina ipsorum, qua *cadere in confragosa*, seu loca desolata, horrida, seu statum fractum, & miserum. Radix enim *מן* proprietatem habet in futura cum *fragore rupta* *b*; unde *מן* fragores Job.

xxxvi:

a Schultens ad Prov. ii: 16. & Har. conf. v. p. 100. *b* Id. chap. p. 333.

XXXVI: 29. hinc ad *vastitatem*, & destructionem confragsam, & similia, transfertur. Indicatur itaque status & locus horridus, vastus, omni bono orbus, & terrificis fragoribus plenus, ubi *fletus oculorum & stridor dentium*; qui mox voce נורא *terrorum* exponitur. Posset etiam radix נורא adsumi, unde *dagesch* in *v* remansit, sensu vastandi, a propria notatione tollendi, unde & ea *decipiendi* fluxit, in vastatione enim omnia *feruntur* & tolluntur, quod Gr. *δύω* dixerunt, unde נורא. Emphasin præterea habet verbum נורא *cadere*, quod de loco & statu sublimi ruere præcipitem, & *mori*, significat; adeoque status ipsorum post mortem depingitur נורא *in*, in quem mortui recidunt. Agitur enim hic, ut ex dictis constar, de misera impiorum sorte post mortem.

§. XXXIII. β. In propositionis deductione a. exaggeratur, per modum stupendæ admirationis, miser eorum status, vers. 19. *Quomodo facti sunt sideratio tanquam momento rasi, consumti sunt, præ, vel ab, execrationibus & furis infernalibus*. h. e. Quanta & quam stupenda est hæc rerum catastrophe! dicere debebunt, qui eam fuerint intuiti, dicent recti & beati ultimo illo die iudicii: qui in vita fuerunt felices, potentes, divites, & insolentes, vastati & exterminati jacent, tanquam urente vento pestilente adflati, momento quasi in eum statum per mortem præcipitati; omnibus suis bonis utique spoliati, & violenter inter multos cruciatus abru si & eradicati sunt, simul consummati & consumti per execrationes divinas, & furias infernales, quibus sine spe restitutionis sunt traditi. Forma orationis est admirantis, & ad stupentis impiorum catastrophe; qua poeta introducit rectos ultimo tempore ipsis illudentes, ad miserum eorum statum adgravandum & exaggerandum; dicens: *quomodo facti sunt*, i. e. dicent suo tempore, qui viderint, cum admiratione, & ad eorum illusionem; uti Ps. XLIX: 15. ubi de eadem re agitur; & *dominabuntur iis recti mane*. &c. quanta, dicent, hæc rerum catastrophe! quam mirabilis & stupenda. Qui in vita in summo felicitatis fastigio erant collocati, Deum & homines

ſpernebant, illi, momento quaſi, per mortem in ſumme ignominioſum ac miſerrimum præcipitati ſunt ſtatim. Deſcriptio ejus ſtatus 1. proponitur 2. illustratur & amplificatur. 1. Proponitur, his verbis; *facti ſunt ſideratio quaſi momento*. h. e. poſt breviffimi temporis felicitatem momento per mortem inciderunt in ſummam vaſtatem & conſternationem, judicio divino, tanquam peſtifero & urente vento, e medio ſublati. Vox *nov* proprie ſignat *ſiderationem* tanquam urente & peſtifero adflatu, unde ad vaſtationem & deſolationem, inſtar eorum quæ uredine jacent vaſtata, nec non ad conſternationem & mentis attonitæ horrorem transfertur, ut verbo notavit Cl. Schultens a. *Momento* cum id factum dicitur, vel *quaſi momento*, momentanea felicitas, qua exciderunt, ſimul *mors*, quæ momento ſecum trahit eam miſeriam, indicatur. 2. Illustratur propoſitio verbis ſequentibus, *raſi ſunt, conſumpti præ*, vel *ab, execrationibus & furiis infernalibus*, h. e. omni ſplendore, omnibus bonis & deliciis, violentè & dolorifice ſpoliati ſunt & conſumpti per execrationes divinas, & conſummationem naſti ſunt in furiis infernalibus. Verbum *nov* proprie eſt *radere*, vel *everrere*, ſive novacula cutem radente, & vellente, ſive *vento* impetuoſo & raſore, omnia everrente, & diſſipante, ac in perniciem trahente: unde ad violentam omnium bonorum ſpoliationem, excruciationem, & vaſtationem transfertur. De quo vid. Cl. Schultens b, qui etiam intransitivam vim adſtruit, qua dicit *radi*, & *everri*. Additur *non conſummati & conſumpti ſunt*, ut totalis & irreparabilis eorum perniciēs fortius adfirmaretur. Sed quid ſibi vult *non præ*, vel *ab, execrationibus, ac furiis infernalibus*? hunc enim ſenſum fundit vox *nov*; cujus radix *נה* & *נהל* originem habet in *quatiendo*, unde eſt, quatiendo ſolvit, velut cum jumentum excuſſo fræno ruit, & ſolutum fertur, unde metaſi. *feſtinavit præceps*, terram quatiendo celeri gradu, & ad animum tranſlatum ſignat *conſternari*, mente moveri quaſi & excuti.

Vox

a Clav. p. 302, & Prov. xxx. 28.

b Orig. t. 1. cap. 23.

Vox vero *וְהוּא* adhiberi solet de *execrationibus divinis*, quibus quis in malam rem abire jubetur, & mens sibi excussa præceps ruit, & exsternatur *a*, nec non de diris & furiis infernalibus, hominem agitantibus & exterrentibus: ut Job. XVIII: 11. XXIII: 16. quare *terrores & furia inferni* memorantur, Ps. XLIX: 15. ubi de eadem re agitur: de quo dixi ad eum Ps. Vocula *וּבְ* exprimit causam efficientem seu procreantem, ut sæpe alias, & vel *ab*, vel *præ*, propter, verti debet. Sensus itaque est, vel, eos esse *per execrationes Dei* rasos & consumptos, voce ad utrumque verbum præcedens relata, vel eos rasos tanquam turbine impetuoso, spoliatos, excruciatos, ac destructos, consummationem accepisse per furias infernales, quibus dediti sunt, voce cum verbo *וּבְ* constructa. Quod Ps. XLIX. dicitur, *cardo eorum ad*, vel *inter*, *furias infernales*, quibus adfixi hærent & circumgyrantur instar cardinis. Utrumque ad pleniorum intellectum conjungi potest.

§. XXXIV. *b. Tempus*, quo miser eorum status in publicam daretur notitiam, quæ altera pars deductionis est, his verbis exponitur, vers. 20. *Sicut somnium post evigilare, ita, Domine! in fuscitare imaginem eorum contemtim tractabis.* *h. e.* Sicut somnium, postquam somno excusso quis evigilaverit, tanquam res nihili spernitur, & somnians spe sua delusus prostituitur, ita omnis impiorum felicitas, qua tanquam somniantes in hac vita se oblectarunt & extulerunt, adparebit, & spernetur, tanquam res imaginaria, pura putatio imago nocturna, & ipsi contemtissime tractabuntur, quo tempore Deus se ad iudicium, quo cuique reddit secundum opera, excitaverit, & homines ex somno mortis suscitaverit, ac vanam iis excusserit de se & statu suo opinionem imaginariam. Quæ paraphrasis ut illustretur & demonstratur, 1. notandum est, verba continere *protasin* & *apodosin*, vel similitudinem & ejus adplicationem; *protasin* his verbis, *sicut somnium post evigilare*, *apodosin* autem seq.

Ccc 3

Do

Domine! in fustitare spernes imaginem eorum; vocula comparationis per ellipsin suppressa; quæ superiori *sicut* respondet, ut plene sit, *sicut somnium* — — ita, *Domine!* — quod est facillimum, probe tamen observandum, ad veram sensum percipiendum. 2. Prius membrum, quo similitudo proponitur, incompletum est, ex seq. membro suppleendum, hac ratione: *sicut somnium post evigilare spernitur*; quod quoque est in facili: cum enim in altero membro habeatur, imaginem seu visionem nocturnam somniantis *sperni* & contemptui exponi a Deo; facillime colligitur, idem verbum *spernendi* in priore membro esse intelligendum, & supplendum: accedit, protasin ceteroquin esse incompletam. Sensus vero est, *somnium post evigilare* forlere tanquam rem nihili contemptui, & somniantem pudore confundi, tanquam imaginaria sua delectatione privatum, & delusum. Conf. Jes. xxix: 7. Job. xx: 8. ne alia proferam similia. Proprie quidem habetur *ab* vel *ex evigilante*, sed n̄ hic esse *post*, postquam, satis tritum est & vulgatum.

§. XXXV. 3 Apodosis, seu applicatio similitudinis, non directe & simpliciter, sed cum aliqua variatione traditur, ac oblique, sermone ad Deum verso; non dicitur, *ita forma eorum imaginaria post evigilare eorum spernitur*, sed *tu, Domine, in excitare spernes eorum imaginem*. h. e. Quam excitaveris te, & resuscitaveris alios, ad iudicium, contemptim tractabis imaginem eorum, qua in hac vita tanquam somniantes fuerunt conspicui, & se oblectarunt. Respondent itaque sibi voces, *forma eorum & somnium*, nec non verba, *post evigilare*, & *in excitare*; sed loco *spernitur* habetur, sermone ad Deum flexo, *spernes*, Domine! & pro *post evigilare* occurrit, *Domine in excitare*, quod paulo generalius est, & ampliorem fundit sensum. Adloquitur poeta Deum; quem adpellat *Dominum*, ad jus & potestatem ejus in omnia non tantum significandum, sed in specie, ut eum tanquam *judicem* supremum sistat, qui summus est *pensator*,

fator, qui omnia ponderat, & examinat, & ita decidit ac judicat. Quam vim continet *פד*, unde cum *א* servili *פד*, et sic *פד*, de quo dixi ad Mal. i. Declarat, Deum, qua talem, *spreturum esse imaginem ipsorum* (impiorum) *in excitatione* h. e. imaginariam impiorum gloriam, potentiam & felicitatem, qua sese instar somniantium in hoc seculo delectantur, & superbierunt, esse a supremo iudice nullius non tantum faciendam in iudicio, sed & cum statu pudendo & contemptibili commutandam, ita ut ipsi pudore confundantur, & crucientur, ac aliis sint contemptui; illudque futurum, quo tempore universalis futura est & omnigena *excitatio*, & Dei ad iudicium exercendum, & hominum ex morte ac somno, ut singuli propriam suam fortem consequantur, & experiantur.

§. XXXVI. Continent verba cum *fortem* impiorum infelicem & pudendam, tum temporis & modi, quo efficetur, definitionem. *a. Prius* his verbis, Domine, *spernas imaginem ipsorum*. Cum in protasi fuerit *somni* facta mentio, *imago* oportet ad imaginarias somniantium species & visiones, evanidas illas & illusorias, referatur, adeoque *impiorum imago* sit splendida illa forma & figura, fortunata species, & beata, quam inter homines prætulerunt, & in qua se oblectarunt, ac fastuose inceserunt, in oculis suis felices & beati, quamque secum tulerunt in sepulchra, gloriose & splendide decumbentes, ut est Ps. XLIX: 15. ubi *impii* introducuntur de morte sua loquentes, oppositè ad alios homines, & *Adam*, qui in gravitate *splendida non moliter cubabit*, *similis est bestiis*, quæ excinduntur, h. e. intimum eorum est, quo animum pascunt & extollunt, solos divites esse immortales, per nominis perpetuam celebrationem, reliquos mortales a bestiis in morte nihil differre. *Imago* itaque eorum est cum species illa externa, quam prætulerunt, tum vana & imaginaria eorum cogitatio de felicitate sua, & immortalitate nominis celeberrimi. Quod Ps. XXXIX: 7. in *imagine* vel *umbra magnifice incedere* dicitur

citur; sed nihil est præter speciem nocturnam, ac imaginem dormientium, cum somno evanescentem, & expergefatum prostituentem ac cruciantem. Hanc impiorum imaginem cum Deus, tanquam supremus iudex & pensator, *contemtim habiturus* dicitur, *duo* autem *unum*, nullam omnis istius speciei habendam esse rationem a Iudice, non maiorem quam expergefactus suarum visionum solet; secundum eum personarum respectum non iudicaturum, sed opera eorum unice in censum tunc ventura, quæ fecerint aut neglexerint; ipsosque, omni illa fallaci specie nudatos, secundum opera esse tractandos, quæ eos in morte sequentur, ut de piis Ap. xiv., non *species* externa, quam iudex *spernet*, tanquam somniantis illusionem, qua se & alios deceperunt in hac vita: *alterum*, ipsam illam speciem gloriosam & beatam publice prostituendam, & cum ignominia ac miseria esse commutandam, ita ut & sibi pudori sint, & aliis ludibrio. Quod verbo *in* est involutum; cuius origo est in *trabendo*, speciatim per *terram*, unde *incurfare*, & quasi pedibus conculcare, ac gravissima adficere contumelia: quo Lat. *trabere* ac *tractare* etiam flectitur. Sensus itaque est, splendidam illam speciem versutam in publicam & summam contumeliam, conditionem servilem, pudendam & miseram; sicut Jes. LXVI: 24. *vermis eorum non morietur, ignis eorum non exstinguetur, & erunt execrationi omni carni*. Conf. Dan. XII: 2. Quo digitus etiam intenditur Ps. XLIX: 15. *recti sub pedibus calcabunt eos mane illo*.

§. XXXVII. β. Sed quo tempore & modo hæc catastrophe impiorum fieret? id quod verbo *in* in *excitare* exprimitur. Sic enim vertendum est, & non in *civitate*, ut alijs placet, aut in *fervore excandescentiæ*, ut Cl. Schrædero a. licet hoc simul admitti possit, ut mox patebit: *excitandi* significatum, satis vulgatum, hic retinendum esse, ex præced. verbo *evigilandi* in protasi manifestum est, cum ei in apo.

a Observ. scil. ad Orig. Hebr. c. II.

apodosi respondeant. Verbum cum absolute occurrat in *excitare*, h. e. quum excitaverit, subjecto excitando non expresso, late extendi potest ac debet, ita ut & de Deo se excitante, & de hominibus excitatis a Deo, capiatur: subiungitur enim *Domino*, tanquam *excitatori*, & *imagini nocturnæ impiorum spernendæ* præmittitur, simul comparatur cum *somnio* post *evigilare* spreto. Sensus hac latitudine itaque erit, Dominum, quum se excitaverit & homines mortuos, imaginem impiorum esse spreturum; & cum indignatione in ira constituturum in ultimo iudicio. Quod utrumque egregie expressit Chald., vertens; *Domine! in die iudicii magni, cum fuerint suscitati de sepulchris suis, in furore imaginem eorum spernes*. Quæ paraphrasis ut in lucem prodeat, 1. verbum *עיר*, ad *Dominum* relatum, dicet, Dominum se excitare ad agendum fervente impetu, in bonum illorum, & malum aliorum, super *illis* æmulando in bonum, & *bis* in malum cum fervore iræ ac excandescentiæ. Radix *עיר* proprie dicit *fervere*, in Hiph. *fecit efferverescere*, excitare ad agendum impetu alacri, & fervido spiritu: soletque de *impetu bellico* sumi, & de *æmulatione* fervida in malum non tantum animo hostili, unde *עיר* pro *inimico*, sed & in bonum, ita ut *æmulari aliquem* & *super aliquo* sit, stylo orientis, alicujus felicitatem fervide promovere. Job. viii: 6. *In excitare Domini* itaque erit, quum Dominus se ad agendum vel iudicandum cum zelo iræ in impios, & favoris in pios, excitaverit: quemadmodum Ps. xxxv: 23. *excita te & evigila ad iudicium meum, Deus mi & Domine mi! ad litem meam*. 2. Sed ad homines translatum verbum *עיר* designabit tempus illud universalis *suscitationis* ex mortuis, & in *excitare* erit, quum suscitaverit mortuos, tunc *imaginem eorum contempnim tractabit*, eam esse somniantium speciem evanidam demonstrabit, simul ipsis insinuabit, ut cum pudore & mœrore, fletu & stridore dentium, sese vana spe lactasse, & inaniter extulisse, experiantur & agnoscant, instar somniantium expergefactorum, opposite ad illos, qui

Ddd

cum

cum Davide dicunt, *satiabimur imagine tua, quum evigilaverimus*. Pf. xvii. fin. Quo etiam facit, quod *recti* dicantur *sub pedibus eos calcaturi mane illo*; Pf. xlix. 15. & dies ille iudicii ac resurrectionis *aurora* adpelletur, Jes. viii. 20.

§. XXXVIII. In *Secunda* Pf. parte poeta expromit propositum suum cum sese condemnandi, quum similis æmulatio sibi denuo obrepserit, tanquam stupidum & brutum ali-quod animal, vera cognitione & ratione orbum, tum præ-terea Deo intime in fide, charitate & spe, adhærescendi.
u. Prius his verbis profert, vers. 21, 22. *Quum peracuerit sibi cor meum, & renibus meis me compunxero, & vel tunc, ego brutus, qui nihil sciam, magna bestia sum tecum*, h. e. Divina hac institutione illuminatus, si in posterum in simi-lem æmulationem & æstuationem super impiorum felici, & piorum misera, forte in hoc seculo incidero, fateor me ip-sum reputaturum et condemnaturum tanquam bardum et stupidum, nihil scientem, in oculis tuis, qui sensualibus tantum rebus et bonis inhiat, et mentem habet obturatam, ratione destitutam. Non tam de præsentis sua fluctuatione et æmulatione quam futura loquitur, quare verbis fut. temp. utitur, et conditionate, *quum, quod si*, quem usum hic ha-bet vocula *quia*, ut sæpe alias; cui respondet *&* vers. 22. *& ego*, pro *tunc*, quod Gejerus recte notavit. Sup-jungit quoque hanc confessionem institutioni divinæ jam re-ceptæ; adeoque indicat, se, tali instructione nunc gavi-sum, non posse non instar bruti et stupidi censer, si ani-mus denuo ita inflammetur, et compungatur, super impio-rum felici sorte. In verbis et phrasibus parum est difficilis, quare paucis defungar ad emphasin illustrandam. 1. Ani-mi, et adfectuum, qui per *renes* pinguntur, uti notum, æstuationem, cum exacerbatione et mœrore conjunctam, emphatice exprimunt verba *semet acore insicere*, ac *acueri & compungere*. Priori radici *pon* inest significatio partim *aceti*, partim *fermenti*, et met. cordis irritati ac exacerbati tumorem exprimit: ut *ira mihi pectus peracuit*, ac *uxor tota est*

est in fermento, apud Plautum. *Posterior radix* pro habet *acuendi*, et *contundendi*, potestatem; adeoque indignationem & mœrorem cruciantem seu compunctionem adfert. 2. *Brutum* quum se declarat fore, & *bestiam*, seu, quæ plur. num. vis est, insignem & magnam bestiam, (nisi quis, quæ elegans est Cl. Ruickersfelderi a observatio, vocem non reddere malit in *estuationibus*, ab omni *estuduit*, quarum modo meminerat, cui quod observo, concinit non & חסם) si ejusmodi cogitationes denuo formet, & pravæ induat affectiones, indicat a. suam insipientiam & stultitiam, qua de Providentia Dei, ejusque rationibus nihil sani intelligit, ac judicat: quare addit, *brutum, qui non intelligit*, nihil distincte & sani capit & judicat. b. Sensuales suæ cogitationes & adfectiones, quibus res mundanas tantum respicit, curat & quærit, spiritualium & æternarum plane ignarus, & contemtor. c. De se & hominibus haud fecus ac bestiis, quæ mortuæ intereunt, sentire; adeoque sese habere & gerere tanquam brutum aliquod animal. 3. Denique, cum dicit, se talem *cum Deo* esse, significat, se erga Deum, talem præstare & gerere, præterea *coram Deo* & in *oculis Dei* talem haberi debere; ut observavit Gejerus.

§. XXXIX. 1. *Posterior* complectitur a. *Fidei declarationem*, vers. 23, 24. *Et, vel at, ego jugiter tecum ero, prehendiſti manum meam dextram; consilio tuo duces me, & post in gloriam adsumes me.* h. e. longe aliter me tecum geram, ab æmulatione super impiis mihi sedulo cavens, non tanquam brutum animal me tibi exhibens, tibi in fide & cultu, inde orto, intime adhærescam, ut a te docear, & ducar; certo persuasus, te, instar doctoris, defensoris & ductoris, manu mea dextra prehensâ, mihi consilio tuo adfuturum, meque in omni via mea custoditurum, & ducturum, & tandem in felicem & gloriosum statum ad te in cœlis adsumturum esse. Declarat itaque, se Deo in fide & pietate adhæsurum, & suam persuasionem de fideli & securo Dei ductu ejusque felici exitu subjungit, oppositæ ad

a Apud Rev. Letteatim. ad V. T. p. 152.

superiorem animi æstuationem, & insipientem adfectionem, quæ de homine brutum facit animal; quare *ego* in *me* & *ego*; recte vertitur, *at*, *sed*, e contra, *ego* longe alium me tibi præbebo, & aliter erga te geram, personæ meæ et relationi ad Te convenientius: quam emphasin habet pronomen *ego* expresse memoratum. Duo autem profitetur, quid ipse erga Deum sit facturus, & quid sibi a Deo faciendum credat. Prius his verbis, *ego tecum jugiter*, scilicet *ero*, non enim qualis fuerit, sed futurus sit, exponit; quemadmodum mox, qualem credat Deum sibi futurum esse. De quo ex scopo & serie orationis facile constat. Non dicit, *tu mecum* jugiter, sed *ego tecum*, quia qualem sese erga Deum gessurus sit declarat; uti mox quid de Deo erga se sibi promittat. Sensus ergo est, se Deo in fide et pietate ac cultu esse adhæsurum; in ipsum, tanquam summum et bonum Dominum, credendo, omni dubitatione et fluctuatione excussa, ipsumque pie colendo, et celebrando, mente, seu meditationibus suis, et ore; ut est vers. 28. *Cum Deo esse* est, ipsi sese in omnibus tenere propinquum, vers. 28., ipsius partes sequi & agere; ad ipsius voluntatem, ut eam facias, adtendere; ipsius cultu esse occupatum; & quæ sunt similia: quæ facile extendi possunt.

XL. *Posterius*, quo declarat persuasionem suam de favore & gubernatione Dei erga se, Deo ea ratione adhærescentem, his verbis comprehensum est, vers. 23, 24. *prehendisti manum meam dextram, consilio tuo duces me, & post gloriam adsumes me..* h. e. Cum certo mihi persuadeam, te *prehendisse dextram meam*, seu te mihi exhibere doctorem, defensorem & ductorem, dubius esse nequeo, quin me in omni casu sis tutaturus, & in rectam ac tutam viam ducturus, & ad felicem ac gloriosum finem perducturus post mortem. Cum in præter. dicat, *prehendisti dextram meam*, fidem suam in Deum tanquam defensorem & ductorem suum testificatur; id quod phrasis met., ut facile constat, denotat: conf. Ps. xvi. 8. Jes. xlii. 6. xlv. 1. & alibi, simul in-

insinuat, tanquam ejus rei specimen, & documentum, se nunc etiam id expertum esse, dum Deus se *vacillantem*, & ad lapsum pronum, vers. 2., non deseruerit, sed firmiter & erexerit, vers. 17. Hinc deducit, Deum se in posterum esse *suo consilio ducturum*, & *in gloriam adsumturum*, h. e. in hac vita sibi consilio & potentia adfuturum, ut eam feliciter finiat, & dein post hanc vitam in gloriosam ac beatam conditionem in coelo translaturum. Prius itaque membrum ad *hanc*, posterius ad *futuram* vitam respicit; ut mox demonstrabo. Prius habet, Deum *consilio suo* ipsum *ducturum esse*, non tam, licet exclusum nolim, secundum sapientem suam directionem & gubernationem, a Deo decretam, quam continua sua institutione & informatione efficace, per verbum & Spiritum suum ipsum intus & extus docendo, quid agendum sit & omittendum, & in rectum vitæ tenorem ducendo; ipsi *consilium* dando, & efficaciter intimando: ut Ps. xxxii: 8. *maturum te reddam sapientia ac prudentia, & docebo te viam, quam ambulabis, consulam super te oculo meo.* Posterius habet, & *post gloriam adsumes me*, scilicet in coelum, ad gloriam, post viam absolutam, consequendam. Quem sensum, a nonnullis recte observatum, sequentes rationes clare demonstrant, 1. quia considerat hanc adsumtionem tanquam finem & exitum *viæ*, in qua Deus eum consilio suo duxerat. 2. Quia verbum *לָקַח* *adsumere* de adsumptione in coelum usurpari solet, ut de Henoch Gen. v., Elia 2 Reg. ii., Messia Jes. LIII. &c. 3. Quia in Ps. parallelo xlii: 16. diserte habetur, *profecto Deus redimet animam meam a potestate inferorum, quia adsumet me*, ubi idem verbum existat. 4. Quia כְּבוֹד *gloria*, absolute posita, id requirit, & alibi ita sumitur, ut Ps. LXXXIV: 12. *gratiam & gloriam dat Deus.* Prov. iii: 35. *gloriam sapientes cernunt hereditatem, & elumbes nobilitat iniusticie infamiae.* 5. Denique vox אֲחֵרִים *post* eo nos ducit, maxime si ad אֲחֵרֵי הַיָּמִים *novissimum impiorum*, vers. 17., ut probabile est, digitus censeatur intendi; & vertatur, *post ad gloriam adsumes*.

me, per ellipsin כ vel ל in כבוד, ut Gejerus & alii; quod facilius est. Sic Prov. xx: 17. *intime dulcescit viro panis fuci*, ומהר & post impletur os ejus gloria. Post quoque pro *dte novissimo* fumitur Job. xix. et apud Arab. sæpe in *Alcorano*. Sed posset *post gloriam* quoque conjungi, & verti, *post gloriam euntem*, seu eam sectantem; ut sensus sit, & gloriam ac beatitatem æternam in coelis sectantem, ejusque vestigiis insistentem, *adsumes me*, scilicet, ad eam. Quod Rom. ii: 7. est, *gloriam & immortalitatem querere*. Nec longè quæsitæ est ellipsis verbi *ire*, cum in phrasi, *post gloriam*, lateat, & ex præced. *ducere* sponte sua sese offerat. *Post gloriam ire* pro *viam ad eam insistere*, vestigia ejus tenere, non est quoque remotum aut insolitum; ita Zach. ii: 12. *post gloriam misit me*: ubi vid. dicta.

§. XLI. β. Adjungit mox fidei suæ in Deum *amorem* erga ipsum, a vera fide inseparabilem, quo Dei communionem & cultum pro summo suo bono, desideriorum suorum unico objecto, in coelo & terra, habet vers. 25. *Quis mihi in coelis? & tecum nihil volupe habeo in terra*. h. e. quis, quidve in coelo & terra est, quod mihi, tua fruendi communione, delectationem adferret, qualem tecum sentio? nihil profecto est in coelo & terra, quo, te possidens, & tecum instituta comparatione, delector, tuæ communioni omnia in coelo & terra postpono, & ejus causa cunctis renunciare possum. Membra versus ita sunt concinnata, ut secum non tantum connexa sint, sed & sibi lucem foenerentur, adeo ut plena & cohærens oratio foret: *quis, quidve mihi in coelo & terra tecum, quo æque delector? nihil, nullusve est, amoris & oblectationis meæ objectum & causa tecum*. Prius membrum, *quis mihi in coelis?* interrogative, & posterius negative expressum est, quod interrogatio fortissimam negationem involvat; adeoque per eam sit respondendum, *non est*, seu *nullus & nihil est*. Prius membrum *coeli*, posterius *terræ* meminit, ut utrobique coelum & terra comprehenderetur. Denique prius membrum est ellipticum &

& incompletum, quod in posteriore suppletur; adeo ut & *tecum*, & *delector*, ibi mente intelligi debeant; & plene sit: *quis mihi tecum in coelo, quo delector*, vel amoris & oblectationis objectum? Tandem cum in *priore* dicatur, *quis?* in *posteriore* autem *non*, vel *nihil*, amo, aut desiderio, eam enim vim & hic, ut alibi saepe, habet, qua *nihil* denotat; in utroque membro de *persona* & *re* agitur, ita ut *quis* etiam comprehendat *quid*; quem ulum quoque alibi habet, *fecus* ac nonnullis visum, ut Jer. VI: 10. Jon. I: 8. & alibi.

§. XLII. Quibus admissis, sensus erit facilis & amplissimus, qui huc redit: nullam aut personam aut rem in coelo & terra esse amoris ac delectationis objectum & causam, præter Deum ejusque communionem, aut æque ac Deum, ita ut, comparatione instituta inter Deum & creaturas ac creata omnia, dici debeat, præter Deum nihil amari, aut expeti, nihil adferre delectationem. Verbum *non* proprie est, *inflexit*, præsertim ex *mollitie*, sicut *cera* mollis inflectitur, unde transit ad *inclinationem* cum teneritudine adfectus propensionis, in aliqua re sibi complacentis, & in ea *deliciantis*. Phrasis vero, *non complaceo* in aliquo in coelo & terra *tecum*, duo significare potest, *alterum* tua gaudens communionem, *alterum*, tecum comparatione instituta, vel instar tui, & æque ac te. *Priore* sensu, *tecum* non in terra volo aut delector, est, *tecum* existens non delector in aliquo in terra; uti vers. 23. habuimus, *at ego semper tecum*. Cum Deo autem esse arctam exprimit communionem cum Deo, eamque hoc loco reciprocā, qua & cultum Dei, externum, internum, & favoris ac gratiæ Dei sensum denotat. Hac communione gaudenti declarat, nihil sibi in coelo & terra esse amabile, aut delectabile. Sed *posteriore* sensu *tecum* erit, comparatione tecum instituta, instar tui, æque ac tu. Quem *comparationis* usum subinde habet particula *cum*, uti constat, & ab aliis observatum est. Quo sensu comparative loqueretur, & sibi nihil in coelo & terra æque amabile ac delectabile esse ac Deum, declararet.

Ad.

Admitto rem ipsam, sed comparisonem non in particula *cum*, verum *et*, pro *sicut*, quærerem; quia *cum Deo* alio sensu modo adhibuerat, ut vidimus. Substituatur itaque pro *et tecum*, *sicut tecum*, præterea construatur cum præced. & seq., cuncta fluent pronò alveo. *Quis mihi in coelis sicut tecum*; scilicet amoris & oblectationis objectum & causa? *sicut tecum non vel nihil volupe habeo in terra*. *Sicut tecum* itaque est, sicut tecum esse, tua frui communione; ut supra habuimus, & sensus erit, nihil in coelo ac terra æque oblectare, ac *cum Deo* esse. In quo existimaverim acquiescendum esse. Ceterum, haud infrequenter inservit in sententiis & similitudinibus *comparationi* & *exæquationi*, pro *ita*, vel *sicut*. Pro *ita* sæpe in libro Prov. vid. Schultens a, ad Prov. xxvi: 9. pro *sicut* Jer. xl: 10. xii: 14. xxiii: 13, 14, 39. xxxii: 44. & alibi.

§. XLIII. γ. Subnectit denique *spem* suam, ex fide & amore Dei oriundam, vers. 26. *Assumpta sit caro mea*; *et*, vel *at*, *cor meum* *petra cordis mei*, *et portio mea Deus* est, vel *es, in æternum*. h. e. Quæcunque mihi acciderit afflictio, ipsum meum corpus penitus sit consumtum; animo tamen non deficiam, *spem* & fiduciam meam non perdam, sed in Deo me erigam, & animosus ero; est quippe Deus *rupes*, seu firmitas immota, cordis mei, & fors mea hæreditaria, in cuius communione beatus ero in æternum. Prius membrum, *consumpta est caro mea et cor meum*, varie exponitur, ab aliis de vehemente desiderio, ab aliis de corporis & animi, seu *cordis*, tanquam principii vitalis, defectione, sive in hac vita, sive in morte. Sed neutra expositio conciliari potest cum seq., ubi Deus dicitur *rupes cordis ejus*, ne alia memorem incommoda, quibus utraq. premitur. Cum Deum mox adpellet *rupem cordis sui*, de *cordis* defectione censerì nequit locutus, sed contra confessus, se animositatem suam, Deo nixum tanquam *rupe*, retinere, etiam in carnis consumptione, adeo ut sensus sit: consumpta fuerit caro

Ad Prov. xxvi: 9.

caro mea, ad cor tamen meum quod attinet, illud in Deo; tanquam *rupe*, stat firmum & immotum; qui etiam est, eritque, *fors* mea in æternum. Dividit itaque versus sese in *duo* membra, quorum *prius* statum externum afflictionis & mortis, per modum *positionis*, depingit, *posterius* internum animi statum in ea calamitate exhibet. *Prius* his verbis, *consumpta est*, vel *sit*, *caro mea*, h. e. corpus meum, una cum statu meo in hac vita, ejusque relatione ad res hujus seculi, penitus sit e medio sublatum, & tanquam tabe diffluerit. Phrasis denotat totalem corporis, & status hujus vitæ, destructionem: ut facile cernitur. Verbum *נָחַץ* ex origine sonat *complicuit*, *convolvit*, unde metonymice *complevit*, *consummavit*, nam complementum seu consummatio rei est veluti *complicatio* ejus censenda, per quam *absolvitur*, *perficitur*, & *ultimam* accipit manum *a*. Usu suo de re evanescente adhibetur, ut *fumo* Ps. xxxvii: 20. *nube* Job. vii: 9. in specie de consumptione *tabis*, uti hoc loco, ubi *carni* adplicatur. Significat itaque totalem corporis destructionem, qua tabe sua mortalitatis diffluit, & perit: sed præterea, *consumpta est caro*, hypothetice sumendum est, aut per modum positionis, sive *נִסִּי* *si*, sive *כִּי* *quum*, subintel- ligatur; quod posterius malim.

§. XLIV. *Posterius* membrum firmitatem & fiduciam cordis in eo statu mansuram, ejusque originem & fundamentum, repræsentat, oppositæ ad *carnis* consumptionem & destructionem, his verbis, *at cor meum*, *petra cordis mei* & *portio mea* *Deus* est, vel *es*, *in æternum*, prout sermo censetur ad Deum continuare, vel de Deo fieri, per subitum orationis flexum; subintelligi enim æque potest *es*, ac *est*; quod tanti non est. Declarat vir pius, se, corpore deficiente, spem & fiduciam suam retinere integram, in Deo repositam, & ab ipso ortam, esse enim Deum *rupem cordis sui* & *portionem in æternum*, adeoque in ipso cor habere suam firmitatem, & in ejus communione sortem suam beatam in æ-

Ecc

ternum

a Schultens ad Prov. xvi: 35.

ternum. Quæ nihil habent difficilis. Tantum notetur, vocem, *cor meum*, stare seorsim, & absolute sumi, adeoque idem esse, ac quod vero *ad cor meum adinet*, uti vers. 28. & ego. Quod satis usitatum in Script. S. est *a*, etiam apud exoticos *c*, ne alios citem. Ceterum *cor* pro animo, & animositate, ac firmitate ejus, sumi, tralaticium quoque est.

§. XLV. Tertia & ultima Pf. pars, per modum conclusionis, diversam & oppositam impiorum & piorum conditionem, *illam* infelicem, *banc* beatam, complectitur, vers. 27, 28. *Profecto ecce! longe a Te remoti peribunt, exscindes omnem fornicatione a Te discedentem: at ego, adpropinquatio Dei mihi bonum est, ponere meum in Domino Jehovah perfugium meum, ad enarrandum omnia opera tua.* Præmittitur pericopæ *an* *quia ecce!* seu *profecto ecce*, majoris adseverationis ergo, & ad attentionem excitandam; adeoque recte habetur pro *conclusionem* Pf., qua poeta cum adseveratione tandem thesin repetit, in principio positam, vers. 1., & forti impiorum opponit: *quia* itaque recte pro particula adseverativa, ut sæpe alias, habetur, & *profecto*, enim vero, *utique*, vertitur. Continet vero pericopa, *n.* impiorum miseram sortem, vers. 27. *a.* piorum felicem & beatam, vers. 28.

§. XLVI. *n.* Prius his verbis, vers. 27. *longe a te remoti peribunt, exscindes omnem a te scortantem.* Quorum duo sunt membra, idem fere significantia, nisi quod posterius sit restrictius, & prioris explicatio. Peccatores & impii in priore membro adpellantur *longinqui a Deo*, in posteriore *omnis a Deo scortans*; in priore dicuntur *perituri*, in posteriore *exscindendi a Deo*. *Longinqui Dei* sunt, qui a vera & salutari scientia, fide, amore & timore, denique obedientia & cultu, Dei sunt remoti, & alieni, adeo ut, quod

a Glass. Gr. f. I. III. tr. I. can. 28. *b* Vid. Doctissimi Duumviri Hemsterhuis ad Lucian. contempl. p. 493. & Wesfeling ad Diod. Sic. p. 148.

quod impiis in ore alibi datur, dicant, si non verbis, utique re ipsa, *recede a nobis, in viis tuis non complacet nobis: quis est Deus, quod ipsum audiremus &c.* sicut verbum *אמר* aliquando *averruncare* denotat, occasione arrepta ex formula, qua quid cum detestatione averruncatur, voce *אמר* adhibita, q. d. *longe faceſſat* Job. xi: 14. In posteriore membro cum *ſcortantes a Deo* adpellantur, digitus in specie ad eos intenditur, qui, arctiore vinculo Deo obſtricti per foedus, ab eo longius diſceſſerant, & ei nuncio miſſo ſeſe aliis Diis ſeu idolis, proprie vel improprie dictis, copulaverant: quales ſunt impii inter Iſraelitas; adeo ut, quod modo generalius de omnibus improbis dictum erat, nunc ſpecialius ad Judæos idololatrias & improbos qualescunque adplicetur, & eorum crimen adgravetur: acſi haberetur; *longinqui a Deo* qualescunque *peribunt*, in specie illi inter eos, qui a Deo fuerint *ſcortati*, vinculum arctius, quo cum Deo colligati erant, rumpentes, & a Deo, tanquam Domino & marito ſuo, ad idola deficientes. Phraſin, *ſcortari a Deo*, eſſe prægnantem, & dicere, a Deo legitimo Domino deficientem ſeſe aliis non Diis copulare, tralaticium eſt, nec uberiore indiget illuſtratione. Tantum notetur, litteralem & proprie dictam idololatriam non tantum intelligi, ſed & Spiritualem, qua quis Deo, ejusque legi & cultui, ſimul renunciat, ſeſeque improbitati & cupiditatibus carnalibus ac ſecularibus addicit &c. Quæ duæ idololatriæ ſpecies paſſim conjunctæ erant, & pari paſſu ambulabant. Videamus nunc de ſorte eorum. In *priore* membro habetur, eos eſſe *perituros*, in *poſteriore*, a Deo eſſe *exſcindendos*, quod poſterius ſicut *prius* explicat, ita gravius malum continet. *Perire* eſt a vera felicitate aberrare, & in perniciem ruere, inſtar ovium diſſipatarum & pereuntium; de quibus hoc verbum, etiam uſu *oberrandi*, *vagandi*, uſurpatur. Senſus itaque eſt, eos a Deo vero paſtore, ejusque tutela & communione, *longe* remotos per inſcitiam voluntariam, & impietatem, veram felicitatem perdituros, & in malam rem

abituos esse. *Posterius* cum perniciiei autorem, tum gravius exponit iudicium; cum Deus dicitur, eos *excisurus*; proprie gravissima & lethali plaga adfecturus ad totalem destructionem animi & corporis. De quo supra diximus ad vers. 18, 19. Radix proprie denotat, *silere*, *conticere*, inde in Pih. & Hiph. ad *silentium redigere*, vel silente plaga, altissime penetrante, perdere & conficere: *ictus* enim silens est penetrantissimus, & lethalis, cum *sonans* resistat plerumque, nec tam alte penetret.

§. XLVII. 1. De piorum erga Deum longe alia adfectione, & statu beato, in sua persona hæc in verba loquitur, vers. 28. *Et, vel at, ego, propinquitat Dei mihi bonum, ponere me in Domino Iehova perfugium meum, ad enarrandum omnia opera tua.* Cum se impiis opponat, i. in ימי & ego, recte verti *at, vel sed*, facile patet, nec emphasi caret illud, & ego, absolute positum, pro *ad me quod adinet*, ut supra vers. 26. observavi; indicat enim, se intimas suas cogitationes, & fixum, ac bene ponderatum, iudicium proferre. Declarat autem, se in eo verum & summum suum bonum, in hac & futura vita, collocare, quod Deo prope adhærescat, in eo suum quærat perfugium, & opera Dei perscrutetur, ac enarret & celebret. Et si enim voces, *mihi bonum est*, subnectantur *adpropinquationi Dei*, porrigunt tamen sese etiam ad sequentia, quibus præmissæ sunt; quemadmodum sæpe alias cum præced. et seq. construuntur voces; ut sæpe observavi, et nuper ad Mal. adstruxi variis exemplis. *Tria* itaque memorat sibi maxime jucunda et salutaria, quin absolute et summe *bonum*, in hoc et futuro seculo, i. *adpropinquationem Dei*, nim. in fide et amore Dei, utriusque exercitio Deum contemplando, colendo et omni modo glorificando, oppositæ ad *longinquum a Deo esse*, & ab ipso *scortari*, vers. 27. Active enim sumi debet pro *adpropinquatione* hominis Deo, et non Dei homini, licet cohæreat hæc cum illa; ut est Jac. iv: 8. *adpropinquate Deo, & adpropinquabit vobis.* Conf. etiam Jes. LVIII. 2. *delectantur*

tur adpropinquatione mei. Supra vers. 23—25., hanc fidem & charitatem, cum utriusque exercitio, fufius exposuerat, & nos explanavimus; quare plura non addam. 2. *Ponere in Domino Jheova perfugium:* quod ad spem, fiduciam, & certam expectationem conservationis, & salutis, vers. 26. memoratam, pertinet; nec uberiore luce quoque indiget. 3. Denique subjungit, *ad enarrandum opera tua omnia:* quibus Lxx. substituerunt verba ex Ps. ix: 15., ut recte Muis & Capp. Crit. a, desumpta, *ut annunciem omnes laudes tuas in portis filie Tfionis:* quæ pro additamento Interpretum, non variante lectione, habenda esse, facile adparet. *Omnia opera Dei* cum memorantur, sine restrictione intelligendum est de operibus vere Divinis in natura et gratia; eorumque variis dispensationibus, quas *oeconomias* adpellamus: eas *enarrare* est, cum mente calculare, tum ore ordine recensere; quod utrumque verbo עָנַן est involutum. Ceterum עָנַן *ad enarrandum*, vel est simpliciter *enarrare*, et ad *bonam mibi* est referendum, ut reliqua duo præcedentia, vel tanquam fructus et consequens *adpropinquationis Dei*, ac ponere in Deo perfugium, sive fidei, charitatis, et spei, consideratur: quando *ad* idem erit ac *ut*; et consequens ac fructum dicit, uti sæpe alias.

• p. 93.





P S A L M. LXXIV.

1. *Carmen maturans, seu sapientem & felicem reddens, Asaphi. Quare, o Deus! aversatus es? in purum putum, seu plene & perpetuo, fumabit nasus tuus in oves pascui tui?*
2. *Recordare coetus tui, quem acquisivisti olim, redemisti, virgæ hereditatis tuæ, montis Tſionis hujusce, quem inhabitasti.*
3. *Adtolle gressus tuos ad vastitates puras putas. Univerſum quaſſavit hostis in sancto.*
4. *Boarunt infensissimi tui hostes in medio conventuum tuorum, posuerunt signa eorum signa.*
5. *Innotescet, sicut qui infert superne in perplexum arboreti secures,*
6. *Et, vel quod, nunc cælaturas ejus, vel ſab, pariter in pastore & malleis contudent.*
7. *Miserunt in ignem sanctuaria tua, in terram profanarunt habitaculum nominis tui.*
8. *Dicunt apud animum suum, eradicabimus eos uniter, combuſſerunt, vel ut ceſſent, omnes conventus Dei in terra.*
9. *Signa nostra non videmus, non est amplius propheta, nec nobiscum ſciens, quousque.*
10. *Quousque probro deſtringet, Deus! hostis? feroci niſu fugabit nomen tuum inimicus? an in purum putum?*
11. *Quare reduceres manum tuam, & dextram tuam, e medio in ſinum tuum ad conſummationem?*
12. *Itaque Deus, rex mi ab antiquo, liberationes perficiens in medio terræ.*

13. (Tu

13. *(Tu æstare fecisti ac incidisti robore tuo mare, confregisti capita cetorum super aquis.*
 14. *Tu tundendo contrivisti capita Leviathanis, dedisti ipsum populo in cibum. Aridis*
 15. *Tu fidisti fontem & torrentem, Tu arefecisti flumina perennitatis.*
 16. *Tibi dies, etiam Tibi nox; Tu continuo & firmo ordine disposuisti luminare & solem.*
 17. *Tu constituisti omnes terminos terræ; æstatem & hyemem Tu formasti).*
 18. *Recordare bujus: inimicus probro defringit Jehovah, & populus flagitiose stultus feroci nisu fugat nomen tuum.*
 19. *Ne tradas catervæ feræ animæ, vel voraci, turturem tuam; catervæ humilium tuorum ne obliviscaris in purum putum.*
 20. *Acri oculo intueri foedus; quia plena sunt violentia tenebricosa terræ, mansionesque.*
 21. *Ne adritus ignominia fractus redeat, adflictus, seu humilis, & pauper jubilis laudabunt nomen tuum.*
 22. *Surge, Deus! litiga litem tuam, recordare opprobrii tui a mihi stulto omni die.*
 23. *Ne obliviscaris vocis hostium tuarum, strepitus insurgentium in te æstuantis jugiter.*

PROLEGOMENA.

§. I.

Argumentum Ps. est, populi Dei, ab ipso redempti & in peculium adferti, simul Dei & religionis studiosi, nunc vero singulari Dei judicio, iræ ejus signa præferente, tra-

traditi in manus hostium truculentorum, & Dei æque ac populi inimicorum, gravissimaque calamitate, in totalem populi extirpationem exitura, oppressi in ipsa terra Cananæ, qua, religionis cultu abolito, & cum idololatræ commutato, populus a totali destructione prope aberat, querula & ardentissima *precatio*, ad Deum, pastorem, patrum & servatorem suum, ab antiquis temporibus, directa, qua supplices petunt, ut Deus iram remittat, rationem fœderis & relationum suarum ad Deum habeat, vastationes & miseras suas præsentis, & mox futuras, ad animum revocet, hostium horrendas insultationes, Deo ipsi, ejusque præclaris & stupendis operationibus in gratiam quoque populi factis, summe contumeliosas, amplius fusque deque non habeat, denique hostes reprimat, et populum tenuem, et viribus destitutum, sese hostibus opponentem, et ad liberationem suam efficiendam sese adcingentem, potente manu adjuvet, ac in libertatem vindicet, ut Deum celebrandi habeat occasionem. Incipit populus cum deprecatione iræ Dei in se accensæ, ratione ducta ab arcta ejus ad Deum relatione; dein Deum excitat ad miserabilem statum suum prope inspiciendum; cujus lineas fortioribus coloribus depingit, cum præsentis calamitatis respectu, qua sacra erant abolita, tum mox futuræ, qua actum foret de toto populo: hinc sese vertit ad horrendam hostium insultationem, Deo et religioni factam, describendam, quam ex consideratione summæ Dei majestatis et potentæ, multis stupendis facinoribus demonstratæ, exaggerat, ut Deo non amplius ferendam esse urgeat. Denique preces fundit pro illis, qui causam Dei agere adgressi erant, ut Deus ipsis vires sufficiat, & triumphabundos redire faciat ad Deum glorificandum, hostibus prostratis.

§. II. Quod argumentum ut in vero suo lumine collocetur, *characteres* quidam ex Ps. cruendi sunt, quorum alii ad populum, ejusque qualitates & statum religiosum, qui hic introducitur loquens, pertinent, alii ejus afflictionem definiunt,

niunt, alii hostium lineas ducunt, alii denique ad eos de populo respiciunt, qui sese hostibus opponebant. Quos omnes ordine recensebo. *a.* Quod ad populum, ejusque statum in genere, adinet *a.* indubium est, populum *Judeum* hic in scenam produci. 1. Quod a Deo *olim* in hæreditariam possessionem redemptus & acquisitus occurrat, cujus rex ab antiquo fuit Deus, vers. 11, 12. 2. Montis *Tfionis*, tanquam sedis Dei, fiat mentio, vers. 2. 3. Quod *sanctuarium* ab hostibus violatum, vers. 3, 4. & *habitaculum* nominis Dei, cum omnibus per terram locis religiosis, comburendum dicatur, vers. 7, 8. 4. Denique, quod signa & prophetæ ipsi adtribuuntur, quorum defectu nunc laborabat, vers. 9. *b.* Nec illud a vero abhorret, populum fuisse Dei & legis ac religionis studiosum. Venit enim epitheto *ovium pascui Dei*, vers. 1. & emblemata *turturis* ejus, vers. 19., conqueritur præcipue de signis suis sublatis, locis sacris combustis, & nomine Dei per hostes blasphemato; vers. 6—8. 10, 18. præterea indicat, Deum non posse adeo irasci populo, ut eum repellat, vers. 1. *c.* In specie notandum est, non unum fuisse in *Cananæ* hoc tempore locum sacrum Hierosolymis, sed plura alia per totam terram, vers. 8. Si is sit loci sensus. *d.* Nec illud negligendum est, caruisse populum hoc tempore *prophetis* ordinariis, & proprie dictis, quibus antea semper gavisus erat, vers. 9. Denique *e.* mihi observasse videor, in medio populi fuisse profanos & improbos, fœderis violatores manifestos. Quo vers. 20. digitum intendi autumaverim, ut suo loco patebit: quod etiam pro hypothese habet *ira Dei in populum accensa*, vers. 1.

§. III. *β. Ad afflictio*, quæ hoc tempore populum oppres-
sit, 1. occurrit tanquam *judicium* Dei in populum, & iræ Dei, in eum accensæ, speciem referens, vers. 1. 2. ab hostibus truculentis, & Deo, ejusque religioni, infestis, profecta, ut mox videbimus. 3. In sanctuario Dei violato, ac spoliato, religiosis signis abolitis, & idololatricis sub-

stitutis, nec non nomine Jehovæ blasphemato, & piis ad necem quæsitis, sita. vers. 3, 4, 9, 10, 18, 19. 4. Accessit præsentissimum periculum extirpationis totius reip. & Ecclesiæ: quam hostes in animo habebant, & minabantur, simul de ea, tanquam peracta, gloriabantur. Hunc enim existimem verum esse conspectum pericopæ, vers. 5—8. secus ac Interpretibus visum est, qui vastationem jam factam ibi describi putant; cum de futura, & mox futura, tantum agatur; uti ex verbo fut. temp. *וַיִּרְאֵהוּ* innotescet, seu constabit, divulgabitur, quocum incipit pericopa, vers. 5. colligi potest, & ex vers. 8. *dicunt in corde suo*, &c. manifestum est. De quo postea. Quod probe observatum nos ad *tempus*, de quo hic agitur, definiendum ducet. 5. Denique adgravabat afflictionem, quod de *eventu* ex revelatione Dei per prophetam aliquem non constaret, vers. 9. & populus esset imbecillis, ac viribus orbis, ad hostibus resistendum sine extraordinario Dei auxilio, vers. 11. Quod etiam innuitur vers. 12. &c. 6. Postremo notandum est, populum hic sibi afflictum in Cananæa, & non in exilio, cum quod exilii nullum reperiatur indicium, tum quod vers. 9., ubi queritur, *quod sua signa non videat*, indicetur, eum versari in loco, ubi ea esse debebant. Addunt aliqui, idem innui, vers. 2. ubi *hic mons Tzion* adpellatur; sed particula *in* etiam ab absente, digito locum monstrante, potest usurpari, ut Ps. LXVIII: 9. & alibi.

§. IV. *γ.* Hostium, hujus calamitatis præsentis & futuræ auctorem, *characteres* præcipue tres sese offerunt 1. *Primus* est, quod fuerint *idololatra*, vers. 4. 2. *Secundus*, quod sævi & truculenti, qui contra jus & fas innocentem populum ad internecionem delere voluerunt, & in eum violenter grassati sunt, vers. 3, 8, 20. 3. *Tertius*, quod Jehovæ Deo Israelis, & ejus populo, qua tali, fuerint summo gradu infesti, qui Jehovam convitiis prosciderunt, ejus cultum extirpare voluerunt, & populum Dei penitus de terra delere; ibid. & vers. 10, 18, 23. Veri itaque persecutores

sectores religionis causa. *§.* Hisce, ad tempus afflictionis ulterius definiendum, addere liceat, fuisse jam in medio populi Dei aliquos, qui sese hostibus palam opposuerunt, licet paucos, & nullarum fere virium; quo nos ducere videtur vers. 21. ut suo loco patebit.

§. V. Hi characteres cum clarissime & unice in tempore afflictionis Epiphaniæ convenient, ut mox in anacrisi videbimus, oportet, vel de tempore & occasione Ps. compositi nihil constet, vel eo ipso tempore a viro pio, & divinitus inspirato, sit factus. Quod *posterius*, sicut nonnullis placet, ita sese eo commendat, quod *prophetici* spiritus aulum occupat indicium, sed populus hic introducatur precatorem simpliciter instituens, quo tempore afflictio illa vigebat; ipsa calamitas historice, tanquam præsens, depingatur; oratio quoque emphatica quidem & adfectuosa, sed plana & facilis, non ut prophetis in usu est, sed a præsentibus adhiberi solet. Accedit, non deesse exempla odorum temporibus Epiphanicis & Maccabaicis factarum; uti a Doctis abunde comprobatum est. Accedit, phrasin, *omnes conventus Dei in terra*, vers. 8., qua loca sacris dedicata per totam terram Cananæam indicantur, ut deinceps observabo, antiquitus fuisse insolitam, nec nisi post exilium Babylonicum, quando synagoga erecta sunt, in usu esse coepisse: solent autem prophetae phrasibus sui temporis uti, ut constat. Atenim scrupulum injicit haud levem inscriptio Ps., quæ canticum hoc adtribuit *Asapho*; quo nomine celebris fuit propheta & poeta sacer tempore Davidis: videtur etiam aliquis sub Hiskia floruisse, 2 Reg. xviii: 18. Alteruter si intelligendus sit, Ps. habendus est totus propheticus, a vate, in extasi raptò, & in temporis Epiphaniæ contemplationem ducto, compositus, quo populum ejus temporis introduxit querentem & supplicantem. Quod a stylo prophetico non abhorret, & in Ps. propheticiis quoque locum habet, ex. gr. Ps. xvi. de Messia, & cxxiv. de oppressione Senacheribi autore Davide. Quæ hypothesis a

liquid roboris acquirit ex 1 Macc. vii: 16. ubi verba Pf. LXXIX., qui Afaphi nomen etiam præfert, citantur, tanquam tunc impleta; verba, *secundum verbum, quod scripsit* scilicet, aliquis, vel qui scripsit, indicant, factum illud esse convenienter verbo prædictionis, olim litteris consignato: quam *prædictionis* notionem aliquando habet λόγος, ut Luc. i: 20. Marc. xiii: 31. Joh. xii: 38. Ex quo colligendum est, *sermonem* illum jam antea fuisse prolatum. Quo admissio, de *tempore & occasione* Pf. compositi nihil plane affirmari potest, conjici tamen, si Afaphus tempore Hiskia pro autore habeatur, invasionem Senacheribi ansam præbuisse, cum Senacheribi & Antiochi Epiphanis facinora in Judæos in nonnullis aliquid simile habeant, præcipue respectu *probr*i, in Deum & populum ejus conjecti; cujus hic specialis sit mentio. Sed nihil de his omnibus definitio; nec res tanti est, cum Pf. eadem sit & maneat autoritas, a quocunque sit concinnatus. Quod si quis poetam tempore Antiochi Epiph. velit vixisse, oportet, vel tunc fuerit ejus nominis vir divinus, vel nomen *Afaphi* fuerit deinceps, ansa a primo celeberrimo illo sub Davide arrepta, divinis poetis commune factum.

§. VI. *Scopus* Pf., ex ejus argumento sese facile prodens, est, publicum erigere, in usum Ecclesiæ omnium temporum, *monumentum* summæ afflictionis, in quam incidere possit, & quam subitura sit, ne fides & pietas aliquid detrimenti capiat, cum ingruerit; præterea informare populum Dei, qua ratione sese eo tempore habere & gerere, quo modo preces ad Deum fundere, debeat, & quibus rationibus urgere earum exauditionem possit, formula precum eum in finem ei in manus tradita. Quo titulus מְמַלֵּךְ *maturans*, vel sapientem ac prudentem reddens, & felicitatem promovens, etiam ducit. De quo dixi ad Pf. xxxii. Ex quo de *usu* Pf. per omnia tempora facile constat.

§. VII. *Structura* Pf. nihil habet singulare aut difficilis. Populus Dei, tempore afflictionis, introducitur loquens
modo

modo in sing., modo plur., numero; quo utroque potest populus, nec ullum exstat diversarum personarum loquentium indicium: secus ac Cl. Tillius putat, qui vers. 12. censet personam majore fiducia animatam sermonem ordiri fiduciæ plenum, sine ulla ratione, & ex male intellecto pericopæ sequentis conspectu, de quo. postea. *Oratio* vero ubique ad Deum, per modum precationis, vertitur, absque ut ad alium flectatur; ne quidem vers. 18. uti videri posset; ubi non *hostem* adloquitur, sed *Deum*, & de hoste in tertia persona. *Stylus* est emphaticus & adfectuosus, sed planus & facilis. *Partes*, in quas dispesci potest commode, sunt præcipue *quatuor*. I. *Prima* continet supplicationem cessationis iræ Dei in populum accensæ, ex consideratione relationum Dei ad eum. vers. 1, 2. II. *Secunda* Deum excitat ad vastationes reip. & Ecclesiæ, partim præsentis, partim mox futuras, ni Deus avertat, contemplandum, & & iis succurrendum quam citissime; & earum vastationum vivam continet picturam, vers. 3—9. III. *Tertia* Deo ob oculos ponit horrenda probra ab hostibus, in Deum, & populum ejus, conjecta, sed in Deum, & facinora ejus in mundo edita, adeo injuriosa, ut ferri amplius nequeant. Quæ potentiæ Dei signa recensentur, & inde colligitur, Deum non amplius tolerare debere ejusmodi contumelias. vers. 10—18. IV. *Quarta* comprehendit preces pro liberatione populi a nece, & ope iis præstanda, qui causam Dei agebant, vers. 19—23.

A N A C R I S I S.

§. VIII. Licet Interpretes, qui intra Ecclesiæ Judaicæ limites sese continent, qui soli audiendi sunt, cum Ecclesiæ Christianæ nulli hic occurrant characteres, omnes in Judaicam conveniant, ut facile patet ex montis Tſionis, Templi & synagogarum, mentione, nec non querela de prophetarum defectu, ne alia memorem; licet, inquam, illi circa

tempora exilii Babyl., adfectionis Epiphanicæ, & destructionis Romanæ divisi sunt; tot ac tam certi calamitatis Epiphanicæ occurrunt characteres, ut de scena Pf. in ea figenda dubitari amplius nequeat. Sed quatuor inprimis sunt; qui in solam Epiphanicam quadrant *α. Primus* est, quod cultui Dei abolito substitutus fuerit idololatricus in Templo, vers. 4. *β. Secundus*, quod Templum non fuerit plane destructum, sed violatum & profanatum, vers. 3, 4. Putant quidem Interpretes, sanctuaria Dei describi vers. 6—8. tanquam actu combusta; quod in tempora Epiphanica non quadra- ret, & eos in angustias conjecit, qui nobiscum sentiunt; sed errant, cum non de actuali combustione, sed proposi- to hostium, & eventu, si Deus non avertat, ibi tantum agatur, ut supra observavi, in seq. latius deducam. *γ. Ter- tius* est, quod eo tempore nullus fuerit propheta, aut qui certo sciverit, quousque adfectio tenderet, vers. 9., & pii propterea habuerint querelæ materiam. Tempore enim Chaldæorum fuerunt Jeremias, Ezechiel, Daniel & alii; & finis exilii satis erat declaratus & notus; tempore Roma- norum nec ratio erat hac de re querendi, nec ignotum e- rat piis, quid de rep. Judaica fieret. *δ. Quartus* est, ho- stes intendisse, & in eo fuisse totos, ut religionem Judai- cam penitus cum populo deleverent, & Deum ac populum probro adficerent ac contumelia; vers. 4—8, 10, 18, 22. Quod nec Chaldæi, nec Romani, in animis habuerunt, sed soli Syro-Macedones, uti notum est.

§. IX. Solet quidem huic hypothesei opponi, Templum & sacra non fuisse per Antiochum combusta, nec tam diu durasse eam adfectionem, ut *vastatio æterna* adpellari possit, vers. 3. & de ea dici, *quousque* vers. 12. Sed utrumque ex perverso phrasium intellectu originem repetit, cum *prius* hic non tantum non habeatur, sed contrarium, & *posterius partim* de proposito hostium, & eventu, nisi Deus impe- diat, sit capiendum, *partim* ex ignorantia exitus & metus populi fuerit ortum; quia nemo sciebat, *quousque*; vers. 9.
hinc

hinc illa interrogatio, *quousque?* vers. 12. & an in *purum putum*, vel æternum? vers. 1, 10. Quæ ex seq. tractatione clariora fient. Acquiescimus itaque in hac hypothefi; & secundum eam instituemus explicationem; tantum addo, eo in tempore scenam Pf. esse figendam, quo afflictio aliquandiu duraverat, & hostium propositum de totali abolitione populi Dei innotuerat, præterea pii, & zelotæ legis, sese jam palam inceperant hostium moliminibus opponere; ut ex criteriis, supra prolatis, satis patet. Quod sub Juda Maccabeo imprimis factum est, antequam Templum receperunt, & purgarunt, Maccabæi.

E X P L I C A T I O.

§. X. *Prima* Pf. pars comprehendit precationem cessationis iræ Dei, & renovationis gratiæ ac favoris Dei, ratione movente, a relationibus Dei ad populum desumpta, munitam, vers. 1, 2. *Quare, o Deus! cum fastidii aversatus es? in purum putum? fumabit nasus tuus in oves pascui tui? recordare cæcus tui, quem acquisivisti olim, redemisti, virga hæreditatis tuæ, montis Tſionis hujusce, quem inhabitasti.* h. e. Cum nos tanquam foetidos fastidire videaris, iræque tuæ vehementioris in nos accensæ signa præbeas, o Deus! quæ te movit ratio? quodque tuum est in eo propositum? an ut plenissime & perpetuo talis erga nos sis? tuæque ira in nos effunderetur perfecte & semper? fieri id non potest, eum simus populus tuus, cujus tu es ductor & defensor; renova itaque gratiæ & favoris tui influxum, & ad animam revoca, nos a te ab antiquo esse redemptos & acquisitos in populum peculiarem & hæreditarium, & montem Tſionis esse illum, quem tibi sedem elegisti, & insediſti hucusque, tanquam ubi majestatem tuam exferis, & cultus tuus est stabilitus. Verba pro hypothefi habent, Deum *exarſiſſe*, & *nasum ejus fumare in populum*; rogant enim, *quare*, &
an

an *in purum putum?* de quo mox. Verbum נון, quod *repudiare, rejicere*, verti solet, propriam sedem habet in *fi-*
dendo, altius demergendo, & de aquis adhibetur *stagnanti-*
bus, quæ sidentes fœtent, unde *fœtoris* usus fluxit. Hinc,
 inter alias metaphoricæ notiones, orta est animi irati, in-
 dignabundi, & odio inveterato corrupti, nec non aliquid
 tanquam *rancidum* & fœtidum, averſantis ac repellentis a.
 Soletque adſiſſioni Epiphanicæ & alibi, ut hic, adplicari:
 ſicut Pf. XLIII: 2. XLIV: 10, 24. LXXVII: 8. Additur *iræ* Dei
 demonſtratio, phraſi metaphorica *naſi fumantis*; quemad-
 modum voces reddendæ ſunt, non, ut ſolet, *fumabit ira*
tua, ſed *fumabit naſus tuus*, ad vehementiorem iram ſigni-
 ficandam; uti Pf. LXXVIII: 21. עלה אף *adſcendit naſus*, pro-
 prie *ebulliit, æſtuavit*; cui contraria eſt phraſis אף שב *rediit*
naſus, reſedit, ſedatus eſt, ad modum ollæ impetum re-
 mittentis. Significatur itaque, Deum gratiam ſuam ſubtra-
 xiſſe ex ira, & populum ſuum in manus hoſtium tradidiſſe
 juſto ſuo judicio, per *iram Dei* exprimi ſolito, uti notum
 eſt. Prætulit vero hunc conſpectum in primis adſiſſio E-
 piphonica, qua Deus impios populi delevit, & pios caſtiga-
 vit, & ex ſopore excitavit, ſeveriſſime, ſecundum ver-
 bum propheticum, Jeſ. XXVI: 20. LIV: 8. Dan. VIII: 19. XI.
 36. & hiſtoriam, 1 Macc. II: 49. 2 Macc. VII: 38.

§. XI. Rogant nunc Deum, *quare averſatus fuerit?* num
in purum putum? & mox ſubjungunt, fieri non poſſe, ut *na-*
ſus Dei in perpetuum fumaret in populum ejus, quippe
oves paſcui ejus. Hac enim ratione verba cenſeo capienda
 eſſe. Imo dicunt, *quare, Deus! averſatus es?* h. e. quæ tan-
 tæ ſubductionis favoris & opis tuæ eſt ratio? quodnam
 tuum ea in re propoſitum, quis ſcopus? Rem mirabilem &
 paradoxam eſſe ſignificant, Dei omniſufficientiæ & bonitati,
 ſimul relationi ad populum, & promiſſis, ut videbatur,
 contrariam. Addunt 2. itidem rogantes, *in purum pu-*
tum? h. e. pleniffime, & perpetuo. Vox נון proprieta-
 tem

a Vid. Cl. Schroeder ad orig. Hebr. c. v.

tem habet in *puro puto, sincero, delibato*, & usu suo dicit, *cum* plene & perfecte, *tum* perpetuo, adeoque sine mixtura, temperamento ac remissione. Hic autem per se stat, & interrogative capi debet, ut sit pro *נָחֵל*, uti Ps. LXXVII: 8. *נָחֵל אֱלֹהִים an in secula?* ita quoque Ps. XIII: 2. *quousque, Jebova, oblivisceris mei?* *נָחֵל in purum putum?* pro an plene & perpetuo? Ferenda enim phrasis non est, *quousque in perpetuum oblivisceris me?* nec nostro loco construi potest hæc vox cum præced., licet ita soleant Interpretes, quia non in fut. habetur *aversaberis*, sed *aversatus es* in præter. Phrasis, *quare aversatus es in purum putum*, admitti nequit, cum, Deum perfecte & perpetuo id fecisse, dicere nolint nec possint. Rogant itaque, *num plane & perpetuo?* & indicant, illud nimis esse paradoxum & absurdum, quam ut cogitari aut statui possit. Denique 3. subjungunt, *fumabit nasus tuus in oves pascui tui?* sive, *quare fumabit in purum putum*, sive, *an in purum putum fumabit, nasus tuus?* &c. prout vel *נָחֵל quare cum נָחֵל in perpetuum* ex præced. repetatur, vel simpliciter *נָחֵל in purum putum*, interrogative sumtum. Quod perinde est, quoad sensum. Indicant, fieri non posse, ut illud verum sit, & illud simul deprecantur, & Deum ab eo dehortantur. Sic & *נָחֵל ob quid? quare?* est *partim* facti indignitatem arguentis, *partim* dehortantis, ut sit: *ne fiat*. Ps. x: 1. & *נָחֵל* ib. 13. ubi vid. Cl. Schroeder. Rationem petunt a relatione Dei ad populum, cum addunt, *in oves pascui tui*. h. e. in nos, qui sumus populus tuus, cujus tutelam & ductum in te suscepisti, & defensorem ac curatorem hucusque te præstitisti, quique sine te non magis, quam imbelles oves, se tueri possunt. Quæ nihil habent difficilis.

§. XII. Subjungunt apte preces pro favoris & auxilii Dei impetratione, novis rationibus munitas, vers. 2. *Recordare cætus tui, quem acquisivisti antiquitus, redemisti, virga hereditatis tuæ, montis Tſionis bujusce, quem inhabitasti*. h. e. cum fieri nequeat, ut plene & perpetuo averseris, ac nasus tuus fumet in nos, qui sumus oves pascui tui; jure &

legitime oramus, ut, te nostri habere rationem, ipso facto demonstres, qui *cætum* tuum constituimus, quem proprio tuo labore tibi comparasti ab antiquissimis temporibus, & deinceps sæpe e manu hostium liberaisti, simul *hæreditas tua*, tibi assignata tanquam iusta divisione & definitione, sumus, & montem Tſionis in medio nostrum habemus, quem tu pro loco & sede majestatis tenuisti semper, tanquam Deus & rex noster. Parum hic est difficilis, quod nostra indiget opera; quare verbo defungar. Duo recollectionis Dei memorantur objecta, ut existimo; *populus Judeus*, & mons *Tſion*. Populus adpellatur *cætus Dei* & *virga hæreditatis ejus*, & de eo adfirmatur, Deum eum olim acquisivisse, & deinceps redemisse: quæ verba ad *cætum* ac *virgam* hæreditatis sese porrigunt, epitheta vero populi Dei elegantiae causa dividunt, quæ alias secum erant jungenda; ac si haberetur, recordare *cætus* tui, *virgæ* hæreditatis tuæ, quem acquisivisti olim, & redemisti deinceps. Epitheton *cætus* Dei præmittit, & *virgæ* hæreditatis ejus ad finem pericopæ subjungit, beneficia Dei interferit, ad utrumque epitheton sese porrigentia. *Virga* itaque *hæreditatis tuæ* cohæret cum *cætu tuo*, & a verbo recordari pendet, æque ac *cætus tuus*; ut sermo ita concinnetur: *recordare cætus tui, quem acquisivisti olim, redemisti, cætus*, inquam, *hæreditatis tuæ*, vel qui est *virga hæreditatis tuæ*. Qua ratione recte fuit oratio, alias impeditior. Populus autem Israelis, qui *cætus Dei* adpellatur, quod sit in unam societatem a Deo, legibus divinitus latis, coactus, ut ipsum colat & celebret, titulo *virgæ hæreditatis* Dei insuper ornatur, quod sit populus peculiaris, a reliquis gentibus separatus, & Deo in specie assignatus in peculiarem & perpetuam possessionem, instar *hæreditariæ portionis*, quæ *pertica* solebat mensurari, & definiri; quare *virga hæreditatis* vocatur. Conf. Ps. xvi: 6. Quod idem epitheton & alibi occurrit, ut Jer. x: 16. & Li: 19. Posset quoque verti per *sceptrum hæreditatis* Dei, & de hæreditate *sceptrigera* intelligi,

ligi, seu libera, simul regia. Sicut Israel *regnum sacerdotale* adpellatur. De quo dixi ad Jer. l. c. *Duo* occurrunt beneficia in Israele, qua talem, collata; alterum *acquisitionis*, alterum *redemptionis*, distincte consideranda; quorum prius ad *populi formationem*, posterius ad *ejus liberationem*, deinceps factam, respicit. Prius habet, *acquisivisti olim*, pro *quem*, scilicet *cetum*, per ellipsin ~~non~~ vulgatissimam; h. e. tibi, tanquam Pater, generando vel adoptando comparasti; simul tanquam filium *extulisti*, & *obumbrasti*, uti additur Deut. xxxii: 16. ubi vid. Cl. Vitranga, & notæ nostræ. *Acquisivit* ea ratione populum, cum ex Aegypto eduxit, in populum formavit, & tutatus est, magno labore, & stupendo opere, ex se generans quasi, & ex pura bonitate, quod *est adoptantis*. Quo etiam respicit vox ~~אב~~ *olim*, antiquitus, quod vers. 12. est ~~אב~~ *ab antiquo*, & Ps. XLIV: 2. *in diebus אב antiquis*, ubi vid. dicta. *Posterius* est, *redemisti* sc. *acquisitum* populum, eum vindicando, cum abalienatus esset, & in aliorum manus incidisset, instar *goelis*, qui fratrem in servitutem redactum liberat, & *hereditatem venditam revindicat*. Quo omnia beneficia liberationis populi e manibus hostium in genere comprehenduntur, quæ in eum deinceps sunt collata. Additur, quod alterum est *recognitionis* Dei objectum, *montis Tzionis*, scilicet *recordare*, *istius*, quasi digito monstrati, ad excellentiam ejus augendam, *quem inhabitasti*; sedem regni & religionis tuæ constituisti & tenuisti, ubi Majestas tua sese ostendit, & cultus tuus exercetur. Quod ulteriore non indiget explicatione.

§. XIII. In *Secunda* Ps. parte, quæ Deum ad præsentem populi & Tzionis statum miserabilem intuendum, & ei succurrendum, excitat, *α.* occurrit propositio *β.* ejus deductio. *α.* Prior his verbis, vers. 3. in priore membro. *Adtolle gressus tuos ad vastitates puras putas*, non faciendas inter hostes, uti acceperunt nonnulli, sed inter nos factas & faciendas, lustrandas & reparandas: versantur enim in mi-

seriæ suæ descriptione, ut ex seq. constat. Adpellant suas calamitates *vastitates puras putas*, ut voces vertendæ sunt, sicut de *מאד* modo vidimus, & de *מאד* ad Ps. LXXIII: 18. non quod diu durarint, ut nonnulli capiunt, de quo hic non agitur, sed quod totalis sit, & in perpetuum duratura, destructio populi & locorum sanctorum, non acsi talis jam esset, sed quod magna jam vastatio erat, & in totalem ac continuam exiret, nisi Deus interveniat; uti ex seq., ubi propositio exponitur, manifestum est, & ex vers. 1. confirmatur, ubi, illud *purum putum* fieri non posse, declarant. Ad has *vastationes* petunt ut Deus *gressus adtollat*, h. e. accedat, quod *pedes levare* dicitur, Gen. xxix: 1. hic signantius exprimitur *gressus adtollere*, ad citum & impetuosum, ac magnificum & potentissimum, incessum significandum; instar herois, qui, gressibus validis in altum quasi sublatis, quibus icitur & pulsatur humus, citissime & magno cum strepitu incedit. Vox *מאד* proprie notat *tusionem*, præsertim *pede*, & *obculationem*. Deus itaque hic introducit, tanquam qui sese a populo longius remotum gesserat; qui excitatur ad coram intuendas vastationes, quæ mox puræ putæ & perpetuæ fierent secundum hostium intentionem, simul eas reparandas.

§. XIV. β. In propositionis deductione, qua vastitatum illarum conspectus datur plenior & accuratior, a. præsens vastatio exponitur, vers. 3, 4. b. futura repræsentatur, vers. 5—8. c. miseria populi ex eventus incertitudine amplificatur, vers. 9. a. Præsens afflictio, 1. in genere, 2. in specie, describitur. 1. In genere his verbis, vers. 3. *Universum quassavit hostis in sancto*. h. e. vastationis nostræ, cujus meminimus, ut clariorem præbeamus intellectum, in eo in genere præcipue sita est, quod in loco sancto, & Hierosolymis & Templo, omnia profanavit, & contrivit, nostrosque animos terrore percussit, hostis sævus & truculentus. Qua paraphrasi nexum orationis ostendi, & omnem verbi *מאד* amplitudinem complexus sum. Sunt qui connectunt

connectunt cum *adtolle gressus*, & כל *omne* pro לכל *ad omne* sumunt; quod necesse non est, nec כל, sed כל habetur. Incipit poeta recensere mala populi, ad explicandas *vastitates* memoratas; adeoque recte dicit, *omne quassavit hostis in sancto*. Verbum קרע, sive sit a קרע, sive קרע, quod perinde, cum ejusdem sint originis radices, proprie est *quaterere, quassare*, quassando frangere; unde *cum* improbi fluxit usus, q. d. cassum omni virtute, & probitate *vacuum*, tum etiam fracti omni dignitate & potentia orbi, tum denique animi terrore percussi, & quassati. Quam significatus amplitudinem si admittamus, quod licet, sensus erit, hostem Hierosolymam, & Templum, quod utrumque nomine *sancti* intelligendum est, spoliasse, & contrivisse, ornamentis, munitionibus, instrumentis, dignitate & cultu orbasse, præterea improbum & pollutum omni virtute & probitate cassum præstitisse, idololatria introducta, denique omnes terrore percussisse. Quæ omnia ex historia constant, vid. inter alia 2 Macc. viii: 2, 3, & mox in specie memorantur.

§. XV 2. Specialis enim facinorum hostis commemoratio ita sonat, vers. 4. *Boarunt infensissimi tui hostes in medio conventuum tuorum posuerunt signa eorum signa*. h. e. Boatibus suis blasphemis, gloriabundis, & terrificis omnia replent hostes populi & nominis tui infensissimi, in locis sanctis, ubi populus tuus convenire solet, & te colere, in urbe sancta, Templo & atriis, potentiae quoque & idololatriæ religionis suæ signa ibi collocarunt, & dedicarunt in *signa*, a nobis honoranda & colenda. Adpellantur hostes *constrictores Dei*, quæ propria est verbi קרע potestas, quatenus ejus, & populi ac religionis ejus, sunt infensissimi adversarii, qui cultus Dei exercitium coercent, & impediunt, simul populum ad incitas redigunt, & gravissime opprimunt. Duo vero de ipsis prædicantur facinora, in *medio conventuum Dei* patrata; voces enim illæ & ad rugi-

Ggg 3

tum

a Vid. Cl. Schroeder ad Ps. x: 15.

tum, & ad signorum eorum collocationem sese porrigant, ac si bis legerentur; *rugiunt in medio conventuum tuorum, in medio conventuum tuorum posuerunt signa sua.* Conventus Dei sunt loca sacra, ubi Deus se manifestare & convenire solebat populum, uti est Ex: xxix: 42, 43. simul populus ad Deum colendum, civilia & sacra ordinanda, convenire solet, Hierosolyma & Templum; quare *urbs conventus* Jer. xxxiii: 20. *mons conventus*, Jes. xiv. 13. *tentorium conventus* passim occurrit: unde ratio num plur. facile patet. Vox מִקְוֵה usu suo non *locum*, sed vel *conventum*, vel *statum* conventus tempus, signat, a quo hic non necesse est discedere, cum *loci* idea ex voce מִקְוֵה *medio* addita sese facile offerat: *in medio conventus Dei* itaque est ibi, & eo loco, ubi *conventus* Dei erat: sed nec insolens est vocis מִקְוֵה *loci* ellipsis ^a. Hisce in locis sacris dicuntur *boare* hostes, & *signa sua ponere signa*. Verbum בָּאָר, quod *boare* verti, quamcunque vocem sonoram denotat, quæ percellit, & aërem facit contremiscere, in specie de *rugitu* leonis usurpatur, qui terrefacit, quemque prædæ causâ edit, Am. iii: 4. Hoc loco latius extendere fas est ad quascunque sonoras voces, lætabundas & gloriabundas, blasphemias in Deum & populum ejus, vers. 10., terrificas & minaces per edicta & minas, denique inconditas & irracionales, ut in cultu idololatrico, seu precibus & canticis sine mente fufis, quod Jes. lxi: 5. *ululare* dicitur. Quæ omnia huc apte quadrant, & Syro-Macedonibus, ac improbis Judæorum, cum Hierosolymam & Templum tenuerunt, recte conveniunt; uti notum est. Sed quid est, *signa sua ponunt signa in medio conventuum tuorum*? Sensus est, eos signa sua in urbe sancta & Templo erigere & dedicare, ut pro talibus agnoscantur & colantur a Judæis. Verbum מָנָה erigere, in sublimi collocare, ponere firmiter, non tantum dicit, sed & *dedicare*, initiare, consecrare: ut Lat. *ponere statuam, donarium.* &c. ^b signa vero ponere *signa* dicit ea erigere & dedicare,

^a Vid. Waltherus de ellipsi. Hebr. p. 47: ad Jer. ii: 7.

^b Comm. noster ut

ut sint *signa*, seu ab omnibus talia agnoscantur, & religiose honorentur: *signa* vero hic sunt qualiacunque, politica, militaria, & religiosa; potestatis & religionis, nec non militiæ signa publica. Sensus itaque est, eos, signis veri Dei, ejusque populi & religionis, qualia sunt, circumcisio, festa, sacrificia, instrumenta alia religiosa, etiam potestatis liberæ indicia alia, abolitis, sua & idololatrica substituisse signa, sui domini & religionis signa. Quod ab Antiocho Epiphane factum esse, nemini non est notissimum.

§. XVI. *b.* Futura, & proxime expectanda totalis destructio metropolis, Templi, locorum sacrorum omnium, & ipsius populi, depingitur, vers. 5—8. *Innotescet, sicut qui infert superne in perplexum arboreti secures, & vel quod, nunc cælaturas ejus uniter impactore & malleis contudent. Miserunt in ignem sanctuaria tua, in terram profanarunt habitaculum nominis tui. Dicunt apud animum suum, eradicabimus eos uniter, combusserunt omnes conventus Dei in terra.* Quorum verborum verum conspectum minus recte, ut puto, perceperant Interpretes, qui de peracta destructione capiunt, cum de futura manifeste agant, quam mente anticipabant pii ejus temporis, & hostes animo volvebant. Cujus indicium, 1. in eo est, quod præmittatur in fut. *innotescet & divulgabitur*, argumento, rem futuram esse, & certo eventuram, nisi Deus impediat miraculose. 2. quod de hostibus in fut. etiam dicatur *contudent*, 3. quod, ad metus confirmationem, diserte subjungatur, *dixerunt in corde suo*; ut, hoc eorum esse propositum, significaretur, mox executioni mandandum. Qua vero ratione verba præter. temp. vers. 7, 8. capienda sint, mox exponam. Continent verba *a.* eventum totalis excidii, mox futuri, in quem præsens calamitas exiret, publice manifestandum & divulgandum, vers. 5—7. *β.* ejus confirmationem ex proposito hostium, vers. 8.

§. XVII. *α.* Eventus, quem pii animis anticipabant, & certo futurum esse, prævidebant, his verbis exhibetur, vers.

vers. 5—7. *Innotescet, sicut qui infert superne in perplexum arboreti secures, quod nunc cælaturas ejus pariter impactore & malleis contudent. Miserunt sanctuaria tua in ignem, ad terram profanarunt habitaculum nominis tui.* h. e. Hostes strukturas conventuum Dei affabre politas, & cælaturis ornatas, esse contusuros quibusvis instrumentis destructoriis, haud secus ac sylva densa ab aliquo summo impetu cæditur, sine ulla itaque sacrorum reverentia, certo constabit; imo palam mox, ea re peracta, divulgabitur, quod sanctuaria tua, o Deus! in ignem conjecerint, & habitaculum nominis tui, vel Templum solo æquarint, ac proculcarint. Describunt *a.* totale excidium Hierosolymæ & Templi, *b.* illud futurum esse, & omnium ora resoluturum, declarant, cum præmittunt *innotescet*, seu certo constabit & divulgabitur.

§. XVIII. *a.* Descriptio excidii plenarii continet totius structuræ violentam, ac magno impetu factam, confractiorem instar sylvæ, quæ cæditur, nec non ejus in partes sectæ combustionem, & totalem abolitionem. Cohærent enim confractio & combustio, tanquam antecedens & consequens, & confractio illustratur simili sylvæ cæduæ, seu lignationis in densa sylva. Simile, quod præmittitur, desumptum est a densa sylva arboreti, quæ magno impetu securibus alte adactis cæditur, vers. 5. *Sicut qui adducit superne in perplexum arboreti secures*, h. e. qui, securibus super caput elevatis, vehemente ictu prosternit densum arboretum. Verba parum habent obscuri. *Perplexitas arboris* est arboretum densum, numerosissimum, & implexum. Vox Hebr. *רררר* arbor pro arboreto & nemore sumitur subinde, ut Gen. III: 8. sic *quercus* pro *nemore*, 1 Chron. x: 12. coll. 1 Sam. xxxi: 13. Gen. xii: 6. coll. xiii: 18. *Perplexitas arboreti* vero est densissimum, & arboribus ac fruticibus refertissimum, arboretum: uti *perplexa sylva*, Jes. x: 34. Proponitur hoc arboretum tanquam ab aliquo, securibus alte sublatis, & vehementer impactis, concidendum. Vox קררמות *secures* verti solet, sed incertæ est originis; quam varie constituunt

constituunt Interpretes, nemo detexit; nec nos possumus. Inprobabilis non est Cl. Simonis a derivatio a קטא Arab. *se-*
cuit & דם vel דמם *abscidit*, rectius *destruxit* ad solum usque,
proprie *delevit*, q. liniendo oblitteravit, & ita *aquavit*, ne
remaneat vestigium. Proprietas enim est in *equatione*, seu
lenitione in æquum & planum. Sufficit, instrumentum signi-
ficari, quo arbores & ligna cæduntur, quod ex Script. lo-
cis satis constat. Phrasis vero למעלה מכלא designat cæso-
rem, qui securim alte elevat, ut vehementiorem inferat
ictum. Quo phrasis proxime tendit. Sicut illud poetæ.

Ecce aliud summa telum vibrabat ab aure.

Cum hoc simili comparatur structurarum conventuum
Dei excidium per hostes, vers. 6. *nunc cælaturas ejus an-*
ter impactore, & malleis, contudent, scilicet haud secus ac
densa esset sylva, quæ impune cædi possit, sine ulla rebus
sacris habita reverentia. *Cælaturæ ejus sunt sanctuariorum Dei*,
vers. 1. memoratorum; nec obstat relat. sing. foem., cum
orientalibus in more sit plur. masc. aut foemin. subnectere
adfizum foem. sing., quod Ling. Or. peritis notum est: relati-
vum quoque haud infrequenter absolute ponitur, ad subiectum
mente perceptum, & digito monstratum, referendum, ut
Ps. LXXXVII: 1: ut ibi videbimus. Vehemens tamén me te-
net suspicio, vocem פחודא esse ex פחוד & יה compositam,
uti Cant. VIII: 6. שלהבה *flamma Jah*, adeoque *cælaturas*
Jah significare, sicut mox vers. 8. קוור אל *conventus Dei*.
Significantur lapides ac ligna adfabre exsculpta, & variis fi-
guris exornata; sicut Salomo parietes Templi sculpsit *cæ-*
laturis sculpturarum Cherubim, & *palmarum* ac *florum*,
1-Reg. VI: 29. ut a Gejero recte est observatum. Hic au-
tem late pro tota structura Templi, & ipsius Hierosolymæ;
sumitur, ut facile patet; ac cum denso aliquo arboreto
comparatur, sicut alibi cum *Libano*. Conf. Jes. XXXVII: 24.

H h h

& ibi

a In Lex.

& ibi Cl. Vitringæ. Ipsum facinus in eo ponitur, quod *calaturæ* omnes, vel pariter & uniter, adeoque in omni complexu suo, *impactoribus* & *malleis* *contunderentur*. Radix *חנ* primariam habet *pangendi*, *impingendi*, vim, inde gravius ferire, impingere ictum, & prosternere, ac confringere. Instrumenta confectionis adpellantur *כלי* *כליהם*, quorum prius *כלי* in genere *impactorem* denotat, inde *securim*, vel graviolem malleum, a *כח* proprie *adaptus* *basit*, vel adhæsit cum adpactione: *posterius*, *כליהם* videtur e sono *factum*, uti forte Gr. *καλαστική* & *καλάστου*, *καλασίζω*; quæ verba Avenarius jam contulit, & derivavit ab Hebr. pro more suo: dicit enim rad. *חנ* proprie *impegit*, vel *impactus* fuit cum *sonitu*; unde mallei vel cunei usus effluxit.

§. XIX. Subjungitur, tanquam consequens confectionis, *combustio sanctorum Dei*, & Templi plenaria destructio, qua solo æquatur, vers. 7. *Miserunt in ignem sanctuaria tua, ad terram usque profanarunt habitaculum nominis tui*. h. e. Sancta tua loca & instrumenta confecta in ignem coniecerunt comburenda, & Templum, nomini tuo consecratum, in quo habitat gloria tua, & majestatis symbolum, cultusque tibi deferitur, polluerunt eo usque, ut solo æquarint. Phrases sunt selectæ & emphaticæ: non simpliciter habetur, *combusserunt*, sed *in ignem miserunt*, non ignem immiserunt, sed confecta penitus combusserunt; sicut quod in ignem conjicitur, nec *profanarunt* tantum, sed *ad terram usque*, adeo ut plenissime fuerit desolatum. Quam fortem adtribuunt *sanctuariis Dei*, & *habitaculo nominis ejus*, h. e. Hierosolymæ, Thioni & Templo; quæ vers. 4. *convictum* Dei nomine venerunt. Conf. Jer. LI: 51. ubi *sanctuarium domus Jehovæ* adpellantur.

§. XX. h. Hanc talem & tantam destructionem declarant pii, hic loquentes, futuram esse, & factam ubique esse divulgandam; quum dicunt in initio vers. 5. *וירר* *innotescet*, *divulgabitur*. Quem utrumque significatum admittit, & hic omnino habet, *priorem* relate ad confectionem, *posteriolem*

posteriorem ad combustionem, ut sensus sit; *innotescet*, seu constabit, futurum esse, quod confracturi sint sculpturas conventuum Dei, & divulgabitur aliquando, re peracta, *conjecerunt in ignem*. Qua ratione diversitas constructionis huius verbi cum verbis fut. & præt. temporis facile expeditur. *Contundent* enim in fut. est, & *miserunt in ignem* in præt. quod utrumque pendet a verbo *innotescet*, vers. 7. quoque repetendum: adeo ut oratio hoc modo sit digerenda: *innotescet*, — — — *quod nunc* — — — *contundent*: enim in nunc & nunc idem est, ac *nunc quod*, ut alias solet, h. e. certo constabit, eos id facturos esse; adparebit, id futurum esse: *innotescet* etiam, & quaquaversum divulgabitur, quod fecerint; quum publica fama feret, *miserunt in ignem* &c. Elegantiæ causa alterum in fut., alterum in præt., exprimitur, sed utrumque fut. & præt. est ad *confracturam* ac *combustionem* extendendum; ut plene sit; *innotescet*, eos *confracturos* ac *combusturos* esse, divulgabitur, eos *concregisse* & *combussisse*. Ceterum illud *innotescet*, & publica fama divulgabitur. Prov. xiv: 33. *in corde prudentis residet compactio solida, et, quod in mediis elumbium, divulgatur*. Ibid. xii: 16. *stolidus eo ipso die agnoscitur*, h. e. divulgatur, *agritudo ejus*, conf. vers. 23. & Cl. Schultens ad ea loca.

§. XXI. β. Ad confirmandum hunc eventum, quem futurum esse prævidebant, & metuebant, subjungunt, hostes utique id in animo habere, & de re, tanquam peracta, secum gloriari, vers. 8. *Dixerunt in corde suo, eradicamus eos uniter; combusserunt omnes conventus Dei in terra*. h. e. Præterquam quod afflictio nostra ejus sit naturæ, ut totale excidium sequi debere videatur, nisi Deus miraculose interveniat, illud certum est, hostes nostros illud intendere, ut nos penitus extirpent; quod ipsum etiam certo futurum esse animis præceperunt, adeo ut secundum imaginationes cordis eorum dici jam possit, eos omnia loca sacra in terra nostra combussisse, & nos penitus excidisse. Ex quo facile

Hhh 2

elucescit,

elucescit, nos non sine ratione hunc eventum metuerē, quin exspectare, uti modo vers. 5—7. declaravimus. Quæ ratione nexus horum verborum cum præced. sponte sua sese offert. Sed ad intellectum eorum ante omnia notandum est, poetam hostibus adtribuere *cum* propositum fixum, *tum* imaginariam gloriationem anticipatam super re futura, tanquam præsentē, & peracta. Quæ duo ut ob oculos sisteret, sermonem elegantiae causa variavit, & membra versus diverso modo concinnavit, & concisè protulit, ex se invicem supplenda; uti sæpe fieri, præcipue in stylo poetico, solet. Plena itaque foret oratio: *dixerunt in corde suo, eradicemus eos uniter, comburamus omnia loca conventus Dei in terra; insuper dixerunt, eradicavimus eos, & combusserunt, vel combusta sunt, omnia loca conventus Dei, scilicet in corde suo, secundum imaginationes & anticipatas gloriationes suas. Prius membrum, sequens etiam involvens, ad propositum eorum pertinet, posterius, prius quoque comprehendens, ad anticipatam & imaginariam gloriationem eorum respicit: quod utrumque phrasi, dicere in corde, comprehendendi potest, cum & proponere, & gloriari secum & reputare, denotare possit. Combusserunt itaque non dicit, eos jam tunc id fecisse, ut accipi solet, sed secundum imaginariam suam cordis præsumptionem jam præstitisse, de re futura, tanquam jam facta, loquentes, combusserunt scilicet in corde suo, uti in corde loquantur; voce vel phrasi illa ex præced. per ellipsin intellecta: plane quemadmodum Dan. xi. 42, 43., de successore Antiochi Epiphanis: uti in comm. nostro demonstravimus.*

§. XXII. Nihil superest, quam ut de verbo *eradicare*, & phrasi *conventuum Dei in terra*, aliquid moneam. Verbum *נָחַץ* verti *eradicabimus eos*, secutus eos Interpretes, qui radicem statuunt *נָחַץ*, & pro verbo cum adfixo habent: quod unice admittendum est, & huc quadrat. Radix proprie dicit, *calcavit, detruncavit*, inde *eradicavit*, & sic debilitavit, nervo remisso: *usu* teritur *cum* in oppressione violenta, qua
alterius

alterius crura infringuntur, tum defraudatione, qua ea decurtantur. Nostro loco; *contruncabimus eos*, est, nervo inciso ita mutilabimus eos, ut vigorem nunquam recuperare queant, imo vero *eradicabimus eos*, ut penitus flaccescant, & in nihilum recidant, memoria eorum deleta, et omni stirpe recisa: sic *gladius* noster apud Jer. est *enervator*, et *contruncator*, ut ad c. xxv. observavimus. Sed quid sunt *omnes conventus Dei*? non *Templum* simpliciter et atria, cum ipsa Metropoli, quibus nomen plur. *conventus Dei* quidem convenit, ut supra vidimus, sed non *omnes conventus* in terra; multo minus loca, quibus Deus sese aliq. Patriarchis et majoribus manifestavit, quod addit Cl. Vitringa ^a, quod insolens est, et parum ad rem facit, cum *Templum* nunc unicus esset locus *conventus Dei*, et hostes fora illa sacra antiqua ignorarint, aut parum curarint; non illa, inquam, sed, quæ communior est sententia, loca sacrorum exercitio destinata præter Templum, quæ nomine *synagogarum* alias veniunt, & *proseucharum*, quibus hoc epitheton recte convenit, et hic recte locus datur, cum hoc tempore ubique per Cananæam, aut Judæam, obtinuerint. Ex quo tamen colligendum non est, synagogas temporibus antiquioribus jam fuisse; cum incertum sit tempus, quo Ps. est compositus, etsi tempore Davidis, poeta in visione æque prævidere potuit ejusmodi loca tum futura, ac reliqua fata, hic repræsentata, quæ nomine generali *conventuum Dei* apte insignire potuit, quippe suo tempore satis recepto de locis sacris in genere. Sed, quod silentio premere nequeo, Lxx. posterius membrum reddiderunt, καταπαύσωμεν τὰς ἑορτὰς αὐτῶν ἀπὸ τῆς γῆς, Lat. *quiescere faciamus omnes dies festos Dei a terra*. Adoptavit eruditus Criticus Houbigant, tanquam voci *עָשָׂה*, quæ non locum, sed conventum, vel festum, denotat, congruentius, putatque Lxx. legisse, utique legendum esse, *נָחָם* *quiescant*, pro *עָשָׂה*; nimis remote, & minus feliciter, sicut passim, ingeniosè

Hhh 3

quidem

^a Synag. Vet. l. i. p. ii. c. 10.

quidem plerumque, sed nimis audaciter, & in paucissimis tantum feliciter. Mihi, si lectio sit mutanda, pro *וְיָרֶם* substituendum videretur, *וְיָרֶם* ut *flaccescant*, seu desinant, *festa & conventus Dei in terra*, ita ut radix *נָר* adoptetur, & *ו* sit littera præfixa ex *וָרֶם*, quæ satis usitata est, & pro ut etiam sumitur *a*. Qua ratione sicut vocis *וָרֶם* usitatus significatus retinetur, ita oratio recte procedit: *eradicemus eos, ut flaccidi jaceant omnes conventus Dei in terra*. Sed nihil adfirmo. Ceterum, ut hoc uno verbo addam, Antiocho & hostibus populi Dei hoc ipsum totale excidium Judæorum in animo fuisse, & Judæos futurum esse timuisse, ex historia manifestum est. Conf. tantum 1 Macc. III: 35, 36. VI: 12. VII: 35. 2 Macc. VIII: 3, 9. IX: 4, 14.

§. XXIII. c. Subjungunt miseriæ suæ amplificationem, & totalis excidii metum, quem conceperunt, simul justificant ex eo, quod, religione abolita, careant prophetis, nec aliquis sit, qui de eventu possit pronuntiare quid certi; vers. 9. *Signa nostra non videmus, non est amplius propheta, nec nobiscum sciens, quousque*. h. e. Ordinaria nostra, aut civilia, aut militaria, aut religiosa, signa non tantum sunt abolita, sed, quod nos maxime reddit folicitos, & de felici eventu desperare facit, nullus amplius est propheta ordinarius; ne quidem aliquis in medio nostri, qui certi aliquid novit de gradu aut termino afflictionis nostræ. Miseram suam conditionem proponunt, ex superioribus repetitam, quum dicunt, *signa nostra non videmus*, sed amplificant, & summam suam sollicitudinem significant, quum addunt, *non est amplius propheta, nec aliquis sciens quousque*. Adeo ut vis orationis sit non in primo membro, sed sequentibus. *Signa sua se non videre*, adsumunt, & ex præced. repetunt; sed, quod sese inprimis anxios reddebat, & fere desperabundos, illud esse declarant, quod prophetæ cessaverint, & nemo de eventu pronuntiare possit quid certi. Antea dixerant, hostem omnia *quassasse* in sancto, & *signa sua* posuisse,

fuiffe, quod hic repetunt, cum dicunt, *se signa sua non videre*, h. e. ea esse abolita, aliis & peregrinis substitutis. Ex quo simul elucescit, *signa* populi alia non intelligi, ac peregrinis contraria, adeoque ejusdem generis, civilia, militaria, & religiosa, uti supra exposui, & hic recte advertit, ac deduxit, Gejerus. Miracula itaque, & oracula Urim & Thummim, & similia, huc nihil faciunt, de quibus nonnulli cogitant. Hæc cum dicunt *se non videre*, nihil aliud volunt, quam ea esse *abolita*, quod facillimum est. Hoc in statu misero sese maxime angi declarant, & excidium totale non sine ratione metuere, quod *prophetis* careant, & nemo sit, qui nomine Dei de eventu pronunciare possit. Duo itaque, quibus maxime opus in hac misera conditione habebant, sibi deesse conqueruntur, *alterum* est, nullum esse *prophetam*, *alterum*, nullum adesse futuri conscium; *prius* ad ordinarios respicit prophetas, *posterius* ad qualescunque sapientes & prudentes, futuri gnaros.

§. XXIV. Quod ad *prius* adinet, cum non dicunt, *non est propheta apud nos*, sed, non est *amplius* propheta, sicut olim fuisse, ita nunc penitus cessasse, significant; adeoque sese eo tempore in tantam calamitatem incidisse, quo periodus prophetarum jam finita erat. Ex quo facile patescit, *ordinarios*, & sic proprie dictos, prophetas intelligi, nec simpliciter dici, eos a Deo non accipere revelationes consolatorias, sed nullos esse; secus ac olim, & in exilio Babylonico quoque, quando prophetæ non deerant; licet divina revelatione passim non gauderent ad solatium populi. Quo sensu Thren. II. dicitur, *Rex ejus & principes ejus sunt inter gentes, nulla est lex, etiam prophetæ ejus non habent visionem a Domino*. Conf. etiam Ezech. VII: 26. Am. VIII: 11. Quæ phrasæ a nostra diversæ sunt; minus itaque recte a nonnullis prolatae ad enervandam objectionem, contra hypothesin de calamitate Babylonica in nostro Pl. depicta, recte motam. Significant afflicti, se eo tempore tantis premi angustis, quo prophetæ amplius non mit-

tun-

tuntur, ut olim, quos consulere possint. Conf. 1 Macc. 12: 27. Sed, quod *posterius* est, quo anxietas magis augebatur, addunt, ne quidem *secum esse, qui sciat quousque*. h. e. se, præter prophetas illos antiquos, quoque destitutos esse viris sapientibus, qui, sive ex verbo Prophetico, sive revelatione Dei, sive aliunde, aliquid certi sciant, quem gradum afflictio sit conscensura, & quem finem habitura. Non dicunt, vel dicere introducuntur, non *potuisse* sciri, sed neminem *secum esse, qui sciat*. Poterat utique ex Daniele gradus & terminus afflictionis erui; sed nemo erat inter eos, qui, ingruente hac calamitate, hanc scientiam inde derivavit, sive in eo libro minus versati fuerint, lectione prophetarum nondum vigente, sive de ejus interpretatione minus certi fuerint, sicut ante eventum contingere solet, nisi divina accedat instructio, qua hoc tempore caruisse videntur; postea, cum conamina sua contra hostes feliciter succedere viderunt, inprimis Templum recuperarunt, purgarunt, & sacra restituerunt, ad verbum propheticum, & inprimis Dan., accuratius attendentes, non defuerunt, qui *sciverunt quousque*; qui librum Dan., clausum eousque, inceperunt referare, intelligere, & alios instruere. Conf. Dan., xi: 33. & quæ ibi protuli. Ps. autem noster cum ad principium afflictionis, quum Templum & sacra desolata jacebant, respiciat, recte dicitur, eos *nescivisse quousque*; maxime si addatur, *scientiam certam* indicari, quam nemo sine Spiritus illuminatione habere poterat.

§. XXV. *Tertia* Ps., seu precationis, pars, qua Deum excitant ad probra hostium, in Deum & populum ac religionem ejus conjecta, ad animum revocanda, & vindicanda, ratione movente a Dei Majestate & potentia, quæ ejusmodi probra reddit intolerabilia, petita, hoc ordine instituitur. 1. Per modum interrogationis præmittunt, & precibus præstruunt, fieri non posse, ut hostium insultus durent in perpetuum, & Deus quiescat ad consummationem populi

li usque, vers. 10, 11. 1. Preces fundere incipientes sese diffundunt in Majestatis & potentiae Dei, multis signis demonstratae, descriptionem, ut Deum ad audiendas preces moveant, vers. 12—17. 2. ipsam precationem directe proferunt, vers. 18. 3. Duo, per modum introductionis, interrogant, *alterum*, quousque duraturae sint hostium probationes contumeliosae, vers. 10. *alterum*, quare Deus quietum sese teneret ad consummationem usque, vers. 11.

§. XXVI. *Prius*, quod praemittunt, ita sonat, vers. 10. *Quousque probro destrinet, o Deus! hostis, feroci nisu fugabit nomen tuum inimicus? an in purum putum?* h. e. extranei & improbi ac apostatae tui, hostes & inimici acerrimi, qui nomen tuum in populo & cultu tuo contumeliose tractant, omne decus & honorem ei destrinentes, seseque omni nisu, omnibus viribus, nomini tuo opponunt, ut illud defugiant, & e medio tollant; quousque in eo erunt? ad quem terminum, ad quem gradum, id facient? an perfecte & in perpetuum? quam illud abhorret, & stupendum! Significant, hostes id omni conatu agere, & jam aliquandiu egisse; & interrogant quousque? respondentque nova interrogatione, an in *purum putum*? h. e. plene & perpetuo, ut supra vidimus, vers. 1. eoque indicatum volunt, id valde alienum esse, nec fieri posse; adeoque Deum vindicare debere. Vox חַיִּים seorsim capienda est, & responsum continet per modum interrogationis prolatum; uti vers. 1. habuimus: secus ac vulgo solet, cum una serie legatur, *quousque in aeternum?* quod ferri non potest; uti ad Ps. XIII: 2. jam observavimus. Cum vero poeta hostes duobus distinctis epithetis insigniat, eos *coarctatores* & *inimicos* appellando, duobus etiam diversis verbis utatur ad facinorae eorum designanda, quae utraque *cum nomine Dei* construenda sunt; forte ita distinguere liceat, ut prius ad *extraneos*, posterius ad *apostatas* Israelis referatur. Licet enim utrumque verbum in utrosque conveniat; & iis aptan-

dum sit, posterius tamen proprie magis in apostatas qui omni nisu sese in Deum & legem contumaces præbent, & eum fugiunt, ac sese omni vinculo exsolvunt; quod verbum *פָּסַח* in origine & usu suo dicit. Proprietatem habet in *vibrantia tumida*, & inde transit ad *contumaciam*, etiam Lat. a *tumendo* dictam, acriter *renitentem* ac expellentem, & usu suo comprehendit efferatum ac superbum nifum sese obedientia Dei exsolvendi, quin hostiliter effugandi ac opprimendi: de quo legendus est Cl. Schröder *a*. Quod quam apte in apostatas quadret, tempore Antiochi Epiphaniis, nemini non patet. Alterum verbum *פָּסַח* proprie valet, *carpsit*, *carpendo* destrinxit; inde *obtrahere*, *meritis detrabere*, contemptum habere, lacerandum tradere; quod Syro-Macedonibus recte convenit, ut de Assyrio tempore Hiskiae quoque habetur, 2 Reg. xix: 4. *cum* quod Deum Israelis tanquam non Deum traduxerint, qui populum servare nequeat, *tum* quod populum & religionem ejus verbis & factis contumeliose tractarint, & e medio tollere conati sint. Quæ non sunt difficilia. Conf. Dan. vii. & viii. & quæ ibi in Comm. protuli.

§. XXVII. *Posterius* interrogatum, quare se Deus ad consummationem usque quietum teneat, eodem tendens, ut, cum illud fieri nequeat, Deus excitetur ad populum liberandum, ita habet, vers. ii. *Quare reduces manum tuam, & dextram tuam, e medio in sinum tuum ad consummationem?* h. e. Fieri non potest, ut hostes in purum putum ita contumeliose & obstinate in nomen tuum agant; cum nulla sit ratio, quare manum tuam, dextram illam, qua nobis jurasti, & tot præclara fecisti in bonum populi tui, e medio & prælio, seu bello, in *sinum* tuum reduces in perpetuum, otiosus nostram consummationem intuitus. Quæ paraphrasis & versio ut intelligatur, notandum est *i*. in *פָּסַח* deficere *ב*, ex præcedente *ב* in *פָּסַח*. Qualia plura sunt exempla. Significat autem, quæ communis quoque est sententia,

a Ad Pl. x: 3.

tentia, *finum*, sive פִּי ut marg. lectio habet, legatur, si-
ve, ut textualis, פִּי, perinde est; est enim tunc contracte
ex פִּי, a rad. פִּי *cinxit*. Construi vero debet non cum
פִּי, ut solet, acsi esset, *e medio finus*, quod sensum non
fert tolerabilem, sed cum פִּי, ut sit, *reduces manum in fi-
num*, pro, quietam tenebis & otiosam; quo nihil est faci-
lius. Cl. Schult. vertit, *decretum*, & cum פִּי *consumma* con-
struit, ut sensus sit *decretum tuum perfice*; sed i. nusquam
denotat *decretum*, quidem præceptum & statutum: quod
huc non quadrat. 2. Phrasis, *perfice decretum*, nimis genera-
lis est, nec definitum habet sensum; ignorabatur præter-
ea *decretum Dei* in favorem populi, cum dixerunt, *nemo
est, qui novit quousque*? 3. Preces demum incipiunt, vers.
seq. 2. Vox פִּי *e medio* aliquid de ambiguo trahit, cum
verti etiam possit, levi mutatione punctuationis, פִּי, *e
bello* vel *prælio*; quod utrumque hic admitti potest, ad sen-
sum uberiorem constituendum; adeo ut sensus sit: quare
reduces manum *e medio*, scilicet populi, & *e bello*, quod
cum hostibus gerimus; h. e. quare potentissimum tuum au-
xilium nobis, & hoc in casu difficillimo, subduces. Vul-
go cum seq. voce solet connecti, & verti, *e medio finus*,
quod modo removi, nec emphasin habet. Cl. Schult. ex
Arab. reddit, *brevi*; ut sit, *brevi, cito, decretum tuum per-
fice*; quod etiam refutavi, nec פִּי sed פִּי eo sensu oc-
currit in Script. ut Job. xx: 5. 3. Vox פִּי, si non sit leg.
פִּי, nota musica, ut Syr. videtur legisse, cum in versione,
sicut hanc vocem solet, prætermiserit, est pro פִּי vel
פִּי - פִּי *usque ad finem*, ut LXX verterunt, ad *consumptio-
nem usque*, ut 2 Reg. xxi: 17. Ezr. ix: 14. פִּי & פִּי
2 Chron. xxxi: i. xxiv: 10. Ellipsis ה & פִּי non est inusita-
ta. 4. Denique vis sententiæ est in hac voce פִּי ad *finem*,
consummationem usque; & hunc fundit sensum totus versus:
*quare manum tuam e medio in finem reduces ad consummatio-
nem usque*? h. e. quare manum tuam nobis subtraheres, ut
nunc facis, nos hostibus tradendo? quare hoc faceres ad

consummationem, & consumtionem nostram usque? Indicant, Deum manum suam e medio populi in sinum condidisse, opem populo subtrahendo, & rogant, quare Deus ita se gereret ad finem usque? quo significant, id fieri non posse, ejus non esse rationem, Deo dignam; maxime cum *dextram* suam Deus subduxerit in sinum, qua sese juramento obstrinxerat populo. Hanc enim emphasin habere videtur, loco huic maxime congruam, *dextra* mentio, addita *manui*. Sicut enim *manus* Dei potentissimum ejus auxilium, invictam Dei potentiam, multis signis demonstratam in regimine mundi & Ecclesiæ, ita *dextra*, ei adjuncta, & expresse memorata, ad vim jurisjurandi & foederis, *dextra* data firmati, respicit. Sic *dextra* absolute pro *jurejurando* sumitur *a*.

§. XXVIII. 2. His præstructis, sese convertunt ad preces, quas incipiunt cum recensione præclarorum Dei facinorum in mundo & Ecclesia, eo scopo instituta, ut, Deum indignissime ab hostibus traduci, tanquam inbecillem, qui servare nequeat populum, demonstrent, simul ferendam non esse Deo, tanta Majestate & potentia prædito, hanc blasphemiam hostium & impiorum, evincant, & Deum ea ratione ad promptum auxilium excitent. Quæ summa est, & scopus, pericopæ, vers. 12—17. In qua *a*. Deum tanquam regem suum ab antiquo, & servatorem, adloquuntur, vers. 12. *β*. sese ea occasione diffundunt in recensionem præclarorum Dei operum, vers. 13—17. *a*. Preces suas antequam proferant, Deum, quem supplicant, a relationibus ejus ad se describunt, ut Deum ad preces audiendas per eas relationes moveant, vers. 12. *Itaque Deus! rex mi ab antiqua, liberationes perficiens in medio terræ*. Sic reddenda sunt vocabula, & cum vers. 18. connectenda, ubi precatio profertur, intermediis ad potentiam Dei extollendam per parenthesis insertis; ita ut oratio hac ratione cohæreat. *Itaque Deus rex mi! ——— recordare hujus &c.*
Vulgo

a Vid. Schultens ad Pf. cxxxviii: 5. cliv: 8.

Vulgo suppleri solet *es*, vel *eras*, & verba seorsim capiuntur; sed, cum vers. 18. habeatur simpliciter, Deo non nominato, *recordare hujus*, verba quoque proprie sonent, *Deus rex meus ab antiquo, operans salutes*, sine verbo *es* vel *eras*, rectius utique sermo, ut dixi, fuit, si verba cum vers. 18. connectantur, & *Deus* hic censeatur proponi, tanquam quem precibus adloquantur. Particula vero, & connectens orationem cum superioribus, & *Deus*, recte pro *itaque* sumitur; hac ratione: cum fieri non possit, ut hostis in perpetuum convitari permittatur, & manum tuam subducas in consumptionem usque; fidenter nostras preces ad Te adlegamus pro liberatione nostra; *itaque Deus!* — — *recordare, qui rex noster es ab antiquo & salutes operatus es in terra*, fere quemadmodum, vers. 2. *recordare coetus tui, quem acquisivisti olim, redemisti* &c. Quæ duo hic etiam memorant beneficia in se collata, *alterum*, quo *Deus regis populi personam adsumserat, alterum*, quo multipliciter populum liberaverat, & se *redemptorem* ejus præstiterat, quare *rex populi ab antiquo* adpellatur, ut supra, quem *acquisivisti ab antiquo*, & subjungitur multiplex salus populo, in terra jam degenti Cananæa, concessa, sicut supra, *quem redemisti*. *Rex* itaque populi *ab antiquo* adpellatur, quatenus eum sibi olim *acquisivit* populum, *regnum sacerdotale*, ex Aegypto liberando, & in regnum sacerdotale formando ad montem Sinai. Sed addit, Deum *salutes esse operatum in terra*, seu multiplices & mirabiles liberationes magno molimine & miraeulose concessisse populo in terra promissa jam versanti: *salutes* enim in plur. memorantur, & verbum *hæc* adhibetur, maxime emphaticum, quo opus arduum, & molimen aliquod, exprimitur. Dignitas itaque ad omnes illustres liberationes, quas populus in Cananæa unquam acceperat, intenditur, uti Jes. xxvi: 12. *Jeboia dispones pacem nobis, quia etiam omnia opera nostra perfecisti nobis*, inquit Judæi iisdem temporibus Maccabais. In medio terræ cum dicunt, ad eas liberationes, quas

in terra Cananæa jam degentes nati erant, eos respexisse manifestum est. Reliqua sunt facilia, nec necesse habeo earum liberationum catalogum ducere, cum nemini non notæ sint.

§. XXIX. β. Interferunt per modum parentheses, antequam precationem proponant, maxime notabilia & miraculosa Dei opera in gratiam populi Dei patrata, quibus ab Aegyptiis & aliis hostibus liberatus, per desertum transiens cibatus & potus, ac in possessionem terræ Cananæa immissus est, nec non manifesta potentiae & dominii Dei in omnia creata indicia, vers. 13—17. Ubi *a.* recensentur miraculosa Dei opera in salutem populi, antequam stabiles nactus est sedes in Cananæa, quibus Deus sese *regem* ejus potentissimum demonstravit, & populum sibi acquisivit: vers. 13—15. *b.* Signa dominii Dei in totum universum nonnulla memorantur, vers. 16, 17. fere quemadmodum, Pf. cxxxv & cxxxvi. quibuscum nostra hæc pericopa tota est conferenda. *a.* Miraculosa Dei opera in commoda populi, quibus ex Aegypto liberatus, per desertum ductus, & in Cananæam intromissus est, memorantur & celebrantur sequentia. 1. Primum est, Aegyptiorum & aliorum hostium potentissimorum, ante & post introitum in terram promissam, subjugatio, vers. 13, 14. his verbis: *Tu astuare fecisti ac incidisti robore tuo mare, confregisti capita cetorum super aquis. Tu tundendo contrivisti capita Leviathanis, dedisti ipsum cibum populo.* h. e. sicut Deus es, qui multiplices salutes nobis procurasti in terra Cananæa, & regem nostrum te præstitisti, nos tibi acquirendo; ita Aegyptios, qui nos opprimebant, & insectabantur, aquis maris rubri commotis & fissis miraculose, per quas nobis transitum fecisti, confregisti super aquas, instar *cetorum*, præterea feros & potentissimos populos cis & trans Jordannem, instar draconum nos absorbere conatos, contrivisti, & populo tuo in cibum dedisti, & terras & opes eorum ipsi concedendo. Orationem esse figuratam, non proprie & litte-

litteraliter intelligendam, quæ communis est sententia, ex eo facile elucescit, quod confractio cetorum in aquis, & Leviathanum, hic occurrat, tanquam singulare aliquod & miraculosum facinus a Deo aliquando patratum, & maris commotio ac fissio speciatim memoretur, denique Leviathanum traditio in cibum populo addatur. Accedit harmonia Script., quæ de Aegyptiis & aliis hostibus eadem sub figura loqui solet, ut Jes. LI: 9. XXVII: 1. Ez. XXIX: 3. & ad Deum excitandum ad liberationem populi antiqua illa opera miraculosa in medium adferre, ut Jes. LI: 9, 10. LXIII: 11. Pf. CXXXV, CXXXVI. & alibi. Retulerim autem vers. 13. ad Aegyptios, & vers. 14. ad Amorrhæos ac Basanitas & Cananæos; ad quos phrales nos manu quasi ducunt, ut explicatio docebit.

§. XXX. Ad Aegyptios mari rubro submersos pertinet vers. 13. *Tu æstare fecisti & incidisti robore tuo mare, confregisti capita cetorum super aquis.* Ubi duo miraculosa Dei opera in mare edita memorantur; *alterum* est commotio & fissio ejus robore Dei, *alterum* capitum cetorum confractio in aquis: quæ proprium habent & figuratum sensum, utrumque huic loco congruum. *Proprius* respicit ad mare rubrum in magnum æstum a Deo commotum, & ea ratione in partes scissum, quo populo liber præbitus est transitus, & Aegyptii, instar cetorum, aquis deleti sunt. *Prius* membrum habet, *tu æstare fecisti & fidisti robore tuo mare.* h. e. vehemente æstu diffuere fecisti mare, & aquas varie incidisti, ut per eas transierit populus: quod quidem non additur, sed mente intelligitur, ut Jes. LI. Pf. CXXXVI: 13, 14. LXXVIII: 13. & alibi. Verbum vero מַבּוּל duplicem exprimit emphasin, pro diversa rad. מַבּוּ & מַבּוּ, unde מַבּוּ in Pih. derivari potest; מַבּוּ vero proprie est, vehementer bullivit, æstuavit, unde מַבּוּל torcular, ab æstuando, quod mustum calcando expressum ex prælo æstualet, vel impetu æstuante efflueret. Sed מַבּוּ habet vim *infractio*nis per crenas & inci-

incifuras ad abolitionem vis & impetus *a*. Utrumque in mari rubro tunc visum est; valido enim vento commotum est mare, & diffuxit, ac incisæ sunt aquæ, ut utrinque instar muri steterint. Ex. xiv. Ps. LXXVIII: 13. ubi verbum *ypa findere* adhibetur. *Posterius* membrum habet, *confregisti capita cetorum super aquis*, scilicet turbine concitato & aquis circumstantibus ac superne imminuentibus: ut *לְהַרְבֵּם* sit *exsuperantia aquarum*, quæ propria est vocis *לְהַרְבֵּם* potestas. Adfert quoque verbum *וַאֲשְׁתֻּאֲתוּן* æstuationem, ut modo dixi, adeoque, sicut mare commotum vehemente æstu scissum est ad liberum Israeli transitum præbendum, ita rursus vehemente æstu rediit, & Aegyptios suffocavit, adeo ut fracti sint aquis exsuperantibus. *Capita vero cetorum* sunt ipsissima cete; vel & præstantissima cetorum; vox enim *כֶּתֶד* aliquam personam ipsam signat, ut *caput canis*, pro cane. 2 Sam. III: 8. *caput viri pro viro* *b*. Sic & Ps. LX: 9., sed & *præstantissimum* quemque, vel quidque, denotat, Ez. XXVII: 22. Ex. xxx: 23. Ps. cxli: 5. Sunt autem hoc loco Aegyptii, & eorum primores, feri illi, terribiles, voraces & oppressores populi Dei, cum *cetis* comparari soliti *c*. Sed admittit totus versus quoque sensum figuratum, quo *mare* expungit populum Aegyptiacum, *capita cetorum*, seu *cete*, reges & principes, *super aquis* illis eminentes, & iis dominantes, voce illa cum *cetis* constructa, ut potest, vid. Jes. xvi: 1. ubi *cete* dicitur esse *in mari*: æstuatio ac incisio maris est populi conturbatio per judicia Dei & plagas inflictas; *confRACTio* capitum cetorum est regis & primorum destructio, ut in *primogenitorum nece* adparuit. Quæ verbo tetigisse suffecerit. Conf. Jes. LI: & ibi Cl. Vitranga.

§. XXXI. Alterum versum, *iatum*, qui ita habet, *Tu contudisti capita Leviathanis, dedisti ipsum cibum populo*; non existimem ad eosdem hostes, seu Aegyptios, pertinere, sed alios, trans & cis Jordanem, Amorrhæos, Basanitas, & Cana-

^a Schultens ad Job. xvi: 12.
17. ^c Vitranga ad Jes. LI.

^b Schultens ad Ps. cxxxix:

Cananaeos; quod novum emblema occurrat, in Aegyptios minus quadrans, & expresse præmittatur *tu* contudisti, argumento, quid novi hic memorari, ceteroquin enim *tu* repetitum emphasi careret. Putant vulgo, *Leviathanem* esse *crocodylum*, & litteraliter respici ad pisces magnos, ad littus ejectos, & Ichthyophagis ad mare rubrum in cibum cedentes. De quo vid. Bochartus *a*. Vox לִיָּתָן non significat *crocodylum* aut *orcam*, ut nonnullis visum, sed *draconem*; vi vocis serpentem, vel draconem, *tortuosum*, ut Jes. xxvii: diserte additur, ex לִיָּתָן syllaba servili, per quam formantur adjectiva qualitatum, vel לִיָּתָן *draco*, unde לִיָּתָן rad. לִיָּתָן *vasto biatu sorbist*, adeoque *monstrum maximum*, vel *terrestre*, & לִיָּתָן *plicatus*, *intortus* fuit *b*. Emblema est hostium potentum, terribilium, & maxime infestorum; hic Sichonis, Og, gigantum, & similium, in Cananæa Deut. ix. quorum etiam expressa fit mentio, Ps. cxxxv. & cxxxvi. Quibus unice convenit; quod Deus Leviathanem *dedisse* dicatur *cibum populo*, non proprie, sed figurate; quatenus eorum regna, terræ & opes, populo Dei cesserint in perpetuam possessionem, & facile victi, ac deleti sint ab Israele. *Populus* itaque est Israel, כַּתִּיזְוֹן *populus* dictus, quia eximius erat & singularis, nobilis & excellens populus, præ reliquis nationibus illud nomen meritus; sicut & alibi ita adpellatur per excellentiam, & habuimus Ps. lxxii: 3. Huic populo Deus *dedit*, proprie *dabit*, ut perpetua, & in futurum sese extendens, datio exprimeretur, quæ vis est fut. hoc in loco, *dedit eum*, scilicet *Leviathanem* complexe sumtum, modo memoratum, totum quantum, cum hominibus seu civibus, terra & bonis: *dedit eum populo* כַּתִּיזְוֹן vel *consumtionem*, vel *cibum*; quem utrumque significatum admittit vox. Prior si obtineat, sensus erit, Deum in gratiam populi tradidisse hostes illos in perniciem; sicut Chald. reddidit; alias in consumtionem *gladii*, vel *ignis*, ut Jes. ix: 4. & Jes. i: 20. *gladio consumemini: posteriori* si locus

Kkk

detur,

a Phal. i. iv. c. 29.*b* Schultens ad Job. xl.

detur, significabitur, hostes Israeli esse traditos absumendos, & possidendos, ac in usum suum vertendos, Deut. xx: 14. idque facili negotio, sine multo labore instar cibi, qui comeditur. Sic Num. xiv: 9. regionis ejus, Cananæ, *incolas ne timeatis*, inquiunt Josua & Caleb ad Israellem, *quia panis noster illi sunt, umbra eorum ab iis recessit, Jeshova vero nobiscum est.* h. e. facili negotio illos superabimus, delebimus, & eorum possessiones nostras faciemus: ubi vid. Clericus. Ib. xxiv: 8. *gentes sibi inimicas comedet*, absumet, *ossa earum franget.* Deut. vii: 16. *Comedes, consumes delebis, omnes populos, quos Jeshova Deus tuus dat tibi.* Quæ loca nostro illustrando abunde sufficiunt, &, utrumque sensum esse conjungendum, docent. Sunt, qui verba vel proprie intelligunt, & ad *Leviathanem* in cibum dandum Ichthyophagis referunt, hunc in modum; *dedisti ei cibum populo*, & ad Israellem in deserto cibatum adplicant; ut Jun., & Gatakerus, sed *prioribus* obstat, quod *Leviathan* non sit *crocodilus*, sed *draco*, nec *emphasios* multum habeat, *crocodilum* dari populis illis in cibum: *posterioribus* vero, quod voces eum sensum non ferant; cum *עַם הַעַרְבִּי* *populo* debuisset immediate tunc adnecti verbo *dare ei*: licet ne sic phrasim foret facilis. Quare acquiescimus in nostra interpretatione, quæ nihil habet, quod offendit.

§. XXXII. 2. *Secundum* opus Dei miraculosum in gratiam Israelis vers. 15. his verbis exhibetur. *Aridis tu fidisti fontem & torrentem.* h. e. arida loca & dura, in gratiam siccorum & siticulosorum, fidisti, & findendo erumpere fecisti fontes & rivos aquarum. Solet quidem vox *עַרְבִּי* cum præced. *עַרְבִּי* jungi, sed longe rectius cum seq. construitur, cum quod *עַרְבִּי עַרְבִּי* sit insolita phrasim, quæ emphasi caret, tum quod *ariditatis* mentio recte conveniat in opus Dei hic memoratum, quo *fidisse* dicitur *fontes*, seu *findendo* erumpere fecisse, *findendo* nim. arida & dura in gratiam eorum, qui in siccis locis versabantur, & siti laborabant: quemadmodum Ps. LXXVIII: 17., ubi de hac eadem re agitur,

tur, Israel moratus legitur, hac eadem voce, מַרְבָּּ in ariditate & sicca terra: &, quod in rem aptius adhuc est, Pl. cv: 41. *Aperuit*, sculpendo vel findendo, מַרְבָּּ *rupem*, & *fluxerunt aqua*, ioverunt מַרְבָּּ in ariditatibus, & siccis locis, *fluvii*. Ita nostro loco מַרְבָּּ sunt vel sicca & arida loca, alias מַרְבָּּ in sœm., vel incolæ ibi degentes, & siti pressi, ut alibi sumi solet, sive sint *homines*, sive *fera*. Loca si intelligantur, sensus erit, ea esse *fissa in fontem & torrentem*, ut י in מַרְבָּּ sit nota accusativi, ut sæpe alias. Sed si de *hominibus* capias, מַרְבָּּ erit in usum siccorum & arida loca transeuntium; *tu fidisti*. h. e. sensu prægnante, findendo erumpere fecisti fontem & torrentem. Forte excidit, aut per ellipsin reticetur, vox מַרְבָּּ, per vocem similiam fere litterarum מַרְבָּּ absorpta, ut plene sit; מַרְבָּּ מַרְבָּּ, aridis & deserticulis *rupes tu fidisti*, vel e *rupibus* fidisti fontem & torrentem; sicut Pl. LXXXVIII: 15. *fidisti rupes*, &c. Quicquid sit, dubium non est, quod Interpretes communiter statuunt, quin ad miraculosum illud Dei opus respiciatur, quo rupes hæc sunt a Deo scissæ & in rivos aquarum mutatæ, in gratiam Israelis in arido deserto degentis, & siti gravissima laborantis. Cujus beneficii & in locis Pl. citatis expressa sit mentio.

§. XXXIII. 3. Tertium opus miraculosum vers. 15. ita sonat: *tu arefecisti flumina perennitatis*, h. e. Sicut in aridis locis fidisti fluvios in gratiam Israelis, ut potaretur, ita fluvium maximum, perenniter & perpetim fluentem, exsiccasti in eorum gratiam, ut per eum transirent in terram promissam; simul populos, uberi & inexhausta vena felicitatis fluentes, destruxisti, cum omni eorum fastu & religione. Verba habent sensum litteralem, & figuratum, seu mysticum, eo involutum. *Litteraliter*, quod omnes observarunt, respicitur ad miraculosam *Jordanis* exsiccationem Jos. III., qui נַחֲשֹׁן הַיַּרְדֵּן *fluviorum* nomine venit, quod sit præcipuus ibi loci & maximus, & *perennis* dicitur, ob continuum & vehementem fluxum aquarum, maxime quo tempore Israel eum transiit, quæ vera potestas est vocis מַרְבָּּ; ut

docuit Cl. Schultens *a*. *Arefactio* vero æque ipsi eo tempore adtribui potest, ac *mari rubro*, Jos. II: 10. & Jes. LI: 10. Sed in hoc facto existimem simul ipectari, sicut fit Jos. III: 10., *exsiccationem* incolarum Cananæ, qua opibus, potentia & religione sunt orbat: quemadmodum emblemata occurrunt Jes. XLII: 15. *desolabo montes & colles, & omne gramen eorum arefaciam, & ponam fluvios in insulas, & stagna arefaciam*, ubi vid. Cl. Vitringa. Sic *fluviorum fissio* in deserto quoque referri myltice poterit ad statum Israelis in Cananæ, *melle & lacte fluente*.

§. XXXIV. *b*. Subjunguntur generalia potentiae & domini Dei in omnia creata specimina, ad Dei supremum & potentissimum dominium in cælo & terra demonstrandum, & tanquam solum verum Deum celebrandum; quemadmodum, in aliis Ps. cxxxv. & cxxvi. quoque fieri, supra observavimus. Verba ita habent, vers. 16, 17. *Tibi dies, etiam tibi nox; tu concinno & firmo ordine disposuisti luminare & solem. Tu constituisti omnes terminos terræ; æstatem & hyemem tu formasti*. h. e: sicut cæli & terræ creator, ita & conservator ac rector es absolutissimus & potentissimus, adeo ut *tuum* sit illud omne, & a tuo dependeat nutu. Nihil hic difficile, quod nostram requirit operam. Quare illud tantum observo, lucis & tenebrarum, æstatis & hyemis, specialem mentionem & eo spectare, ut, felicia & infelicia tempora Divinæ gubernationi esse subjecta, simul inculcetur, adeoque non esse infirmitati Dei adtribuendum, ut exprobrabat hostis, quod tanta infortunia premerent populum Dei, & hostibus tanti successus concederentur. Conf. Jes. XLV: 7. — — *ego Jehova & nemo amplius: formans lucem, & creans tenebras, faciens pacem & creans malum. Ego Jehova facio hæc omnia*.

§. XXXV. *1*. Sequitur tandem ipsa precatio, vers. 18. *Recordare hujus: inimicus probro destrinxit Jehovam, & populus flagitiose stultus feroci nisu fugat nomen tuum*. h. e. Deus!

a Orig. t. I. cap. 8.

Deus! cum tu talis sis, qualem descripsi, ipso facto demonstra, te ad animum revocare *hoc* tam enorme, & non ferendum, facinus, ab hostibus & improbis populi commissum, quo te Jehovam probris lacerant, & nomen tuum magnificum ac gloriosum furioso nisu repellunt, & evertere conantur. Cohærent hæc verba, ut supra dixi, cum vers. 12., & ipsas preces, quibus contumeliam, Deo factam, vindictam cupiunt, comprehendunt, cum Deo adeo sit injuriosa, adversaria, adeoque non ferenda amplius. Insigni emphasi pollet vocula *recordare* *hujus*, absolute posita, qua enorme ac flagitiosissimum facinus denotat; ut alibi *a*. Pertinet vero ad seq., ubi crimen illud exponitur, ut oratio hac ratione decurrat, *recordare* *hujus*, scilicet, *hostis probris destrinxit Jehovam*, &c. hoc est crimen non tolerandum Deo. Verba supra jam habuimus, & exposuimus, vers. 10., quare uno verbo tantum observo, *populum stultum*, ab *hoste* distinctum, referri posse ad *improbos Israelis*, supra vers. 10. epitheto *hostis* insignitos; quemadmodum Israel a Deo deficiens adpellatur, Deut. xxxii: 6., ubi notæ nostræ sunt consulendæ, quibus acumen & emphasin epitheti, relate ad Israellem, exposui.

§. XXXVI. *Quarta*, & ultima, Ps. pars preces continet pro liberatione populi a persecutione, & auxilio iis præstando, qui sese hostibus pro populo opponebant, ut læti & triumphabundi redeant, eumque in finem Deum excitant ad causam suam & populi agendam; adeo ut oratio sit *κ*. precatoria, vers. 19—21. *ζ*. excitatoria ad Deum iudicem directa. vers. 22, 23. *κ*. In priore supplicanti parte *κ*. liberationem a persecutione hostium, vitæ piorum avidissime inhiantium, addita ratione a fœdere Dei petita, & immani impiorum violentia, vers. 19, 20. *β*. felicem successum expeditionis heroum populi contra hostes, vers. 21. *a*. Preces pro liberatione sua *a*. proponunt, vers. 19. *b*. urgent ex consideratione fœderis & violentiæ gravis,

Kkk 3

a Vid. ad Deut, xxxii: 6: & Mal. 1: 6.

fantis, vers. 20. *a. Preces, per modum deprecationis ulterioris persecutionis, his verbis proferunt, vers. 19. Ne tradas catervæ feræ adpetitus turturem tuum, catervæ humilium tuorum ne obliviscaris in purum putum.* h. e. Ne patiaris tanquam omni cura tuorum deposita, ut imbellis & mitis tuus populus plene & in perpetuum instar turturis a fera caterva hominum, minas & cædes spirantium, & vitam populi tui adpetentium, laceretur ac discerpatur. Quæ verba in priore membro haud exigua laborant difficultate, & varie admodum expediuntur. Duæ sunt Interpretationes, quæ adtentionem merentur, a Doctis in medium adductæ: quarum *prior*, quæ communem fere calculum meruit, ita vertit, *ne feræ tradas vitam turturis tui*: cui vehementer obstat vox *נח*, quæ sine addito epitheto non denotat feram; sed vel *agri*, vel *terræ*, vel *arundineti* epitheton ubique secum solet habere conjunctum; præterea status constructus vocis *נח* eam non patitur a seq. *וּנְדִי* divelli; accedit, mox *נח* in bonum sumi, & cum *humilibus* Dei construi. *Posterior*, cujus ratio habenda est, sententia, quam de Dieu in medium adtulit, hanc dat versionem: *ne tradas vitam animæ turturis tui*, scilicet in necem, seu perniciem. Quæ spernenda quidem non est, nec tamen ab omni difficultate libera. 1. Phrasis, *vita animæ*, est insolita, licet *anima vivificari*, Ps. xxii: 30. & *in vita poni*, Ps. lxxvi: 8. & *anima crepare in vita*, Job. x: 1. occurrat, nusquam tamen *vita animæ* reperitur, nec hic emphasin habet, quam in locis citatis, quibus ad *firmas compactiones vitæ* respicitur, quæ vis est vocis *נח*. Quid enim hic est? *ne des firmam compactionem animæ vel vitæ turturis tui*, quare non dixit, *ne des animam turturis tui*? 2. Verbum *נָדַד* dare cum voce, quæ habet *ל* præfixum, ut hic, constructum, eo sensu sumi non solet, quo vertere liceat, *dare quid*, sed *dare alicui* significat; licet alias *ל* nota sit accus, in hac tamen constructione non videtur sumi posse, ut sit, *ne des נח־לִי vitam animæ &c.* 3. Emblemata turturis quoque exige-

exigere videtur, ut *fera* mentio præcesserit, cul diripienda traditur ovis imbellis. Quæ alias ratio dari poterit emblematis? Conjungamus itaque *וְנָן נִחַן*, & construamus cum verbo *יָנַן*, ac vertamus, *ne des catervæ fera adpetitus turturum tuum*, forte omnis difficultas disparebit. Vox *נִחַן* catervam coagmentatam recte denotat, ut ad Ps. LXVIII: 11, 31. vidimus, ubi in bonum & malum sensum, pro diverso epitheto addito, sumitur; uti & hic, cum mox in bonum occurrat in altero membro, ubi *נִחַן catervæ humilium tuorum* adpellatur populus Dei afflictus. Quæritur tantum, quid sibi velit epitheton *וְנָן* ei additum, *ne des turturum tuum וְנָן נִחַן catervæ animæ*. Coccejus, cum vertisset, ut vulgo solet, *ne des bestiae animam turturis tui*, subjungit: *aliqui וְנָן נִחַן animal animæ* esset bestia vorax, cupiditatis indomita, præclare & aptissime! modo cupiditas nocendi una comprehendatur. *Caterva fera animæ* elegante & emphatica phrasi est caterva *spirationis*, quæ superbiam, opum avditatem, & violentiam spirat; cupiditate spoliandi, & vastandi, insatiabili prædita est. Vox *וְנָן* proprie *flatum, spiritum* denotat, & inde pro flatu superbo, vehementiore adpetitu edendi & bibendi, ut Deut. XXIII: 25. Ps. CVII: 9. Eccles. VI: 7. nec non insatiabili aviditate nocendi, Prov. XVI: 26. ubi vid. Schultens, sumitur. Quæ omnes idæ hic conjungi possunt. *Caterva וְנָן* itaque est, quæ vorax est & gulosa, sicut *וְנָן גִּילְיָן* Prov. XXIII: 2. *homo gulosus*, proprie *præditus anima*, & *וְנָן יָדְיָן fortes anima*, seu cupiditate edendi, *canes*, Jes. LVI: 11. quibus competit, quod impiis tribuitur Ps. XXXV: 25. *ne dicant, evax! anima nostra, ne dicant, deglutivimus illum*. h. e. adpetitus noster, eum devorando, est expletus. Aptissimum emblemata hostium ejus temporis, in primis Antiochi Epiphantis, superbissimi, avarissimi, & in Judæos sævissimi regis; de quo dixi abunde ad Dan. VIII & II. Vid. etiam Ps. LXVIII: 31. ubi *caterva fera arundineti*, & LXXX: 14. ubi *aper sylvæ*, & *fera agri*, adpellatur. Ceterum cum mox *turturis* fiat mentio, respici forte

forte videtur in *נפש חיה caterva fera animæ* ad aves rapaces, in specie *accipitrem*, dictum *איה* a *sono*, quem edit, voce proxime *חיה* respondente. De quo vid. Bochartus a.

§. XXXVII. Huic *catervæ animæ*, seu spiritus, petunt ne Deus tradat *turturem suam*, ne *catervæ humilium suorum obliviscatur in purum putum*. Populum Dei, qui Deo adhærebat, & legis studiosus erat, adpellant *turturem Dei*, & *catervam humilium ejus*. Quæ duo epitheta se mutuo illustrant, cum prius sit emblematicum, posterius magis proprium, & prioris explicativum. *Turtur* avis casta, imbellis, gemens, & raptui exposita, egregie depingit populum, uni Deo, tanquam marito, abnegata idololatria, adhærentem, imbecillem, & viribus destitutum, persecutioni hostium expositum, & continuo gementem, ac Deum inclamantem; cui epitheton *catervæ humilium* & afflictorum egregie quoque convenit, cum societatem coagmentatam, & firmiter colligatam, quæ vis est vocis *חיה*, constituent, simul *humiles* sint, & modesti, denique afflicti & oppressi, quibus *succus vitalis* quasi expressus est, & *effluxit*: quæ verbi *חיה* proprietas est, in *fluendo* sita, unde humilis, depressi, afflicti, notio facile orta est, quam ubique præfert. Precatio vero est, ne Deus eos *tradat*, & *obliviscatur* eorum, in *purum putum*, seu plene & perpetuo, in quo vis orationis residet; quare *חיה* cum *tradere* æque ac *oblivisci* construi debet. Indicant, se esse *traditos catervæ feræ* & *oblivioni Dei*, & supplicant, ut Deus finem imponat, nec plene & in perpetuum ita agat. *Tradere* est permittere, non curare, quare mox per *oblivisci* exponitur; quod *θεοπροπιω* est intelligendum; ut facile patet, nec nostra explicatione indiget.

§. XXXVIII. b. Urgent preces, & Deum ad exaudientum movere conantur, ex consideratione *foederis*, ac *grasantis violentiæ publicæ*, vers. 20. *Acri oculo intueri foedus; quia plena sunt tenebricosa terræ, mansiones, violentia.*

h. e.

h. e. vibrante oculorum acie, tanquam judex & vindex, intuearis, quæso, *foedus*, & tuum, & hominum, ruptum, & conculcatum, omne jus & fas prostratum, foedusque tuum violatum; quum violentia ubique & palam grassetur, ejusque signis & effectis plena sint quæcunque loca, & subterranea, aut abdita, in quibus latitant afflicti præ violentia, & mansiones quæcunque aliæ commodæ, tuæ & nostræ, quæ desertæ jacent ac vastatæ. Petunt, ut Deus *intueatur foedus*, scilicet Dei & hominum ruptum, tanquam judex & vindex. *Foedus*, absolute positum, & Dei cum populo Israelis, & *hominum*, foedere, seu jure naturæ ac gentium, conjunctorum, intelligi potest: quemadmodum, Jes. xxiv: 5. ubi *foedus æternum* adpellatur. De quo vid. Cl. Vitringa. Hoc foedus cum volunt ut Deus *intueatur*, significant, illud esse ruptum, ac laceratum, et petunt, ut Deus, tanquam judex et vindex, acri oculo illud intueatur, ad illud vindicandum. Conf. Jes. lxiv: 8. Emphasi pollet radix *נִיב*, cujus proprietas est in tremulo ac corusco motu, qua fulminis, qua oculi, aut alterius rei, adeoque dicit, *oculis micantibus*, seu acribus, intueri, &c. a. Addunt, ut demonstrent, cum foedus esse ruptum, tum Deum accurrere debere ad opem ferendam, et foedus vindicandum, violentiam ubique locorum per terram grassari; his verbis: *quia plena sunt tenebricosa terræ, mansiones, violentia*, scilicet sæva, et cruda publice grassante, ejusque effectis; quæ de *foedere* prostrato testantur. Verba varie vertuntur, et exponuntur; sed aliam non ferunt interpretationem, ac quam dedi; quæ habet, signa et effecta violentiæ conspicua esse in omnibus locis: quæ distinguuntur in *tenebricosa terræ* et *mansiones*, h. e. antra, loca subterranea, sepulchra, et domos commodas, ac amoenas; de quibus dicitur, ea loca *plena esse violentia*, quam patiuntur, et cujus signa ac effecta præferunt, et non, quam inferunt, et patrant. *Tenebricosa terræ* sunt loca abdita,

LII

oc-

occulta, subterranea, sive sint antra, cavernæ, specus, in rupibus, aut infra terram, sive *sepulchra*; secundum constantem vocis usum; ut loca, in Lex. obvia, satis docent: quæ plena dicuntur esse *violentia*, cum quod præ violentia homines eo confugere debuerint, ut est Jud. vi. 2., uti tempore persecutionis Epiphanicæ contigit; quo Jes. xxiv. 15. respicitur, ubi vid. Cl. Vitringa, tum quod ne ibi sæpe tuti fuerint, sed violenter mactati; uti exemplum notabile est, 1 Macc. ii. 31.— tum quod occisi & in tenebricola terræ per violentiam missi sint. Adduntur, licet sine copula, quæ sæpe alias reticetur, *mansiones*, absolute positæ, adeoque qualescunque, sive *Dei*, de quibus supra, vers. 4, 7, 8. sive Israelitarum, de quibus hac ipsa voce Ps. lxxix. 7. Vox Hebr. מן significat hospitium commodissimum, ad quod tenditur, tanquam *centrum* & *meditullium*, a propria notione *tendendi*, *contendendi*, quæ radici inest. Quæ *mansiones* dicuntur plenæ *violentia*, quatenus vel vastatæ, vel desertæ, vel spoliatæ sunt. Quod ultiore explicatione non indiget.

§. XXXIX. β. Altera pars precum respicit ad eos, qui sese ad causam populi vindicandam adcinxerant, & hostibus sese aperto Marte opponebant, & implorationem auxilii Dei, ipsis concedendi, continet, ne confusi redeant victi, sed ut victores triumphum canant, & Deum publice laudent, vers. 21. *Ne redeat adtritius ignominia fractus, adflictus*, seu humilis, & *pauper laudabunt jubilis nomen tuum*. h. e. ne qui egressus est contra hostes redeat ex bello & prælio contusus & ignominia fractus, sed humiles ac pauperes licet sint, triumphabundi nomini tuo, in quo exierunt, laudes accinant. Verbum מן hic peculiarem suum usum exserit, quo denotat retroactionem cum clade, ignominia & confusione e bello; alio enim referri commode hic nequit, huc autem aptissime; cum addantur epitheta, elade & ignominia adfectis propria; מן נכסם *contusus*, *ignominia fractus*; quæ jungenda sunt, & pro adjectivo, seu epithetis

thetis ejus, qui *rediit*, habenda; fecus ac vulgo solet; דך enim pro subjecto, & נלם pro adjuncto haberi solet, hoc sensu, ne adtritrus qui est redeat ignominia adfectus; quod ad precatores referunt; qui a precibus non redirent confusi. Sed voces נלם דך cohærent, & statum ejus depingunt, qui *rediit*; reticetur vero subjectum orationis, quod mente intelligitur, & digito quasi monstratur, verbo *redire* involutum, & ex nexu facile eruendum, cum præcesserit *catera bumiliū*, & sequatur *bumilis ac pauper*. Subjungitur apte, *bumiles & pauper jubilis celebrent nomen tuum*, scilicet in quo egressi sunt, uti habetur Pf. xx: 8. cxviii: 10. 1 Sam. xvii: 25. Ducit itaque nos hæc phrasia ad carmen triumphale a victoribus canendum; uti Pf. cxviii. hoc tempore, quo hostes subegerant, facta. Similiter orarunt Maccabæi, 1 Macc. iv: 33. *prosterne eos gladio diligentium te, & laudent te omnes, agnoscetes nomen tuum hymnis*. Conf. etiam Jes. xiv: 15, 16. xxv & xxvi.

§. XL. ב. Precibus subjungunt exhortationem Dei tanquam judicis & *patroni*, ut causam suam efficaciter agat, & populo adfecto, seseque hostibus opponenti, ope sua succurrat, hostesque reprimat, ratione ducta ab opprobrio, Deo & populo furiose illato; vers. 22, 23. *Surge Deus! litiga litem tuam, recordare opprobrii tui a mihi stulto omni die. Ne obliviscaris vocis hostium tuorum, strepitus insurgentium tuorum æstuantis jugiter*. Quæ nihil habent difficilis, ex superioribus non facile expediendum. Conf. etiam dicta ad Pf. xliii: 1. Excitatur Deus, tanquam judex & vindex, ad causam suam & populi decidendam, & opprobrium ac strepitum hostium vindicandum. Tantum not. in ultimo membro vers. 23. respici ad aquas æstuantis & streperas, quibuscum populi hostiles comparantur, Jes. xvii: 12. Pf. lxvi: 8.





P S A L M. LXXV.

1. *Profecto, ne perdas, Psalmus Asaphi, canticum.*
2. *Confitemur tibi, Deus! confitemur: & propinquum est nomen tuum, narrant mirabilia tua.*
3. *Quia recipiam conventum, ego reſtitutiones, ſeu in reſtitutionibus, iudicabo.*
4. *Fluctuarunt terra, omnesque incolæ ejus; ego ad libellam exegi columnas ejus.*
5. *Dixi, dicoque, ſplendida fortuna coruſcis, ne ea effera-
mini, & improbis, ne extollatis cornu.*
6. *Ne extollatis in altum cornu veſtrum, loquamini collo ere-
cto rancidum.*
7. *Quia nihil ex ortu & occaſu, ex deſerto & montibus.*
8. *Quia Deus iudex, iſte deprimit, & iſte extollit.*
9. *Quia calix eſt in manu Jehovæ, & vel cujus, vinum
fermentescit, plenum mixtione venenata, & ebullire faciet
ex eo: etiam, vel profecto, exſugent bibent fæces ejus omnes
inprobi terræ.*
10. *Et, vel at, ego publicabo in æternum, pſallam Deo Ja-
cobi.*
11. *Et omnia cornua improborum ſuccidam, exaltabuntur cor-
nua juſti.*

PRO-

PROLEGOMENA.

§. I.

Argumentum Ps. est celebratio Dei Israelis, qui sese nunc gloriosum in medio populi præstiterat, cum gratiarum actione conjuncta, ab illustri viro, suprema potestate in civitate & Ecclesia Dei prædico, facta, super singularibus prærogativis, & beneficiis sibi & populo concessis, quod mox locum & tempus conventus Dei & populi in medio sedis suæ sit accepturus, quo rectitudines possit exercere; quodque ipse statum populi misere turbatum & collapsum potuerit restituere & firmare; quodque denique tempus adluxerit, quo Deus se declaravit judicium exerciturum, adeoque omnes admonendi sint de superbia & insolentia deponenda; ni gravi judicio velint prosterni: subjuncta professione propositi sui de Deo in posterum laudando, & ad ejus exemplum impios delendo, ut justi capita exferre possint. Illustis vir, qui hic in scenam producit loquens, cum suo & populi nomine celebrationem ac gratiarum actionem, Deo publice factam, qui sese propinquum & mirabilem præstiterat, & omnium ora in suam laudem resolverat, expressisset, beneficia, sibi & populo facta, tanquam laudationis Dei materiam & rationem, recenset *tria*, *primum*, mox repræsentandum, quo conventum Dei & populi in medio sui reciperet, & rectitudines faceret; *secundum*, præteritum & recens factum, quo remp. labefactam & dilapsam disposuerat & firmarat, *tertium*, post futurum, quo Deus se judicem & vindicem scelerum per orbem præstaret; adeoque omnes admonendi sint, ut spiritus altos deponant. Quando concludit, se Deo in posterum laudes cantaturum, & Deo judici ministrum præbiturum in proterenda potentia impiorum, ut justi possint tuto & gloriose agere.

§. II. Ad cujus argumenti, summam propositi, verum conspectum in luce collocandum, 1. observo, personam loquentem esse virum suprema dignitate, ac potestate, in rep. & Ecclesia Jacobitarum præditum, cujus erat *judicium* exercere, & impiorum cornua diffringere, vers. 3, 11, quique statum reip. collapsum ordinaverat ac firmaverat, vers. 4. 2. Deum celebratissimum jam reddidisse nomen suum, ita ut omnes quaquaversum mirabilia ejus narrarint, vers. 2. 3. Statum reip. fuisse antea dissolutum, & collapsum, nunc vero instauratum & firmatum, vers. 4. 4. Conventus publicos, & civiles & religiosos, mox in sede hujus regis futuros, adeo ut ipse possit jus & æquum omnibus facere, vers. 3. 5. Tempus adesse, quo Deus judicaret impios terræ, seseque præstaret supremum hominum judicem & arbitrum; adeo ut superbi & insolentes sese submittere debeant, nisi repressos sese a Deo velint, vers. 5—9.

§. III. Qui characteres, si ex Ps. recte sint educti, nos manifeste ducunt, & cui unice conveniunt, vel ad *Davidem*, vel *Simonem Ethnarcham*; *illum*, quo tempore regno firmato, & populi statu feliciter ordinato, *arcam* in sedem suam jam jam reciperet, & de civitate sua faceret locum *conventus* civilis & sacri; quando populos vicinos quaquaversum subjugavit, 2 Sam. VI. *hunc* vero, quum, populo in libertatem & pacem vindicato, publice esset inaugurandus tanquam Pontifex & Ethnarcha, 1 Macc. XIV. qui eo tempore dici potuit accepisse *conventum*. *Posteriorem* hypothesein etiam commendat 1. phrasis, *accipere conventum*, seu munus conditum, quæ in Ethnarchæ & Pontificis inaugurationem, in loco publici conventus factam, recte quadrat, 2. quod tempus Maccabaicum in verbo Prophetæ, tanquam quo Deus judicium exerceret publicum, repræsentari soleat, de quo ad Mal. III: 19.— & Dan. pluribus disserui, 3. quod superiori Ps. recte subjungatur, ut facile patet, & Ps. CXVIII. proxime respondeat: attamen ad *priorem* hypothesein magis inclinât animus, non tam, quod Asaph. sit
autor

autor Ps., licet non sit nullius, cum a celebratissimo Asapho, tempore Davidis, sine urgente ratione non sit discedendum, quam 1. quia phralis, *ego disposui columnas terræ*, rectius in Davidem, quam Simonem convenit, quod ille solus hoc fecerit, *hic* post Judam & Jonathanem, qui fundamenta jecerunt, 2. quia *judicis* persona *Davidi* quoque adcommodatior est, cum tempore Simonis obtinuerit *syndrium magnum*, cui judicia competebant. De Davide disertè habetur, 2 Sam. VIII: 15. *ipsum fecisse justitiam & judicium omni populo*. 3. Phralis *accipere conventum*, recte intellecta, rectius in Davidem, conventus politicos, & Ecclesiasticos, in sedem suam, seu Thionem & Hierosolimam, transferentem, & ita recipientem, aptius quadrat, quam Simonem, urbem intrantem ad *munus*, quod non est *מנא*, suscipiendum. 4. Accedit, Ps. CI., a Davide compositum, ejusdem esse tenoris, quoad exercitium justitiæ, & eodem tempore ab ipso factum, quo *arcam* jam jam in sedem suam transferret: de quo ibi pluribus disseram. Eo itaque tempore & Asaph videtur excitatus ad hoc carmen concinnandum, quo Davidem introducit loquentem; quod a stylo poetico nihil habet alieni. In ipsum enim Asaphum non quadrare Ps., facile cernitur; nec ulteriore opus habet demonstratione.

§. IV. *Scopus* Ps. est, sicut argumentum ejus docet, 1. Felicitatis reip., post rerum confusionem ortæ, publicum erigere monumentum in laudes Dei, 2. veræ prosperitatis populi dare descriptionem, in eo sitæ, quod locum conventus in medio sui habeat, judicia exerceantur, impii reprimantur, & justii floreat. 3. Personæ regis, supremi in terra judicis, genuinos ducere characteres, in firmanda & bene ordinanda rep., jure & æquo faciendo, impiis judicandis ac justis extollendis, fitos. 4. Regi formulam in manus tradere, qua præclaras hæc qualitates ipse exprimat, & ea ratione sese ad eas exercendas publice obstringat. Quæ ratio est, quare regem ipsum introducat loquentem. Cui *scopo* rectè convenit inscriptio מנא-למ non perdes;

des; de qua dixi ad Pf. LVII. Ex quo de *usu* Pf., inter sacra canendi, facile judicatur.

§. V. Quod ad *structuram* cantici adinet, persona illustris, suprema prædita in rep. potestate, introducitur loquens, a poeta diversa, ut ex dictis adparet, nec plures, sed ipsa sola; secus ac multis visum, qui variarum personarum, seu Dei & populi ejusque ducis, colloquium hic sibi videre putant, sine ullo fundamento; denique vertit sese persona ad Deum, quem adloquitur, cui confessionem & gratiarum actionem offert pro acceptis beneficiis, quæ recenset; nisi quod in fin., propositum suum Deum in posterum laudandi, & regnum bene administrandi, proferens, de Deo in tertia persona loquatur. Stylus non est quidem difficilis, attamen emblematicus, & emphaticus. *Partes* Pf. generales *duæ* sunt, quarum *prior* continet laudationem & gratiarum actionem Dei pro singularibus privilegiis & bonis, in personam loquentem & populum collatis ac conferendis, vers. 2—9. *posterior* propositum hujus personæ Deum semper celebrandi, ac regnum juste ac pie administrandi repræsentat, vers. 10, 11.

A N A C R I S I S.

§. VI. Licet Interpretes circa hypothefin Pf. exponendi secum valde dissentiant, quos suo loco relinquere debeo; dubium mihi non est, quin Pf. de Davide, quo tempore Hierosolyma facta est sedes regni & religionis, sit exponendus; quia superiores characteres in illud tempus apte quadrant, nec ulla est ratio a Davide discedendi. Sunt quidem, qui ad Messiam, regem & executorem judiciorum Dei per orbem, adplicant; sed ejus hic nullum distinguens sese offert criterium; nihil, quod in Davidem non conveniat, ipse de se in laudes Dei non possit prædicare, quodque alibi, ut Pf. CI., sibi non adtribuat. Quæ omnia ex ipsa

ipsa tractatione in lucem prodibunt clariorem: ad quam
mox pergo.

EXPLICATIO.

§. VII. In priore parte occurrit *a.* celebratio Dei, vers. 3. 1. ejus causa & ratio, vers. 3—9. *a.* Celebrationem Dei profert & urget David, hic loquens, suo & sociorum nomine, vers. 2. *Confitemur tibi, Deus, confitemur; & propinquum est nomen tuum, narrant mirabilia tua.* h. e. erumpimus, ego & socii mei, in laudationes & gratiarum actiones tuas, o Deus! magno cum animorum fervore; idque eo magis, quod nomen tuum gloriosum in omnium venerit notitiam quaquaversum, ita ut mirabilia tua opera ubique recenseantur ac narrentur per terram. Cum dixerunt, David & Hierosolymitani, seu focii & cives ejus, quos sibi adjungit, se Deo *confiteri*, ipsum laudando, ac ipsi gratias agendo, quæ verbo *הנה* comprehensa sunt, ut notum, nec segniter & semel, sed fervide & continuo repetitis vicibus, quo repetitio verbi ducit: subjungunt, ad obligationem suam Deo confitendi magis urgendam, & Deum magis extollendum, *nomen ejus propinquum esse, & mirabilia ejus* ubique celebrari, seu promulgari; acsi dicerent; eo magis ad id excitamur, quod hoc tempore nomen tuum sit ubique notum, & mirabilia tua in omnium ore per terram. Hac ratione voces apte cohærent; licet Interpretēs aliter instituere soleant. *Nomen Dei* dicitur *propinquum*, quatenus publicam venit in notitiam, & in omnium animis ac ore est, oppositè ad *ignotum & obscurum*, quod longius dicitur remotum. Conf. Deut. xxx: 11. & quæ Cl. Schult. ad h. l. protulit ex lingua Arab; qua *propinquum* adpellatur, quod *notum* est. In cujus notitiæ signum adducit, *narrant mirabilia tua*, scilicet quicumque & qualiacunque, in specie

M m m

nunc

nunc in nostram felicitatem facta; quorum mox aliqua proferuntur. Vid. Pf. ix: 2. *Narrant* inpersonaliter est, *quicumque* narrant, seu *narrantur* ubique per terram: quod facillimum est, licet minus observatum.

§. VIII. 1. Privilegia & bona in se & populum collata, quæ materiam præsentis celebrationis in primis faciebant, memorantur *tria*. a. Primum est instans, in eo situm, quod mox in civitate & potestate sua acciperet David *locum conventus*, & occasionem jus ac æquum exercendi; uti se facturum esse simul pollicetur, vers. 3. *Quia recipiam conventum, ego restituciones judicabo*. h. e. Inter alia præclara bona, quæ te celebrandi materiam mihi & nobis præbent, hoc primum sit, quod mox in ditione mea accepturus sim *conventum* & tui & populi, civilis itaque & Ecclesiastici, quodque justum & æquum dispensaturus sim in rep. & Ecclesia, secundum æquum & justum omnia directurus; sicut me facturum esse quoque promitto. Interpretes hic in varia rursus discedunt, & magis minusve probabilia proferunt, quæ lubens mitto; nostra explicatio sese facilitate sua facile commendat. Vocula *quia* retinet usitatam potestatem, quæ *causalis* est, cum ratio reddatur *celebrationis Dei*; sicut & vers. 4. eum fert conspectum, ut mox patebit. Vox *quoque* quoque usum suum conservat, quo *conventum* dicit; sed, cum absolute ponatur, *conventus* qualiscunque, politicus, judicialis & religiosus, intelligitur. De quo dixi ad Pf. LXXIV: 4. Phrasis *accipere conventum* denotat, eum in sedem & ditionem suam recipere, simul suæ directioni subiectum: quod factum est, quum Hierosolyma declarata est a Deo metropolis ac sedes regni, & religionis, *arca* in eam translata: quod 2 Sam. vi: 10. dicitur, *arcam Jehovæ ad se adducere in urbem Davidis*: & Pf. ci: 2. *venire Dei ad ipsam*: ubi vid. dicenda. Quod ipsum clarius hic diceretur, si *ad me* in textu deficere statuatur, quæ vox per sequentem *facile* potuit cenferi absorpta. Sensus ergo foret, si recepero conventum *apud me*, vel ad me tendentem, & trans-

transferendum, sicut arcam Jehovah *ad se* adducere dicitur, 2 Sam. xi. & Deus *ad ipsum* venire Pf. ci. Quod ipsum verbum *נָפַל* divite sensu, quo sumtum adducere denotat, involvit, sicut alibi *א* observavi. De Hierosolyma, seu civitate Davidis, *loco conventus*, legendus omnino est Pf. cxxii. & comm. noster ad eum. Subjungit, *restituciones judicabo*, seu in *restitutionibus*, ut Pf. ix: 9. h. e. æque & iuste omnia disponam, & cuique æquum & jus faciam: quod facillimum est. Sed notandum, illud hic occurrere, tanquam & *privilegium*, & *promissum officium*; quem utrumque conspectum habet: acsi diceret, *confiteor tibi, Deus!* quod mor accepturus sim conventum, & ego ipse constitutus a te ad jus & æquum faciendum: quod ipsum me facturum esse tibi confiteor, & promitto: de quo directius mentem exponit, vers. ii. Quo sensu posset quoque prius membrum verti: *quum accepero conventum, restitutiones ego judicabo*; adeo ut utrumque includatur, *confiteor tibi quia accipiam, & quum accepero, judicabo* &c: Respicitur itaque ad illud tempus, quo, *arca* in civitatem Davidis translata, hæc declarata & facta est sedes regni, iudiciorum & religionis. 2 Sam. vi.

§. IX. β. *Secundum* beneficium in se jam collatum, & per se in populum Israelis, complectitur terræ cum incolis fluctuantis per externa & intestina bella, omniumque rerum confusionem in judiciis & religione, dispositionem exactam & firmam suo ministerio a Deo factam, vers. 4. *Fluctuarunt terra & omnes incolæ ejus, ego ad libellam exegi columnas ejus.* h. e. confitemur Tibi, o Deus! quod terræ, ejusque incolarum, statum fluctuantem, & dissolutum, ac destructioni proximum, ego instaurare, disponere, ac firmare potuerim; uti feci. Cohærent verba cum vers. 2. *confitemur tibi*, & vocola 3, vers. 3. hic repetenda, & novam continent materiam Deum celebrandi, quod suo ministerio Deus res omnes collapsas restituerit, & firmaverit.

M m m 2

Respi-

a ad Jer: xxxvi: 26. xxxvii: 16. xl. 2.

Respicitur ad statum reip. & populi ante hæc tempora confusum & dissolutum per hostes, bella intestina, judiciorum & religionis neglectum, & similia, nunc a Davide, ope Dei, instauratum & confirmatum; quemadmodum ex historia constat, & Ps. Lx. describitur. Nihil hic difficilis ex hac hypothefi. Verba quoque nihil habent, quod moras injicit; aut ab Interpretibus non est expeditum. De verbo *undare*, *fluctuare*, dixi ad Ps. XLVI: 7. LXV: 11. de *con* proprie *librare*, *exigere ad libellam*, vid. Schultens *a. Columnas* terræ esse quicquid ad statum populi bene ordinandum, & firmandum, facit, si res siue personæ sint, satis tritum est.

§. X. 7. *Tertia* ratio Deum laudandi inde petitur, quod Deus illustri specimine sese judicem mundi demonstraverit, qui solus extollit & deprimit, & impios severe puniturus est, adeoque magni momenti veritatem, impios esse de terra delendos, confirmaverit, & piis occasionem dederit cum fiducia promulgandi, ipsisque mundana felicitate ebriis & impiis insinuandi, Deum esse supremum mundi arbitrum, & judicem, qui quoscunque vult extollit & deprimit, & superbos, impios, sese contra Deum & populum ejus efferentes, destructurus est. Hic est genuinus conspectus pericopæ, vers. 5—9. qua persona illustris, in hoc Ps. loquens, sermone ad hujus sæculi fortunatos & impios verso, ipsis cum fiducia promulgat, ut altos spiritus deponant, & sibi persuadeant, Deum esse fortis hominum arbitrum, ac severum impiorum judicem futurum; sicut nunc insigni exemplo in Davide ac populo suo extollendo, impiisque delendis, demonstraverat, et mox uberius in populis vicinis debellandis confirmaret; et ulterius in posterum suis temporibus comprobaret. Continet itaque pericopa *perisma* aliquod practicum, de Deo fortunæ hominum dispensatore, et impiorum destructore, ex præsentè statu Davidis et populi Dei felice, modo memorato, educum;

• Ad Job. XVIII: 25.

etum; adeoque partem laudationis Dei constituens; quatenus Deo acceptum erat ferendum, quod hoc tempore illustri hoc specimine hanc maximi momenti veritatem in lucem produxerit, & Davidi ansam præbuerit eam in publicum proferendi, ac cum fiducia in mundanorum & impiorum animos ingerendi. Plane quemadmodum Ps. ix: 8-11. & alibi instituit. Ex quo conspectu illud quoque lucramur, quod pericopa amplissimum accipiat sensum, nec intra hoc tempus, quo Ps. compositus est, constingatur, sed latius ad futura tempora extendi possit & debeat. Comprehendit n. admonitionem ad fortunatos & impios seculi directam, ne insolescant, & in Deum ac populum ejus impetum faciant, vers. 5, 6. 2. ejus rationem, a persona Dei, tanquam supremi arbitri ac judicis, quam singulari specimine demonstraverat, & in posterum ageret, petitam, vers. 8, 9.

§. XI. n. Admonitio his verbis profertur, vers. 5, 6. *Dixi, dicoque, splendida fortuna coruscis, ne ea efferamini, & improbis ne extollatis cornu. Ne extollatis in altum cornu vestrum, loquamini collo erecto rancidum.* h. e. Cum tu, o Deus! Majestatis, potentiae & justitiae, in me & populo extollendo ac firmando, hostibus repressis, dederis specimen, tibi acceptum fero, quod cum fiducia potentes & impios seculi, fortuna & potentia sua insolescentes, & tibi ac populo tuo imminentes, retundere & reprimere possim; & hanc maximi momenti veritatem, Te esse summum arbitrum & judicem universi, in publicum proferre; sicut feci, & iterum facio, sermone ad eos verso, *dixi, & dico vobis*, qui fortuna corusci insolescitis, & improbi estis, ne efferamini, vobis & opibus ac viribus fidentes, ne insolescatis; multo minus in altum contra Deum vos superbe erigatis, colloque sublimi verba vana & contumeliosa effutiat. Parum difficilis, quod nostrae curae relictum est, occurrit; quare uno alterove observato defungar. 1. Adpellat eos, quos adloquitur, חיללים & שטים, fortuna splendi-

da opum & potentia coruscos, ac improbos; irrequietos, & se jactantes: quæ vocum est genuina potestas & usitata significatio; de quo dixi ad Pf. LXXIII: 3— & improbos fortunatos in genere, vicinos populos hostiles sive hujus, sive sequentium temporum, est enim generale porisma prædicum, in specie intelligit. 2. Cum ipsis injungit & præcipit, quod etiam verbo *וַיִּצְוֵם* comprehensum est, non simpliciter, *ne se efferant & cornu extollant*, sed & *ne in altum cornu efferant*, ac collo erecto rancidum loquantur; non simpliciter eandem rem repetit, sed quid plus dicit; scilicet, ne contra Deum cornu efferant, eum actu ipso impetentes, & eum blasphemis ac injuriosis verbis adpetentes. Conf. Pf. LXXIV: 10, 18. & ibi dicta. *In altum efferre cornu* idem est, ac *in coelum*, adeoque Deum, sanctum Israelis. Vid. Jes. xxxvii: 23. & lvii: 15. ubi *altum & sanctum habitare* habetur, dicitque Deum audaciter ac insolenter impetere, sese populo & cultui ejus opponendo, quod est *tollere cornu*, ut solent *cornupetæ* bestię. Alterum, ne *loquamini collo erecto rancidum*, etiam ad Deum in sublimi habitantem referri debet, & injuriosa ac blasphema verba involvit. Vox *pry* a propria *vetustatis* potestate transit ad *durum intrastabile*, etiam *rancidum*, denotandum, unde ad verba *putida, insolentia* & contemptum aliorum spirantia, adplicatur: *וַיִּצְוֵם* vero est *collo erecto*, adeoque superbo & insolente animo, & gestu; quod Pf. xxxi: 19. dicitur rancidum loqui *וַיִּצְוֵם* & LXXIII: 6. *collum ipsius erigit & collari cingit elatio tumida*. Ubi vid. dicta.

§. XII. 1. Ratio dehortationis additur duplex, *altera* a Deo solo arbitro mundi, *altera* a judicio Dei in impios terræ desumta. *Prior* negative et positive profertur, vers. 7, 8. *Quia nihil ex ortu & occasu, ex deserto, montibus: quia Deus judex, iste deprimit, & iste extollit*. h. e. Nihil est in tota terra, quam late patet, a quo pendet hominum fors, humilis vel gloriosa, sed solus Deus judex, supremus mundi arbiter, iste de sorte hominum diversa disponit. Versus ita coherent, ut, quod omnibus in tota terra eripitur, Deo

Deo soli vindicetur, quod vers. 7. ad plenam sententiam deest, ex vers. 8. supplendum sit: hac ratione: quia nihil aut nemo ex quatuor mundi plagis deprimit aut exaltat, sed Deus iudex iste solus utrumque facit. Sententia itaque vers. 7. incompleta est, ex vers. seq., uti feci, supplenda. Ex quo simul elucescit, ultimam vocem, vers. 7. **וְיָ** recte per *montes* verti, quæ constans est ejus significatio, et præcedenti **וְיָ** per adpositionem sine copula addi, ut de *deserto* et *montibus* cogitaremus. Conf. Deut. xi: 24. ubi *desertum* et *Libanus* eodem sensu memorantur, ut et Jos. i: 4. Qua ratione quatuor terræ partes, et coeli plagæ, hic memorantur, *orientalis, occidentalis, australis*, quia desertum est terminus Cananæ ab austro, et *Septentrionalis*, ubi montanum Libani, Antilibani, et Hermonis, ejus limes est ab Aquilone. Emphasi pollet vocula **וְיָ** non, qua *nihil & neminem*, ut sæpe alias, denotat; adeo ut sensus huc redeat: neminem aut nihil sese a quatuor mundi plagis offerre posse, cui sortis hominum distributio competat, sive *depressio* aut *exaltatio* hominum; *nihil* in orbe toto, quam late patet, esse, sive hominem, sive sic dictum Deum, aut idolum, in cujus potestate hoc sit. Quod autem omnibus negatur in terra, id soli Deo vindicatur, vers. 8. *Quia Deus iudex, iste deprimit iste extollit*. Sic enim vertenda sunt verba, ut nonnulli recte instituerunt, & non, ut alii, *istum deprimit, istum extollit*: non enim habetur, **וְיָ**, aut **וְיָ**, ut deberet, si *objectum* designaretur, sed **וְיָ**, argumento, *subjectum*, seu personam humiliantem, designari, ut Jos. xxv: 9. *ecce, Deum nostrum! hic est, quem expectavimus*. Inquitur itaque, ut ad scopum propius accedam, Davidis & populi Israelis præsentem elevationem, ac Sauli ejusque domus depressionem, soli Deo esse adscribendam; & illustre in eo datum esse specimen *judicii Dei*; unde colligi posset, populos vicinos eandem humiliationis sortem esse subituros; absque ut ullus sit ad quatuor plagas Cananæ populus, pe-

nes

nes quem sit aliquis aut aliquid, in cujus potestate est hujus fortis dispensatio, quæ solius Jehovæ est, Dei Israelis; qui eam ulterius exercebit in Israele extollendo, ac populis vicinis deprimendis.

§. XIII. *Posterior ratio, a judicio Dei severo in improbos exercendo, desumta, his verbis exprimitur, vers. 9. Quia calix est in manu Jehovæ, & vel cujus, vinum fermentescit, plenum mixtione venenata, & ebullire faciet ex eo; etiam, vel profecto, exsurgent bibent faeces ejus omnes impii terræ.* h. e. Quod insanis & impiis silentium imposui & humiliationem imperavi, illud hoc etiam nititur fundamento, quod tempus adsit, quo Deus judicare incipiet impios, donec eos de terra deleverit; est enim in manu ejus poculum, vini turbidi & venenati plenum, unde mox ebullire faciet in os impiorum, ut universum corpus exæstuet, & sanguine effuso tabescat, nec hoc tantum, sed progressu temporis faeces ejus, seu reliquias judiciorum, omnium severissimas, ad finem usque epotabunt omnes impii terræ; plane prosternendi, & e medio tollendi. Cum metaphorica judiciorum divinatorum descriptio, a calice, vino turbido & venenato pleno, unde cuique sua a Deo portio adsignatur, desumta, satis nota sit, ac illustrata, in primis a Gatakero *a*, ubi nostrum locum quoque fufius pertractavit, voces hic illic illustrasse, & dein scopum demonstrasse suffecerit. Tria sunt versus membra, quorum *primum* continet descriptionem *vini* in poculo, *duo* reliqua ejus epotationem perniciosam, per varias vices, usque ad ipsas faeces absumptas, faciendam ab impiis terræ.

§. XIV. Quod ad *primum* membrum adinet, *vinum*, quo poculum traditur plenum in manu Dei, duobus epithetis definitur, alterum est *non fermentationis*, alterum *non mixtionis*. Verba ita sonant, *poculum est in manu Jehovæ, & vinum fermentescit, plenum mixtione*, h. e. cujus vinum turbidum est & æstuans, quodque venenata mixtione plenum

infu-

insuper est. Radix מִן originem habet in tumore æstuante, unde orta est significatio *fermentationis*, nec non *rubicundi coloris*, qui præ reliquis coloribus veluti *effervescit*, denique *conturbationis lutosæ*, quæ per æstuationem efficitur. Vino hoc loco adtribuitur sensu potissimum *fermentationis* & *conturbationis*; ut vinum fervidum, æstuans, turbidum, significetur. Additur, vinum vel poculum esse plenum מִן , proprie *mixtura* aptissime temperatæ, sicut vinum solebat *aqua*, aut *aromatibus*, temperari; sed hic in malum *proveni* aut *fellis* mixtura sumitur; adeo ut sæculentum & turbidum non tantum vinum, sed & insuper *veneno* mixtum intelligatur, ad iram Dei, ejusque effecta severissima vividius pingenda. Secundum membrum exponit effectum mox secuturum, his verbis, $\text{וְיִבְּרַח$ *ebullire faciet ex isto*, h. e. Deus, in cujus manu poculum illud est, vinum illud æstuebundum & venenatum non amplius continebit, sed ex isto poculo linet exundare, facietque, ut corpus ejus, qui sumserit, sanguine ebulliente distabescat. Trahit verbum וְיִבְּרַח *ebullire faciet* aliquid de ambiguo, cum & de vino ebulliente e poculo, & in os potatoris influente intelligi possit, & de effectu in potatore, quo vi venenata poculi universum corpus exæstuat, & sanguine per venas erumpente tabescit; qui acerrimi & præsentanei veneni effectus est letalis. Vid. Cl. Schultens *a*, qui ibid. vocem וְיִבְּרַח eo trahit, & vertit, *exsiliante sanguine*, a וְיִבְּרַח *sanguis e vulnere exsiliit*, quod mihi longius quæsitum, & minus necessarium, videtur, cum idem fere radice וְיִבְּרַח sit involutum. Rectius ad *vinum* refertur, ut sit, *de ipso ebullire faciet* non totum, sed ex parte, reliquo in posterum servato, quum omnes impii terræ bibent usque ad fæces, quod mox additur, vel וְיִבְּרַח esse potest inde, ab hoc tempore; sicut וְיִבְּרַח *tempori* æque applicatur ac loco; ut sensus sit, jam mox ab hoc tempore illud futurum esse. Tertium membrum, sese ad futura tempora, longius remota, porrigens, habet: *etiam*, vel profecto,

Nnn


fæ

faces ejus exfugent ebibent omnes impii terræ. h. e. epotabunt exfugendo. quicquid. reliquum fuerit, usque ad *faces*, omnes improbi terræ. *Exfugere bibere* est, stylo satis usitato, *exfugendo bibere*, ut nihil reliqui maneat; quod non est difficile. Omnium severissimum intelligitur Dei judicium, per *faces* poculi. depictum, quo omnes improbi de terra dererentur. Conf. Jes. LI: 22, 23., & alibi. Quod in genere prolatum generalem quoque præbet intellectum, & judicium comprehendit, non hoc, sed sequente tempore per varias vices executioni mandandum, donec omnes impii fuerint extirpati. Ex quo observato omnis difficultas, respectu temporis, quo Ps. compositus est, sublata est. Declaratur enim distincte, jam ab hinc judicium Dei esse incepturum, ut modo vidimus *membro secundo*, dein, in genere illud postea consummandum esse. In secundo membro non additur, in quosnam sit ebulliturum illud vinum, sed illud ex tertio membro supplendum est, adeoque *impii terræ* intelligendi sunt.

§. XVI. In altera, seu *posteriore*, parte Ps. David propositum suum, simul facultatem & potestatem illud exsequendi, exponit, *cum respectu Dei celebrandi, tum regni administrandi & prosperi reddendi.* α. Prius his verbis, vers. 10. *Et*, vel *at*, *ego publicabo in æternum, psallam Deo Jacobi*, h. e. sicut nunc facio, ita in posterum faciendi & animus est, & dabitur facultas, ut Deo Jacobi, vero & summo Deo, ac foederato populi Jacobitarum, laudes publice & in æternum accinam. Verba, elegantiae causa divisa, ut sæpe fit, hac ratione sunt concinnanda: *ego in æternum publicabo psallam Deo Jacobi*, verbis *publicare & psallere* conjunctis ea ratione, ut prius posterioris qualitatem vel adtributum denotet; quo nihil est usitatus. *Publicare* itaque & *psallere* est publice, coram omnium oculis, psallere; ut Ps. XL: 6. *publicare Et eloqui*: ubi vid. dicta. Nulla ergo ellipsi opus est in verbo *publicare*, nec etiam mutatione *אמר* in *אמר* *exsultabo*, sicut LXX. habent; quod alias

alias non foret reſiculum, & cum ſeq. אומר apte conjungitur. Indicat & animum pium, gratumque, & felicitatem temporum ſequentium, quibus materia & facultas daretur Deum laudandi, oppoſite ad hoſtiles populos, a Deo ſubigendos; quare dicit ואני &, vel at, ego, &c:

§. XVII. β. Poſterius ita ſonat, verſ. II. & omnia cornua impiorum ſuccidam, exaltabuntur cornua juſti. h. e. impiis terræ, ſeu populis hoſtilibus, judicio Dei proſtratis, ſeu ſubactis, in eo ero totus, nec ſine optato ſucceſſu, ut quorumcunque profanorum, ſcleratorum, regni aut Eccleſiæ perturbatorum, opes, gloriam dignitatemve, poteſtatem & potentiam, ac vires nocendi, frangam, ſive iis e medio ſublatis, ſive in ſtatum humilem redactis; quo fiet, ut juſtorum capita eleventur, & illi floreant, ac po- tentes ſint. Nihil hic difficile. *Impii* ſunt non qualescunque peccatores, ſed ſclerati, irrequieti, & aliorum oppreſſores, reip. aut religionis perturbatores, in ipſo regno Davidis. Quo vera vocis vis ducit. Eorum *cornua* ſunt opes, dignitates, viresque nocendi: quæ qua ratione ſuccidantur, proprie ſecundum vim radicis נִרְע מוֹטִילֵנְטֻר & truncentur, facile adparet. Ex quo *exaltatio cornuum juſti*, vel juſtorum, facile quoque intelligitur. Declarat autem David propoſitum ſuum, quod etiam ex parte executus eſt, maxime per Salomonem. Vid. ad Pf. ci.





P S A L M. LXXVI.

1. *Præfesto pulsatilium Psalmus Asaphi, canticum.*
2. *Celebris promulgatus est Deus in Juda, in Israele magnum nomen ejus.*
3. *Et fuit in Salem tugurium ejus, & habitaculum ejus commodum in Tsione.*
4. *Ibi turbine urente confregit vibrationes coruscas arcus, clypeum, & gladium & bellum. Sela!*
5. *Aestuabundus Tu, Magnifice! e montibus dilacerationis.*
6. *Spoliati sunt fortes corde, dormierunt somnum suum, nec manus suas invenerunt ulli viri robusti.*
7. *Præ increpatione tua, Deus Jacobi! altissimo sopore oppressus est & currus & equus.*
8. *Tu tremendus tu, vel es, & quis coram te stabit præ aestu bulliente nasi tui?*
9. *De coelo audire fecisti judicium, terra adtremuit, & quievit.*
10. *Cum ad judicium surrexerit Deus ad servandum omnes afflictos & mansuetos terræ. Sela!*
11. *Quia excandescencia hominis Te celebrabit, residuum furorum circumcinges tanquam ornamentum, vel artissime constringes.*
12. *Vota concipite & reddite Jehovæ, Deo nostro. Omnes finitimi ejus munus verendo Numini adferent pompasice.*
13. *Præcidet spiritum ducum tremendus regibus terræ.*

PROLE-

PROLEGOMENA.

§. I.

Argumentum Pf. est gratulatorium & laudatorium, quo præclara Dei facinora in gratiam Tfionitarum, quibus ab hostibus liberati, & in pacis ac prosperitatis statum vindicati sunt, populis vicinis undiquaque, sopore divinitus immisso, stupefactis & quiescentibus, celebrantur, ac inde derivatur, tanquam ex illustri specimine, & felici omine, omnes terræ mansuetos aliquando similiter esse vindicandos, quum Deus surrexerit ad iudicium agendum. Quando subiungitur adhortatio ad Tfionitas, ut Deo vota solvant, exemplo quoque populorum vicinorum, qui dona offerrent Deo, firmata. Celebrat poeta *primo* Deum, quod sese in medio populi sui illustrem præstiterit, habitaculum suum in Tfione esse firmiter stabilitum demonstraverit, eique ac populo pacem & securitatem procuraverit, hostibus & hostilibus instrumentis fractis, ac populis vicinis timore incussio, quo quasi in soporem coniecti & ligati sunt, ab omni invasione populi Dei cessantes. Dein mirabilem illam rerum catastrophem considerat, tanquam specimen, & præludium, vindicationis omnium mansuetorum terræ, suo tempore futuræ. Quando populum Dei ad gratiarum actionem excitat, & exemplo populorum, qui dona Deo offerrent, firmat ac urget.

§. II. Quod argumentum ut in vero suo conspectu positum recte intelligatur, sequentia probe sunt ad animum revocanda. 1. Deum hoc tempore nomen suum in Juda & Israele maxime glorificasse, sedem suam in Tfione vindicasse ac firmasse, hostes, eam invadentes, ibi miraculose stravisse, vers. 1—4. 2. Per illud iudicium in hostes tantum fuisse hostibus omnibus reliquis injectum pavorem, ut se tranquillos continuerint, & populus Dei profunda gavisus sit tranquillitate, ac summa prosperitate, vers. 5—7.

3. Singulare hoc Dei iudicium in hostes vero suo conspectu habendum esse signum & emblema futuræ vindicationis omnium mansuetorum terræ ab hostibus, & eorum invasionibus, ac persecutionibus, vers. 8—10. Qui verus ejus pericopæ conspectus est, suo loco demonstrandus, & hic recte advertendus; cum inde etiam pendeat objectionis contra hypothesin Pf. explicandi, de quo mox, solutio.

4. Denique mirabilis hujus eventus consequens esse, ut ab omnibus in circuitu fuerit Deus Israelis honoratus donis & muneribus, vers. 12.

§. III. Quæ omnia criteria cum unice in illud tempus conveniant, quo Assyrius in montano Judæ, haud procul Hierosolyma, divinitus prostratus est, tempore Hizkiæ, uti adtendenti, & historiam conferenti, mox in oculos incurrit, ac a multis Veteribus ac Recentioribus interpretibus, Judæis ac Christianis, recte observatum est, oportet vel Asapho, tempore Davidis, hic casus tanquam prophetæ fuerit ob oculos versatus, vel fuerit tempore Hizkiæ similis nominis vir, divinitus adflatus, qui hoc carmen in hunc eventum composuit; de quo plura dixi ad Pf. L. ad hoc quoque tempus pertinentem. Ceterum notandum est, Pf. scenam in eo tempore esse figendam, quo, Assyriaco exercitu deleto, & vicinis hostibus metu incusso, Tſionitæ plena pace & securitate gavisi sunt. Agitur enim de his omnibus rebus, tanquam factis, & non futuris: ut orationis structura docet. Ex quo de occasione Pf. facile constat; cum eventus fuerit præ reliquis dignus, qui publico carmine celebretur, & posteritati commendetur.

§. IV. *Scopus* itaque est, uti facile adparet, 1. publicum hujus illustis casus condere monumentum, 2. populum Dei excitare ad Deum propterea honorandum & celebrandum, vers. 12. 3. Fidem & spem Ecclesiæ de futura liberatione, populo Dei promissa, qua, hostibus deletis, perfecta pace aliquando frueretur, ex hoc specimine potentiae & favoris Dei confirmare, vers. 8—10. *Structura*, Pf.

Pf. nihil habet singulare aut difficile. In principio & fine sermo de Deo fit, sed in medio ad eum vertitur: qua personæ mutatione nihil est frequentius. *Stylus* satis facilis est & emphaticus, nec metaphoris, tanquam luminibus, destitutus. *Quatuor* sunt Pf. partes. I. *Prima* illustre Dei facinus in Tione liberanda, & hostibus ac hostilibus instrumentis delendis, conspicuum, repræsentat, vers. 2—4. II. *Secunda* ejus consequens, respectu populorum vicinorum hostilium ad silentium redactorum, commemorat, vers. 5—7. III. *Tertia* verum hujus casus, tanquam signi & portenti liberationum Ecclesiæ, suo tempore concedendarum, conspectum in lucem profert, vers. 8—10. IV. *Quarta* laudationem & celebrationem Dei, ipsi propterea debitam & deferendam, inperat, vers. 11—13.

E X P L I C A T I O.

§. V. Tempore Pf. supra definito, cui Pf. exacte convenit, opus non est investigatione hypothesis Pf. exponendi, & aliarum refutatione; minus eorum, qui ad Ecclesiam N. T. referunt, cujus hic nullum est indicium; nec aliquod, nisi ex perverso pericopæ vers. 9, 10. intellectu, prolatum; de quo postea: quare mox ad *explicationem* pergo. In *prima* parte «. occurrit celebritas Dei in Juda & Israele; luculento specimine demonstrata, vers. 2. *Celebris promulgatus est Deus in Juda, in Israele magnum nomen ejus*, h. e. In medio Judæ, & Israelis, Deus, qua solus verus & summus Deus, publice innotuit, & proclamatus est, nominisque ejus gloria demonstrata magnifica. *Juda* adjungitur *Israel*, licet jam in exilium abductus, quod in Juda esset superstes, & is Israellem nunc quoque constitueret, ac superstites præterea comprehenderet, Judæ adjunctos: vel quod Juda & Israel unum essent, & Dei Judæ celebratio quoque ad Israellem pertineret, Deus utriusque popu-

populi fuerit in origine Deus. Qui cum declaratur *נָתַן* *notus factus*, indicatur, eum hoc tempore publice innotuisse verum & summum Deum, & tanquam talem divulgatum, ac proclamatum, specimine divinitatis edito publico & singulari. Quam sensus amplitudinem habet *נָתַן*: de quo dixi ad Ps. LXXIV: 5. Explicationis ergo additur, *magnum esse nomen ejus*, h. e. gloriam ejus esse luculenter demonstratam, & illustrem factam, ac quaquaverfum disseminatam. Quæ facilia sunt.

§. VI. 1. Additur commemoratio habitationis Dei Hierosolymis & Tſione firmæ, pacificæ & inconcussæ, demonstratæ, vers. 3. *Et fuit in Salem tugurium ejus, & habitaculum ejus commodum in Tſione*, h. e. In eo in primis nomen suum celebre reddidit, quod sese Hierosolymis & in Tſione demonstraverit habitare tanquam in sede tranquilla, inconcussa, & hostibus terribili ac pernicioſa, dum eam talem in mediis hostium invasionibus præstiterit. Quæ paraphrasis & nexum, & verum conspectum, hujus versus in luce collocavit, seseque ex ipsis verbis facile offert; modo eorum emphasis attendatur. 1. Verbum *נָתַן* genuinam suam potestatem hic exserit, & firmam stabilemque existentiam denotat, simul ejus publicam demonstrationem involvit; ut verbo, *Et fuit*, significetur, tentorium Dei firmam fixamque sedem habere in Tſione, quæ nulla vi possit loco moveri, illudque nunc publice patefactum, & luculento specimine in omnium oculos ingestum esse. Non itaque *existentia* simpliciter, sed firma ac inconcussa, quæ vis est verbi *נָתַן*, de quo ad Mal. II: 4. pluribus egi, ejusque demonstratio, indicatur: quemadmodum verba *esse* pro demonstratione ejus sæpe, ut constat, sumuntur. 2. Non sine emphasi Hierosolyma adpellatur *שָׁלֵם*; insinuat enim hac voce, *tugurium* Dei, non obstantibus hostium invasionibus, in medio tumultuum bellicorum fuisse *in pace*, & nunc quoque magis, hostibus prostratis, esse, simul *prosperitate* frui. Conf. Ps. XLVI: 4, 5. & ibi dicta: alias non est infrequens

quens, nomina locorum composita priore parte detruncari, ut *Sittim* pro *Baal sittim* &c. a. 3. Cum vox *ן* *tugurium* de Leonis lustru adhiberi soleat, nec altera vox *לֵוִי* abhorreat, forte adlufum est ad emblemata *leonis*, in lustru recumbentis, & inde rugientis, ac in homines & animantia irruentis; quod Deo sæpe aptari solet, uti Jer. xxv: 38. Joel. iv. Am. i. & alibi. Quo etiam forte respicitur, vers. 5. in phrasi *montium prædæ*, & vers. 7. *inreparationis*. De quo postea. Ceterum habitationis Dei Hierosolymis & in Tsione demonstratio hoc tempore facta est, cum quod urbs tranquilla & secunda manserit, ac intacta, tum quod inde Assyriaca clades fuerit orta, & ei adtribuenda sit. Conf. Jes. xxxi: 9., & ibi Cl. Vitringa.

§. VII. 1. Subjungitur itaque apte, vers. 4. *Ibi turbine urente confregit vibrationes coruscas arcus, clypeum & gladium & bellum*. h. e. Nomen suum illustre reddidit, & se Tsione tranquille, secure ac firmiter, habitare ostendit, quum hostilia arma, & hostiles impetus, ingente & urente procella concitata, penitus subvertit, & omne bellum cessare fecit, ita ut pax undiquaque fuerit facta. Quod tempore Hizkiæ factum esse novimus. Conf. etiam Ps. xlvi: 10. ubi de eodem casu agitur. Ad emphasin orationis not. 1. vocem *אש* aliquid de ambiguo trahere, cum & *ibi* denotet, & fiderationem, vel *procellam* urentem, a *אש*: cui utrique hic recte datur locus, cum ejusmodi turbine deletus sit Assyriorum exercitus. Jes. xxix: 6. & alibi. Vid. Vitringa ad Jes. xxxvii: 36. Quo, quod, 2. notandum, etiam ducit verbum *שרי*, quo calamitosa diffraçtio & subversio, qualis per *turbinem*, comprehenditur. b. 3. Voces *אש* *רעם* significant proprie *coruscas vibrationes arcus*, & depingunt *tela* fulminis instar evibrata ac emicantia c. 4. Cum armorum hostilium, turbine ignito confractorum, expressa tantum fiat mentio, hostium ipsorum destructio non tantum,

Ooo

a Vid. Bochart. Phal. l. ii. c. 24.
ad Prov. xv: 4. c Id. ad Job. v: 7.

b Vid. Schultens

tum, quod includitur, sed ipsius belli cessatio, & pacis ac prosperitatis tempus, denotatur: ut Pf. xlvi: 10.; quo etiam facit belli expressa mentio. Sensus itaque est, hostium illam miraculosam subversionem produxisse statum pacificum & prosperum, omni bello, & bellicis instrumentis e medio sublatis.

§. VIII. In *secunda* parte Pf., quæ consequens illustris hujus facinoris Dei in Assyriis prosternendis, simul expositionem status pacifici Judæorum, modo insinuati, comprehendit, *a.* propositio ejus occurrit, vers. 5, 6. *β.* ejus repetitio & illustratio, vers. 7. *a.* Propositio continet, *a.* antecedens & causam, vers. 5. *b.* consequens ipsum & effectum, vers. 6. *a.* Prius his verbis, vers. 5. *Aestuabundus tu, magnifice! e montibus dilacerationis* &c. es, & adpares. *h. e.* In montano Judæ cum tu, instar leonis, hostes dilaniaveris, & humi raptaveris ac spoliaveris, magnifice rex! illustris non tantum, sed & aestuabundus ac terribilis factus es omnibus quaquaversum manifestus. Adpellatus Deus *מגדל* magnificus, rex proprie elatus, & magnus *מגדל* enim proprie designat tumorem, vel elationem tumidam, inde magnificentiam regalem, Gr. *κιδος*. Occurrit hic tanquam epitheton Dei, quem poeta adloquitur, quoque ipsum aperte insignit, quod nomen suum nunc magnificaverit, & populi illustrem ac magnificum præstiterit regem. Declarat, ipsum *aestuabundum e montibus dilaniationis* esse conspicuum factum, quatenus æstum iræ in omnium oculos ingessit e montibus Judæ, in quibus hostes a Deo, tanquam leone, sunt discerpti, & spoliati. Verbum *מגדל* proprie dicit *aestuatione* præditum, instar foci. Radix enim *מגדל*, quæ Arab. superest, proprie signat *æstum*, *aestuationem*, sive aliarum rerum, sive aquarum; unde *מגדל* ignem dicit vel focum, ne alia memorem. Quod huc recte quadrat; cum Deus sese talem nunc præstiterit in delendis Assyriis. Quo digitus etiam intenditur Jes. xxxi: 9. ubi prophetiæ de hac ipsa clade Assyrii subjungitur, dictum *Jebovæ, cui ignis est in Tisione* &

& *focus Hierosolymis*. Sed unde Deus magnificus rex Judæorum, æstuabundus & terribilis demonstratus est, & conspicuus factus? *e montibus dilanationis*, habet textus; h. e. non, ut capi a multis solet, e regnis hostilibus, latrocinio aduetis, sed montibus Hierosolymæ vel Judæ, ubi Assur contractus & conculeatus dicitur, Jesh. xrv: 25. quo phrasis ducit, quæ indicat, Deum ibi sedem habere, unde prodiit terribilis, & collatio vers. 4. confirmat, *ibî fregit coruscationes arcus* &c. Sed quare montes *dilanationis* adpellantur? respicitur ad *lustra leonum* in montibus, unde in obvios irruunt, & eos discerpunt; quemadmodum modo titulo *tugurii*, seu lustrî, insignita erat sedes Dei. Est autem mysticum *montium Judæ* epitheton, quo indicatur, hostes ibi *discerpi* solitos, qui illud lustrum accedere audent: quemadmodum nunc luculento specimine demonstratum erat in Assyrio, ibi prostrato, discerpto, & spoliato. Conf. Jesh. xxxi: 4. Verbum *pro* proprie *carpsit*, in specie de feris usurpatur, quæ venationem humi trahunt, & raptant, quod Lat. est *discerpere*, quum membra- tim aliquid vellunt, & lacerant, feræ. *Montes* itaque *dilacerationis* adpellantur montes Judæ, quod ibi hostes lacerari soleant, & nunc singulari modo discerpti erant. Quemadmodum Zach. xii: 2, 3. Hierosolyma adpellatur *pelvis quassationis*, & *lapis onerosus ac scindens*, omnibus populis circum &c: nec non *vallis excidii* Joel. v. & *Harmageddon*, *mons excidii*.

§. LX. Consequens terribilis hujus majestatis, in hostibus lacerandis demonstratum, in eo situm, quod populi vicini perterriti fuerint, & consilii inopes ad silentium & quietem redacti, his verbis proponitur, vers. 6. *Spoliati sunt fortes corde, dormierunt somnum suum, nec invenerant ulli viri robusti & potentes manus suas*. h. e. illustri hoc potentie & justitiæ Dei specimine, in gratiam Judæorum, tanto correpti sunt pavore quicunque fortes & potentes, consilio & viribus pollentes, ut corde spoliati, consilio &

viribus privati, sese instar dormientium præstiterint molles & invalidos, ab omni invasione Judæorum abstinentes. Verba sunt partim figurata, partim propria, adeoque duobus constant membris, quorum posterius est prioris explicatio. *Prius* membrum, figurate expressum, habet: *spoliati sunt fortes corde, dormierunt somnum suum*, h. e. consilio & viribus spoliati sese tenuerunt quietos instar dormientium, & languore remollescente adfectorum. Cædes hostium, qua somno mortis sunt obruti, non intelligitur, ut multis videtur, sed cessatio ab omni actione hostili, ex stupore & metu orta; sicut ipsæ phrasæ docent, & sequens membrum evincit. Mentis consternatio, quæ consilium & vires aufert, indicatur, his verbis, *spoliati sunt fortes corde*, h. e. sapientes alias, & animosi, perdidit *cor*, & ad insaniam redacti sunt, ac stuporem. Verbum *סחל* est formæ Aram. Ethpahel, passivæ notionis, a rad. *סחל* proprie *extraxit* cum raptatione violenta, inde *spoliavit*, & ad mentem relatum sapientiæ & animositatis privationem significat: uti Mich. i: 8. Job. xii: 17. Jes. lix: 15. ubi vid. Vitringa. Quod ne lectorem fugeret, addidit poeta vocem *אז*, ubi *fortes corde* memorat, ut, *spoliationem* ad cor esse referendam, indicaret. Subjungitur cessatio ab omni actione hostili hinc orta, sub imagine *somni*; quum additur, *dormierunt somnum suum*, proprie languore remollescente adfectos, tanquam somno oppressos, sese præstiterunt. Radix *נמ* in origine habet *languorem remollescentem*, & inde primum gradum somni signat. Sensus itaque est, eos, instar dormientium, factos esse languidos, & flaccidos, omni impetu agendi orbos, adeoque omnem eorum actionem hostilem cessasse. Quod ulterius illustratur, cum additur, *nullos viros fortes, & potentes, invenisse manus suas*, h. e. animum, vimque agendi perdidisse. Quod facillimum est. Conf. de re ipsa, 2 Chron. xxxix: & dicta ad Pf. xlv: 10.

§. X. β. Propositionis repetitio & illustratio, vers. 7.
ita

ita sonat. *Præ increpatione tua, Deus Jacobi! altissimo sopore oppressus est & currus & equus.* h. e. terribili tua voce, instar rugitus leonis e Thione, qua hostes ad internecionem usque deleti sunt, tantus est omnibus incussus terror, ut aurigæ & equites obriguerint, & inmoti steterint, tanquam alto sopore, divinitus immisso, oppressi; ita ut nulus sese ab eo tempore movere fuerit ausus. Nihil hic difficile. Radix *ררם* proprie est *obturavit & obstruxit*: unde *ררם* altissimo sopore, divinitus injecto, opprimi, & quasi obstructum jacere a. *Currus & equus* sunt aurigæ & equites, adeoque bellicosi & hostiles. Quod si quis ad singularem phrasin, *sopore oppressus est & currus & equus*, non sine ratione offendat; is, Gr. & Syr. versionem secutus, pro *ררם ורכבי סוס* legere poterit, *sopore oppressi sunt insidentes equis*; phrasi satis usitata & nota. *Increpatio Dei* est terribilis illa tempestas, in Assyrium immissa, qua Deus eum prostravit, quæque orbem perfonuit, & omnibus terrorem incussit. Plura de *increpatione*, Deo adtributa, non opus est adferam, cum ubique prostant.

§. XI. *Tertia* Pf. pars, quæ terribile hoc judicium in Assyrium, cum suo effectu consideratum, repræsentat tanquam signum & portentum futuri judicii in hostes Ecclesiæ, quo omnes mansueti liberandi sunt, hoc ordine decurrit, vers. 8.-10. α. Terribilitas Dei, nulli ferenda, exhibetur, vers. 8. β. Judicium Dei, modo memoratum, repetitur per modum parenthesios, tanquam futuri judicii emblema & omen, vers. 9. γ. Ipsum judicium futurum, in quo Deus sese terribilem summo gradu demonstraret, describitur, vers. 10. α. Terribilitas Dei irati, cui omnes succumbere debeant, his verbis ob oculos sistitur, vers. 8. *Tu tremendus, tu, & quis stabit coram te præ aestu bulliente nasi tui?* h. e. Terribiles tu es, imo tu summo gradu, cui omnes corpore vibrato adtremiscant; nec est aliquis, quam potens etiam & Magnus, qui, quum ira tua efferbuerit,

000 3

sta-

statum suum tueri poterit, sed cedere debet & succumbere. Nihil hic nostræ curæ relictum est, præter ultimas voce נאס נאס, quas reddidi, *præ aestu bulliente nasi tui*; cum vulgo reddantur, *a tunc iræ tuæ*, inde ubi ira exarserit; quod valde incommodum est; & sine exemplo. Vox נא est a rad. נאס, quæ apud Arab. supereſt, & significatum *ferveſcendi*, ac cum bullitu exæſtuandi, habet, unde נא pro *aestu bulliente*; & cum נאס, proprie *naso*, recte conſtruitur; ut *aestum bullientem nasi* denotet; quæ est summæ iræ efferveſcentis vivida imago. Prævit Cl. Schultens F. a. Addo locum Deut. xxix: 29. ita vertendum: quia נא *aestus bulliens fumabit*, *aestus* (voce נא repetita,) *nasi Jehovæ, & fervor zelotypiæ ejus, in virum istum.*

§. XII. β. Terribilitatis hujus, cui omnes succumbunt, specimen modo datum in Assyriis proſtratis, & populis vicinis ad ſilentium redactis, repetitur, & fundamenti inſtar ſubſternitur prophetiæ de omnibus manſuetis terræ ſuo tempore liberandis ſingulari, vel ſimili, judicio Dei, per modum parentheſios, verſ. 9. *De coelo audire feciſti judicium, terra adtremuit & quievit*, h. e. Quam terribilis tu ſis præ æſtuante ira, ſingulari hoc ſpecimine modo demonſtraſti, quum ſententiam judicialeſ contra hoſtes & pro nobis, tanquam judex ſupremus & coeleſtis, efficaciter pronunciaſti, hoſtes de coelo feriendo, & tempeſtate ſuſcitata delendo, eo cum effectu, ut quaquaverſum illud fuerit auditum, & terra terrore correpta, & ad quietem ab omni hoſtilitate adaſta ſit: quo ipſo ſignum dediſti judicii aliquando exercendi in populi tui manſueti perſecutores, quo populus tuus plene & perfecte liberabitur, & in pacem ac proſperitatem vindicabitur. Verba continent judicii Divini, modo habiti, non habendi, ut vulgo capi ſolent, deſcriptionem; cum ſint verba præſent. temp., quibus utitur poeta, & per modum parentheſios inſerta eo, quo dixi, ſcopo; cumque ſeq. verſus manifeſte cum præced. 8vo co- hæ-

hæreat. Ex qua hypothefi cuncta apte cohærent, & faciles habent explicatus. Comprehendunt vero *antecedens* & *confequens*; feu ſententiæ judicialis ſonoram pronuntiationem de coelo, & ejus effectum per terram. *Prius*, *audire feciſti judicium de coelo*, Deum ob oculos ſiſtit, tanquam judicem ſupremum in coelo, qui inde ſententiam judicialem ad litem inter hoſtes & populum Dei decidendam, clara & ſonora voce pronuntiat, ſed ſignificat, *διεπεραιώσας* intellectum, 1. judicium in Aſſyrios, quo deleti ſunt, & Judæi liberati, 2. judicium cum claris ſignis Majeſtatis, potentiæ ac juſtitie, Dei conjunctum, ex quibus conſtabat, illud a Deo eſſe profectum; adeoque ſingulare, mirabile ac extraordinarium, 3. ſimul per tempeſtatem tonitruantem & fulminantem exercitum; quæ quaſi Dei vox, de coelo orta, haberi debet. 4. denique ſonorum judicium, quod orbem perſonuit, & quaquaverſum ad aures hominum pervenit. *Posterius*, *terra adtremuit & quievit*, conſequens hujus judicii complectitur, in eo ſitum, quod ad hanc terribilem ſupremi judicis de coelo ortam vocem adtremuerit terra, ſummo terrore concuſſa, & ad ſummam quietem fuerit redacta; ita ut ſeſe movere hoſtiliter non fuerit amplius auſa, & ita *quieverit a bello*; uti ſuppletur, Joſ. xi: 13. xiv: 15. Conf. Hab. ii. 20. & Zach. ii: 17. De re ipſa vidimus ad verſ. 6 & 7.

§. XIII. γ. Subjungitur terribilitatis Dei irati demonſtratio futura, cujus ſignum & portentum modo datum erat in judicio in Aſſyrios, in eo ſita, quod vindicaret omnes manſuetos & adſiſtos terræ, verſ. 10. *Cum ſurrexerit ad judicium Deus, ad ſervandum omnes adſiſtos & manſuetos terræ*. Cohærent hæc clare cum verſ. 8—. *quis ſtabit coram te, præ aſtu bulliente naſi tui, cum ſurrexerit ad judicium Deus*, per ſubitam & emphaticam perſonæ mutationem, pro, *cum tu ſurrexeris tanquam Deus ad judicium* &c.: In verbis nihil eſt obſcuro: quod vero ad rem ipſam adinet, notandum eſt, agi non de præſente, ſupra memora-

to,

to, iudicio, sed futuro, eoque singulari, & universaliori, quo omnes *modesti & adfliti terræ* in libertatem & prosperitatem adfererentur. Quale iudicium temporibus Maccabaicis in gratiam populi Judæi, & deinceps post Messiam manifestatum sæpe in favorem populi Messiae, exercitum est, & exercebitur summo gradu sub finem oeconomiae Messiae. Quo nos generalis phrasis, & epitheton omnium *tenuium & adflitorum terrae* ducit. Memorat vero poeta hoc iudicium Dei, sequentibus temporibus habendum, occasione iudicii in Assyrios tempore Hizkia, quia istud pro signo & emblemate haberi solet in verbo prophetico omnium sequentium iudiciorum in gratiam populi Dei. Conf. Jes. xiv: 24. xviii: 14. & ad ea loca Cl. Vitringa.

§. XIV. In quarta, & ultima, Pl. parte, quæ adhortationem ad Deum celebrandum super singulari hoc iudicio, & populi liberatione, comprehendit, sese offert, a. Ratio Deum laudandi, a scopo & vero conspectu iudicii Dei desumpta, quippe quod ad Deum celebrandum natura sua tendit, his verbis, vers. 11. *Quia excandescencia hominis te celebrabit, residuum furorum circumcinges tanquam ornamentum.* h. e. Cum hic soleat esse effectus excandescencie hominis in Te & populum tuum, imo totius universitatis excandescencie summæ, ut te laudandi materia præbeatur ea occasione, dum te gloriosum in excandescencia ea frangenda præstas, adeo etiam ut vel summa & furibunda hominis ira instar ornamenti, quo cingeris, habenda sit. *Excandescencia hominis*, seu proprie ira æstuans hominis cujuscunque, quam potentis etiam & inflati opinione sua, attamen cum Deo comparati, *inbecillis*, scilicet in Deum & populum ejus accensa, ut Senacheribi & ejus ministrorum fuit, *Deum laudare* dicitur, quatenus materiam & rationem id faciendi suppeditat, dum Deus inde occasionemumat sese potentem, justum & gloriosum, præstandi in ea ira reprimenda, & punienda. Additur, oratione scandente, ad illud exaggerandum, excandescenciam omnem simul summam,

tam, in cumulum aggestam, hominum omnium nihil efficere posse contra Deum, sed exire debere in ejus ornatum & laudem, ita ut pro ornamento Dei, quo cinctus, tanquam triumphator, splendide incedit, haberi debeat. Hunc existimaverim sensum esse verborum, *residuum ex-candescientiarum circumcinges te. Residuum ex-candescientiarum* est quicquid earum, simul sumtarum, tota earum universitas. Vox enim *וְכָל* omnes, & *וְכָל* universitatem rei, quicquid ejus est, subinde depotat; de quo pluribus egi ad Mal. II: 15. Illud Deus dicitur *circumcingere*, quatenus ipsi ornamento est & gaudio; uti Ps. LXV: 13. simili metaph. verbum *וְכָל* occurrit; & *cingulum* pro ornamento facile sumitur. Sed admittit verbum *וְכָל* quoque significatum *arctandi*, & ad incitas redigendi, cum pudore & pavore: ut 2 Sam. XXII: 46. coll. Ps. XVIII: 46. quæ radice propria potestas est, sita in *arctatione* undique adstricta. Quo admissio, sensus erit, Deum quicquid est irarum comprimere, & in arctum redigere, ita ut compescatur, & præ timore constrictum teneatur, ac quiescat, ut in locis citatis: quod ab hoc loco non est alienum; cum novam tunc rationem Deum celebrandi comprehendat, in eo sitam, quod sicut *iram* hominis nunc in materiam laudis verterit, ita in posterum quicquid est irarum sit compesciturus, cum venerit ad judicium, ut omnes afflictos terræ liberet. Quod mihi maxime placet.


§. XV. β. Ea ratione cum Deus nunc egerit, acturusque sit magis in posterum, recte subjungitur adhortatio ad Deum laudandum, inde deducta, quo vocula *וְ* quia vers. 11. tendit, his verbis, vers. 12. *Vota concipite, & reddite Jehovæ Deo vestro*, scilicet, vos, qui populum Dei constituitis, & tam gloriose liberati estis, tantasque expectatis liberationes alias: eos enim adloquitur poeta, ut facile adparcet. Sensus est, Judæos, tanto beneficio adfectos, gratum suum animum omni honoris & cultus genere demonstrare debere, &, quod in angustiis Deo promiserunt, ipso

Ppp

nunc

nunc opere prestare debere. Quam sensus amplitudinem veterum conceptio & solutio comprehendit. Vid. Ps. L: 14. ubi eadem de re agitur. Phrasis vero, *vorate & salvite*, idem dicit, ac *vota salvite*, emphasi in verbo *salvite* sita, sive nunc, sive antea, sint vota concepta.

§. XVI. 2. Urgetur denique adhortatio exemplo vicinorum populorum, qui dona & munera Deo, qui se tam verendum prestitit, offerrent, vers. 12, 13. *Omnes finitimi ejus munus verando numini adferent pompaticæ; præsidebunt spiritum ducum, tremendus regibus terræ.* h. e. Ut eo magis ad vota solvenda excitemini, advertite exemplum populorum vicinorum in circuitu Dei, seu terræ ejus, degentium, qui magna celebritate & frequentia dona ad Deum deferent Hierosolymam, numinis ejus timore ducti, qui sese verendum demonstravit regibus terræ, & duces strenuos vita ac viribus privare solet, uti illustri nunc demonstravit exemplo in Assyriis prostratis. Nihil hic obscuri. Conf. Jes. xxxix: 7. Ps. lxxviii: 30. & 2 Chron. xxxi: 23. Tantum nos. 1. vocem *מִסְבִּיחַ* circum ipsum coherere cum seq., & populos vicinos, in circuitu sedis Dei habitantes, intelligi: de quibus hæc phrasis sæpe adhiberi solet. 2. Phrasin, *præsidere spiritum*, late sumendam esse, ut superbis, confidantibus, & ipsius vite, abolitionem comprehendat. Quæ omnia voce *מִסְבִּיחַ* in Script. significantur, uti notum, & ab aliis observatum satis est. 3. Phrasin, *מִסְבִּיחַ* adferent pompaticæ munus, supra ad Ps. lxxviii: 30. explicui.



P S A L M. LXXVII.

1. *Præcentori super Jedutun Psalmus Asaphi,*
2. *Voce mea inlamo & inlambabo Deum, voce mea inlamo & inlambabo Deum, & aures præbendo præbebit mihi.*
3. *Tempore angustia meae Dominum quæsi vi, manus mea noctu æstuat, vel æstuatunda bullit, nec singultat, aut interquiescit, renuit consolationem recipere anima mea.*
4. *Recordabor Dei & æstuoabo vehementius, expatiabor & involvet sese spiritus meus. Sela!*
5. *Prebendisti vigilias oculorum meorum, obtusus sum & non loquar.*
6. *Computavi dies ab antiquo, annos seculorum.*
7. *Recordatus sum continuo pulsationis meae, seu bilaris musicae, noctu cum corde meo discurre, & scrutatus est spiritus meus.*
8. *Num in secuta fastidiet Dominus, nec perget amplius gratum habere?*
9. *An exspiravit in purum præm benignitas ejus, præse-
cuit dictum in aetatem & aetatem?*
10. *Oblitusne sit Deus tenerrimae adfectionis? an tra consti-
get miserationes suas? Sela:*
11. *Et dixi, tormentum meum hoc est. Annos dextræ Ab-
rissini*
12. *Concelebrabo, ardore Dei molimina. Quia recordabor mi-
rabiliū tuorum ab antiquo:*
13. *Et in omnia opera tua æstuoabo, ac in arduis tuis motim-
nibus expatiabor.*

14. *Deus! in sancta est via tua; quis Deus magnificus sicut Deus tu?*
15. *Tu Deus es faciens mirifica, promulgasti inter populos robur tuum.*
16. *Vindicasti brachio populum tuum, filios Jacobi & Josephi.*
17. *Viderunt Te, Deus! aquae, viderunt Te aquae, contortae sunt, etiam contremuerunt abyssi.*
18. *Torrente vehementiore commotae sunt aquae, nubes crassiores, vocem dedit aether, etiam tela tua grassata sunt.*
19. *Sonus tonitru tui in rota, seu instar rotæ tendit, fulgura illustrarunt orbem habitabilem, intremuit, & terrore concussa est terra.*
20. *In mari via tua, & semitae tuae in aquis multis, nec vestigia tua nota sunt.*
21. *Duxisti sicut gregem populum tuum manu Moysi & Aaronis.*

P R O L E G O M E N A.

§. I.

Argumentum Pl. est personæ, gravissima calamitate angustante, quæ nulla antiqui favoris Dei, multa iræ ipsi incumbentis, signa præferebat, oppressæ, & summa, fereque desperabunda, anxietate adfectæ, ita ut nusquam fere consolationem aliquam reperiret, *oratio*, qua *partim* afflictionis, & tristic adfectionis suæ, vivam pingit imaginem, *partim* viam & rationem exponit, qua sese tandem prexit, meditatione mirabilium Dei operum olim editorum, in gratiam populi Israelis, quibus eum ab oppressione

ne Aegyptiaca vindicavit, & in terram promissam eduxit manu Moſis & Aaronis. Poſteaquam perſona loquens adſiſtionem ſuam verbo memoraffet, & ſummæ ſuæ anxietatis, quæ omnem reſpuebat conſolationem, & a deſperatione proxima erat, deſcriptionem dediffet, rationem tradit, qua animum perturbatum compoſuit, & firmavit, in mirabilium Dei facinorum, quibus Iſraelem olim ex Aegypto liberavit, & per deſertum duxit, conſideratione ſitam; quorum fuſiorem dat & emphaticam recenſionem.

§. II. Quod ad verum argumenti conſpectum, & characteres perſonæ loquentis, ejusque ſtatus & adſectionis, adtinet; cum non niſi generalibus verbis & phraſibus ſuam adſiſtionem, & ſummam anxietatem, depingat, vix aliquid definiti de eo proferri poteſt. Illud in genere conſtat, 1. Tempus fuiſſe anguſtiarum, in quo verſata fuit, verſ. 2. 2. adſiſtionem gravem, quæ conſpectum præferebat reprobationis populi a Deo; favoris Dei ſignis ceſſantibus, & iræ Dei incumbentibus; eamque præterea in perpetuum duraturam, cujus finis non adparebat, adeo ut nec a Deo, nec in meditationibus de Deo, reperiret conſolationem, verſ. 3—10. 3. Denique, cum recordatio mirabilium Dei operum in Aegyptiis puniendis, & populo ab iis liberando, ac per deſertum ducendo, fluctuationem & anxietatem animi ſuperaverit, plusquam probabile ſit, tempus anguſtiæ præſentis aliquatenus reſpondiſſe antiquiori in Aegypto, & liberationem populi ab oppreſſione Aegyptiaca in medium produci, ad ſpem præſentis liberationis confirmandam. Quod ab aliis obſervatum jam eſt.

§. III. Qui characteres cum in nullum tempus aptius convenire videantur, quam exiliis Babylonici, in eo ſcena Pſ. ſig. paſſim ſolet. Quæ opinio inde quoque firmatur, quod in prophetiis de liberatione ab exilio Babyl. provocari quoque ſoleat ad antiquam illam ex Aegypto, uti Jeſ. LXIII: Hoſ. XII: 10. Mich. VII: 15. Hab. III. & alibi. Quæ hypotheſis ſi adoptaretur, pios ex Iſraele hic loquentes liſti opi-

narer tempore Darii Medi, Babelem occupatam tenentis: quo in spem liberationis erecti, nec tamen eam consecuti, animis fracti sunt, & circa promissam liberationem fluctuare, simul ardentem eam supplicare, coeperunt; uti Daniellem fecisse constat, Dan. ix. Sed, quantopere hæc opinio adblandiatur, exque Aegyptiaca liberatione, hic memorata, roborari videatur, ita ut mihi antea sese adproba-verit, re curatius pensitata, eam seposui, & in afflictionem Epiphanicam, ejusque initia, quum omnia videbantur desperata, cogitationes defixi. Præterquam enim quod nullum *exilii* Babylonici criterium sese offerat, comparatio cum Aegyptiaca liberatione a vindicatione ab oppressione Epiphanica non tantum non abhorreat, sed & aptius in eam conveniat, quippe majore cum potentie Dei demonstratione peractam, quam a Babylonica servitute, ut facile cernitur: 1. *Tempus angustiae* ardentis, vers. 3., & stylo Script. & vera sua emphasi, longe aptius in Epiphanicam quadrat afflictionem, quam statum populi in exilio Babylonico; ut notum est. 2. Desperabunda fere anxietas & fluctuatio, hic fortiter expressa, pios tempore Epiphanico facilius corripere potuit, quam exilii Babylonici, cum certum haberent & definitum promissum liberationis instantis, sicut Dan. ix. quoque memoratur. 3. Robur addit collatio Ps. LXXIV: 2. ejusdem fere argumenti, & ad Epiphanicam afflictionem pertinentis; uti vidimus. Cum vero poeta adpelletur *Asaph*, idem hic statuendum est, quod ad Ps. præcedentes, eundem autorem habentes, aliquos observavi. *Scopus* Ps. est, publicum erigere monumentum adfectionum & meditationum piorum in summa angustia, & statu gravissimæ afflictionis, quo favoris Dei signis caruerunt, & iræ Dei indicia experti sunt, quibus *partim* ad Deum in precibus confugerunt, & ipsi perrexerunt adhærescere, *partim* cum summa anxietate luctati sunt, *partim* denique sese meditatione mirabilium Dei operum in gratiam populi olim editorum consolati sunt; eo etiam scopo, ut piis cala-

calamitate oppressis exemplum præberetur, quod ad desperationem superandam imitentur. Quem *usum* Ps. per omnia tempora habet.

§. IV. *Structura* Ps. nihil singulare habet. Una eademque persona, & non diversæ, loquitur, singularis quidem, sed nomine totius Ecclesiæ, cujus partem faciebat, cum mox molimina Dei in populi gratiam memoret in sui consolationem. Loquitur in priorē parte Ps., qua suam exponit fluctuationem & anxietatem, passim de Deo in tertia persona, sed in posteriore, ubi se erigit, sermonem ad Deum dirigit, in signum fiduciæ, quam exponit. *Stylus* est planus & emphaticus, simul adfectuosus. *Partes* Ps. duæ generales sunt, quarum *prior* continet descriptionem summæ tristitiæ, & anxietatis, qua tempore angustiarum fuit adfectus populus pius, nec non pietatis, qua Deo perrexit adhærere, sed frustraneæ simul operæ, quam adhibuit in luctu suo vincenda, vers. 3—10. *Posterior* exponit modum, quo tandem e luctu evasit, & in fide ac spe liberationis confirmatus fuit, per meditationem mirabilium Dei operum in populo ex Aegypto educendo, vers. 11—21. Præmittitur vero vers. 2. generalis propositio piæ actuositatis in Deo constanter, & cum fiducia, invocando, donec aures advertat, & populum liberet; ad quam præstandam, qua ratione pervenerit, in seq. partibus tradit.

E X P L I C A T I O.

§. V. Scenâ temporis, cui Ps. argumentum respondet, cum sit afflictio Epiphanica, ut supra vidimus, opus non est investigatione hypotheseos eum explicandi. Nulla enim ratio est inde discedendi; licet sint, qui afflictioni Ecclesiæ Christianæ sub finem temporum adplicent; quod ab ipso Tillio refutatum est. Pergo itaque mox ad expositionem. Generalis propositio actuositatis, quam poeta, populi pii per-

personam sustinens, declarat constanter, quamdiu duraverit afflictio, praestitutum esse, cum fiducia & spe exauditionis, ad quam qua ratione pervenerit in hoc Ps. deducit, ita habet, vers. 2. *Voce mea inclamo & inclamabo Deum, voce mea inclamo & inclamabo Deum, & aures praebendo praebabit mihi.* h. e. Ita sum in praesentia adfectus & animatus, ut Deum, tanquam opitulatorem, ardentem, & continuo, inclamem, & ad opitulandum ac succurrendum excitem, cum certa spe exauditionis. Oratio est adfectuosa, & propterea concisa; duplici inprimis laborans ellipsi, *una* verbi *clamo* in prioris membro, ex seq., *& clamabo*, facile supplenda, *altera* utriusque verbi *clamo* & *clamabo*, ex superiore membro repetendi: ita ut plena oratio sit, quam in versione expressi. Alii vel supplent *est* aut *fertur*, vertuntque, *vox mea ad Deum est*, vel *fertur*, alii conjungunt & reddunt, *voce mea ad Deum clamabo*: sed *posteriori* obest in primis copula, & verbo *clamabo* praemissa, prius minus facile, concinnum & emphaticum est. Declarat itaque poeta, piorum, tempore istius angustiae, nomine, se i. Deum tanquam opitulatorem ad opem ferendam, sicut oppressi quiritando solent, invocare, sive desiderijs & suspirijs, sive voce sonora. Quam potestatem exserit verbum *πρὸς*, quod apud orient. proprie continet *fragorem*, veluti coeli tonitrua & fulmina mittentis; unde praeter alia metaphorice dicit, *clamavit pro dolore*, q. d. tempestate quadam mentis concussus erupit in fragorem & querelam publicam. Denotat enim querimoniam publicam, cum imploratione auxilii & protectionis conjunctam, quam Lat. vocant *quiritationem*. 2. Deum ita inclamare in praesentia, & inclamaturum deinceps; prius reticuit, posterius expressit, sed, addita copula, & prius in mente quoque habuisse indicat: ut plene sit, *inclamo & inclamabo*, 3. Deum ea ratione inclamare ardentem, & sine intermissione; quo tendit repetitio *voce mea ad Deum* sc. *clamo & clamabo*; quod supplendum est, ut dixi. 4. Denique cum fiducia id facere, & spe exauditionis;

nec

nec non eo usque, donec Deus adnuat. Quod verbo יחנן existimaverim indicari: occurrit in infinit., sed fut. indicat, acsi haberetur, & *aures præbendo præbebit*. Quo nihil est facilius, & usitatus. Vocula vero וְ, verbo præfixa, *exauditionem* cum imploratione connectit, & *cum* spem exauditionis certam indicat, *tum* precum continuationem usque ad exauditionem.

§. VI. Ad hanc piam & fiduciæ plenam adfectionem & actuositatem qua ratione & via fuerit adductus, ut exponat, præmittit summam suam anxietatem, & frustraneam operam in ea superanda adhibitam. Quæ prior Ps. pars generalis est. *Tria memorat media*, ad anxiam solitudinem super liberatione populi pellendam frustra adhibita. *a. Primum* est, quo in Deo quærendo, & gratiam ejus ambiendo, copiosus fuit, & constans, sed unde plagæ remissionem & consolationem non est consecutus, vers. 3. *Tempore angustiae meae Dominum quæsi vi; manus mea noctu æstuabat*, vel æstuabunda bullit, *nec singultat*, vel interquiescit, *renuit consolationem recipere anima mea*, h. e. Durante afflictione, vehementer angustante, qua ad incitas redactus sum & undique premor, Dei gratiam & favorem omni modo quæsi vi ad consolationem & liberationem; adeoque omnia pietatis officia implevi; sed nihil profeci, nihil remissionis aut consolationis recepi: vis quippe mea, etiam noctu, ubi quies refocillare solet, æstuabunda ebullit continuo, & sanguine quasi per venas erumpente tabescit, & anima mea nulla erigitur consolatione. *Dies angustiae* est tempus calamitatis prementis; & magnam adferentis anxietatem; uti fuit grassante oppressione Epiphanica; quæ nomine *ira sævientis*, Dan. VIII: 10. XI: 36. etiam, ut hic, temporis צרה *angustiae prementis*, c. XII: 1. & alibi venit: illudque eximie meretur. De quo in Diss. & com. ad Dan. & Ps. x. fusius exposui: nec res ignota est. Hoc tempore pii ad Deum confugerunt, ejus gratiam ambierunt, & inde auxilium ac liberationem petierunt, quod est Deum *quærere*, sed irritò

effectu; adeo ut vires tandem corporis & animi fere defecerint; & ad desperationem redacti sint. conf. Ps. xxxviii: 10. Quod his verbis exprimitur, *manus mea noctu aestuat, nec singultat*, aut interquiescit, *renuit anima mea consolationem recipere*. *Manus* significat vel *plagam* inflictam, ut post Coccejum accipit Cl. Schultens *a*, vel potius *vim* & potentiam, uti sæpe alias, etiam cum rebus inanimatis tribuitur; ut *manus inferni*, Ps. xlix: 16. *manus flammæ*, Jes. xlviii: 14. *manus linguæ* Prov. xviii. *manus peccati* Job. viii: 4. *manus abyssi* Hab. iii: 10. sic & absolute *manus* pro viribus Deut. xxxii: 36. Hos. viii: 20. Mich. ii: 1. & alibi. *Manus* vero *aestuar*, & aestuabunda *bullire* dicitur, quæ vera vis est verbi *א*, uti ostendit Cl. Schultens *b*, quatenus vires aestuantes, & sanguine q. per venas erumpente, evanescent, & corpus *tabescit*. De quo dixi ad Ps. lxxv: 9. Additur ad illud adgravandum, *noctū & sine intermissione*, ut significetur, ne noctu quidem, quum quiesci solet, illud cessare, nec esse aliquod interstitium, sed continuam esse aestuationem. Radix *א* proprietatem habet in *singultatione*, speciatim hominis deliquium sentientis, & jam jam expirantis: sed inde usurpatur pro *interspirare*, & *requiescere*; nam singultus est intermissio quædam spiritus, per intervalla erumpentis. Reliquæ sunt facilia.

§. VII. β. *Secundum* medium, piis alias semper salutare, & ad consolationem efficax, deprehensum, in recordatione Dei & meditatione de Deo situm, frustraneum non tantum fuisse, sed contrarium producere effectum, declarat, vers. 4, 5. his verbis: *recordabor Dei, & aestuaba vehementius, expatiabor & involvet sese spiritus meus. Adprebendiſti vigilias oculorum meorum, obtusus sum & non loquar*. h. e. Nec melius mihi successit, aut succedet, quod sanctis alias solatio fuit, & cum fructu adhibitum ab iis est; animo revolvere gratiæ & bonitatis Dei signa & effecta, antea accepta, & in eorum meditatione ac recensione expatiari;

ni-

a Ad Ps. xxxviii: 11. & Job. xxiii: 2.

b Defec. §. 68.

nihil enim inde lucratus sum præter confirmationem & incrementum moeroris, quærulæ vociferationis, & profundæ, ac fere desperabundæ, tristitiæ, quæ animum obruit; adeo ut, quo deturnior fuerim in eo opere, eo magis factus sim obtusior, & anxietatis plenior, eo etiam usque, ut ne loqui amplius potuerim. Permiscuntur verba fut. & præter. temporis, ut significet, se illud expertum esse, & experturum amplius. *Medium*, in sui consolationem adhibendum, memorat *recordationem Dei*, nec semel & actu transitorio, sed continuo, noctes atque dies usurpatum esse, addit; sed semper frustra, & cum effectu contrario. Exprimit itaque illud tribus articulis. *a.* Primus est, *recordabor Dei, & aestuabo*. h. e. ex Dei recordatione hunc retuli fructum, quod cum vociferatione & tristitia aestuaverim; nec alium exspecto fructum in posterum: quam potestatem hic exserunt verba fut. temp.; ut sæpe alias. *Recordari Dei* est animum ad Deum adplicare, tanquam olim suum, bonum & misericordem, ejusque gratiam & misericordiam, multis antea signis, ac testimoniis, demonstratam, in mentem revocare, ut ea ratione se erigat, et in spe confirmet. Quo medio usi sæpe fuerunt tempore afflictionis sancti, ut Ps. XLII: 7. ubi vid. dicta, et Jon. II: 8. Irritum, et contrarium, inde ortum effectum exponit verbo *aestuandi*, quod subjungit. Radix non proprie est, *aestuavis, effervuit*, et sæpe venit in *fluitibus aestuabundis* ^a, unde ad animum transit, tristitia et metu perturbatum, seque anxius curis et cogitationibus versantem, strepitumque per vociferationes et fletus cientem. De quo dixi ad Ps. XLII: 7.

§. VIII. *b.* *Secundus* articulus habet, *assatiaber, et involvit spiritus meus*. h. e. quoties in Dei recordatione consistere, copiose, & cum delectatione discurrere mente, cogitationibus, et meditationibus, institui, toties sensu spiritum meum totum involvi ad deliquium usque, tristitia et metu oppressum. Scandit oratio, eodem modo concinnata, quæ

Qqq 2

cau-

^a Schulensis ad Prov. xxx: 1.

causam & effectum contrarium connectit. Quod modo *recordari*, illud nunc *exspatiari* dicit, ut significaret non simplicem & transitoriam recordationem, sed intentam, continuam & copiosam, qua mens exspatiatur cogitationibus & meditationibus de Deo, ejusque virtutibus & operibus: quam verbi ~~non~~ potestatem pluribus exposuit Cl. Schultens *a*. Quo in opere cum sancti cum delectatione & salutari fructu versari solerent, uti sæpe in Ps. CIV, CV, CXIX, CXLIII, CXLIV. & alibi; nunc sese declarat nihil inde solatii & delectationis percepisse, sed contra majore fuisse adfectum tristitia & anxietate, quæ mentem plane de statu suo dejecit; adeo ut non tantum, ut modo dixerat, *astuaverit*, sed & totus tristitia fuerit coopertus, & obrutus. Quod verbo *ἡσυχῆ* solet exprimi, a propria ratione *duplicando fletendi*, & *convolvendi* *b*.

§. IX. *c*. Tertius articulus his verbis effertur, vers. 5. *Prebendisti vigilias oculorum meorum, obtusus sum, & non loquar*. h. e. Dies non tantum, sed & noctes, quas insomnes exegi, meditationibus tenuisti occupatum; nec tamen inde aliud retuli, quam mentis consternationem, quæ mihi os clausit, ut nec ad meam, nec aliorum consolationem aliquid proferre valeam. Exaggerat persona loquens rursus & occupationem suam piam, & frustraneum, quin contrarium, ejus effectum; uti modo instituerat. Prius his verbis facit, *tenuisti vigilias oculorum meorum*, h. e. tenuisti oculos meos vigilantes per recordationem, & discur-sationem, vel continuas meditationes de te. Convenit fere quod Ps. LXIII: 7. habetur, licet alio scopo prolatum, *si recordatus fui tui super strato meo, in vigiliis astuabo in te*, sc. meditatione & eloquio: ut & Ps. CXIX: 148. *prævertunt oculi mei vigilias ad exspatiandum in dicto tuo*. Sermo ad Deum subito, per usitatum satis apostrophem, vertitur, & Deus *prebendisse* dicitur *vigilias oculorum*, quatenus oculos tenuit vigilantes, & in se defixos, adeoque animum reddidit me-

a Ad Prov. VI: 22.

b Schroeder ad Jcf. III. c. 15.

meditabundum. Quod cum præced. & serie orationis unice convenit. Declaraverat, se *Dei recordatum esse*, & in ipso *exspatiari*: subjungit nunc, se in eo continuo fuisse, per noctes æque ac dies, uti in locis citatis, adeo ut Deus dici queat, *vigilias oculorum tenuisse*, & sibi vindicasse, quod est *אמא*. *Vigilia oculorum* sunt oculi vigilantes, & non, ut alii, *palpebræ*; quo sensu nusquam venit vox *זכרון*; quæ eadem est, ac *אזכרון*, littera * absorpta per præcedentem vocem in simili sono desinentem. Effectum hujus occupationis indefinentis seq. verba comprehendunt, *obtusus sum & non loquar*. h. e. Nihil inde solatii accepi, nihilo factus sum animosior, & fidentior, uti alias accidit sanctis; quemadmodum in locis citatis; sed contra, *obtusus factus sum & non loquar*, h. e. mente magis perculsus, metu & anxietate contusus, ita ut nihil spei aut fiduciæ ad meum aut aliorum solatium proferre potuerim. Quod hoc loco est *loqui*, ut Pf. cxvi: 10. *firmum gressum posui*, sc. in Deo & apud animum, quia, vel propterea, *locutus sum*, fidem & spem libere, palam & intrepide, proferendo, & defendendo.

§. X. γ. *Tertium* medium, vel præcedentis deductio ac amplificatio, cum ejus frustraneo, quin contrario, effectu, exhibetur, vers. 6—11, his verbis: *computavi dies ab antiquo, annos seculorum; recordatus sum continuo pulsationis meæ, vel hilaris musicæ, noctu cum corde meo discurre, & scrutatus est spiritus meus; num in secula fastidiet Deus, nec perget amplius gratum habere? an expiravit in purum putum benignitas ejus, præsecuit dictum in ætatem & ætatem? num oblitus sit Deus tenerrimæ adfectionis? an constringet ira miserationes suas? & dixi, tormentum meum hoc est*. h. e. Ut specimen dem *recordationis meæ* Dei, & discursus mei in ipso, simul latius exponam, & amplificem; præterita tempora, & longius remota & proxima, in primis læta & prospera, accurata supputatione recollegi, indeque materiam discurrendi summo otio & tranquillitate sumsi, ac studiose & accurate inquisivi, omnibus ad minimum usque dis-

cussis, quid de præsentē mea calamitate esset judicandum; sitne spes aliqua instaurationis ac liberationis superstes, nec ne; num gratia & favor Dei in perpetuum acceperit finem, promissum ejus, in ætatem & ætatem factum, præcisum, & ira omnem miserationem abruperit. Cujus meditationis effectus quoque fuit, quod fateri debuerim, me frustra defatigasse, & summopere torqueri hac super re. Oratio eodem rursus modo composita est; complectitur *occupationis* fusiorem descriptionem, & frustraneum effectum, verbo tantum subjunctum, vers. 11. in priore membro, quod cum superioribus est connectendum; ut mox patebit.

§. XI. In occupationis descriptione *a.* medium proponit, quo ad consolationem usus fuerit, seu principium, ex quo ratiocinatus sit, his verbis, vers. 6, 7. *computavi dies ab antiquo, annos seculorum, recordatus sum pulsationis meae musica*, h. e. mente, accurata supputatione, revolvi tempora præterita, ab antiquissimis initio facta, & per omnia secula discurri; meam etiam pristinam conditionem lætam & prosperam, qua Deo solebam accinere, & psallere, in memoriam revocavi. Antea dixerat, se Dei fuisse recordatum, & in eo exspatiatum fuisse meditationibus suis; hic, ut illud exponat, & latius extendat, declarat, se tempora præterita omnia, & longius remota, & proxime elapsa, ad animum revocasse; quibus partim prospere degerat populus Dei, partim castigatus semper resloruerat, nunquam a Deo penitus rejectus, sed semper liberatus & instauratus. Quo oculo hic consideravit *tempora* præterita; ut liquet, cum quod *pulsationum* suarum mentionem faciat, tum quod præsentem calamitatem iis opponat, & inde materiam disquisitionis faciat, num Deus nunc in perpetuum gratiæ & favoris venam obstruxerit. Remota tempora duabus phrasibus designat, *dierum ab antiquo, et annorum seculorum*: quarum *prior* nos ducit ad tempora, quibus Deus populum Israelis sibi adseruit, et formavit, ut ex vers. 12. mox patebit: *posterior* respicit, ad tempora sequentia per om-

omnia secula ad præsentem afflictionem usque. *Proxime præteritum tempus in oculis habet, ubi suam pulsationem memorat, seu lætam et piam musicam sacram, cum resp. stare, et religio debite exercebatur. In quo nihil est, quod moram injicit.*

§. XII. *b.* Horum temporum accuratam supputationem, et recordationem, cum præsentem statu afflictionis comparatam, anam et materiam scrupulosæ disquisitionis præbuisse, profitetur poeta, qua inquisivit, quid de præsentem calamitate sit expectandum, num perpetuum sit duratura, nec ne. Præmittit *occupationis suæ delineationem*, vers. 7. *noctu cum corde meo exspatiabor, & scrutabitur spiritus meus*, h. e. summo silentio & otio, in hoc afflictionis statu, me tradidi meditationibus & disquisitionibus accuratissimis. Cohæret vox בלילה *in nocte* cum seq., & non præced., quod ab aliis jam est observatum; nulla enim ratio erat memorandi cantica in nocte, sed *meditationibus recte adjungitur*, uti vers. 5. ubi *vigiliarum* suarum meminit, & ita Ps. LXXIII: 7. ne alia memorem. *Noctu* id se fecisse declarat, ut, se summo otio & accuratissime illud fecisse, & continuo, significet, simul digitum ad statum afflictionis, cujus emblemata *nox* est, intenderet. De phrasibus ipsis nihil observo, cum sint satis expeditæ.

§. XIII. Meditationis & disquisitionis materiam hæc verba exponunt, vers. —10. *num in secula fastidiet Dominus, nec perget gratum habere amplius? an exspiravit in purum putum benignitas ejus, præcisum est dictum in ætatem & ætatem? an oblitus est tenerrimum edere adfectum Deus? an constrinxit in ira miserationes suas?* Quæ verba vero suo conspectu hic non occurrunt tanquam *lamentantis interrogatio*, qua quasi responsum a Deo petit, vel desperationem repellit, ac si vellet poeta, id fieri non posse, sed tanquam *disquisitionis*, modo memoratæ, materiam & argumentum constituentia, uti ex nexu cum præced. & seq. liquet. Modo enim *disquisitionem* suam memoraverat, nec tamen, *super*

per quo, addiderat; quod itaque hic fieri, statuendum est: dein subjungit, hoc esse *tormentum suum*; argumento, ipsum in difficillima quæstione solvenda fuisse versatum, nec parem fuisse solvendæ. Quæstio itaque hic movetur, in qua discutienda sese tenuerat occupatum; & eo tantum tendit interrogationis particula *num, an?* Quæstionem tamen ita proponit, ut, quantopere etiam ex præsentē statu populi concludendum videatur, Deum gratiam & favorem suum in perpetuum obstruxisse, ad illud negandum animum inclinare patefaciat, saltem rationes id negandi, & ita spem liberationis producendi, suppeditet, absque tamen ut certam conclusionem inde formare potuerit. De quo mox.

§. XIV. Quæstionem adfectuosa & copiosa proponit oratione, variis adhibitis phrasibus, eodem fere tendentibus, quæ in *tres* articulos sese dividit, quorum singuli *duo* continent membra, posteriore prioris illustrandi causa addito. 1. Primus articulus ita sonat, vers. 8. *An in secula fastidiet Dominus, nec perget gratum habere amplius?* h. e. an animo irato & indignabundo populum suum tanquam rancidum & foetidum averfatus est, & repudiavit, ita ut gratum non habeat amplius ei benefacere, vel in eo non amplius acquiescat, ut favoris signa edat & effecta. Radix *רנח* conferenda est cum Arab. رنح rancidus, corruptus fuit liquor, item præ rancore fastidivit, unde secundo, averfatus est cum fastidio, & repudiavit: de quo supra ^a egi. Quo admissio, recte subjungitur, *an non perget gratum habere?* ut facile cernitur.

§. XV. 2. Secundus articulus habet, vers. 9. *an exspiravit in purum putum benignitatis ejus vena; præcisum est dictum in ætatem & ætatem?* Quæ parum habent difficilis: prius membrum fere idem aliis verbis exprimit ac vers. 8. verbum *נפח* proprie est, crepitu ultimo & flatu facto exspiravit, ut *נפח* & *נפח*, quæ sunt verba e sono facta. Vox *נפח*,
a

^a Ad Pf. LXXIV: 1.

a primigenia potestate *turgescendi*, & *ubertate succi* adfluendi, unde in *ubere* teritur, cujus lac continuo confluit & manat, ad Deum adplicita, denotat venam benignitatis continuo fluentem in hominem. Quod sæpe alias observatum est. Recte itaque conjungitur cum verbo *expirare*, ut significetur venæ istius exsiccatio & cessatio; additur *נחל* in *purum putum*, ut proprie denotat, h. e. & plenissimè & perpetuo. Alterum membrum additur ad mirabilitatem ejus rei augendam ex consideratione *promissi* Dei, quo venæ continuo fluentis fidem dedit populo: verba sunt, *præcisum est dictum in ætatem & ætatem?* h. e. an promissum, in mille generationes factum, penitus, & in omnes generationes, abruptum & consumtum est? *נאמר* recte *promissum*, seu bonum alicui additum, denotat, ut vidimus ad Ps. LXXVIII: 12. Quod huc unice quadrat. Verbum *נאמר*, præterquam quod per adliterationem eleganter addatur *נאמר*, insita sua notione huc recte convenit, dicit enim proprie *secare*, *præsecare*, sive in bonum, quum quid absolvitur & consummatur, sive in *malum*, quum absumitur, & ad finem perducitur: quod posterius hic obtinet. Sed voces, *in generationem* & *generationem*, aliquid trahunt de ambiguo, cum & cum *dicto*, seu *promisso*, & cum verbo *præsecare* construi queant; quod studio fuit captatum, ut utrumque intelligeretur; & sensus sit, an *promissum*, in mille generationes factum, uti est Ex. xx & xxxiv, abruptum & finitum est in generationem & generationem, seu in omnes ætates sequentes, & ita in perpetuum? quæ phrasios est notissima significatio. Vid. Ps. x: 6. xxxiii: 11. & alibi.

§. XVII. 3. *Tertius* articulus est, vers. 10. *an oblitus est tenerrimum adfectum demonstrare Deus? an constrinxit iræ commiserationes suas?* Cum prius membrum causam cessationis tenerrimi adfectus quærere videretur in oblivione Dei, *posterius* additur ad illud corrigendum, & fortius exprimendum, cum illud adtribuitur *iræ* Dei, adfectum illum tenerrimum, & miseraciones, constringenti, & ita impe-

dienti, quominus se exferat. Sensus est, Deum sese erga populum gerere, ac si propriam suam virtutem, qua tenerimo adfectu suos prosequitur, oblivione delevisset, vel potius præ ira & indignatione obicem posuisset adfectui misericordiæ, ne ea in bonum populi sese in posterum amplius exferat. Nihil hic difficile. De verbo *אֶחָד* & *אֶחָד* sæpe diximus; quid sit in Deo *oblivio* & *ira*, nemini non constat. Verbum *אֶחָד* proprie est *αφίστην, συσφίστην, constringere*, unde *אֶחָד* *constringere os*, alligato carnio, *וְאֶחָד* *manum* in parsimonia, sic *viscera* nostro loco in misericordiæ negatione, & duritiæ *a*.

§. XVIII. Sed quem effectum habuit hæc disquisitionis de favore Dei erga populum Israelis finito, populoque in perpetuum repudiato, nec ne? quæ inde nata est conclusio, & quæstionis determinatio? illud his verbis declarat poeta, vers. 11. *Et dixi, tormentum hoc meum est*, h. e. disquisitio mea huc exiit, ut apud animum meum *dixerim*, pro conclusione, *torquet me* illud, nec expedire possum, quæstionem decidere nequeo, sed in incerto relinquere debeo; imo vero aucta inde est mea anxietas; adeo ut magis excruciatum sum, summa consternatione adtritus, & q. excoriatus insanabili plaga animi. Quam sensus amplitudinem adfert verbum *אֶחָד*, cujus proprietas est in *terendo, adterendo*, scuticis etiam & flagellis, et sic adfligendo et cruciando, ac excoriando *b*. Indicat itaque, ægritudinem suam per hanc disquisitionem non fuisse sublatam, quin auctam, & adterentem fuisse factam, ac vehementius cruciantem, &c. conf. vers. 3. & ibi dicta. Interpretes cum seq. construunt, & varie exponunt: quos suo loco relinquere debeo. Nostra expositione nihil est facilius, ut puto, & aptius. Cohæret enim illud *אֶחָד* & *dixi*, manifeste cum præcedentibus, quibus disquisitionem suam memoraverat, adeoque ejus conclusionem & effectum comprehendere debet. Sequen-

a Schultens ad Job. v: 17. xxiv: 24.
x. c. 9.

b Id. Orig. l.

quentes vero voces hujus versus quid significant, mox tradam; longe aliud, ac quod vulgo putatur. Ratio dubiæ & anxietatis hujus conclusionis erat, quod ab altera parte relationes Dei ad populum, ac virtutes Dei, gratiæ, misericordiæ & veracitatis, spem liberationis præbere deberent, ab altera vero tam singularis & horrenda calamitas, comparata cum superiorum temporum experientia, quibus populus vel prospere degerat, vel castigatus semper restituerat, nunquam ita, ut nunc, tractatus, omnem spem præcideret, & illud tempus, a prophetis prædictum, nunc adesse, quo populus a Deo repudiaretur, arguere videbatur. Sed eo magis illud cruciari debuit sanctos, quod, nisi populus restituatur, actum quoque foret de Messia, & ejus oeconomia, qua Deus gratiam & misericordiam majore gradu exerceret: quo, sensu sublimiore, referri quoque possunt phrasæ, quæ questionis materiam comprehendunt, modo explicitæ.

§. XIX. In altera Ps. parte generali, qua modum exponit, quo luctam suam superavit, a. occurrit præfatio, qua se ipse excitat ad mirabilia Dei facinora, in populo ex Aegypto liberando, mente revolvenda, ut inde se erigat, & consoletur spe similis liberationis ex præsentē afflictione, vers. 11—13. *Anno dextera Altissimi condelebrabo, arduis Dei malimino, quia recordabor ab antiquo mirabilium tuorum; & assuabo in omnia opera tua, & in arduis tuis moliminibus expatiabor.* h. e. disquisitioni huic cum diu inhæsissem; tandem conclusi, nihil inde præter cruciationem animæ ad me redundare, nequa mihi melius facere posse ad me consolandum, quam ut me occupatum teneam celebrandis temporibus illis, quibus Deus, dextera exserta, stupenda fecit ad populum nostrum ex Aegypto liberandum facinora; quæ omnia mente revolvam, & materiam faciam meæ expatiationis, seu meditationis jucundæ. Cohærent itaque hæc verba quoque cum verbis 14. & alteram conclusionis partem faciunt; hac ratione: itaque disquisitione hac facta, sic

concludendo dixi: *tormentum meum hoc est, me quaestione illa defatigare, aliam tenebo viam; celebrabo annos dextrae Altissimi, stupenda molimina Jah &c.* Duo profitetur se in posterum facturum, ad animum perturbatum sedandum, annos dextrae altissimi, & molimina Jah, celebrare, & operum Dei ab antiquo recordari, adeoque ea in mentem revocare cum celebratione, & ad celebrandum. Prius his verbis expressum est, *annos dextrae Altissimi celebrabo, stupenda molimina Jah.* h. e. annos illos, quibus dextra Altissimi se exseruit, & Jah ardua patravit opera, commemorabo, & laudabo. Ad quorum intellectum not. 1. vocem *אניני* annos denotare, & cum *dextra Altissimi* construi, ut anni *dextrae altissimi* intelligantur, scilicet, quibus potentia & fides Dei sese luculenter demonstrarunt, & egerunt. Quemadmodum *annus complacentiae Jehovae*, *Jes. LXI. retributionum. c. xxxv. redemptorum Dei*, *ci. LXIV. dies Domini* saepe, & quae alia sunt similia, ita *anni dextrae Altissimi* eo, quo dixi, sensu, recte dicitur. *Dextra* vero Altissimi eum potentiam, uti *brachium*, *vers. 16. tum fidem in promissis, data dextra factis, implendis*, denotat, uti notum est. Interpretes, uno alterove excepto, qui nobiscum facit, solent pro infinit. verbi *nro* habere, & de *mutatione dextrae Dei* interpretari, vario sensu; sed scopo & nexui parum convenienter. Supra memoraverat *dies ab antiquo, & annos seculorum*, *vers. 9. hic itidem annos dextrae Dei*, & mox *ab antiquo*, *vers. 12. 2. construi debere cum verbo אנני*, quod sequitur, *versuum distinctione male hinc avulsam; ut sit, annos dextrae altissimi commemorabo, laudabo & celebrabo: non enim marginalis, sed textualis lectio est sequenda, cum mox sequatur, quia recordabor, tanquam ratio & antecedens celebrationis.* Minus recte diceretur, *recordabor moliminum tuorum, quia recordabor ab antiquo mirabilium tuorum; sed recte, celebrabo, quia recordabor, de quo mox.* 3. Voces, *stupenda molimina Jah*, subiungi ad explicationem *dextrae altissimi*; verbo *אניני* commemorabo cum seq. *que*

que ac præced. constructo; hac ratione, *annos dextræ altissimi celebrabo, celebrabo*, inquam, *stupenda molimina* *Jah*; scilicet, in quibus dextra Altissimi sese conspicuam reddidit.

§. XX. Sed quæ tempora & molimina in oculis præcipue habuit poeta, & unde ea celebratio oriretur? illud exponit, vers. 12, 13. his verbis: *quia recordabor ab antiquo mirabilium tuorum, & astuabundus versabor in operibus tuis omnibus; & in stupendis tuis moliminibus exspatiabor*, h. e. ea Dei molimina celebrabo, quæ ab antiquo patravit, & ad illud me excitabit recordatio, & studiosissima meditatio eorum, &c. Respicit itaque ad ea Dei opera, quæ in initio erectæ reip. Israeliticæ sunt facta: quorum mox fusiorem dat descriptionem, vers. 15. &c. *Opera illa Dei tribus nominibus adhibitis exaggerat, adpellat mirabilia, omnia opera*, vel consummatam universitatem eorum, & *stupenda molimina*. Actuositatem quoque suam emphatice exhibet, tribus verbis, quæ gradationem continent; *recordari, astuare & exspatiari*, de quibus ad vers. 4. dixi, & de run ad Ps. LXIII: 7. quæ non repetam. Indicat, se non simpliciter in mentem revocaturum esse, sed & cum magno fervore & studio meditaturum, eique meditationi inhæsurum; idque cum delectatione & utilitate; secus ac antea expertus erat, vers. 4.

§. XXI. β. Meditationis argumentum & summam antequam tradat, erumpit in celebrationem & exaltationem Dei, qua sancti & magnifici præ omnibus, qualem sese Deus in illis operibus, quæ recenseret, manifestavit, ut fidem & spem suam in illis Dei adtributis fundatam profiteretur & exponeret, oppositæ ad superiorem fluctuationem, vers. 14. *Deus in sancto est via tua; quis Deus magnificus, sicut Deus tui?* h. e. Fluctuavi & anxius hæsi in ipsa meditatione Dei, & temporum antiquorum; sed nunc, cum tempora dextræ Altissimi, & mirabilia ac stupenda ejus opera ab antiquo in Israele vindicando, debite ad animum revoco, & me ad ea meditanda accingo, fidem & spem meam deprehendo se de-

nuo exserere; & exclamare debeo, viam Dei esse nostra cogitatione & opinione superiorem, simul omni parte sanctam, justam & bonam, Deumque solum esse magnificum & potentissimum, cui vel in desperatissima nostra conditione fidere aasum. Huc existimem tendere hanc confessionem, recensitioni operum Dei præmissam; & hunc ejus esse sensum. Duo de Deo prædicat, alterum, *viam ejus esse in sancto*, alterum ipsum solum esse *magnificum*. Prius egregie elucidavit Coccejus, his verbis: *via tua*, h. e. consilium & dispositio ordinis rerum, ut pervenias ad scopum tuum, *est in sancto*, procul a consilio & opinione humana, nihil habet imperfecti, nihil vile, nihil non dignum divina majestate & sapientia & potentia: adeoque, quod addo, silendum mihi est, non cum Deo expostulandum, fidendum est Deo, non amplius cum carne luctandum, sed Deo nostra causa committenda. Sicut Hab. II: 20. *Yehova est in palatio sanctitatis suae, sile coram ipso tota terra*. Zach. II: 17. *Sanctum est sublime, occultum, purum, & verendum*; sicut Deus eo sensu *קדוש יי* adpellatur *sanctus*, Jes. XL: 25: & eum Deus jurat *per sanctitatem suam*. Am. VII: Pf. LXXXIX, 36. Ita Asaph, super impiorum fortunata forte emulatione accensus, sese tranquillavit, *introduc in sanctuarium Dei* Pf. LXXIII: 17. ubi vid. dicta. *Posterius* mihi habet impediti: tantum notetur pronomen *tuum*, quod subjungitur, huc etiam pertinere, & subintelligendum; ut sit, *sicut tu Deus*. Addatur, respici in hoc versu ad canticum Moïsis, Ex. XV: II.

§. XXII. 7. In argumenti celebrationis deductione, sequi moliminum Dei recensitione, a. incipit cum generali eorum commemoratione, & celebratione per orbem. vers. 15. *Tu Deus es faciens mirifica, promulgasti inter populos robur tuum*. Quando scilicet, verba sunt Gejeri, per totum terrarum orbem dimanavit relatio de mari rubro diviso, populo tantae numerositatis per 40 annos coelitus sustentato, per Jordanem tracto &c., huc illud Ex. IX: 16. *in hac stare te feci, ut ostenderem*

derem potentiam meam, & narretur nomen meum in omni terra. Conf. etiam Ex. xv: 14—. Addatur, non sine ratione, haberi, *tu Deus faciens mirabilia*, cum eo ipso fidem & spem suam testificetur, Deum & nunc *mirabilia* edere, ut olim fecit in gratiam populi sui. *b.* Adplicat generale dictum ad populi liberationem ex Aegypto, quam proprie in oculis habuit, vers. 16. *Vindicasti brachio populum tuum, filios Jacobi & Josephi.* Quæ nihil habent, quod moram injicit, nisi illud solum, quare *filiorum Josephi* fiat specialis mentio, ad quod varie responderi potest, sicut fit. 1. Si ad totum populum extendatur, iidem, qui filii Jacobi adpellantur, *filiorum Josephi* titulo insigniuntur, cum quod, sicut Jacobum parentem, ita Josephum habuerint alterum patrem, qui eos sustentavit, in terram Gosen transtulit, & patrocinitus est; quem etiam tanquam talem reverenter & submisse coluerunt in Aegypto, tum quod, sicut Jacobo ita Josepho fuerint in fatis afflictionis & exaltationis similes, eundem Deum & Angelum foederis experti *pastorem*: quo respicitur Pf. LXXX: 2. 2. Si ad *Ephraimitas & Manassitas*, ex Josepho natos, restringatur, eorum specialis censerit potest facta mentio, cum ut eos, quippe a Jacobo adoptatos Gen. XLVIII., eandem, quam reliqui filii Jacobi, habuisse sortem, indicaretur, tum ut ad distinctionem populi in Judam & Israellem, seu duo regna postea orta, digitus intenderetur, & insinueretur, populum Dei, in quo duo tam valida exstiterunt regna, tam dura servitute in initio pressum, & a Deo liberatum esse, quæ Cocceji est observatio, tum denique, ut Ephraimitarum, inter quos fuit regnum Israelis, qui a Deo videri possent rejecti, & longius dispersi, reductio ex exilio, uti olim ex Aegypto, simul comprehenderetur. Conf. Pf. LXXXV: 5.

§. XXIII. *c.* Diffundit sese dein in mirabilium Dei facinorum in populo liberando ex Aegypto commemorationem vers. 17—19. In qua pericopa *a.* Miraculosa aquarum maris rubri commotio, quæ populo liberum præbuit transitum,

tum, & immanis procella tonitruans & fulminans, quæ Aegyptios prostravit, & aquis immerfit, memoratur, vers. 17, 18. *β.* ejus consequens inter populos vicinos, metu per famam ejus rei divulgatam perculsos, vers. 19. *α.* Prius his verbis, vers. 17, 18. *Viderunt te, o Deus! aquæ, viderunt te aquæ, contortæ sunt, etiam contremuerunt abyssi. Torrente vebementiore commotæ sunt aquæ, nubes crasiores, vocem dedit æther; etiam tela tua grassata sunt.* h. e. Cum tu, Deus! olim oculo vibrante aquas maris rubri intuitus fuisti, horrore & tremore correptæ sunt ac contortæ, statu earum penitus mutato; ita ut populo tuo liberum dederint transitum; sed iratæ simul & minaces, inundationem parturientes, steterunt, & mox torrente æstu commotæ sese una cum imbre, & procella tonitruante ac fulminante, effuderunt, & hostes prostraverunt. Verba continent *antecedens* & *consequens*, hocque duplex, alterum in bonum, alterum in malum, ut mox patebit. *Antecedens* est, *aquas vidiſſe Deum*, nec una, sed iterata vice. *Viderunt aquæ te, o Deus!* h. e. acri & radiante oculo se intuentem te expertæ sunt aquæ, tanquam potentissimum & iratum Dominum, aquas hostiliter adgredientem, quæ se populo tanquam obicem opponebant, uti ad mare rubrum, quo hic respicitur, factum est. *Videre* subinde est *experiri* ad micantes radios, & in re bellica usitatum est, quo exercitus, jam jam conflituri, se invicem dicuntur *videre*, uti sæpe alias observavi. Occurrunt autem *aquæ* hic tanquam Israeli hostiles, quæ ipsis impedimentum objiciebant, & Aegyptiis in Israele opprimendo opem ferebant: *vidiſſe* dicuntur Deum, Israelitarum ducem & patronum, quatenus eum expertæ sunt iratum, & increpantem ac invadentem; ut locum Israeli cedant, ac in hostes Dei sese effundant: quod mox additur. Repetitio, *viderunt te aquæ, viderunt te aquæ*, non simpliciter per anaphoram tendit, ad insoliti miraculi dignitatem altius imprimendam, ut Gejerus loquitur, sed quod *duabus* vici-

bus.

bus aquæ maris rubri id senserint, *altera*, quum Israeli cesserunt, *altera*, quum Aegyptios inundaverunt, Ex: xiv.

§. XXIV. Consequens memoratur duplex, *alterum*, quo contortæ sunt aquæ & intremuerunt, & rigidæ steterunt, *alterum*, quo æstuabundæ cum procella imbrifera, tonitruante, & fulminante, irruerunt in Aegyptios. *Prius* his verbis, *contortæ sunt*, scilicet aquæ, *etiam contremuerunt abyssi*. h. e. aquæ tremore correptæ sunt & statum suum mutarunt, alio conversæ; simul profundiores aquæ, rigidæ factæ, steterunt immotæ. Quod utrumque factum esse constat ex Ex. xiv. vehemente vento concitatæ diffluerunt aquæ tota nocte, quod Pf. cxiv. dicitur *fugere, viderunt aquæ & fugerunt*: reliquæ, quæ manserunt, in profundo degentes, steterunt utrinque in cumulum instar *murorum*, medium spatium relinquentes vacuum. *Prius* exprimitur his verbis, *contortæ sunt*, scilicet *aquæ*, voce illa repetita; pertinet enim vox præcedens non ad hoc verbum, sed superius *videre*, ut indoles linguæ docet; alias enim dictum fuisset, *וַיִּרְאוּ מִן הַיָּם*, cum nunc legatur *וַיִּרְאוּ מִן הַיָּם וַיִּפְּצוּ* *viderunt te aquæ, contortæ sunt*. Radix *פ* proprie est, *versare, torquere*, unde inter alia transfertur ad graviolem membra torquentem, & rerum *conversionem* & transformationem, qua in alium longe statum violenter torquentur. Significatur itaque, aquas tremefactas in longe alium statum fuisse conversas; alio flexas, cum diffluerunt. *Posterius* verbis sequentibus proponitur, *etiam intremuerunt abyssi*, seu aquæ profundiores, eo nomine exprimi solitæ: vid. Pf. xxxiii: 7. cxlviii: 7. in primis Ex. xv: 8. Verbum *נָרַע* proprie est *tremere*, cum tremore & fragore concuti & vehementius commoveri, & ad summum *pavorem*, simul *iram* graviolem refertur. Hic pavore tremefacientis effectus simul includitur, quo quid *immobile* stat, & *rigescit*; uti est Ex. xv: 8. *coagulata abyssi in corde maris*.

Sff

§. XXV.

• Schultens ad Prov. xxxi: 29. Schroeder ad Pf. x: 5.

§. XXV. *Alterum*, seu posterius consequens, quo aquis immerfi sunt Aegyptii, verbis, modo explicitis, teste involutum, apertius exponitur, vers. 18. Verba superiora מֵי & מַי, aquis adtributa, simul indicarunt, eas infremuisse, & dolore ac tremore parturientis quasi correptas se ad effectum suum edendum torfisse: מֵי enim de dolore parturientis usurpatur, & מַי in nube murmurante ac tonitrua volvente teritur, & graviolem excandesceniam, sese exferentem, comprehendit. Verum seq. verba vers. 18. clarius & apertius illud exhibent: *torrente vebementiore commotae sunt aquae, nubes crassiores, sonum ediderunt nubes subtiliores, etiam sagittae tuae grassatae sunt.* h. e. aquae, dolore & ira trementes, magna cum aestuatione se diffuderunt, simul procella imbrifera, tonitruans & fulminans, in eos irruit. Quatuor memorantur media terribilia, quibus Aegyptii sunt prostrati in mari Rubro. 1. *Primum est aquarum aestuatio*, seu aestuans inundatio, his verbis: *aestuauit aquae*, scilicet eadem, modo memoratae, maris Rubri, quae cum dolore parturientis fugerant, & indignabundae ac frementes steterant; illae, impetu recepto, foetumque quasi excludentes, & commotae sese effuderunt, & inundarunt omnia. Radix מַי sedem habet in *torrente aestu*, vel igne vehementius flagrante; unde ad aquas ferventes, & vehementius aestuantes, transfertur *a*. Respicitur ad aquas maris Rubri sese, impetu recepto, in Aegyptios diffundentes. Ex. xiv. 2. *Secundum est nubium crassiorum aestuatio*, voce מַי com- prehensa & cum eodem verbo מַי constructa. Denotat enim nubes crassas, & imbriferas; uti notum est, & earum *aestuatio* est, cum imber vehementius effunditur. 3. *Tertium est*, aetheris murmuratio tonitruans, his verbis: *sonum edidit aether*, tonitrua nim., ut facile cernitur. 4. *Quartum est*, fulminum iactatio; *etiam tela tua grassatae sunt.* h. e. fulmina tua, corusca & penetrantia, frequentissime ita-

runt,

* Schultens ad Israh. p. 12. & Kuypers ad V. T. loca p. 38.

runt, & in perniciem grassata sunt. Vox $\gamma\alpha\eta$, unde $\gamma\eta$, a rad. $\gamma\eta$, proprie *scindere, secare*, inter alia adhibetur de *sagitta*, sive a *scissione, fisione* in longum, sive a vi penetrante & secante: & inde ad *fulmina* transfertur, quæ *tela & sagittæ* Dei adpellari solent; sicut & $\gamma\eta$ *fulgetrum, fulmen*, proprie *incisum* vel *insectum*, quod ad fulminum corusca & trifulca tela adplicitum est, a rad. $\eta\eta$ *fidit, secuit a*. Emphasin habet verbum in Hitph. $\gamma\eta\eta$ *itare, grassari*; quod ad *violentiam & latrocinia* nonnunquam transfertur, ut Lat. *grassari b*. Ceterum licet de imbre effuso, tonitru & fulmine, nihil expresse legamus in historia egressus Israelitarum, nihil tamen vetat statuere, ea tunc locum quoque habuisse, maxime cum ansam præbeat Moses Ex. xiv: 24. ubi Jehovah dicit *inspectasse e columna nubis & ignis castra Aegyptiorum*, Israel em in mare persequentium, & motu aestuante liquefecisse, vel tabefecisse, quæ potestas est verbi $\eta\eta$, addit, dixisse hostes, *Jehovam pugnare pro Israele cum Aegyptiis*, vers. 25. Conf. quæ Philistæis sub Samuele contigerunt, 1 Sam. vii: 10. & Hab. iii: 10, 11. nec non, Zach. ix: 14., in prophetia de Syro-Macedonum prostratione.

§. XXVI. β. Consequens miraculosi hujus eventus, ejus citissima per orbem divulgatio, indeque orta populorum consternatio his verbis profertur, vers. 19. *Sonus tonitru tui in rota, (instar rotæ) fulgura illustrarunt orbem habitabilem, intremuit & terrore percussa est terra*, h. e. Illustris hujus eventus, de terribili tua majestate testantis, fama velocissime, & sonore, orbem, instar rotæ volventis, & fulguris lumen quaquaversum spargentis, pervasit, ac terræ incolis summum incussit metum. Verba non sunt de Aegyptiorum prostratione, ut fieri solet, capienda, sed de fama ejus per orbem, indeque orta populorum consternatione. 1. Quia modo de tonitruante & fulminante tempe-

Sff 2

state

a Schultens ad Job: xxxiii: 25. b Id. ib. i: 7. & Prov. vi: 11.

estate dictum erat; quod hic repetere superfluum foret. 2. Quia voces sese latius, quam ad Aegyptios, extendunt; quum orbis dicitur illustratus, & terra intremuisse. 3. Consequens hujus eventus, seu populorum per orbem pavefactio, sicut in rem memoratur, ita expresse occurrit Ex. xv., quo hic respicitur. 4. Quia voces & phrasae ad eventus divulgationem, & inde ortam consternationem, directe tendunt: memoratur enim *vox tonitru*, & orbem *illustrare* dicitur fulgur: quod aliud est, ac modo dictum erat, *nubes dare vocem & tela Dei itare*. Duo itaque hic memorantur, *unum*, famam prostrationis Aegyptiorum orbem pervasisse; *alterum*, populos fuisse perterrefactos per eam divulgationem. Prius his verbis, *sonus tonitru tui in rota*, *illustrarunt fulgura orbem* habitabilem, h. e. tonitrua tua sonum citissime & sonore per orbem dederunt, & fulgura lucem per eum sparserunt. Respicitur ad praecedentia, quibus Aegyptiorum clades per tempestatem tonitruantem & fulminantem erat descripta; & hic docetur, ejus notitiam per orbem fuisse citissime divulgatam; sicut tonitru longissime auditur, & fulmen quaquaversum conspicitur. Vox tonitru Dei itaque est *sonus* ejus, cujus citissima & strepera divulgatio indicatur, quum additur, *in rota*, h. e. instar rotæ, scilicet citissime currentis, & magno cum strepitu. Quod ipsa voce *הלל* est involutum; cujus radix *הלל* *volvendi & convolvendi* potestatem habet. Præf. autem *ו* hic comparationi inservit, & idem est ac *ו* *sicut*, sed magis emphaticum: quemadmodum haud infrequenter alibi: de quo dixi ad Ps. LXIII: 2. Est præterea membrum, *vox tonitru tui instar rotæ*, incompletum & defectuosum, hac ratione supplendum, *tetendit per orbem*, voce orbis ex seq. repetenda; ubi fulgur dicitur *illustrare orbem*, & verbo *pervadere* ex re ipsa supplendo; acsi habeatur: *vox tonitru tui pervasit instar rotæ, fulgura illustrarunt orbem*, h. e. pervasit instar rotæ orbem; fulgura illustrarunt eum. Forte verbum *ו* censeri posset, per similis soni syllabam pri-


primam vocis גָּלִיל absorptum; uti alibi fieri observavimus. Significat vero proprie *tendere, intendere*, cum intentione ferri, & citissime supervenire, ac hostiliter etiam, denotat: quod huc recte quadrat. Interpretes aliter, & varie, instituunt; quos suo loco relinquo. Nostra interpretatio sese sponte sua commendat; & *rotæ* similitudo de motu celeri & strepero facillima est: conf. Ps. LXXXIII: 14. *Posteriorius*, famæ consequens complexum, habet, *intremuit & terrore concussa est terra*, h. e. incolæ terræ summo pavore correpti sunt: quod facillimum est. Conf. Ex. xv: 14. &c.

§. XXVII. 2. Sicut recensitioni miraculosi hujus casus præmiserat confessionem & celebrationem Dei, tanquam mirabilis in rationibus providentiæ suæ & magnifici, ad fidem & spem suam firmandam, vers. 14. ita similem confessionem eodem scopo ei subjungit, & ulteriorem commemorationem per eam interrumpit, mirabiles Dei vias, ac hominibus inperscrutabiles, in magnis quoque regnis, eorumque fati dispensandis, celebrando, sub emblemate viarum & incessuum Dei in mari & aquis multis, absque ut vestigia ejus cognoscantur, cujus ansam dederat superior oratio. Hunc existimaverim scopum & conspectum esse verborum, vers. 20. *In mari via tua, & semitæ tuæ in aquis multis, & vestigia tua non sunt nota*. h. e. Quod supra dixi, *viam tuam esse in sancto, & te solum magnificum*, cujus providentia mirabilis est, & nostris cogitationibus superior, adeo ut animis nunquam despondere debeat populus tuus vel in desperatis casibus, illud, miraculosa populi liberatione & hostium prostratione in mari rubro memorata, repecto, & ad præsens regnum hostile, a quo nunc opprimitur populus tuus, adplico, pie confessus, *viam tuam in mari esse*, absque ut innotescant vestigia tua, seu te in regnorum magnorum fati distribuendis versari mirabiliter, occulte & inperceptibiliter, adeoque, licet status noster videatur desperatus, & regnum hoc ho-

stille stare inconcussum, res a te ita dirigi posse, ut populus tuus, æque ac olim ad mare rubrum, evadat cum regni istius dissipatione, & destructione. Respiciunt verba manifeste ad vers. 14. & tendunt ad populi spem corroborandam, significantque, regna hujus mundi fuisse providentiæ divinæ, quæ mirabili & occulto modo fata eorum dirigit; cui itaque in omnibus fidendum est. Interpretes referunt ad transitum populi per mare rubrum, Deo ductore factum, & Aegyptiorum submersionem: sed, præterquam quod repetitio illa foret frustranea, qua ratione *vestigia Dei* fuerint *ignota* tunc, exponi commode nequit; nec aliquid prolatum est, quod satisfacit. Intelligamus itaque regna magna, in specie Babylonicum, vel Syro-Macedonicum, *maris* & *aquarum multarum* emblemate depingi solita, & rationes agendi mirabiles & occultas per vias Dei in iis, quarum vestigia ignota sunt, indicari statuamus, quibus Deus fata eorum regnorum disponit; cuncta erunt facilia, & ad scopum recte adcommodata, ut ex paraphrasi, modo data, liquet. Conf., quod ad rem ipsam, Jes. xlv. 15. *utique tu es Deus, qui te occultas!* & quæ ibi, plane in rem nostram, adtulit Cl. Vitringa, quare plura non addo. Emblemata vero *maris*, & *aquarum multarum*, de magnis regnis, & in specie Babylónico, & Syro-Macedónico &c., notum est, et satis illustratum, Conf. Hab. iii. 15. et Zach. x. 11., Jes. xxi. 1: et ibi Vitringa.

§. XXVIII. 1. Hac confessione inserta pergit in recensione beneficiorum Dei in populum, plene jam liberatum, e manu Aegyptiorum; sed, uno præcipuo contentus, sermonem subito abrumpit, reliqua lectoribus seu auditoribus relinquens meditanda; una cum adplicatione ad præsentem calamitatem, vers. 21. *Duxisti sicut gregem populum tuum, manu Moïsis & Aaronis.* Quæ nihil habent obscuri. Tantum observo, quod supra jam tetigi, miraculosam hanc liberationem ab Aegyptiaca afflictione duplice scopo memorari, uno, quod primordiale et fundamentale

tale fuerit beneficium, cui continua populi conservatio & vindicatio fuit superstructa usque ad finem oeconomiae V. *altero*, quod praesens liberatio a dominio Syro-Macedonum ei haud una ratione respondeat, cum quod multis cum Majestatis Dei signis fuerit facta, tum plenissimam adtulerit libertatem, et prosperitatem, regno quoque Dei sub *ducibus* restituto.





P S A L M. LXXVIII.

1. *Carmen maturans Asapbi. Auribus percipe, mi popule! institutionem meam, inclinate aurem vestram ad oris mei dicta.*
2. *Aperiam in similitudine os meum, ebullire faciam ænigmata a mihi antiquo.*
3. *Quæ audivimus & cognovimus, & Patres nostri narrarunt nobis.*
4. *Non celabimus a filiis eorum, generationi posteræ narrantes laudes Jehovæ, & robur ejus, & mirabilia ejus, quæ fecit.*
5. *Et stabilivit ornamentum in Jacobo, & legem posuit in Israele: quæ præcepit Patribus nostris notificare filiis ipsorum.*
6. *Ut cognoscat ætas postera, filii, qui nascentur, surgent & narrabunt filiis suis.*
7. *Et ponant in Deo fiduciam suam, (nec obliviscantur moliminum Dei) & præcepta ejus observent.*
8. *Et ne sint sicut Patres ipsorum, generatio refractaria & obstrigillans, generatio, quæ cor suum non disposuit firmiter, cujusque Spiritus non fuit cum Deo fidelis.*
9. *Filii Ephraimi sicut armati jaculatores arcus sese vertunt die prælii.*
10. *Non observarunt foedus Dei, & in lege ejus incedere renuerunt.*

II. Et

11. *Et obliiti sunt facinorum ejus arduorum, & mirabilia ejus, quæ ipsis monstraverat.*
12. *Coram Patribus eorum fecit mirabile in terra Aegypti, agro Tſoanis.*
13. *Fidit mare, eosque transire fecit, & aquas perſtare fecit ut acervos.*
14. *Et duxit eos interdiu nube, & tota nocte luce ignis.*
15. *Fidit petras in deserto, & potavit tanquam ex abyſſo magna.*
16. *Et fluentia e rupe eduxit, aquasque descendere fecit tanquam fluentia.*
17. *Et perrexerunt adhuc in ipsum peccare, obſtrigillando Altiffimum in ſolitudine.*
18. *Et tentarunt Deum in corde ſuo, poſtulando cibum ſecundum adpetitum ſuum.*
19. *Et locuti ſunt contra Deum, dixerunt, poteritne Deus inſtruere menſam in deserto?*
20. *Ecce percuffit petram, & fluxerunt aquæ, torrentesque inundarunt, an etiam panem poterit dare? an parabit carnem populo ſuo?*
21. *Propterea audiuit Jehova & efferbuit, ac ignis vehementius arſit in Jacobo, & etiam naſus, vel adglomeratio naſi, exæſtuavit in Israele.*
22. *Quia in Deum non crediderunt, nec in ejus ſalute poſuerunt fiduciam.*
23. *Et præcepit nubibus deſuper, valvasque coelorum aperuit.*
24. *Et depluit in eos manna ad comedendum, ac frumentum coelorum præbuit iis.*
25. *Panem fortium, vel principum, comedit vir, viaticum miſit ipsis ad ſatietatem.*

26. *Increbescere fecit eorum in coelo, egitque robore suo austrum.*
27. *Et depluit super eos carnem instar pulveris, & volucres sicut arenam marium.*
28. *Et, vel quas, decidere fecit in medio castrorum ejus circa tentoria ejus.*
29. *Et comederunt & saturati sunt valde, & desiderium provenire ipsis fecit.*
30. *Non recesserunt fastidientes a desiderio suo. Adhuc cibus in ore eorum erat,*
31. *Et nasus Dei exæstuavit in eos, & occidit pingua eorum, & eximios Israelis procumbere fecit.*
32. *Omni hoc existente adhuc peccarunt, nec miraculis ejus crediderunt.*
33. *Et, vel quare, absumsit instar vaporis dies ipsorum, & annos ipsorum in terrore præcipitante.*
34. *Cum eos occideret, tunc investigarunt eum, & redierunt, & multo mane quæsierunt eum.*
35. *Et recordati sunt, Deum esse rupem suam, & Deum altissimum vindicem suum.*
36. *At illexerunt eum ore suo, & lingua sua mentiti sunt ei.*
37. *Nec cor ipsorum fuit firmiter aptum cum eo, neque fideles fuerunt in foedere ejus.*
38. *At ipse misericors tegebat illinendo iniquitatem, imo multiplicabat reducere nasum, nec omnem suam excitabat exandescentiam.*
39. *Et recordabatur, eos esse carnem, ventum pereuntem, qui non redit.*
40. *Quoties obstrigillarint ei in deserto, constrinxerint ipsum in solitudine.*

41. *Et tamen redierunt & tentarunt, seu iterum tentarunt, Deum, & sancto Israelis limitem posuerunt.*
42. *Non recordati sunt manus ejus, quo die redemit ipsos ex mihi angustia.*
43. *Quo signa sua in Aegypto posuit, & in agro Tjoan portenta sua.*
44. *Et convertit in sanguinem fluuios eorum, & fluenta ipsorum non bibebant.*
45. *Inmisit in eos muscas caninas, & comederunt eos, & ranas ac perdiderunt eos.*
46. *Et proventum ipsorum dedit bracho, ac laborem ipsorum locustæ.*
47. *Occidit grandine vicem ipsorum, & sycampros ipsorum telis trifulcis.*
48. *Et iumentum ipsorum, quasi clipeo inclusum, tradidit grandini, & pecudes eorum vibrationibus coruscis.*
49. *Inmisit in eos astum nasi sui, effervescentiam, & spumationem, & zelotypiam, turmam armatricem angelorum maiorum.*
50. *Libavit viam regiam ira sua, non coercuit a morte animam ipsorum, & vel sed, vitam eorum pesti tradidit.*
51. *Et percussit omne primogenitum in Aegypto, primitias virium in tentoriis Cham.*
52. *Et revulsit sicut oves populum suum, & duxit eos, instar gregis in desertum.*
53. *Et deduxit eos secare, nihilque metuerunt; etenim hostes eorum textit mare.*
54. *Et ad terminum sanctitatis suæ adduxit eos. Montem bund acquisivit dextra ejus.*
55. *Ipseque expulit a coram ipsis gentes, easque in funem baredi-*

tatis cadere fecit, & recumbere in tentoriis eorum tribus Israelis.

56. Et tentarunt ac obstrigillarunt Deum altissimum, nec statuta ejus observarunt.

57. Et dissepti ac prævaricati sunt sicut patres ipsorum, versi sunt instar arcus dolesi.

58. Et ad indignationem eum suis excelsis provocarunt, & sculptilibus suis ad zelotypiam.

59. Audiuit Deus & efferbuit, & valde exulceratus est in Israelem.

60. Et abiecit territorium Siluntis; tentorium posuit ad recumbendum inter homines.

61. Tradiditque captivitatem robur suum, & excellentiam suam in manum hostis.

62. Et gladio tradidit populum suum, & in hæreditatem suam exæstuavit.

63. Juvenes ejus devoravit ignis, nec virgines ejus laudatæ sunt.

64. Sacerdotes ejus gladio ceciderunt, nec viduæ ejus fleverunt.

65. Et evigilavit, sicut sopitus somno, Dominus, sicut berros se vino superatum gerens, mox ad alacritatem clamore excitans e vino.

66. Et hostes suos percussit retrorsum, æternum ipsis dedit opprobrium.

67. Et exulceratus est in tentorium Josephi, nec tribum Ephraimi elegit.

68. Et, vel sed, elegit tribum Judæ, montem Tisionis, quem dilexit.

69. Et firmiter religavit, sicut excelsa, sacrarium suum, sicut terram, quam fundavit in perpetuum.

70. Et elegit Davidem servum suum, cumque a caulis ovium sumsit.

71. Ab-

71. *Abduxit ipsum .a post lactentes ad pascendum Jacobum populum suum, & Israelem hæreditatem suam.*

72. *Et pavit eos pro integritate animi sui, & manuum suarum prudentissima directione eos ducet.*

PROLEGOMENA.

§. I.

Argumentum Ps. est enarratio publica, ab illustri oratore instituta, viarum Dei cum Israele, partim tempore moræ in deserto, partim in Cananæa in primis tempore Eli Pontificis, quibus populum rebellem singularibus adfecit beneficiis, diu toleravit, et variis castigationibus in ordinem redigere conatus est, tandem gravissime punivit, & repudiavit; ita tamen ut populum non tantum non deleverit, sed & gloriose instauraverit, patres in Cananæam introducendo, & Israelem deinceps per Judam & Davidem liberando, ac firmando in perpetuum: enarratio vero eo scopo facta, ut *cum* Ephraimi rejectio, in fatali illo casu sub Eli jam depicta, indeque orta Judæ electio in sedem regni ac religionis, ac Davidis exaltatio, justificaretur, ac a populo adprobaretur, *tum* populo ob oculos per hos casus ænigmaticos & typicos poneretur, totius reip. & Ecclesiæ carnalis destructio, & cum nova sub Messia, filio Davidis, gloriosa commutatio, quæ æternum duraret. Divinus orator, qui hic introducitur loquens, cum populum ad aures faciles ac adtentas sibi præbendas excitasset, & narrationis suæ verum conspectum, quippe similitudines & ænigmata antiqua elocuturus, tradidisset, vias Dei cum populo in deserto & tempore Eli summatim proponit, *priores* tamen involutius & magis indirecte per modum introductionis, quo qua ratione Deus cavere voluerit, ne posterum majorum rebellium in deserto exemplum imita-

rentur, exponit, *posteriores* expresse & directe, quia eas in primis intendebat. Qua propositione facta, sese *primum* in *viarum* Dei cum majoribus in deserto descriptionem diffundit, & quanta bona in eos contulerit Deus, quantam demonstraverit populus in rebellando, & Deum tentando, obstinationem, quam graviter Deus eum puniverit, absque tamen ut penitus deleverit, exponit. Dein sese ad Israelitas, quo tempore sedes principatus & religionis erat penes Ephraimitas, vertit, eorumque etiam rebellionem, ad exemplum Patrum, indeque ortum severum Dei iudicium, ut tempore Eli Pontificis, iis inflictum in lucem profert. Quando regni & religionis translationem ad Judam & Davidem, Ephraimo penitus spreto, subjungit, eamque firmam fore declarat in perpetuum.

§. II. Ad verum argumenti conspectum pertinet, notasse, 1. illud per modum concionis ad populum, ab illustri oratore habitæ, proponi: ut ex vers. 1. patet. 2. Duo exempla bonitatis Dei erga Israel, ejusque rebellionis ac rejectionis, in medium proferri; *alterum* majorum in deserto, *alterum* Ephraimitarum, seu Israelitarum, quo tempore sedes præfecturæ & religionis erat in tribu Ephraimi, & populus magna clade sub Eli adfectus est per Philistæos: ut in seq. videbimus. 3. Illos duos casus hic repræsentari una cum effectu læto & prospero, in quem per Dei gratiam exierunt: quorum *prior* terminatus est in Dei clementia, qua populo pepercit, & eum in Cananæam introduxit, vers. 38, 39. coll. vers. 55. *posterioris* effectus fuit regni & religionis confirmatio in tribu Juda, & monte Tzionis, ac familia Davidis, vers. 68. &c. 4. Denique, casus illos hic considerari tanquam obscura emblemata fatorum sequentium temporum, sive propiorum sive remotiorum; quatenus cum Ephraimitarum rejectionem, tum Israelitarum in genere & Judæorum in specie repudiationem, regno Messie introducto, portenderunt. Quem fatorum populi in deserto conspectum Ap. 1. Cor. x. agnovit, & poeta

ta ipsis verbis consignavit, vers. 2. de quo mox. Clades quoque Ephraimitarum, & arcæ captivitas, tempore Eli, diserte consideratur tanquam signum & portentum rejectionis ejus tribus respectu regiminis & sedis religionis, vers. 60, 66. nec alia reddi potest ratio, quare ejus casus tam expressa fiat mentio.

§. III. De tempore Ps. compositi hoc solum affirmari potest, fuisse illud posterius regni Davidis confirmatione super universo populo, & arcæ translatione in montem Tſionis, vers. 68. &c. Probabile tantum est, haud diu post Ps. esse factum, cum quod electionis montis Tſionis in stabilem sedem religionis, & Davidis in regem super toto populo, expressa & sola fiat mentio, tum, quod de prudente regimine Davidis sermo fieri videatur, partim in præterito, partim in futuro, ut ex vers. 72. colligi posse videtur; tum denique quod scopo Ps. hoc videatur convenientius, qui est, populo persuadere, Judam & domum Davidis esse firmam & divinitus electam sedem regni & religionis; quod in illud tempus, quo David solenniter inauguratus est, & arca in Tſione fixa, rectius quadrat. Opponi tamen posset, vers. 69. Templum Salomonis videri indicari, & phrasin ab antiquo vers. 2. longius requirere spatium temporis, quam a tempore Eli fluxit. Sed prius sine fundamento statuitur, ut suo loco patebit, & posterius non concludit, cum partim latitudinem admittat phrasin, partim fata populi in deserto Arabiæ memorentur.

§. IV. Occasionem præbuisse videtur hæc ipsa translatio arcæ, Tabernaculo suo loco relicto, in montem Tſionis, in signum montis istius electionis in stabilem regni & religionis sedem, sprete antiqua ejus sede in tribu Ephraim, in urbe Silo; cum concio hæc eo manifeste inter alia tendat, ut totus populus Israel æque ac Juda, convinceretur de hac Tſionis prærogativa, & in eo acquiesceret; ne Israel imprimis hoc ægre ferret, & murmuraret, qui tam diu ab antiquo tempore hac prærogativa gavidus erat, & cum Juda
ple.

plerumque de excellentia contendere solebat. Id utique agit orator, ut Ephraïmum hac prærogativa excidisse jure merito, vers. 60. &c. & Judæ competere, vers. 68. etc. evincat.

§. V. *Scopus* itaque est, 1. populo persuadere, prærogativam sedis regni & religionis esse Ephraïmo, divino judicio propter ejus defectionem, ademptam, et Judæ ac domui Davidis per singularem Dei gratiam adjudicatam: uti ex vers. 60. ad finem usque elucescit. 2. Præterea Israeli, a Juda distincto, nomine Ephraïmi insignito, totalem regni ejus destructionem, suo tempore futuram, typico hoc exemplo ob oculos ponere, & de perennitate regni, seu principatus, in civitate & religione tribus Judæ populum certiores facere: ut ex vers. 69. colligitur. 3. Denique carnalem seu externum populum Dei exemplo majorum in deserto, & Ephraïmitarum a Deo spreto, obscure & ænigmatice admonere de tristi & ultima sua sorte; qua omni prærogativa populi Dei ob invincibilem rebellionem tandem privaretur, & regnum Dei in Juda spirituali, ac antitypico Davide, seu Messia, stabiliretur in æternum. Quo ultima pericopa, de Juda & Davide agens, sensu mystico ducit; cujus fundamentum est in vers. 2. ad Messiam adplicito Matt. XIII., ut mox videbimus.

§. VI. Quod ad *structuram* Ps. adinet, notandum est, oratorem aliquem, unum de populo, in scenam produci, qui pro concione enarrat fata majorum in deserto, & Ephraïmitarum sub Eli, una cum eorum eventu, in quem tandem exierunt: ut instar exempli, & obscuri emblematis, essent, ex quo populus præsentem rerum statum, & futura sua fata, disceret, nisi sibi a majorum et Ephraïmitarum pravo exemplo imitando caveret; quod non faceret. Loquitur autem unus et idem orator per totum Ps., et de majoribus, Ephraïmo et Juda, in tertia persona, tantum ubi officium, sibi et omnibus incumbens, de operibus Dei posteris enarrandis memorat, in plur. loquitur, sibi alios omnes de populo adjungens. Opinatur Cl. Coccejus, Mes-
siam

siam fisti, vers. 1, 2; loquentem, deinceps a vers. 3; ipsum ejus populum; sed sine ratione, et contra scopum ac nolum duorum illorum versuum, 1 et 2. Cum enim populum ibi ad audientiam invitet, et, se anigmata esse elocuturum, declaret, sequens oratio ea contineat, adeoque idem orator loqui pergat, necesse est, nisi quis velit, oratorem, audientia facta, et proposito declarato, mox silere, adeoque non exsequi, quod se facturum esse dixerat. Quod valde absonum est. Nec obest, quod mox num. pl. utatur, cum officium æque aliis ac sibi incumbens insinuatum velit; uti modo dixi. *Stylus* vero nihil habet singulare, planus est et facilis, qualem requirit enarratio rerum gestarum. *Partes* Ps. tres sunt generales, quarum I. *prima* continet proœmium, quo audientiam facit, et propositum suum declarat orator, vers. 1, 2. II. *Secunda* summariam propositionem exemplorum, quæ in lucem proferre constituerat, Israelitarum in deserto ac Cananæa, in primis tempore Eli Pontificis, una cum instituti sui in iis commemorandis commendatione, vers. 3—11. III. *tertia* fusioem viarum Dei cum illis deductionem, et respectu Patrum in deserto, vers. 12—40. 1. Ephraimitarum in Cananæa, cum eorum fato exitu presente tempore Davidis, vers. 41—72.

A N A C R I S I S

S. VII. Interpretes circa personam loquentem, & scopum Ps. in duas fere scinduntur partes. Maximam longe partem oratorem censent esse, vel Asaphum ipsum, vel alium virum illustrem de Israele, quo tempore Ps. compositus est, qui majorum & Ephraimitarum fata præcedentia usque ad Davidem eo scopo enarrat, ut, illorum exemplo absteriti, sibi a Deo tentando & offendendo caveant, & legem Dei accuratius observent, eaque ratione præsentem suum sta-

tum felicem reddant firmum & durabilem. Sed alii pauci Messiam hic opinantur fisci explicantem munus suum propheticum, in thysteriis antiquis exponendis situm, & populum ejus introduci vias Dei cum Israele rebelles enarrantem, eo scopo, ut Israel ejus temporis admoneretur, ut Messia regi suo obediat, nec incredulitate, dissidentia, petulantia, concupiscentia, aliisque peccatis suis ipsum irritaret, quem admodum Patres fecerant, et a Deo rejiceretur, sicut tribus Ephraim rejecta erat. Eandem etiam in mentem sui cogitationes suas digesserunt, nisi quod Messiam per totum PL loqui existiment, quod longe rectius est, cum una sit persona loquens, ut modo vidimus. Comprehendant sui sub Tironis et Davidis electione quoque Messia et Ecclesia. Fundant vero sese cum in eo, quod orator Israelem adpellat *populum suum*, tum in primis, quod parabolas et allegata antiqui temporis eloqui sit Messia proprius, et ad ipsum adplicetur; Matt. xiii: 34, 35; tanquam quod in ipso impletum sit. Comparant denique orationes Stephani Act. vii. et Pauli ibi, xiii. Similis plane argumenti.

§. VIII. Quod ad nos admittet. PL primo et directo sensu censimus pertinere ad Israelem ejus temporis, quo compositus est, et eum, quem supra exposui, scopum habere; et tamen sensu occultiore et remotiore quoque ad Messiam, et Israelem ejus temporis, ex intentione Spiritus S., poetam dirigentis, esse referendam. Poeta illustrem introducit oratorem, quem non desinit, etque verba in ore dat, quae directe quidem in tempus Davidis conveniunt, sed indirecte quoque in tempus Messiae, Davidis mystici, adeoque utrique possunt accommodari, ita ut et tempore Davidis haec oratio haberi poterit, et Messiae. Ipsum orationem ea ratione concinnavit, ut in usum populi tempore Davidis directe cedat, absque ut aliquod criterium Messiae, ejusque regni, occurrat; argumento, antiquum populum ejus temporis ipsi directe fuisse ob oculos versatum. Addebat, oratorem in commendando argumento orationis, vers.

3. &c. se manifestare unum de populo, qui eo ipso tempore, quo Ps. factus est, vixit: uti mox patebit. Præterea cum Ephraimi rebellionem & rejectionem, ac Judæ & Davidis electionem, unice memoret orator, & ex Patrum in deserto exemplo illustret, dubium esse nequit, quin tempus Davidis, & ejus temporis Israellem, præcipue in oculis habuerit; qui quoque sermonem tunc temporis non ponit non ad se adplicare. Quo etiam facit, quod scopum suum esse dicat, ut populus legem Dei per Moysen latam observeret, ac Deo soli adherescat in fide & spe, secus ac Israel in deserto, & deinceps, in primis cum sedes principatus & religionis esset in tribu Ephraim, fecerat.

§. IX. Verum enim vero cum & oratoris characterem in eo ponat, quod parabolas & ænigmata loquatur, & eum hac ipsa oratione ita instituere declaret; hæc obscure indicatum voluit, exempla providentiæ Dei erga Israellem consideranda esse tanquam aliarum rerum obscuras imagines, adeoque rejectionem Ephraimi tempore Eli tanquam typum sequentis reprobationis, & ejus, & totius populi carnalis, Thionis vero & Davidis electionem tanquam emblemata Messie & ejus Ecclesiæ: quo etiam verba vers. 68, 69. vana sue emphasi ducunt. Quo conspectu orator typum gerens patuit Messie, et oratio ejus quoque pro Messia haberi potest et debet; adeo ut in ipsa hæc verba, prophetice et mystice accepta, dici potuerint a Matt. impleta. Quæ exempla apud Script. N. T. non desunt, uti notum est. Qualem itaque orator, qui hic introducitur loquens, tempore Davidis, ad populum instruendum et admonendum sese præstitit, talem majore adhuc emphasi præstaret Messias. Similia fata, quæ Israelitis in deserto, et Ephraimitæ tempore Eli, subierunt tristitia, eadem Israelitis carnalibus deinceps evenirent maxime sub Messia; et quæ Judæ ac Davidi hoc tempore lata evenerunt, eadem Messie et populo ejus concederentur longe majore emphasi. Secundum hæc itaque hypothesein Ps. explicandus foret, si ple-

nus instituëretur commentarius, sed nos sensui litterali et directo nunc inhærebimus.

E X P L I C A T I O.

§. X. In prima Pf. parte orator n. audientiam sibi facit, vers. 1. 2. conspectum orationis suæ exponit, vers. 2. n. Prius his verbis, vers. 1. *Auribus percipe, mi popule! institutionem meam, inclinate aurem vestram ad dicta oris mei.* h. e. Eloquia mea, quæ solidam ac ad felicitatem acquirendam utilem continent instructionem, adtente et avide excipite, ponderate, et in usum vestrum admittite. et tu, popule mi, vel quisquis es de tribu Juda, et Ffionita, et vos, qualescunque sitis, Israelitæ, ad quos mea dirigitur oratio. Verba, elegantiz causa divisa, ut sæpe fit, hac ratione concinnanda sunt. Auribus percipite, inclinate aurem, eloquia oris mei, institutionem meam, tu popule mi, et vos qualescunque sitis, auditores mei. Orator sistitur, tanquam coram frequente concione verba faciens, qui auditores ad dicta sua excipienda, ponderanda et recipienda, adhortatur, quos in populum suum et alios quoscunque distinguit: *populum suum* expresse memorat, et verbo sing. num. utitur; dein in plur. subjungit *inclinate aurem*, non jam *popule mi!* sed quicumque alii, qui adestis. Numerum cum diserte mutaverit, probabile est, eum latius & ad quoscunque alios auditores adloquium extendere; cum ceteroquin perrexisset in sing. dicere, *inclina aurem tuam*. Nomine *populi sui* comprehendisse videtur Judam, ab Israele distinctum, quemadmodum tribus Judæ & Josephi in fin. Pf. distinguit, quarum hæc rejecta, illa electa sit a Deo: *sui* autem *populi* epitheto insignit Judæos, non tantum quod *unus* sit eorum, ut *popule mi*, idem sit ac *populares. mi*, sed etiam ad *adfectum* suum exprimendum, ut *popule mi* sit, quem intimo complector affectu, & cujus fe-

lici.

licitatem toto animo quero; præterea convenienter personæ oratoris populi, quam hic gerit; ut *popule mi sit*, coram quo verba facio, cujus oratorem & concionatorem ago, sicut propheta & oratores instituere solent, qui auditores adpellant *suos*, uti præcones Evangelii & pastores *suam* Ecclesiam, suas oves, quarum curam gerunt. Nihil itaque in ea phrasi est, quod nos de rege aliquo, aut Messia, cogitare cogit. Majore tamen emphasi pollet phrasis, si *Messias* habeatur orator, ut facile intelligitur, quem sensu sublimiori hic etiam intelligendum esse supra observavi. Injungit populo suo & auditoribus reliquis, ut aures admoveant, & aurem inclinent ad institutionem suam & eloquia oris sui. h. e. ad Sermonem suum, qui continet institutionem utilem & salutarem: quæ significatio est vocis *שמע*, quæ hoc loco non legem proprie dictam, qualis hic non occurrit, sed doctrinam & institutionem, quæ ad scopum adsequendum ducit, denotat; uti sæpe alias, & convenienter originali potestati radices *שמע* vibrari, tremulo q. motu agitari, unde *jaculari* & in Hiph. *jaculari fecit*, artem eam docuit, seu instruxit, & direxit, ne a scopo aberraret: unde ad doctrinam & institutionem salutarem facile transiit; usû, uti constat, satis recepto. Ad hunc suum sermonem vult ut populus suus, & reliqui sui auditores, *aures admoveant*, & *aurem inclinent*. h. e. adtente, avide, auscultent, intelligant, dijudicent, & obediant. Verbum *שמע* vi originis & usu suo denotat, quid adtente audire, percipere & dijudicare; sicut *aures sermones probare* Job. xii. ii. dicitur. *Aurem inclinare*, & quidem *dextram*; insuper denotat avide, accurate, audire, & obsequium præstare; de quo dixi ad Ps. xlv. ii. præterea intellectum applicare ad *spiritualia* percipienda, de quo vid. Cl. Vitringa ad Jes. lv. 3. Quo maxime opus erat in sermone ænigmatico & parabolico, qualis hic erat; sicut Dominus in simili casu, *qui aures habet ad audiendum, audiat*.

§. XI. 2. Conspectum sermonis sui his verbis exponit

Vvv. 3 : ora-

orator, verl. 2. *Aperiam in similitudine os meum, ebullire faciam enigmata a mibi antiquo.* h. e. Facta, gesta, seu fata antiqui temporis magna cum fiducia & copiosa oratione proferam, quæ exempli, formæ expressæ & æigmatum, adeoque obscuræ & nodosæ similitudinis, conspectum ferunt, non nisi a sapiente & spirituali intellectu prædito dignoscenda. Verba, *aperire os*, & *ebullire facere*, quod proprie est *מא* a, significant, verba cum fiducia & impetu, copiose, & nobiliore vena, continuo fluente, effundere. Vox *הנ* a primaria potestate *premedi*, inprimendi, premente manu tractandi, inter alia refertur ad exempla, similitudines, & formas accuratissime expressas; *הנ* vero, a *flexendi*, inflectendi, intorquendi, potestate, exprimit sententias ambagiosas, nodos æigmatum, flexusque tortuosos, adeoque obscuros & figuratos, de quo vid. Schultens *b*, & dicta ad Pl. XLIX: 5. Indicat itaque, se 1. gesta & fata antiqua copiose enarraturum; eaque 2. consideranda velle tanquam exempla & similitudines, rerumque aliarum similium imagines, 3. easque obscuriores, & non nisi sapientibus & adtentis percrutatoribus pervias, 4. absque ut ipse nuda & simplici oratione exponat; sed quas auditoribus relictas vult enodandas; denique, 5. similitudines & æigmata se de rebus *antiquis*, ab exitu Israelitarum ex Aegypto, & deinceps, sumturum esse. Id quod voces *מא* a *mibi antiquo* denotant. Sensus enim est, exempla ista & figuras jam ab antiquo existisse, & pro talibus fuisse habita. Vox *מא* usu Script. solet adhiberi de principio Oeconomiae legalis; ut Pl. XLIV: 2. Thren. I: 7. Vid. ad Pl. LXXVII: 6. sed simul includuntur tempora sequentia, quæ inde fluxerunt ad præsentia usque, uti Pl. LXXVII: Match. vero, hæc verba citans, & ad Christum adplicans, phrasin latius extendit ad *initium mundi*, ut Christo magis accommodaret; quod ipsi, per Spiritum loquenti, licuit. Quæ ratione vero Christo competant, in superioribus vidimus. Id quod

ora-

a Schultens ad Prov. I: 23. *b* Id. ib. I. 6.

orator hic facit, Christus, orator antitypicus, luculentius, & majore emphasi, peregit, usus etiam sermone parabolico & ænigmatico. De quo plura nihil addinet dixisse.

§. XII. In *Secunda* parte Ps., quæ summariam comprehendit factorum & fatorum antiqui & præteriti temporis, pro exemplis & obscuris imaginibus habendorum, propositionem, „ præmittit propositi sui commendationem, vers. 3—7. „ ab officio, sibi & aliis popularibus incumbente, vers. 3, 4. „ ab exemplo & mandato Dei, vers. 5. „ ab utilitate, inde ad posterios redundante, vers. 7, 8. „ Antiqua illa gesta & fata enarrare, & posteris tradere, quod hic facturus erat, declarat non temere a se suscipi, sed ex officio, sibi non tantum, sed omnibus aliis civibus, injuncto, vers. 3, 4. his verbis: *Quæ audivimus & cognovimus, & Patres nostri narrarunt nobis, non celabimus a filiis illorum; generationi postera narrantes laudes Jeshuæ, & robustus, & mirabilia ejus, quæ fecit, h. e.* Sicut antiqua, quæ in exemplum proponam, certa sunt, & nobis omnibus nota, quæ audivimus a Patribus narrata, ita nostrum omnium est officium, ea cum filiis eorum & nostris in omnem sequentem generationem communicare; eo etiam magis, quod gloriosa & mirabilia Dei opera simul complacentur. Verba vers. 3. *quæ audivimus &c.* licet cum seq., *non celabimus &c.* directe cohæreant, ut facile perspicitur, indirecte tamen cum præcedentibus simul connexa sunt, adeo ut orator pariter insinuatque voluerit, quamam sint, quæ in medium sit prolaturus, quamque carta, & in vulgus nota; quippe, quæ non ipse tantum, sed alii quoque, & communiter omnes populares ac audientes, norint, & a Patribus acceperint relata. Directe tamen indicat, suum & popularium officium esse, ea, quæ ita receperint, filiis in omnes generationes narrare; adeo ut ipse ea recitaturus nihil agat, quod a persona sua alienum est; imo eo magis hoc a se & aliis requiri, quod commemorationis digna sint, quippe Deo gloriosa, & stupenda ejus opera. Præmittit itaque

itaque certitudinem earum rerum, vers. 3., dein officium eas cum posteris communicandi inculcat, & a præsentia earum illud ulterius commendat, vers. 4.

§. XIII. Verba vers. 3. *quæ audivimus* &c. duplici modo capi possant, *altero*, quo præterita distinguuntur in propiora, et remotiora; *altero*, quo simpliciter præteritorum certa notitia, a patribus hausta per traditionem vel scripta, indicatur. *Priore* ratione, *quæ audivimus*, sunt in genere præterita, sive paulo remotiora sive remotissima, *quæ novimus* et novissime facta, et præsentia, quæ itaque suo tempore contigerant, denique quæ *patres nostri nobis narrarunt* sunt remotissima, quod expresse additur, ne ea, quæ in primordiis gentis acciderunt, excluderentur. *Patres* enim in hoc Pl. sunt progenitores, qui ex Aegypto egressi, et in deserto Arabiæ versati sunt. Quorum fata mox fusius enarrantur. Sed *posterore* modo si verba intelligantur, præterita in genere, seu remotiora, seu propiora, indicantur; et certa eorum scientia, ejusque origo et fundamentum, simpliciter traditur: ut sensus sit; quæ auditu intelleximus a patribus nobis narrata, seu a prima gentis origine nobis per parentes sunt relicta, sive per oralem traditionem, sive ex certis monumentis scriptis ea nobis narrarint patres; quo utroque modo *narratio* potest dici facta. Quacunque ratione verba capiantur, sive alterutro, sive utroque conjuncto, sensus idem manebit; ut facile patet.

§. XIV. Sequentia verba, vers. 4. *non celabimus filios eorum; generationi posteræ narrantes*, officium, oratori et reliquis civibus ac auditoribus incumbens, exponunt, in eo situm, quod progenitorum posteris in omnes generationes ea quæ acceperant, non tantum non occultare, sed palam et continuo enarrare debeant. Non *celabimus* est, non debemus celare, nec etiam, si officio fungamur debito, facimus, sicut ego nunc non ago. *Celare* dicitur vi verbi *fraudulentam* occultationem, qua quis verum sibi probe notum abscondit, vel et mendacio involvit, alium fallens, et abne-

gat;

gat; quare pro *abnegare*, q. d. mendacio tegere, aliquando sumitur, 2 Sam. XVIII: 13. Job. VI: 10. ubi vid. Schultens. Non celabimus emphatice est, nihil minus, quam hoc, tantum abest, ut hoc, ut contrarium facere debeamus, & ego faciam: non *celabimus* itaque est, non hoc, sed *narrabimus*, quare mox additur, *narrantes*. Non celabimus a filiis ipsorum, scilicet *patrum* & progenitorum, quales sumus nos, & filii ac posterii nostri. Filios itaque *suos* simul intelligit, sed *eorum*, seu progenitorum, dicit, ut officium liberis narrandi urgeret, & ad totam posteritatem extenderet, cum a progenitoribus hausta omnium interfit cognoscere. Addit, *etati posterae narrantes*, pro *narrabimus narrantes*, &c. reticuit, *narrabimus*, quia phrasi, *non celabimus*, erat involutum, ut modo notavi. *Aetas postera* in genere denotat posteritatem; ut ex vers. 6. patet.

§. XV. Reliqua verba, quæ subjungit, ad commendandum officium a præstantia rerum illarum tendunt; *narrantes laudes Jehovæ, & robur ejus, & mirabilia ejus, quæ fecit*. h. e. opera ejus, quæ de summa ejus *potentia* testantur, etiam *miraculosa* quævis in gratiam populi præstita, ad eum liberandum, sustentandum, & ornandum, quæ præclara sunt favoris Dei beneficia, multiplicem Dei laudandi & celebrandi materiam præbentia. Quæ non sunt difficilia. Significat itaque, ea, quæ a patribus acceperant, & cum posteris communicanda sunt, non esse vulgaria & vilia, sed præclara, miraculosa, potentiae & gratiae Dei effecta, & ad Dei gloriam tendere, adeoque dignissima esse, quæ posteritati mandentur, & partem constituere *laudationis* Jehovæ, ad quam omnes sunt obligati. Quæ vero illa sint opera, in seq. fuse recenset.

§. XVI. β. Addit potentibus & mirabilibus Dei operibus *legislationem* solennem tanquam ad laudationes Dei quoque pertinentem, & materiam narrationis, simulque commendat propositum & officium ab expresso Dei mandato, omnia ea liberis enarrandi, vers. 5. *Et stabilivit ornamen-*

Xxx

tum

tum in Jacobo, & legem posuit in Israele; quæ præcepit patribus nostris, ea notificare filiis ipsorum. h. e. Præter mirabilia opera inter laudes Jehovæ, quæ a nobis memorari, & ad posteros transferri debent, illud quoque locum habet, quod leges & præcepta nobis firmiter & in perpetuum injunxerit, tanquam felicitatis instrumenta & ornamenta: nec nostræ voluntati ac arbitrio reliquit officium ea omnia commemorandi, verum, expresse a Patribus nostris requisivit, & illud præcepit ipsis, ut ea omnia, & opera Dei, & legum lationem, liberis suis nota facerent, ac inculcarent. Prior versus pars, & stabilivit ornamentum, & legem posuit, connectenda est cum præcedentibus, pertinetque ad laudes Jehovæ, adeoque continet alteram laudum Dei, & materiæ narrationis, partem, in eo sitam quod Deus leges & instrumenta felicitatis ac ornamenta instituerit in Jacobo & Israele. Cohærent enim verba per particulam & cum præced., quæ singulis partibus laudum Dei præmittitur: oratio quippe hac ratione decurrit, *narrantes laudes Jehovæ & robur ejus, & mirabilia ejus, quæ fecit, & stabilivit.* &c. quæ itaque omnia pertinent ad laudes Jehovæ, & constituunt *narrationis* materiam. Confirmat hanc hypothesin, quod vers. 10 & 11. distincte imputetur Ephraimitis, quod *fœdus Dei & legem* non observarint, quodque *mirabilia ejus* oblivioni dederint. Facilius forte foret oratio, si *wn* ex præced. repetatur ante *op* *stabilivit*, ut sit: & quod *stabilivit ornamentum* &c: sc. *narrantes laudes Dei, & robur ejus & mirabilia ejus, quæ fecit, & quod stabilivit.* &c. Ceterum *ornamentum & lex* minus recte a nonnullis restringuntur ad præceptum de narratione filiis facienda; cum totam legislationem Mosaicam complectantur; ut & verba, & sequentia vers. 10, 11. facile evincunt: accedit, verba seq. *qui* vel, *quod præcepit patribus nostris*, ceteroquin esse superflua. Leges autem Israeli præscriptæ, sive morales, ut adpellantur, sive rituales, insigniuntur nomine *wn*, quod doceant viam adsequendi scopum felicitatis, ut supra vi-

dimus, & מַי, quod instrumenta sint et ornamenta felicitatis; a rad. מַי, quod antiquitus habuit mobile, מַי unde cum mobili מַי quicquid instruit & ornat: radix enim מַי est, paravit se, adcinxit se paratu & ornatu a. Verba vero *stabilire & ponere*, firmitatem, & durabilitatem legum, summamque earum auctoritatem, involvunt; ut facile cernitur.

§. XVII. Additur ad officium adstringendum præceptum Dei, Patribus datum, de filiis eorum noticia omnium earum rerum, modo memoratarum, instruendis; in hæc verba: *quæ præcepit Patribus nostris ad ea notificanda filiis ipsorum*, seu *quæ præcepit Patribus nostris notificare filiis suis*; ut recte Gejerus, qui tamen male restringit ad proxime præcedentia, legem & testimonium, cum ad omnia superiora, & opera Dei mirabilia, & leges, referri debeant: cuncta enim illa Deus jussit, ut cum filiis communicarent. Deut. iv: 9. Ex. xiii: 14. & sæpe alibi. Adfixum quoque plur. a in מַי commodius ad omnia superiora refertur, quam ad *testimonium & legem*.

§. XVIII. 7. Commendat denique propositum suum ab insigni utilitate, ab ipso intenta, vers. 6, 7. *Ut cognoscant ætas postera, filii, qui nascentur, surgent & narrabunt filiis ipsorum; & ponant in Deo fiduciam suam, (nec oblitiscantur moliminum Dei) & præcepta ejus observent.* h. e. Quænamadmodum Deus, quum progenitoribus nostris præcepit, ut ea traderent filiis, intendit, ita & ego in factis & factis præteritis enarrandis in animo habeo, ut posteritas nostra opera & instituta Jehovæ cognoscat, adeoque filii nostri ea tradant filiis suis, & inde rationem petant, ac excitentur, ad Deo fidendum, facinorum ejus non obliti, et præcepta ejus facienda. In oratione parum est impediti, quod nostræ curæ relictum est; quare uno alterove defungar observato. 1. Phrasis, vers. 6. *Surgent & narrabunt*, duo significare potest, alterum est, filios natos, cum ad adultam

XXX 2

ve.

a Schultens ad Job. xxviii: 8.

venerint ætatem, et in publicum prodierint, ea narraturos esse filiis suis; quò sensu *surgere* est succrescere, et in lucem publicam venire; ut Ex. 1: 8. *surrexit rex novus*, Matt. xi: 11. *non surrexit major inter natos mulierum*: quæ loca ab aliis jam sunt adducta; *alterum*, eos magno studio id esse adgressuros; *surgere* enim ad aliquid agendum denotat subinde, aliquid cum impetu & studio aggredi, ut 2 Sam. xiii: 31. Job. 1: 20. & alibi, etiam apud Arab. *a*. Utrumque hic conjungi potest. 2. *Ponere in Deo fiduciam* proprie verti deberet, *ponere in Deo lumbum suum*, quod est in Deo ponere, quo nitaris, seu fiduciam. Denotat enim vox *לומ* *lumbum*, unde secundaria orta est significatio *fiduciae*, quia in lumbis est vis nitendi, *niti* vero super aliqua re est confidere *b*. 3. Ultimum membrum, vers. 7. *Et præcepta ejus observent*, cohæret cum primo, & *ponant in Deo fiduciam*, intermedium vero, *Et non obliviscantur facinorum Dei*, est parentheticum, ad primum illustrandum insertum, acsi haberetur: *Et ponant in Deo fiduciam suam non obliti facinorum ejus, Et præcepta observent*. Duo enim sunt, quæ supra memoratorum narratio producere poterat, *fiduciae collocatio* in Deo, & *præceptorum ejus observantia*, quæ etiam secum per *Et* connectuntur; ad fiduciam collocandam necessaria erat *facinorum* Dei continua memoria; quare ea expresse subjungitur, Ceterum pericopa hæc, quæ commemorationis operum & legum Dei scopum & utilitatem comprehendit, non tam cum proxime præcedentibus, quod tamen non est excludendum, quam cum omnibus superioribus cohæret: adeo ut orator non Dei tantum præcepti de enarratione filijs faciendæ, sed in primis sui propositi, supra memorati, scopum & fructum exhibeat. Verba enim vers. 8. *nec sint sicut patres ipsorum* &c., ad scopum & fructum narrationis quoque pertinentia, rectius in oratoris, ea nunc commemorantis, quam Dei, illud progenitoribus ipsis in deserto præcipientis, scopum quadrant,

cum

a Schultens ad Job. 1: 20.*b* Schultens ad Prov.

cum progenitores hic occurrant, tanquam dudum mortui, & a rebellionē contra Deum noti; præterea Ephraimitæ ipsis mox adjungantur, tanquam ejusdem indolis. De quo mox.

§. XIX. 1. Propositi commendatione præmissa, argumentum orationis suæ summatim proponit, quod *duo* illustria exempla antiqua vel præterita comprehendit, *alterum* progenitorum in deserto, *alterum* Ephraimitarum in primis sub Eli; quæ in seq. fusius deducit. Prius paulo indirectius, per modum declarationis scopi narrationis suæ, quam continuat, vers. 8. *Et ne sint sicut patres ipsorum, generatio refractaria & obstrigillans, generatio, quæ cor suum non firmiter disposuit, cujusque spiritus non fuit fidelis cum Deo*, h. e. Facta & fata antiqua, a primordiis populi ducta, proponere in exemplum animus est, eo etiam scopo, ut posteri a progenitorum rebellium & contumacium exemplo, quod primo loco in medium adferam; imitando absterreantur. Scopum narrationis suæ licet memoret, tace tamen & indirecte indicat, se ex antiquis rebus in medium esse prolaturum exemplum progenitorum in deserto; cum significet, se in animo habere posteros suos dehortari a progenitoribus imitandis. Eorum enim in specie mentionem facit; quia eorum facta & fata in exemplum & obscuram futurorum imaginem describere volebat. In verbis parum est obscuri. *Patres* sunt progenitores in deserto Arabiæ oberrantes: uti seq. quoque docent, & supra vidimus. Depingit eos tanquam generationem *partim* rebellem & contumacem, *partim* hypōcriticam & perfidam: *generationem* enim eos primum adpellat *refractariam* et *obstrigillantem*, dein generationem cordis et animi *inconstantis* et *perfidis*, quatenus aliq. visi fuerint ad Deum se convertere, sed mox resilierint: ut est vers. 34—37. De vocum et verborum emphasi sæpe alias diximus, quare verbo absolvam: *non* proprietatem habet in *scissione*, *fissione* cum acri sonitu; unde verbum fictum est, hinc ad con-

tumaciam, perveicaciam, transit, qua frænum obedientiæ rum-
pitur Pl. II. a, כֶּסֶם proprietatem tenet in acris *stringendo*
manum; unde usus *retractandi*, manum stringendo ducentis,
sic ut ea lædatur, & proprie usurpatur de animale retra-
ctante, ut Lat. *obstrigillare* a. Phrases, *cor non firmare*,
vel firmiter aptare, disponere, quod est כִּבְּדוֹ, & *spiritum*
non habere *fidelem* cum Deo, exprimunt hypocrisin & inconstan-
tiam in cultu Dei; adeoque indicant, eos subinde se
ad Deum colendum recepisse, sed minus sincere, & mox
defecisse: ut est vers. 34—.

§. XX. *Posterius exemplum*, ab Ephraimitis desumptum,
directius proponit; quia illud in primis in oculis habebat,
& progenitorum exemplum memoravit, tanquam quod
Ephraimitæ fuerint imitati, ut ex vers. 12. &c. patet.
Verba ita sonant, vers. 9—11. *Fili Ephraim*, sicut *ar-*
mati jaculatores arcus sese vertunt de præliis, non observant
foedus Dei, & in lege ejus intedere renuerunt, & obliti sunt
facinorum ejus arduorum, & mirabillum ejus, quæ ipsis mon-
straverat. h. e. Israelitæ, quo tempore sedes principatus
& religionis erat in tribu Ephraim, adeo ut *Ephraimitæ*
adpellari potuerint, Israelitæ, inquam, ut exemplum, quod
proprie intendo in hac mea oratione, summam propo-
nam, tantum abest, ut majorum exemplo fuerint absterri-
ti, ut eos plane imitati sint; sicut enim milites, qui, cum
arcum tractent & jaculari norint, seu armis probe instru-
cti sint, in ipso prælio sese perfide vertunt vel in fugam,
vel in socios; ita ipsi, Deo foedere juncti, & lege ejus
probe instructi, ac multis potentiæ & bonitatis signis or-
nati, ac cumulati, a Deo, & foedere ac lege ejus, defecto-
runt, operum ejus plane obliti, & alio sese verterunt,
etiam contra Deum ipsum militantes. Verba continent
perfidie & rebellionis Israelitarum, ad majorum exem-
plum, descriptionem, partim figuratam, partim nudam, &
sim.

a Rev. Knypers ad Ali p. 172. b Schultens defect. §. 130
& ad Prov.

simplicem. Figurata occurrit vers. 9. *Filii Ephraïmi armati*, (primaria rad. *פָּרַס* potestas videtur in *compactione firma* sita, unde & *osculatio*, qua labia labris adpinguntur, & *armatura πανοπλία*, quæ arctius adhæret, & corpus totum cingit, fluxit) *jaculatores arcu vertunt sese die prælii*. h. e. vel fuerunt sicut tales perfidi sagittarii, vel, sicut sagittarii die prælii sese vertunt, ita non observarunt foedus Dei &c. Ellipsis est part. similitudinis *אִפְסִי* in voce *פָּרַס*, fatis frequens, uti constat; & comparantur Ephraimitæ cum perfidis jaculatoribus, die prælii sese aut in fugam, aut in socios, vertentibus, quatenus omnibus mediis ad Deo, supremo duci, obediendum probe instructi, & ipsi obstricti, sese a Deo & lege ejus averterunt contra Deum ipsum. Interpretes verba, vers. 9. proprie de Ephraimitis peritis jaculatoribus, tempore prælii fufis & fugatis, capiunt, & secum valde dissentiunt in eo casu definiendo; quorum diversas opiniones recensuisse nihil adinet: dubium mihi non est, quin operam luserint, verba litteraliter accipientes, quæ figurate deberent. Rationes nostræ sunt sequentes.

1. Ratio non patet, quare a sagittandi peritia laudarentur Ephraimitæ, & ab hoc epitheto in primis describerentur: cum, ea in arte eos præ reliquis excelluisse, non constet.
2. Nimis abrupta, & generalis, est expeditionis & cladis Ephraimitarum mentio, quæ quare hic memoretur, & quo referenda sit, nullo patet indicio, nullo charactere definitur.
3. Phrasis, *in die prælii*, nimis etiam generalis est, quam ut ad certum aliquod prælium restringi possit. Dicit enim in genere quaecunque tempus prælii.
4. Nec *vertere se* in die prælii cladem exprimere potest, tantum fugam & perfidiam; *vertere* enim est se retro vertere, non pugnare, vel male, & in socios sese vertere. Profertur Jud. xx: 39, 41. Sed ibi de Israelitis usurpatur prælium resumantibus, & in Benjaminitas se vertentibus; Jos. vii: 8. occurrit simpliciter de fuga, & *vertere cervicem* habetur *coram hostibus*. Denique 5. collatio vers. 57. extra dubium collo-

locat sensum figuratum; quod enim hic concise & summarie, illud ibi fusius traditur, utrobique de eadem re agitur. Ibi autem orator in hæc verba loquitur: *recesserunt, & perfide egerunt sicut Patres eorum, versi sunt, vel verterunt se instar arcus fallacis*, de quo postea.

§. XXI. Sumamus itaque figurate, & de perfida Ephraimitarum inobedientia explicemus; adeoque, quod modo figurate dixerat orator, illud mox nude & proprie ab ipso exponi, statuamus; quum cuncta erunt facilia, et sermo apte cohærebit. Ephraimitæ, tanquam præcipui Israelitarum, qui Tabernaculum et arcam in medio sui habebant, adeoque Israelem repræsentabant, et comprehendere suo nomine poterant, comparantur cum peritis et instructis sagittariis, qui tempore prælii se vertunt, vel retro in fugam, vel in ducem suum, quatenus omnibus subsidiis Deo obediendi, et causam ejus strenue agendi, instructi, et Deo ejusque cultui obstricti per solenne sacramentum et foedus; eo ipso tempore, quo sese tales Deo præstare deberent, sese a Deo et causa ejus averterunt, ac ipsi sese opposuerunt; adeoque perfide et contumaciter cum Deo egerunt. Quod mox nuda et simplici oratione exponitur, quum *foedus Dei non observasse* etc. dicuntur: in quibus nihil est obscuri. Ceterum cum hic non dicat, ut modo, *ne sint sicut filii Ephraimi*; sed positive et abrupte, *Filii Ephraimi*, sicut *armati jaculantes arcu* etc. significat, se Ephraimitas; tanquam Patrum imitatores, in hac oratione præcipue et directe intendere, ac in exemplum proponere. Connecti autem hac ratione potest sermo: *ne sint sicut patres eorum* etc; quales fuerunt Ephraimitæ, *qui, sicut jaculatores* etc. Quando autem Ephraimitæ sese hujus perfidiæ reos egerint, illud hic silentio involvit orator, quia in fusiore deductione illud declararet. Quare et nos eousque id differemus.

§. XXII. In *tertia* parte Ps., quæ exemplorum, modo memoratorum, fusiolem continet deductionem, κ. Facta et fata Patrum, quibus sese similes fecerunt Ephraimitæ, re-

cen-

consentur, vers. 12—40. 1. Ipsorum Ephraimitarum, vers. 41—64. 2. Lætus exitus respectu Judæ sub Davide subjungitur, vers. 65—72. 3. In patrum, seu progenitorum, exemplo tradendo, orator signa potentiae ac bonitatis Dei in eorum gratiam, eorumque murmurationem, contumaciam, & hypocrisin, in deserto per varios articulos fuse exponit. *a.* *Primus* comprehendit illustria Dei facinora & beneficia in majores collata in Aegypto, & in principio moræ in deserto Arabiæ, vers. 12—16. In quâ pericopa *a.* mirabilia Dei opera in Aegypto verbo tanguntur, quia in seq. vers. 43. &c. ea prolixius recensere volebat. Verba ita habent, vers. 12. *Coram patribus eorum fecit mirabile in terra Aegypti, agro Tfoanis.* In quibus cum parum sit difficilis, verbo not. 1. oratorem non dicere, coram Patribus nostris, uti vers. 3. sed eorum, sc. Ephraimitarum, modo memoratorum, quia eos Patrum exemplum pravum imitatos esse dixerat, eumque in finem Patrum exemplum citaverat. 2. *Facere mirabile* non est unum ali-quod, sed varium & multiplex facere, quare in plur. occurrunt *signa & portenta*, vers. 43. 3. *Terra Aegypti & ager Tfoanis* memoratur, ut de tota Aegypto, superiore non tantum sed & inferiore, cogitarem. *Superior Aegyptus* eximie *terra Aegypti* adpellatur, sive quod antiquissima fuerit hominum sedes, sive quod regni sedes esset, quæ fuit tempore Josephi, & Mosis, *Memphis*, vel *Heliopolis* *a.* *Inferior* vero videtur nomen *agri* vel territorii *Tfoan* tulisse, a primaria ejus urbe *Tani*, quæ nomen dedit ostio Nili *Tanitico*, proximo *Pelusiaco*, ultimo orientali. Eam enim urbem intelligi constat *b*; non tamen urbem illam simpliciter sed ipsam terram Aegypti, inde denominatam, observavit jam Jablonski *c.*

§. XXIII. *b.* Sequitur ordine miraculosus transitus per mare rubrum, vers. 13. *Fidit mare, eosque transire fecit,*

Yyy

&

a Vid. Cl. Jablonski de terra Gosen. *b* Vid. præter alios, Vitringa ad Jes. xix: 11. *c* Ibid. diff. 11. p. 19.

Et perstare fecit aquas ut acervos, h. e. mari fisso, & aquis in cumulum aggestis, ita ut utrinque steterint instar muri, patres eorum transire fecit. Conf. Exod. xv: 8. *c. Tertium* Specimen est mirabilis populi deductio tuta & secura per columnam nubis & ignis; vers. 14. *Et duxit eos* (instar pastoris oves, Jes. LXIII: 11.) *interdiu nube*, & *tota nocte luce ignis*; adeoque ad interdiu populum contra æstum solis tegendum, & noctu illustrandum, nec non viam monstrandam. Quo inprimis tendebat, ut notum, columna nubis & ignis. Conf. etiam Pl. cv: 39. *d. Quartum* miraculum, ordine sequitur, est mirabilis potatio populi e rupe scissa, Exod. xvii. his verbis, vers. 15, 16. *Fudit petras in deserto*, & *potavit tanquam ex abyssu magna*; & *eduxit fluentia e rupe*, & *descendere fecit tanquam fluentia aquas*. Qui versus ita coherent, ut posterior sit prioris explicatio. Cum in genere dixisset, petras fuisse fissas, & populum tanquam ex abyssu magna fuisse potatum, quod nimis generale erat & ambiguum, addit, aquas tanquam fluentia & rivos fluxisse e rupe; ut indicaret, se per petras intellexisse unam rupem, & aquas copiose & continuo fluxisse ex illa, acsi ex abyssu magna fuissent exortæ. Non itaque de duplici, sed una fisione in Raphidim agit, Ex. xvii: 1, ut series narrationis docet; & restrictio mox addita, vers. 16., evincit. Nihil præterea habeo, quod Interpretibus addam. *Petras* in pl. de una rupe dicit, sicut *abyssos* de abyssu, quare addit in sing. *petra*, ut Gen. vii: 11., excellentiæ causa.

§. XXIV. *β. Secundus* articulus exhibet ingratas, & Deo injurias, *murmurationes*, ex dissidentia & cupiditate ortas, quibus propter panis & cibi defectum murmurarunt in Deum; statim post tam miraculosam potationem, vers. 17—20. Ubi *a.* ipsa murmuratio representatur, vers. 17—19. *b.* ejus absurditas & indignitas exponitur, vers. 20. *a.* In priore parte 1. præmittitur generalis descriptio peccati ipsorum, vers. 17. *Et perrexerunt adhuc in ipsum peccare, obstrigillando altissimum in solitudine*. h. e. Sicut jam an-

antea potus causa, ita & deinceps mox propter cibum, Altissimo, ejusque ductui, contumacius resistunt, & in ejus perfectiones ac virtutes investi sunt, idque in deserto arido, ubi sine Dei favore subsistere non poterant, adeoque eo quam maxime indigerent. Non sine ratione dicit orator, *pertraxerunt peccare*; iniquitatem enim voluit, eos jam antea, in potu petendo, idem fecisse, nec meliores fuisse factos per miraculosa Dei opera in ipsorum gratiam. Cum vero verbo *peccare* immediate subiungat *non obstrigillare*, indicat in eo præcipue situm fuisse ipsorum peccatum, quod Deo contumacius fuerint adversati; quod est *non proprio obstrigillare*; de quo supra dixi ad vers. 8. n. Contumaciter autem Deo adversati sunt, quod opus perfectiones & virtutes, tot signis demonstratas, in dubium vocarint, vel negarint; præterea, ejus ductum & providentiam erga populum carperint, & cum eo expostulaverint, denique sese obedientie ejus subduxerint. Addit, ad peccatum eorum exaggerandum, eos ita cum *Altissimo* egisse, idque in *deserto* sicco & arido; ubi ejus favore & ope maxime indigebant, & in quem locum ducti erant, ut fides & spes eorum exploraretur, adeoque ubi occasionem habebant eas virtutes demonstrandi, inde ansam murmurandi, & se Deo opponendi, sumserunt.

§. XXV. 2. Subjungitur mox peccati & murmuracionis accuratior & specialior notitia, vers. 18, 19. his verbis: *Et tentarunt Deum in corde suo, postulando cibum secundum appetentiam suam, Et locuti sunt contra Deum, dixerunt; poteritne Deus instruere merisam in deserto?* h. e. Peccatum & obstrigillatio eorum in eo sita fuit, quod pro vano suo appetitu, ad eum tantum explendum, postulaverint cibum, cui adfueti alias erant, non contenti eo; quo miraculose fruebantur, quodque Dei potentiam in eo suppeditando in dubium vocarint, vel abnegarint, denique Deo litem moverint, & cum eo maligne expostulaverint; super ductu

Yyy 2

ejus

ejus in deserto. Respicitur ad historiam, non Ex. xvi.; sed Num. xi. memoratam, ut ex collatione facile liquet, & communiter recte observatum est. Hinc itaque verba explicanda sunt, & colligendum, duplex murmurationis genus attingi, *alterum*, vers. 18., & in posteriore membro vers. 19. *alterum* in priore membro, vers. 19. his verbis, & locuti sunt contra Deum; quæ verba rectius cum vers. 18. fuissent connexa, quam ut novum versum incipiant. Duo itaque iis 1. intentat crimina, *alterum*, quod cibum pro cupiditate sua postulaverint, modo indigno, animo Deum tentandi, *alterum*, quod cum Deo exposulaverint, seu *contra ipsum locuti sint*: 2. Exponit dein hunc ipsorum animum, verba Deo injuriosa ipsis in ore dans, quum addit, *dixerunt poteritne Deus* &c. 1. Ad *priorem* pericopæ partem not. a. phrasin, petere cibum *וַיִּשְׁאֲלוּ*, recte verti *ad vel secundum appetitum suum*, ad eum explendum, non itaque ex necessitate, sed pravo appetitu; quæ emphasis est vocis *וַיִּשְׁאֲלוּ*, hic omnino admittenda, ut ab aliis jam notatum est. Vid. Clericus, & ad Num. xi. 6. Res ipsa quoque confirmat, cum *Manna* jam haberent, & cibum illum fastidirent, lautioresque & fueros cuperent: ut ex l. c. liquet. b. præmitti, *eos Deum in corde suo tentasse*, ad indicandum, eos non submisso & fideli animo petiisse, sed superbo & audace, nec non diffidente, ad experimentum potentiæ Dei capiendum, & demonstrandum, se de Dei potentia inique sentire: quare ipsis illud in ore datur, *poteritne Deus*, &c. c. Subjungitur aliud crimen, eo ipso tempore patratum, modo ante hanc tentationem, quo Deo oblocuti sunt, vel litem ipsi intenterunt, ac cum eo exposularunt; quo pertinent verba, & *contra Deum locuti sunt*. Exserit verbum *וַיִּשְׁאֲלוּ* hic peculiarem usum, quo in *actionibus judicialibus* frequentatur, & controversiam judiciariam agitare, & longius deducere, signat: cujus varia produxi exempla ad Ps. l. & li., sæpe ad Jerem. Denotat itaque litem Deo intentare, ipsum accusare, & actionem contra Deum institutam deducere longius. Re-
Epi.

spicitur ad Num. xi. 1. *Et factum est, cum populus maligne quiritaretur in aures Jebovæ, ut Jebova audiverit, &c.,* sic enim voces vertendæ, seu intelligendæ sunt. *Quiritationis* argumentum quidem non exprimitur, sed probabile est, eos de molestiis itineris & horrido deserto, aliisque malis fuisse conquestos, non ex sensu malorum, sed animo male in Deum adfecto; quare *malignæ* dicuntur querelæ. 2. Ad *posterio*rem partem not. a. eam non cum proxime præced., *lo:uti sunt contra Deum*, cohærere, sed ad priorem pericopæ partem pertinere, seu iniquam cibi postulationem in corde, cui hæc verba aptantur, quibus tentationem Dei expressisse dicuntur; quando sermo rectius fuit. b. Verba hæc, non necesse est statuatur, ab ipsis fuisse prolata, sed sufficit, iis hæc verba convenire, & animi cogitationes ac adfectiones apte exprimere. Animo Deum tentandi cibum postulant, adeoque ei convenienter dicere debuerunt, *poteſt ne Deus menſam inſtruere in deſerto?* seu nobis dare carnem, & alia alimenta suavia, quibus in Aegypto adſueti fuimus: ut est Num. xi. *ſi poſſit Deus, demonſtret nunc;* alias colligendum erit, *non poſſe;* niſi ſtatuendum ſit, illum ſiniſtro in nos duci adfectu, & nolle: quod utrumque erat Deo injurioſum.

§. XXVI. b. Quæ tentatio, qua Deum accuſabant *imbecillitatis* vel *ſiniſtri* adfectus, quam fuerit indigna, & importuna, orator his verbis exponit, verſ. 20. *Ecce percuffit petram Et fluxerunt aquæ, Et torrentes inundarunt, an etiam panem poterit dare? an parabit carnem populo ſuo?* Non ſunt verba a murmurantibus prolata, quibus ea non conveniunt: ſi enim miraculum aquæ e petra percuffa fluentis in promptu habuiſſent, de Dei potentia in carne danda dubitare non potuiſſent; nec ita ratiocinari quis poteſt; ecce tam illuſtre patravit in gratiam noſtram miraculum, *poteritne quoque cibum dare?* verum verba ſunt oratoris, qui ipsis in memoriam revocat hoc miraculum, & ad ipſos proſtituendos, ac de abſurditate & importunitate tentationis

nis Dei convincendos verba eorum ita flectit: ac si diceret: tentatio Israelitarum tam absurda fuit, quam foret, si dixissent, *ecce percussit petram* &c. *poteritne*. — Quae ratione cuncta faciles habent explicatus, & poeta convenienter personae oratoris, quam hic gerit, agit. Solent saepe prophetae populo verba in ore dare, non quae ipsi elocuti sunt, sed deberent, si cohaerenter & statui suo convenienter voluissent loqui. Ceterum *panis* vel in genere *cibum* denotat ordinarium, vel *carnem* in specie; sicut mox exponitur: qui vocis *panis* usus non est insolitus aut ignotus *a*. Utique *cibum*, seu panem coelestem *Manna*, hic intelligere non licet, cum eo jam tum gavisi diu fuissent.

§. XXVII. *γ*. *Tertius* articulus Deum ad hanc criminationem & tentationem sistit primum iratum & punientem, diem potentem & beneficium erga populum ingratum, carnem ei abundanter concedendo, vers. 21—29. In qua pericopa *a*. irae Dei demonstratio, una cum ejus iusta causa, describitur, vers. 21—25. *b*. ejus potentiae & bonitatis signa recensentur in danda carne, vers. 26—29. *α*. Prior pars Deum repraesentat iratum, & ejus justam rationem adjungit, prius vers. 21., postertus vers. 22—25. Prius his verbis effertur, vers. 21. *Propterea audivit Jehova & efferbuit, & ignis vehementius arsit in Jacobo, et etiam nasus, vel adglomeratio nasi, exaestuavit in Israelem*. Sicut duo modo memoraverat crimina connexa, & se invicem brevi secuta, ita Deum repetita vice sistit iratum, priore vice his verbis: *audivit Jehova et efferbuit, et ignis vehementius arsit in Jacobo, altera, mox secuta, his verbis, et etiam nasus exaestuavit in Israelem*. Prius illud respicit ad judicium Dei in populum Deo obloquentem, e vestigio secutum. Num. xi: 1. uti collatio facile docet. Phrasis, *audivit Jehova et efferbuit* — — est emphatica, dicitque idem, ac, statim *ac audivisset efferbuit*. Particula, subinde immediate connectendi potestatem habet, & statim dicit, seu mox, e vestigio. Verbum *נָפֶחַ* proprie dicit *intumescere*, &

a Vid. Amama ad Ps. xxvii: 2. & comm. noster ad Mal. p. 84.

& de fluvio altius sese efferente adhibetur; unde ad iram seu effervescentiam nasi tumidi transfertur, & in Hitph. *אצח* est *ira tumuit*, quod alias sæpe observavi: verbum *פא* seu *פא* Arab. teritur de densitate *fumi* omnia involvente, unde ad vehementiorem ignem transit propter densitatem fumi inde exsurgentis. Sensus ergo est, ignem vehementius arsisse & fumasse, uti factum legimus Num. xi: 3. . *Posterius* exponit iram *altera* mox vice sese exerentem, cum populus in acerbam illam murmurationem ob *carnis* defectum incidit, ut ibid. narratur: verba sonant, *et etiam nasus exæstuavit in Israël*. h. e. iterum, novo vigore sumto, *æstuavit nasus*; adeoque non de eadem re, de qua modo, sed mox secuta, sermo fit; ceteroquin enim verba emphasin non haberent. Verbum *אצח*; ut sæpe alias observavi, proprie dicit, *exsuperavit*, *excrevit*, etiam de flumine supra ripas intumescente, unde orta est notio *abutiendi*, *exæstuandi*, omnisque excessus; recte itaque *אצח* *naso* tribuitur tumescenti, & iræ exæstuanti. Sed quid est *אצח* ? vel simpliciter *iterum*, ut sit particula, vel *glomeratio*, aut vigor se semper renovans, & abundantia *nasi*. Radix enim originem habet in *glomerando*, unde est, accedere numero aliorum, & inde particula *אצח* *etiam*, iterum iterumque *a*.

§. XXVIII. Justa iræ & iudicii Dei ratio subjungitur & deducitur, vers. 22—25. Propomitur, vers. 22. *Quia in Deum non crediderunt, nec fiduciam in ejus salute posuerunt*. h. e. justa hæc fuit iræ & poenæ divinæ causa, quod nec vera & constante fide Deum talem esse, qualis est, qualemque sese inter ipsos revelaverat, crediderint, nec sese Deo, ejusque bonitati, & auxilio, quod toties ad liberationem ex angustiis experti erant, commiserint tuto & secure; sed contra increduli fuerint, diffidentes Deo, & contra cum murmurantes, eique litem moventes. Quæ nihil obscuri habent. Ratio proposita illustratur & confirmatur, producto specimen bonitatis & salutis Dei plane eximio, quò jam ante

gavi-
Schultens ad Prov. xix: 2.

gavisi erant; & etiam nunc fruebantur, & mactarentur in posserum, in *Manna*, pane coelesti, sito, vers. 23—25. *Et præcepit nubibus desuper, & coelorum valvas aperuit, et depluit manna in eos ad comedendum, et frumentum coelorum præbuit ipsis, panem fortium, vel principum, comedit vir, viaticum misit ipsis ad satietatem.* Quæ verba quare hic locum inveniunt, non adeo clarum est. *Manna* enim non hoc tempore incepit, sed diu antea, etiam ante aquæ fluxum e rupe scissa Ex. xvi. Videri itaque possent hæc verba loco mota, & ante vers. 15^{um} collocanda; sed obstat, quod vers. 20. tunc æque *manne* ac *aquæ* miraculosæ meminisset. Probabile mihi est, oratorem in recensendis mirabilibus Dei, hujus rei neglecta mentione, locum ei hic dedisse, ne eam plane prætermitteret, eumque satis commodum, cum illustre esset specimen bonitatis & salutis Dei, cui eos modo dixerat non fidisse; accedit, *masina* & *coturnices* in principio quoque fuisse junctos, Ex. xvi. & hoc tempore, de quo hic agitur, perseverasse manna; denique notari meretur, *Manna* diserte dici ab iis hoc tempore spretum & fastiditum, quare illud beneficium merebatur hoc loco inferi, & extolli, uti etiam fit, Num. xi: 7. Quicquid sit, verba hic non occurrunt, tanquam enarrantia, quid Deus hoc tempore facere instituit in gratiam populi, sed tanquam singulare specimen salutis Dei, quo excitari debuissent ad Deo fidendum; sed quod nunc indigne tractabant, & insuper *carnem* petebant, qua minime indigebant, quare postulasse *cibum* dicuntur *pro adpetitu suo*, vers. 18. In verbis nihil est, quod opera nostra indiget; nihil quoque obscuri, nisi in vers. 25. *Panem fortium* vel principum, *comedit vir, viaticum misit ipsis ad satietatem.* Verba, *panem fortium comedit vir*, quid sibi velint, & qua ratione cohæreat oratio, non tam clarum est, quam videtur: cum enim ante & post dixerit, *dedit ipsis, pluit manna super ipsos, viaticum misit ipsis*; nimis abrupte insertum videtur, *panem fortium comedit vir.* Possent verba censeri inserta ad
mah-

manna extollendum, & prærogativam Israelis amplificandam; quod unusquisque eorum, vel *vir*, comederit panem *angelorum*, sive coelestem: ut oppositio sit inter *fortes & virum*; sed tunc אֱלֹהִים potius dixisset; quod magis emphaticum foret. Rectius fluere oratio, si pro אֱלֹהִים legeretur אֱלֹהִים אֱלֹהִים *cibum non viri*, h. e. plus quam *viri*, sed excellentioris personæ; אֱלֹהִים enim æque auget, ac minuit, ut ad Mal. a notavi, vel *non viri*, qui non *viro* sed angelis competit: quum ita ordinanda est versio, *panem fortium, cibum non viri, viaticum misit ipsis ad satietatem*: quæ constructio est longe facilior, vel, si retineatur אֱלֹהִים subintellecto אֱלֹהִים, *quem non comedit vir*. Sed nihil definitio. Ceterum manna adpellatur panis *fortium*, vel principum, utrumque enim denotat אֱלֹהִים, proprie *pennatum*, & hinc *robustum*, audacem, præminentem, ut recte Coccejus, quatenus *angelorum* potius cibus sit, quam hominum; seu in genere *coelestis*, & præstantissimus, ut *lingua angelorum*. Quod ab aliis jam est observatum. Nisi quis rectius legi velit אֱלֹהִים, ut Jud. v: 25. & in genere *magnificos, excellentes*, intelligere.

§. XXIX. b. Sed alia via sese mihi, accuratius meditati, offert versum illum expediendi, qua pro initio & summaria propositione alterius pericopæ partis, quæ novum specimen bonitatis & potentiae Dei continet, habetur; adeo ut sensus sit, Deum, non obstante quod quisque eorum comederit panem fortium seu magnificorum, insuper iis *misisse venationem ad satietatem usque*, h. e. aves capiendas misisse; ut Piscator accepit. Commendat hunc sensum non tantum vox ציד, quæ, licet latioris sit usus, proprie ad *venationem*, seu aves & alia animalia, *venatione* capi solita, ducit, sed etiam vox לשבע *ad satietatem*, quæ huc unice quadrat, & mox adhibetur de *coturnicum* concessione, vers. 29. Accedit, nexum & seriem orationis sic fieri faciliorem; cum verba nostri versus recte fluant, *panem principum comedit quisque, capturam misit ipsis*, h. e. eo ipso

Zzz

tem-

tempore, quo ejusmodi pane quisque vesceretur, misit tamen insuper Deus capturam ad satietatem: & præterea in seq. mox tradatur explicatio istius *missionis*. Sequitur itaque summarie propositionis deductio, vers. 26—28., qua eoturnicum miraculum, ad appetitum illorum implendum, narratur, his verbis: *increbrescere fecit eum in coelo, & egit robore suo austrum: & depulit super eos carnem instar pulveris, & volucres sicut arenam marium: et, vel quas, decidere fecit in medio castrorum ejus circa tentoria ejus; scilicet populi, de quo nunc in sing., nunc in plur., loquitur; ut recte Gejerus. In quibus nihil habeo, quod observem, cum de re, cujus hic mentio fit, alibi ad Num. xi. agatur, & verba nostra satis illustraverit Bochartus a, præter emphasin verborum *pro* & *in*. Prius a propria *vellendi* seu *trahendi* potestate, inter alia, ut hic, transit ad ventum, qui cum magno impetu fertur, & omnia adportat, adeo ut *pro* recte vertatur, majore impetu identidem fecit increbrescere ventum in coelis: non itaque denotat, *transtulit*, *abstulit*, *ventum de coelo*, ut nonnulli reddunt, sed impetuosum & cuncta vellentem suscitavit ventum in coelis, ut multis probat Bochartus. *Posterioris*, *in*, proprietatem esse videtur in *terere*, terendo explicare, ut ex ling. Arab. colligitur, hinc *insistere* in viam, aut ductum, quod est *terere*, *spicere* odor, unde notio est *ducendi* per viam tritam, atque *agendi*, more pastoritio, ac eleg. dicit ductorem ac antecessorem gregis agere, eique viam, eamque regiam ac patientem, præire, 1 Sam. xxx: 20. quo etiam respicitur Ecclef. xi: 3., hic vero ad Deum adplicatur, ventum agentem ac flectentem pro lubitu. Reliqua sunt facilia, aut ab aliis illustrata.*

§. XXX. *S. Quartus* articulus continet miraculosæ hujus cibationis effectum, populo ingrato perniciosum, vers. 29—31. ubi *a*. occurrit populi ingratitude, in eo sita, quod tantum afuerit, ut desiderio & adpetitui ejus fuerit hac

172-

ratione satisfactum, licet vehementer fuerint per totum mensem saturati carne; ut auctum sit desiderium, & Deus inde nihil aliud populo adtulerit, quam appetitus augmentum. Hic enim sensus est verborum, Interpretibus minus perspectus, vers. 29. *Et comederunt & saturati sunt valde, & desiderium provenire ipsis fecit.* h. e. ad summam satietatem usque comederunt per totum mensem, nec tamen appetitus cessavit, quin auctus est, adeo ut Deus non expleverit, & cessare hac largitate sua appetitum, sed intrare iaster proventus in eos fecerit; ipsisque ex saturitate provenire desiderium, seu saturitatis proventus, q. messis in horrea & domum intrans, fuerit appetitus, qui cum saturitate crevit, secundum dictum: *quo magis potantur, eo magis sitiuntur aquæ;* &, quod Dent. xix: 18. *irriguum & sitientem conjungere.* Pollet itaque verbum in ea notione, quæ conspicitur in derivato *non proventus, messis domum & horrea intrans.* Eundem fere, quem hic, usum habet Prov. x. 24. *formido improbi, ipsa umbram proveniet illi,* proventus largo intrabit, & vers. 16. *non proventus improbi ipsa sane lapsatio,* rursus xxviii: 22. *Exsternatus fertur ad opulentiam vir malus oculo, & non sentit, quod rasa egestas non ipsi proveniat;* quatenus manet æque ac ante egenus, & appetens. Ad quæ loca vid. Cl. Schultens. Quo adfluentius haurit avaritia, eo ardentius sitit; ita quo magis fuerint saturati Israelitæ carne, eo concitior fuit appetitus. Interpretes solent vertere, *& desiderium adtulit ipsis* h. e. rem desideratam concesserat; quod minus facile est & emphaticum; ut satis patet. Confirmat nostram explicationem, quod sequitur, *non recesserunt fastidientes a desiderio &c.*

§. XXXI. b. Subjungitur mox poena, cum durante & crescente appetitu immediate connexa, vers. 30, 31. *Non recesserunt fastidientes a desiderio suo, adhuc cibus eorum in ore eorum erat, & nasus Dei exsternavit in eos, et occidit pingua ipsorum, et eximios Israelis procumbere fecit.* h. e. cum appetitus in ipso largissimo usu carnis fieret ardentior, tan-

tum abest, ut fastidiissent, & adpetitum misissent, Deus eos e vestigio, nondum absumpta carne, eos tanquam bene faginosos & robustos mactavit. Repetitur adpetitus duratio & incrementum, tanquam causa poenæ, & poena cum ea immediate connectitur. *Non recesserunt fastidientes ab adpetitu*, (respicitur ad Num. xi: 20. ubi Deus tam copiose & diuturne dicit se carnem ipsis daturum, ut fastidiant eam; adeoque ad tantam satietatem, ut amplius non desiderent, quin fastidiant; sed res aliter accidit, loco fastidii crevit adpetitus, nihil minus itaque quam fastidierunt, non renunciarunt adpetitui. Utroque in loco occurrit verbum *תָּוַם*, cujus derivatum est *תָּוַם*; proprietatem habet in *torquendo*, dicitque, *flexit*, *flexendo torfit*; inde inter alia ortus est *diversi*, cum flexu detorti, usus, & sic *alieni* & *alienati*, vel ore, vel more, vel adfectu, usitatus *aversi*, sed & *diversi* Lat., unde *fastidium* abhorrens,) *adhuc cibus eorum in ore ipsorum*, (ne quidem pleni cibo averfati fuerunt, & cum eo fruerentur, ira Dei in eos æstuavit: cohærent enim verba cum præcedentibus & sequentibus, eo, quo dixi, modo. Ad seq. quoque pertinere constat ex Num. xi: 33. *caro adhuc inter dentes eorum erat, antequam scinderetur, et ira Jehovæ arsit in populum* &c. quorum sensus est, carnem nondum fuisse vel dentibus fractam, vel ab ore ipsorum ablatam, adeoque intra *mensis* finem, quo Deus ipsis dixerat, se *carnem daturum*, vers. 21. Proverbiale dictum esse potest, *carnem inter dentes habere*, pro eam habere in promptu, & *scindi* est etiam auferri, aboleri, ut Joel. i: 5, 6.) & *ira Dei exæstuavit et irruit in eos* (eo ipso momento & tempore id factum est; de phrasi jam vidimus, vers. 21.) *et occidit pingua ipsorum, et eximios eorum procumbere fecit*, (sic enim reddi debent, & non, ut alii, in *pinguedinibus*, vel inter *pinguedines*, in pinguibus epulis eorum; tum enim dixisset, *occidit eos in pinguibus*. Respicitur ad animalia faginata & pingua, quæ mactantur: quo pertinet etiam verbum *הִרְבָּה* *procumbere fecit*, sc. in extremas partes corporis cum nisu

nifu ad mortem; uti subinde sumitur. Vid. Jud. v: 27. Jof. x: 4. & alibi).

§. XXXII. *Quintus* articulus novam continet murmur-
 rationem gravissimam, mox secutam, quæ omnium necem
 in deserto produxit ab anno ætatis 20mo & supra, vers. 32,
 33. *Omni hoc existente adhuc peccarunt, nec miraculis ejus*
crediderunt: et, vel quare, absumsit, instar vaporis, dies ipso-
rum, & annos ipsorum in terrore præcipitante. h. e. omni-
 bus istis magnis, & beneficiis & poenis, non obstantibus,
 iterum gravissime peccarunt, mirabilibus Dei operibus non
 fisi; adeo ut tandem decretoria sententia omnes ad mor-
 tem in deserto damnati sint, sicut etiam dies eorum instar
 vaporis absumti sunt, & anni eorum inter multas diras &
 consternationes. Respicitur ad terribilem rebellionem &
 murmurationem, occasione explorationis Cananææ ortam,
 & sententiam condemnatoriam, ad mortem omnium in de-
 serto tunc publicatam, cujus vi etiam mortui sunt, adeo
 ut, instar vaporis, & cum multo terrore, tempora eorum
 fuerint finita. Num. xiv. Ps. xcv & alibi. Quod passim
 jam recte observatum est. Nihil hic nobis relictum est,
 nisi hoc unum, *והוא* in vapore turgido esse pro instar, va-
 poris, ut recte *Aquila*. Præp. 1 subinde intersit compara-
 tioni, & idem est ac *ו* sicut, licet magis emphaticum: de
 quo alibi dixi, ut & ad Ps. Lxiii: 2. Lxxvii: 10. Quod lon-
 ge rectius est, ac quod vulgo datur. Conf. quoque Ps. xc:
 7. ad rem ipsam.

§. XXXIII. *Sextus* articulus repræsentat in genere
 hypocriticam & fluctuantem populi in deserto erga Deum
 adfectionem, quam in specie demonstravit nova generatio,
 quæ in terram Cananæam est introducta, parentibus quidem
 in eo melior, quod minus aperte & contumaciter in Deum
 furrexerit, nec tamen sincera, ac constans, in Deo quæren-
 do & colendo: vers. 34—37. *cum eos occideret, tum inve-*
stigaverunt eum, & redierunt et multo mane quæsierunt eum:
et recordati sunt, Deum esse rupem suam, et Deum altissimum

redemptorem suum: at illexerunt eum ore suo, et lingua sua mentiti sunt ei, nec cor ipsorum fuit firmiter aptum cum eo, neque fideles fuerunt in foedere ejus. Quæ cum facilia sint, & ab Interpretibus satis expedita, illud tantum observo, non quidem Israelitas, in terra Cananæa jam versantes, quod voluit Coccejus, sed adhuc in deserto oberrantes, at tamen non eos, qui Aegyptum deseruerant jam majorenes, sed eorum filios, alteram generationem constituentes, hic depingi. Patet utique ex vers. 40., ad Israelitas in deserto hæc pertinere; sed ordo narrationis, & diversitas indolis populi, requirit, ut de altera ætate, seu populo, qui Cananæam intravit, intelligamus. Quo etiam facit, quod vers. 8. duplex ætas patrum memoretur: altera contumax & rebellis, altera hypocritica & inconstans: cujus posterioris qualitates hic delineantur. Perversi quidem erant, sicut patres, sed per mala & verbera ad meliorem mentem se redigi passi sunt, non tamen ita, ut sincere & constanter Deum coluerint, verum ore & lingua gratiam & favorem Dei fucate ambientes, corde a Deo alieno & inconstante.

§. XXXIV. 4. *Septimus denique articalus summam Dei longanimitatem, & gratiam ac misericordiam, erga eos hypocritas exhibet, qua eos toleravit, & benigniter tractavit, ac peccata eorum texit, eo quod homines essent imbecilles, vers. 38, 39. At ipse misericors tegebat illinendo iniquitatem, nec perdebat, imo multiplicabat reducere nasum, nec excitabat omnem excandescentiam suam, et recordabatur, eos esse carnem, ventum pereuntem, qui non redit. Verba, ut facile cernitur, continent mitem & misericordem agendi modum, quem Deus cum hypocritico hoc populo tenuit, ejusque rationem moventem. Tria memorantur misericordiæ Dei signa, 1. Primum est, quod peccata texerit, non perdendo. Hæc enim verba cohærent, & posterius exponit, qua in re sita fuerit peccatorum expiatio, in non puniendis ad perditionem usque. 2. Secundum est, quod Deus iram ebul-*

ebullientem mox represserit, nec semel, sed sæpius: quod est *multiplicare reducere nasum æstuantem*. Verbum *וַיִּבְרַח* adhibetur in æstu maximo, statim vicibus redeunte, & crescenti non tantum, sed & decrescenti applicatur; ut hic & alibi. Vid. ad Jer. iv: . 3. *Tertium* est, quod cum iratum sese demonstraverit, mitigaverit tamen; nec nimis severe puniverit; quod est, *non omnem excandescientiam excitare*. Ratio vero movens petita est ab infirmitate & vanitate hominis; quæ *carno* est, & vento abeunti, nec redeunti, similis; qui facile labitur, simul sponte sua cito perit & evanescit; quocum leniter agere solet Ens omnipotens, creator & arbiter universi, convenienter non sanctæ suæ naturæ simpliciter, sed statui & indoli hominis. Conf. Gen. vi: 3. & ibi dicta: nec non Job. vii: 7. Ps. ciii: 14.

§. XXXV. 1. In Ephraimitarum exempli fusiore deductione, quæ altera est specialis enarrationis pars, & summaria proponitur Patrum, toties rebellium in deserto, imitatio ab ipsis facta, vers. 40, 41. *Quoties obstrigillarint et in deserto, constrinxerint ipsum in solitudine, et tamen redierunt et tentarunt* (iterum tentarunt). *Deum, et sancto Israelis limitem posuerunt*. h. e. Quot etiam vicibus Patres in deserto contra Deum rebellarint & acerbo eum adfecerint dolore, nihilominus, hoc exemplo non meliores facti, eorum posteri in Cananæa perrexerunt Deum tentare, & sanctum Israelis termino circumscribere, sive potentie & favori ejus limites ponendo, sive modum præscribendo, quo & quando ejus signa dare debeat. Verba vers. 40. vel interrogative capi possunt, vel affirmative. *Prior* ratione erit superiorum conclusio, & augebit, non, ut alias, imminuet, defectionem, ut sit: *quoties obstrigillarunt* &c. non una, sed pluribus vicibus. *Posterior* vero habent verba conspectum præmissi, ad posterorū murmurationem & tentationem adgravandam; ut sit: *quoties* etiam hoc fecerint patres, toties licet, non absteriti sunt posteri, sed perrexerunt in eodem crimine. Ceterum oratorem, vers.

vers. 41. non manere in patrum exemplo, sed ad posteros eorum transire, in Cananæa jam degentes, quod nonnulli recte viderunt, manifestum est 1. ex voce *deserti*, vers. 40. expresse addita; ut eos, qui iterum tentarunt Deum, a patribus in deserto distingueremus. 2. Quia in mirabilium Dei recensione, quæ sequitur, locum quoque tenet introductio in Cananæam, quorum non fuerant recordati illi, de quibus hic loquitur. 3. Quia eos a patribus in deserto distinge, vers. 57. In verbis parum est difficile, nisi in verbo ultimo, vers. 41. *Sanctum Israelis* *קדוש ישראל*. LXX reddiderunt *καθ' ἑαυτὰς*, similiter fere Syr.; videntur legisse, vel legendum censuisse, *קדוש* a *קדש*, quod non foret spernendum: conf. vers. 56. Sed lectio Masor. recte servatur, & sensum fundit satis commodum; quo declaratur, eos Deum tentasse ponendo *ipsi limites*, sive quod potentiam ejus limitarint, sive quod modum præfixerint, quo eam exferere debeat, si potentia gaudeat, quemadmodum supra vidimus in deserto factum, vers. 19. Cui sicut verbum *tentare*, quod præcedit, recte convenit, ita sequentia, ubi, ad vanitatem tentationis demonstrandam, recensentur miraculosa Dei judicia in Aegypto & deinceps, confirmant. Possset quoque censerī, digitum simul intendi ad idola, seu figuras & imagines, quibus expresse runt Deum; cujus rei mentio fit vers. 58. Radix enim quoque *signare*, figuras facere, denotat, uti 1 Sam. xvi: 14.

§. XXXVI. β. Quæ tentatio antequam deducatur, interferitur longa recensio cum mirabilium judiciorum Dei in hostes, & Aegyptios, tum beneficiorum in Israelē ante collatorum; quorum oblivionem turpem & ingrātā Ephraimitis imputat, qui Deum ausi fuerint tentare, ejusque potentiam & favorem erga populum in dubium vocare, ac ipsi modum præscribere, quo populum liberare debeat. Tendit itaque hæc pericopa, quasi parenthetica, ad exaggerandum crimen tentationis Dei, cum summa ingratitudine, qua operum Dei obliti erant, conjunctum. Partes peri-

co-

copæ, vers. 42—55., sunt sequentes, *a. Prima est generalior, quæ omnes superiores liberationes ab hostibus, Israellem opprimentibus, complectitur, vers. 42. Non recordati sunt manus ejus, die quo redemit eos ex mihi angustia, h. e. ad animum non revocarunt tentatores illi, sed oblivione deleverunt, omnipotentem Dei manum, quam exseruit in eorum gratiam, quo tempore eos prementibus & arctantibus angustis eripuit. Nihil in verbis est obscuri: sed, quod ad rem ipsam adinet, cum non dicat, quo die patres eorum, sed ipsos eripuit, præterea generaliter loquatur de die angustiae, existimaverim, hic in genere intendi superiores liberationes, quas in terram Cananæam jam introducti fuerant consecuti usque ad illud tempus, quo Deum tentarunt tempore Eli. Agitur enim hic de Ephraimitis, seu Israelitis sub principatu Ephraimitarum; quo tempore Deus eos a se repudiatos esse demonstravit: quod tempore Eli factum est; ut postea videbimus. Experti autem sunt temporibus Judicum usque ad Eli multiplices angustias, a quibus mirabili Dei manu identidem liberati sunt.*

§. XXXVII. *b. Secunda pars specialior est, qua altius ascenditur ad majores in Aegypto & deserto usque dum stabiles sedes in Cananæa acceperint, vers. 43—55. In qua .i. occurrunt judicia Dei in Aegyptios, quibus Israelis causa sunt adstricti, vers. 43—51. Cujus pericopæ verba recensebo, & mox illustrabo. Præmittitur generalis descriptio miraculorum in Aegypto, vers. 43. Quo posuit in Aegypto signa sua, & in agro Isean portenta sua. h. e. non recordati sunt manus Dei die, quo posuit &c. hac enim ratione supplenda est ex præced. oratio, ut constat. Ponere signa est palam coram omnium oculis proponere, & insuperabili manu imponere, cui resisti non potuit. Sequitur mox specialis eorum signorum commemoratio. Quorum primum est conversio aquarum in sanguinem, quas bibere non potuerunt, vers. 44. Et convertit in sanguinem fluvios earum, & fluentia ipsorum non bibebant. h. e. bibere non poterant,*

terant, scilicet aquas fluviorum & fluentorum; sic rectius, quam, *ne biberent*; non enim scopus, sed consequens erat miraculosæ aquarum conversionis in sanguinem, & *וַיִּהְיֶה* est non: admitti potest ellipsis *וַיִּהְיֶה* ante *וַיִּהְיֶה*, quæ *bibere non poterant*. Respicitur in voce *וַיִּהְיֶה* ad Nilum, & plur. adhibetur excellentiæ causa, vel propter varios Nili rivos. Altera vox *וַיִּהְיֶה* *fluente* est generalior, & quasvis aquas denotat. Conf. Ex. vii. primum fuit miraculum, quod iudicii speciem habuit.

§. XXXVIII. Secundum & tertium conjunguntur, *ranarum & muscarum caninarum*, omisso *pediculorum*, vers. 45. *immisit in eos muscas caninas, & comederunt eos, & ranas & perdidit eos*. Duæ hæ plagæ se non immediate, sed mediante pediculorum, secutæ sunt, præcessit *ranarum*, tum *muscarum caninarum*; ut ex hist. Exod. viii. patet. Inverso itaque ordine recenset orator has plagas, & intermediam neglexit. In quo nihil est vitii. Voce *וַיִּהְיֶה* *muscas caninas*, cýnomyam, intelligi demonstravit Bochartus a. Quarta plaga sequitur *locustarum*, quæ tamen in historia est ordine *octava*, quæ quare hic locum inveniat, non adparet, sed orator, qualem personam hic gerit loquens, non est ordini historiæ alligatus. Verba ita sonant, vers. 46. *Et dedit brucho proventum ipsorum, & laborem ipsorum locustæ*. Conf. Exod. x. & de nominibus locustarum Bochartus b, *וַיִּהְיֶה* est a rad. *לָמַד* proprie *limare*, limando minutatim deterere, & eradere, ut ex Arab. lingua patet; unde ad locustas transfertur, suis dentibus, tanquam *limis*, omnia eradentibus. Quinta plaga, in historia ordine *septima*, Exod. ix. est grandinis igniti, quo animalia, arbores & fruges, perdidit Deus, vers. 47, 48. *Concidit grandine vitem eorum, & sycamoros eorum telis trifulcis, & tradidit, q. cippo inclusum, jumentum eorum grandini, & pecudes eorum vibrationibus coruscis*. Cum eadem plaga utroque versu describatur, quæ arbores & pecudes ferit, & utrobique *grandinis*

a Hieroz. p. II. l. iv. c. 15.

b Ib. p. II. l. iv.

ominis fiat mentio, reliquæ voces duæ, חֲמַל & רָעַם, sibi quoque respondeant, & eandem rem designent, necesse est; unde sequitur, de *locustis* voce חֲמַל, quod Rabbini nonnulli opinati sunt, non agi, nec etiam *grandinem* simpliciter indicari, aut *pruinam*, ut vulgo putatur, sed *fulmen*; quod cum *grandine* fuit conjunctum. Docet enim historia, terribili tempestate, ex tonitru, fulmine, imbre, & grandine constante, hanc vastationem fuisse effectam. Vox רָעַם, ut inde incipiam, proprietatem habet in tremulo & corusco vibramine, seu *ardore vibrante*, adeoque ad vibrationes coruscas fulgurum recte refertur a. Altera vox, ei respondens, חֲמַל difficilioris est explicationis. Alterutrum videtur statuendum, vel compositam esse vocem ex duabus synonymis, חָמַל succidit, perdidit, apud Arab., & חָמַל vel חָמַל excidit, abscidit; quæ est Simonis b opinio, vel, quod Avenarius jam vidit, constatam ex חָמַל hasta, telo, & חָמַל, aut חָמַל, incidit, ut sit telum incisum, & incidens; quod in fulmen recte quadrat, quare *trifida flamma* adpellatur, nec non *trifulca fulmina*, tela. Sic & hasta, ad ferendum vibrata, fulmini applicatur, Hab. III: 11. Denique notetur primaria verbi חָמַל notio *minutatim concidendi*, quam hic exserit, ubi *viti*, per *grandinem concisæ*, applicatur, unde *laniandi*, ac truncandi, usus fluxit. *Vites* vero *grandine verberari*, ac *contudi*, dixit quoque Horatius, a Bochio c jam adductus.

§. XXXIX. Sexta plaga comprehendit ultimam, seu *decimam*, in historia, Ex. XII. qua omnes primogeniti ab angelo percussore perierunt, vers. 49—51. *Immisit in eos æstum nasi sui, effervescentiam, & spumationem, & zelotypiam, turmam armatam angelorum malorum; libravit viam regiam iræ suæ, non coercuit a morte animam ipsorum, & vel sed, vitam ipsorum pesti tradidit, & percussit omne primogenitum in Aegypto, primitias virium in tentoriis Cham.* Quæ ver-

Aaaa 2

ba

a. Schultens. ad Job. v. 7.

b Form. nom: p. 650.

c Ad h. l.

ba ad unam eandemque plagam pertinent, ultimam scilicet, quæ partim peste, partim alio modo omne primogenitum, hominum & animantium, una nocte abstulit. Cohærent enim manifeste, & ita concinnata sunt, ut a generaliore identidem ad specialius transeant, donec tandem aperte exponatur plaga. Sunt, qui vers. 49. ad præcedentia omnia mala referunt, & vers. 50. *quintam* quoque plagam, quæ animantia quævis peste absumit, comprehendunt, sed sine ratione, ut mox patebit. Præmittitur *generalior* descriptio, vers. 49. qua plagæ atrocitas exaggeratur simpliciter, absque ut ea definiatur. *Inmisit in eos æstum nasi sui, effervescentiam & spumationem, & zelotypiam, turmam armatam angelorum malorum.* Si ad præcedentes plagas respicisset, alio modo se expressisset, ex quo id colligi poterat, non verbo fut. temp. *וְיָרָא*, ut ubique in hac pericopa, qua diversas plagas recenset, simpliciter usus fuisset; præterea, cum *turmam armatam angelorum* expresse memoret, manu nos ducit ad ultimam plagam, per *הַמַּחֲרִית* *turmam destrultricem* inflictam Ex. xii. ut mox dicam. Coacervat varias iræ voces, ad summum ejus gradum exprimendum, inter quas *una* tantum est, quæ moram injicit, cum reliquæ sæpe alias sint expostæ; ea, quam *innuo*, est *וָרָר*, quæ hic non *angustiam*, ut putatur, denotat, cujus in descriptione *iræ* locus non est commodus, sed *zelotypiam*, alias *קנאה* dictam, & Deo sæpius adtributam, quæ eadem etiam *וָרָר* adpellatur, ut Jes. xi: 13. & 1 Sam. 1: 6. a rad. *וָרָר*, quæ eo sensu occurrit Lev. xviii: 18. a. Effectum hujus iræ Dei ultimæ voces continent, *turmam armatam angelorum malorum.* Vox *וְיָרָא* denotat, hic & Ecclef. vii: 8., aciem formidabiliter horrentem telis armisque; uti observavi ad Mal. 1. seu *turmam armatam destrultricem*, quæ alias *הַמַּחֲרִית* *turma hostilis* λεγόμενα, ut recte Coccejus, adpellatur 1 Sam. xii: 17. & Ex. xii: 13, 23. in hac

^a Schultens ad 1 Sam. 1: 6 & Har. conf. v. p. 77.

^b p. 156.

hac ipsa plaga describenda; nec dubitaverim, quin voce nostra מַלְאָכִים altera illa מַלְאָכִים involuta sit, ita ut manu ducamur ad turmam illam destructricem, Ex. xii. memoratam; ex quibus vero militibus illa fuerit composita, non traditur, Ex. xii. sed hic expresse docetur per voces מַלְאָכִים מַלְאָכִים *angelorum malorum*, quæ cum מַלְאָכִים construuntur. Denotat phrasis, vel *angelos malos*, ut constr. sit pro absoluto, vid. Gejerus, vel *angelorum*, qui *malorum* instrumenta sunt, & ea adferunt; ut sint *nunciis malorum*, sicut *nuncius*, seu *angelus*, *mortis* Prov. xvi: 14. מַלְאָכִים erit itaque pro מַלְאָכִים מַלְאָכִים; alias מַלְאָכִים. Ita & Prov. xii: 12. *Flagrat improbus venenationem מַלְאָכִים malorum*, sc. quam mali sentantur, & quæ mala parit; uti Cl. Schultens exponit. Quod utrumque & hic conjungi potest.

§. XL. Transiit poeta a generaliore ad paulo specialius, explicationis ergo addens, vers. 50. *libravit viam regiam iræ suæ, non coarctavit a morte animam ipsorum, & vitam ipsorum pesti tradidit.* h. e. iræ suæ fræna laxavit, & libere, tanquam per viam spatiosam & stratam, simul ad libellam exactam, spatium sivit, ita ut nemini pepercerit, sed vitam omnium publica prostitutione tradiderit in potestatem *pestis*. Phrasis, *librare viam iras*, est ei liberum & spatiosum permittere cursum, secundum exactam simul justitiam. Vox מַלְאָכִים non est via compendiaris & arcta, trames, ut putatur, sed eminens & strata, seu regis: radix enim Arab. habet *eminendi* potestatem. Cum autem regis viæ soleant æquari, & muniri, hinc ansa nata sublimis figuræ, *librare viam iræ*: solet enim libella examinatrix æqualitatis adhiberi ad stratas lapidum, quibus viæ muniuntur, & æquantur. Sed simul indicatur, Deum via regia processisse ad hostium vindictam, in qua est *justitia* libratio. In signum hujus spatiosæ, & planæ viæ, ubi nulla est remora, additur, *Deum non coarctasse animam ipsorum a morte*; h. e. iræ suæ grassanti nullam objecisse remoram, sed sivisse sine discrimine in omnium animas, seu vitam, grassari; quare ulterius

Subjungitur, & *vitam ipsorum tradidit pesti*. Alii reddunt *pecudes ipsorum*, sed vox absolute posita non significat *pecudes*, potius *feras*, præterea, cum modo *animam eorum* dixisset; rectius utique *vitam ipsorum*, explicationis & variationis ergo, subjungit: quod enim modo negative expresserat, *non coercuit*, illud nunc positive pronunciat. Nec obstat, quod *pestis* memoretur; cum subitanea & violenta mors in genere hac voce exprimi potuerit, nec ratio sit *pestem* excludendi. Denique non erat negligenda emphasis & elegantia verbi *non tradidit*, proprie *collari vinculum*. Radicem continere potestatem *obstruendi*, & *sepiendi*, vel *claudendi*, quid, obice, vel aggere, circumjecto, vidit jam Coccejus, sed latet quid occultius. Vox mo Ez. xix: 19. dicit apud Arab. *collare*, seu vinculum collo feræ sævientis injectum ex ferro vel ligno, ad impetum ejus frangendum, unde, notione amplificata, denotat *tali vinculo ligatum* aliquem tradere in potestatem alterius: adhibent vero Orientales etiam in publicis *prostitutionibus*, quibus aliquis tanquam captivus, vel mortis reus, traditur. Job. xi: 10. Quam emphasin hic recte admitti, facile pater. Tandem desinit oratio in specialissima & nuda narratione ipsius plægæ, vers. 51. *Et percussit omne primogenitum* (hominum & animantium Ex. xi: 5. xi: 20. nullo excepto) *in Aegypto, primitias virium in tentoriis Cham*. Quæ nihil morte injiciunt. De epitheto *primitiarum roboris*, primogenitis dato, dixi ad Gen. xlix: 3. *Tentoria Cham* memorantur, quod Chamo, ejusque posteris, cesserit Aegyptus; Gen. x: 13. Conf. Ps. cv: 23. 27. cvi: 22.

§. XLI. 2. Sequuntur beneficia in populum, ex Aegyptoeductum, collata, usque ad stabiles sedes in Cananæa concessas, vers. 52—55. quorum α. primum est deductio in desertum, vers. 52. *Et revulsit sicut oves populum suum, & duxit eos* (præeundo & viam monstrando) *in desertum*: sic enim rectius vertitur, *quam in deserto*; cum hic agatur de populi deductione ex Aegypto in desertum, &
 mox

mox de ejus deductione: ulteriore in eo. Notetur tantum emphasis verborum. *pro* & *in*, quibus utitur poeta. *Præ* proprie est *vulsi*, ut. cum palus in terram defixus revellitur, unde *proficiscendi* vis secundaria, & *castra movendi*, tentoriorum palis revulsis, sed involvit citam, & cum labore effectam, populi motionem, qua Aegypto egressus est. *Posterius* *in* comprehendit potestatem *ducendi per viam triam*, atque *agendi* more pastoritio, pastore præeunte, & viam præmonstrante. De quo dixi ad vers. 26. *β*. *Secundum* est: populi, in deserto versantis, deductio: secuta sub Dei tutela, omni hostium metu deposito, vers. 53. *Et adduxit eos secure, nec metuerunt*, etenim *hostes eorum tegit mare*. h. e. duxit eos in deserto tanquam pastor, per columnam nubis & ignis, conf. vers. 14., *secure*, nec amplius metuerunt hostes, quippe e medio sublatos, & aquis obrutos. Hæc enim ratione verba coherent, & hunc fundunt sensum. Non opus: itaque est, phrasin, *Et non timuerunt*, emollire, & pro ratione timendi sumere, ut fieri solet, cum hic ad Aegyptios respiciatur, quos mari tectos non timuerunt amplius, ut antea. Ex. xiv. 10. Ultimæ enim voces, *Et hostes eorum texit mare*, adduntur ad rationem reddendam, quare non timuerint; adeoque *Et* est pro *etenim*, nam, ut sæpe alias.

§. XLII. *γ*. *Tertium* est adductio populi ad usque Cananæam, his verbis, vers. 54. *Et adduxit eos ad terminum sanctitatis sue*. h. e. non tantum secure sine metu eos duxit in principio, Aegyptiis prostratis, sed & per totum desertum deduxit usque ad limites Cananææ, terræ promissæ, & sanctitatis Dei signis conspicuæ, quippe quam ipse incolere, & sua præsentia celebrare voluit. *Terminus sanctitatis Dei* vel extremos Cananææ limites dicit, vel terram illam suis limitibus circumscriptam, de quo vid. Gejermus & alii. *δ*. *Quantum* est introductio in eam terram, manu Dei exserta acquisitam, & ejus inter tribus Israelis divisio, vers. 54 & 55. his verbis, *montem hunc acquisivit dextra ejus*, ipse
sequere

seque expulit a coram ipsis gentes, easque cadere fecit in funem hereditatis, & rocumbe in tentoriis eorum fecit tribus Israelis. h. e. Terram Cananæam, a montibus, eam totam mediam pervadentibus, *montanam* dictam, quam dextra ejus potentissima acquisivit in peculium perpetuum, expulsis gentibus, quæ eam tenebant occupatam, funiculis dimensam sorte distribuit Israelitarum tribubus in hæreditariam possessionem. Duo hic memorantur beneficia connexa, *occupatio* terræ potentia Dei effecta, expulsis gentibus, & *distributio* ejus inter tribus Israelis in hæreditariam possessionem, dimensione & sorte peracta. Prius his verbis continetur; *montem hunc istum acquisivit dextra ejus, et expulit a facie eorum gentes.* Hæc enim verba secum sunt conjungenda, & se mutuo illustrant. *Expulsio* enim gentium declarat modum, quo *dextra* Dei acquisiverit montem istum hunc. Prius membrum itaque generale est, quo declaratur, Dei dextram terram sibi in peculium adseruisse, & *posterius* exponit modum, quo acquisiverit, in eo situm, quod incolas ejus exserta manu expulerit. Unde manifestum est, *montem* hunc esse terram Cananæam, & voces sine ulla ellipsi vertendas esse, ut feci, *montem hunc istum acquisivit dextra ejus.* Sunt, qui per *montem* intelligant *Tsionem*; plane contra seriem orationis, & sine fundamento; cum nullum criterium montis Tsionis hic occurrat; sed ei non convenit, quod *Dei dextra* ipsum acquisiverit, cum David iusto bello occupaverit, minus, quod hoc loco memoretur, quia de prima Cananææ occupatione, & divisione inter tribus Israelis hic agitur. *Mons* itaque hic iste, quasi digito ad eum extenso monstratus, est terra Cananæa, maximam partem *montana*, uti constat, quare Deut. xi: 11. terra montium et vallium appellatur, & Israel super colles harum gentium dicitur incesurus, xxxiii: 29. imo *mons* hic iste bonus eadem phrasi vocatur, ib. iii: 25. Epitheton quoque, quo *dextra Dei* acquisivisse traditur, unice quadrat in terram promissam, quam Deus exserta manu, seu potentia sua singulari, sibi acquisivit

vit in peculium, Pf. XLIV: 4. & alibi sæpe. *Dextra* Dei pingit ejus potentiam, uti notum, & נָקַד *acquirere* ejusmodi acquisitionem vi verbi exprimit, qua quid possidetur ut peculium privum, carum, votis respondens, omni cura custodiendum, nec alienandum, si rei conditio permittat *a*. Conf. de re ipsa Pf. XLIV. 4. & alibi dicta. Ad phrasios, *dextra ejus acquisivit*, explicationem additur, *expulit a facie eorum gentes*; quibus verbis modus declaratur, quo *dextra* Dei id fecit, *gentes expellendo*, quæ eam terram tenebant. Conf. etiam 2 Sam. VII: 23. ubi pro לָאֲרִיךְ rectius legitur לַחֲרִיךְ, ut est 1 Chron. XVI: 21. Nihil hic obscuri; nec aliquid in *distributione terræ* describenda, quæ sequitur, notandum habeo: in verbo יָרִיד *cadere fecit eas*, scilicet gentes, h. e. terras earum, respici ad *fortitionem*, & in חֲנִי *funne* torto ad *dimensionem*, quæ fortitionem præcessit, & utraque adhibita est tempore Josuæ, ut constat, ab aliis jam observatum, nec ignotum est.

§. XLIII. γ. Parenthetica hac judiciorum Dei in hostes, præcipue Aegyptios, & beneficiorum in Israellem collatorum recensio finita, resumit poeta filum orationis, & summariam propositionem *tentationis & rebellionis populi*, vers. 41. factam, uberius deducit, vers. 56—58. *Et tentarunt et obstrigillarunt Deo altissimo, nec statuta ejus observarunt: et dissepti ac prævaricati sunt sicut patres ipsorum, versi sunt instar arcus dolosi, et ad indignationem provocarunt eum excelsis suis, et sculptilibus suis ad zelotypiam.* h. e. Licet Deus olim tot tantaque dederit potentiæ & justitiæ suæ indicia in peccatoribus contumacibus & hostibus populi sui puniendis & prosternendis, tot tantaque suæ bonitatis & favoris in populo liberando, & in Cananæam introducendo, simul vicibus variis ex angustia eripiendo, ut temporibus Judicum; tantum ab est, ut iis signis recte fuerint usi, ad Deo fidendum, eumque colendum, ut voluntaria oblivione ea omnia ex animo deleverint, & identidem a fide & timore Dei

Bbbb

de-

defecerint, & ipsum contumacia & pravaricatione sua ad indignationem & æmulationem provocaverint, Patrum prava exempla imitati. Hac ratione coheret pericopa cum præcedentibus, & hunc fundit sensum, quæ nihil habet difficultatis. Verba quoque alias sunt illustrata. Tantum pot. 1. emphasis verbi *dissepti* sunt, vers. 57. Radix *proprie* est *sepire*, & quidem *spinis* implicatis ad prohibendum accessum; unde originem habet locutio figurata, quæ *disseptus* dicitur, q. *spinis*, a Deo, quando contumacem sese præbet & refractarium Dei contemptorem, qui sese q. *sepimento spinoso* secludit a Dei reverentia, obedientia & communione, nec reverti vult ad Deum. 2. Phrasîs, *aversi sunt sicut arcus dolosus*, indicat, eos non fuisse fideles & constantes, sed sese a Deo & lege avertisse, & hypocritice, ac fraudulenter, egisse, Deum ipsum occulte petentes. Conf. vers. 9. Hof. vii: 16. Ps. cxx: 3. & ibi dicta. *Arcus dolosus*, proprie *ejaculator*, est, qui non recta scopum ferit, sed, se alio vertens, clam & dolose, quem non debebat, ferit. Ceterum licet pericopa proprie & directe pertineat ad Israelitas, tempore Eli Pontificia, ut ex seq. patet, generaliter tamen instituta est, & Israelitas una comprehendit temporibus præcedentium Judicum, ut significetur, eos in Cananæa stabilitos sese tales semper iteratis vicibus præstitisse, usque ad illud tempus, quo Deus nimium & diu irritatus populum severius castigavit, & Ephraimum prærogativa sua privavit: uti seq. pericopa exponit.

§. XLIV. 2. Subjungitur enim mox vindictæ Dei, quam de populo rebelle tandem sumsit, descriptio, vers. 59—64. In qua pericopa, a. summa Dei exacerbatio depingitur, vers. 59. *Audivit Deus & efferbuit, & valde exulceratus est in Israel*, h. e. postquam sese gessisset diu, ac si ipsum hæc perversitas lateret, tandem demonstravit sese adtentum judicem, & summam suam exacerbationem, animumque exulceratum ac vehementer abhorrentem ab Israele patefecit. Priora verba, *audivit efferbuit*, habuimus, vers.

1. de verbo *dux* saepe alibi diximus. Proprie est *exulcerari*, ulceribus & tace diffuere, atque *biare*; hinc ad animum transfertur *exulceratum* &c., a re vehementer abhorrentem. *b.* Signa & effecta exacerbationis Dei memorantur *duo*, *unum* in sede sua relinquenda & prostituenda, *alterum* in populo in manus hostium tradendo, & trucidando. Prius vers. 60, 61. his verbis traditur. *Et abiecit territorium Siluntis; tentorium posuit, ad recumbendum, inter homines; et tradidit captivitati robur suum, et excellentiam suam in manum hostis, h. e. exulcerati & ab Israele abhorrentis armis illustre, sed tremendum, dedit specimen, quod dictorem & regnum Siluntis omni sua cura exsolvit, & promiscui juris fecit ad excidium; insuper secessit habitatum, vel ut tanquam inbecillis, aut somno oppressus, requiesceret, inter gentes hostiles, quarum in potestatem & possessionem tradidit arcam, sedem & signum roboris & excellentiae, seu gloriosae majestatis suae. Viderunt quidem interpretes respici ad tristem casum tempore Eri, quo arca venit in manus Philistinorum, & phrasas, vers. 61. tradidit captivitati robur suum &c: recte exposuerunt de arca, signo potentiae Dei invictae & gloriosae majestatis suae, a Philistaeis capta, & abducta: quae quoque facile se expediri patiuntur; quare nihil addo: sed in versu 60 exponendo minus fuerunt felices, cum reddere soleant, deseruit tabernaculum in Silo, & tentorium deseruit, quod posuit inter homines scilicet Israelitas, & explicant, de arca ex tabernaculo Dei Silunte ablata, & Philistaeis tradita. Quae interpretatio gravibus premitur difficultatibus. 1. Non dicitur, tabernaculum & tentorium suum, sed in genere tabernaculum deseruit, cum mox robur suum captivitati dedisse dicatur. 2. Nec habetur tabernaculum in Silo, sed siluntis; quod de tabernaculo Dei in Silunte intelligi nequit. 3. Tabernaculum suum in Silunte Deus dici nequit abieciisse, cum illud non tantum ibi manserit, sed & locus cultus & religionis Dei esse perseveraverit in posterum, licet alio in loco positum, ut in*

Nob tempore Sauli, & deinceps *Gibeon*, ubi tempore *Salomonis* adhuc fuit. 4. Titulus *Adam* ad *Israel*em referri nequit, cum quod ratio non pateat sufficiens, quare hic eo insigniretur, tum quod *gentium*, a foedere Dei alienarum, solcat esse epitheton, vel vilium, vanorum & servorum *a*. 5. Denique non dicitur in posteriore membro, Deum *deseruisse* tabernaculum, *quod posuit inter homines*, sed simpliciter *tentorium posuisse inter eos*: ellipses, quibus Interpretes suppleant textum, sine ratione hic statuuntur. Ex mea opinione in *priore* membro traditur, Deum territorium *Siluntis* plane & in perpetuum abjecisse; & in *posteriore*, quod jam vidit ex parte *Muyfius*, eum habitatum secesse inter gentes, ut ibi quietum se teneret, & q. sopitus recumberet, populi cura abjecta. Quod ad *prius* adinet, vox *בית*, quæ *domum*, tabernaculum, significare solet, latius pro *ditione*, *dominatione*, etiam *regno*, sumitur, uti demonstravit *Cl. Schultens b*, qui usus & hic locum habet; adeo ut *habitationem* *Siluntis* comprehendat & *Siluntem*, tanquam sedem dominationis & religionis *Israelitarum*, & universam dominationem ibi stabilitam in tribu *Ephraim*; sensusque sit, Deum abjecisse, omni sua cura exsolvisse, & excidio promiscuo exposuisse *Siluntem*, simul dominationis & religionis sedem inde, & a tribu *Ephraim*, ubi erat *Silo*, abstulisse. Quod *vers. 66.* expressius dicitur, & exponitur, *abominatus est tentorium Josephi, nec tribum Ephraimi elegit*. *Siluntis* itaque desolatio, & tribus *Ephraimi* abdicatio, hic repræsentatur, & non simpliciter *arca* ablatio, cui emphasis verbi *בית* quoque unice convenit. Proprie est *solvit*, & adhibetur de re, quæ nodis, quibus constricta est, exsolvitur, unde inter alia ortus est significatus *negligendi, abjiciendi*, omni cura exsolvendi, & rem sibi relinquendi, insuper promiscui juris faciendi ad cædem & lanienam: uti sæpe alibi observavimus. Eventus quoque respondit: Deus enim *Siluntem* plane prærogativa illa una cum tribu *Ephrai-*

mi

• Vid. ad *Mal.* III: 8.b ad *Hab.* I: 6.

mi privavit, quin locum illum desolationi tradidit. Conf. Jer. vii: 12. & xxv: 6. *Alterum membrum, tentorium posuit in Adamo*, seu inter homines, aut gentes, hunc fundit sensum, Deum, territorio Siluntis abjecto, secessisse peregrinatum, seu habitatum ad tempus, inter Philistæos, ut ibi tanquam inbecillis, aut alto somno sopitus, requiesceret, cura populi sui abjecta. Phrasis *tentorium ponere* in genere exprimit alicubi diversari, sicut peregrinantes solent, ut Jes. xiii: 20. hic autem designat, Deum a populo quasi discesse, & inter Philistæos commoratum fuisse, sicut fere tempore *μοσχολατρείας* in deserto *tentorium* fixum est extra castra Israelis, Exod. xxxiii. cujus indicium fuit *arcæ* traditio in manus Philistæorum, uti mox additur, sed præterea insinuat, Deum inter gentes *recubuisse*, & q. sopitus decubuisse; sicut vers. 65. indicatur, ubi *Deus evigilasse* dicitur, *tanquam beros, qui vinum edormiit*, de quo mox. Quod ipsum verbo *יון* involutum est; cum dormienti & defatigato adtribuatur, & *decumbere* dicit. De quo dixi ad Ps. lxxviii: 7. Ad cujus illustrationem additur, vers. 61. *Et dedit robur suum captivitati, & excellentiam suam in manum hostis*, scilicet & *arcam*, roboris & excellentiæ sedem & signum, & insuper quasi ipsum *robur suum*, dum tanquam viribus privatus inter hostes recubuit q. captivus, & vilis. Qua emphasi augeri potest phrasis, *tradere robur suum*.

§. XLV. *Posterius excandescentiæ Dei signum, in clade populi & sacerdotum situm, his verbis, vers. 62—64. exprimitur, quæ proferam & mox illustrabo, ubi opus fuerit. Et tradidit* (q. collari vinctum in publica prostitutione, quod est *יון*, ut modo vidimus,) *gladio* (hostili Philistæorum) *populum suum* (publico & gravi prælio mactandum) & *in hereditatem suam exæstuvavit* (cum in populum suum pecularem vehemente ira esset accensus: eam enim vim hic habet, &,) *juvenes ejus devoravit ignis* (innuptos, robustos, milites absumsit vis ignea belli: quem sensum hic habet *יון* ignis,

ignis, quo bellum, prælium, & inimicitia subinde depingitur, uti notum: ignis etiam faces, fumus, scintillæ, sæpe tribuuntur hominibus, vel animantibus, vehementi motu vel ira concitatis ^a), *nec virgines ejus laudatæ sunt*, (innuptæ puellæ, juvenibus sublatis, quibus erant desponsatæ, nuptæ non sunt, vel ob communem luctum nuptiis solennibus & lætis non sunt decoratæ. Respicitur ad lætos cantus, quibus nuptiæ celebrari solebant, ut recte observatum est. LXX Interpr. habent *יָנִיטְהוּנָא*, unde Vulg. non sunt *lamentatæ*, acsi legissent *יָנִיטְהוּנָא*, ut sensus sit, virgines non luxisse, juvenibus sublatis, sicut mox de *viduis*, habetur, vers. 64. Sed LXX nunquam illud verbum ea ratione transtulerunt, & alia lectio habet, *יָנִיטְהוּנָא*; unde facile conjicitur, veram lectionem esse *יָנִיטְהוּנָא*, uti vertit Symm. & Theod.) *sacerdotes ejus gladio ceciderunt, nec viduæ ejus fleverunt*. (sacerdotibus in prælio occisis, ut de filiis Eli. expresse memoratur, *viduæ* eorum nec solenni luctu eos desseverunt, nec tam eorum causa, quam publicæ calamitatis, in specie *arcæ* ablata, plorarunt; uti exemplum narratur in vidua Pinehas, 1 Sam. iv. 21, 22.). Pertinet itaque tota hæc pericopa ad cladem populi sub Eli per Philistæos; sed quæ simul consideranda est tanquam signum repudiati Ephraimi respectu principatus & sedis religionis. Quod ipsum hic tanquam portentum Israelis suo tempore a Deo exterminandi, ut primum per Assyrios, dein Romanos factum est, hic ob oculos ponitur, & propterea vividioribus depingitur coloribus.

§. XLVI. In *quarta* Pf. parte, quæ hujus defectionis & cladis exitum, & lætiorem catastrophien respectu Judæ, complectitur, vers. 65—72. *κ*. Vindicta occurrit de hostibus, qui Deum Israelis in medio sui reputabant quasi dormientem & vino subactum, sumta, ad eorum plenissimam & perdendam subjugationem, vers. 65, 66. *Et evigilavit, sicut somno sopitus, Dominus, sicut heros se vino subveratum gerens, mox ad alacritatem clamore incitans ex vino. Et percussit hostes suos*

^a Vid. Cl. Hæsius de Leviathan. p. 180.

*suos retrorsum; aeternum opprobrium ipsis dedit. h. e. Dominus, qui se instar dormientis & herois vino obruti gesserat, dum populum suum profligari sivit, & ipse in potestatem Philistæorum per arcam q. redactus est, ibique visus fuerat quiescere; subito sese præstitit heroa vigilantem, & alacrem, ficto illo somno & temulentia excussa; hostesque primum foeda plaga in posterioribus eorum adfecit, dein eos retroegit in perniciem, & statum perpetuæ ignominia. Agitur de Philistæis, qui Israelem profligaverant, & arcam tenebant captivam, sed deinceps sunt a Deo puniti, & penitus subacti, præcipue per Samuelem & Davidem, insignum simul subactionis omnium hostium Dei, quæ sequeretur, & secuta est. Verba continent *evigilationem* Dei e somno & sopore temulento ficto, ac hostium totalem subjugationem, inde ortam. In descriptione *evigilationis* Dei posterius membrum, vers. 65., nostram requirit operam, cum ab Interpretibus minus recte sit expeditum. Trahunt verba aliquid de ambiguo, & duplicem admittunt sensum, hic conjungendum; *alter* est, quo Deus comparatur cum heroa, qui *se tenuit ac si esset vino soporatus*; unde mox se præstitit vigilem, & animatum: quando versus est reddendus & *evigilavit, sicut dormiens, Dominus, sicut heros vino subactum se gerens*, aut *fingens*, sc. *evigilavit*. Cum dixisset poeta, Deum *evigilasse sicut dormientem*, explicationis & illustrationis epitheti *dormientis* ergo subjungit, ipsum se gessisse tanquam vino (forte *medicata* potione, soporifera, alias *חֲמֵץ* *vini tremoris*, seu corpus & mentem quatientis nomine insignita) sepultum, & alto somno obrutum, ut profundum fuisse quidem somnum, attamen non verum, sed fictum, indicaret, ne quis de vero somno, a Deo alieno, cogitaret. Qui sensus ut in lucem prodeat, not., verbum *חֲמֵץ* haberi posse pro Hitpah. radicis, *חֲמֵץ* quæ, apud Arab. superstes, significat *vino superari*, & *succumbere*; in Hitp. vero simulare, se gerere tanquam subactum: quem usum forma illa passim habet. Sensus itaque est,*

Deum

Deum se præbuisse tanquam heroa, vino subactum, & soporatum, & ita dormientem, quatenus se & populum in manus hostium incidere sivit, sed deinceps, ficta hac persona deposita, sese præstitisse verum heroa, vigilem & acrem. Verum *alterum* adhuc sensum ferunt verba posterioris membri, quo vertuntur, sicut *heros se clamore bellico & triumphabundo incitans e vino*, quo videbatur soporatus: *וין proprie stridulum & tinnulum* sonare denotat, inde lætos & jubilos edere sonos, ut in prælio & triumpho; forma hitpah. vim habebit *reciprocam*, dicitque se *incitare* ad *jubilum*, & a vino erit, eo abjecto, & excusso. Videtur poeta studio hoc ambiguum captasse, ut uterque sensus locum inveniret, quod recte potest; ut ex dictis patet.

§. XLVII. Consequens hujus evigilationis his verbis exponitur, vers. 66. *Et percussit hostes suos retro, opprobrium æternum dedit ipsis.* Quæ verba simili laborant ambiguitate in voce *אחור* *post*, *retro*, sita. Phrasis enim *percutere* *אחור* potest denotare, & in posteriore parte, & *retro* agendo in fugam vel perniciem, aut retro actos & in fugam versos. *Priore* ratione digitus intenditur ad plagam pudendam, Philistæis in posteriore parte corporis inflictam per ulcera acria & purulenta; quæ simili voce, una tantum littera mutata, adpellantur *מחורי*, 1 Sam. v & vi., alias *מליח*: sive *marisca*, & *tumores* ani, hæmorrhoidæ, uti erudite exposuit Bochartus *a*, sive in genere *ulcera* urentia, & *constringentia*, intelligantur. Voces enim generales sunt, & *מליח* *tumores* denotat, a radice *לח* *tumere*, *efferre se*; *מחור* primariam habet in *exæstuando* apud Arab. sed de eo hic non est agendi locus. Sed *posteriore* modo, sensu divite, *percutere retro* erit vel retroagendo in fugam aut exitium, uti Ps. xxxv. 4. xl. 15. ix. 4. & alibi, vel retroactos ferire a tergo; ut solent fugaces feriri, cum fortes adverso pectore vulnera accipiant *b*. Quod etiam Philistæis accidisse per Samue-

a H. p. i. l. ii. c. 36.

b Id. Ibid.

Samuelem & Davidem, tempore Sauli & deinceps, notum est ex historia.

§. XLVIII. α. In gloriosa & læta populi conditione, superiorem calamitatem secuta, describenda, quæ alteram pericopæ partem constituit, α. præmittit poeta tribus Ephraimi repudiationem continuatam, vers. 67. *Et exulceratus est in tentorium Josephi, nec tribum Ephraimi elegit.* h. e. animum exacerbatum in tribum Ephraimi, tanquam principatum tenentem in Israele, & religionis sedem in medio sui habentem, eaque ratione *tentorium Josephi* incolentem, non plene deposuit Deus, cum se ad populum vindicandum, & hostes puniendos, adcinxit; sed aliquatenus retinuit, & ejus indicium dedit in eo, quod eam tribum non elegerit, in qua principatum erigeret, & religionis sedem collocaret. Prius membrum respicit ad *territorii Siluntici* abjectionem, supra memoratam, & declarat, Deum in ea rejectione perseverasse; *posterius* vero ejus rei signum continet in eo, quod non *elegerit tribum Ephraim*, scilicet, in qua principatum & religionis sedem denuo collocaret. Hac ratione *versus* membra cohærent, & prius per posterius explicatur. *Tentorium* itaque *Josephi* est domus ejus regnatricis & principalis in populo, sicut *Joseph* fuit, & in *Josua* quoque se ostentavit; *tribus Ephraimi*, filii Josephi, deinceps etiam prærogativam illam retinuit, dum sedem principatus & religionis in medio sui tenuit. Quo sensu *tentorium Davidis* est arx Tſion, & regnum in domo ejus, Jes. xvi: 5. ubi vid. Cl. Vitranga. Additur in *posteriore* membro *tribus Ephraim*, quia *tentorium Josephi* fuit in ea tribu, & non *Menassis* alias etiam filii Josephi.

§. XLIX. β. Memoratur electio tribus Judæ & montis Tſionis, loco Ephraimi & Siluntis, in perpetuam regni & religionis sedem, vers. 68, 69. *Et, vel sed, elegit tribum Judæ, montem Tſionis, quem dilexit, & firmiter religavit, sicut excelsa, sacrarium suum, sicut terram, quam fundavit in perpetuum.* h. e. Ephraimo substituit Judam, & Silunti mon-

Cccc

tem

tem Tſion, ubi ſedes regni & religionis foret, ſed ſimul declaravit, non ad tempus, ut antea in Silo, ſed in perpetuum id futurum, adeo ut Tſion, tanquam ſedes regia & religioſa, ſimilis ſit futura *cælo*, ubi ſacrarium Dei, & *terræ* in perpetuum fundatæ. Duo tantum hic, quæ Interpretibus addam, habeo: *alterum* eſt, verbum *ædificare*, proprie firmiter *religare*, hic ſumi pro *declarare* ædificandum eſſe; quem uſum verba, quæ *fieri*, *eſſe*, vel *agere* quid, ſignificant, frequenter habent *a*. Reſpicitur itaque ad promiſſum, Davidi factum, poſt *arcam* in Tſionem translatam, 2 Sam. vii. Confirmat hunc ſenſum, quod Deus alia ratione dici commode nequeat *ædificaffe Tſionem*, & Pl. ſit ante Templum actu ædificatum compoſitus. *Alterum* obſervatum eſt, vocem *מקדונו* *sacrarium ſuum*, non cum *בנה* *ædificavit*, ſed *ימים* *excelsa* conſtruendam eſſe, ut ſenſus ſit, Deum ædificaffe montem Tſionis, ſicut *excelsa* *sacrarium ſuum*, h. e. cælum ſacrarium Dei. Cohæret enim verbum *בנה* cum præced. *אשר*, ut ſit, *quem dilexit & ædificavit*; nec poteſt cum *sacrario*, quia tum dictum fuiſſet, ædificavit *ibi sacrarium ſuum ſicut excelsa*. Vox *ימים* denotat *cælum*, uti alias *מים*, a ſing. *מים*; uti liquet ex epitheto *sacrarii* Dei, ei addito; habet enim in *cælo sacrarium ſuum*, uti conſtat. Quo ipſo indicatur, Tſionem fore ſedem Dei, inſtar *sacrarii* cœleſtis, & firmam inſtar *terræ*, quam Deus fundavit in perpetuum.

§. L. γ. Subjungitur denique electio Davidis in regem ſuper toto populo, ejusque elogium, in quo finitur Pſalmus, verſ. 70—72. *a*. Electio Davidis, divinitus facta, his verbis proponitur, verſ. 70, 71. *Et elegit Davidem ſervum ſuum, eumque a caulis ovium ſumſit, a poſt lactantes abduxit ipſum ad paſcendum Jacobum populum ſuum, & Iſraelem hæreditatem ſuam*. h. e. Elegit ſibi Davidem in *ſervum*, ut ſit miniſter ſuus honorarius, Dei vicem in terra gerens; eumque, longe alio occupatum opere, vilem, & nihil tale cogi-

a Glaſſ. Gr. S. l. iii. tr. iii. can. 15.

cogitantem, ex puro beneplacito de pastore ovium fecit regem populi sui. Quæ omnia satis plana sunt. Duo tantum nobis relicta sunt notanda; *unum*, Davidem hic non appellari *servum* Dei, antequam electus est, sed post: ut sensus sit, eum fuisse electum in *servum* Dei, seu ministrum honorarium, vices Dei gerentem: quam emphasin titulus iste omnino habet. Conf. ad Ps. XVIII: 1. *Alterum* est, verbo *adducere*, vel *venire facere*, comprehendi omnia fata, omnes vias, quibus David in possessionem regni immisus est; quæ hic reticentur, aliunde facile supplenda: inceperunt autem ea omnia mox post primam unctionem ejus per Samuelem, quæ facta est, cum David a pascendo grege venisset domum. 1 Sam. xvi: 11.

§. LI. b. Elogium Davidis, tanquam regis, in regno administrando, ita habet, vers. 72. *Et pavit eos pro integritate animi sui, & manuum suarum prudentissima directione eos ducet.* h. e. sicut huusque integre & sincere, summaque cum prudentia, gubernavit populum, ita spes est certissima, eum in posterum eodem modo esse instituturum. Verba, elegantiae causa, ut sæpe fit, divisa, secum hac ratione conjungenda sunt, pavit & duxit eos pro integritate cordis & cum manuum prudente directione; simul ita agere perget. Prius verbum פָּוִה est loco præteriti, sed posterius וַיְדֻשׁ in fut., ut ad præteritum & futurum extenderetur hoc elogium; *pascere & ducere*, omnia veri regis, tanquam pastoris, officia comprehendunt; *sinceritas* vero cordis ad bonam intentionem, & *intelligentia manuum* ad actionum prudentem directionem pertinet: ut facile intelligitur. Quare plura non addo. De sensu ænigmatico & typico non opus est, ut moneam, cum ex supra dictis de eo constet, & ab Interpretibus illud satis sit expositum.



P S A L M. L X X I X.

1. *Psalmus Asaphi. o Deus! gentes in haereditatem tuam irruerunt, palatium sanctitatis tuae polluerunt, Hierosolymam posuerunt in acervos rudenum.*
2. *Tradiderunt cadavera servorum tuorum escam volucribus celi, carnem piorum tuorum feris terrae.*
3. *Circa Hierosolymam effuderunt sanguinem eorum instar aquae, nec est, qui sepeliat.*
4. *Fuimus, vel facti sumus, obtestatio vicinis nostris, vibratio nasi ac labiorum, & sputamentum iis, qui circa nos sunt.*
5. *Quousque, Jehova, irasceres? in purum putum? ardebit sicut ignis zelotypia tua?*
6. *Effunde excandescentiam tuam in gentes, quæ Te non agnoscunt, & super regna, quæ de nomine tuo non sunt adpellata.*
7. *Quia comederunt Jacobum, & habitaculum ejus desolaverunt.*
8. *Ne recorderis nobis perversitatum anteriorum; cito advertant nos tenerrimi tui adfectus, quia adtenuati sumus valde.*
9. *Auxilium nobis præbe, Deus salutis nostræ, propter causam gloriæ nominis tui, & eripe nos, & oblitera peccata nostra propter nomen tuum.*
10. *Quare dicent Gentes, ubi est Deus ipsorum? innotescat inter*

ter gentes, seu tumidos vastatores, coram oculis nostris; ultione sanguinis servorum tuorum effusi.

11. *Intret in conspectum tuum singultus vincti; pro brachii tui firmo robore nerva filios occisionis.*
12. *Et redde vicinis nostris septupliciter in sinum ipsorum probrum ipsorum, quo Te probrose lacerarunt, Domine!*
13. *Et, vel tunc, nos, populus tuus, & oves pascui tui, confitebimur Tibi in seculum, enarrabimus laudem tuam in generationem & generationem.*

PROLEGOMENA.

§. I.

Argumentum Ps. est *partim* querula summæ calamitatis & oppressionis populi Israelis a truculentis Dei, & populi ac religionis ejus, hostibus, narratio, ab ipso populo coram Deo facta cum humili & pia quadam expostulatione cum Deo super ira ejus nimium exuberante, quæ non in populum ejus, sed hostes erat effundenda, *partim* ardens precatio, ut Deus citam hostibus vindictam, & afflicti liberationem præbeat, variis rationibus moventibus munita, petitis a Dei virtutibus & relationibus ad populum suum, hostium insolente & blasphema infectione, gravitate afflictionis ac periculi, denique proposito populi liberati Deum publice & in perpetuum laudandi.

§. II. Quod argumentum ut in clariore luce collocetur, sequentia sunt notanda criteria & loquentium, & calamitatis eorum, & hostium ejus autorum 1. *Loquentes* sunt Israelitæ non tantum, sed Dei & legis simul studiosi, non quidem a peccatis, in medio sui commissis, quæ vindictam

Divinam merebantur, immunes, attamen ab iis abhorrentes, & cultui Dei, veræque religioni, adhærentes, & propterea quoque vexati ac illusi ab hostibus. Querela super templo profanato, & Hierosolyma vastata, titulus servorum Dei, & piorum seu Chafidæorum ejus, epitheton populi & gregis Dei, propositum Dei celebrandi in perpetuum, hæc & similia, in Pf. obvia, loquentium characterem, quem memoravi, extra dubium collocant. 2. *Oppressionis* populi sequentes sese offerunt lineæ. Templum memoratur profanatum, Hierosolyma desolata, pii magna copia cæsi & mactati, in primis circa Hierosolymam, alii incarcerati, & in periculo pænæ capitalis versantes; populus ad exiguum numerum redactus, & vilis ac despectus redditus, ut palam etiam fuerit a vicinis delusus ac irrisus, respectu religionis. Nulla tamen exilii facta mentio est, contra, in ipsa terra Cananæa, & in circuitu Hierosolymæ, repræsentatur oppressus. 3. *Autores* denique oppressionis adpellantur *gentes*, & in vicinia, ac *circuitu* Israelis habitantes, simul describuntur tanquam truculenti & capitales populi Dei hostes, qui ipsum Jehovah, Deum Israelis, & religionem ejus, internecino odio prosequerantur, ei insultabant, & totalem exstirpationem ejus intendebant. Quæ omnia criteria, cum ex sola Pf. lectione sese sponte sua lectori offerant, digito monstrasse suffecerit.

§. III. Ad hæc qui attenderit criteria, de scena temporis, non in calamitate Babylonica aut Romana, sed Epiphanica figenda, dubitare vix poterit. Quod multi Interpretes recte viderunt, Cl. Tillius egregie in historia ejus afflictionis conferenda demonstravit. Digito tantum exstantiora attingam criteria afflictionis Epiphanicæ, hic obvia. 1. Populus hic sistitur Deo & religioni ejus firmiter & studiose adhærescens, cum in aliis illis afflictionibus repræsentetur & fuerit vel idololatricus, vel corruptissimus. Memorant quidem peccata, sed *antiora*, & deplorant, seseque ab iis declarant alienos. 2. Indicant, se sine ulla specie justitiæ ab
hosti-

hostibus opprimi, & propterea tantum, quod populus Dei sint, adeoque religionis causa, cum quod fervorum Dei & piorum sanguis ab iis legatur effusus, tum quod Templum profanatum, tum quod Deo ipsi sit illud. Quod unice in Epiphanica tempora convenit. 3. *Templum* tantum conqueruntur fuisse *contaminatum*, non destructum; addunt quidem Hierosolymam in *acervos lapidum* redactam, sed, præterquam quod censerî queant, ut solent miseri, exaggerasse desolationem urbis, verba restricte capi possunt de domorum & murorum destructione, & urbe ab incolis deserta, eaque ratione in solitudinem versa; quod historia docet factum esse, nec non *relate* intelligi ad scopum & propositum hostium, sicut & seq. vers. 2, 3. accipi debent; de quo postea. 4. Nulla fit mentio exilii, nec in descriptione calamitatis, nec in precibus pro liberatione; quæ negligi non potuisset, si ad aliam afflictionem respexissent. Contra, sanguinem circa Hierosolymam tantum memorant effusum, &, se in ipsa sua terra opprimi, ubique significant; & a *vicinis* populis in circuitu illudi. 5. Denique, quum *vinctorum* solutionem, & *filiorum mortis* liberationem in specie supplicant, statum suum depingunt post templum profanatum, urbem desolatam, & multiplicem eadem civium, periculi mortis, & pænæ capitalis, plenum; in quo tempore Antiochi fuerunt, non in exilio Babylonico, aut Romano. Conf. Ps. XLIV: 23. & ibi dicta. 6. Accedit ad hæc argumenta Ps. applicatio ad Epiphan. afflictionem jam eo tempore facta. 1 Macc. VII: 16.

§. IV. Hac admissa hypothesi, insuper quærendum est, in quod præcise tempus hujus afflictionis Ps. quadret. Dubium mihi non est, quin in primo triennio calamitatis, ante recuperatam Hierosolymam a Juda Maccabæo, scena fingenda sit; licet aliqua mala, hic memorata, postea repetita sint; ut quod vers. 2, 3, & 11. habetur, quodque ad seq. fata tempore Alcimi applicatur, 1 Macc. VII. Rationes sunt 1. Quod Templum adhuc jacuerit profanatum, & urbs desolata,

desolata, vers. 1. 2. Gentes & vicini populi impune adhuc in eos dictis contumeliosis grassarentur, & nullum adhuc indicium extaret, quo refutari posset dictum, *ubi est Deus ipsorum?* 3. Populus adhuc promiscuæ cædi esset obnoxius, nec esset vindex, qui causam *vinctorum* ac *filiorum mortis* ageret. 4. Denique quod pauci, tenues & viles, adhuc essent, ac imbecilles vers. 8. antequam itaque Juda aliquos fecisset progressus.

§. V. Reliqua, quæ in prolegomenis tractari solent, ut de *tempore*, *occasione*, *scopo* & *usu* Pf., cum ad Pf. LXXIV. jam exposita sint, & inde repeti possint, duo enim hi Pf. secum hac parte conveniunt, de *structura*, & *analyfi*, hic tantum agendum restat. *Structura* nihil habet singulare, aut impediti. Constat ex continuo ipsius populi adflicti adloquio ad Deum vindicem & patronum suum, partim narratorio & expositulatorio, partim precatorio; ut mox dicam. Stylus est planus, sed valde adfectuosus. *Partes* Pf. tres sunt. *Prima* continet querulam narrationem status adflicti Deo factam cum aliqua expositulatione super iræ Dei vehementia in populum, vers. 1—7. *Secunda* tres precum articulos, una cum rationibus moventibus, pro memoria anteriorum peccatorum deponenda, ac miseratione populi renovanda, deinde liberatione populi peccatis remissis, denique vindicta ab hostibus sumenda, vers. 8—12. *Tertia* exhibet propositum Dei in perpetuum laudandi, cum in libertatem fuerit populus adsertus, vers. 13.

E X P L I C A T I O.

§. VI. Cum de hypothese Pf. exponendi ex supra dictis facile constet, ubi *scenam* temporis definivi, a qua nulla est discedendi ratio, mox ad *explicationem* pergo. In *prima* parte Pf., quæ status adflicti narrationem expositulatoriam, ut dixi, & mox patebit clarius, continet, vers. 1—7. 1. narratio occurrit vers. 1—4. 2. expositulatio

latio cum Deo, vers. 5—7. *. *Narrationis partes duæ sunt, quarum una destructionem populi multiplicem exhibet vers. 1—3. altera ejus afflictionis consequens, in populorum vicinorum contumeliosa insultatione situm, vers. 4.*

a. *Destructionis narratio his verbis fit a populo adfecto, sermone ad Deum verso, vers. 1—3. o Deus! gentes irruerunt in hereditatem tuam, polluerunt palatium sanctitatis tuæ, posuerunt Hierosolymam in acervos rudium. Tradiderunt cadavera servorum tuorum escam volucribus celi, carnes piorum tuorum feris terræ. Circa Hierosolymam effuderunt sanguinem eorum instar aquæ, nec est qui sepeliat.* Quibus verbis a. hostilem gentium invasionem in Cananæam & incolæ ejus memorant, & b. ejus horrenda effecta.

a. *Prius in principio vers. 1. supervenerunt gentes in hereditatem tuam.* h. e. gentiles populi, a fœdere tuo alieni, subito & improvise irruerunt, & occuparunt, terram & gentem Israeliticam, quam gentibus ereptam tibi adseruisti olim, & semper tenuisti, in peculium & possessionem propriam, ac perpetuam. Emphatica est oratio, cujus singulæ verba sunt ponderosa, ad rei indignitatem exprimendam aptissima. *Gentes* adpellantur populi hostiles a Deo alieni, quibus nullum jus erat in Israelem; simul profani & truces, ac operatores iniquitatis, eo titulo insigniti Ps. LIX: 6. & nomine eo digni, quod ab omni vero, justo & æquo, longissime aberrarint, & vagam ac confusam habeant vivendi rationem, cupiditatibus unice obsequentes, non rectæ rationi & legi. Quæ vis est vocis *u*, a radice; quæ Arab. *supere*st, & *errandi* habet potestatem. Verbum *me* peculiari sensu adfert, cum *supervenire*, hostiliter irruere & improvise, tum intrare, opposite ad foras; adeoque exprimit & hostilem ac inexpectatam invasionem, & occupationem ac subactionem. Quod alias sæpe observavi. Denique *hereditas Dei* est & *terra* & *natio* Israelitica, utraque a Deo vindicata, & in possessionem propriam ac perpetuam adserta; adeoque quæ Deo curæ cordique sit. Hanc a gentibus

bus invadi & possideri, Deo enarrant, ut significant, Deo illud non esse ferendum, nec cum Dei virtutibus ac promissis conciliari posse, adeoque per modum admirationis, indignationis & expostulationis; quæ clarius dein exprimitur, vers. 5. ut ibi videbimus.

§. VII. *b.* Terribilia effecta invasionis ac occupationis recensentur sequentia. 1. *Primum* est Templi profanatio, his verbis: *polluerunt palatium sanctitatis tue.* h. e. terra & gente tua invasa & occupata, ipsam sublimem, & magnificæ structuræ, ædem, quam vim habet הֵיכָל, Templum totum, nomini tuo dicatum, sanctitatis & majestatis tuæ sedem, a nemine, nisi sancto aliquo tuo ministro, intrandam, multipliciter & graviter *polluerunt*; cultum, ibi exercendum, non tantum inhibendo, nec intrando simpliciter, sed & ornamentis & instrumentis spoliando, ac scelerata facinora in ea patrando per idololatriam, ibi stabilitam & exercitam, blasphemiam, & sanguinis effusionem. Voces rursus sunt selectæ, ad rem indignissimam significandam, & amplificandam; quo epitheton *palatii sanctitatis Dei* clare tendit: ut facile intelligitur. Addunt alii *everfionem* templi animo prorsus profano; sed ejus nullum est in textu indicium. Conf. de re ipsa Dan. xi: 31. & ibi dicta. Nomen *palatii sanctitatis Dei* nihil habet, quod nos moretur.

§. VIII. 2. *Secundum* est Hierosolymæ desolatio, ex parte effecta, & plene secundum intentionem facienda, vers. 1. his verbis: *posuerunt Hierosolymam in acervos rudierum.* *Hierosolymam* cum adpellant, mente intelligi volunt illud omne, quod huic urbi proprium est, eamque celebrem reddit; adeoque *Hierosolymam*, metropolin regni & religionis, urbem a Deo electam, in qua *forum* habet Deus Jes. xxxi: 9. sæpius tutatam cum hostium internecione, vi nominis pacis & prosperitatis habitaculum: hanc talem tantamque urbem, sanctam simul & inviolabilem, *posuerunt* hostes, gentiles illi & impuri, dicunt queruli & admirabundi, *in acervos rudierum*, h. e. desolarunt, & destruxerunt,

sunt, ut nil, nisi *acerui ruderum*, supersit. Radix *ny*, eadem ac *ny*, proprie est, *intorsit*, unde *y intorsio*, & inde *acerui ruderum*, quod ibi omnia distorta, implicata & confusa sint. Phrasis itaque plenariam destructionem comprehendit, ut Jer. xxvi: 18. Mich. i: 6. III: 12.: sed hoc loco *partialem* tantum, actu factam, attamen in totalem exituram: adeo ut *posuerunt* sit ponere cœperunt, muros & domos diruendo, quemadmodum verba *completiva* aliq. sunt *inchoative* intelligenda *a*, præterea *posuerunt* de intentione, & conatu, ponendi in acervos fumi potest *b*. Quod ipsum Syro-macedonibus in animo fuisse vidimus ad Ps. LXXIV: 3. &c.

§. IX. 3. Tertium est piorum promiscua laniena & cædes magna Hierosolymis, & in circuitu, vers. 2, 3. *Tradiderunt cadavera servorum tuorum escam volucribus coeli, carnem piorum tuorum feris terræ: effuderunt sanguinem eorum instar aquæ circa Hierosolymam, nec est, qui sepeliat.* h. e. Sævierunt terribili cæde, præcipue in legis & religionis studiosos, & insepultos projecerunt, ab avibus rapacibus aut feris discerpandos, sepultura vetita, nec parva, sed magna copia pecarunt, sive in prælio, sive supplicio capitali, nec in locis remotioribus tantum Cananææ, sed circa ipsam Hierosolymam. Nihil hic impediti, nihil non testatissimi ex historia Maccabaica: uti notum, & a Tillio satis illustratum est. Versus ita cohærent, ut posterior sit prioris illustratio & amplificatio. *Servi & pii Dei*, proprie *Chasidæi*, expresse memorantur ad rei indignitatem augendam, & indicandum, lanienam illam feriisse præcipue legis studiosos, *Chasidæos* in historia adpellatos, & religionis causa esse institutam. Ceterum cum dicitur, eos *avibus & feris* tradidisse servos Dei, nec fuisse qui eos sepeliat, illud quoque restrictè capiendum est de nonnullis, & relate ad hostium intentionem & molimina, conf. 2 Macc. ix: 15. nec non

Dddd 2

ad

a Vid. Glass. Gr. S. 1. III. tr. III. can. 3. can. 8.

b Id. ib.

ad publicam & honestam sepulturam, cujus respectu verum erat, *non esse, qui sepeliat*. Nihil in phrasibus est obscuri. Littera י in מתי non est adfixum, sed paragogicum, & per emphaticum pleonasmum adjuncta: ut alibi sit, Deut. xxxiii: 17. Gen. 1: 24. Num. xxiv: 3. Job. xxix: 3. & alibi a. Alias legi posset, ימתי מתי, ut Jes. xliii: 20.

§. X. β. Subjungitur, ad majorem afflictionis indignitatem demonstrandam, ejus consequens, summam populi Dei & religionis ignominiam, inde inter vicinos populos ortam, comprehendens, vers. 4. *Fuimus, seu facti sumus, obtrectatio vicinis nostris, vibratio nasi ac labiorum, & sputamentum iis, qui circa nos sunt*. Quæ verba jam habuimus Ps. xlv: 14., & ibi illustravimus, adque afflictionem Epi-phanicam applicuimus; adeo ut hic nihil observandum restet. Tendunt vero verba, ut facile adparet, ad afflictionem adgravandam, simul Deo q. ob oculos ponendum, rem non esse Deo, salvis virtutibus & relationibus ejus ad populum, ferendam; cum illa contumelia in ipsam Deum redundet, imo Deus ipse ab improbis hostibus petatur, ut diserte vers. 12. habetur.

§. XI. γ. Sequitur expositulatio, antea tacite insinuata, ut exposui, nunc aperte prolata, vers. 5—7. *Quousque Jehova trasceris? in purum putum? ardebit sicut ignis: zelotypia tua? Effunde excandescitiam tuam in gentes, quæ te non agnoscunt, & super regna, quæ de nomine tuo non sunt adpelata; quia comederunt Jacobum, & habitaculum ejus desolaverunt*. h. e. In tali cum simus nos, populus tuus, statu, quem querula narratione tibi exposuimus, tuamque iram, in nos accensam, sentiamus; vix a nobis impetrare possumus, quin admirabundi, & cum aliqua expositulatione, te rogemus, quousque iram tuam sis erga nos retenturus? an in purum putum & perpetuum, usque ad totale nostrum excidium? an zelus tuus, quo gloriam tuam vindicas, & defectionem nostram a te, legitimo nostro Domino, & marito, punis, *instar,*

a Vid. Dieu ad Esth. vii: 5.

instar ignis, qui non exstinguitur, *ardebit in nos*? quam illud a te, tuisque ad nos relationibus, est alienum! & nobis stuporem incutit! utique longe decentius & convenientius foret, ut ea ratione ageres cum gentibus aut regnis, quæ tui notitiam non habent, nec te colunt, nec tuus sunt populus, de nomine tuo non denominantur; nostramque in gratiam iram tuam in purum putum in eas gentes effunderes, quia Jacobum, gregem tuum, devorant, & caulam ejus, seu habitaculum commodum, vastarunt, terra ejus & metropoli desolata. Tantum itaque absit, ut nobiscum ita agas, ut propter nos gentes, nos adeo opprimentes, ita tractare debeas. Pericopa continet interrogationem, & responsionem, *illam* vers. 5., *hanc* vers. 6, 7. Rogant *quousque*, ad quem terminum usque, Deus irasci velit? an in purum putum & perpetuum? an *instar ignis* inextinguibilis zelotypia ejus sit arsurus? sic enim capienda sunt verba per continuam interrogationem; quæ primum *generalis* est, dein *specialis*; generalis, *quo usque*? specialis, an in purum putum & perpetuum, an *instar ignis*, qui non exstinguitur? qua ratione rectius fuit oratio: nec recte dicitur, *quousque in perpetuum*? Conf. dicta ad Ps. LXXIV: 1. Tantum hic not. emphasis phrasios *instar ignis*, in ultimo membro, quæ indicat, excandescentiam Dei in populum arsuram esse ad totale excidium usque; ut, *instar ignis*, sit, qui *non exstinguitur*, donec materia superfit combustibilis; uti Jer. IV: 4. & VII: 20. Qua emphasi donata phrasi, recte per interrogationem capiuntur verba, *an ardebit instar ignis æmulatio tua*? proprie flammans tua facies, signum indignabundæ zelotypiæ, quam emphasin habet vox *אֵפֶר*, quæ orationem reddit elegantiores; radix enim proprie est, *intensissime rubet*, flammato veluti colore faciei, unde ad æmulationem & zelotypiam facilis est transitus, cum adfectus & colore, quem inducunt vultui, soleant denominari. Est autem *zelotypia*, Deo humanitus tributa, ardens Dei studium vindicandæ læsæ majestatis & gloriæ, in primis in populo

fœderato, Deo, instar uxoris, obstricto. Indicant itaque, iram Dei in se esse accensam, & afflictionem suam habere quoque conspectum vindictæ Dei, a foedifragis in populo desumptæ; quare & mox *peccatorum remissionem* orant, & tempus Ephiphanicæ afflictionis etiam tempus *iræ* Dei appellatur in verbo Prophetico *Jes. xxvi: 20. Liv: 8. Dan. viii: 19. xi: 36. &c. & historia, 1 Macc. ii: 40. 2 Macc. vii: 36.* Sed interrogatione insinuant, Deum non decere, totum populum ad internecionem delere; quia tot in eo supersint *prii*, castigandi quidem & purgandi, ut est *Dan. xi: 35.* sed non delendi.

§. XII. In responsione, quam ipsi interrogationi subjungunt, quem conspectum habent verba *vers. 6. 7.*, præsupponunt, quod per ipsam interrogationem erat insinuatum, Deum non posse, salvis virtutibus & relationibus suis, in purum putum irasci; ut *Pf. xlii: 24.* habetur, sed hic expressius illud proferunt, ac latius extendunt, cum quasi a Deo postulent, ut iram in gentes effundat, & eam etiam ob causam, quod adeo in populum Dei sævierint: acsi dicerent, tune in nos, populum tuum, ad extremum usque iram effunderes? absit; indignum hoc est; potius ita cum gentibus, *non populo*, agas, & vindictam sumas ab iis, quod nos ita tractent. Verba ipsa moram non injicient, cum ea habuimus *Jer. x: 25.* Tantum not. *כאן* hic in sing. occurrere, cum *Jer. x.* in plur. *כאן* habeatur, sive & hic ita sit legendum, sicut *Vet. versiones*, & duo codices, teste *Houbiganto*, habent, sive distributive sumendum pro *unoquoque* eorum, sive potius ad principalem autorem, hostem ferinum, Antiochum Epiphanem q. digito monstrandum; uti *Pf. vii: 3.* ea ratione *Saulus* designatur. Ceterum, cum gentes hic declarant *devorasse Jacobum, & habitaculum ejus desolasse*, eodem sensu capi debent, quo *vers. i.* exposui, partim de partiali desolatione jam peracta, partim de totali ab ipsis intenta & peragenda, nisi Deus interveniat. Quod hic eo majore jure admittitur, quia *Jeremias*

miæ verba simpliciter repetunt, quibus is Chaldæis, qui habitaculum Jacobi plene destruxerunt, inprecatus est, Jer. x. quæque effectum habuerunt. Adplicant autem ea ad novos Assyrios, & Chaldæos, suamque ab iis afflictionem, licet paulo diversam, similem tamen, adeo ut sibi adplicare potuerint. Ex quo observato precatio hæc majorem acquirit emphasin, & efficaciam ad Deum permovendum; cum effectum habuerint verba Jeremiæ in Chaldæis, quem & nunc habitura esse confidunt: ac si dicerent: verba Jeremiæ, quæ exaudivisti, nostra facimus, & nunc quoque exaudienda a te esse exspectamus; dixit Jeremias, *effunde iram tuam* &c. dicimus & nos ad ejus exemplum, quia in nos etiam aliqua ratione quadrant. Impleta sunt ejus verba in Chaldæis; fas est, ut & nunc implementum in novis Assyriis, hostibus nostris, consequantur. Quæ si admittatur hypothesis, Ps. oportet sit post tempus Jeremiæ factus, sive tempore exilii Babylonici, sive post illud, tempore prophetarum Zachariæ & Malachiæ, aut deinceps. Quod mihi non sit improbabile, & ex hac ipsa verborum Jeremiæ citatione robur acquirit; cum negari nequeat, ea hic repeti.

§. XIII. *Directa precatio, rationibus suis munita, per tres instituitur articulos, vers. 8—12. Primus est, quo orant, ut Deus, memoria anteriorum peccatorum missa facta, quantocyus tenerrimum suum adfectum iis occurrere faciat, ratione ducta a statu suo adeo adtenuato, ut brevi secum actum futurum sit, vers. 8. ne recorderis nobis perversitatum anteriorum, cito antevertant nos tenerrimi tui adfectus, quia adtenuati sumus valde.* h. e. Priorum temporum, & Patrum, perversitates ne impediant, quominus tenerrimi tui adfectus, & commiserationes, nobis præsto sint ad auxiliandum & benefaciendum; sint itaque quantocyus, quia res ad summum venit; nos ita pauci, debiles & exhausti, sumus, ut brevi in nihilum recidere debeamus. *Deprecantur memoriam peccatorum anteriorum, & precantur misericordia*

rationum Dei citissimam demonstrationem, ratione a præsente statu tenui & misero petita. *Peccata anteriora* sunt, quæ non a se, sed a patribus per omnia tempora, etiam antiquiora, commissa erant, nam sua mox ab iis distinguunt vers. 9., ut recte advertit Coccejus. Harum memoriam deprecantur *sibi renovari*; scilicet in reatum & poenam suam. Qui sensus est phrasios, ne recorderis nobis peccatorum *anteriorum*, non confundendæ cum alia, *peccatorum nostrorum*; licet plures ita capiant. *Nobis* ne recorderis est in nostrum reatum & poenam; & *peccata anteriora* sunt, ut dixi, antiquitus commissa. Indicant, Deum per tot scelera populi, antea & continuo commissa, tandem videri posse permotum ad populum delendum, quemadmodum Deus minatus est, Jes. LXV: 7. & alibi. Hoc itaque ne fiat precantur, ac Deus per illa peccata ab auxilio sibi præstando abstrahatur. *Orant* contra, ut *tenerrimi Dei adfæctus*, seu miserationes, *antevertant* se, scilicet instar protectoris & benefactoris, adeoque sibi contingant, præsto sint, & auxilium præbeant, contra hostes, & ita præeundo in hostes irruant. Quæ omnia verbo *יְיָ* sunt comprehensa. Conf. ad Ps. XXI: 4. & LIX: 11. Petunt denique, ut illud cito fiat, ratione ducta a tenuitate sua, quia *ad tenuati sumus*, h. e. pauci, viles, debiles, & exhausti. Radix *יָדָה* proprie est, *tendere & tendi*, unde per tensionem adtenuari, gracilem fieri, seu viribus seu opibus deficere, etiam corpore & mente adtenuari &c. quæ cuncta huc recte quadrant.

§. XIV. *Secundus* articulus est, quo supplicant, ut Deus, *iræ in misericordiam versa* signo præbito, sese populo adflicto adiutorem præstet, & eum hostibus ac malis eripiat, peccataque, quæ iram Dei provocaverant, condonet, idque omne propter gloriâ nominis sui, vers. 9. *Auxilium nobis præbe, Deus salutis nostræ, propter causam gloriæ nominis tui, & eripe nos, & oblitera peccata nostra propter nomen tuum.* h. e. non nostri causa, sumus enim indigni & peccatores, qui iram tuam propter peccata in
me.

medio nostri commissa provocavimus, sed quia tu Deus noster es, & nos de nomine tuo adpellamur, ne nominis tui gloria inter gentes obscuratur, & ut tu potentissimum & supremum numen innotescas, ac celebreris, præsta te nostrum patronum in bello cum gentibus, & nos eorum manibus eripe, ac in liberum & prosperum statum adfere, peccata vero nostra, quæ obstant, gratia tua, accepto lytro, obtege, & dele. Quæ paraphrasis cum sensum clare expresserit, nec verba aliquid habeant, quod nostra indiget opera, plura non addam.

§. XV. *Tertius* articulus est, quo petunt, ut Deus gentibus, populo Dei & ipsi Deo iridentibus, & signum majestatis ac potentiae Dei illusorie postulantibus, in eo situm, ut se vindicem fervorum occisorum demonstret, os obstruat, & sarcasticis eorum dictis finem imponat, audiendo clamores victorum, & filios mortis nervando, simul iri-fores illos graviter puniendo, vers. 10—12. In qua pericopa, *α.* contumeliosa gentium dicta in Deum & populum ejus exhibent, nec ferenda amplius esse significant, vers. 10. *β.* petunt, ut Deus sese talem præstet, qualem illusorie volebant gentes, victos, & sub ictu mortis positos, liberando, ac irrisoribus vices rependendo, vers. 11, 12. *α.* Verba gentium contumeliosa & irrisoria in Deum, & populum ejus, his verbis repræsentant, vers. 10. *Quare dicent gentes, ubi est Deus ipsorum? innotescat inter gentes*, seu tumidos vas-tatores, *coram oculis nostris, ultione sanguinis fervorum tuo-rum effusi.* h. e. nimis injuriosum & insolens est, quam ut ferri a te amplius possit, gentes nobis palam insultare, dicentes, *ubi est Deus ipsorum?* potentissimum illud numen, in quo præ aliis gloriantur, tanquam solo vero Deo; quam vana hæc est fides & spes eorum! cum nihil minus sit, quam talis Deus; quod si sit, ostendat nunc sese talem inter gentes illas tumidas, populum ejus adeo opprimentes, ita ut in oculos nostros incurrat, innotescat coram nobis talis per vindictam sanguinis fervorum suorum. Quod cum

non fiat; nihil esse eorum numen, manifestum est. Interpretes verba, *innotescat inter gentes* &c. pro verbis populi Israelis habent, quibus, ansa ex calumpnia & irrisione gentium sumpta, orarent Deum, ut inter gentes coram suis oculis innotescat ultione sanguinis fervorum suorum. Sed hoc si voluissent loquentes, dixissent, non *innotescat*, sed *innotescas*, cum Deum adloquantur; nec, quod alii volunt, construipoteest verbum *יָרִי* cum *נָפִי*, ut sit, *innotescat ultio*, cum genere differant verbum & nomen; præterea emphasi quoque tunc careret phrasis *ante oculos nostros*; cum ipsi illi sint, quorum causa foret a Deo agenda; suffecisset, *innotescat inter gentes vindicta sanguinis* &c. Rectius longe fluit oratio, si verba gentium irridentium habeantur; quibus sarcasticam suam interrogationem, *ubi est Deus ipsorum?* adstruunt; *innotescat*, si talis sit Deus ipsorum, *inter gentes coram nobis ultione sanguinis fervorum tuorum effusi*: quemadmodum Jes. v. 19. irrisores populi ipsius dicunt: *accele- ret, prope adducat opus suum, ut videamus, & adpropinquet ac veniat consilium sancti Israelis & cognoscamus*: nec obstat, quod *fervorum tuorum*, & non *ipsius* dicatur; ut videri posset deberi, si gentes irridentes loquantur: præterquam enim quod poeta in oratione ad Deum verba, persona mutata, ita flectere potuerit, loco *fervorum ejus* dicens *tuorum*, notari velim hæc verba potius habenda esse pro verbis populi Dei, quæ explicationis gratia sunt addita, ad sensum verborum, *innotescat inter gentes coram oculis nostris*, definiendum, ac si haberetur; *quare dicent gentes, ubi est Deus ipsorum? innotescat inter gentes ante oculos nostros*; scilicet, subjungit populus loquens, indicatum volunt hoc verbo *innotescat*, ut illud fiat, o Deus! *ultione sanguinis fervorum tuorum effusi*.

§. XVI. Hac jacta hypothesi, verba uno alterove illustramus observato. 1. Verbum *יָרִי* *innotescat* construendum est cum Deo, tanquam subjecto, & voce *נָפִי* *ultione* tanquam modo, quo Deus innotesceret, adeoque per el-

ipsin

lipſin uſitatiffimam præp. 1 in נָפַח; quod recte vidit Janius, male à Piscatore caſtigatus, acſi ineptus tunc fieret ſermo: *Deus innotefcat ultione ſervorum tuorum*, quod ex ſupra dictis facile refutatur. 2. Verbum *innotefcere*, Deo attributum, & ad ultionem ſanguinis relatum, ſignificat manifeſtationem Dei, tanquam *vindicis* cædis ſervorum ſuorum juſti ac potentis: ut ſenſus ſit, ſi verus Deus eſt, & Iſraelejus populus, *innotefcat* talis per vindictam ab hoſtibus, qui ſervos ejus necarunt, ſumtam. Pertinet enim manifeſte ad dictum, *ubi eſt Deus ipſorum?* ſi ſit talis, *innotefcat* ultione &c. illuſtri dato hac ratione ſuæ juſtitiae & potentiae ſpecimine. Addunt gentes irridentes, quod 3. notandum, *coram oculis noſtris*, ut ſignificent, ſe publicum & clarum, in oculos occurrens, velle ſpecimen, quod manifeſtum itaque eſt, & publicum, famamque quaquaverſum ſpargit. Quam poteſtatem ſubinde involvit verbum נָפַח, pro *evulgari* ſumtum, & q. ſub præcone prædicari: uti ad Pl. LXXIV: 5. vidimus. Denique 4. *innotefcere inter gentes coram oculis noſtris*, qui etiam gentes reputamur, quod idem eſt ac publice in mundo coram nobis, vel potius inter gentes illas tumidas & vaſtatrices Iſraelis Deus eorum, ſi ſit talis, innotefcat vindex ſanguinis ſervorum ſuorum ab iis fuſi; adeo ut ſe ab iis diſtinguant, qui hic ſarcaſtice loquuntur, & velint, Deum Iſraelitarum ſeſe, ipſis inſpicientibus, vindicem præſtiturum, in gentibus illis elatis, & inſolentibus, puniendis, quæ ſanguinem ſervorum Dei effuderunt. Quæ genuinum eſſe verborum ſenſum exiſtimo, cum quod ſe ab iis diſtinguant, tum quod phraſis, *innotefcere in gentibus coram nobis*, illud requirat, tum denique, quod non habeatur נָפַח in textu, ſed נָפַח cum duplici v. Maſorethæ quidem punctarunt, acſi legatur נָפַח, ut ad marginem poſuerunt, ſed rectius retinetur vox textualis, & punctatur נָפַח, ut reſpondeat voci נָפַח, in Script. quoque obvia, vel נָפַח. Radices nimirum ſynonymæ ſunt, apud Arab. ſuperſtites, נָפַח vel נָפַח, נָפַח & נָפַח, quæ proprie

prietatem habent in *eminendo per sui extensionem*, vel *tumescendo*, unde in bonum pro summa potentia, excellentia & gloria, & in malum, pro fastu & insolentia sumitur, quando, met. ab aquis intumescantibus sumpta, transfertur ad insolentes actiones, & violentas grassationes &c.. Quæ luculenter deduxit. Cl. Schroeder *a.* Aptissimum itaque est epitheton insolentium & potentum, ac violentorum, oppressorum, quales fuerunt in primis Syro-Macedones, qui etiam, ut & Chaldaei, adpellantur כְּחָלָי. Ps. cxxiii: 4. nec non כְּחָלָי. Ps. xciv: 2. quo ipsi reliqui populi vicini Judæorum, hic loquentes, eos insignire potuerunt; sive quod pro talibus publice essent noti, sive quod Judæorum respectu tales sese eorum omnibus præstiterint, sive quod, eum tales habeantur a populo Dei, Deus, si talis sit, qualem Judæi existimant, eos ferre non posse censendus sit.

§. XVII. β. Hæc irrisio, non amplius ferenda, ut e medio tollatur, & irrisoribus obstruantur ora, supplicant Judæi *a.* ut Deus oppressorum causam agat, & se eorum vindicem præstet, *b.* ut irrisoribus vices rependat *a.* Prius his verbis, vers. xi. *intret in conspectum tuum singulus vinc-ti; pro firmitate brachii tui nerva filios occisionis.* h. e. ipso facto, petimus, ut demonstrates tibi innotuisse, & admissas esse victorum, & cædi destinatorum, lamentabiles quiritationes, iisque robur concedas & firmitatem, ut, calamitatibus erepti, opibus viribus & dignitate præcellant, pro summa tua, qua polles, potentia; eaque ratione te præstes vindicem sanguinis fervorum tuorum fusi: qualem te exhibere debere gentes, illusorie licet, postulant. Verba, ut sæpe fit, elegantiae ergo disjuncta, hac ratione conjungenda sunt: *intret in conspectum tuum singulus vinc-ti & filiorum occisionis*, eosque *pro intima firmitate brachii tui nerva*. Populus Dei hic *vincti & filiorum occisionis* titulo insignitur, ad miserum, periculosum, & oppressum ejus statum designandum, quo *partim* erat carceri mancipatus, & mor-ti

ti violentæ addictus, *partim* ad incitas redactus, & neci expositus, — ut *vincto* & *filiis occisionis* similis sit. Vox *אמר* peculiari usu dicit *bello captum*, sed latius sese extendit ad dura servitute pressum, sub imperio exactoris ejusque baculo positum, qui pistrino, aliæque gravi jugo, quotidie exercetur, ut Job. III: 18. *simul vincti eliquata abundant tranquillitate, non audiunt vocem exactoris.* Conf., ad figuratum sensum illustrandum, Hos. x: 10. & Zach. ix: 11. & de statu Judæorum hujus temporis sub *exactore*, Zach. ix: 8. Alterum epitheton ad continuum mortis violentæ *metum* pertinet, in quo qui versantur recte adpellantur, phrasi orientalibus usitata, *filiis occisionis*, h. e. morti addicti. Vid. Gejerus. *Vincti* itaque & *filiis mortis* sunt, qui dura servitute pressi, & *sub ictu* mortis degunt. Qui verus fuit Judæorum, sæviante persecutione Epiphanica, in primis in initio, seu primo triennio, conspectus: uti in vulgus notum est.

§. XVIII. Petunt nunc, ut horum *suspiria* coram Deo *veniant*, & Deus eos *nervet*. h. e. Deus eorum quiritationes exaudiat, & exserto brachio suo potente eos firmos, vegetos & fortunatos, reddat, eos liberando, & in prosperam ac eminentem conditionem educendo. *Intret in conspectum tuum*, inquit, *singultus vincti*, scilicet jam jam morituri, adeoque simul *filiis mortis*: quod voce *אמר* est comprehensum: est enim *ὀνομαστοποιὸν* e sono fictum, dicitque singultum quatientem moribundi c. Phrasis vero *intrare in faciem* Dei est emphatica & selecta; desumpta a tremenda Majestate, sese in penetrati suo tenente; ubi adiri solet a supplicantibus, quorum supplicationes *intrare* dicuntur, id enim *אמר* denotat, oppositè ad *אמר*, quum admittuntur & exaudiuntur. Vox *אמר* subinde majestatem venerandam dicit, quum principibus adtribuitur, ut Job. xI: 19. quæ *velo* quasi obducta dicitur, quum aditus negatur & exauditio; conf. Ps. xxvII: 9. Alterum membrum ha-

Eeee 3.

bet,

bet, *secundum robur brachii tui nerva filios mortis*: hæc enim connectenda sunt, vocibus, *secundum robur brachii*, non cum præced., sed seq. constructis, ut facile patet. Nihil hic difficile nisi in verbo *נִרְוָה*; cujus emphasin non peripexerunt Interpretes, quod radicis *נִרְוָה*, unde infin. Hiph. *נִרְוָה*, veram vim non penetrarint. Radix *נִרְוָה* primariam sedem habet in *vibratione intensa ac tremula*, proprie *nervi*, quum reddat sonum *tir*; ex quo fictum est verbum; hinc *נִרְוָה* pro nervo adhibetur sive *arcus*, sive *tentorii*, vel pro *funibus firmis* generatim; & figurate transfertur ad *roborem vibrantissimum*, *vigorem durantem*, *fortunas lautas*, *stabiles*, *eminentes* & *præcellentes* *a*. Ita Prov. 11: 21. *integri in terra נִרְוָה nervabuntur*. Sic & Deut. xxviii: 11. *נִרְוָה nervabit te Dominus in omni opere manuum tuarum*: &c. h. e. *nervo in his omnibus durante & vibrante te augebit*, ut *viribus*, *opibus*, *fortunis emineas ac præcellas*; verba sunt Cl. Schultens *b*. Ita hoc loco, *nervare*, seu *nervando nerva*, *filios mortis*, est eos firmos, validos, fortunatos & eminentes, redde. Quæ amplissima est & elegantissima sententia; quæ fit elegantior voce *נִרְוָה*, cui opponitur, si originariæ ejus potestatis ratio habeatur: dicit enim proprie, *humoris maceratione dissolvi* *c*, cui opponitur *נִרְוָה* proprie *compingere*, *coagmentare*, & hic *נִרְוָה* *nervare*, *nervis constringere*.

§. XIX. *b*. *Posterius*, quod petunt, est, ut irrisoribus idem contingat, quod in Judæos commiserant, nec parva, sed abundante mensura, & copia, vers. 12. *Et redde vicinis nostris septupliciter in sinum ipsorum probrum ipsorum, quo te probrose lacerarunt, Domine!* h. e. *probra*, quæ in Te, populumque tuum, tam impudenter conjecerunt, experiantur ipsi per legem talionis, nec parva, sed magna mensura, quæ sinum repleat, & ipsis pro abundante mercede sit; adeoque affligantur magis, quam nos, & magis illudantur. Nihil hic nostræ curæ relictum est. Conf. de phrasi


a Id. de Ambig. §. 31. & ad Prov. 14: 21.

b l. c.

c Id ad Job. 14: 21.

phraſi & forma precum, quæ dixi ad Pf. xxviii: 4, 5. De
implemento, reſpectu populorum vicinorum, ex hiſtoria
Maccab. ſatis conſtat.

§. XX. Ultima Pf. pars propoſitum continet officio po-
puli probe fungendi, poſtquam liberationem fuerint confe-
cuti, in Deo paſtore cum gratiarum actione laudando & ce-
lebrando in perpetuum, verſ. 13. *Et, vel tunc, nos, popu-
lus tuus, & oves pascui tui, confitebimur tibi in ſeculum; enar-
rabimus laudem tuam in generationem & generationem.* h. e.
Hæc, quæ ſupplicavimus, quum fuerimus conſecuti, tunc
nos tibi præſtabimus verum & genuinum tuum populum,
te, ſicut oves paſtorem, agnoſcendo, a te dependendo, &
te ſequendo, ſimul tibi gloriam nominis tui dabimus, & lau-
dabilia tua opera ac beneficia, in laudem tuam, enarrabimus
& celebrabimus, quamdiu nos & poſteri noſtri fuerimus, &
populum tuum conſtituerimus. Declarant itaque, ſe erga
Deum ſeſe geſturos, quemadmodum ſtatus & relatio ſua ad
Deum requirit, & beneficia Dei in ſe collata exigunt, po-
ſteaquam votorum fuerint compotes facti; oppoſite ad-
gentes, Deum probro adſcientes. Quod ex nexu facile
colligitur: particula itaque, *& in & nos*, eſt *tunc*; ut ſæpe
alias. Nihil hic obſcuro.



P S A L M LXXX.

1. *Præfesto Schoſebannim instrumentum felicitatis.*
2. *Pastor Israelis! auribus percipe, qui instar gregis Josephum ducis: o Tu qui insides Cherubis! coruscum Te fac.*
3. *Coram Ephraim & Benjamin & Manasse excita potentiam tuam, & ito ad salutem nobis.*
4. *Deus! reduc nos, & illumina faciem tuam, & servabimur, vel ut servemur.*
5. *Jehova, Deus exercituum! usque quo fumus in orationem populi tui?*
6. *Fecisti, ut pane lacrymis vescerentur, & lacrymas plenis cyathis biberent.*
7. *Posuisti nos contentionem vicinis nostris, & inimici nostri subsannant eos.*
8. *Deus exercituum reduc nos, & illumina faciem tuam, & servabimur, vel, ut servemur.*
9. *Vitem ex Aegypto avulsam transtulisti; gentes expulisti, & plantasti eam.*
10. *Evacuasti eam illa, & radices suas late & alte egit, & implevit terram.*
11. *Montes umbra ejus cooperti sunt, & palmites ejus sunt cedri Dei.*
12. *Sagittas suas usque ad mare, & ad fluvium emisit teneros suos ramos.*
13. *Quare perrupisti maceries ejus? ita ut omnes illac pertrans-euntes eam discerpant.*

14. De.

14. *Devastavit illam aper e sylva, & fera agrestis depavit illam.*
15. *Deus exercituum! redi quaeso, & vibrante oculo e caelis intueri, & visita vitem banc,*
16. *Et surculum, quem plantavit dextra tua, quemque contra filium Tibi roborasti.*
17. *Combustum sit igne purgamentum: praë increpatione faciei tuæ pereant.*
18. *Sit manus tua super viro dextræ tuæ, quem contra filium hominis tibi roborasti*
19. *Et ne recedamus a Te: vivifica nos, ut nomen Tuum nuncupemus.*
20. *Jehova, Deus exercituum! reduc nos, illumina faciem tuam, & servabimur, vel, ut servemur.*

P R O L E G O M E N A.

§. I.

Ecclēsia Judaica, exerto Dei brachio ex Aegypto liberata, & peculiari Divini Numinis cura in summam gloriæ ac felicitatis fastigiumeducta, hoc in Psalmo gravissimis pressa vexationibus, a truculento hoste, *porco sylvestri* adpellato, in eam hostiliter irruente, inflictis, quod ad *exteriorem* ejus conditionem repræsentatur: eoque in statu collocata, Dei auxilium ardentissimis precibus implorat, multisque rationibus Numen divinum ad misericordiam flectere conatur, ut Heroës, ad ejus liberationem sese accingentes, Dei sub auspiciis opus, quod aggressi fuerant, felicem ad exitum perducere possint.

Ffff

§. II.

§. II. Hoc argumentum, *Psalmi materiâ* consistens, ab *Asapho* in elegantioris structuræ carmen, certis adstrictum numeris redactum, musica sacra, in Templo exercendæ, partem abolvere, & *instructionis* usum habere debebat: quemadmodum ejus *titulus* demonstrat. *Præfetto Schofchannim, instrumentum felicitatis Asaphi Carmen*: Carmen enim appellatur, quod majore arte elaboratum, numerisque suis adstrictum, multifaria *vocis sectione & fractione* canendum foret inter musica instrumenta. Vox enim *ipsa* est a *secando & amputando*, & eo nomine venit carmen, siue quod multa circumcissione & amputatione opus sit, si perfectum futurum sit, seu verius quod *multam vocis inductionem* ejusmodi carmina postulent. Auctor ejus *Asaph* memoratur, tum quod præfixum & in titulis Psalmorum *auctoris* soleat esse criterium, tum præsertim quod cæteroquin de *Asapho* vertendum esset, & *Asaph* objectum *Ps.*, quod absurdum, tum denique quod a *Præfetto Schofchannim* distinguatur: ex quo colligitur, *Asaphum* non eum esse, cui *Psalmus* esset committendus, sed a quo compositus est. At enim quis illè *Asaph*, inter Doctos non convenit. Sunt enim, inter quos Cl. Bochartus *a*, qui non celebrem illum *Asaphum*, Davidi æqualem, unum ex tribus summis musicis præfectis, sed alium ex eadem fortasse familia, qui tempore exilii Babyl. vixit, intelligunt, quod *Ps.*, ejus nomen præferentes, de illa calamitate tanquam præsentis loquantur: vid. *Ps. LXXIV, LXXIX*. Quæ si vera sit hypothesis, a variis *Asaphis* *Psalmi* ejus nominis sint facti, necesse est. *Ps. enim LXXVIII. Asaphum*, Davidi æqualem, auctorem habuisse, ex eo constat, quod beneficia in populum collata ad illa tantum usque tempora percenseantur. Sint itaque a diversis *Asaphis* compositi, postea ob nominis similitudinem, vel quod scribæ unius ejusdemque censerint esse auctoris, in una serie collocati. Verum quidem est, *Asaphum* tempore Davidis fuisse celeberrimum non tantum *cantorem*, sed & *prophetam* seu *videntem*, 2 Chron.

a Hieroz. p. I. l. III. c. 29.

xxix: 30. sed plures ejus nominis postea fuisse ex 2 Reg. xviii: 18. colligitur, ubi *Joah filius Asaphi* temporibus Hiskiae memoratur; nec dubium est, quin nomen illud, ob primi *Asaphi* celebritatem, ad plures cantores transierit. Sic & sæpius alias usu venit, ut *primi sacri ordinis auctoris*, observatum est summi Viri, singularis mei amici, T. Hemsterhussii *b*, nomen ad posterum dimanaret. Nec tamen in ea opinione securus acquiesco, cum Asaphus, *videns nam israhel* appellatus, ecstaticis raptibus in futurorum contemplationem ductus, ea tanquam præsentia depingere potuerit: licet cum styli perspicuitate vix conciliari poterit; ecstaticorum enim abruptus, sublimis, & non facilis ac leniter fluens, ut in his Psalmis observatur, stylus est. Fruatur ergo hic quisque suo judicio. Vulgatæ opinioni patrociniatus est Cl. Vitringa *p*. Duo sunt, fateor, quæ ad recentiorum Asaphum judicium inclinant: unum, quod calamitas præsens describatur, alterum, quod stylo historico magis quam prophetico, minus ecstaticis proprio, depingatur.

§. III. Quicquid sit, sive ab antiquo illo, sive recentiore aliquo Asapho sit compositus Psalmus, virum sane divinitus afflatum spirat, & usui salutari destinatus fuit, ut pii in gravissima calamitate constituti de vera ratione liberationis & salutis consequendæ *instruerentur*: quo titulus *my* mihi tendere videtur. Illa enim vox non a rad. *my*, *Hiph. myn contestatus & obtestatus est*, derivanda est, ut vulgo interpretes, qui *contestationem* hic vertunt, seu *memoriale*, ut Gejerus, varioque sensu explicant, sed a rad. *my*, ut a כסו כסו &c. quod ex plur. *my* cum *i* mobili ulterius confirmatur. Cum enim *my* & *my* dixerint, hinc, uti a *my* est *my*, sic a *my* *my*, & sic *my* cum *i* mobili: utrumque in *legibus & institutis* Divinis denotandis frequenter teritur, quippe quibus homo *ornatur & instruitur* ad felicitatem, *my* enim radix *ornandi & instruendi* potestatem habet. Hinc *my* ut *my* quicquid *ornat*, quo

Ffff 2

sensu

a Ad Lucian. Tim. p. 135. b Obs. S. l. vi. c. 13.

sensu pro regio *ornamento* & apparatu *עֲרֹת* venit, 2 Reg. xi: 12. Psalmus ergo *עֲרֹת* aptissimo sensu dicitur, qui ad felicitatem homini aut populo comparandam est destinatus, q. d. *instrumentum felicitatis*: seu aureum ac ornatissimum instrumentum, ut explicatur Pf. lx: 1. ubi idem comparet titulus, qui mox exponitur *מִנְחָה לַלֵּוִי aureum carmen ad docendum, vel instruendum*. Quo sensu a titulo *מִנְחָה* non longe abiret, nisi quod *legis & institutionis divine*, usu Script., involvat intellectum; ut sit ornatissimum instrumentum felicitatis a Deo edoctum: quod precibus optime respondet, ut hoc Pf. occurrit, Pf. cxix: 99. ex alibi.

§. IV. Hunc scopum ut divinus Psalter adsequeretur, publico *usui* Psalmus tradendus erat, tum ut hæ preces publice funderentur, tum ut populus de statu Ecclesiæ & vera institutionis ratione instrueretur. Quem in finem *præfesto Schofsbannim*, sicut titulus habet, commendatur: *מִנְחָה* interpretum consensu *præsentorem*, vel præfectum musices, designat, quippe cuius est curare, ut musica *rite ac integre sine vitio* in Templo perageretur: quæ radice potestas est. *נָחַ* enim in Kal proprie *merum & sincerum* esse denotat, unde pro *veritate* & non fucata sinceritate in Script. vox *נָחַ* frequentis usus est. 1 Sam. xv: 29. Job. xxxiv: 36. Hab. i: 4. ubi consulendus Cl. Schultens. Hinc *נָחַ* in Pih. est *monuit*, curavit, ut aliquid pure sine vitio constet. Unde *מִנְחָה* ejusmodi *monitorem*, vel *curatorem* musicæ significat. Verum cum triplicis ordinis *præfesti* fuerint, ex institutione Davidis, 1 Chron. xxv. alii *summi*, Asaph, Jeduthun & Heman, alii *Ephemeriarum* præfesti 24. eorum filii, secundum sacerdotum *Ephemerias*, alii denique *magistri* 12. Ephemeriarum præfests singulis subjecti; ultimi ordinis hic esse intelligendos, ex *instrumento* musices hic addito, cui præfests erat, colligitur. Ephemeriarum enim præfesti universam musicam administrabant, non hujus aut illius instrumenti: sed inferiores illi magistri suos modulos aut instrumenta curanda habuisse videntur, ut alii *tibias*, alii *tubos*,

bos, alii buccinam, alii citharam, alii tympana, alii cymbala curarint, 1 Chron. xv: 15. Quale autem organum musicum per *Schofsbannim* indigitetur, difficiliter forte determinatur. De quo ad Ps. xlv. exposui.

§. V. Sed ad alia, quæ nos paulo propius in Psalmi intellectum ducunt, properamus. *Remotioribus* enim prolegomenis, quæ *auctorem, tempus, formam* Ps. *exteriorem* comprehendunt, absolutis, *propiora* sunt in lucem protrahenda, quæ cum Ps. intellectu proxime cohærent, & ad eum viam directe sternunt: quæ ad *methodum* verbalem, & realem, qua argumentum Ps. est pertractatum, & *hypothesein*, ex qua explicandus est, referri possunt. De *verbali* methodo, quæ *stylum* dicit, hic nihil aliud observamus, quam stylo *supplicatorio* & *facili* Psalmum esse compositum: *petitiones* Deo representantur stylo nec abrupto, nec sublimi, ut prophetis vel ecstaticis sæpe in usu est, sed plano, etsi aptis metaphoris, tanquam luminibus, non destituto: deinde, stylus animum supplicem, sensu malorum vividissime tactum, spirat. Quæ ex ipsa explicatione fient manifesta. *Realis* methodus, in *analyfi* sita, sponte sese in oculos ingerit. Cum enim eadem petitiones iisdem vocibus ter concludantur, vers. 4, 8, 20. *Reduc nos, Deus, luceat facies tua, & servabimur*: in tres partes Psalmus sese facillime dividit, quæ eadem preces, cum insigni variatione, continent. *Prima* ad vers. 4. opem & auxilium Dei ad Ecclesiæ liberationem generali phrasi simpliciter implorat. *Secunda* ad vers. 8. supplicationem gravissima ratione confirmat, auxiliique divini necessitatem ex afflictissima Ecclesiæ statu demonstrat, ut Numen benignissimum ad misericordiam flecteretur. *Tertia* inde ad finem idem fortius adstringit, ex comparatione inter pristinam felicitatem, a Deo gratuite concessam, & præsentem calamitatem, instituta; ut superioris temporis beneficia, quibus Deus sese quasi obstrinxerat Ecclesiæ, ne frustra viderentur collata, & male collocata, Deum ad ecclesiam vindicandam quasi compellerent. Num vero illæ

partes, totidem diversas personas, sibi succinentes, & vices reddentes, requirant, adeoque tres cantorum chori, sibi respondentes, hic in scenam sint producendi, dicere non ausim, cum diversarum personarum hic nullum sit indicium. Eadem enim preces ab eadem persona cum nova semper instantia ter repeti possunt.

A N A C R I S I S.

§. VI. Atenim altioris indaginis est, veram Psalmi exponendi *hypothesein* jecisse, quippe a qua genuinus ejus intellectus dependet. Cum enim diversis temporibus Ecclesiæ Dei fuerit afflicta conditio, cui ejusmodi preces aptari possent, ne vaga sit Psalmi interpretatio, in illud tempus, quod hic intenditur, inquirendum, illudque ex characteribus, afflictionem hic descriptam distinguentibus, derivandum est. Cum enim tempus in Psalmo non fuerit consignatum; nulla alia via ad ejus demonstrationem patet, ac quam *attributa*, hic occurrentia, pandunt. Ceterum, cum Psalmus noster ejusdem plane sit argumenti, ac Ps. LXXIV & LXXIX., qui ejusdem itidem sunt auctoris, *criteria* temporis tam ex collatione, nostrum inter & illos instituta, tum ex ipso Ps. nostro erui possunt. Sunt autem præcipua, quæ temporis notam characteristicam constituunt, sequentia. 1. *Primum* est, ecclesiam jam eo tempore, quo calamitas incoepit, longe lateque extra *Cananeam* fuisse diffusam, ita ut in specie per Babyl. & Assyriam, nec non per Aegyptum fuerit dispersa, qui vers. 12. sensus est: *emiserat palmites suos usque ad mare, & usque ad fluvium sitiones suos*: ut suo loco videbimus. 2. *Secundum*, quod ad statum Ecclesiæ ante afflictionem itidem pertinet, a *synagogarum* multitudine per *Cananeam* derivatur. Sic Ps. LXXIV: 8. *combusserunt omnes conventus Dei*, seu *synagogas*, ut recte Aquila & Symm. 3. *Tertium*, eodem etiam refer-

rendum, prophetarum defectum comprehendit. Sic ibid. vers. 9 — — non est amplius propheta, & nemo nostrum est; qui novit; quousque, scilicet duratura sit calamitas. Sensus est; prophetarum seriem jam cessasse, &, si vel aliqui hic illic divinitus inspirati sint, eos tamen tempus, seu terminum afflictionis ad quem, ignorare. 4. Ipsa vero afflictio civitatis quidem & lacrorum ruinam, multorumque ex populo violentam occisionem, sed *exilium* non complectitur, quæ quarta est nota. Quin haud obscura hic illic exstant indicia populi in ipsa Cananæa gravissime afflicti, & preces pro liberatione fundentis. *Vinea* non in alias terras translata repræsentatur, sed in loco suo omnitemine & sepimento orbata, ac ferarum incursionibus exposita; nec non earum desolationes experta, exhibetur. Precantur quidem *reduc nos*, vers. 4, 8, 20. sed vel dispersorum recollectionem, & ad Dei faciem in Templo lucere solitam reductionem, vel rerum suarum instaurationem, vel denique favoris & auxilii divini redditionem, ut est vers. 15., intelligunt: de quo suo loco.

§. VII. 5. Habet præterea hæc calamitas aliud insigne, quo distinguitur, criterium, in ejus causa & vero conspectu situm, quo ea in innocentium mactatione, religionis præcipue causa, collocatur. Ps. LXXIX: 10: *Innotescat Deus noster &c. ultione sanguinis servorum tuorum effusi: veniat ad Te clamor vindictæ: fac superstites filios occisionis*, h. e. mactationi destinatos. Populus itaque hic partem occisus, partem vinculis constrictus, & cædi destinatus, occurrat: quod ex Ps. XLIV: 24. ejusdem plane argumenti clare confirmatur. 6. Accedit, populum, etiam gravissime pressum, nondum hostium potestati perfecte traditum depingi: sic Ps. LXXIV: 19. *ne turturis tui vitam feræ tradideris* &c: erant valde *uternati* Ps. LXXIX: 8. partim occisi, partim vinculis constricti; vinea, sepimentis dirutis, ferarum insultus patiebatur, sed locum adhuc tenebat in terra Ps. LXXX: 15. imo, quod probe notandum, sese ad liberationem suam efficiendam,

dam accingebant, Deumque supplices precantur, ut Heroas suo spiritu animet, eorumque coeptis felicem det exitum. *Sit manus tua, orant nostro Ps. vers. 18., super viro dextrae tuae &c.*

§. VIII. Ad hos characteres si quis, verbi prophetici & historiarum non prorsus imperitus, præcipuas Interpretum hypotheses examinaverit, is earum falsitatem liquido deprehendet. Communis sane opinio, quæ habet, exilium x tribuum, Assyriacum, vel Babylonicum, hoc Psalmo ob oculos sisti, cui sententiæ calculum quoque olim addiderat Cl. Vitringa *a*, sed a qua postea discescit, ut ex nonnullis locis comm. ad Jes. liquet, cum nullo criterio supra producto conciliari potest. Ante illud enim tempus Judæi per Babyloniæ & Aegyptum sedes adeo frequentes nondum fixerant, synagogas nondum habebant: eo etiam tempore prophetarum series nondum desierat, terminus exilii ignotus in genere non erat, sed a Jeremia clare definitus: populus penitus in hostium ditionem cesserat, & in exilium abductus erat: nec afflictionis religionis causa vel minimam præferebat speciem, sed belli solennis erat effectum: denique neminem habebant, a quo rerum suarum instaurationem expectare poterant: Cyrus enim, de quo hic cogitari posset, regnum Babyl. ante devicerat, quam eum pro liberatore suo agnoscere potuerint Judæi, ita ut in exilio ipso, stante regno Babyl. de Cyro vix cogitare potuerint: accedit, hæud obscure innui, eos heroas ex ipso Dei populo esse fuscitandos. Zerubbabelis vero ducis, de quo alii cogitant, quippe cui hostium debellatio, & populi vindictio, nulla specie attribui potest, hic nulla labenda est ratio.

§. IX. Præcipua eorum ratio, qui *exilium* intelligunt, in formula *reduc nos* sita, supra jam est refutata: aliorum autem, qui *Assyriacum* exilium indicari censent, ratio ex vers. 2. petitur, ubi coram *Ephraïmo, Beniamine & Manasse*, potentiam Dei excitandam orant: sed vel sola *Benjaminis* men-

a Syn. V. l. i. p. ii. c. io.

mentio eam refutat, cum *Benjaminis* tribus x tribubus nunquam fuerit accensita, sed cum *Juda*, *Judæ* regnum, per *Babyl.* destructum, constituerit. Quare autem illarum tribuum in specie fiat mentio, suo loco inquiremus.

§. X. Cl. Cocceji hypothesis habet, preces fidelium vet. test., quibus gratiam Dei in Christo sub Euangelio manifestandam implorarent, tribus distinctis periodis fundendas, repræsentari, quarum prima foret ante regni Israëlitiçi destructionem, secunda ante regni *Judæ* ruinam, tertiâ exilium *Babyl.* & tempora insequentia; quibus periodis fideles, suorum temporum calamitatibus excitati, in ardentissima vota meliorum temporum sub Messia erumpentes, hoc Ps. exhiberentur. Ansam hujus opinionis tum petitio ter repetita præbuit, tum *Ephraimi* & *Manassis* mentio, vers. 3. tum phrasis *illuminationis* faciei Dei, quæ singulis petitionibus recurrit. Sed hæ rationes parum roboris habent. Eædem preces emphasios causa non sine insigni orationis elegantia repetuntur, ac gradatim adscendunt, precantiumque ardorem indicant. De *Ephraimo* & *Manasse* hic memoratis suo loco. Phrasis vero *illuminationis faciei* nimis generalis est, quam ut hinc illud colligi possit. Sed rationes aliæ non desunt, quibus hypothesis refutatur. 1. Ex universo contextu certum est, per *salutem*, quam implorant pii, divinam *liberationem* ex præsentē calamitate, quam premebantur, intelligi. Salus enim afflictionibus opponitur, quare alia, ac quæ eas tollit, esse nequit. 2. Salutem ab insigni heroa, spiritu Dei animato, adferendam intelligunt, ut ex vers. 17. 18. liquet: qui *Christus* esse nequit, quod *vir ille dextræ divinæ* tempore calamitatis illius existeret, quodque Ecclesiæ afflictæ statum instauraret: quorum neutrum Christo convenit. 3. Salus indigitatur a Deo tanquam imperatore, per *robur* ejus, adferenda; adeoque in Ecclesiæ, sub hostium potentia gementis, vindicatione, & hostium destructione, sita. Ita vers. 3. *excita robur tuum, ito ad salutem nobis*, tanquam magnus imperator, cu-

Gggg

jus

jus robori nemo resistere poterit. 4. Preces denique intelliguntur, quas Deus cum aliqua indignatione tanquam iratus aliquandiu respuerat: hoc enim est *quousque fumas contra orationem populi?* vers. 5. Quod petitioni gratiæ Christi, suo definito tempore manifestandæ, minus recte applicatur. 5. Accedit postremo, calamitatem, quæ hic depingitur, nec in exilium Babyl. nec in præcedentia tempora convenire, ut ex superioribus liquet.

§. XI. Ergo, ne longiores traham moras in re, ut existimo, liquida, criteria, supra prolata, tempus hujus calamitatis accurate definiunt, illudque ad tempora Maccabæica manifeste restringunt. Eo enim tempore Judæi quaquaversum per orbem dispersi sedes præcipue in Assyria & Aegypto fixerant frequentes, synagogarum magna erat ubique multitudo, Prophetarum cessaverat successio, afflictio erat omnium dirissima, sed in ipsa Cananæa, ita ut in hostium potestatem non plene cesserint; fortissimi enim heroes, Maccabæi fratres, sese ad populi vindicationem cum optato successu accinxerunt: hæc denique sola afflictio *religionis* itidem causa instituta est, ut ex libris Maccab. & Josephi constat.

§. XII. In specie vero scena Ps. in eo videtur figenda tempore, quo Maccabæi fratres sese Syrorum insultibus publice opposuerunt, eo cum successu, ut omnibus præclaram de se concitarint spem, fore, ut, divina secundante gratia, Ecclesiam a Syrorum dominatu in libertatem vindicarent. Calamitas enim hic tanquam præsens depingitur, eamque jam aliquandiu durasse, vers. 5. innuitur. Heroas vero, tanquam vindices, omnium oculos in se vertisse, vers. 17 & 18. clare significatur: ergo virtutis eorum jam aliqua exstitisse specimina, quæ ulterioris spei fundamenta esse poterant, statuatur, necesse est.

P A R S P R I M A,

AUXILII DIVINI, AD LIBERATIONEM EX PRÆ-
SENTI AFFLICTIONE, PETITIONEM IN
GENERE COMPREHENDENS,

VERS. 2—4.

§. XIII. **P**rima Psalmi partis, quæ petitionis generalem propositionem comprehendit, duo sunt membra, quorum prius aptissimum ad Deum *adloquium*, vers. 2. posterius *argumentum* precationis continet, vers. 3, 4. Adloquium, quo Deus aptissimis titulis compellatur, & ad exaudiendas preces supplicatur, his verbis comprehensum est: *o Pastor Israelis! auribus percipe; qui instar gregis Josephum ducis: o Tu qui insides Cherubis! coruscum te fac.* Sic enim verba distinguenda sunt: titulus enim *ductoris Josephi* ad præcedens, & non ad sequens, membrum referendus est, quemadmodum ex comparatione cum titulo *pastoris*, qui ejusdem est significatus, ac *ductoris*, nec non ex collatione cum titulo *insidentis* Cherubis, qui a pastoris persona plane abhorret, si litteram spectes, facile colligitur: quod Masorethæ per *accentuationem* suam jam indicarunt.

§. XIV. Tituli, quibus Deum compellant, ab altera parte conditionem & statum externum populi, ab altera arctas, quæ Deum inter & populum intercedebant, relationes, aptissime repræsentant. Cum enim Deum *pastorem* & *ductorem* suum invocant, se *ovium* seu gregis speciem præferre, indicatum volunt: ut est Pf. LXXIX: 13. *ovium* autem sub emblemate tum in genere imbecillitatem suam, qua ad sui

defensionem ac gubernationem inepti erant, tum in specie præsentem conditionem miserandam, qua, ovium instar, luporum & leonum insultibus expositi, defensoribus & rectoribus, qui se tueri deberent, destituti erant; insinuatam voluerunt, quare *oves mactationis* adpellantur, Ps. XLIV: 12. Qui genuinus fuit conspectus Judæorum temporibus Antiochi Epiphanis. Pontifices enim, penes quos summa rerum erat, profani erant homines, Ecclesiæ nullam curam gerentes, cum paganis præterea in populi perniciem conspicientes: ita ut gregis dispersæ, pastoribus destitutæ, ac hostium atrocissimorum insidiis expositæ, gesserint imaginem. Quæ ejus conditio ulterius elucet ex *Israelis* & *Josephi* nominibus. Cum enim Deum *pastoris Israelis*, & *ductoris Josephi* titulo insigniunt, inter alia, quæ mox proferam, in animo habuisse videntur exponere statum præsentem cum *Israelis*, Elavum fugientis, & extra domum paternam *aberrantis*, & *Josephi* fratrum odio expositi, & omni ope ac cura humana privati inter peregrinos vagantis, ac quibusvis periculis expositi, recte comparari posse.

§. XV. Sed arctissimæ Deum inter & populum relationes ex iisdem titulis luculenter elucet. *Ovium* enim emblemata demonstrat, eos esse *populum Dei*, a Deo peculiariter amatum, ab eo collectum & segregatum; cuius curam gerere, cui pabulum omniaque necessaria suppeditare, quem defendere, cui viam ad summam felicitatem monstrare, in se, qua pastor, suscepit. Hinc Pastor non tantum, sed in specie ductor adpellatur, quippe cuius est antecessorem agere gregis, eique viam præmonstrare & præire, & quidem viam regiam & patentem, quæ verbi *in* potestas est. Huc itidem facit, quod Pastor Israelis, & ductor Josephi in specie, nuncupatur. Eo enim innuere videntur, tum quid a Deo in præsentia petant, tum quo fundamentum. Deum pastorem Israelis & ductorem Josephi supplices invocant, ut sese iis, in simili conditione positis, talem quoque demonstret, qualem olim *Jacobo* & *Josephe*, illum con-

conservando, & multis bonis cumulando, ut multis divitiis domum redierit, *huic* ad summam felicitatem viam monstrando. Talem se Deum velle, qui similia sibi subministraret, his titulis directe indicare videntur. Sed quo fundamento id petant, iidem tituli declarant. Cum enim *Israelis* sint posterii, & *Josephi* fratres, vel filii, quibus promissa facta sunt a Deo, in majoribus istis Deus demonstravit, qua ratione cum posteris eorum agere vellet, se scilicet eorum, æque ac Patrum, fore *pastorem* & *ductorem*.

§. XVI. Ex dictis, in fallor, elucet, quare Deum non sub sui *pastoris* & *ductoris* nomine, sed *pastoris Israelis* & *ductoris Josephi* compellent, ita ut Interpretum observatione, qua totum populum hic *Israelis* & *Josephi* sub nominibus venire notant, hic non indigeamus. Etsi enim Deum suum quoque esse pastorem hic simul insinuat velint, directo tamen & primo sensu ipsæ *Israelis* & *Jacobi* personæ hic indignantur, ea, qua explicui, ratione. Unde liquere videtur, hic respici ad Gen. XLVIII: 5. ubi Deus *pastor Israelis* memoratur, & XLIX: 24.

§. XVII. Sed quare addunt *insidentem Cherubis*? 1. Ut eundem Deum, qui *Israelis* pastor & *Josephi* ductor fuerat, & suum esse *regem* indicarent. Hic enim titulus Deo non nisi post liberationem ex Aegypto datus est: a quo enim tempore columnam nubis & ignis inhabitare, & supra arcam inter Cherubinos sedem capere cœpit, adeoque se regem *Israelis* demonstravit, hoc titulo insignitus est. 2. Ut *Pastorem*, qui simul *rex* erat, se intelligere innuerent, quemadmodum *reges* solenni *pastorum* titulo venire solent. 3. Ut, *Regem* suum ac Deum fœderatum, qui sese populo luculentis promissis devinxerat, quique sedem inter ipsos fixerat, hoc elogio indicarent, ut, cum regis sit populum defendere, & Deus eum in finem sedem supra arcam in medio populi capeffliverit, Deum hoc titulo ad sui liberationem flecterent. Ceterum, cum ad inhabitationem Dei supra arcam hic respiciatur, uti satis vulgatum est,

vid. Exod. xxv: 22. 1 Sam. iv: 4. 2 Sam. vi: 2. Jes. xxxviii: 16. phrasi sequentes ideæ, quæ hic ad rem faciunt, involutæ sunt, *a.* Deum esse Regem, throno insidentem, ac ministris cinctum: thronus cælum est, cujus sanctum sanctorum est symbolum, *ministri* sunt *Angeli*, qui & alibi eo nomine insigniuntur, uti Gen. iii. Ps. xviii: 11. five ea vox *potentem & robustum*, ut apud Syr., five aliud quid denotet, de quo hic disputandum non est *b.* Deum esse *regem* Israelis, externo præsentiae symbolo inter eos habitantem; cujus ministri maxime illustriores per *Cherubinos* sunt depicti: quippe qui tum cælestes tum terrestres ministros delineaverunt. *c.* Deum esse *regem* fœderatum populi, qui supra *arcam fœderis* sedem fixit; argumento, se fœdus observaturum & promissa fœderis impleturum, adeoque populum esse tuiturum, & ei felicia quævis procuraturum. *d.* Denique, Deum *gratiam & misericordiam* populo exhibere velle per operculum arcæ, *propitiatorium* dictum, cui insidebat Deus, insinuabatur. Operculum enim aræ, *ἱλαστήριον*, per ellipsin pro *ἐπιθεμα ἱλαστήριον*, *operculum propitiatorium* dictum, ac sanguine conspergi solitum, obedienciam mediatoris, in sanguinis effusione demonstratam, expinxisse, adeoque *gratiam* Dei in Christo ob oculos posuisse, exploratum est. Quo *e.* columnæ nubis & ignis symbolum, quo Deus se conspicendum præbebat supra arcam, itidem collineat, quippe quo Deus populo præsentiam suam non tantum in deserto demonstraverit, sed & hostes sæpe prostraverit, ut Aegyptios in mari rubro, & varias liberationes Ecclesiæ suæ procuraverit, nec non *viam* per desertum, tanquam *dux*, monstraverit.

§. XVIII. Sub hisce titulis, ad præsentem suum statum & Deum ad sui liberationem flectendum accommodatissimis, benignissimum & potentissimum Numen ad preces suas exaudiendas invocant. *Pastor Israelis*, dicunt, *אזניך* *auribus percipe*, & *insidens Cherubis* *אורחך* *splendidus appareas*. Prior vox, ab *אזן* *auris* derivata, *aurem advertere*, se ad audiendum

dum parare, dicit, cujus consequens est ipsum *audire*, quo sensu venit, cum a *pro* distinguitur, ut Deut. 1: 45. Jes. LXIV: 4. sed absolute positum ipsum *audire*, ut hic, comprehendit. Cæterum, cum Deus hic *pastoris* sub persona veniat, quam apte hoc verbum hic insurpetur, facile per-spicitur. Pastoris enim est, ad balatus & clamores ovium aures intendere, eosque ad animum revocare, ut ad ovium auxilium promte accurrat. Posterioris verbi *pro* primigenia potestas in *radiando* procul & ex alto loco, in *emicando*, sita est, unde apud Arab. de *editis* & *altis* locis ac rebus usurpatur. Sic Deut. XXXIV: 2. Deus dicitur *radiasse* ex *monte Paran*. Ex *Tstone*, Ps. L: 2. Ex quo non obscure colligitur, ad columnam nubis & ignis, Divinæ majestatis sedem, seu in monte Sinai, seu super Tabernaculo, seu in editissimo Templi loco, conspicuam, hoc verbo respici, quippe in quo Symbolo Deus *splendide* apparebat, & ex quo lucidissimi fulgoris radii emicabant. Hanc fulgidam faciei lucem cum Deus densa quasi nube aliquandiu involvisset, seseque atra texisset caligine, populum hostium insultibus tradendo, & ad preces ejus non attendendo, supplices precantur, ut, nube discussa, præsentia suæ signa exhibeat, & faciei suæ lucem splendere faciat, ut, qui Deum precibus adeunt, Eum præsentem, & ad preces exaudiendas paratum inveniant, ejusque potentiam in sui vindicatione illustrem reperiant.

§. XIX. Duo in animo habuisse videntur, ut, phrasi illustrata, ejus sensum ad subjectam materiam applicem; *altissimum*, quod directe & proprie intendisse videntur, precum suarum exauditionem comprehendit. Cum enim Deus miserorum clamores hucusque neglexerat, seseque densa caligine quasi occultaverat, dum in gravissima calamitate, in quam severo Dei judicio inciderant, perseverarent, & exitum non reperirent, supplices hic orant, ut Deus a precibus suis aures amplius non avertat, nec sese populo, ipsum adeunti, occultum præbeat: sed eas ad animum revocet, seseque

seſeque annuentem & propitium exhibeat. *Alterum* ipſum Dei auxilium, & ex eo emanantem liberationem populi, complectitur. Animum enim ad preces populi advertit Deus, cum, ſe eas exaudire, ipſo opere demonſtrat. Splendidus apparet, cum ab hoſtibus vindictam ſumit, & virtutum ſuarum in populo liberando ſplendidiffima vibrat ſpecimina. Quo ſenſu occurrit Pl. xciv. 1. *Deus altitum, Jebora, Deus altitum Jebora apparuit.* Vid. & Pl. lx. 2. Quod vero *propter illud* proprie & directe hic intelligendum cenſetur, ad id hæ rationes me compulerunt. 1. Quia verba *ad Deum* ad Deum continent, quo Deum aptis ſub titulis ad preces audiendas impellere conantur: quo phraſes itaque directe referendæ ſunt. 2. Quia verſ. 5., quo innunt *Deum faciem te* contra preces populi, *illuminationis* contrariam ſeſe expertos fuiſſe demonſtrant; quam illuſtrem Dei apparitionem cum nunc petant, a Deo petitionum ſuarum exauditionem hoc verſu directe implorant. 3. Quia verſ. 3 & 4. petitionis argumentum proprie conſignatum eſt.

§. XX. Eſt autem illud his verbis verſ. 3, 4. comprehenſum; & *alterum* primæ partis Pſalmi membrum abſolvit. *Coram Ephraim, & Benjamin, & Menaffe excita potentiam tuam: & ito ad ſalutem nobis. Deus reduc nos, & illumina faciem tuam ut ſervemur, vel & ſervoabimur.* Salutis nomine id, quod petunt, exprimunt: ad eam vero conſequendam auxilium & favorem Dei ſupplices implorant; eum enim in finem petunt, ut Deus robur ſuum excitet, ad ſalutem ſuam veniat, ſe ipſis reddat, & faciem ſuam lucere faciat: quemadmodum ex textu clare elucet. *Ita*, dicunt, *ad ſalutem nobis: illumina faciem tuam, & ſervoabimur, vel ut ſervemur:* utrumque enim conſtructio Hebr. patitur, & hic locum habet; ſalutem quippe ſuam eſſe illuminationis certiffimum effectum, ſignificatum voluerunt. Radicis *yr*, qua voce hic utuntur ſupplices, viſ ſita eſt in *amplitudine*, & *laxo ſpatio*, dicitque proprie *amplius & late patens* fuit. Unde *yrwn* eſt, *aliquem, qui anguſtiis preſſus erat & circum-*

cum septus, in spatium & libertatem, cum amplitudine & abundantia conjunctam, traducere, uti verba habent Cl. Schultens a, quæ salutis luculentissima est descriptio, ad hunc locum accommodatissima. Antiochi enim Epiphanis tempore ab hostibus undique obfessi, partim carceribus inclusi, partim in cavernis & speluncis delitescerent, omnes gravissimis malis seu periculis pressi, & hostium, quemadmodum ferarum insultibus oves, insidiis undique expositi, qui tutum nusquam habent refugium, &c. merito tanquam in *angustiis*, positi hic repræsentantur. Erat utique *תַּיִם נַיִם* *tempus angustiarum*, Dan. xii: 1. Quod Ps. cxviii: 5., qui ad eadem tempora primo sensu pertinet, egregie indicant, quum læti dicunt: *ex angustiis invocavi Jāb: respondit mihi in latitudinem*, (sc. me educendo,) *Jāb!* quæ potestatis nostri verbi egregia est explicatio. Quod enim ibi se adeptos grati confitentur, hic supplices implorant, scilicet, ut Deus ex illis angustiis, quibus tantum quod opprimebantur, populum liberaret, in libertatem assereret, & in amplissimum pacis & benedictionis campum, quo bonis promissis abundanter frui possent, transferat. Quemadmodum per Macchabæos consecuti sunt. Cæterum hunc genuinum loci esse intellectum, supra demonstratum est. Quibus addi potest, *salutem* hic intelligi, quæ cum excitato Dei *brachio* tanquam causa sua proxime cohæret. Cum autem *brachii* extensionem ad Israelitarum liberationem a potentia Assyriorum & Babylon. ipse Coccejus referat, quam incongrue *spiritualis* Messiae salus hic indigiteretur, nemini non patet.

§. XXI. Hanc suam liberationem in Dei *potentia & favore* unice esse sitam confitentur, quare supplices petunt, ut Deus fortitudinem suam coram Ephraïmo, Manasse, & Benjamin. excitaret, & Herois instar ad populum servandum gradiretur, ut sese populo reddat, faciemque suam lucere faciat: a quibus mediis liberationem suam esse derivandam insinuant. Deus verl. 3. tanquam Heros introducit, qui

Hhhh

fortitu-

fortitudinem suam, quæ aliquandiu otiosa jacerat, excitat, & hac sua virtute ad populi salutem sese confert. Quæ persona Deo & alibi aptatur, ut Jes. LI: 9. *Excitare, excitare, indue robur, brachium Jeshova!* Pl. XLIV: 24. *Excitare, quare dormires, Domine? evigila.* Quod enim hic fortitudo, id alibi brachium Domini dicitur, imò brachium roboris ejus, Jes. LXII: 8. Heroes enim, hostes aggressuri, brachium denu- dare, & in signum fortitudinis exerere solent. Habet præterea vox Hebr. גבורה, quæ hic occurrit, peculiarem emphasin, quæ animum heroicum & virtutem prævalentem complectitur. Denotat enim vim victtricem & victoriosam, a גבר prævalere, superiorem esse, ut recte Cl. Coccejus a. Quæ potestas & in eo conspicitur, quod verbum, in malam partem sumtum, superbire, insolenter se efferre significet, ut observavit Cl. Schultens b. Talis est vis & fortitudo divina, cui nihil resistere potest: unde גבורה fortis prævalens vocatur Dominus, Jes. IX: 5. quæ tetigisse suffecerit. Hanc virtutem petunt supplices ut Deus excitet, h. e. eam publice demonstret, ejusque specimina edat, & effecta listat. Latet præterea in hoc verbo, a. eam virtutem aliquandiu in Deo quietam & otiosam jacuisse, quatenus nulla ejus fuerit demonstratio. Hinc enim erat, quod populus in tantas inciderit calamitates, quodque hostes ei prævaluerint. b. Populum sine ea fortitudine Divina ex angustiis, quibus tantum quod oppressus erat, in libertatem vindicari non posse. Quæ Judæorum conditio fuit, cum sub Syrorum dominatu gement. c. In ea liberatione præstanda illustrissimo modo apparere posse virtutem divinam: quæ singulari etiam modo tempore Maccabaico enituit, ut cuius notum.

§. XXII. Nec emphasi caret, quod addunt, & ito ad salutem nobis: verbum enim הוּ hic heroicum gressum denotat, ita ut excitare potentiam & ire, idem sit, ac exerto robore herois instar ad servandum populum progredi, quemadmodum Gideon dicitur, Jud. VI: 14. ito in robore hoc tuo & scriabis

a In Lex.

b Ad Job. XXXVI: 9.

servabis Israellem ex manu Midian. Sic 2 Sam. vii: 23. *Deus* iuisse dicitur *ad redimendum populum ex Aegypto.* Idem & hic ardentibus votis expetunt, ut Deus scilicet irresistibile suum robur exerat, seseque ad populum liberandum accingat, & cum illustri suæ virtutis demonstratione exequatur. Sed, sicut hæc facilia sunt, ita quo sensu *coram Ephraim, Manasse & Benjamin*, hæc fortitudo dicatur excitanda, longe difficiliores habere videtur explicatus. Cum enim Syriacæ persecutionis tempore regnum Ephraimi non tantum non subsisteret amplius, sed & a Cuthæis eorum terræ essent occupatæ, & Ephraimitæ maximam partem in peregrinis exilii terris permanerint; qua ratione coram iis excitanda foret potentia, quæ Judæis præcipue, in terra Judæe degentibus, liberationem præstaret, difficultate non caret. Missis aliorum opinionibus, ne nimis prolixus evadat commentarius, nostras cogitationes repræsentasse suffecerit. Duæ mihi suppetunt solutiones, quarum alterutra adsumenda videtur. Altera est, universum populum in terrâ Cananæa afflictum sub harum tribuum nominibus ob certas rationes ob oculos poni. a. Quia *Josephi* erant filii, & fratres, ac Jacobo dilectissimi, quippe qui ex *Rachele* oriundi erant. Cum itaque gravissimas ob rationes, supra datas, Deum *pastoris Israelis* & *ductoris Josephi* sub titulo compellissent, nihil cum eo erat conjunctius, quam universum populum sub filiorum Josephi, ejusque fratris, nominibus repræsentare; ut in eadem maneret metaphora. b. Accedit, hos omnes Jacobo & Josepho fuisse *dilectissimos*; quorum per consequens Deus, tanquam pastor Israelis & ductor Josephi, peculiarem deberet habere curam. c. Placuit figura eo magis, quod illi tres tunc nati fuerint, quam Deus peculiari ratione Jacobi & Josephi pastorem ageret. *Ephraim* & *Manasse* enim progenuit Joseph, cum, a fratribus proditus, extra domum paternam, quasi ovis deperdita, singulari Dei ductu agebatur, & *Benjamin* ejus frater natus est, cum Jacob uxorem amatissimam perderet, & Dei cura

ac consolatione indigeret. *d.* Ipsa præterea nomina harum tribuum ad statum præsentem populi erant accommodatissima. *Ephraim* enim & *Manasse* promissum Dei de populi multiplicatione, & benedictione supra Patres, quæ omnium malorum antecedentium memoriam perfecte delere poterat, expingere, & *Benjamin* affectum Dei erga populum denotare poterat. Cui cogitationi favere videtur, vers. 16, 18. ubi orant, ut manus Dei sit super *viro dextræ ejus*, qui & *filius dextræ* Dei vocatur, vers. 16. manifeste ad *Benjaminis* nomen facta allusione. *e.* Commendavit hanc figuram, quod hæ tres tribus in castrametatione populi in deserto locum tenuerint post *arcam* ad occidentem, ita ut Deus supra arcam sese *coram* ipsis manifestum facere debuerint, cum castra loco movenda essent. vid. Num. II., quo phrasis, *excita* potentiam, & *illustris appareas*, *coram Ephraim*, &c. forte respexit.

§. XXIII. Alia adhuc in promptu est ratio, quare hæ tribus in specie memorentur, forte verisimilior, saltem simplicior, qua *supplices* inter & *has tribus* distinguitur, ita ut fortitudinem Dei ad suam liberationem excitandam, *coram illis tribubus*, ad earum consolationem & exhortationem, perceperint. Distinguunt sane sese ab his tribubus, cum dicunt: *excita fortitudinem coram Ephraim*, &c. & ito ad salutem nobis. Quo sensu adeo illustrem divini roboris manifestationem in hostibus debellandis, & afflictis vindicandis, petunt, ut Ephraim & Manasse, sive exules earum tribuum, qui, regno suo destructo, & terris ab aliis occupatis, in exilio manserunt, per illa specimina ferirentur, & ad veteres sedes recuperandas excitarentur; uti Jer. xxxi: 22. consolationem saltem inde perciperent, quod Deus populo suo & cultui suo auxilium & patrocinium præstiterat. Quod ex prophetiis & historia constat esse factum. Sic enim Jes. xxiv: 13. *illi tollent vocem, cantabunt, in excellentia Jehovæ binnient inde a mari*, h. e. tractu occiduo, Aegypto scilicet, seu insulis maris, celebrantes vindictam, Judæis

dæis in terra Cananæa ab hostibus singulari Dei ope & favore effectam: de ea enim hic agitur. Additur vers. 15. *propterea in cavernis glorificate Jehovah, in insulis maris nomen Jehovah, Dei Israelis.* vers. 16. *ab extrema terra ora audimus cantica: decus Iusto, seu Chasidæis, & eorum principi Judæ Maccabæo.* *Extrema terra ora*, tum Cananææ extremos tractus, tum etiam remotiores terras complectitur. Quod itaque Psalmo nostro implorant pii, ut fortitudo Dei coram exulibus appareat, illud implendum fore Jesaias prædixit, cum laudes Dei liberatoris populi ab iis in disitis oris canendas esse prænunciat. Historia præterea docet, Judæos exules ad animum revocasse calamitates & liberationes fratrum in Cananæa, ut vel ex epistola 2 Macc. 1: 1. colligitur, & res ipsa confirmat. Cum enim Hierosolymis sedes esset religionis, omnesque fratres essent, exulibus non potuit non curæ cordique esse conditio Judæorum in Cananæa. Ad hæc ipsa præterea tempora prophetiæ referendæ præcipue sunt, quæ de Ephraimitarum & Judæorum inimicitia & æmulatione auferenda vaticinatæ sunt, ut Jes. xi: 11. Ezech. xxxvi. Cui amicitia hæc ipsa liberatio Judæorum, ab afflictione Epiphanica, & gloriosa eorum post eam conditio, robur addidisse videtur: ita ut pii eam etiam ob rationem orare potuerint, ut Deus populo afflicto succurrere, & potentiam suam adæo valide exerere vellet, ut Ephraimitæ, antiquissimi Judæorum æmuli & hostes, de singulari Dei cura erga Judæos convicti, omnis inimicitia reliquias deponerent, & cum Judæis in Cananæa in unum corpus coalescerent.

§. XXIV. Sed quare additur, coram *Beniamine*, cum Juda semper conjuncto, & in terram Cananæam, ut videtur reducere? Probabile mihi est, duplicem id fieri ob rationem, *altera* est mystica, a nominis illius significatu, quo *filium dextræ* dicit, petita, ita ut coram Juda Maccabæo, filio dextræ Dei, fortitudinem Jehovah manifestandam precentur, *altera* ad Templum, tribui Benjamin præcipue affig-

nandum, respicit: ita ut supplices in hoc Psalmo, in cavernis, aliisque locis diffitis & occultis, positi, has preces fuisse censentur, quibus precarentur, ut Deus fortitudinem exerat, quemadmodum coram exulibus Ephraimitis, ita & coram Judæis Hierosolymis ac in vicinis terris degentibus, ut utrique illius potentiae effecta experirentur, & ex disperforum liberatione ac congregatione ad pristinas sedes, & religionis, Hierosol. celebrandæ, exercitio, consolationem ac lætitiā perciperent. Addatur, Hierosolymæ, post exilium-Babylonicum, quatuor tribus legi, 1 Chron. ix: 3. habitasse, Judæ, Benjaminis, Ephraim & Manassis, quarum & hic fit mentio. Ceterum, quod pios in speluncis & locis remotioribus terræ Cananæ has preces attribuiam, nihil habet ab historia illius temporis, quo Ps. compositus est, alienum: habitasse enim pios, Epiphonica grassante afflictione, in locis occultis, ex libris Maccab. notissimum est. Vid. 1 Macc. i: 56. ii: 31, 36. 2 Macc. vi: 11. x: 6. Sed in iis etiam sacra cantica esse composita ex Jes. xxiv: 15, 16. egregie elucet. *Propterea in cavernis*, ita habet prophetia de iisdem temporibus, *glorificate Jehovah &c. ab extrema terræ ora audimus cantica: decus iusto*, quæ cantici erat materia.

§. XXV. Concludit petitionem formula solennis & familiaris, quæ ter iisdem verbis hic repetitur, nisi quod in nomine Dei aliqua occurrat variatio, hic enim vers. 4. *Deus* sine alio epitheto reperitur, vers. 8. *Deus exercituum*, vers. 20. *Jehova Deus exercituum*, quæ elegans est gradatio. Videtur autem illa formula afflictis illis semper in ore fuisse, quippe quæ summam petitionis populi dispersi & vexati a Syris egregie exprimit, indeque repetitionis ratio repetenda. *Deus reduc nos*, dicunt vers. 4., & *illumina faciem tuam*, & *servabimur*. Deum nomine אלהים compellant, tum ut indicarent, se summum numen per *ductorem Josephi & pastorem* Israelis intelligere, in eo se fiduciam suam collocare, ac liberationem suam ab eo expectare, non ab hominibus

nibus, aut principibus solis; tum etiam ut fiduciae suae fundamentum, in promisso foederali, quo Deus sese hoc nomine *Deum Israelitarum* dixit, positum, exponerent. Petunt, *a.* ut Deus *eos* reduceret. *b.* faciem suam *illuminaret*, ipsique ea ratione *serventur*. *a.* Phrasis Hebr. *נחמנו* duplicem admittit interpretationem, alteram usitatiorē & simpliciorē, alteram paulo occultiorē: potest enim verti, *reduc nos*, & *redde Te nobis*. Prior populi *dispersionem* pro hypothese habet, ejusque *recollectionem* indicat: quod explicatione non indiget. Queritur tantum, quo sensu id Epiphaneae afflictioni respondeat. Cum enim populus in ipsa terra Cananaea fuerit pressus, non in exilium abductus, *reductionis* locus vix videtur esse. Sed, licet in peregrinas terras tunc non fuerint solenniter deportati, cujus rei hic nullum quoque apparet vestigium: varia tamen ratione *dispersi* fuerunt. 1. Quatenus Hierosolymam religionis exercendae gratia adire non licuit, adeoque extra cultus Dei sedem aberrare, *sacraeque suae in montibus & specubus bestiarum more palantes celebrare*, debuerint, ut loquitur auctor 2 Maccab. x: 6. Quae verissima est *disperio*, ex qua *reducuntur*, quum ad montem sanctitatis, & ad domum Dei liber patet aditus, ut Ps. xlii: 3. xlii: 3. iidem simili phrasi precantur. 2. *Dispersi* fuerunt, si non extra terram, licet non defuerint, qui calamitate pressi ad exules confugerunt, saltem per terram Cananaeam, quum, locis & sedibus suis excussi, in montibus & specubus latitare, & vel in terra oberrare debuerint, nusquam tuto & secure degentes. Quod ex historia vulgatissimum est. Has ob rationes Judaei, ex calamitate illa liberati, *recollecti* dicuntur, & in historia, & in verbo Prophetico. Sic Judas Maccab. legitur, 1 Maccab. iii: 9. *congregasse perditos*, ipsi etiam 2 Macc. ii: 19. se sperare declarant, ut Deus *nos*, *nostri misertus*, ex toto terrarum orbe in sacrum locum congreget, qui nos ex tantis malis eripuerit. Inter prophetias insignis est, quae Zach. x: 8. &c. occurrit. Nobis moras non licetnectere.

§. XXVI. Quod

§. XXVI. Quod si *dispersionis* intellectus minus adlube-
 scat, duplex alia suppetit via, quam usus verbi, ejusque
 constructionis, pandit. a. Verbum *וַיָּבֹא* latius aliquando de
 rerum restitutione in integrum usurpatur, ut Job. XLII: 10.
& Jehova reduxit captivitatem Jobi; h. e. fortunarum ruinas
 redintegravit. Quo sensu sancti hic orarent, ut Deus reip.
 & religionis destructionem refarciret, & populum pristinae
 felicitati & tranquillitati redderet. b. Sed pronomen affi-
 xum subinde pro separato sumitur, & contracta ac ellipti-
 ca ratione loquendi, per dativum &c: explicandum, cujus
 phrasios exempla coacervavit. Buxt. a. Quo sensu *הַשִּׁיבנוּ* i-
 dem esset, ac *הַשִּׁיב לָנוּ* *redde nobis*, sive *רַבְּנוּ* responsum, sive
te ipsum. Prius intelligitur Job. XXXIII: 9. *si poteris, הַשִּׁיבֵנִי* h.
 e. *הַשִּׁיב לִי* sc. *רַבְּנוּ*, quod additur Gen. XXXVII: 14. & alibi, *redde*
mibi verbum, seu *responde mibi*. Vid & Job. XL: 4. 2 Chron.
 X: 16. Parum abest, quin huic interpretationi hic primas
 dem: nihil enim est cum textu conjunctius. Cum enim
 Deus aures aliquandiu a precibus populi avertisset, & *con-*
tra eos fumasset, ut vers. 5. innuunt, tandem ut *respondeat*,
 precesque afflictorum exaudiat, aptissime supplicant. Cu-
 jusmodi petitione nihil solet esse vulgatus. Vid. Ps. IV: 2.
 V: 2, 3. XVII: 2. XX: 10. LV: 2. Sed, cum activa verba abso-
 lute sumta pronomen reciprocum frequenter complectan-
 tur, *redde nobis*, egregie significare poterit, *redde Te nobis*.
 De qua ellipsi vid. Fesselius b. Secundum quem sensum,
 pristinam divini favoris & potentiae manifestationem ad
 suam liberationem implorarent. Quemadmodum vers.
 15. *Deus exercituum redi quaeso*. Quod cum seq. nostri
 versus membro egregie connectitur. Cum enim mox sub-
 jungant, *& lucere fac faciem tuam*, quam apte praesentiae
 divinae restitutionem praemiserint, nemini non patet. Fa-
 ciei enim illuminatio est ejus redditionis consequens. *Red-*
de te nobis, tuamque faciem, nobis redditam, *lucere facis-*
per nobis.

§. XXVII.

a Gr. I. II. c. 17.

b Adv. f. I. I. c. 15.

§. XXVIII. *b.* Quid *faciei divinæ* illuminatio ambitu suo complectatur, nemini obscurum est, cum hac phrasi nihil sit in Script. frequentius. Cui frequentissimo usui ansam præbuisse videtur cum *nubis & ignis columna*, Numinis Divini sedes, ejusque *facies* dicta. Exod. xiv: 24. xxxiii: 14. 15. tum etiam benedictio sacerdotalis quotidie pronunciari solita, cujus pars erat: *lucere faciat Jehova faciem suam Tibi*. Num. vi: 25. Cæterum, cum in *facie*, quæ personæ præsentiam indicat, benevoli vel malevoli affectus indicia sese ostendant, diversæ animi affectiones per *faciei* varium habitum exprimi solent. Est autem *lumen vultus* serenæ animi tranquillitatis, & benevoli affectus, argumentum, quare ejusmodi animus hac sub phrasi passim venit in Script. ut Ps. xliv: 14. *servavit ipsos dextra tua, brachium tuum, & lux faciei tuæ, quum ipsos acceptos haberes*. Hinc *lucere* dicitur facies alicujus super aliquo, cui quis *benevult*, ejusque favoris præbet indicia, & effecta præstat. Cum itaque a Deo precantur, ut *faciem suam lucere faciat*, *a.* tacite insinuant, sese Deum per aliquod tempus expertos esse *iratum*, tantum abest, ut aliqua favoris Dei effecta senserint. Hinc *enim* gravissima illa calamitas, in quam inciderant. *b.* Animum a Deo supplicant *placatum & benevolum*. *c.* Eumque ipso facto *demonstrari* in sua liberatione petunt. Quare addunt, *& servabimur*, vel *ut servemur*: votum enim suum non tantum exprimunt, sed & necessarium *lucentis vultus divini* consequens indicatum voluerunt. Ubi enim Deus favore suo populum complectitur, ejusque signa repræsentare vult, quævis *bona* in sinum populi effundantur necesse est: ita ut sui vindicationem, & omnium rerum restitutionem, cum favore Dei esse conjunctam haud obscure indicet, cum dicit: *lucere fac faciem tuam, & servabimur*. Quæ fusiore expositione non indigent.

§. XXIX. Illud tantum observandum restat, ut membrorum hujus versus nexus nitescat, priorem partem completi *ipsum* illud, quod precantur, *bonum*, posteriorem vero *me-*

dium; quo illud acquirendum erat, si nimirum prius membrum reddas, *restituere nos*. Hanc suam ex dispersione collectionem, reip. ac religionis instaurationem, supplices petunt, quum dicunt *reduc nos*: quod idem est, ac *serva nos*. Hanc vero liberationem a luce & splendore vultus Dei expectant, & petunt, quum addunt, & *lucere fac faciem tuam*, & *servabimur*. Quo ipso exponunt, tum spem & fiduciam suam in solo Dei favore & potentia positam, quæ unica salutis & liberationis erat causa, tum affectum & studium suum, quo in communionem Dei ferebantur: Non enim *liberationis* simpliciter desiderio sese teneri, sed quæ cum favore & affectu Dei benevolo copulata est, & ex eo fonte fluxit, ostendunt, cum non tantum, *reduc nos*, sed & *lucere fac faciem tuam*, pronunciant; quo sensu David Ps. iv: 7. *Multi dicunt: quis frui nos faciet bono? attolle ad nos lucem faciei tuæ, Domine*: si vero phrasin *reduc nos* interpreteris *responde nobis*, vel *reduc Te nobis*, qua ratione tum cohæreant partes, supra explicui.

P A R S S E C U N D A.

PRECUM EXAUDITIONEM URGENS, ET
MISERIE DESCRIPTIONE DEUM AD
MISERICORDIAM FLECTENS.

VERS. 5—8.

§. XXX. Quemadmodum qui malorum suorum sensu pressi a clamoribus non desistunt, donec malis eripiantur: sic Deum ad exaudiendas preces permovere

vere non cessant pii, sed ulterius instant, Deumque ad precum exauditionem his verbis compellunt, vers. 5. *Jehovah Deus exercituum, usque quo fumus in orationem populi tui?* Aptissimis titulis summum Numen compellant, *Jehova* enim veritatis & fidelitatis Dei in promissis implendis pignus est, nomen Dei memoriale; quod nomen, quo Deus se ipse insignierat, Deum quasi ad promissa implenda, adeoque populum liberandum, obligabat. Deinde cum יהוה addunt, ad fœderis promissum, quo Deus dixerat, *se Deum populo futurum*, respiciunt, & hoc etiam nomine Deum ad sui liberationem excitant. Quomodo enim cum hoc nomine, & promisso eo comprehenso, quo Deus quævis bona populo pollicetur, consistere posset tantæ calamitatis duratio? Sed peculiarem meretur animadversionem, quod *Deus exercituum* appelletur. Sic enim voces vertendas esse constat, si per ellypsin יהוה intelligas, ut in phrasi *Jehovah Sebaoth*, sive absolutum pro constructo positum velis, ut sit pro יהוה, quemadmodum 2 Sam. v. 10. Ps. LXXXIX: 9. Hos. XII: 6. & sæpe alibi, mihi perinde est. Modo per *appositionem* non explices, ac si Deus ipse hic diceretur *exercitus*, quod licere censet Coccejus ^a, titulus enim *Deus exercituum* est usitatissimus, sed *Deus exercitus* nusquam reperitur, nec Deus, sed populus *exercitus* speciem præfert.

§. XXXI. Vim & elegantiam hujus tituli minime exhausti Interpretes, cum *angelorum*, & *hominum*, a Deo assumptorum in populum sive Judæorum, sive gentium sub N. T. respectu, Deum hoc nomine venire observant. Licet enim angeli *exercitus*, & Deus, eorum ministerio utens, *Deus exercituum* appelletur, 1 Reg. XXII. Ps. CIII: 21. nec non ipse populus Israeliticus *exercitus Jehovah*, ut notum, Exod. XII: 41. ipsæ quoque gentes a Deo in populum collectæ, Jer. III: 19. ita ut *Deus exercituum* hac ratione commodè appellari possit supremum Numen, quatenus ecclesiæ summus Rector est, eaque, ad exercitus modum bene ordinata,

: lili 2. : volun

^a In Lex.

voluntatem Dei impleat, hostiumque vim frangat; dubium tamen mihi non est, quin aliud adhuc hic lateat mysterium. Est enim illud in hoc Pl. peculiare, quod animadversionem meretur, titulum hunc, qui alias rarissime in Pl., iisque paucissimis, reperitur, hic sæpius repeti, quod sine ratione factum non videtur. Suppetit autem nobis duplex ratio, quarum altera Deum tanquam ducem & imperatorem exercitus bellici repræsentat, altera Deum populi sui regem majore emphasi sistit, ac olim sub regibus fuerat. *a.* Titulus *Dei exercituum* a persona, quam Deus in deserto, quum populus Aegypto eripiebatur, gesfit, originem repetiisse videtur, Deumque tanquam imperatorem introducit, qui exercitus suos ducit, & in hostes agit. Sic Israelitæ *exercitus Dei* appellantur, Exod. xii: 41. & castrorum prætulerunt speciem, Deus, seu Angelus Domini, *princeps exercitus Jehovæ* appellatur, Jos. v: 13. Hæc eadem scena renovata est sub Maccabæis, qui cum suis sub ductu Dei, summi imperatoris, sese hostibus strenue opposuerunt, & bella cum Syris gesserunt prosperrima, suas victorias Deo attribuerunt, symbolumque prætulerunt, *auxilio Dei* 2 Macc. viii: 23. Qui cum *exercitus Dei* præstiterunt, Deum, tanquam *Deum exercituum*, peculiari emphasi invocarunt. Quo egregie respicitur, Pl. xlii: 10. ubi queruntur, *Deum cum exercitibus suis non exiisse*. Deus ergo *exercituum* hic dicitur, quatenus imperatorem & ducem sese exhibuit exercitui Maccabæorum, eorumque bellicis expeditionibus præsto adfuit. *b.* Altera ratio frequentissimus hujus tituli a peculiari relatione Dei ad populum post exilium Babylonicum, & præcipue sub Maccabæis, repetenda est. Theocratia enim, per reges Judæ & Israelis multum obscurata, pristinum vigorem recepit, & in lucem revocata est, quum per *duces*, & *sacerdotes*, Deo sacras personas, Ecclesia administrata est post exilium, ita ut Deus tunc summus *Rektor* & *dux* majore rursus emphasi constitutus sit, quam antea. Quo respicitur Jes. xxxiii: 22.

Jehovah

Jehovah est judex noster, legislator noster, rex noster, ipse servabit nos. Quo itidem facit, quod hic titulus nusquam frequentius usurpetur, quam apud Zachariam, cujus hæc, quam dedi, satis elegans est ratio.

§. XXXII. Ab hoc *Jehovah* Deo exercituum supplices petunt, ut preces populi exaudiat, moxque ad populi liberationem se accingat, ratione petita a diuturna ira, qua Deus, non obstantibus precibus populi, in eum accensus fuerat. *Quousque*, dicunt, *fumus in preces populi tui?* præteritum *נאנח* *fumasti* per *præsens* reddidi, ut futurum simul comprehendi possit. *Usque quo fumas*, h. e. in fumando perseveras, *usque quo fumabis?* Verbum *fumare* iræ vehementioris descriptionem continet. Ira enim cum igne, fumum in nares propellente, comparari solet, quia irati, sanguine & spiritibus ebullientibus, *fumum* per nares emittunt: est enim *nasus iræ sedes*, stylo veterum; unde *נאס* *nasum*, dein *iram* denotat. Hinc *וַיַּרְא* eum *נאס* *passim* construitur, ut Ps. LXXIV: 1. *quare fumat nasus tuus in oves pascui tui?* Vid. & Deut. XXIX: 19. Ps. XVIII: 9. Sed selecta phrasis est, qua Deus *in preces fumasse* dicitur, dextre intelligenda. Sensus enim non est, Deum ipsis precibus *iratum* fuisse, tum quod *preces* per se malæ non sint, aut Deo displiceant, tum quod *populi Dei* orationes Deo gratæ sint, si eas per se spectes: sed Deum *iratum* sese exhibuisse ipsis in precibus populi, ita ut iram quidem non provocaverint preces, sed eam nec placare, nec serenitate induere vultum Dei, potuerint, non efficere, quominus Deus *fumare* pergat. Videtur vero phrasis respicere vel ad iræ fumum, quem preces dispellere non potuerunt, vel ad tenebras faciei divinæ, quas iræ fumus produxit, quibus vultus Dei quasi obductus *lucem* salutarem non vibrabat, ita ut *illuminationi* faciei opponatur; vel denique ad fumum *suffitus*, quocum preces comparantur, quique *bonæ fragrantia* Deo esse dicitur; ut sensus sit, tantum abesse, ut Deus in fumo precum acquiesceret, easque exaudiret, ut, contra, hujus fumi gratissimi loco

Deus *ira fumum* mediis in precibus spiret. Quæ Calvini est non inelegans cogitatio, nescio quam solida.

§. XXXIII. Sed quicquid hac de re sit, intellectus realis in obscuro non est. Cum enim *nasi fumus* iram denotet, eaque in Deo, ab omnibus affectibus libero, non *commotionem*, sed naturalem *voluntatem* puniendi peccata, a sanctissima Dei natura alienissima, Deoque injuriosa, quæ propterea poenæ debitum secum trahunt, simpliciter ob oculos ponat, *fumare Dei in preces* nihil aliud dicit, ac, non obstantibus precibus, puniendi voluntatem retinere, & in malis infligendis, aut continuandis, perseverare, per preces non flecti, non placari: imo sese populo precanti propitium & facilem non præbere, sed aditum ad lucem faciei occludere, ita ut fiducia & spes exauditionis populo oranti pereat, ejusque *ardor* in precibus sensim exstinguatur. Sed emphasi non caret, quod *populi* Dei preces dicant: præter generalem enim & vulgatum ejus intellectum, quo Judæi a Deo in fœdus assumpti, & arctis vinculis cum Deo copulati, ejus *populus* audiunt, speciatim in hoc elogio ad *fidem* suam, in fœderis conditionibus implendis præstitam, respexisse videntur: ita ut, se a Deo non defecisse, nec idololatria, ut olim, sese taminasse, hoc titulo insinuaturn voluerint. Quod ad Deum flectendum erat accommodatissimum. Sic Ps. XLIV: 18. idem illud confitentur, ubi dicunt. *Hoc omne nobis accidit, & non obliti sumus tui, nec mendaces nos in fœdus tuum fuimus*, vers. 21. *si obliti fuerimus nominis Dei nostri; manusque nostras ad Deum peregrinum expandimus*. Quod temporibus Maccabaicis, quibus religionis causa vexabantur, gravissimisque minis ad idololatriam Syriacam cogebantur, ad rem quam maxime faciebat observasse. Quo ipso in elegantiore vocis *precum* emphasin detegendam ducimur. Vox enim Hebr. *הוֹדָה* orationem ad Judicem directam significat, qua quis *justæ* suæ causæ defensionem a judice petit. Ps. IV: 2. *Deus justitiæ meæ audi* *הוֹדָה*, justitiæ meæ implorationem. Radix *הוֹדָה* *judicare* denotat, ut notum.

notum. Pſi de ſumma injuria ſibi a Syris inflicta querebantur, & calamitatibus injuſte a Syris illatis preſſi ad Deum judicem confugiunt, ſuæque cauſæ patrociniū a Judice totius terræ ſupplices petunt. Quo ipſo Deus magis adhuc ad preces populi exaudiendas obligabatur. Quum enim, tanquam *judex juſtus*, ab injuſta oppreſſione vindicaverat populum, eo magis tanquam ejus Deus & fœderatus eripere debebat.

§. XXXIV. Ultimam denique rationem, qua preces urgent, a *diuturna* calamitate deſumunt, de cujus diuturna duratione contra omnes populi preces præcipue hic conqueruntur, cum dicunt, *usque quo ſumas?* ſic Pſ. LXXIX: 5. de eadem afflictione: *usque quo Jehovah irascèris?* נַחֲלֵנוּ h. e. purum putum, ſine miſericordiæ temperamento? id enim vox נַחֲלֵנוּ ex primigenia poteſtate comprehendit. Quod Pſ. LXXIV: 10. hac ratione exprimunt: *usque quo probra in nos, Deus, conjiciet hoſtis?* *ſpernet inimicus nomen tuum?* נַחֲלֵנוּ *plene & perfecte?* ſic ib. verſ. 19. *ne obliviscaris in æternum,* vel penitus. Hypotheſis hujus querelæ in nimia afflictionis *duratione* poſita eſt. Quod non absolute, ſed reſtrictè eſt intelligendum, ut facile patet; & relate ad calamitatis originem, & gravitatem. Atrocitas & gravitas breviffimam afflictionem longam facit, ita ut horribili calamitate preſſi, quam diu ferre nequeunt, *usque quo* recte dicere poſſint: an ad internecionem usque? ſeu, fere oppreſſi ſumus, quamdiu adhuc durabit? Hoc in ſtatu erant res Judæorum tempore Antiochi, ut, niſi cito ſuccurrifſet Deus, & miſeris opem tulifſet, de rep. & religione actum fuiſſet. Quod in exilio Bab. ſic ſe non habuit. Deinde, ſeveriſſima afflictio, quæ religionis cauſa inſtituitur, adeoque ne ſpeciem quidem juris ac juſtitie prætereſſe poteſt, ſumma injuria populo immiſſa, vel brevis cenſetur longiſſima: ejusmodi enim ſumma ſcelera per *juſtitiam* Dei vix aliquo tempore tolerari poſſe videntur. Accedit denique, diuturnam exiſtimari afflictionem, quæ preces longo tempore fatigavit & ſefellit:

sefellit: quo sensu hic occurrit. Ardor enim precum se diu tueri non potest: nec Deus tam diu *preces* spernere posse videtur. Licet itaque hic Psalmus in speluncis, ut conjeci, a dispersis compositus, liberum ad sacra celebranda nondum patere aditum demonstrat, attamen Maccabæos jam in debellandis hostibus strenue esse occupatos, simul indicat, adeoque postquam aliquandiu duraverat afflictio, sed nondum profligata, Psalmus concinnatus est, absque quo tempus præcise definiri possit. Duravit vero afflictio Syriaca, si late sumas, 26 fere annis, ab initio profanati Templi ad initia Simonis Ethnarchæ, sed post *triennium*, & quod excurrit, Templum repurgatum est, & sacra instaurari cœperunt. Quod *breve* quidem tempus est, si durationis tantum habeas rationem, quare *momentum exiguum* dicitur Jes. LIV: 7. sed *longum*, si gravitatem afflictionis, aliasque circumstantias, consideres. Quibus accedit, affectum concitatio-rem, quem pii hic induerunt, & poeticum fervorem, omnia in majus augere, & fortissime exprimere solere.

§. XXXV. Ipsa querela, cujus hypothesin in luce collocavi, hunc præbet intellectum, ut sine ambagibus ejus sensum exhibeam, *calamitatem* ad extremum venisse, seseque in eam redactos esse conditionem, ut, nisi Deus subito opem ferat, cum rep. & religione actum sit, &, si Deus hoc in statu nondum succurrat, videri debeat in æternum velle irasci, ac relationibus Deum inter & populum renunciare. Ac si dicerent: tanta in afflictione si preces populi Tui repellas, Domine! si post tam diuturnam calamitatem nondum exaudias populi suspiria & clamores; *quousque tum?* Significatur, *a.* Calamitatem summum adtigisse culmen, ita ut major sine certissima populi pernicie fieri non possit. *b.* Iræ Divinæ hic terminum esse figendum, tum quod cum relationibus Dei ad populum ulterior duratio iræ divinæ consistere vix possit, tum quod conditio populi ferre non possit, ut diutius duret afflictio. Huc cum res decesserit, & Deus jam jam populum liberaturus sit, ejusmodi preces in piis excitari

excitari solent, quæ propterea certissime exaudiuntur. Vid. Zach. I: 12.

§. XXXVI. Subjungunt acerbissimæ querelæ de diuturna calamitate ejus enarrationem & vividissimam descriptionem, a populi tristissima affectione desumptam, qua *lacrymis* sese consumebat, absque ut vicinis, hostibusque suis, ullam misericordiam concitare potuerit, contra ludibrio ipfis fuerit ac contemptui. Quod utrumque ad Dei gratiam impetrandam accommodatissimum erat. Cum enim Deus sit *misericors*, *tristitiam* populi sui sine commotis visceribus quasi adspicere posse censendus non est: ignominiam quoque populi, qua ipsum afficiebant vicini & hostes, nulla ducti commiseratione, ferre non poterat Deus, populi rex & vindex. Mœsitiam populi his emphasios plenius vocibus exprimunt, vers. 6. *Fecisti, ut pane lacrymis vescerentur: & lacrymas plenius cyathis biberent.* Vehementioris tristitiæ, quæ lacrymas tanta copia exprimit, ut cibi & potus loco esse possint, descriptionem hoc versu comprehendendi, dubio procul est: sed voces, earumque structura, difficultate non carent. Prius membrum duplici ratione reddi potest; vel, *cibasti eos pane lacrymarum*, ut sit in statu constructo, quemadmodum Jes. xxx. 20. *וַיִּכְרֶם לֶחֶם אֲנָשִׁים* panis angustia; vel, *pane lacrymis*, per modum appositionis, ut vice & loco panis sint lacrymæ; quod Ps. xlii. 4. dicitur, *fuit mihi lacryma mea panis.* Quæ posterior versio nobis omnino, cum Cl. Schultens a, sese approbat, cum quod *panis lacrymarum* durius sit phrasis, quæ alibi nusquam occurrit, tum quod sensum fundat magis emphaticum, si *panis ipsa lacryma* fuisse dicatur. Sive autem reddas *sicut panem*, ut כּוּלִי *sicut panem comedi*, cujus ellipsis ubique obvia sunt exempla; sive ipsas lacrymas *cibum* præstitisse velis, ac *panem lacrymas* pro vice panis interpreteris, fere perinde est; hoc tamen

simplicius & fortius: ejus exemplum est, Ps. XLII: 4. Jes. xxx: 20. 1 Reg. XXII: 27. Job. I: 24.

§. XXXVII. Quo sensu *panis* dicantur ipsæ lacrymæ, difficiles non habet explicatus. Quemadmodum enim panis famis objectum est, ac quotidie sumitur, & plena mensura sumtus *satiat*, ita ut nullius amplius cibi quis feratur desiderio: sic *lacrymæ* ab homine, magna tristitia affecto, unice expetantur, & quotidie ex oculis emanant; imo magna copia effusæ cibi desiderium eripiunt, & fastidium creant aliarum rerum, ita ut anima panem respuat, tota in lacrymas immersa. In specie vero lacrymarum copia, & quotidianus diffusus innuitur, ac, deliciarum non tantum sed & necessarij alimenti in locum successisse, indicatur, ita ut, cum antea laute & lætè viverent, ciboque cum gaudio vescerentur, nunc *lacrymis* sese alant, omnibus deliciis privati, & panem ipsum fastidientes. Quæ profundæ *tristitiæ* luxulenta est descriptio. Sicut enim moestitiæ signa & effectus lacrymæ sunt, ita summa tristitia in eo elucet, quod lacrymis sese immergat quis, in iis consolationem unice quærat, laetis non tantum sed & necessariis alimentis renunciet, & nisi nisi lacrymas petat aut quærat.

§. XXXVIII. Eodem contineat membrum posterius, sed difficultioris interpretationis, quam vox obscurior *וְכֵן* præcipue adfert. *Et potum ipsis dedisti lacrymas וְכֵן*; in *mensura* habet Vulg., ut LXX. *ἐν μέτρῳ*, Chald. *בְּמִדָּה* tripliciter: quod ad propriam vocis Hebr. significationem propius accedit. Vox enim *וְכֵן* ternarii numeri ideam involvit; unde *triental* passim redditur ab interpretibus, & *mensura* aliquod genus intelligitur: quam *mensuram* alii ignorare se profitentur; alii *tertiam* Ephæ partem constituere censent, ex voce ipsa, & lingua Aethyop. argumento ducto, ut Cl. de Dieu a. Videtur sane ad *mensuræ* genus illa vox translata, ut ex Jes. XLII: 12. liquet. *Quis mensus est triente, וְכֵן, pulverem* *וְכֵן*. Sed quantæ sit capacitatis illa mensura, certo definiri nequit.

nequit. Etsi enim vox *ternarium* proprie numerum dicat, inde tamen ad quamvis rem *excellentiorem* denotandam, transire solet. Sic Prov. xxii: 20. *nonne scripsi Tibi orationem h. e. eximia, in consilio & scientia.* Hinc *וְיָוֹדָהּ*, q. d. virum triplicatum, fortitudine & dignitate præstantem virum, denotat: ut enim *septenarius*, sic & *ternarius* numerus excellentiæ signum & symbolum esse solet, in specie *firmitatis*, & *fortitudinis* notio videtur, e *triplici* filo nexo, non facile rumpendo, Eccles. iv: 12. orta. Quo etiam respicitur Prov. xxii: 20. ut observavit Cl. Schultens. Nec tamen *orientalis*, seu tertiæ partis ephæ, penitus repudiatum verum intellectum, quem ex lingua Aeth. illustrat *de Dieu*. Est quidem, fateor, quod Cl. Vitranga ad Jes. xl: 12. objicit, *nimis magna mensura, quam ut commodè inservire possit potationi*: sed orationem, e vehementione affectu profectam, rem exaggerare, ex textu liquidum est. Sensus ergo est, lacrymas non vulgari mensura, sed insolita, populo habendas esse datas, ita ut ex *orientali* quasi haurire debuerint.

§. XXXIX. Habet & aliud structura vocum, quod minus limpide fluit. Præpositio enim *א*, quæ voci *מַיִם* præmittitur, ad sequentem vocem *וְיָוֹדָהּ* rectius pertineret: ut sit, *bibere eos fecisti lacrymas in triente*: ita ut *trientis* sit vas lacrymas continens. Prior illa difficultas, quam præfixum *א* peperit, facile tollit *irrigandi* potestas, quæ verbo *מַיִם* inest: quum *א* ante *מַיִם* illud, quo quid perfunditur, denotat, ut sit, *irrigasti nos lacrymis*, quod idem est, ac *bibendum nobis dedisti potum lacrymarum*. Chaldaeus interpret vocem *וַיַּיְוֹדָהּ* inseruit, ut facilius fluat sermo: *bibere nos fecisti vinum cum lacrymis*: quemadmodum membro superiore, *panem cum* *intinctum lacrymis*: sed ab elegantia & emphasi orationis recessit. Nolunt enim dicere, panem lacrymis permixtum, sed ipsas lacrymas ipsis fuisse cibum, nec *vinum* lacrymarum, sed ipsas eas bibendas ipsis esse præbitas. Quid itaque faciemus voce *וְיָוֹדָהּ*, præfixo suo privata? Quod si *וְיָוֹדָהּ*

legere liceret, n ex seq. n, in וַיִּבְרַח, deficiente per connexionem scripturam antiquam, sensus foret, *irrigasti lacrymis tripliciter*, pro multipliciter, sicut Ez. xxi: 14. *plurabitur gladius tripliciter*, & Lat. *tergeminum* a usurpant; confirmat Chald, vertens וַיִּבְרַח *tripliciter*: sed per ellipsin a esse potest pro וַיִּבְרַח, uti Jes. xl: 12. ut sensus sit, Deum irrigasse populum lacrymis magna mensura admensis, id est, aquæ vel vini loco lacrymas magna copia ipsis dedisse bibendas. Quæ vehementioris tristitiæ luculenta itidem est descriptio; tum quod lacrymarum copia emblemate comprehensa sit, tum etiam quod, qui lacrymas vini loco bibere dicitur, sese omnem consolationem respuere, & tristitiæ penitus immersum esse, indicet, ita ut nullum sit nisi in lacrymis solatium. Quod ex Ps. cii: 10. egregie confirmatur; ubi ecclesia afflicta ejusdem temporis, (pertinet enim Ps. primo sensu ad Epiphanica tempora) tristitiam suam in hæc verba exprimit: *Quia cinerem tanquam panem comedi, & potum meum lacrymis miscui*, id est, loco panis fuit cinis mihi cibus, & lacrymis loco vini potum meum paravi: quo nihil aliud indicatur, ac profunda moestitia, quæ nullam admittit consolationem: cinerem enim & pulverem comedere solatii privationem denotat.

§. XL. Hæc ipsa fuit conditio populi sub afflictione Epiphanica gementis. Lætitia non tantum instrumenta musica in Templo & per totam terram silebant, sed & lamenta & gemitus ubique audiebantur, omniumque facies sordibus ac lacrymis commaculatæ erant. Sic i Maccab. i: 26. *Et fuit luctus magnus inter Israelitas in omni loco ipsorum: nam ingemuerunt principes, senesque, virgines & adolescentes infirmati sunt, & pulchritudo mulierum immutata est, omnis sponsus assumpsit lamentum, quæ sedebat in thalamo erat in luctu*, iii: 45. *sublata erat lætitia ex Jacobo: tibique & cithara defecerat*. Cum autem tristitia sit calamitatis signum, eam ipsam hoc tempore fuisse maximam, profundæ

a Vid. Turneb. adv. l. iii. c. 20.

fundæ tristitiæ descriptio, quæ hoc loco exstat, elare indicat. Quæ sponte sua elucet. Quare nihil nisi unicum ex Jes. locum addam, ut Prophetiarum concentus eniteat. Sic enim ille. c. xxiv: 7— de eadem afflictione. *Luget mustum, languet vitis, ingemiscunt omnes læti corde, cessat hilaritas tympanorum, deficit strepitus exultantium, cessat hilaritas citaræ: cum cantico non bibitur vinum: clamor super viro est in vicis, confusa est omnis lætitia: migravit hilaritas terræ.* Alia similia ubique occurrunt.

§. XLI. Quam accommodatissima hæc lamenta populi sint ad Deum flectendum, quo hoc in loco collineant, ut demonstrem, opus vix est. Deus enim est Numen misericordiæ plenissimum, populi sui Deus fœderatus, qui ab eo coli vult in lætitia & gaudio, nec pati potest, ut populo calamitate opprimatur, & gemitibus intabescat. Deinde cum animum contritum & prostratum, peccatorum & malorum sensu vivide affectum, lacrymæ, ex animo fusæ, exponant, nihil aptius erat ad Deum movendum, quippe cuius est, animos afflictos erigere & vivificare, quod ipsum se facturum promiserat. Sic enim Jes. xxv: 8. *Deterfit Dominus Jekhova lacrymas ab omnibus faciebus, atque opprobrium populi sui removebit a tota terra, quia Jekhova sic fatus est.*

§. XLII. Quod ultimum itidem cum insigni virtute Deum ad preces exaudiendas permovendi præditum sit; populi enim opprobrium ad ipsam religionem, a Deo institutam, imo ipsum Deum, populi vindicem, ac cultus objectum, quodammodo sese porrigebat, illud motivum expresse memoratur, vers. 7. *Posuisti nos contentionem vicinis nostris, & inimici nostri subsannant eos.* Crucem præcipue figit ultima vox ׀ל, quam alii reddunt sibi, sive secum, sive inter se invicem, alii eum, sc. Deum, alii nos, ut Lxx. Vulg., Syr. & Arab., qui legisse videntur ׀ל. Quæ lectio repudianda non esset, si maiore vestita esset auctoritate. Sic in eadem persona continuaret oratio. Sed a Masoretharum lectiones

recedendum non censuerim, cum sat egregium & facilem fundat sensum. Verti autem debet per *eos*, tum quod usitata sit verbi ¹⁷ constructio cum ⁵ pro *subsannare* aliquem, tum quod ¹⁷ passim tertiam personam pluralem designet, ut vers. 6. Nec obstat persona prima, quæ membro priore hujus versus occurrit, *a.* enim personarum mutatio in odii elegantiae causa frequentissima est. *b.* In hoc Ps. quoque solemniter. *c.* Non sine ratione videtur adhibita. Psalmista enim ipse cum aliis inter vicinos, vel & in speluncis, latitans, rixas & contentiones vicinorum maxime excipiebat. Reliqui in terra Cananæa, qui in hostium manus inciderant, vel sese iis opponebant, ut Maccabæi, in eorum insultus & subsannationes incurrerant. Quemadmodum & vers. 3. se ab Ephraim & Manasse ac Benjamin distinguunt. Quod tamen nimis urgendum hic nolim. Cæterum *futurum* tempus hic adhibetur, licet præteritum & præsens maxime intelligatur, quod oratio in medio vers. 6. incepit cum futuro, & conversivo munito, in ¹⁷ *opponere*: unde liquet, eadem ratione futurum hic, ut ibi, esse vertendum, nec non quod de futuro maxime solliciti erant, & Deum eo etiam argumento ad liberandum populum compellunt; ceteroquin enim poneret populum *summam luctum*, ut hucusque satis experti fuerant. Sed hæc leviora sunt, nec tamen negligenda.

§. XLIII. Difficultatibus, quæ ad versionem pertinent, sublatis, sensus luci exponendus est. *Prius* membrum *vicinorum lites & jurgia* complectitur, quæ dispersos præcipue tangebant. *Posuisti nos*, dicunt, *vicinis nostris*, (scilicet, populis *circa nos*, ut alias Script. loqui solet, etiam Ps. ad hæc tempora spectantes, ut Ps. XLIV. 14. LXXIX. 4. intellige Moabitas, Ammonitas, Philistæos, præcipue Edomæos, odio & invidia erga Judæos semper flagrant, & ipsorum calamitatibus insultare solitos. *Posuisti nos* ¹⁷ *ידון* LXX. *eis αντίλογον* contradictionem, ut Vulg., *διὰ μάχης* per pugnam, seu *in pugna*. Vox Hebr., etsi mediæ sit significationis,

ficationis, & in genere contentionem in iudicio denotet, deflexit tamen ad jurgia, quæ viliorum & abjectiorum sunt humanum, cum convitiis conjuncta: sic de rixis mulieris rixosa & iracunda, Prov. xix: 13. xxi: 9, 18. iracundi xv: 18. irrisoris c. xxii: 10. superbi & arrogantis xxviii: 25. cum contumelia etiam conjungitur, c. xxii: 10. imo de contemptu videtur usurpari c. xxiii: 29. ubi inter ebrietatis mala & miseriae referuntur præter vā, egestatem, vulnera, quoque כבוד & נחם, verte contemptus & profunda tristitia, vel calamitas. Qui jurgia & meditationem seu fremitum reddunt, quod ebriorum sit lites ferere, non attenderunt, Salomonem non vitia ebrietatis, sed misera ejus effecta recensere. Verte igitur ignominias & profundam tristitiam, rei & vocibus satisfacies: נחם enim respondet rad. נחם & נחם; quarum proprietas, in subsidendo sita, quemadmodum quod humo palultri mergitur profundius, ad marorem acerbiorum transit, ut Ps. xxxv: 14. xlii: 6, 7. Habet præterea phrasim, ponere quem altis jurgium, insignem emphasin, sive per ellipsin pro נחם נחם viros contemptissimos, rixarum & convitiatorum materiam & objecta sumas, ut Jer. xv: 10. Jeremias audit נחם נחם & נחם נחם vir lites & rixarum totius terræ, in quem omnes conviciis & jurgiis impetum faciunt, qui verus ejus sensus est, sive abstractum hic pro concreto poni censeas, ut jurgiam sit jurgis & contumeliis obnoxius, quemadmodum Ps. lxxxix: 4. opprobrium & subsannatio, & Ps. lxxxviii: 9. abominatio, pro eo quem omnes abominantur. Quod sæpe insignem habet emphasin, & superlativi est descriptio.

§. XLIV. Queruntur itaque dispersi, se contemptui, odio, contumeliis & convitiis publicis, vicinorum esse expositos, ita ut tantum absit, ut sortis ac conditionis suæ afflictae misereantur vicini, consolentur, ac opem sibi ferant, ut, contra, humanitatis quasi sensu deposito, in se impetum faciant, probra conjiciant, & rixas secum agitent, rogantes, ex. gr. ubi est Deus vester? Ps. lxxxix: 10. ubi fiducia ve-

stra

stra in Deo, & *gloriatio* de Deo, & vero ejus cultu vobis præscripto? &c. vos estis pessimi homines, digni ejusmodi malis, quæ patimini. Alios injuste ex terra expulistis, occidistis crudeliter, eandem nunc juste subitis sortem. Hunc genuinum existimo loci sensum, ab Interpretibus, qui, significatione vocis מִן non observata, in omnia alia abierunt, minus perceptum, quem phrasis exhibet, comparatio cum Ps. parallelis confirmat, & res ipsa exigit. Hac ratione enim Judæos tunc temporis passim fuisse exceptos, & male habitos a vicinis, notius est ex historia, quam ut demonstrare necesse habeam. Nec difficultatem parit, *Deum* hic dici *posuisse* populum *rixas* & *convitia*; nihil enim aliud innuitur, quam Dei providentia populum in eam conditionem devenisse, ita ut Deus non tantum id permiserit hostibus, sed & justas ab rationes populum tradiderit in eorum potestatem, omniaque sic direxerit, ut populo hæc mala acciderint.

§. XLV. Referamus denique has querelas ad *scopum*, quem intendunt, & egregiam *vim*, quam habent ad Deum flectendum, luci exponamus. Eo enim fini conditionem suam afflictam Deo attribuunt, eamque vivide his phrasis depingunt, ut, Dei gloriæ interesse, insinuent, ut ex illa calamitate quam citissime liberentur. a. Quia *Dei causa*, propter religionem suam, quam abnegare nolebant, in ea mala inciderant, Ps. XLIV. Quod tacite innuunt, quum a Deo se in eo statu esse positos declarant, ita ut ratio calamitatis non tam ad populum, quam Deum ipsum spectet. b. Quia contumelia sua in ipsam *religionem* & Deum redundabat; convitiis ipsi, qua populus Dei, appetebantur, & lites de veritate Dei & religionis suæ secum serebantur. Vicini enim populi, idololatriæ dediti, ex hac gravissima afflictione colligebant, vel Deum Judæorum esse infirmum, qui populum vindicare non poterat, vel esse inमितem, vel saltem non esse summum Numen, ut Judæi contendebant, aut Judæos non esse ejus populum, ut gloriabantur. Quæ ratio

ratio est, quare hæ ipsæ *lites* populi Pf. LXXIV: 22. *lites Dei* dicantur. Surge Deus, ibi dicunt, *litiga litem tuam: recordare opprobrii a stulto per totum diem.*

§. XLVI. Eodem collineant posterioris membri verba, quibus populum ab ipsis hostibus, qui eos opprimebant, illudi & subsannari conqueruntur, his verbis. *Et hostes nostri subsannant eos; eos scilicet, qui in eorum manus inciderunt, vel cum ipsis in certamen descenderunt; ut supra notavi.* Verbum Hebr. נָשַׁח propriam sedem habere videtur in creberrima vibratione ac contorsione nasi ac labiorum; apud Arab. enim dicit, *crebro vibravit naso & labiis*, unde tum ad loquelæ barbariem, seu nimiam rapiditatem, quæ distinctos non fundit sonos, adeoque inepta labiorum videtur esse motitatio, transfertur, Jes. XXVIII: 11. XXXIII: 19. tum de illusione sarcastica usurpatur, qua quis verbis ac gestibus aliis irridet: quod labiorum & nasi vibratione ac contorsione passim fieri solet. Quo sensu frequentis est in Script. usus, uti Jes. XXXVII: 22. Jer. XX: 7. Ps. XXII: 8. LXX. hic recte utuntur verbo נָשַׁח naso suspendere. Nondum omnem loci elegantiam, & acumen, quod in hoc verbo hic inest, percepimus. Videtur enim hic recte ad linguam hostium, Judæis barbaram, & ridiculam, simul respici, & ipsorum hostium characterem hic signari, ut subsannare hic sit barbaris & ridiculis labiorum motitationibus Judæis illudere, convitari, quod Syro-Macedonibus, Græce loquentibus, proprie convenit, cum quod Judæi Græcam linguam potissimum sub barbaræ linguæ nomine exprimere soleant, tum præcipue quod Jes. XXXIII: 19. illi hoc titulo insigniantur, & hoc criterio distinguantur. *Populum barbarum non videbis*, ait Propheta, nomine Dei populo liberationem ab his hostibus promittens, *populum profundi labii, ut non intelligas, ridiculæ linguæ* נֶשֶׁח לִשָּׁנָה ut non percipias.

§. XLVII. Hostes ergo sunt Syro-Macedones, barbære Judæis loquentes, qui hoc tempore ipsos miserrime vexabant, iisque cuncta hæc mala infixerant: qui *hostium no-*

men in summa emphasi merebantur, quod Judæos ex odio, religionis causa, hostiliter petebant, quæ propria radice ⁱⁿ emphasis est, & in eos inimico admodum animo irruebant. Quo sensu a vicinis distinguuntur. Hi *subfannarunt* Judæos, quibuscum ipsi res erat, multis cum contumeliæ signis ipsos trucidando, præterea Maccabæorum parvam manum deridendo, & auxilii divini, cui fidebant, vanitatem iis exprobrando, quemadmodum olim fecit *Goliath*, 1 Sam. xvii: 10. & Rabface Jes. xxxvi: 18. xxxvi: 17. Quod gravissimum erat crimen, vindictam Divini numinis clamans. Ad quod si conniveret Deus, & populo afflicto promptum non præstaret auxilium, se suamque veritatem abnegasse, & relationes ad populum suum exuisse, censeretur. Miseris insultare atrocissimum peccatum est, eos cum irrisione affligere, & cum delectatione mactare, longe adhuc atrocius: sed populum Dei adeo barbarè tractare, & Deo ipsi, ejusque cultui, projecta audacia insultare, ferendum non erat Numini justo & peccatorum vindictæ. Unde sponte elucet, quam accommodatæ sint hæ querelæ ad Deum permovendum. De veritate hujus facti nihil memoro, quod ea ex historia Maccabæica vulgatissima & testatissima sit.

P A R S T E R T I A,

TUM, COMPARATIONEM FELICITATIS PRÆ-
TERITÆ ET CALAMITATIS PRÆSENTIS
COMPLEXA, TUM PETITIONEM IN-
STAURATIONIS IN EO FUNDATAM.

§. XLVIII. Quum parte superiore, quæ proxime præ-
cessit, per præsentis afflictionis commemo-
rationem Deum ad misericordiam sectare incoepissent
pii,

pſi, idem argumentum perſequuntur hac pericopa ultima, & per comparationem inter præteritam & præſentem conditionem inſtitutam clarius repræſentant, ac fortius urgent. Cum enim Deus ipſe populum hunc elegiſſet, in terra Cananæ plantaffet, multaque beneficia alia in eum contuliſſet, adeoque arctiſſimam ad eum habeat relationem: multis nominibus videri poſſet obligatus ad populi, nunc graviſſime preſſi, liberationem efficiendam. Niſi enim opus manuum ſuarum miſſum faceret, & relationibus ſuis ad populum renuntiaret, ſuamque perſonam, qua populi conditorem, & paſtorem & vindicem, agit, exueret, populum ſuum ab hoſtibus opprimi, remp. plane exſtingui, pati non poterat. Unde facile enitet, præteriti & præſentis ſtatus collationem magna vi ad Deum permovendum pollere, adeoque firmum præcationum fundamentum ſuppeditare poſſe. Partes hujus pericopæ, cujus ſummam repræſentavi & ſcopum, tres ſunt. a. *Prima* continet præteritorum beneficiorum & florentis ſui ſtatus deſcriptionem, verſ. 9—12. b. *Secunda* præſentem conditionem miſeram, præterita oppoſitam, complectitur, verſ. 13—14. c. *Tertio* argumentum eſt petitio auxilii divini ad ſui liberationem, inde ad fin. Pſ.

§. XLIX. Beneficia, quibus Deus hunc populum mactaverat, & ſe ei ſimul quaſi obſtrinxerat per arctas relationes ad populum, quas illa bona attulerunt, quæ populi liberationem ex Aegypto, ejusque introductionem in Cananæam, & multiplicationem ac benedictionem in ea, complectuntur, metaphora elegante a vite ducta involvuntur, cum quod uſitatiffimum ſit in Script. emblemata, ut ex Jeſ. vi. xxvii: 2. Jer. ii: 21. Deut. xxxii: 32. aliſque locis elucet, tum quod ſit aptiſſimum, quippe quo genuinus nontantum populi conſpectus, & ſingularis ejus prærogative præ reliquis terræ gentibus, ſed & beneficia divina, & inde natæ relationes, vividiffime expinguntur: quæ cuncta egregie hic ad rem faciunt; ut ſequentia docebunt. Eccleſia Judaica inter reliquas terræ nationes tanquam *vitis terræ*

unica versatur, quæ, nobili fatu orta, a Deo destinata est, & apta ad fructus nobiliores, Deo & hominibus acceptos, edendos. *Vitis* expingit *semen Abrahæ*, sive Patriarcharum posteros, sese in varias, lateque diffusas, propagines diffundentes, qui externa specie inbecilles, & contemtibiles, præ reliquis optimorum fructuum spem præferunt, & expectationem faciunt. Præcipua *vitis* attributa, quæ hic unice in censum veniunt, sunt, α. ejus species externa, qua nihil firmi, nihil grati, nihil, quod se commendet, habet. Ezech. xv: 1. β. Ejus expansio, & proceritas, qua sese longe lateque diffundit, & in altum elevat. γ. Fructus ejus omnium nobilissimi & acceptissimi.

§. L. Hæc attributa quam apte respondeant Ecclesiæ Judaicæ, vix opus est, ut attingam, cum res per se in oculos sese ingerat. α. Judæi per se erant *infirmi*, qui se nec vindicare nec defendere & sustinere poterant, nulla specie Deo sese commendantes, hominibus invisi & spæti. β. Ipse tamen ille populus sese stupendum in modum subito multiplicabat, & in maximum numerum excrescebat, ita ut ipsos Aegyptios superare videretur. Quod sequentibus temporibus, quibus meliore solo usi sunt, magis adhuc conspicuum fuit, de quo postea. γ. Præcipuum tamen, quo se commendabat hic populus, erat ejus *aptitudo* ad fructus nobilissimos edendos; id est, ad opera veræ religionis, pietatis, & virtutis præstanda. Quam aptitudinem repetebant, 1. ab origine sua, Abrahamo, viti generosissima, cujus soboles erant, & succum trahebant. Hic primus eorum latus fuit, secundum quem æstimantur. Jes. Lii: 1. *Intuemini rupem; unde excisi estis, & foramen cisternæ, unde effossi estis: intuemini Abrahamum Patrem vestrum, & Saram, quæ vos parturiebat.* 2. A promissis Abrahamo factis, quibus *jus populi Dei* acquisiverunt, & quorum virtute Deus sese iis revelavit, veramque religionem in medio ipsorum stabilivit: quæ peculiaris erat prærogativa, qua præ reliquis apti erant Deo grata facere, seseque actibus religiosis exer-

exercere. 3. A viris excellentioribus, sapientia & pietate claris, qui inter eos versabantur, & ad fructus proferendos idoneos reddebant.

§. LI. Quam adcommodatissimum est emblemata ad *scopum*, quem Pii hic intendunt. Cum enim populus *vitis* conspectum gerat, adeoque solus vera religione esset imbutus, quæ ad opera Deo grata solus aptus erat, sine ipsius *religionis* detrimento extirpari non poterat. Hac enim *vite* deleta, cum nobilissimo veræ religionis fructu in mundo actum erat, & illustrissimæ vitis primæ propago, cui promissa data erant, excinderetur. Quæ cum benignissimum Numen pati non poterat, eo nomine ad exaudiendas preces rectissime compellitur.

§. LII. Præclara sunt summi Numinis beneficia in hunc populum collata, quibus eum ex Aegypto, servitutis & afflictionis loco & statu, liberavit, per desertum duxit, in Cananæam, expulsis & deletis antiquis incolis, transtulit, multiplicavit in ea, & in sublime gloriæ fastigium extulit. Quæ beneficia phrasibus metaphoricis, a *vite*, & cura ei impendi solita, ductis, hic ob oculos sistuntur. Sunt autem, *a*. Translatio vitis a solo infelici in foecundius & melius. *b*. Plantatio & curatio ejus. *c*. Foecunditas ejus incredibilis inde nata. *a*. Primum beneficium, priore vers. 9. membro comprehensum, ita habet. *Vitem ex Aegypto avulsam transtulisti*, in Cananæam sc.; ut ex sequente membro liquet. Verbum Hebr. *yon* egregiam non tantum emphasin præfert, sed & *divitem* hic sensum habet. In origine dicit, *avulsit* tentorium, palo ejus, in terram defixo, revulso, & inde secundo *profectus* est, ac in Hiph. efficit, ut, avulso tentorio, proficisceretur, seu abitum procuravit. Propriæ significationis, quæ in Arabica lingua prostat, vestigia sunt Jud. xvi. 3. Jes. xxxiii. 20. & alibi. Sed *divitem* sensum hic habet; *avulsionis* enim consequens, five *translationem* in alium locum, simul comprehendit, ut ex textu clarum est. Quod Chald. verbo *לח*, quo hic utitur,

luculenter expreffit, eo enim ipfo de eadem re ufus eft, Jef. LXIII: 9. ubi *angelum faciei* dicit *redemiffe populum & fustuliffe*, & fublatum transtuliffe; *perſpas transtuliſti habens* LXX.

§. LIII. Sequentes ergo ideæ hac notione, ut ejus amplitudinem clarius pandam, ſunt involutæ, 1. *Prima* eſt, populum ex Aegypto vi, ac magna cum potentia demonſtratione, fuiſſe extractum, quemadmodum tentorium alte infixum revellitur. Diuturna inhabitatione non tantum affixus erat ei ſolo, ſed & magna cum vi ab Aegyptiis detinebatur, ita ut exerto Dei brachio, multis miraculis, maximis plagis, fuerit evulſus & liberatus: quod ex Script. conſtat. 2. *Secunda* eſt, Deum *ſuſcepiffe*, humeris impoſuiſſe, hunc populum, inſtar tentorii avulſi, & portaffe in deſerto, ut eſt Jef. LXIII. Deut. XXXII: II. Quæ egregia eſt pictura ſummæ curæ, qua Deus Israelitas in deſerto ſuſcepit, defendit, omnibusque neceſſariis abundanter inſtruxit, eosque, Deum ſuis murmuratiõibus onerantes & fatigantes, clementer toleravit. 3. *Tertia* habet, Deum in ſedes alias hunc populum tranſtuliffe, & longe melius ſolum ei dediſſe, terram ſc. *Cananæam*, lacte & melle abundantem, *globum pinguem*, *cornu olei plenum*, ſtylo Jef. VI: 2. Ex quo obſervato ſponte elucet ratio, quare *Aegyptus* hic expreſſe memoretur. *Vitem ex Aegypto tranſtuliſti*, loco ſcilicet valde noxio foecunditati hujus vitis: quippe quo premebatur, omni cura privabatur, & dejecta ac deſerta ſpernebatur, quo denique pernicioſiſſimum ſuccum trahebat, qui venenatas & acerbiffimas producebat uvas, idololatriam ſc. & vitia quæcunque. Quæ populi conditio fuit in Aegypto. Quare magno beneficii loco habenda erat ipſa ex hoc loco liberatio.

§. LIV. *b. Secundum* beneficium eſt *fundatio populi* in terra Cananæa, Gentibus exterminatis, & *cultatio* ejus in ea, qua omnia neceſſaria ad fructificationem ſunt ſubminiſtrata. *Expuliſti gentes & plantaviſti eam*. h. e. Cananæis par-

partem deletis, partem expulsi, firmam & stabilem populo in ea terra praeiuvisti sedem: quod per Josiam cum clarissima Divinae potentiae manifestatione effectum est, ut constat: quare hic non necesse est morari. *Caract.* ejus his vocibus exprimitur, vers. 10. *נִיחַ לַפִּימָה* *vacuaveras coram illa* reddit Coccejus, alii *scopasti, repurgasti*, locum, spatium, *fecisti*, qui omnes *נִיחַ* radici in Pih. *evacuandi & purgandi* significatum attribuant, quem praeferre videtur & in aliis Script. locis, ut Gen. xiv. 31. Lev. xvi. 36. Jes. xl. 3. *viam evacuare, purgare impedimentis*. xxx. habent *וְדִבְרֵינֶדָּע* *viam parasti*, videntur subintellexisse *וְדִבְרֵינֶדָּע* *viam*, ut Jes. xl. 3. Quod vulg. etiam respexit, cum vertit, *dux itineris fuisti*. Sed Chald. supplevit *Caractes*, verumque, *scopasti & conspectu ejus* *Caractes*, quemadmodum Teph. iii. 19. *נִיחַ exterminabis inimicos tuos*. Ad *viam* *parationem* hic respici non potest, quod emblematis *utis* transportandae id non conveniat, quodque vitis jam *plantata* consideretur, ergo de *paratione loci*, in quo plantata erat vitis, rectius capitar.

§. LV. Radix *נִיחַ*, ut ad penitientem loci intellectum *viam* *planiorem* *sternam*, in *facie adversa* proprie tenetur, ut ex derivato *נִיחַ* elucet, licet *adversa* *facies* non nunquam praeferat potestatem, unde *evanescenti* ortus est usus. Ps. xc. 9. *Dies nostri נִיחַ evanuerunt per evanescentiam tuam consumiti sunt anni nostri*. Quo sensu Arab. frequent in usu est. Ab *adversa* *facie* profluxit *adspiciendi* usus, qui variis metaphoris involvitur. Sic. Ex. xiv. 27. *נִיחַ* *est*, *faciem advertentem matutino*, seu *adspirante*, *illucescente*. Hinc in Pih. *facere*, ut quis, vel quid, *nativam suam faciem ostendet*. Quod varie applicari & intelligi potest. In genere transfertur ad quaecunque impedimenta removenda, quae *nativam* *rei speciem* *obscurant* & *obtegunt*. Hinc *viam* *parandae*, seu *ab impedimentis purgandae*, fluxit notio, quippe quo efficitur, ut *viam*, a *foribus*, *lapidibus*, *virgultis*, *offendiculis*, libera, suam *advertat faciem*, antea *obscuram*. Hinc *evacuare domum* dicit, seu *facere*, ut *domus sua nuda* *facie*

facie niteat, omnibus ornamentis & impedimentis remotis. Denique, cum *facies* orientalibus pro *parte interiore*, ut *cervix* pro *exteriore*, usitata sit, hinc faciem rei ostendere usurpari cœpit pro *interiora* rei nudare, & in conspectum producere.

§. LVI. Hæc si ad præsentem locum applicemus, duplex exorietur ejus sensus, qui cum *purgationem loci*, tum *vitis pastinationem* seu *ablaquestionem*, complectitur, quod utrumque egregie ad rem facit. *Purgatio loci* in ejus *elapidatione* præcipue sita est, qua locus ab impedimentis, quæ vitis fructificationi obsunt, purgatur. Ut Jes. v. 2. *והקדתי* & *lapidibus eum purgavit*, qua figura exterminatio idololatrarum & idolorum, aliorumque criminum expurgatio, expingitur, quæ per Josuam primum, deinde per Judices & præcipue Davidem est perfecta. Hæc enim cuncta obstacula *lapidum* sub emblemate veniunt, nullam aliam ob rationem, quam quia Judæorum fructificationem, qua opera legis præstare debeant, impediunt. Addidi ipsius vitis *pastinationem*, quia ad *interiores* terræ partes penetrat, ac *radices* vitis denudat, eo scopo, ut radices inferne purgentur ab herbis noxiis, vel earum radicibus, quæ ejus nitori & incremento obicem ponunt. Quo ipso gratuita Dei operatio expingitur, qua per prophetas & doctores in fundamentales populi opiniones inquirit, eas luci exponit, ad examen vocat, & a noxiis præjudiciis liberat. Quæ præjudicia de pluribus Diis, Dei veri cultu per imagines, de externis ritibus Deo per se placentibus, & justitiam propriam constituentibus, aliisque rebus, populum occuparunt, & prophetis continuam materiam declamationum & reprehensionum præbuerunt. Quam apte autem cum *herbis noxiis* comparentur, nemini obscurum est. Addi possunt profanæ opiniones & atheisticæ, quibus providentia Dei negatur, vita æterna in dubium vocatur, & viæ Dei carpuntur, ejusque justitia vindicativa negatur, vel reprehenditur: quæ

radix

radix proferens cicutam & absinthium appellantur, Deut. xxix: 17—. qui locus huic rei illustrandæ sufficit.

§. LVI. *c. Tertium beneficium, ex plantatione & curatione vitis natum, incredibilem ejus fecunditatem completur, qua inferne radices egit, & superne sese longe lateque diffudit per terram, ita ut montes sua altitudine superaverit, & extra proprii folii fines in alias proserpserit regiones: quæ summa est vers. 10, 11, 12. Et radices suas late & alte egit: & implevit terram, montes ejus umbra operiti sunt; palmites ejus sunt cedri Dei. Ramos suos usque ad mare, & ad fluvium propagines suas emisit. Ubi ante omnia observandum, verba præteriti & futuri temporis hic permisceri, ut, utrumque tempus hic locum habere, insinuetur. Vitis jam in eam altitudinem ac latitudinem excrecere inceperat, cum Pl. compositus est, & majus adhuc incrementum ipsi destinatum erat ex consilio ac promisso Dei, ut post Epiphanicam afflictionem contigit, quo tempore promissa de multiplicatione supra Patres & benedictione impleta sunt: utrumque hic egregie ad rem facit. Bona maxima in populum collata, æque ac in eum conferenda, Deum ad populi liberationem efficiendam flectere apta nata erant. Veracitas enim Dei impedit, quò minus hæc vitis perfectæ hostium conculcationi & extirpationi tradatur.*

§. LVII. Consistit autem *fecunditas* ejus *a.* in radicibus late & alte actis, *b.* in diffusionem per terram. *a.* Prius his verbis continetur; & egit radices altas & latas. sc. vitis, cujus proxime facta fuerat mentio. Interpretes de Deo passim intelligunt, & reddunt in pers. fec., *plantasti radices ejus*, ut Vulg. & LXX. κατέφυτευσας τὰς ῥίζας αὐτοῦ, quibus reliquæ versiones antiquæ concinunt, nec ab iis multum abeunt recentiores. Rectius Coccejus *radicaverat radices suas* in pers. tert., quæretissima est interpretatio, ut cum ex seq. membro, & implevit terram, sc. vitis, tum ex constante verbi usu in Hiph. elucet. Jes. xxvii: 6. *Futuro tempore*, (id enim est יבנה sc. ימים) *radices aget Jacob, germinabit & florebit Israel, & replebunt*

plebunt orbem habitabilem proventu, qui locus nostrum illustrat. Ita Job. v. 3. *vidi stultum & non radicantem*. Cæterum cum verbum ipsum *radices agere* sua potestate propria denotet, & insuper vox *radix* addatur, emphasim, in ejusmodi constructione quæri solitam, qua summum rei gradum dicit ejusdem nominis repetitio, hic negligendam nollem. Quoties verbo additur *conjugatum nomen*, *multum intenditur significatio*, quem canonem multis demonstravit Bochartus *a*, ut ex Gr. & Lat. la Cerda *b*. *Radicare radices* dicit, *altè & late radices agere*, quod subjecto mystico egregie convenit. Populus enim Judæus in terra Cananæa sedes suas adeo firmiter & late stabilivit, ut nulla ope evelli potuerit, nisi divina vindicta in hostium manus forte tradatur. Israel terram occupatam, & ab antiquis incolis purgatam, *solus* fere possidere incepit, & in ea tanquam *sua* sese stabilivit, ut hostium impetus spernere potuerit; tantæ fuerunt *opes*, tanta potentia, quam in ea terra cum tempore acquisivit, ut tempore Davidis & Salomonis factum erat, & temporibus Maccab. præcipue contingeret. Sed hæc solæ non fuerunt *radices*, quæ *firmitatem & stabilitatem* huic viti conciliant: consistit enim populus quam maxime in *promissis*, patribus factis, & *foedere Dei*, quo ea populo renovata sunt: quod æternum & perenne fœdus est, donec Oeconomix finis advenerit. His promissis acceptum ferre debebat populus, quod in terra Cananæa stabilitus fuerit, adeoque *radices egerit*: hinc enim erat, quod potentissima Deo cura gauderent, & sub ejus umbra latitarent, quod hostibus essent terrori, denique quod opibus & divitiis, quæ robora & nervi reip. sunt, abundarent.

§. LVIII. *b*. *Alterum*, quod de fecunditate ejus testatur, est stupenda ejus expansio & diffusio per quævis terræ loca, etiam editiora; quæ per *gradus* accuratius describitur, vers. 11, 12. *a*. *Primus gradus* est ejus diffusio per

terram

a Hieroz. p. i. l. ii. c. 17. *b* Ad Virg. Aen. l. xii. p. 749.

terram Cananeam, planam & depressam, vers. 10. fin. *Implevit terram*, sc. *Cananeam*, ut cum ex voce absolute posita, tum ex seq., ubi eam extra terræ Canan. fines proferpsisse refertur, haud difficulter colligitur. Vox enim absolute posita, nec per circumstantias aut epitheta ad certam regionem, aut orbem, relata, pro terra Israelis *ארץ ישראל* sumitur, ut Hof. 1: 2. IV: 1. Pl. LXXXII: 5. De terra plana & depressa cogitandi ansam præbuit præter primigeniam vocis potestatem, quæ quicquid *depressum* & *humile* est comprehendit, ut ex Arab. lingua constat, vers. 11. ubi *montes* in specie memorantur, *ejus umbra* tecti: quæ *secunda* est gradatio. Emblema nobis ob oculos ponit Judææ gentis primam in terra Cananaea *multiplicationem*, qua per totam terram quaquaversum sese diffudit: quemadmodum *olivis*, quæ primum plana loca occupat, & per terram serpit, donec sese in altum erigat.

§. LIX. β. *Secundus* gradus est *ejus exaltatio supra montes & colles*, qua in tantum excrevit numerum, tantamque adepta est potentiam, ut supra potentissimos terræ incolas, qui adhuc supererant, eminuerit, eosque vel extirparet, vel subjugaverit, ac terras eorum occupaverit, magnaque gloria excelluerit, ut cum nobilissimis orbis regnis comparari potuerit. Id est, quod vers. 11. habetur. *Operati sunt montes umbra ejus, & rami ejus cedri Dei*. h. e, altissimi, & divinam ispirantes majestatem: epitheton enim *Dei*, voci additum, summum rei gradum denotare tralatium est, sed hic *divinæ* majestatis symbolum & simulacrum, in ea re elucens, simul involvit, ut mox dicam. Ad litteralem caeteroquin interpretationem nihil necesse est observare, præter duplicem sensum, quem posterius membrum admittere potest. Alter est, quo verbum *tegi* repetitur ex membro *priore*, ut sensus sit, & *ramis ejus tectæ*, sc. sunt *cedri Dei*, altissimæ nim. arbores, in montibus plantaræ. ita LXX. *operuit montes umbra ejus, & ai avadevdēades autis tas xēdes tē Deū, & arbusta ejus, (avadevdēades est vitis arbus-*
M m m m 2 *ta,*

ua, quae arborem conscendit,) *cedros Dei* operuerunt. Quam interpretationem deferidit de Dieu, & adoptavit Coccejus. Syrus supplevit *h* sive *juxta*, sive *supra*, & *rami ejus* apud *cedros Dei*, quas conscendunt, ut solent *vites*, vel *supra cedros*, ut super iis emineant. Sed longe aptius est reddere cum aliis, & *rami ejus cedri Dei* sunt; quae ellipti nil est vulgatius. Rationes sunt 1. Quod *ramis vitis* insolentiore phrasi *testis* dicantur *cedri*: *supereminere* dicrentur, non *tegere* cedros. 2. Ratio redditur membro posteriore, quare *montes ejus umbra* dicantur operti, quia scilicet tantae erat proceritatis vitis, ut *rami ejus cedros* altissimas aequarint. 3. Longe aptissima est comparatio cum *cedris*, & egregiam emphasin habet epithetorum *Dei*, si *rami* hujus vitis *cedri Dei* esse dicantur, ut mox patebit.

§. LX. Prius membrum, quod habet, *montes ejus umbra esse testos*, sequentia de Judaeorum multiplicatione & potentia ob oculos ponit. α. Eorum diffusionem per omnes Cananaeae partes & loca, ita ut ubique sedes figerent, & montes ac colles suis habitaculis obtegerent: quae summa est populi multiplicatio, ad quam Davidis & Salomonis temporibus pervenerant, & quam secundum prophetias adhuc assequi deberent, quum supra *Patres multiplicarentur*, uti post afflictionem Epiphan. impletum est. β. Cum hac multiplicatione conjuncta foret omnium regnorum Cananaeae occupatio; (*Montes* enim sunt regnorum & rerum. usitatissima symbola) Judaei non nisi Davidis tempore Cananaeos perfecte domare, & sub jugum mittere potuerunt, ita ut eorum sedes occuparint, & eos sub sua tutela latitare, sibi obsequium praestare, coegerint. Quod postea rursus sub Maccabaeis accidit. γ. Denique summa potentia & gloria populi hoc emblemate depingitur, quippe quae tanta foret, ut celebratissima regna non tantum aequaret, sed & suo splendore obscuraret, ac sua umbra quasi tegeret, ita ut regnum Judaeorum praecipue in omnium oculis incurreret, & per omnium ora volitaret. Quemadmodum
Davidis

Davidis & Salomonis temporibus super Syriacum Damascenum, & Arabiae regna, longe eminebat, ut ex historia notum est: ne nunc de aliis vicinis minoribus regnis, ut Idumæo, Moabitico, Ammonitico &c., dicam. Quam eandem felicitatem sub Maccabæis recuperavit. 2. Postremo comprehendit vicinorum populorum subjugationem, qua in Judæorum potestatem redacti sub eorum umbra laterent, & in eorum potentia ac protectione securitatem suam ponerent. Quo sensu Dan. II: 9. Nebucadnezar cum arbore celsissima & frondosissima comparatur, *in cujus ramis nides ponerent aves*, populi sub ejus umbra sese occultantes. Sed notissimum ac facile emblemata ulteriore commentatione non indiget.

§. LXI. Animadversionem merentur *instrumenta*, quibus tantæ potentiae & gloriæ culmen conscendit populus, ut supra montes sese erexerit: quæ sequens membrum describit, quo *rami ejus cedri Dei* appellantur, propter summam eorum firmitatem, *crassitatem & proceritatem*, quæ *cedrorum* notissima attributa hic in censum veniunt. Cum autem *cedri* vulgatissima sint emblemata *regum & principum*, opibus & potentia fortium, ac dignitate & gloria reliquos superantium, nec non fastu sæpe & superbia cælos petentium, ut ex Jes. II: 13. x: 33. Ezech. XVII: 3, 4. XIX: 10, 11. &c. Zach. XI: 1, 2. aliisque locis constat; dubium non est, quin per *ramos* vitis ejusmodi *reges & principes* intelligantur, quibus populus Judæus *regni* non tantum formam ac splendorem accepit, ut *montes* aequaverit, sed & regni fortissimi, ac potentissimi, splendore ac gloria summa fulgentis, ita ut ejus fama per orbem dimanaverit. Imo, quod notandum, *rami* ejus forent *cedri Dei*, non tantum propter proceritatem, sed & peculiarem eorum relationem ad Deum, qui *ramos* in eam altitudinem extulerat, & sua majestate ac potentia vestiverat, ut Davidem, Salomonem, Hizkiam, Josiam, Maccabæos, qui hic præcipue spectantur. A quo tempore *regni* speciem prætulit Judæa gens, & quidem regni

M m m m - 3 potentis-

potentissimi ac splendidissimi, & quamdiu eam tuita est, hujus emblematis colores præstitit: eo enim tempore *regibus & principibus* ornata fuit, qui *ramorum* fortium & excelso-
rum, quibus populi potentia & gloria crevit, speciem gesserunt. Alia, quæ emblemata illustrant, mitto.

§. LXII. γ. Tercius gradus est populi diffusio per remotas terras extra Cananæam, vers. 12. *emisit sagittas suas ad mare, & ad flumen teneros ramos suos.* Vocem *רַמְּיָם* *sagittas* verti, quia rustici Latini tenerissimam & ultimam palmitis partem *sagittam* appellare solent, sive, ut inquit Columella a, *quia longius recessit a matre, & quasi micuit, ac profuit, sive quia cacumine attenuata prædicti teli speciem gerit.* Vox Hebr. a rad. *רָץ* proprie *secuit, amputavit*, dicit *sectum*, est enim forma part. pass., quod cum *ramis & messi* conveniat, utrumque denotare solet. Sic pro *stolone* & *propagine* sumitur, Job. xiv: 9. xxix: 1. & pro *ramis* tenerissimis, seu ultima palmitis parte, quæ, utpote infrugifera, *refecari* solet, hic usurpatur, quod & ex alia voce synonyma *רִמְיָם* confirmatur, quæ cum *teneros ramos*, succum ex matre *fugentes*, tum *stolones*, ex radicibus ad truncos arborum enatis, significat, a rad. *רָץ* *fugere*. Pro *stolenibus* venit, Job. xv: 30. Jes. LIII: 2. pro summis ac tenerissimis *ramis*, Gen. XLIX: 17. Hof. xiv: 7. Ezech. xvii: 4. quod huic loco unice quoque convenit; ut cuius in promptu est.

§. LXIII. Quæritur, quid hic sint *propagines & teneri rami vitis*. Interpretes emblemata de *imperio* populi usque ad mare & fluvium extendendo passim interpretantur, & ad Davidis ac Salomonis tempora referunt. Equidem non negaverim, eo tempore amplissimum fuisse & latissimum eorum regnum, ita ut ad *mare mediterraneum & Euphratem* sese vere porrexerit, quemadmodum ex 1 Reg. v: 1. 2 Chron. ix: 26. Ps. LXXII: 8. constat: Sed illud hoc emblemata depingi, vel præcipue intendi, vix crediderim, a. Quia vers. 11. illud jam delineatum erat, longe aptiore symbo-

lo.

a De re rustica l. III.

lo, ut supra expositum est. *b.* Quia de *tenerrimis* ramis ac summis palmitum partibus, a matre radice longius remotis, & non de *ramis* fortioribus, sese eousque porrigentibus, agitur. Unde colligitur, de *diffusione* populi per illas terras, & coloniis in eas missis, emblemata rectius intelligi. Cum enim teneri & summi palmites *vitis* sint propagines, caque depingat *populum Judæum*, nihil aptius quam *colonias*, ex populo ortas, ad eum pertinentes, summas ejus partes ac propagines, expingere possunt *tenerrimi rami*, in remotas terras emissi. Quo sensu emblemata sumitur, Gen. XLIX. 22. *fecunda vitis est Joseph, fecunda vitis secus fontem: palmitum quisque procedit ultra murum*: in textu est *וַיֵּצֵא בְנָיו* *filia*, ut, *posteritatem* Josephi ultra terminos suos excrescendam hic intelligi, indicaretur. Unde patet, filios & filias Judæorum in exterarum oras mittendos, ibique figendos, nostro loco designari. Huc itidem pertinet Ezech. XVII: 4. ubi *Jechonias Babel* deportandus, ibique propagandus, cum *summa ramorum parte* comparatur, quæ abscissa in terram *negotiationum transferretur*, ut sc. ibi cresceret. Nonnihil roboris opinioni nostræ addit Chaldæus, qui de *discipulis ad mare missis* emblemata scite interpretatus est.

§. LXIV. Sed quousque illæ *colonie* sese extenderent? *ad mare*, inquit sancti, & *ad fluvium*: ubi per *fluvium* *וַיֵּצֵא בְנָיו* *Euphratem* intelligi, ex Script. locis in vulgus notum est. Vid. Gen. xxxi: 21. Exod. xxiii: 31. Ps. LXXII: 8. Jes. vii: 20. vii: 7. xxvii: 12. & sæpe alibi. *Mare* absolute positum solet *maris mediterranei* esse criterium; quod *mare magnum* appellatur, Jos. i: 4. Sed pro *Nilo*, *fluvio Aegypti*, speciali quoque usu venit, ut Jes. xix: 5. *Deficient aquæ ex mari, & fluvius exsiccabitur*. Vid. & Nah. iii: 8. Ezech. xxxii: 1, 3. Solent enim Hebræi majora aquarum receptacula appellare *maria*, maxime *fluvios* vastissimos: sic *Euphrates* alibi hoc etiam nomine insignitur, Jer. li: 26. Utraque significatio hic locum reperire potest. Terræ enim *Cananæ* limites, ad quos hic alluditur, tum
Euphrates

Euphrates & mare mediterraneum ponuntur, uti Deut. xi: 24. Jos. i: 4. tum *Euphrates* & *Nilus*, seu *fluvius Aegypti*, Gen. xv: 18. qui limites regni Salomonis constituuntur, 1 Reg. v: 1. 2 Chron. ix: 26. Nec in eo difficultas est, quod Nilus *mare* appelletur, & Euphrates *fluvius*; sic enim alibi Euphrates sub *maris* nomine venit, & Nilus *fluvius*, in illustri loco, Zach. x. 10, 11.

§. LXV. Cæterum sensus, ex dictis profluens, huc redit, populum Judæum ad Euphratem & mare mediterraneum, ac Aegyptum in specie, *quaquaversum* diffundendum esse, ubique sedes ac domicilia fixurum, suosque habiturum *cives* & populares in locis, quæ ad mare Mediterraneum pertingerent, & ad Euphratem. Unde patet, loca Assyriæ, Babylonæ, Syriæ &c. quæ Euphrates aluit, & ab altera parte Aegyptum, etiam Asiæ nim. tractum maritimum ad mare mediterraneum, intelligi, &, quo tempore Ps. conscriptus est, Judæos per omnes illas terras fuisse diffusos: quod non nisi post exilium Babyl., & post regnum Persicum destructum in emphasi contigit. Sed post exilium ingens Judæorum copia in Aegypto mansit, & Assyria ac Babylonia; deinde sub Lagidis & Seleucidis sese per Asiam & Aegyptum magis magisque disseminarunt, ut ex *Josepho* & Libr. Maccab. notissimum est. Quod majore longe emphasi *Maccabaicis* impletum est temporibus, quippe quibus ubique terrarum sedes fixerunt.

§. LXVI. Sed inigne acumen quod hic teste infigitur, silentio involvendum non est, maxime cum illud ipsum observatum difficultatem aliquam tollere poterit, quam exilii Babyl. neglecta mentio contra nostram hypothesein de compositi Ps. tempore suppeditat. Videtur mihi vir Sanctus hic illud exilium in oculis habuisse, illudque insigni prudentia in bonum & favorem suum vertisse, ne ex eo colligeretur, Deum & olim iram suam in populum effudisse, adeoque nil in eo esse paradoxo, quod & nunc populum affligat. Hanc ob rationem exilium Babyl. hic consideratur in salutari, quod

quod attulit, bono, quo populus occasione illius exilii in quasvis terras longe lateque progressu temporis est disseminatus, vitisque hac ratione suas propagines misit ad Eufratem & mare quaquaversum. Illæ enim *coloniæ* Judæorum non tam destinato consilio, quam quidem Regum jussu factæ sunt, & *transportationis* fervorem conspectum habuerunt. Quod in exilio Bab. & Assy. non tantum verum est, sed & in Lagidarum & Seleucidarum quoque abduccionibus, ut ex historia constat. Cum itaque Deus tanto erga populum semper usus fuerit favore, ut eum in Canaanæam non tantum transtulerit, longe lateque disseminaverit, & in summam celebritatem evexerit &c. sed & in maximo malo ita succurrerit populo, ut illud ipsum in magnum bonum ei verterit, eaque occasione longe distitas terras occupaverit, quid ab eo alienius videri posset, quam hanc vitem extirpandam dare hostibus? Ex quo elucet, quanta arte sancti ad Deum permovendum & flectendum utantur, quantamque vim habeat præteritæ conditionis commemoratio.

§. LXVII. Quod ut fortius feriret, præsentis status descriptionem subjungunt, ut cum præterita prosperitate præsens calamitas comparata Dei misericordiam commoveat. Verba ita habent, vers. 13, 14. *Quare perrupisti maceries ejus, ita ut omnes, illac pertranscentes, eam discerpant. Devastavit illam aper e sylva, & fera agrestis depavit illam.* Malum antecedens & primarium, reliquorum causa, in protectricis providentiæ Dei cessatione & ablatione situm est. Hoc enim munimento privati hostium incursionibus & direptionibus erant expositi, quibus resistere non poterant. Utitur poeta divinus phrasibus metaphoricis a vite petitis, ut in eadem metaphora pergeret. *Quare perrupisti maceries ejus*, quirantes, & summam Dei severitatem admirantes, dicunt, non acsi cum Deo expostularent, Deoque nullas stare rationes justas indicatum vellent, sed ut tum querelas suas effunderent, iisque Dei misericordiam
Nnnn excitarent,

excitarent, tum etiam graviores videri esse rationes, quæ plenariam suam destructionem averterent, insinuarent, adeoque, si Deus sibi subito non succurreret, videri posset, relationibus ad se renunciassse, & indignationi nimium, quam par erat, indulgisse, saltem querelæ occasionem dedisse, ut non sine ratione quærere possent: *quare sic fecisti?* illudne Tibi gloriosum est? &c. Quo sensu similes querelæ, in odii sanctorum obviæ, intelligendæ sunt, ut Ps. xj. l. LXXIV: 1. Jes. LXIII: 17.

§. LXVIII. Sed ad querelæ *argumentum* accedamus. *maceriem*, seu lapides congestos, quibus vinea contra ferarum impetus solet muni, denotare solet, quemadmodum nonnisi sepimentum ejus exterius *spinosum* ad arcendos homines, quæ voces copulantur, Jes. v: 7. Vid. & Prov. xv: 19. xxiv: 31. Hic vero nihil impedit, quominus utrumque conjungamus, & *maceriem* ac *sepimentum* spinosum intelligamus, cum quod in plurali *maceriarum* ejus occurrat, tum quod hominum transeuntium, ac ferarum vitæ vastantium, mox fiat mentio. Cum autem *maceria* sint *munimenta* vineæ, quibus ab omni impetu hostili tutæ redditur, dubium non est, quin sensu mystico omnia illa *media* per *maceriam* intelligantur, quibus resp. & religio conservatur, ac defenditur. Providentia præcipue divina protectrix, quæ *myrus igneus* appellatur, Zach. ii. Jes. xxvii: 1. & a qua, præsentæ vel absente, bona vel mala populi derivari solent, ut Deut. xxxi: 17. Ps. cxxviii: 2, unde *vae* illud, si ab ipso *discesserit Deus*, Hos. ix: 12. variis modis *munimentum* populo præstat, sive terrorem hostibus incutiat, sive consilia ipsorum disturbet, sive populo inspiret animum & fortitudinem, sive heroes fuscitet, & populo concedat victorias, quibus hostes absterrent vel subjugant, sive alia ratione populo salutis & præsidio sit. Unde sponte elucet, quid *maceriarum disruptio* complectatur; providentiæ sc. divinæ cum omnibus mediis aliis, modo memoratis, ablationem.

§. LXIX.

§. LXIX. Quo tempore hoc praefidio orbatu fuerint Judaei, mala consequentia definient. Sepimeritis enim disruptis, hominum & ferarum mox expositi sunt incurfionibus, & vastationibus, ut seq. docent. Primum malum, ex disrupta maceria ortum, est, quod viatorum direptionibus patuerit, omnesque illac transeuntes eam discerpserint, vel discerptam collegerint. Hebr. textus habet & omnes transeuntes viam *וְכָל הַיֹּדְעִים עָמָּהּ*, Vulg. ex LXX., qui rediunt, *ἐπιστρέψοντες*, recentiores passim; ut *carpant eam*; potius *collegerunt eam*, sc. decerptam. Radix *נָחַץ* in Script. amplius non occurrit. Cant. v: 1. qui locus in Lexicis profertur hanc in rem, alia omnino radix constituenda est: *נָחַץ* non est, ut vulgo, *carpsi myrrham*, quae infolita phrasid est, sed *irrigans sum myrrha*, ut mox vi. §. *manus meae stillant myrrha*, quod cum myrrhæ liquore consensatus est. Radix *נָחַץ*, apud Arab. existans, respondet Heb. *נָחַץ* *irrigans fuit*, unde *נָחַץ* *leo*, q. maxime *irrigans*, h. e. medulliferos & fortitudine praeditus. Nostra vero radix *נָחַץ* ex vicinis linguis, praecipue Arab. & Aethiop. derivata significatione, in colligendo, in unum cogendo, & conservando, propriam sedem habere videtur, quod ex derivatis, in lingua Hebr. superstitibus, confirmatur. Hinc enim *נָחַץ* *arca*; quia *in arcam res asservandae colliguntur*, ut recte de Dieu a, & post eum Ludolphus b. Sic *נָחַץ* *stabilum*, locus, ubi colligitur & continetur jumentum, ut Arab. in usu est. Plura adferre nunc non licet. Sensus itaque est; viatores vitem, nullis munimentis obseptam, passim *oththamisse*, ut recte LXX. seu collegisse uvas decerptas, fructus sine discrimine in usum suum vertisse, vitemque spoliassse.

§. LXX. Sensem mysticum, in genere haud difficulter intellectui, duo criteria definiunt; & ad certum tempus restringunt. Alterum suppeditant *אֵלֶּיךָ*, qui populum Judaeum huc deuntur spoliassse, alterum ipsa spoliatio subministrat.

Nnnn 2

Prædones

a Ad Exod. xv.

b Comm. ad Hist. Aeth. p. 204.

Prædones non illi sunt, qui eo scopo tantum illuc tendunt, ut prædentur, sed qui forte fortuna in ea loca incidunt, & alio animo illac transibant, qui prædam juxta viam inveniētes eam diripiunt, & auferunt, ut solent *viatores* viam transeuntes. Nec destruendæ, sed spoliandæ tantum vineæ illos intentos fuisse, verbum *colligendi & vindemiandi* evincit. Unde nunc clare, ni fallor, elucet, tale indigiti tempus, quo populus Judæus per exercitus transeuntes spoliatus est, absque quo directè id in animo haberent hostes, sed qui illac transeuntes occasionem dabant, qua populum invenerunt nudatum, & cura ac potentia destitutum, arripuerunt, multisque modis eum spoliaverunt, & opibus exhausērunt ac divitiis, agros frugesque ipsorum corruperunt. Quod nullo alio tempore adeo impletum est, ac quo Syrorum & Aegyptiorum exercitus, sibi invicem hostiles, per terram Judæorum intermediam continuo ultro citroque peragrarunt, quævis obvia non tantum diripuerunt, sed &, ut in ejusmodi casibus fieri solet ^a, agros frugesque depravarunt, populum expilarunt, & per terras grassati sunt, maxime, cum illi exercitus, qui Judæis quoque hostiles erant, illac iter facerent. Quod a temporibus Antiochi M., quibus bella continua inter Syros & Aegyptios de Judæa & Cœlesyria flagrarunt, quam maxime fieri cœpit, adeoque non longe ante afflictionem Epiphanicam; de qua vers. seq. agitur. Hos exercitus direpatores in oculis etiam habuit Zach. ix: 8. ubi Deus promittit, se populum ab illis liberum & immunem esse præstiturum, *castrametabor circa aedem meam, dicit Dominus, & liberabo eam ab exercitu illac transeunte & redeunte: nec amplius transibit per eos exactor.* Subjungam tantum verba Josephi ^b. *Antiocho M. in Asia regnante in continua vexatione fuit tam Judæa quam Cœlesyria, quod eo bellum gerente cum Ptolomæo Philopatore, hujusque filio, qui Epiphanes cognomina-*

^a Vid. Gronov. ad Grat. J. B. & P. II. §. 10. ^b Ant. l. XII. c. 4.

nominatus est, five vinceret, five vinceretur, male multarentur, non aliter ac navis, fluctibus utrinque oppugnata, inter prosperam & adversam Antiochi fortunam jactat. Reliqua, quæ ad sensum illustrandum & commendandum faciunt, ab unoquoque historiæ perito facile suppleri possunt.

§. LXXI. Hucusque hominum impetus passa videri posset vinea, quippe qui eam depasti sunt magis quam conculcaverunt & destruxerunt: sed *mox fera sylvestris* eam invasit; ac diruit, Antiochus sc. Epiphanes; qui non instar viatoris & transeuntis eam tantum discerpit, sed & hostili animo in eam directe irruit, omniaque susque deque vertit, & destruxit. Urbe Hierosolyma occupata eam sanguine immo- cuo replevit, magna in ea edita strage, eamque cum Templo ornamentis spoliavit, & brevi post per Apollonium Ducem igne, cæde, & vastatione omnia ubique diruit; ac multis afflictionibus Judæos ad Græcicam idololatriam cogere instituit; horrendum in modum ubique sæviens, ita ut *porci sylvestris*, vitem hanc devastantis, imaginem perfecte præstiterit, ut ex Hist. Maccab. & Jos. nemini non notum est. Nostra itaque opera in sensu textus demonstrando & illustrando tantum versabitur. Verba ita habent. *Devastavit eam aper de sylva, & fera agri depasta est;* quæ satis constans interpretum est versio, si rem in genere spectes: a qua nulla de ratione discescit D. Hillerus ^a, vocem *de sylva* reddens *prae sylva*, plusquam *sylvam*, & cum verbo conculcare vel evastare conjungens hoc sensu: *devastavit vitem plus quam sylvam porcus.* Sed 1. ordo vocum inversus hic intruditur, & magnum habet incommodum; 2. *de sylva* additur, ut porcus definiretur, & distingueretur. 3. Posterius membrum, quo *fera agri* memoratur, priore membro *porcum sylvae* intelligendum esse, clare evincit. 4. Sueta est phrasis, ut Jer. v: 6. *Leo de sylva.* *Porcus e sylva* hic *διανεστώς ἀγρίου* denotat, quem Græci *νάνου* appellant, Hebr. per circumlocutionem *porcum e syl-*

Nnnn 3.

ua,

^a Hieroph. p. i. c. 30.

va, ut a porcis vulgaribus distingueretur; de quo fase Bochartus exposuit *a*. Additur *fera agri*: LXX. vertunt *μῆδης* & *ἄγρης* singularis *ferus* Vulg. h. e. *ferus ferus, qui cum aliis non congregatur*, uti interpretatus est Hes. Sed de eo etiam vid. Bochartus *b*. Cyrillus vero, notante eodem Hes., *onagrum* intelligit, ad Hof. VIII. 9, & ita LXX. interpretatur. *Onager* enim *solitarius* apud Hof. dicitur, quod loca deserta & solitaria amat, quo sensu LXX. etiam cepit III. Ez. Spanhemius *c*, ne, eandem *feram*. LXX. intellexisse, necesse sit statuere. Quicquid hac de re sit, phrasin *ἡν* est generalis, quæ quascunque feras in agro micantes, exultantes, & semet rapido cursu evibrantes, denotat, ut ex vocis interiore potestate a Cl. Schultens *d* observatum est: ad quæ nihil nunc addo. Nulla ergo ratio foret phrasin ad *apros* restringendi, maxime cum usus etiam sit generalis, ut ex Pl. L. II. constat, & hic a *porco sylvestri* distingui videatur.

§. LXII. Nec tamen necesse est, ut diversa subiecta rationalia mystice hic intelligamus, cum eadem persona in genere *fera*, & in specie *porcus sylvestris*, dici possit: licet hic nequitiam hæreremus, si quis subiecta distinguere velit. Quemadmodum enim *porcus* emblemata nobis est Antiochi Epiphani: sic, præter alios ejus Duces, præsertim *Apollonius*, qui, ab Epiphane missus, Hierosolymam magna strage replevit, & Judæos gravissime persecutus est, *feræ agri* imaginem perfecte præstat: cum quod juris ac æqui nullam habuerit rationem, tum mansuetudinis & humanitatis ne micam quidem in se superesse demonstraverit, sed ferum ac truculentum sese exhibuerit Judæis, tum denique quod rapidissime & inopinato Judæos invaserit *Apollonius*, & in eos impetum fecerit, instar feræ citissime sese moventis, tum quod maximam ediderit inter Judæos stragem, & ingentes rapinas, ac latrocinia, exereverit: quæ ex historia notissima sunt. Id autem est, quod hic *depascere vineam* dicitur instar *feræ*

a Hieroz. p. I. l. III. c. 29. *b* l. c. *c* Ad Callim. p. 184. *d* Orig. l. I. c. 10.

finae, sc. in vineam immissa; quæ eam spoliat & vastat; ut Exod. xxi. 1. 4. Quo emblemate violenta populi oppressio, bonorum injusta defraudatio, vexationes qualescunque depingi solent, ut Jes. iii. 14. *Vos*, dicit Propheta ad seniores & principes populi, *depavistis vineam, rapina pauperis est in acerbis vestris; quid vobis est, quod populum meum conteritis, & facies inopum commolitis?*

§. LXIII. Peculiarum meretur animadversionem *apri*, vineam *vastantis*; emblemata, sub quo *Antiochum Epiphanem* hic representari dixi: *a*. Ille luxu, ebrietate, libidine sua, sese demonstravit *porcum*, in luto sese volutantem: animal abjectissimum, & contemptum, multis furibundis actionibus & gestis sese comprobavit. *Hieronymus* ad Dan. xi. ex historia testatur, eum fuisse *luxuriosissimum*, & in tantum *dedecus per supra & corruptelas* venisse *regiæ dignitatibus*, ut *minis quoque & sortis publicæ* jungeretur, & *libidinem suam populo præsentem* compleret. Sed de moribus ejus vid. *Polybius a*. *Pilarchus b*, & *Diodor. Sic. c* Illud tantum notabo, quod *Epimanes* inde loco *Epiphanis* dictus fuerit: *b*. Porci emblemate eo majore jure & emphasi hic venit *Antiochus*, quod *Judeos ad porcina carnem comedendam, eamque idolis offerendam, novo prorsus instituto* sibi gravissimis minis coegerit, & eo præcipue nomine eos vexavit, ac vastavit, ut ex *Josepho d*, & libris *Maccab.*, ex gr. 1. *Macc.* i. 47., 2. *Macc.* vi. 18. vii. 1. constat: quo & *Jes. Lxvi. 4.* ubi reprehenduntur, *qui carne porcina vescuntur*, respicitur, nec non *c*. *Lxvi. 17.* quo ipso sese magis adhuc abominandum exhibuit *Judeis*, quibus *porco* nihil erat detestabilius. *c*. Sed *aprum*, quod sævissimum est animal, sese demonstravit *incredibili sua feritate & sævitiâ*, quam in *Judeos* exercuit, dum eos horrendis modis spoliat, trucidavit, & crudelissime tractavit: quod hic dicitur, *vitem vastare*; & aptissime adscribitur *apro*, fruges & vineas devorantem

a Apud Athen. l. v. p. 193. *b* Ib. l. x. p. 438. *c* Excerpt. Valesii p. 304. *d* Ant. l. xii.

devastare solito; ut multis testimoniis comprobavit Cl. Bochartus *a*, qui & verbum Hebr. כרס, quod hoc solo loco reperitur, ex Arab. lingua illustravit, & *corrodendi ac consumendi* habere notionem observavit, quod cum Syr. verisione, & seq. verbo *depascere*, nec non כל Pf. LXXXIX: 7. optime convenit. Sed ad majorem emphasin observari velim, præcipue adhiberi solere, quum aliquid dentibus apprehensum mordacius laceratur & convellitur: quæ viva imago est apri per vineam grassantis, & luculentissima Antiochi, in Judæos infano furore sævientis, descriptio.

§. LXXIV. Nihil restaret, quam ut in mysterium, quod in littera *y* suspensa in voce *y* ineſt, inquiramus: sed, cum Masoretharum illud sit inventum, nescio an operæ pretium fuerit, tempus eo trivisse. Varios qui amat lusus, eos apud Bochartum *b*, & alios, reperire poterit. Alterutrum nobis placet, ut verbo absolvam, vel quod *urbem Romam* עיר רומא intelligi voluerint hujus mysterii auctores, ut Cl. Vitringa ad Jes. v: 5. conjicit, vel quod nomen *wy*, ab ea littera incipiens, in oculis habuerint. Judæos enim Imperatores Romanos per *aprum*, & Romanum imperium per *Eſavum* ac *Edomum*, intellexisse, constat, & a Doctis abunde est demonstratum. Sed hæc aliis relinquamus.

§. LXXV. Preces ipſæ, in hac præteritæ felicitatis & præſentis calamitatis comparatione fundatæ, eo tendunt, ut Deus vitem, ejusque præcipuam propaginem seu stirpem, a Deo ipſo plantatam, & contra hostem roboratam, *viſitet*, vitis purgamenta igni consumat, & hostes increpatione perdat, adeoque heroas, qui sese hostibus opponebant, *filium dextræ* suæ, protegat, & contra Antiochum ejusque copias, seu *filium bominis*, corroboret, & validos efficiat, ut sic Deo adhærescant, & vivificentur, rep. & religione in integrum restituta. Quæ summa est, ex mea opinione, difficillimæ pericopæ, quæ a vers. 15. ad finem sese

porrigit. Quatuor ejus sunt partes: *prima* complectitur petitionem gratiae & auxilii Dei, viti & praecipuae hujus propagini praestandi contra hostem, vers. 15, 16. *Secunda* in impiorum & hostium exitio supplicando versatur, vers. 17. *Tertia* defensionem & protectionem heroum contra hostes precantur, vers. 18. *Quarta* parte reip. & religionis instaurationem implorant, vers. 19. quae solita clausula terminatur, vers. 20.

§. LXXVI. *Prima* pars nihil habet, quod lectori moras injicere possit, nisi in membro ejus *posteriore*, vers. 16. quare in eo illustrando opera nostra unice versabitur. Verba ex nostra versione habent: *Et surculum, quem plantavit dextra tua, quemque contra filium Tibi roborasti.* Unde patet, verba a versu superiore pendere, & *visitare* hic esse repetendum. *Visita vitem banc, & surculum est, tua gratia & favore, tuo auxilio, Te ipsi praesentem demonstra.* Vox נָחַל mihi hic loci dicit *surculum*, vel *ramum* obumbrantem, magna umbra praeditum, adeoque *protegentem*, & a solis aestu immunem praestantem, a rad. נָחַל quæ apud Arab. superest, & eam, quam dixi, potestatem praefert: respici ad *stirpem* vel *ramum*, ex verbo plantandi colligitur, & ex vers. 11., ubi *rami* vitis dicuntur *cedri Dei*, *montes umbra obtegentes*, confirmatur. Emblema est principum & heroum, populum protegentium, & contra vexationes ac persecuciones defendentium, ut ex vers. 18. confirmatur: nam quod hic est, *stirps quam dextra Dei plantavit*, id vers. 18. *vir* dicitur *dextrae Dei*. Deus itaque eos principes singulari sua providentia *excitasse*, & spiritu suo animasse, ac curasse, censendus est. Quo illustrius *Maccabaeorum*, praefertim *Judae*, primi ducis, qui se Antiocho, ejusque copiis, opposuit, emblema dari non potest. Illos enim Deus fuscitavit *liberatores & vindices* Judaeorum, & contra Antiochi edicta & impetum hostilem *obfirmavit*, & robore induit plusquam vulgari: quod ultimo vers. 16. membro his verbis declaratur, & *contra Filium roborasti tibi.* Inter-

Oooo

pretes

pretes pasſim reddunt, & *super filium*, ſcilicet *viſita*, vel *propter filium*, ac intelligunt vel Meſſiam cum Chald. Paraphr., vel Iſraelem, vel tribum legalem &c. Sed nihil ſimplicius eſt noſtra verſione, quae limpide & facile fluit, nec ullo ſupplemento opus habet, quemadmodum omnes aliae. Deinde *Filius* hic in malam partem eſſe ſumendum *pro hoſte*, patet ex verſ. 18. ubi *vir dextrae Dei & filius hominis* ſibi opponuntur; ut ſuo loco videbimus. *Filius* itaque hic eſt *ſilius hominis*, ſive deſiciat *coram*, quod ex LXX., qui *וְיָדָעוּ* habent, probabile ſit, & per ſequentis verbi *noſtrum* primas litteras facile fieri potuit, ſive per ellipſin ex verſ. 18. ſupplendam. Contra hunc *ſilium* Deus *roboraſſe* dicitur propaginem vitis frondolaſam, ſcilicet Judam Maccabaeum, qui ſeſe cum fratribus edicto regis oppoſuit, & firmo propoſito in regem ſe armavit, omnes ejus impetus intrepide perduraturus. Quo ſenſu verbum *pro* cum *h* conſtructum occurrit, 2 Chron. XIII. 7. ubi *filii Belial* ſeſe hoc verbo leguntur obſiſſaſſe *h* contra *Rehabeamum*.

§. LXXVII. *Secunda* pars ex noſtra opinione preces continet de impiorum & hoſtium interitu, verſ. 17. *combustum ſit igne purgamentum: prae increpatione faciei tuae pereant*. In poſteriore membro, de hoſtium perniciē capiendo, nonnullos habeo interpretes conſentientes, ſed in priore ſolum Syrum, qui reddidit, *ure igni ſarmenta ejus*, ſi ſimile quid in oculis eum habuiſſe quis dicere velit, de quo nihil affirmaverim. Interpretes in ea ſere conveniunt, ut prius membrum vertant, *combusta eſt igni, fuceiſa eſt*, & de vite incenſa ac exciſa litteraliſter, de populo Judaeo, afflictione Babylonica vel Epiphaniae graviſſima paſſo, myſtice intelligunt: ſed vix dubitaverim, quin a vero ſenſu aberraverint. *a.* Calamitatis mentio hic apte fieri non poteſt, cum quod ea ſupra fuerit deſcripta, tum quod hic hoſtium perniciem, ſuamque liberationem, precen-
tur: nimis abrupte afflictionis deſcriptio hic inferitur. *b.* Ne-
xus

xus utriusque hujus versus *membrum* evincit, utrumque de iisdem personis esse intelligendum: cum vero posterius manifeste ad hostes pertineat, prius de *vite* ipsa capi nequit. c. Vitis denique hoc in Ps. non tanquam *combusta & excisa*, sed *arrosa & consumpta* per feras agri, occurrit, ut ex vers. 13, 14. patet d. Habet præterea & illud incommodum versio communis, quod *combustum* collosetur ante *excisum*, cum vitis antea *excisa*, quam *combusta* consideranda sit.

§. LXXVIII. Tentemus itaque alia via rem expedire. Utrumque membrum de hostibus Judæorum agit, siue sint impii ex Judæis, qui Syris opem ferrent, ut ex Dan. xi. & historia constat, siue *Syri ipsi*. Prius membrum per posterius, quo res magis proprie traditur, exponitur: utrumque hostium exitium precatur, & optative sumendum, hac ratione; *combustum sit igne purgamentum: ab increpatione faciei tue pereant*, vel in fut. *combustum erit, & peribunt*, quod perinde est. Licet optativum in precibus aptius adhibeatur: solent autem Hebræi modum *optativum* sæpe per *futurum* efferre, ut demonstrat *Glossus a*. Participia vero apud Hebr. variorum temporum sunt, quod per *est, fuit, erit, sit*, suppleri possint b. Observandum præterea est, participium *נמוס* hic *nominis* vicem tenere, vel ipsissimum esse *nomen*, uti apud Arab. quo sensu etiam occurrit *Jes. v: 25. & erit cadaver ipsorum: נמוס non succisum, sed purgamentum*, sordes in plateis jacentes, *stercus*. Participia pro nominibus sæpe usurpari, vel & in ea degenerare, notissimum est: *נמוס* itaque *nomen* est & subjectum constituit orationis, quod cæteroquin nullum hic foret; dicitque *sordes verrendo ejestas & aggestas*, quæ igni comburi solent: radices enim propria potestas in *verrendo, converrendo*, sita est, ut ex comparatione cum *נמו* jam collegit accuratissimus Gussætius, sed ex Arab. extra dubium collocatur. Aptissimum utique emblemata impiorum & hostium populi

O o o o a

Dei,

a Gr. f. l. iii. tr. iii. can. 45.
a. &c.

b Id. Ib. tr. iv. can.

Dei, quippe qui, juris & aequi nulla habita ratione, religionis veræ hostes, & veræ Ecclesiæ inimici, *sordes & purgamenta*, & res nullius pretii, nullius ponderis, in quibus nihil bonæ frugis inest, unde nulla *utilitas*, imo quæ Deo & hominibus abominationi sunt, & *noxæ*, jure meritissimo appellantur. Jes. xxxiii: 12. *spina verrendo aggesta* iidem dicuntur hostes, & *paleæ* emblemate ac *sordium* nihil est vulgatus ad ejusmodi homines depingendos. Hæ sordes aggestæ, precantur, ut *igni comburantur*, hostesque *per Dei increpationem pereant*: quæ feveri, & valde conspicui, judicii Divini egregia est pictura. *Ignis* expingit *iram Dei*, omniaque mala, quæ inde profluunt, & inter magnos cruciatus homines consumunt. Vid. Mal. iii: 19. Ps. i: 4. & Jes. xxxiii: 12. Matth. iii. &c. Emphasin egregiam habet phrasis *inreparationis Dei*, per quam perituri forent hostes, quæ cum summam Dei indignationem designat, tum omnipotens ejus verbum, quo quoscunque hostes uno ictu prostermit, ob oculos ponit. Sic Jes. l: 2. *mare dicitur exsicasse sua increpatione*. Videtur autem *faciei Dei* mentio, cui increpationis attribuitur, præter generalem sensum, quo iram & severitatem increpantis exprimit, nos ad historiam Pharaonis ducere. Ad ipsum enim, ejusque exercitum, Deus severum & minantem suum vultum vertisse, & *ex columna nubis ac ignis*, *faciei* divinæ notione insigniri solita, in eos *conspexisse* dicitur, Exod. xiv: 24. Cæterum, quod ad *implementum* attinet, facilimum illud est demonstratu. Libri enim Maccab. singulare plane iræ Divinæ effecta exhibent, quibus impii Judæorum & Syri gravissimis plagis affecti, & miraculose prostrati sunt. *Execratio Dei* illos cum domibus absumsit, Zach. v: 1. & hostes miraculose sæpe *territi*, *fugati*, ac *deleti* sunt, de quibus ex Joseph. & libris citatis abunde constat. De *Jasone* per exteras terras vagante & turpem exitum consecuto, 2 Macc. v: 8, 9. de *Menelao* ab Antiocho Eupatore necato Josephus. De *Alcimo* plaga divinitus inflictâ excruciato, 1 Macc. ix: 55, 56. De *Antiocho*

obo ipso in itinere Hierosolymam versus, ut eam totius gentis sepulchrum faceret, curru excusso & morbo fœdissimo, vermibus incredibili faetore ex carne erumpentibus, inter multos cruciatus extincto, memorat non tantum historia Maccabaica, sed & exotici scriptores testantur: sic & reliqui persecutores passim perierunt, vindicem Dei manum experti.

§. LXXIX. Modus, quo Deus iram in hostes effudit, & vindictam de iis sumsit, in eo passim situs fuit, quod Deus strenuissimos suscitaverit heroas, quos spiritu fortitudinis animavit, & per quos mirabili prorsus modo hostium copias fudit, ac Judæos gravissimis illis afflictionibus eripuit: quod, ex historia notissimum, vers. 18. futurum prædicitur. Huc enim tendunt sanctorum preces, quæ a spiritu productæ prædictionis habuerunt conspectum, quibus vers. 18. in hæc præcantur verba. *Sit manus tua super viro dextræ tuæ, quem contra filium hominis tibi roborasti.* Sic posterius membrum vertendum est, licet Interpretes, quos inspicere licuit, eandem personam per *virum dextræ* & *filium hominis* intelligant, & *super filio hominis, quem tibi roborasti*, sc. sit manus tua, reddant. *a.* Diversæ phrasæ & epitheta *personas* diversas omnino requirunt. *Vir dextræ Dei* & *filius hominis* manifeste opponuntur, alter divino robore accinctus, alter imbecillis, tanquam *homo*, repræsentatur. *b.* Nulla ratio dari potest, quare qui modo *vir dextræ Dei* appellatus erat, mox eodem versu *filius hominis* dicatur: quæ minus concinna est repetitio. *c.* Accedit, Maccabæus & alibi tanquam Heroas describi, quibuscum Deus est, Zach. ix: 13. x: 5, 6. ubique, hostes contra aliq. depingi ut homines miseros & imbecilles. Sic Ps. ix., qui litterali sensu ad hæc eadem tempora pertinet, Antiochus Epiphanes adpellatur, vers. 20, 21. emphatice *אנוס* *homo* *אנוס* infirmus, Ps. x: 18. Senacheribus quoque *אנוס* *homo*, Ps. cxxiv: 2. Principes, in quibus fiducia non est collocanda,

צֶרֶחַ-יָּאֵל filius hominis eleg. Pl. cXLVI: 2. Jes. II. quæ nostro loco illustrando sufficiunt.

§. LXXX. Quemadmodum igitur *Antiochus*, ejusque *daces*, & *succesores*, *filius hominis* propter imbecillitatem, & virium defectum, si cum *viris* a Deo roboratis comparentur, sic heroes Maccabaici, & præsertim *Judas*, qui tempore compositi Pl. princeps eorum erat, *vir dextræ Dei* nuncupantur. *a.* Quia *magni* erant *heroes*; qui ad magna facinora erant apti. *b.* A Deo ad ea destinati; instrumenta, quibus Deus in Ecclesia vindicanda uteretur. Cum enim illa liberatio *dextræ Dei* seu ejus potentiae adscribi soleat, *vir dextræ* alius esse nequit, ac per quem *Dextra Dei* effectum sistit. *c.* *Dextra Dei roborati*, ita ut tum animo intrepido, divino auxilio nixi, sese periculis objiciant, tum etiam ea cum insigni potentiae Dei demonstratione superent. *d.* Chald. de *juramento*, *dextra* fieri solito, interpretatur, ut *vir dextræ Dei sit*, cui *Deus dextra sua juravit*: quod si quis ad superiora addere velit, per me licet. Sed quæ dñi huc directe pertinent, ut vel ex posteriore membro liquet, & ex vers. 16. confirmatur. Super hoc viro *dextræ Dei*, quem sibi in usum & honorem suum roboraverat contra *Antiochum*, ejusque copias, de quo ad vers. 16. dictum est, precantur, ut *manus Dei sit*, potentia sc. quæ eum *ducat*, *protegat*, ei *vires sufficiat*, ac denique per ipsum effecta sistat, hostes prosternendo, & Ecclesiam afflictam vindicando. Quæ omnia hac phrasi comprehensa sunt. Conf. Jes. LI: 16. Pl. cXXXI: 5. *Manum* pro potentia adeo frequenter usurpant orientales, ut & rebus inanimatis eo sensu attribuant. Sic *manus inferorum*, Pl. XLIX: 1. *manus flammæ* Jes. XLVII: 14. *manus peccati*, Job. VIII: 4.

§. LXXXI. Preces suas *duabus rationibus* confirmant: altera est, quod *vir dextræ Dei erat*, super quo per consequens *manus Dei* esse debebat, absque quo auxilio *virum dextræ Dei* sese præstare non poterant Maccabæi, altera est, quod Deus eum *contra filium hominis* roboraverat sibi, in


in honorem nominis sui, ad Ecclesie suae liberationem suscitaverat, & contra hostes animaverat; quem deserere non posset, sed manu sua protegere, ei que adesse, deberet.

§. LXXXII. Quarta denique pars complectitur instaurationem religionis ac reip. his verbis, vers. 19. *Et ne retrocedamus a Te: vivifica nos, ut nomen Tuum nuncupemus.* Duo hic petunt *a.* ne a fide & cultu veri Dei deficiant, *b.* ut, in pristinum statum restituti, Deum autorem salutis, & cultus sui objectum, nominare, glorificare ac colere possint. *a.* Prius membrum, ex nostra versione, petitionem constantiae in fide & religione continet: Sic enim rectius verba redduntur, quam cum alijs: *Et non recedamus a Te:* aptius enim id precantur, quam promittunt: nec illud in constructionem impingit. Particula enim *ne* deprecandi & deborandi usum saepe praefert, ut Ps. xxxv. 24. *ne laetentur super me.* I Sam. II: 24. non autem est infinit. verbi *ne*, ut proprie verti debeat, *Et ne retrocedere*, h. e. *retrocedendo recedamus a Te*, a tui fide & cultu, & obsequio Tibi debito. Sic Jes. LIX: 13. L: 5. Respicitur sine dubio ad *persecutionem* Epiphanicam, causa religionis institutam, qua gravissimis sub minis ad defectionem compellebantur, cui multi jam succubuerant, & metus erat, ne, ea durante, & Maccabæis in bello cum Syro-Macedonibus inferioribus, plures a vera religione ad idola gentium abriperentur, certe piorum animi frangerentur, & cum religione patria actum foret: ideo aptissime orant, ut Deus heroas illas protegat, iisque sua dextra adsit, ne ad defectionem cogerentur. Quae ab unoquoque extendi, & ulterius illustrari possunt.

§. LXXXIII. Altera supplicationis pars omnium rerum instaurationem complectitur, his verbis: *vivifica nos, ut nomen tuum nuncupemus.* Liberatio ex afflictione Epiphanica, & populi restitutio in integrum, *vivificationis* phrasi & alibi insignitur, ut Jes. xxxvi: 19. Hof. vi: 1, 2. Dan. xxi: 2. Ps. lxxxv: 7. *Nomen Tu nos rursus vivificabis?* Ratio appellationis est. *a.* Quia res omnes collapsae & destructae
pristi-

pristinum statum recuperarunt, & de novo florere cœperunt. *b.* Populus, tentatione purgatus, ac ab impiorum communionem liberatus, novam vitam demonstravit, ardenteque religionis studio flagravit. *c.* Quia Deo, ejusque spiritui, effectus hic est adscribendus, in quo Divina potentia & gratia clarissime eluxit.

§. LXXXIV. Consequens liberationis est, *nomen Dei nuncupare*; ut *nomen Tuum nuncupemus*, dicunt, vel, & *nuncupabimus nomen tuum*, h. e. Tibi salutem & liberationem nostram unice acceptam referemus, Te appellabimus *servatorem* & *Deum* nostrum, Te glorificabimus, Te studiose colimus, in Te fiduciam collocabimus, tuum nomen ubique terrarum nominabimus, celebrabimus, & inter gentes propagabimus, a Te appellabimur, *populus* dicemur, *cujus Jehovah Deus est*, cui benedixit. Sic *Symmachus*, ὁ τῷ ὀνόματι σε καλεῖσθαι, & *nomine Tuo vocabimur*: quo sensu phrasim sumitur, Gen. IV: 26. Jes. XLIV: 5. Reliqua, quæ huc pertinent, & implementum demonstrant, ab unoquoque suppleri possunt.





P S A L M. LXXXI.

1. *Praefecto super Gittit, Asapbi Psalmus.*
2. *Laetos sonos edite Deo, robori nostro, jubilate Deo Jacobi.*
3. *Efferte carmen, & tendite tympanum, cytharam suavem cum tablio.*
4. *Clangite in mense buccina, in plenilunio die festi nostri.*
5. *Quia statutum Israelis hoc est, liquidum jus Dei Jacobi.*
6. *Qui praeceptum hoc Josepho inposuit, cum emicaret ipse in terram Aegypti. Labium, quod, vel ejus quem, non navi, audiam.*
7. *Removi ab onere bumerum ejus, manus ejus a corbe, vel aheni, recesserunt in perpetuum.*
8. *In angustia invocasti & expedivi te, respondi tibi in latibulo tonitru, exploravi te juxta aquas Meribae, seu contentionis. Sela!*
9. *Audi, popule mi! & contestabor te, Israel! si audiveris me.*
10. *Non erit tibi Deus peregrinus, nec adorabis Deum alienum.*
11. *Ego sum Jehova Deus tuus, qui te e terra Aegypti eduxi. Os tuum late aperito, ego inplebo illud.*
12. *Et populus meus voci meae non auscultavit, nec voluit mihi Israel.*
13. *Et dimisi eum in umbilicationem, vel insitam pravitatem, cordis ipsorum, eant in consilia sua.*

Pppp

14. Uti-

14. *Utinam populus meus audiat me, Israel in viis meis ambularet!*
 15. *Sicut parum, inimicos eorum prosternam, & super hostes eorum reducam manum meam.*
 16. *Osores Jehovae abnegarent se ipsi, & esset tempus eorum in perpetuum.*
 17. *Eumque alerem adipe tritici, & melle satiarem te e rupe.*

P R O L E G O M E N A.

§. I.

Cum inter ea, quæ regnum Hiskiae illustrarunt, sicut totius regni reformatio, sacris repurgatis, & in pristinum, quo tempore Davidis & Salomonis fuerunt, statum revocatis; ita solennis festi *Paschatis* celebratio haud exiguum mereatur locum, siue ad sacra eo tempore peragi solita, siue ad immensum populi confluxum, non Judæorum tantum, sed & Israelitarum, respicias, ita ut de eo testetur historicus, 2Chron. xxx: 26., simile non extitisse a temporibus Salomonis ad illud tempus usque: nemini mirum accidat, si dixerò, eam solennitatem non tantum sacris canticis, sed & hoc nostro in specie fuisse celebratam, tum quod Hiskias *verbis Davidis & Asaphi videntis* Deo jussit laudes canere, 2Chron. xxix: 30. tum quod nulum tempus sese offerat, cui Psalmus noster aptius conveniat: quod cuique, Psalmum cum historia conferenti, sponte sua sese in oculos ingeret.

§. II. Argumentum enim Psalmi est publica exhortatio, tum festi late agendi, tum seriae ad Deum conversionis, directa ad Israelitas, a Judæis distinctos, sub spe subitæ liberationis ab hostibus, qui eos tantum quod oppresserant, &

& rerum omnium felicissimæ instaurationis, spe vero fundata in *ratione* & *causa* malorum, unice a populi contumacia, & non ab inminuto Dei adfectu erga populum, repetenda. Poeta incipit cum exhortatione Israelitarum ad festum Jehovæ, Deo Jacobi & Judæ celebrandum, cum sit ab eo universo populo præscriptum tempore liberationis ex Aegypto. Dein *beneficia* Dei in populum recenset una cum præcepti de Jehova, solo Deo, colendo commemoratione. Quando Israelis defectionem, nullis mediis vincendam, eamque secutam *defectionem* Dei, & traditionem populi in perniciofa consilia, ob oculos ponit. Denique spem facit populo subitæ liberationis, & perpetuæ prosperitatis, modo vias Dei ingredi, easque tenere, velit.

§. III. Cujus argumenti ut verus conspectus elucescat, sequentes ejus characteres sunt observandi. 1. *Primus* est, sermonis exhortatorii *objectum* esse *Israelitas*, a *Judæis*, quorum metropolis erat Hierosolyma, sedes religionis, distinctos; quod ex nominibus Israelis & *Josephi* colligitur, & ex distinctione inter *eos*, quos adloquitur poeta, & *nos*, præcipue firmatur: dicit enim; *adclamato Deo fortitudinis nostræ*, & festum appellat *nostrum*. Quo & illud facit, quod *festi* celebrandi obligationem a Dei præscripto repetere & inculcare necesse habeat; argumento, ipsi rem esse cum illis, qui, festum Judæorum ad se minus pertinere, viderentur existimare. 2. *Secundus* character habet, exhortationis *materiam* esse festi paschatis, ejusque diu ab illis, ad quos sermo vertitur, neglecti, celebrationem, cum feria ad Jehovam conversione conjungendam. Festi paschatis criterium præcipuum est in tempore institutionis situm, cum Deus Aegyptum, tanquam populi sui vindex, intrabat, vers. 6. quod non nisi in illud festum quadrat. Exhortationis ad *conversionem* Ps. argumentum certissimum præbet indicium. 3. *Tertius* fert, longe diversum esse populi, quocum se conjungit poeta, & eorum, ad quos sermonem dirigit, statum, illius lætum, horum afflictum, & ab exci-

dio haud longe remotum. *Laeta* illius conditio facile ex argumento exhortationis, ad festum cum omnibus lætitiæ signis celebrandum, clucet. Sed *horum* deploratæ res ex reliquis Pf. partibus sponte sese offerunt; in specie huc tendit ultima pericopa, quæ spem præbet subitæ liberationis, si sese serio convertant.

§. IV. Ad hæc criteria si adtendamus, cumque iis historiam celeberrimi illius paschatis tempore Hiskiae. comparemus, vix dubitare amplius poterimus, quin Pf. in illud tempus conveniat quam exactissime. Hoc enim tempore, cum laeta rerum catastrophe inter Judæos per Hiskiam conspiceretur, Israelitæ partim erant in exilium abducti, partim ab ultimo excidio prope aberant. Quo in statu blande ab Hiskia, nunciis per omnia Israelis loca misis, invitantur, & ad conversionem ad Deum Patrum, & ad *pascha* una cum Judæis Hierosolymæ celebrandum, 2 Chron. xxx. admonentur, ne vestigia Patrum insistant, sed perviciaciam deponant, & ad veri Dei cultum accedant, spe subitæ ab hostibus liberationis facta, si id egerint. In specie ad *pascha* Hierosolymis excitantur, quod tanto tempore ab ipsis neglectum erat, acsi ad eos nihil pertineret. Nec effectu res caruit. Licet plurimi pii regis monita susque deque habuerint, alii tamen, nec illi exiguo numero, ex tribubus *Aser*, *Manasse* & *Tsebulon*, sese Hierosolymam contulerunt, & festum laete ac pie cum Judæis egerunt.

§. V. Psalmus itaque, ut de *scopo* ejus verbo moneam, eo manifeste collineat, ut Israelitæ excitentur ad veri Dei Israelis & Judæ cultum resumendum, seseque sincere ad eum convertendum, eoque fini festum Paschatis cum Judæis laete celebrandum, addita spe liberationis ab hostibus, a quibus premebantur, si id serio agant. Quem fructum ut adsequeretur Psalmus, inter sacra in Templo subductu *Præmonitoris* musicæ publice canendus erat: ut indicat titulus *Praefecto Haggittith*: ad quem nihil habeo, quod observem, nisi per vocem *Gittith melodiam* videri designari,

designari, secundum quam Pf. erat canendus, ut ex praep. *by super* 1 Chron. 15: 20. & aliis indiciis colligitur; sive ab urbe Philistaeorum *Gath*, ubi David aliquandiu versatus est, sive aliunde nomen traxerit. De quo ad Pf. viii. egi. Ceterum, cum haud exiguus Israelitarum numerus tempore festi Paschatis sub Hiskia adfuerit Hierosolymis, Pf. tunc recte cani potuit ad Israelitas excitandos, & simul *Judaeos* ipsos Israelitarum exemplo admonendos, ut, si remp. velint salvam, cultui veri Dei, quem nunc revocaverat Hiskias, adhærescere pergant.

§. VI. Nec ab hac hypothese abhorret *Auctor* Psalmi, si ve hoc ipso tempore vixerit, sive spiritu in tale tempus fuerit ductus, & in ejus usum Psalmum composuerit: quod mihi perinde est, licet ad prius magis propendeam. Etsi enim *Asaph*, quem titulus pro auctore habere jubet, tempore Davidis fuerit celeberrimus, unus ex tribus summis praefectis Musicis; nihil tamen vetat credere, & hoc tempore Hiskiae similis nominis virum exstitisse, qui Pf. fecisse potuit. Nec illud temere statuitur, cum *Asaph* aliquis diserte memoretur, cujus filius, paulo post hoc tempus, tempore sc. expeditionis *Senacheribi* in Judaeam, in summa dignitate fuit apud Hiskiam, 2 Reg. xviii: 18. Accedit, 2 Chron. xxix: 30. narrari, jussisse Hiskiam, ut Deo laudes canerentur *verbis Davidis & Asaphi videntis*. Novi equidem, hunc pro eo haberi, qui tempore Davidis fuit; sed obstat, quod *Asaphus* ille Davidis hoc *videntis* titulo non tantum non ornetur, sed & haud obscure innuatur, eum non fuisse Psalmorum auctorem; tum quod *secundum ductum Davidis cecinisse* dicatur, 1 Chron. xxv: 2. tum quod *Heman*, in eadem sermonis serie *videns Davidis* dicatur, indicio, non *Asaphum*, sed *Hemanem* tantum ex tribus praefectis divinis gavissimum fuisse motibus, & inspirationibus. Quæ nunc latius non exsequar.

§. VII. Partes Psalmi generales duae sunt, *altera adhortationem* continet ad festum, quippe a Jehova institutum, celebrandum; *altera adhortationis instantiam*, qua adhortatio ulterius urgetur, tum ab *obligatione* populi, Deo multis nominibus obstricti, tum a noxiis defectionis populi effectis, quae senserat, & sub quibus nunc in primis gemebat, tum denique a spe liberationis, quam conversio populi produceret. *Prior pars* vers. 2—6. comprehenditur, *posterior* vers. 7. *fin. cujus membra in sequentibus distinctius exhibebo.*

E X P L I C A T I O.

§. VIII. Summa prioris partis est adhortatio ad *festum paschatis* laete celebrandum, utpote *festum Dei*, universo populo praescriptum, directa in specie ad Israelitas diuturni neglectus reos. Occurrit itaque 1. Adhortatio celebrandi festi, vers. 2—4. 2. Festi institutio toti populo facta, vers. 5, 6. 3. Adhortatio ita sonat, vers. 2—4. *Laetos sonos edite Deo robori nostro; jubilate Deo Jacobi. Efferte carmen; & tendite tympanum, citibaram suavem cum nablio. Clangite mense baccina in plenilunio, die festi nostri.* h. e. Quovis modo sive voce, sive omne genus instrumentis, laetitiam & gaudia demonstrate in honorem & laudes Dei roboris nostri, Dei patris nostri Jacobi; tempore hoc tam laeto & festo, quale nobis est plenilunium hujus mensis. Adhortatio haec, ut ordine institutam, dirigitur 1. ad Israelitas, quotquot Hierosolymis praesentes aderant; ut laetas voces cum Judaeis jungant, ut ex supra dictis notum est. 2. Argumentum adhortationis est, *Deo tempore festi laeta accinere.* 3. Deus, in cuius honorem haec agerentur, adpellatur *robur populi*, & *Deus Jacobi*; neutrum sine ratione. Prius enim epitheton *roboris nostri* Deum repraesentat, tanquam unicum populi praesidium, & *spei ac fiduciae* objectum, qualem

qualem sese Deus & olim sæpe præstiterat, & nunc adhuc *Judæis* in specie exhibebat, tutum faciendo populum *Judæ* ab hostium impetu, quem *Israelitæ* cum insigni tribuum & terræ jactura experti erant. Ideo dicit poeta, *Deo, robori nostro*, quo nos adhuc insigniter gaudemus. Sed simul insinuat, *Israelitas* hoc firmamento frui posse, si modo sese ei adjungere velint, & eum quaerere Hierosolymis. Epitheton enim *roboris nostri* in specie respicit ad *sedem* religionis Hierosolymis; cujus respectu erat *Jehova Deus roboris Judæorum*, quorum metropolis erat Hierosolyma. Alterum epitheton, *Deus Jacobi*, paulo generalius est, & *Israelitis* ob oculos ponit obligationem Dei illius colendi, cum sit *Israelitarum* aequæ ac *Judæorum* Deus, utpote *Deus Jacobi* communis ipsorum Patris.

§. IX. β. Laetitiae & laudum signa hic varia accumulatur, partim per *vocem*, partim per *instrumenta* edenda. Ad *vocem* pertinent verba *laeta sonare*, *jubilare*, & *efferre canticum*, de quorum potestate & usu non est, quare hic multis disseram; uno itaque verbo. Primum verbum *קָנַן* est *ἀνομασσομένης*, a sono fictum, signatque *tremulum* & *tinnulum*, inde *laetum* & *hilarem sonum* edere: secundum, *קָנַן*, proprie *tremulum* & *fractum sonum* comprehendit, usurpatur vero de clangore *bellico* & *triumphali*. Tertia phrasis, *tollere canticum*, ad *canticum* pertinet, dicitque, clara voce confidenter efferre canticum: Instrumenta laetitiae memorantur *tympanum*, *cithara*, *tablitum* & *buccina*: de quibus dicere nihil adinet, cum nihil ad P. intellectum faciat, & ad P. xxxiii: 2. ac alibi nonnulla observaverim. Hic notetur singularis phrasis *קָנַן*, non, ut solet, *vertenda*, *date tympanum*, nullo sensu aut emphasi; sed *tendite*, intendite, *tympanum*. Radices enim *קָנַן*, *קָנַן* & *קָנַן* *sedem* habent originariam in *tendendo*: uti alibi notatum est. Sensus est, *instrumenta illa esse intensissime exercenda*.

§. X. γ. Veniamus itaque ad *temporis* definitionem, *vers. 4. clangite mense buccina; in plenilunio, die festi nostri*.

Inter-

Interpretes per *mensē* intelligunt *Kalendas*, sive singulorum mensium, sive *primi* sive *septimi* mensis Tisri; nec abhorret usus vocis: sed cum mox addatur *plenilunium* & *dies festi nostri*, existimaverim, structuram versus hac ratione esse concinnandam; acsi legeretur; clangite in *plenilunio mensis die festi nostri*. Nihil enim usitatus est, praesertim in Psalmis, vocum separatione, quæ secum construendæ sunt. Clangere in *mensē* in *plenilunio* est in *plenilunio mensis*. Verti vocem כסא *plenilunium*, ut in lingua Syr. usurpatur, notante de *Dieu*, qui vid. Festum itaque intelligitur, in *plenilunium mensis* incidens; quod cum sit & *Paschatis*, & *Tabernaculorum*, Interpretes hic de posteriore cogitant, non tantum sine ulla ratione solida, sed & contra criterium festi, vers. 6. Verum quidem est, *festum Tabernaculorum* aliquando *festi* nomine eximie venire; sed illud cum festo *Paschatis* commune habet: quare hinc nihil colligi potest. Atenim character festi paschatis est in eo, quod eo die celebratum fuerit prima vice, quo Deus in terram Aegypti hostiliter intravit, & *primogenitos* occidit, populusque ex Aegypto eductus est: in cujus memoriam fuit institutum: quo nos ducit vers. 6. de quo mox. Ceterum cum hoc festo paschatis *buccina clangendum* imperatur, *buccina clangorem* cave aliter ac in *laetitiae* signum capias. Ita Deus de *tubarum* clangore discrete præcepit, Num. x. & *buccinae* vox latiore usu etiam *tubas* comprehendit, quia non nisi *materiae* ratione diversæ sunt, *buccinae* erant ex *carnibus bubulis*, & *tubae* ex ære, vel argento, aliove metallo. Sic de *clangore buccinae*, Ps. XLVII: 6. XLVIII: 6. CL: 2.

§. XI. 1. Hæc adhortatio urgetur ab instituto Dei, totum populum, æque reliquis tribus ac Judam, obligante vers. 5, 6. *Quia statutum Israelis hoc est, liquidum jus Dei Jacobi: qui præceptum hoc Josepho imposuit, cum emicaret ipsa in terram Aegypti*. Nexus per 11 *quia* scopum verborum esse evincit, Israelitis *obligationem* festi agendi persuadere; quod,

quod, sicut apud Judæos necesse non erat, ita apud reli-
 quas tribus & utile, & necessarium. Cum enim ritibus pa-
 triis a longo renunciaſſent Ephraimitæ; videri poſſent vel
 obligationis obli- ti, vel ſibi curæ non eſſe eorum obſer-
 vantiam putaſſe. Quare operæ pretium erat, feſti institu-
 tionem, ejusque originem & rationem, iis ob oculos po-
 nere. Pſaltes itaque hic declarat 1. feſtum hoc ad publi-
 ca totius populi *ſtatuta* pertinere 2. facere partem *cul-*
tus Dei Jacobi 3. institutum in memoriam redemptionis
 populi a ſervitute Aegyptiaca.

§. XII. 1. Primum hæc verba continent, *quia ſtatutum*
Israelis hoc, ſc. feſtum *noſtrum*, quod præceſſerat proxime.
 Sunt, qui ad *laetitiae* ſigna referunt, ſed rectius ad *feſtum*,
 tum quod cum eo propius cohæreat, tum quod de ipſius
feſti celebratione, & non de *modo*, quo celebrandum erat,
 difficultas moveri poſſet. *Statutum Israelis* cum adpellatur,
 non de qualicunque, ſed *publico* populi totius ſtatuto, ad
 Iſraelem æque ac Judam pertinente, cogitandum eſt. Vox
 enim Hebr. *pn* a radice, quæ proprie dicit, *ſculpiſit, ca-*
vando incidit, inſita ſua poteſtate *publicum* & *perpetuum*
 ſtatutum exprimit, quippe quod in æs inſculpi, & publice
 affigi ſoleat. Cum additur *Israelis*, indicatur, univerſi po-
 puli eſſe ſtatutum; adpellarunt verſ. præced. *feſtum noſtrum*,
 utpote Hieroſolymis celebrandum; ſed ne a Juda tantum,
 & non Iſraele, quis putaret, hic *Israelis* eſſe *ſtatutum* decla-
 rat.

§. XIII. 2. Sed unde proſectum erat hoc ſtatutum? ab
 ipſo populo, an a Deo? prius etſi aliquam obligandi vir-
 tutem habeat, cum ſtatuta publica migrare non fas ſit,
 poſterius tamen adfert longe majorem; quare additur, *li-*
quidum jus Dei Jacobi, vel, ut accentuatio & punctatio
 Maſorethica habet, *Deo Jacobi*, h. e. in honorem Dei,
 jus, quod *Deo* debemus, cum ab ipſo ſit præſcriptum, in-
 que ejus honorem fiat. Sed poteſt etiam retineri *jus Dei*
Jacobi, ſive ab ipſo pronunciatum, ſive quod ipſe *jure*
 Qqqq exigit,

exigit, quodque ipsi debetur. Sensus est *dives, ius Dei, & Deo*, quo tum *auctor* praecepti designatur, tum *obligatio*, populo incumbens, adfirmatur, tum *finis & scopus* in honorem Dei proponitur. Ceterum non sine ratione iterum Deus *Jacobi* adpellatur; quippe quo titulo omnes *tribus* comprehenduntur, quorum communis pater erat Jacob, antequam Israelis nomen est adeptus.

§. XIV. 3. Additur ratio instituti festi vers. 6. *praeceptum imposuit Josepho illud, cum exiret in terram Aegypti*. Nimium aberrant, qui vel de Josephitarum ingressu in Aegyptum, vel eorum *exitu*, hic cogitant, cum phrasibus *hostilem* ingressum hic denotet, & nexus sermonis de Deo cogitare jubeat. Sensus est, festum hocce Josepho fuisse praescriptum, quo tempore Deus terram Aegypti, tanquam Dominus, intrabat, seseque populi sui vindicem praestabat: quod factum est, cum *primogenitos* per totam Aegyptum una nocte prostravit; ut est Ex. xi. & xii. Phrasibus, *exire*, proprie *emicare, super terram*, aliquando denotat, cum summo imperio terram pertransire, ut de Josepho, Gen. xli. 45. sed hic *hostilem* ingressum una involvit, ut *super & contra*. Sic de Angelo usurpatur *exire*, qui exercitum Senacheribi delevit, Jes. xxxvii. 58. nec non de Deo, *exeunte ad salutem populi*, Hab. iii. sed, quod propius accedit, Deus *ingressurus in medium Aegypti* dicitur, quo tempore *primogenitos* occideret, Ex. xi. 4. quod hic omnino est *exire in & contra* terram Aegypti. Hoc ipso tempore Josepho traditur imposuisse hoc praeceptum. Josepho non sine ratione, ne *Ephraimitae & Manassitae*, adeoque *tribus Israeliticæ*, ad se illud minus pertinere existimarent. Deinde *Josephi* fit mentio; tum, quod causam ingressus Israelis in Aegyptum praebuerit, tum quod primus & princeps omnium fuerit in Aegypto; ut ab ipso tunc merito dehominiari potuerint Israelitæ. Nec emphasi caret vox Hebr. *ornavit*, quæ, a radice *ornavit* derivanda, in origine sua *ornamenti & instrumenti* potestatem habet, unde ad
praecepta

praecepta Divina transit, tanquam *ornamenta* societatis, & *felicitatis* instrumenta. Hoc nomine cum festum Paschatis insigniatur, haud obscure indicatur, partim hoc festo prima fundamenta & ornatus & felicitatis totius populi fuisse jacta, cum hoc ipso tempore tyrannidi Aegyptiacae fuerit ereptus, & in libertatem eductus, partim etiam ejus rei memoriam renovare hoc festum, ejusque etiam esse sigillum & pignus perpetuum. Unde facile elucet, quare ejus temporis fuerit mentio facta, cum inde libertas populi habuerit initium, ejus rei sit memoriale festum paschatis, & populus eo nomine ad hoc praeceptum, & omnia alia, obstrictus.

§. XV. Cum Israelitas ad festum Paschatis, utpote a Deo Israelis tempore redemptionis Aegyptiacae institutum, incitasset poeta: apte subjungit rationes moventes, quae Israelitas & de obligatione Dei Hierosolymis colendi admonere, & eos ad officium praestandum, seseque ab Idolis ad Deum verum convertendos, impellere aptae natae sunt. Quorum I. prima a beneficiis in populum collatis, quibus libera facta est resp., desumpta est, vers. 7, 8. II. Secunda a foedere Dei cum populo solenniter inito, quod solius Jehovah cultum pro conditione habet, vers. 9, 10, 11. III. Tertia a noxiis inobedientiae & defectionis effectis, quae populus expertus erat ad hoc usque tempus, vers. 12, 13. Sed his rationibus praemittitur testificatio animi ad audiendum parati, a nonnullis ex Israele facta, vers. 6. fin., & subjungitur votum pro conversione totius populi, addita promissione subitae liberationis ab hostibus, & felicitis omnium rerum instaurationis vers. 14. fin.

§. XVI. Incipiamus, ut ordinem versuum teneamus, & testificatione obedientiae voci Divinae praestandae; quam nonnulli ex Israele, Hierosolymis praesentes tempore festi, solenniter faciunt, vers. 6. fin. *labium, quod, vel ejus quem, non novi, audiam.* Utrumque enim admittunt verba Hebraea, quae proprie sonant, *labium non novi audiam.* Sed

vox *labium* vi punctuationis occurrit in statu constructo, adeoque quid requirit, quocum construatur, quod per elipsin reticetur, & aliter suppleri vix potest, quam per *ejus, quem*; ut sit *labium ejus, quem non novi*. Interea patitur usus, ut constructum pro absoluto ponatur, nisi punctuationem quis *absoluti* hic velit, adeoque verti quoque possunt, *labium, quod non novi, audiam*. Utrumque hic conjungi potest, & est adfine. Sed majoris est, personam, cujus hæc verba sunt, & sensum definiuisse. Misiss Interpretum opinionibus, multum diversis, mihi omnino videntur hæc verba ad eos ex Israele referenda, qui Hierosolymam ad festum adscenderant, & eo tendere, ut adfectum in Jehovah, Deum Israelis, ejusque cultum, explicent, sive ad superiora, sive sequentia, sive potius ad utrumque respicere censeantur. *Labium* vel *ignotum*, vel *ignoti*, cum se audituros profitentur, indicant, se & festum Jehovah Hierosolymis esse celebraturos, & quæ nomine Dei sibi dicerentur, promissis animis esse excepturos, & præstituros. Audire esse pro *ad tendere, accipere, & obedire*, tralaticium est, nec non *labium* pro *sermone*, per labia prolato, sumi: quare hic non morabor. Sed quare *labium ignotum* vel *ignoti*? respectu Israelitarum, ni fallor, qui a longo & veri Dei Israelis, & cultus ac præceptorum ejus noticiam perderant per Idololatriam, & libri legis neglectum; quare ab Hosea & aliis prophetis sæpe *ignorantiae* Dei accusantur: *Ignorantia* laborabant si non omnes *theoretica*, saltem *practica*, in veræ religionis contemptu & neglectu sita.

§. XVII. Hæc licet facilia sint, est forte difficilior, quæ ratione hæc verba *Israelitis* adtribuuntur, cum in prima persona loquatur poeta: *labium, quod non novi, audiam*. In promptu quidem est, poetam Israelis personam hic adoptare, & eorum confessionem suo ore exprimere; quæ figura non est inusitata, aut ignota; sed, ut ratio & elegantia figuræ elucescat, & omnis difficultas e medio tollatur, observari velim, poetam hic rationem habuisse Psalmi sui publice

blice ab Israelitis, qui tempore festi praesentes aderant, canendi in Templo; quo admissio, *persona* prima quam accommodatissima est. Cum enim superiorem adhortationem cecinissent, seque mutuo ea ratione aut essent exhortati, aut excitari admisissent, mox aptissime subjungunt: *labium ignoti audiam*, quisque pro se; ac si dicerent. Vocem Jehovah, cujus utriusque me ceperat oblivio, ita ut nec *Jehovam*, Deum Israelis, nec ejus *instituta*, recte amplius noverim, a longo ad Idololatriam abstractus, eam, inquam, vocem, denuo ad me delatam, qua ad cultum ejus excitator, nunc ad animam revocare, & observare, paratus sum; &, quicquid in posterum mihi nomine Dei injungitur, exsequar fideliter.

§. XVIII. Unde, mi fallor, manifestum est, non tantam, quam apte haec prima persona enuncientur mox post praecedentem adhortationem; sed, &, quam congrue Deus mox introducat rationes moventes in animos eorum ingerere. Cum enim aures animosque apertos & paratos ad audiendum & obediendum voci Dei explicuissent: verba Dei majore utique emphasi & elegantia adhibentur, quam si suis verbis usus esset poeta. Deinde ad verba Dei minus abrupte hac ratione pergi, quia verba Dei se audituros esse, falsi erant, sponte sua elucet, absque ut ellipsi, sic dicit Dominus, ante pericopam sequentem, opus sit. Verba Dei, quibus prima ratio movens, a fundamentalibus beneficis, in populum collatis, petita, exprimitur, ita sonant, vers. 7; 8. *removi ab onere humerum ejus; manus ejus a corbe, vel abeno, recesserunt in perpetuum; in angustia invocasti, & expediavi Te, exaudiavi Te in latibulo tonitru, exploravi Te juxta aquas contentionis. Selah: h. e. E statu servili & afflictio te potente manu; cum multis tremendae maiestatis signis, eripui, & ansam animi grati & sinceri in me adfectus explicandi praeui, cujus jam tunc contraria dedisti indicia, futurae defectionis & rebellionis haud vanum praesagium.*

§. XIX. Versus comprehendunt 1. liberationem populi a servitute Aegyptiaca, vers. 7. 2. Ejus redemptionis modum & accidentia, vers. 8. 3. Beneficium primæ redemptionis vers. 7. exhiberi, non tantum ex eo patet, quod illud ubique ut primarium & fundamentale, quo Deus populum sibi obstrinxit, & cui tota œconomia legalis innascitur, occurrat in Script., nec etiam ex eo tantum firmatur, quod vers. 11. ejus expressa fiat mentio, verum ex ipsis verbis & phrasibus sponte sua sese offert. Condicio enim, ex qua educti sunt, his votibus & phrasibus depingitur, quæ molestant & vilem servitutem comprehendunt; qua quis ad laboriosa & abjecta opera est obligatus. Quo nos utramque versus membrum ducit. Prius, *removi ab onere humerum ejus*, cogitationem injicit oneris gravioris, humeros prementis, quod jugi conspectum ferebat. Indicatur itaque, eos fuisse sub jugo, ad opera molesta & gravia obligatos, instar *servorum*, quorum est onera bajulare, sic Jes. x. 27, *Tempore illo auferetur onus ab humero tuo, & jugum ejus a collo tuo*, & quod ad scopum propius accedit, de servitute Aegyptiaca, Exod. vi. 6, 7. *Educam vos de sub oneribus Aegypti, & eripiam vos servituti ipsorum*. Alteram membrum, *manus ejus a corbe, vel abeno, recesserunt*, sive ad *corbes*, qui manibus tenentur, sive ad *abena* & *ollas* respiciatur, utramque enim notionem admittit vox Hebr., eandem servilem & laboriosam vitæ conditionem exprimit. Figura vero erit fortior, si de *olla* culinæ cogites, ad quam curandam vilioris sortis homines & mancipia adhibebantur apud orientales, qui propterea *servilem* sortem hac phrasi exprimere solent, ut Ps. cxiii. 7. *eripies ex lapidibus focariis egenum*, h. e. ex statu servili & abjecto. Hac ratione *manus ab olla culinaria recedere* dicuntur, tum quis ab ejusmodi servitio liberatur. Sed emphasi non caret, quod verbum *recedere* in fut. occurrat, *manus ejus recedant*, quippe quo tum plenaria & perpetua liberatio designatur, tum etiam tacite insinuat, novam servitutem, ab Assyrii imponendam,

dam, esse e medio tollendam, si modo dicto Dei sint audientes Israelitæ.

§. XX. 1. Hæc liberatio populi sicut erat insigne bonum, per quod Deo erant summopere obstricti, ita *modus* liberationis, plane singularis, qui de potentia & favore Dei erga populum plane peculiari testabatur, obligationem eam reddebat longe majorem: quare poeta addit vers. 8. *in angustia clamasti, & expedivi Te, respondi Tibi in latibulo tonitru, exploravi te juxta aquas contentionis.* Duo priora membra respiciunt ad ea, quæ populo contigerunt ante famosam illam murmurationem juxta aquas *Meribæ*, de qua Exod. xvii. adeoque ad ea nos ducunt, quæ liberationem sunt concomitata. *Angustia* itaque, quarum hic injicitur mentio, partim afflictum populi statum in Aegypto, præcipue cum in procinctu esset liberatio, exprimunt, partim ad illud tempus pertinent, quo Israel ex Aegypto eductus undiquaque esset obsessus & constrictus, a fronte per mare, a tergo per exercitum Pharaonis, ab utroque latere per montes, ita ut nusquam exitum reperiret, de quo Exod. xiv. Utroque tempore angustie *clamarunt & invocavunt Jehovam*, & ulla sine ope sua liberati sunt; quod hic indicatur, per *clamasti & expedivi Te*, h. e. nihil præter clamores tu ad liberationem tui adtulisti, quo beneficium magis extollitur. Exprimitur liberatio duabus phrasibus, quarum altera ad priorem, altera ad posteriorem liberationem pertinere videtur; utique, illud *respondere in latibulo tonitru*, nos ad columnam nubis & ignis, sedem tremendæ Dei majestatis, ducit, ex qua Deus oculos iratos vibravit in Aegyptios, eoque & confectione implevit, & prostravit. Exod. xiv. Quod eleganter dicitur *responderes in latibulo tonitru*, vel potius post *velum tremendæ Majestati*. Vox Hebr. צלצול proprie dicit *tremulum motum*, & in specie *naso* attribuitur, ad designandam graviolem indignationem, quando aliquis *ringitur*, 1 Sam. i: 6. *nasus tremulus*, & cum indignatione *ringens*. Hinc ad alia non tantum transit *membra*, sed & ad
mare

mare turbatum, ac coelum tremorem tonantem miscens. Unde vox nostra Orientalibus absolute exprimit *majestatem tremendam*, quam potestatem & hic habet, ut ex altero vocabulo elucet. Illa enim vox, quam *latibulum* reddunt, usurpatur de *velo* seu aulæo, quod ante palatia Magnatum tendi solet, ad prospectum & confluxum promiscuæ turbæ arcendum, quo *velum faciei* P. xxxi. respicit, quod regi præpensum promiscuæ turbæ aditum claudit: intra quod interioris admissionis ministri & amici admittantur & protegentur, Pf. xxxi. 21. Cum tali *velo* recte comparatur *nubes*, quæ *ignem*, seu tremendam Dei majestatem, *textit* in deserto. Cum itaque hic dicitur, Deum respondisse *velo tremendi Dei vultus*, indicatur, ex illa columna nubis & ignis Deum populo succurrisse, & hostes, qui ipsam undiquaque premebant, prostravisse: quod historiæ Ex. xiv. exacte respondet.

§. XXI. Sed quid sibi vult, quod additur, *exploravi te juxta aquas Meriba*? Ad illustrem casum in deserto, paulo ante solennem legislationem Sinaiticam, constat respici, quo populus, aquæ penuria laborans, gravi & seditiosa murmuratione in Deum & Mosem insurgens, insigni miraculo aquam, ex rupe percussa largo flumine emanantem, abundantissime accepit, Ex. xvii. a qua murmuratio locus nomen *Massa* & *Meriba* consecutus est, quia acerbe cum Deo & Mose exposulavit, & novum potentiæ ac favoris Dei experimentum post tot & tanta, quæ præcesserant, signa, importune admodum & cum magna incredulitate postulavit. Quo sensu Deum ibi *tentasse* legitur Pf. xcvi. Sed, quemadmodum Deum ibi *tentavit*, sic & a Deo *exploratus* est, quatenus publicum & sinistri in Deum adfectus, & incredulitatis ac diffidentiae edidit specimen, eo certius, quod tot & tanta potentiæ & bonitatis Dei præcesserant indicia, tum in populo liberando, per mare ducendo, hostibus opprimendis, tum in populo miraculose potando & cibando. Quæ causa est, quare hujus in specie casus mentio fiat,

fiat, quia per eam murmurationem, quod antea adhuc aliquomodo dubium erat, certissimum fecit, se esse perversæ & obstinatæ indolis populum; non nisi severa disciplina constringendum, & in ordinem redigendum. Quo etiam murmurationis illius commemoratio hoc loco collineat. Cum enim Deus summis beneficiis, modo memoratis, mox subjungat, *exploravi Te juxta aquas Meribæ*, indicat, & populo insinuat, vult, 1. Quanta *longanimitate* usus fuerit erga Israel, quippe qui a primordiis sese *rebellem* demonstravit. 2. Quanto favore eum prosequatur, quam ardente affectu in eum feratur, quippe qui populum, adeo mox rebellem, non abjecit, sed bonis cumulare non destitit. 3. Quam male meritis fuerit populus de Deo, quamque male responderit tot beneficiis, in eum collatis. 4. Quam necessaria fuerit arcta & severa disciplina, qua populum coercere instituit; adeoque quanta fuerit populi obligatio legem Dei exacte observandi.

§. XXII. Hinc facile elucescit, apte mox subjungi Legislationem Sinaiticam, quæ *secundæ* rationis moventis locum hic tenet, vers. 9, 10, 11. *Audi, popule mi, contestabor te, Israel, si audiveris me. Non erit Tibi Deus peregrinus, nec adorabis Deum alienum. Ego sum Jebova Deus Tuus, qui Te eduxi ex terra Aegypti; os tuum late aperito, ego implebo illud.* Ac si diceret Deus: posteaquam mihi de perversa tua indole quam certissime publico indicio constiterit, fœdus tecum inire volui, tum ut mea benignitas eo clarius elucesceret, qua Te, tam rebellis & increduli animi populum, mihi per fœdus adjungere institui, tum ut pertinaci & duræ cervici jugum imponerem, vel frænum injicerem, teque mihi redderem obsequiosum. Quod factum est ad montem Sinai, quo fœdus illud inter Deum & Israellem solenniter pactum est. Quo hic respici, autumat verim.

§. XXIII. Occurrit hic 1. præfatio excitatoria & obtestatoria, vers. 9. *audi, popule mi*, &c. nimirum, sic te tunc

Rrrr

temporis

temporis adlocutus sum, blanda quidem sed seria usus oratione, ut Te mihi populum facerem dicto audientem. *Popule mi!* dixi, ut de adfectu meo esses persuasus, meumque in Te jus, per redemptionem acquisitum, cognosceres: *popule redemte a me, & mihi obstricte; audi, imo utinam audires;* hæc enim cohererent. Præcepto, vel adhortationi, ad *audiendum* additur *votum* pro populo, ut audiat, quo sicut adfectus Dei ulterius explicatur, ita teste insinuat, *populum non auditurum*, vel rem esse *vovendam & optandam*, magis quam *sperandam*, ac *expectandam*. Simile quid Deus dixisse fertur tempore legislationis, Deut. v. 26. *utinam hoc animo esset populus, ut me timeret?* &c. sic & hic, *audi*, dixi, *popule mi, utinam*, vel *a si audires me*. Sed, quid audiret populus? *contestationem Dei*; id enim indicatur, cum sequitur, *audi, & contestabor te; utinam audias*. Præcipitur & optatur, ut *contestatio Dei* aures & animos penetret: quo nomine insignitur fœderis Sinaitici *propositio*, quippe cum *obtestatione* conjuncta, & eum conspectum ferens. Verbum Hebr. proprie involvit *iterationem*; quæ in particula *ו* adhuc superest. Inde ad qualescunque *adseverationes fortissimas*, quibus quid iterum iterumque dicitur, & inculcatur, transfertur, & in specie ad tales, quæ *præsentibus testibus* fiunt. Sic Moses *cælum & terram* tanquam testes citavit in populum, Deut. iv. & xxxi. & Lex Sin. inter Angelorum ordines, ut totidem *testes*, dicitur lata. Act. vii. & Heb. ii. *Contestatio* itaque adpellatur *legislatio*, tum quod multa cum *adseveratione* fuerit facta, tum & dictorum Dei, & consensus populi, *testes* adfuerint, sive cælum & terra, sive Angeli, tum quod populus ipse *cam jûratus* adsumferit, ut in terra Cananæa, cum ad *benedictiones & maledictiones Amen* responderit. Deut. xxvii. tum denique, quod fœdus hoc plus una vice pactum sit, & verbis sæpe repetitis inculcatum per Prophetas.

§. XXIV. 2. Sequitur *fœderis propositio* *a. leges b. bona* comprehendens. *a. Leges* hac summaria formulâ continen-

tiennentur, vers. 10. *Nec erit Tibi Deus alius, nec adorabis peregrinum*, h: e. non alium, præter me, solum verum Deum, aut agnosces, aut ullo cultu religioso adificies: quibus verbis directe quidem idololatria & superstitio, sed indirecte & sensu prægnante vetatur, quicquid Divinæ auctoritati ac voluntati adversatur. Nec alium coles, nec alium audies præter me solum, adeoque mihi, ut Deo tuo, Te obsequiosum præstabis. Præterea, quo prægnans sensus confirmatur, hæc verba initium faciunt *decalogi*, adeoque tanquam citatio decalogi, primis tantum verbis prolatis, consideranda sunt, sub quibus totus *decalogus* est intelligendus. b. Promissum, quod alteram fœderis partem facit, solenni fœderis formula effertur: *ego Jéhova Deus tuus, qui eduxi te ex terra Aegypti, & explicatius traditur, cum additur; aperi os, & implebo illud. Formula habet, Jéhovam non tantum esse Deum Israelis, cujus sensus est amplissimus, quævis bona hujus & futuræ vitæ complexus, uti nemini non notum est, sed & beneficium redemptionis ex Aegypto repetitum, tanquam fundamentale reip. & Ecclesiæ Israeliticæ, cui innixum est privilegium Israelis, tanquam populi Dei, & mutux relationes sunt superstructæ. Quem conspectum hoc beneficium ubique fert in Script. S., & ex Sab- bato in ejus signum instituto satis clare elucet. Additur, aperi os & implebo illud; quo figurato dicto sicut ad continua populi desideria in deserto respicitur, quæ Deus, cibum & potum miraculose suppeditando, implevit, ita quævis bona comprehenduntur, per quæ desideriis satisfieri potest: temporalia quidem & corporalia primo loco, & expresse, sed spiritualia etiam secundo loco, & magis teste & umbratice.*

§. XXV. Etsi homines, si ad rationalem suam naturam, quæ eorum est summa excellentia, & prærogativa, adhaerent, eique convenienter, ut deberent, agerent, vel per beneficia, sive præstita, sive promissa, excitari deberent ad benefactori suo placendum, cum in eo animus gra-

tus explicetur, & turpissima ingrati nota evitetur, vel saltem per solennes obedientiæ stipulationes, & fœderum vincula, a legum Divinarum transgressionibus absterri debent; ne perfidiæ & perjurii sese reos faciant: tristis tamen evincit experientia, nulla re homines fortius moveri, quam si vitæ & institutorum suorum noxia & perniciofa experiantur effecta; quæ vividissimum solent adferre sensum molestum; quo sopor excuti, & calcaria ad agendum addi solent. Quæ ratio est, quare prophetæ malorum sensum populo sæpe renovarunt, & ut ad vias, statumque suum, reflecterent, adhortati sunt; ut ex. gr. Hagg. I. & II. *ad-
plicate animum ad vias vestras*, & ad mala, quæ vos premunt, advertite.

§. XXVI. Eodem modo & hic instituit poeta, vel ipse Jehova, Deus Israelis, quem ipse, ut supra dixi, introducit loquentem. Cum enim beneficia in populum collata recensuisset, ut ad grati animi adfectum adduceret Israëlitas, dein legislationis Sinaiticæ, ac solennis eorum professionis, memoriam refricuisset; etiam promissorum, certo implendorum, mentionem fecisset, ut Israëlita & per obligationis sensum, & bonorum spem, permoverentur: subjungit vers. 12, 13., quæ prior pericopæ pars, & tertia est ratio inpellens, mala, quæ inobedientia ipsis pepererat, maxima, ut, si nec gratitudo, nec jugum legis sponte susceptum, nec promissorum spes, eos ad meliorem frugem redigere possent, id tandem *malorum* sensus efficiat. Verba ita sonant, vers. 12, 13. *Et populus meus non auscultavit voci meæ, mihi que noluit Israel. Et dimisi ipsum in umbilicationem*, vel *in sitam pravitatem*, *cordis ipsorum, eant in consilia sua*. h. e. cum longo satis tempore, multisque modis, demonstrasset Israel, populus meus, se vitam moresque suos ad normam legis meæ componere nolle, nulloque in me esse adfectu: & ego tandem eum, quasi libello repudii dato, res suas sibi habere sivi, eumque & veteri corruptioni & propriis consiliis permisi, ut in ea, tanquam in
malam

malam rem, eant. Duo versus ea ratione sibi respondent, ut posterior sit prioris consequens, priorque *causa* & antecedentis, posterior *effectus*, adeoque ille peccati, hic pœnæ, vel proximi reatus, quo quis a Judice pœnæ ad-dicitur, ferat conspectum; quam potestatem sæpe habent duo &, sibi respondentia, ut *cum & tunc, quia & ideo*, apud Lat.

§. XXVII. Crimen populi, quod tam triste habet consequens, duplici phrasi proponit; altera altera fortiore, prior *inobedientiam*, & posterior ejus *principium & qualitatem* exprimit. *Inobedientiam* comprehendit phrasis, *non auscultare voci Jehovæ*. *Non audiuit*, dicit Deus, *vocem meam populus meus*, nec eam ad animum revocando, nec eam præstando, seseque ad eam conformando, tanquam vitæ & religionis normam. *Vox Jehovæ* hic universam *legem*, partim divinitus de monte pronunciatam, partim jussu divino per Moſen latam, una cum promissis & *minis*, comprehendit. Respicitur ad vers. 9. *audi popule mi & contestabor te*: de quo supra dixi. Additur, & *Israel mihi non voluit*, proprie *prono flexu ad me latus non fuit*. Hæc enim propria verbi *אנה* potestas est, quæ Job. ix. in navibus secundo vento & flumine latis supereſt; proprietas vero eſſe videtur in *curvatione flexa*, Gr. *ὑπέρυψ*, unde & Lat. *cupere*, unde ad *prorum* adfectum in aliquem vel aliquid transiit, indeque est, quod derivatum hujus verbi *Patrem* significat; & sic ad *desideria* transitum fecit, unde *pauperis & egeni* fluxit notio, quam ejusdem verbi derivatum continet. Indicatur itaque 1. Israelem nullo fuisse in Deum *adfectu*, nullumque amoris Dei signum dedisse. 2. nullo Dei, ejusque *favoris*, desiderio fuisse latum. 3. Sed, contra, Deo, ejusque cultui, & gloriæ renunciasse, nec ullam *voluntatis* divinæ habuisse rationem. Ceterum emphasi non caret, quod nomina *populi Dei & Israelis* expresse memorantur, cum pravam eorum institutum per ipsa ea nomina adgravetur, & populus vi nominum eorum de turpitudine

& indecentia vitæ morumque suorum convinci queat. Quid enim indignius, quam *populum* Dei, ab ipso redemptum, ei obstrictum, & solenni fœdere adjunctum, nec vocem Dei audire, nec Deo bene velle? quid turpius, quam Israelis posteros adeo a progenitore degenerare, qui cum Deo sese tam generose & præclare gessit; eoque nomine sese adeo indignos præstare, ut Dei nullam plane rationem habeant?

§. XXVIII. Adjungamus, antequam de tempore, quo Israel se talem demonstravit, dicamus, posteriorem pericopæ partem, quæ triste inobedientiæ consequens complectitur, vers. 13. *Et dimisi eum in umbilicationem cordis ipsorum, eunt in consilia sua*, h. e. veteri cordis corruptioni ipsos permisi, & dixi, abeant in pernicioſa sua consilia: verbum enim *dixi* recte per ellipsin intelligitur ante *eant*; quod ceteroquin nihil haberet, quocum construatur, & nimis abrupte hic occurreret. Phrasæ sunt selectæ & emphaticæ, quæ præter Dei legis, & violati fœderis, noxium effectum vivide depingunt. Prior, *mittere in cordis umbilicationem*, exprimit triste Dei judicium, quo quis corruptis suis desideriis & cupiditatibus carnalibus plenissime traditur, absque ut ulla in posterum media adhibeantur ad eum emendandum, aut ad meliorem frugem reducendum. Verbum *mittere* cogitationem *repudii*, quo maritus uxorem morosam expellit, & res suas sibi habere jubet, injicit; de quo frequenter usurpatur in Script. Ad Deum translatus nihil aliud dicit, ac Deum *manum proteatricem*, & *directricem*, a populo abstrahere, & eum sibi relinquere; ita ut eum & corrigere & defendere cesset, sed, contra, *obdurari* & *perire* sinat. Verbum enim *mittere* ad efficacem aliquam Dei operationem, quæ *umbilicationem* cordis, ut causa efficiens effectum, sistit, non est extendendum, vetante *sanctitate* & *justitia* Divinæ nature, cum *umbilicatio* vitium morale involvat, nec verbum *mittere* aliam ac dimissionis & desertionis potestatem contineat. Sed quid est *umbilicatio cordis*? sicut enim *vocem* Hebr. verti posse, facile

facile evincit vox radicalis, quæ *umbilicum* signat, uti notum, vel eam potius umbilici partem, quæ in natiuitate refecatur: ut Ez. xvi: 4. *Umbilicus* autem stylo Orientis usurpatur pro principio & fonte vitæ animalis, unde humorem nutrientem quasi primitus hausimus. Unde ad *corruptionis* principium alte inhærens, quo quis qualemcumque pravitatem inibit, transfertur, cum de *animo*, ut hic, usurpatur: adeo ut *umbilicatio cordis* sit cor, cui *umbilicus* non est refectus, vel quod vetere sua corruptione & cupiditate plane obsidetur & ducitur: quod alias *cor incircumcissum*, alia metaphora, exprimit. Sed de populo Israelitico adhibita phrasis antiquam populi conditionem corruptam expingit, in qua fuit, antequam a Deo in populum est adoptatus, & per legislationem formatus. Qui, ut notum, fuit status corruptionis, & in specie *idololatriæ*, cui in Aegypto fuit deditus. Quem significatum hæc vox passim habet apud Jer. qui ea frequenter utitur, ad exemplum Moïsis, Deut. xxix: 18.

§. XXIX. Altera phrasis, *ire in consilia sua*, complectitur mala & pernicioſa consilia, quæ ruinam populi secum ferunt, & *impetum* ob oculos ponit, quo quis in ea ruit, ea-que ratione in *exitum* se præcipitem dat. *Ire* enim sæpe est *abire* in malam rem; *perire*. Sic Job. xxvii: 22. *tollet cum turbo & ibit*, Jes. l: 11. *eatis*, sive dispereatis; *ignis vestri vapore*, malleolisque, quos succendistis. *Ire in consilia* est, in ea ruere, & iis *perire*. Sed quæ illa *consilia*? noxia sine dubio & exitialia, sive ad *religionem*, sive ad *civitatem*, ejusque gubernationem, pertinentia; quibus, Deo vero relicto, idolis fiditur, & ad exterarum gentes, auxilii ergo, confugiunt, quod a solo Deo, rege suo, expectare deberent. De quo Jes. xxx.

§. XXX. Queritur, quodnam tempus poetæ, cum Deum ita facit loquentem, in oculis fuerit; quando a Deo defecerint, & ab ipso deserti, ac libidini suæ suisque consiliis
sint

a Vid. Schultens Orig. tom. I. c. 2.

fint traditi: ad quod *α.* respondeo, sapius, & repetitis vicibus, id esse factum; & nexum in genere hic explicari inter defectionem a Deo & desertionem ejus: ut sensus sit, quoties populus mihi, legique meæ, nuncium misit, toties expertus est, se præcipitem se dedisse in gravia crimina ac exitialia consilia; idque a prima reip. institutione, cujus in præcedentibus facta fuerat mentio, ad hoc usque tempus. Ne de mora in deserto loquar; quoties hæc temporibus *Judicum* non expertus est Israel? Legis contemptus, & Dei neglecta cura, secum, præter quævis scelera, detestabilem traxit idololatriam; & inde quævis perniciofa orta sunt consilia, quibus periisset populus, nisi Deus cavisset, & populus sese ad Deum recepisset. *β.* Sed in specie eam Israelis a Deo defectionem, qua sub Jeroboamo I., duobus vitulis in Dan & Bethel erectis, cultui Jehovah, Hierosolymis deferendo secundum legem Moïsis, renunciarunt, poetæ fuisse animo obversatam existimaverim, tum quod Israel, seu populus x. tribuum, hic intelligatur, de quo supra, tum epocha defectionis Israelitarum inde repeti soleat, uti notum est, tum quod Israel, posteaquam publice multis modis demonstrasset, se legi Jehovah plane & obfirmato animo, nullis prophetarum monitis flectendo, nuncium misisse, a Deo sibi, suisque consiliis, relictus sit, & ab eo tempore in quævis mala, sive a Syrorum regibus Hazaele & Benhadado, sive ab Assyriorum Phulo & Tiglatpulsassaro, inflicta, sese præcipitem dederit, & detestandæ idololatriæ sub *Achabo*, aliisque criminibus, mancipaverit. Quo in statu Israel Hiskia tempore versabatur, Trans-jordanensibus jam in exilium abductis, & Cis-jordanensibus haud procul a simili judicio remotis. Quæ, utpote nota, tetigisse suffecerit.

§. XXXI. His rationibus moventibus subjungitur votum pro conversione totius populi, ad exemplum eorum, qui Hierosolymam ad festum adscenderant, seseque dicto Jehovah audientes fore testificati erant, vers. 6. addito promisso subitæ liberationis ab hostibus, partim prementibus, partim

tim imminentibus, plenissimum excidium, vers. 14—17. ubi *κ*. Votum occurrit, vers. 14. *π*. promissum, quo ad illud, quod vovetur, præstandum excitantur, vers. 15—17. *κ*. Votum ita habet, vers. 14. *Utinam populus meus audiat me, Israel in viis meis ambularent!* sic enim vertenda sunt verba, & non de præterito, utinam *audivisset*, & *ambulasset*; occurrit enim verbum *ambulare* in fut., & votum, cum res nondum est desperata aut effecta, aptius emittitur: quare rectius, veluti institui, verba ad universum populum Ephraimiticum, nondum plane abjectum & eversum, referuntur. Supererat adhuc regnum Israelis sub Hosea, licet insigni sua parte mutilatum, Trans-jordanensibus jam abductis. Sed supererat haud procul a ruina remotum; ut, nisi cito sese ad Jehovam Deum suum per veram conversionem reciperet, eandem sortem subire debeat. Audiverat Israel corruptæ indolis instinctus, & in propriis ambulaverat consiliis, a Deo derelictus, & propterea ab excidio prope aberat; in quod certo certius brevi rueret, nisi voci divinæ auscultaret, & ejus præcepta, unicam viam a Deo stratum ad salutem, confestim & constanter susciperet observanda. Quod ut faciat Israel, cum Deus hic *optet*, illud, si *θεοπροβῶς*, ut decet, intelligatur; ob oculos ponet, *1*. Deum illorum mortem nolle, sed conversionem & vitam velle, adfectu serio & sincero; ut Deus apud Prophetam declarat. *2*. Populum, si pereat, non Dei, sed sua culpa pessum ire. *3*. Adeoque posse & debere per legis Dei observantiam adhuc ultimo excidio eripi, & in pristinum statum restitui. Hæc nisi admittantur, frustraneum & ineptum foret votum, nullius plane sensus. Nec tamen ulterius extendi velim: etsi enim in nobis ineptitudinem id, quod vovemus, efficiendi involvat, in Deo, cum id locum non habeat, nihil aliud, si urgeas, indicabit, ac Deo certas esse rationes, quare effectum omnipotente jussu in liberis creaturis, quod posset, non sistat: quæ latius exequi, nihil adtinet.


§. XXXII. 2. Promissum, quod additur, continet *a.* oppressionem hostium, brevi, & sine magna opera, efficiendam, vers. 15. *Sicut parum inimicos ipsorum proster-nam, & super hostes eorum reducam manum meam*, h. e. & brevi, & nullo labore hostes Israelis potentia mea ita adte-rerem, ut manus pedesque quasi truncati jaceant, seseque in posterum non moveant. Phrases sunt selectæ. 1. *Sicut parum* & brevissimum tempus, & facillimam operam expri-mit. Vox enim Hebr., quæ proprie nudum & glabrum sine pilis, ut Gr. ψιλόν, exprimit, inde ad omne tenue & exile transfertur, & sicut parum pro re contemptissima usurpatur, Prov. ix: 20. Job. xxxii: 22. 2. Heb. נָנַח proprie est, contractis alis, digitisque, debilitari, sive luxatione violenta & confractioe, sive arescentibus præ senio membris, id fiat, speciatim in bello usurpatur de prostrato, contusis & debili-tatis manibus. 3. *Reducera manum super hostes* expingit medium, quo id efficeretur, per potentiam Dei, qua hostes premerentur, & opprimerentur, ut sæpe ante factum erat: quo nos illud, *reducere* ducit. *Manus Dei* in genere ejus potentiam denotat, sive in bonum, sive in malum.

§. XXXIII. 3. Prostrationem hostium exciperet eorum *subjugatio*, vers. 16. *Osiores Jehovæ abnegarent se ipsi*, sive Jehovæ, sive Israeli, quod quodammodo dubium est, cum & ad utrumque in textu adplicari possit, & de u-troque in aliis locis occurrat: ut de Deo Ps. lxxvi: 3. de Israele, Deut. xxxiii: 29. & de Davide Ps. xviii: 45. Quod tanti non est: qui enim Israelem venerantur ho-stes, illi quoque Deum Israelis, a quo sunt subjecti, adorare cenferi possunt. Sed majoris est, *osiores Jehovæ*, verumque sensum phrasios *abnegare se ipsi*, definivisse. *Osiores Jehovæ* mihi videntur Assyrii esse, qui Israe-lem & Judam, non tantum internecino odio prosequen-bantur, sed & ipsum Deum Israelis & Judæ; ut ex *Senacheribo* manifestum est, qui Deum Judæ convitiis proscidit acerbissimis tempore Hiskie, de quo hic agi-tur.

tur. Sed quid sibi vult phrasis *abnegare se ipsi*? Vulgo quidem per *mentiri ipsi*, & de *adulatoribus*, qui præ metu reverentiam fingunt, verti solet; at sine solida ratione: verbum Heb. *נָסָה* proprie dicit *delere*, *obliterare*, & inde tum *mentiri*, tum *negare*: phrasis vero, ut hic occurrit, reciproce usurpatur, pro *negare*, vel *abnegare se alicui*, ut in locis citatis, sive id fidei, sive ex benevolæ fiat & sincero animo; adeoque in genere exprimit, commoda sua alterius voluntati subicere, & se ad alterius beneplacitum accommodare. Sensus ergo est, Deum facturum, ut hostes, qui nunc Deo & populo ejus insultabant, brevi eum honoraturi sint, & commodis ejus, sive volentes, sive nolentes, inservituri.

§. XXXIV. *γ*. Additur *prosperitas* populi perpetua, vers. 16, 17. *Et esset tempus eorum in perpetuum, & eum alerem adipe tritici, melleque e rupe satiare eum Te*. h. e. Efficerem, ut quibusvis bonis, ad satietatem & lætitiā, te expleres in perpetuum, prosperitate gauderes continua & perpetua, secundum promissā meā in fœdere Sinaitico Tibi factā. Ad ea enim hic digitum intendi, dubio vacat. Nihil hic difficile, modo observetur, 1. *Tempus* hic esse *prosperum* & felix tempus: ut Jes. xxxiii: 6. a quo sensu hic discedere non licet. 2. *Temporis* fortunati *æternitatem* non esse absolute, sed restrictè capiendam, convenienter naturæ œconomiae Veteris: ut sensus sit, tam diu eam temporis felicitatem duraturam, quamdiu ipsa œconomia illa legalis. Quæ usitatissima & vera est vocis *æternitatis* his in casibus potestas. 3. *Comedere facere de adipe tritici* est, præstantissimum triticum utendum fruendum dare. Etsi enim *adeps* proprie sit *animantium*, usus tamen fert, ut de quaque rei præstantissima usurpetur; ut hic de *similagine*, vel *siligine*, *medulla* vel *flore* tritici. Vid. & Ps. cxlvii: 14. Deut. xxxii: 14. ubi *adeps renum tritici* occurrit pro pingui tritico optimi generis. Respicitur ad terram Cananæam, præstantissimi tritici feracissimā; ut est Ez. xxvii: 17.

4. Denique, *saturare de petra melle*, phrasis, petita a Mose Deut. xxxii: 13., est elliptica, pro *melle* de favis in petra vel rupe paratis. Nihil enim erat in Cananæa, apum examinibus abundante, vulgatius, quam apum mellificationes in rupium & petrarum cavernis; quod *mellis* copiae erat indicium. Opus itaque non est, ingeniosa licet, crisi Houbigant, qua pro מֶלֶךְ legit מֶלֶךְ *fluore mellis*, uti Prov. xvi: 24. Ceterum his phrasibus, a *tritico & melle*, exempli ergo citatis, summam omnium bonorum abundantiam repræsentari, sicut est facillimum, ita notissimum.





P S A L M. LXXXII.

1. *Psalmus Asaphi. Deus stat in cœtu Dei: in medio Deorum judicium feret.*
2. *Quousque judicabitis inique, & vultus impiorum adsumetis? Sela!*
3. *Jus dicite tenui & pupillo, oppressum & pauperem absolvite.*
4. *Liberate tenuem & egenum; e manu impiorum eripite.*
5. *Non cognoscent, nec intelligent, in tenebris itabunt, commovebuntur omnia fundamenta terræ!*
6. *Ego dixi, vos esse Deos, & omnes filios Altissimi.*
7. *Profecto sicut homo moriemini, & sicut unus Principum cadetis.*
8. *Surge Deus! judica terram, quia Tu cernes in omnibus gentibus.*

P R O L E G O M E N A.

§. I.

Argumentum Psalms est denunciatio severissimi Dei, tanquam supremi Judicis, judicii, improbis judicibus, & universo populo corrupto, infligendi, post frustraneam admonitionem & increpationem, nomine Dei solenniter institutam; non obstante prærogativa populi Dei, & judicium illorum peculiari ad Deum relatione, quia Deo & jus erat, & fixum sedebat propositum, hæreditatem cernendi

inter omnes gentes. Poeta mox in principio declarat, tempus adesse, quo summus Judex rationes a iudicibus Israelis exigeret, eosque severe puniret, nisi officio melius fungi instituant. Quo fini, ne, prævia sine admonitione id fieri, conquerantur, Deum introducit pravos iudices acriter reprehendentem, & officii admonentem. Quando subjungit, eos ad sanio rem mentem non esse redituros, sed in pejus ruituros, donec ipsa civitatis fundamenta essent conquassata, & horribilis rerum confusio inducta. Quo tempore Deum sententiam decretoriam pronuntiaturum esse adserit, Deumque id facientem introducit: subjuncta denique iudicii illius approbatione, & justificatione, ex eo petita, quod Deo statutum erat, inter Gentes erigere regnum, & in iis excernere hæreditatem.

§. II. Quod argumentum ut clariore in luce collocetur, observari velim. 1. Tribunalia populi Dei hic ob oculos sisti tanquam & plenissime, & a longo depravata, ut clare indicatur per illud *quousque*, vers. 2. quousque *judicabitur inique* &c.? quamdiu hoc durabit, & quem gradum adscendet? 2. Adeoque tempus adesse, quo supremus Judex ab hisce vicariis suis rationes exigat, illudque jam nunc incipere: ut liquet ex phrasi, vers. 1. *Deus stat in coetu Dei*. &c. 3. Hunc in finem institui solennem & publicam *inreparationem* & *adhortationem*, ne ex improvviso ipsos iudicis sententia feriret. Quæ admonitio, ut altius penetraret, Deo ipsi adtribuitur, vers. 2, 3. 4. De irrita ejus effectu poetam in futurum loqui, & eum, tanquam prophetam, exponere; imo tantum abesse, ut resipiscerent profani iudices, ut, contra, magis depravarentur, & contagio latius serperet, usque ad omnium rerum terribilem confusionem: quemadmodum ex vers. 5. qui verba poetæ continet, liquet. Cum enim Deum introduxisset increpantem, ipse frustraneum & contrarium effectum suis verbis prænunciat. 5. Quo facto ad *sententia* pronuntiationem transit, quam Deum ipsum rursus sistit ferentem, vers. 6, 7. 6. Cui tandem

tandem subjungit suam adprobationem, eamque ab objectione aliqua, quam populi Dei prerogativa suggerebat, liberat, vers. 8.

§. III. Hinc sponte sua elucet methodus, a poeta in hoc poemate observata. I. Structura poematis ita sese habet, ut modo ipse Judex supremus in scenam prodeat, modo poeta loquatur. Cum poeta de tempore rationum exigendarum a judicibus monuisset, vers. 1. ipsius judicis verbis increpationem & adhortationem, sententiæ præmittendam, effert, vers. 2, 3, 4. quando ipse sermonem resumat, & irritum ejus effectum prænunciat, vers. 5. verbis futuri temporis utens, ut, se de futuro nunc, & non præsentis, loqui, significet. Hac interlocutione facta, Dei sermo continuatur, & ipsa sententia pronunciatur, vers. 6, 7. Quo finito, justam esse sententiam demonstrat, & a difficultate adparente vindicat suis rursus verbis, vers. 8. 2. Analysis sponte sua sese nunc offert. Complectitur enim Psalmus I. præsentiam Judicis ad judicium de tribunalibus ferendum vers. 1. II. præviam Judicis increpationem, & ad resipiscentiam adhortationem vers. 2—4. III. Frustraneum illius effectum, rebus potius in pejus ruentibus, vers. 5. IV. Decretoriam excidii sententiam, vers. 6, 7. IV. Sententiæ justificationem, vers. 8.

A N A C R I S I S.

§. IV. Interpretes, qui in communi aliqua doctrina, omnibus temporibus congrua, non acquiescunt, etsi id faciant multi, varie hic circa hypothesin Psalmi exponendi scinduntur, dum alii ad eos referant hanc increpationem & interminationem, qui *Abfolomum* secuti sunt, alii canticum velint haud diu ante adventum Messiae compositum, quo tempore magnum Synedrium Judæorum erat corruptissimum, & prope a fini suo: nec tamen in hos judices solos, fed

sed in omnes, qui a Christo nato rerum potirentur, inter homines, convenire. Alii denique Psalmum tempore Davidis quidem factum statuunt, sed *propheticæ* esse intelligendum de Judæorum Proceribus, quo tempore Christus inter eos versatus fuit, pios damnantibus, & impios, tanquam hæredes vitæ, declarantibus & tractantibus: quos rectores Christus aboleret.

§. V. Nulla est harum opinionum, quæ se tueri potest: non *prima*, 1. quod nullum crite-rium regni Absolomi hic compareat, 2. quod illud *quousque* ei minus conveniat, 3. quod Deus qua iudex tunc *terram* dici nequeat judicasse. *Secunda* illo præcipue nititur fundamento, quod canticum tempore corrupti synedrii post tempora Maccabaica fuerit compositum, cujus cum nullum aliud esse queat indicium, ac quod Ps. argumentum exhibeat; hoc vero sit *generale*, & in statum reip. ante exilium recte conveniat; nullam esse rationem canticum ad tam fera tempora referendi, manifestum est. Sed *tertia* hypothesis *a.* Psalmum sine ratione facit *propheticum*, cum poeta de Dei increpatione, tanquam re *præsente*, loquatur; & de *judicio divino* tantum in futurum. Psalmi prophetici, oportet, certa prophetici sensus habeant *criteria*, nisi quis pro arbitrio in iis explicandis versari gestiat. *b.* Tribunalia Israël hic in pleno vigore, & summa sua auctoritate, occurrunt; quod a tempore Messiae abhorret, quo, Judæa in provinciæ formam redacta, præcipua auctoritas & potestas erat penes Romanos, eoremque *Præsides*. Novi equidem, per *Judices* hic intelligi solere *proceres* Judææ gentis, de vera religione & via salutis perverse judicantes, & hinc de piis & impiis male statuentes; sed sine ratione, & contra usitatum verborum significatum: de quo postea. *c.* Levia nimis sunt fundamenta, quibus hypothesis est superstructa; ut quod illud *stare Dei in cætu Dei* nos ad præsentiam Christi inter homines ducat; cum hoc ad præsentiam *Judicis* unice pertineat, & figurata sit locutio, satis usitata, ut mox patebit.

Sic,

Sic, quod casus judicum intelligatur vers. 7., quo munere excidunt in perpetuum, & ipsa illa regiminis forma aboletur; cum ejus sensus nullum sit fundamentum in textu, majoris est, quod judicii justificatio repetatur, ut videtur, a *vocatione Gentium* vers. 8. Sed, si hæc vera sit verborum interpretatio, de quo postea; hinc nihil colligi potest aliud, quam Deum hæreditatem cernere posse inter Gentes, adeoque ipsi integram esse Judæos missos facere; & si in illa perversitate pergant, illud quoque *futurum*, sed suo tempore; quod hic non definitur. Solent autem prophætæ a Messiaæ adventu, & Gentium vocatione; rationes moventes & justificantes repetere in usum Judæorum sui temporis, ut Jes. II. VII. 14. XVI. 4, 5. & alibi. Interea non nego tacite insinuari, Judæorum statum, sicut nunc erat corruptus, postea denuo esse depravandum, & ita penitus abolendum, Gentibus eorum loco substitutis: de quo mox.

§. VI. Mea itaque fert opinio, ut ad eam accedam, Psalmum ab eodem Asapho, quem præcedentis dixi esse auctorem, in initio regni Hiskiaë compositum esse, ut corruptis tribunalibus reformandis inserviret, per increpationes & interminationes divinas; quod cum divinus poeta non successurum prævideret; excidium tribunalium & judicum esse ante fores, & certo eventurum, declarat, ac defendit; quemadmodum per Chaldæos effectui fuisse datum, experientia docuit. Hujus hypothesios sequentes, haud spernendas, habeo rationes. 1. Cum Ps. non sit argumenti prophetici, necesse est vel ad Davidis, vel Hiskiaë tempora referatur; quia utroque tempore *Asaph* aliquis floruit; ut ad superiorem Ps. vidimus, nisi certa adsint criteria, quæ ad aliud tempus, & ignotum aliquem Asaphum, ire jubeant; qualia hic nulla sunt. Hoc itaque admissio, inter Davidis & Hiskiaë tempora dubii hære non possumus; quia de tribunalium corruptione tempore Davidis nihil constat, contra, laudantur & celebrantur, uti Ps. CXXII. 5. & alibi, & Jes. I. 21. quo etiam facit, quod *thronus Davidis*, ut *justitiæ thro-*

nus describatur in verbo Prophetico. Sed rem longe aliter se habuisse tempore Hiskiae, præcipue in primordiis regni, ex historia illius temporis non tantum colligitur, & ex studio, quod Hiskias civitati ac religioni reformandæ impendit, confirmatur; sed & Propheta Jesaja, qui hoc tempore vixit, extra dubium collocat, ut Jes. I. & XXII.

§. VII. 2. Unde secundum nascitur argumentum, ex comparatione hujus cantici & capitis *primi* Jes. Tam clara enim; & exacta est inter hæc convenientia, ut, quin de uno eodemque tempore cogitemus, non possimus. Jes. eodem modo primum corrupta judicia detegit & perstringit, dein ad ea emendanda adhortatur; sed mox indicat, ea in dies in pejus ruitura; quare idem judicium prænunciat. Hoc vero caput Jes. ad initia Hiskiae esse referendum, recte evicit *Jesajæ Commentator*. 3. Accedit, judicium infligendum hic proponi tanquam haud longe remotum, ut ex *Pl.* argumento patet, & præcipue ex vers. 8., ubi poeta per modum precationis illud adprobat, & necessarium esse indicat: argumento, judicium esse opportunum, & non diu differendum: quod a Davidis tempore est valde alienum, sed Hiskiae tempori recte convenit, cum mox post ipsum sub Manasse sententia est pronunciata; crimina enim Manassis citari solent, tanquam ob quæ resp. pessum iret, vel excidium non averteretur. 4. Denique, si conjecturæ sit indulgendum, in phrasi, *sicut unus principum cadetis*, digitum conjicerem intendi ad *Sebnam*, primarium Hiskiae ministrum in primordiis regni, omnium scelestorum & impiorum patrum; sub cujus tutela in primis corrupta judicia erant tuta, singulari Dei judicio & munere motum & in exilio mortuum; in quo similis judicii, impiis judicibus haud diu post infligendi, fuit triste præsagium. Vid. Jes. XXII. de quo suo loco.

§. VIII. Novi equidem, Hiskiam in regno emendando & reformando totum fuisse, & ab hoc ipso studio in historia non tantum, sed & Jes. XVI. 5. XXXII. I. laudari ac celebrari,

brari, at enim 1. majore cum successu, in religionis exercitio instaurando, quam *tribunalibus* in ordinem redigendis; ut ex Jes. 1. & aliis indiciis colligitur, 2. quod si improbitas sub Hiskia aliquatenus fuerit repressa; non tamen est sublata, quin mox majore impetu, ut solent aquæ occlusæ, cum exitum inveniunt, sese exeruit, & totam civitatem inundavit sub Manasse, donec brevi tempore ad summum ascenderit fastigium: quod hic manifeste indicatur, cum de ea perversitate, ut *futura*, agatur vers. 5. 3. Sed nec illud negligatur, Psalmum eo scopo fuisse compositum, ut opus reformationis promoveretur, quemadmodum jam observavi.

§. IX. Verum enim vero, etsi in primordia Hiskia, quando tribunalia a longo fuerant depravata, totum Ps. argumentum recte quadret, adeoque hic pedem figendum esse censeam; nullus tamen intercedo, quominus accommodetur, seu adplicetur, statui Judæorum circa tempora Messia, quando sicut similis corruptio invaderet judicia, & omnium rerum esset confusio; ita idem, sed gravius, eos feriret judicium, per Romanos infligendum: quod a stylo prophetarum non est alienum. Illi enim in describendo judicio Dei per Chaldaeos subinde ita versantur, ut simul in oculis habeant ultimum & plenissimum reip. excidium per Romanos, tanquam prioris complementum. Robur huic cogitationi addit vers. 8., ubi judicium Dei defenditur, ratione petita a regno inter *gentes erigendo*; quod post ultimum excidium demum in vera sua emphasi factum est.

EXPLICATIO.

§. X. *Prima pars Psalmi, quæ Judicem supremum in medio tribunalium præsentem, ob oculos ponit, ita sonat, vers. 1. Deus stat in cætu Dei: in medio Deorum judicium feret.* h. e. Supremus mundi iudex, cui iudices populi

puli Dei peculiari ratione adsociati sunt, & rationes debent, præsens quasi litem intendit, in cœtu Dei, eorum populo, & omnibus Angelis, actionem contra iudices populi sui instituens, & paratum se demonstrat ad sententiam in medio Judicum ferendam; qua eos, nisi resipiscant, exitio devoveat. Duo sunt versus membra, bene distinguenda; quorum *alterum* litis contestationem & disceptationem Dei cum iudicibus, *alterum* sententiæ pronunciationem, a Deo faciendam, complectitur; prius Deum tanquam *actorem*, posterius tanquam *judicem* infert; illud jam exercebatur, sed hoc denunciatur, tanquam haud diu post futurum. Prius præcedit, quia Deus non tantum nihil iniusti agit, sed non nisi post publicam *justitiæ* demonstrationem, & agnitionem; quæ singularis ipsius est *συγκρισις*, quæ cum hominibus, tanquam æqualibus, agit, ut in omnium oculos defigatur summa Dei justitia & æquitas: quo facto, *judicium* demum fert. Hanc esse Dei rationem agendi cum hominibus, ex multis Script. locis elucet, sed sufficit Jcf. 1: 18. III: 13. v: 3.

§. XI. Sed, antequam in eo exponendo pergam, ratio reddenda est nostræ explicationis, qua *prius* membrum ad *litem intentatam* refero, a communi Interpretum opinione discedens. Interpretes enim de Dei *præsentia* in tribunalibus, & *visitatione* eorum tanquam *judicis*, hic cogitant: sed, Deum hoc in membro ut *actorem*, qui litem intendit & disceptat, ad iudices pravarum actionum reos agendos, fisci, haud una ratio evincit. 1. Verbum *αὐτὸς* alium non fert hoc in loco intellectum. Cum enim *judicis* sit *sedere*; & actoris *stare*, Deus utique, ubi de re judiciali agitur, non *stare*, sed *sedere* dici debuisset, si *judicem* præferret. Qua ratione Interpretes sese hic expediant, referre non fuerit operæ pretium, cum nihil sani adferant. 2. Robur accedit ex collatione loci eximii, Jcf. III: 13—15. *constitit* *Seboba* *ad litem*, *stans* *ad disceptationem cum populis*, &c. qui locus, de eadem re, & eodem tempore, agens, nostrum

strum egregie illustrat, & simul hypothefin confirmat de tempore Psalmi. Est enim, aesi Psaltes ad Jes. respiceret, & propterea concisius loqueretur. 3. Discrimen inter duo membra, quorum prius utitur verbo *stare*, posterius *judicare*, prius verbo *præsentis*, posterius *fut.* temporis; de diverso hoc sensu monere debuisset, utique cum manifeste requirit.

§. XII. Nec nihili est, quod Deus stare dicatur in *cœtu Dei*, & judicaturus in *medio Deorum*; quod discrimen non nisi ex dictis erui potest. Interpretes *coetum Dei* & *medium Deorum* tanquam *ισοδύναμα* confundunt, & judicium confessum intelligunt: sed, si ad actionem Dei, tanquam litem intendentis, animum advertissent, a communi phrasios usu non discessissent, quo panegyrim populi Dei exprimere solet: ut Num. xxvii: 17, 21. Jos. xxi: 16, 17. Ps. lxxiv: 2. Sensus ergo est, Deum, coetu suo, seu Ecclesia populi sui, tanquam *concione* cinctum, litem instituere contra judices, ut, universo quasi populo audiente & iudicante, causæ Dei iustitia in publicam daretur lucem. Quemadmodum Jes. v. populus Israel & domus Judæ provocantur, ut inter Deum & vineam judicent, & Jes. i. cælum & terram Deus *contestatur*. Quare autem populus Israeliticus *coetus Dei* adpelletur, neūtiquam est in obscuro, cum Dei potentia & jussu in unum coierit, & legibus Dei sit tanquam vinculis conjunctus; Deus etiam externo majestatis suæ symbolo in medio ejus versetur, & ibi colatur. Hæc licet satisfaciant, nullus tamen intercedo, quo minus *Angeli* etiam intelligantur, quorum exercitu Deus stipatus legem dedit in monte Sinai, Deut. xxxiii. quos & hic jure merito tanquam *testes* & *judices* litis cum judicibus intro ducit Psaltes.

§. XIII. Sed cum quibus litem intendit Deus? illud in altero versus membro exponitur, ubi dicitur, *in medio Deorum judicabit*, litis sc. intentione præmissa; adeoque litem cum iisdem instituit, quos *judicaturus* dicitur. De *litæ* lo-

quitur poeta in præfenti, sed de *judicio* in futuro; quia jam hoc tempore incipiebat Deus litigare cum iudicibus, ut, si in munere tam improbe pergerent, iustitia Dei in ipsis iudicandis quam clarissime eluceret; cum nec admoniti & increpiti ad meliorem mentem redierint. Deum autem ab hoc tempore, quo Psalmum dixi esse factum, incepisse hanc litem, vel ex uno *Jesaja*, qui hoc tempore floruit, colligitur: cui addendus est *Michas*, qui cap. iv. eodem pede incessit. Cum itaque Deus *stare* dicatur in præfenti, & *judicaturus* in fut., manifestum est *a. judicare* hic dicere definitivam pronunciare sententiam *b. idque* post litem institutam & omnibus adprobatam; *c. adeoque* post frustraneam *admonitionem*. Sed quæ sententia postea pronuntiatur, vers. 7.

§. XIV. Hæc cum sint facilia, nihil restat, quam ut de titulo *Deorum*, quo Iudices Israël's hic ornantur, paulo accuratius dicam; maxime cum hujus loci & pravum intellectum, & haud levem abusum, satis vulgatum, deprehenderim. Sunt inter Theologos, qui hunc titulum existimant fuisse proprium summis civitatis & Ecclesiæ rectoribus sub V. T., quorum erat, legem cum plena auctoritate interpretari, & populo instituta religionis injungere, quæ ipsam conscientiam obligabant: quo inter alia referunt, quod de *Legislatore*, ab inter *pedes non auferendo*, Gen. XLIX. & de illis, qui *cathedram Moysi insidebant*, Matth. XXIII. habetur. Sed ne hos quidem intra terminos manent alii, qui ad supremos, ne dicam subordinatos, quod nonnullis imprudenter potius excidere autumaverim, magistratus & reges, in genere extendunt hunc titulum, quo, ut notum, nihil est vulgatius. Sed 1. ad animum revocari velim, Scripturam longe circumspectius agere; nec nisi solis *iudicibus*, qui de bonis & vita hominum judicia ferunt, adtribuere, nunquam regibus aut proceribus, minus Pontifici & sacerdotibus; quod utique animadversionem meretur. Imo nec frequenter; sed uno alterove in loco *iudices* hoc titulo insig.

Insigniuntur, ut Exod. xxi. & xxii.; nec scio an alibi; nam Pf. cxxviii. alium forte sensum admittit. Ita cum Script. instituat; quid nos Christianos tam prodigos facit in tam augusto titulo? 2. Nec illud nihili est notasse; Judices populi Israelitici peculiari de ratione, quæ nec in reliquos præfectos Ecclesiæ aut civitatis, multo minus extra oeconomiam V., nec in aliarum societatum judices quadrat, eum titulum gessisse; quia nimirum de rebus civilibus & criminalibus non tantum *judicabant*, sed secundum leges divinitus datas, idque in *Theocratica* regiminis forma. Illud est, quod ipfos hac solum parte aliquomodo adfociabat Deo supremo Judici. *Judicabant nomine Dei*, tanquam ejus præferentes *personam*, secundum *leges* ab ipso publice latas, & præscriptas, cum reliquarum societatum *judices* id nomine *populi*, vel supremorum rectorum, juxta statuta civitatis agant. Quanta hic differential! Quod ad reliquos rectores Gentis Israeliticæ adinet, siue Reges, siue Pontifices & sacerdotes, illis nec datur, nec competit, hic titulus, nisi quatenus *judicium* exerceant, & *Judices* agant, non qua *reges*, aut sacerdotes. Sacerdotum enim est, pro populo *sacris* apud Deum defungi, & Reges, ne quidem a Deo instituti, id vetante *Theocratica* regiminis forma, nec de *vita* civium, nisi qua *judices*, disponunt. Num autem supremis Judaicæ Ecclesiæ rectoribus potestas fuerit legitima res fidei & religionis cum ea auctoritate ordinandi, quæ *conscientias* obligat, mihi non liquet, nec illud aut *Legislator* Gen. xlix. evincit, aut locus Matt. xxiii. De quo postea. 4. Sed quo jure Magistratus civiles in genere, qui longe alium conspectum habent, ac sub Oecon. V. *Theocratica*, hunc titulum gerant, nescio, cum sint a populo immediate constituti, & ejus vices gerant; & secundum leges humanas gèbrent. Illud contra novi, horrendum ejus tituli esse, & facile posse esse, abusum, qui in oculos incurrit.

§. XV. Duplicem personam, alteram *actoris*, alteram *Judicis*, quam poeta Deo aptaverat vers. 1., Deus ita introducitur agere, ut *α.* cum iniquis iudicibus expostulet, & eos ad saniores mentes adhortetur, vers. 2—4. *β.* sententiam mortis in eos ferat, vers. 6, 7. posteaquam eos in pejus potius ruere, quam in melius sese mutare, constitisset: quod futurum esse poeta suis verbis interferit, & sententiæ, tanquam fundamentum ejus, præmittit, vers. 5. Adeo ut *secunda* pars Psalmi *α.* expostulationem Dei, tanquam litem publice intendentis, contineat, vers. 2. *β.* feriam adhortationem ad res melius instituendas, vers. 3, 4.

§. XVI. *a.* Expostulatio Dei cum iudicibus, qua crimina, quæ exitium eorum secum traherent, ipsis intentat, ita *Jonat*, vers. 2. *Quousque judicabitis inique, & vultus impiorum adsumetis?* h. e. Quam diu & quo gradu versabimini, *O* Iudices! in munere vestro injuste & inique, impiorum favore & reverentia ducti; antequam pœna de vobis sit a supremo Iudice sumenda? illudne adhuc diutius durabit, & majore gradu a vobis fiet? non sane; adeoque tempus est, ut vel ad meliorem mentem redeatis, vel severo Dei iudicio pessum eatis. Hanc omnem emphasin habet particula *quousque*, & modus *interrogationis*, quo hæc expostulatio proponitur. *Quousque* & tempus & gradum comprehendit; ad *tempus* ut plurimum referri solet, ut sit, ad *quod tempus usque?* sed ad *magnitudinem rei* exprimendam etiam nonnunquam adhibetur, uti ad Ps. iv: 3. demonstravi. Interrogatio autem, *quousque?* indicat, flagitia eorum jam diu satis durasse, & esse satis *atrocia* ac *multa*; ut vindicem Dei manum clament, & ferenda amplius non sint, sed quantocyus punienda, vel emendanda, vel ipsis eorum conscientis testibus, si ad eas attenderint Ceterum, cum non de criminibus, sed eorum termino & gradu, interrogentur iudices; clare indicatur, ipsa illa flagitia esse *notoria*, ut sic dicam, & ipsis & omnibus notissima, ac testatissima; adeo ut necesse non sit, de iis *questionem* movere: præterea, &

& illud indicatur, jam a longo eos ea crimina patrasse, & longe atrocissima commisisse: quare nihil aliud quærendum supererat, quam *quousque*? sitne terminus, ad quem, nec ne? si sit, nonne adsit jam? cum vix graviora & majora esse queant eorum crimina; & diu satis provocaverint supremi judicis iram.

§. XVII. Sed quæ erant *commissa*, quæ judicibus hic intentantur? duabus phrasibus ea exprimuntur, altera est *iniquitas* in munere, altera personarum impiorum *acceptiorem* in judicio comprehendit. Prior est paulo generalior, quæ quamcunque injustitiam in munere judiciali ambitu suo complectitur, sive aditus ad tribunal alicui denegetur, sive causæ ejus cognitio & discussio intercipiatur, sive iniqua sententia opprimatur, sive in jus suum, ipsi etiam adjudicatum, non immittatur, sententiæ judiciali executione negata. Verbum enim *judicare* hic late pro toto munere judicis sumitur, ita ut *inique judicare* idem sit, ac *inique* in munere versari, eo injuste defungi, quod illis modis, & aliis similibus, fieri potest: sicut versu seq. distincte memorantur *tres* judicis partes, judicium concedere, justam ferre sententiam, & eam potente manu exsequi, ut mox videbimus. Hinc, quid sit *inique judicare*, haud difficiles habet explicatus, quare paucis defungar; posteaquam uno verbo observavero, vocem Hebr. *by* propriam sedem habere in *bilan- cibus*, quum lanx propendet in alteram partem; unde ad quamvis *injustitiam*, in primis in *judicio*, & etiam studium partium transfertur: unde patet, quam apte hic cum verbo *judicare* jungatur: est enim acsi veritas, *quousque judicabitis inclinatione iniqua lancium?* cum judicis in manu non inclinata, sed recta lanx esse debeat, qua juste & æque causas ponderat. Qua metaphora nihil est usitatius in re judiciali.

§. XVIII. Explicemus nunc, quæ crimina phrasis, *inique judicare*, ambitu suo comprehendat. 1. *Primum* crimen Judicium est, cum ipsi non tantum in injustitias & oppres-

siones innocentum inquiri, eaque ut ad se deferantur, quod iusti iudicis officium est, curare negligunt, sed vel id fieri vetant, vel querelas, ad se factas, spertunt, ac repellunt; adeoque actionem ab innocentibus institui recusant: quo fiat necesse est, ut crimina impune patrentur, & ubique grassentur. 2. *Secundum* crimen est, cum in causa cognoscenda sese ita gerunt, ut *justitia* causae in obscuro maneat, sive testes idoneos repellant, & illegitimos admittant, sive plenariam causae discussionem fieri prohibeant, sive praecipitanter in ea agant, sive rem in longum finant aut curent protrahi, sive nimis sumtuosum faciant juris processum; sive iniquas condant juris *formulas*, quibus omne jus eluditur, & vel iustissima causa, tanquam formulis adversa, ipso jure, ut dicitur, nulla redditur. 3. *Tertium* crimen est, cum impium, vel reum, absolvent, & innocentem, seu justum, condemnant, adeoque hunc vel fama, vel bonis, vel vita, vel libertate privant; quod capitale commissum, & *iniquum* est iudicium; sive illud voluntaria juris ignorantia faciant, sive luxu, ebrietate, pigritia, similibusque modis se ineptos reddant ad iudicandum, sive ab astutis iniquitatis patronis se naso duci patiantur, sive amicitiae, & consanguineitatis, maiorem ac iustitiae habeant rationem; sive divitibus & potentibus adulentur, sive metu absterreantur, sive denique donis & muneribus corrupti sint, aut & ipsi aliorum bonis inhiant, sive odio, invidia, similibusque vitis litent. 4. *Quartum* crimen est, cum innocentem & justum, si vel in iudicio victorem, *jure suo* fraudari permittunt; sententia pronunciata contenti, ea sive executioni mandetur, nec ne, parum curantes, vel & efficientes, ne id fiat, sive metu, sive spe incitati ad innocentes & justos fraudandos & opprimendos: de quo mox recurret occasio dicendi.

§. XIX. Iniquae huic muneris functioni additur *acceptio facierum impiorum*: quod crimen exprimitur per *tollere facies impiorum*, h. e. acceptas & gratas habere, magni aestimare; nihil

nihil non in eorum gratiam facere; quod vel in bonum, vel in malum, sumi potest; hic, ubi de iudicio, & tribunali- bus agitur, in malum; cum, ubi de *justitia* quæritur, non personæ, earumque respectus, sed *causa* unice in censum veniat. *Facies* hic externum respectum, seu quicquid cum causa, de qua disceptatur, nihil commune habet, quodque, si attendatur, aptum natum est jus pervertere, adeoque *odium* vel *favorem*, cujus utriusque signa sunt in *facie*, exprimit. In hac phrasi, *accipere facies impiorum*, non tam *metus*, quam *favor* attenditur, illudque intelligitur Judicis vitium, quo in iudicando non quid justum ac æquum sit, sed quid uni parti placeat, quidve favorem ejus demereri aptum sit, ad animum revocat, & regulam iudicii constituit, ita ut ex persona litigante de ejus causa, & non ex causæ justitia, iudicium ferat; sive potentiæ & dignitatis, sive amicitiae, sive opum & divitiarum, sive aliarum externarum qualitatum, ad causam nihil facientium, rationem habeat. Quod vitium in iudice atrocius est, si *impiorum faciem* accipiat. Esi enim, si vel justam ferat sententiam, in eo peccat iudex, quod in iudicio ad personas spectaverit, & non ad causæ justiciam: atramen longe atrocissimum crimen est, tantum dare *impiis*, ut eorum in gratiam jus pervertatur, & innocentes non tantum causa, quam vincere deberent, cadant, sed & oppressionibus impiorum subiciantur. *Impii* enim, qui hic memorantur, tum *rei*, quorum injusta est causa, tum *scelerati* sunt, qui, justis & æqui nulla habita ratione, famæ, bonis & vitæ, innocentium inhiant. Utrumque denotat vox Hebræa, ut notum est. Horum facies suscipere, iis per omnia favere, & in eorum gratiam jus pronunciare; sicut est injusti iudicis, ita simul *scelerati & improbi*, qui innocentium, quorum patronus esse debeat, vexationibus & oppressionibus manum præbet.

§. XX. β. Hac iudicum crimina, quæ jam tempore Hiskie diu duraverant, & summum gradum adtigerant, ut ex superioribus patet, meruerant, ut quantocius gravissi-

ma pœna vindicarentur: sed, quæ est summa supremi Judicis benignitas, & longanimitas, antequam eo veniat, præmittere voluit seriam adhortationem; ut, si pote, ad saniores mentem se recipiant, & iram Dei præveniant. Qui scopus est vers. 3, 4. *Jus dicite tenui & pupillo, oppressum & pauperem absoluite, liberate tenuem & egenum, e manus impiorum eripite.* Scilicet, quod per apoliopesin reticetur, si remp. velitis salvam, & vosmet ipsos servatos. Eam enim hypothesein habet adhortatio, & eo collineat, ut sponte sua elucescit: cum minus efficax sit adhortatio ad resipiscenciam, si nullum fructum adferat. Accedit, luculentum hoc promissum Jer. 1: 18. mox adhortationi subjungi, in hæc verba: *agedum venite, & disceptemus inter nos, ait Jehovah; si peccata vestra fuerint instar coccini, ut nix dealbabuntur; si rubuerint instar muricis, fient ut lana:* unde noster textus supplendus est. Occurrunt hic *a.* personæ, erga quas officio defungerentur, *b.* officii partes, distincte recensitæ.

§. XXI. *a.* Personæ variis nominibus & titulis describuntur, non ab interno, sed externo earum statu desumptis: adpellantur enim 1. *tenuis*, sive opibus & viribus destituti, sive vilioris conditionis homines, oppositæ ad nobiles, & dignitate aliqua illustres: quo sensu occurrit vox חַיִּי, 2 Reg. xxiv: 14. xxv: 12. Jer. xl: 7. li: 15., ubi *infimi terræ* memorantur. 2. *pupilli*, qui & parentibus & tutoribus ac patronis orbi sunt, adeoque spoliationibus & vexationibus expositi. 3. *adfliti*, vel oppressi & injuste vexati, proprio, quibus succus vitalis expressus & effusus est. Sic radix נֶחֱם absolute dicit *vim facere*, & *vexare*. Ex. iii: 7. Ps. ix: 14. 4. *Pauperes*, proprie *attriti* & *extenuati*, quorum fortunæ sunt *adtritæ*, & *destrutæ*. Radix enim נָחַץ proprie dicit, *terendo adtenuari*, quæ potestas superest Jer. v: 17. 5. *Inopes & egeni*, quorum est pronum esse, ac humiliari, suppliciterque petere: quod denotat radix נָחַץ, proprie *incurvatum* esse. Hi *vilioris*, *imbecillioris*, & *pauperrimæ* ac *adflitæ*, conditionis

conditionis homines cum memorantur, non est censendum; hunc externum statum unice in censum venire, nulla *justitia* & *innocentiae* eorum ratione habita; nullo modo: cum quod externae qualitates pauperum & tenuiorum non magis a justo iudice, quam divitum & potentum, ad animum revocentur; ubi de *jure dicendo* agitur; tum quod hic *improbis* opponantur, vers. 4., adeoque pauperes & inopes, quorum justa est causa, quique a divitibus, & potentibus, injuste vexantur, opprimuntur & adfliguntur, hoc loco intelliguntur. Sed quare *status* ille externus tantum expresse depingitur? 1. Quia, cum miserabiles illae personae nihil habeant, cujus causa iudices ad jus pervertendum moveri possint, *justitia* iudicum in iis maxime elucet. Potentibus & divitibus qui jus facit, eorum personas respexisse magis, quam *justitiam* amasse, praesumi potest, sed ille demum *justitiae* se studiosum demonstrat, qui eam erga pauperes exercet & infirmos: quod qui non facit, *injustitiae* amorem clare patefacit. 2. Quia *injustitiae* crimen in iis opprimendis multum adgravatur, a. quod iis tuendis & sublevandis proprie destinati sint iudices, quippe quorum unica in *justitia* & auxilio iudicum salus est, b. quod *injustitiae* adjungant *immisericordiam* & *inhumanitatem*; c. quod causae fiant multivariae eorum afflictionis: d. denique, quod Iudex supremus eorum in primis *curam* gerat, adeoque pro peccatis clamantibus habere se velle declaraverit crimina in ipsos commissa. e. Postremo, quod nihil iudices ad eos adfligendos movere possit, non vindicta, non metus aut spes. Est itaque summus *injustitiae* gradus, eos vexare.

§. XXII. b. Videamus nunc quænam probi & justii iudicis partes sint erga harum conditionum homines. Textus requirit 1. *iudicium* 2. *justificationem* 3. *liberationem*. 1. *Judicare* hic tum ad jus persequendum admittere, liberum & facilem iis præbere aditum, tum jus promte facere complectitur. 2. *Justificare* denotat innocentes absolvere, nec sese ulla ratione pati permoveri ad eos, quorum

justa causa est, condemnandos. 3. *Liberare & eripere* complectitur potentem tutelam ipsis præbere, & valida manu eos contra impiorum vexationes adserere, & *improbos* reprimere, ne iis manus injicere ausint. Quæ cum nihil habeant difficilis, verbo tetigisse suffecerit.

§. XXIII. Ad hæc officia Deus hic adhortatur judices; tum quod diu satis ea neglexissent, tum quod hæc unica via sit extremum excidium avertendi, & remp. stabiliendi, quæ sine illis necessario pessum iret. Corruptis enim tribunalibus, & via justitiæ obstrueta, quævis vexationes, oppressiones, & rapinæ ac cædes, in civitate grassentur, necesse est. Quæ ubi regnant crimina, sicut nulla societas, ita minus Israelitica consistere potest: quia Dei, supremi judicis, arctior fuit ad eum populum relatio, quæ pati non poterat, ut leges ab ipso immediate promulgatæ pedibus conculcentur, & tribunalia, quibus Deus præsidebat, in speluncas latronum & officinas injustitiæ convertantur. Ea autem fuit Dei benignitas, ut judices prius de officio serio admoneri curaverit, quam iram suam effundat, quod hoc tempore per *Jesaiam*, *Micham*, aliosque prophetas ingente cum studio factum est.

§. XXIV. Nec tamen eo res adduci potuit, ut ad saniorē mentem sese recaperint judices; contra, *Hiskia* mortuo, magis magisque fuerunt corrupti: quod futuram esse poeta suis verbis prænunciat, vers. 5. *Non cognoscent, nec intelligent, in tenebris obambulabunt; commovebuntur cuncta fundamenta terra.* Quod idem *Jes.* 1: 21. testatur, cum adhortationi simili mox subjungat querulam exclamationem de tristi populi in pejus mutati conditione, dicens: *quomodo facta est meretrix civitas fidelis? plena judicio fuit; justitia pernoctabat in ea, nunc homicida &c.* Priora duo versus membra, *non cognoscent, & non intelligent*, duplicem, sed cognatum, admittunt sensum, alterum respectu officii judicis, quo funguntur, alterum respectu adhortationis præcedentis. Priore sensu indicabitur, eos nihilo meliores futu-
ros

ros in jure cognoscendo, dijudicando, & exercendo, adeoque in officio rite fungendo. *Judicum* enim est 1. *legem* exactam habere notitiam, secundum quas sententia est ferenda. 2. *causarum* accuratam et distinctam habere scientiam. 3. *acta* et *probata* probe novisse, et, quanti valeant, dijudicasse. 4. Denique justam et *equam* facere sententiam, eamque exsequi: quod ad practicam Judicis scientiam omnino pertinet. Judex enim *cognoscere* & *intelligere* dicitur, eum in *causis* discutiendis, & finiendis, versatur, adeoque cunctis muneris sui partibus rite fungitur. Quo sensu de Deo, supremo Judice, saepe usurpatur, ut Pl. i. *ubi viam justorum cognoscere* dicitur, & saepe alibi. Sed posteriore sensu, relate ad superiorem *expostulationem* & *adhortationem*, significabitur, judices ea monita non esse ad animum revocatu- ros, nec observatu- ros; nec noxia effecta, si negligere- rent ea, nec salutaria, si obedirent, percipientes, dijudi- cantes, & credentes.

§. XXV. Duo *posteriora* versus membra, in *tenebris* *oberrant*, & *commovebuntur omnia fundamenta terrae*; horribilem omnium rerum confusio- nem, quæ ruinam reip. secum traheret, ex inemendabili hac tribunalium corrup- tione, orituram, ob oculos ponunt, adeoque triste con- sequens neglectæ & sprete admonitionis, in quo proximi excidii reip. præsignum foret, complectantur. Prior phra- sis, in *tenebris* *itare*, vel *oberrare*, eum statum depingit, in quo & omnium rerum regnat confusio, & qui in eo versatur, consilii inops est, & nusquam exitum reperit, quo pericula effugere, & pedem figere queat. Sensus itaque est, statum reip. esse penitus perturbandum; pericula ubique fore præsentia; nusquam tutum fore locum, ubi quis res suas posset habere salvas, formidines ubique sese oblaturas, & neminem fore, qui salutare consilium ad res instaurandas, & mala præveniendæ, aut dare, aut ipse mittere possit. Conf. Jes. VIII. 22. LIX. 9, 10. Ceterum, cum de *Judicibus* hoc in specie dicitur, ne eos quidem rerum con- fu-

fusioni mederi posse, si vel vellent, sed eos ipsos præ inopia consilii esse oberraturos, & nusquam, ubi pedes figant, re-
perturos, insinuat. In hoc sensu etsi lubens acquiesco,
non possum tamen, quin addam; phrasin aptam esse inji-
ciendæ cogitationi de iudicibus tanquam publicis grassatori-
bus, & latronibus, qui eo tandem devenirent, ut in ea ci-
vitatibus perturbatione per *rapinas* & *cædes* grassentur, omni
pudore & metu posito. De quo vid. Jes. I. Mich. III. &
sæpe apud Jerem. Sic enim verbum *itare* pro *grassari* sumi-
tur Job. I. Ps. XII: 9. xci: 6. Hoc sensu indicaretur,
iudices futuros esse *peiores* & *scelestiores*; quippe qui non tan-
tum nullam facerent iustitiam, sed & ipsi *latrocinia* exerce-
rent, & in *tenebris* grassarentur.

§. XXVI. Quando etiam recte subjungeretur, *commo-
venda esse omnia fundamenta terræ*: quæ vivida est pertur-
batissimæ reip., quæ ruinam meditatur, imago, phrasi a
terra petita, quæ, intus per terræ motum concussa, *subli-
dere* minatur. Sunt autem *fundamenta terræ* hic loci tum le-
ges societatis fundamentales, ut Ps. xi: 3., tum *tribunalia*
iustitiæ & æquitatis, tum denique pax civium & concordia.
Hisce enim rebus, tanquam *fundamentis*, innititur omnis
resp., omnis societas; quibus vacillantibus non potest non
pessundari, tum quod impietas & injustitia, nullis *repagulis*
occlusa, per civitatem grassata, de civitate faciat spelun-
cam latronum; tum quod mutæ discordiæ et bella intesti-
na, mutæ rapinæ et cædes inde ortæ, civitatem diffi-
pent, et extinguant, tum quod divinis iudiciis et hostium
invasionibus exponatur resp. Hac ratione ultimum versus
membrum rectius capitur, quam de ipso *destructionis judi-
cio*, ut subinde sumi solet; quia in causis excidii enarran-
dis, vel tribunalium graviore corruptione, & inde oriun-
da rerum confusione, quæ ruinam reip. adferret, prænun-
cianda versatur poeta; iudicium ipsum mox verbis Dei
pronunciaturus.

§. XXVII. Ceterum, cum de totali iudicum corrup-
tione

tione, & inde orta horribili reip. Judaicæ ante exilium Babylonico confusione, ex historia, & Prophetis Mich. vii. Jer. & Ezech. satis constat; nos de *nexu* inter corrupta tribunalia & rerum perturbationem, inde oriri solitam, quæ in ruinam civitatis exit, verbum dicemus, ut, quanti intersit reip., justitiam & æquitatem defendi & exerceri, elucescat. Ubi *judicia* injuste administrantur & inique, necesse est, 1. *Leges*, vincula societatis, dissolutæ & enervatæ jaceant. 2. *justitia* ex civitate, sine qua nulla societas subsistit, expellatur. 3. *securitas* pereat, cum nemo de vita & bonis certus esse queat. 4. Boni vel deferant civitatem, vel opprimantur et extirpentur. 5. *Concordia* civium cesset, et discordiæ ac mutuæ oppugnationes vigeant, aliis opprimentibus, et aliorum bona et vitam invadentibus, aliis se defendentibus. 6. adeoque mutuæ vexationes, rapinæ, et cædes, ubique grassentur. 7. Fora frigeant, commercia cessent, artes jaceant, nihil non boni & præclari extinguatur, etc.

§. XXVIII. IV. Posteaquam supremus mundi Judex populi sui judices coram universo populo gravissimorum criminum, quæ in augusto hoc munere commiserant, reos egisset, eosque ad meliorem mentem serio esset adhortatus, illique nihilo meliores, quin deteriores, se esse factos demonstraissent, quod futurum esse poeta vers. 5. declaraverat: tandem sententiam decretoriam de iis in hæc verba pronunciat, vers. 6, 7. *Ego dixi, vos esse Deos; & omnes Filios Altissimi; profecto sicut homo moriemini, & sicut unus Principum cadetis.* h. e. Quam sublimi sitis in loco positi, quantaque auctoritate & majestate vestiti, ut reliquorum hominum conditione & sorte videamini exempti, & ad divinam prope accedentes: certum est, ut quod certissimum; vos & vita & munere esse privandos, & de sublimi loco in abjectissimam ac miseram conditionem præcipitandos.

§. XXIX. Occurrit hic *n.* eminentissimæ dignitatis & potestatis Judicum descriptio, vers. 6. 3. Judicium excidii, iis infligendum, vers. 7. *n.* Summa eorum dignitas & auctoritas per augustissimos *Deorum & filiorum Altissimi* titulos, ab ipso Deo in illos collatos, ob oculos ponitur; cum ipse Deus introducatur dicere, illos esse suo jussu Deos & filios Altissimi constitutos. Ad quæ intelligenda opus est *a.* ut *personas* cognoscamus, de quibus hic sermo est, *β.* *feruntur* titulorum illorum, quem illis in personis habent, *γ.* *originem* illorum.

§. XXX. *a.* Etsi ex ipso hoc Psalmo clare satis eluceat, *Judices* populi Israelitici intelligi; sunt tamen Interpretes, qui in genere de *Magistratu* Judæorum, seu proceribus Politico-Ecclesiasticis, quibus sacra & civilia erant subiecta, & populus utriusque rei respectu erat obnoxius, cogitant. Quæ sententia multis modis laborat. 1. Solius muneris *judicialis*, non *rektorii*, seu politici seu Ecclesiastici, mentio fit in hoc cantico; ut supra vidimus. Licet itaque rectores civitatis & præfecti sacrorum synedrium Politico-Ecclesiasticum habeantur componere, & judicia exercere; hic tamen ea sola in relatione occurrunt, quæ *judices* sunt & agunt; cum alia officia hic non memorentur, ac *judicium*. 2. *Deorum* titulus nusquam *regibus*, aut *sacerdotibus*, sed *solis judicibus* datur in Scriptura. Quod si verum, aliorum rationem non esse habendam, vel ex eo patescit, quod *verbum* Dei hic tanquam tituli fundamentum citatur, ego *dixi*: oportet itaque personæ, quæ hic intelliguntur, alicubi hoc elogio ornentur in Verbo Dei. Quod qui confu-
 derit, deprehendet, *Judices* solos, non *reges*, *sacerdotes*, aut rectores Politico-Ecclesiasticos, *Deorum* nomine insigniri. *Judices* Exod. xxi: 6. xxii: 8, 27. qui postremus ver-
 sus notabilior est, quod *Dii* a *principe* populi distinguantur: habet enim, *Dii non maledictes, neque principem in populo tuo diris devovebis*. Novi esse, qui ex hoc loco, collato *Ps. xlii: 5.*, colligi posse putat, *Pontifices* Judæo-
 rum

rum, qua tales, *Deorum* titulo comprehendi, sed 1. Ananias ibi personam *judicis* gerebat, vers. 3. 2. deinde, si de Pontifice intellectum velis, notandum est, Principis populi, & non *Deorum* nomine eum insigniri, cum Apostolus hæc solum verba, *principi populi tui non maledices*, citet. Præter hæc loca, ex Lege prolata, nescio an alia sint, in quibus *Deorum* nomen ad homines adplicatur, Pl. cxxxviii: 1. enim huc non quadrat, cum verus Deus ibi intelligatur, vertique debeat, *coram, & Deus, psallam tibi*: uti suo loco demonstrabo. Tantum *Moses* adpellatur *Deus*, sed singulari de ratione relate ad *Aaronem*, qui mandata Mosis proferret, & ad *Pharaonem*, quem judiciis Divinis prosterneret, nisi populum dimittat: de quo mox.

§. XXXI. 3. Tertia ratio inde a me petitur, quod titulus hic in alios, ac *judices*, non quadret. *Regibus* utique non convenit, quia ne quidem a Deo *constituti* sunt, ut ex historia Samuelis constat, adeoque ad eos non dixit Deus, *vos estis Dei*: a *sacerdotibus* etiam alienum est, cum sint sacrorum ministri, res populi apud Deum agentes: nec denique in rectores politico-Ecclesiasticos sub Oeconom. V. in genere hic titulus convenit, sive eos qua *doctores & interpretes* legum, sive qua *Legislatores* consideres: de quo mentem paulo accuratius explicuisse, operæ pretium fuerit. Sunt nimirum Theologi, qui existimant, penes Senatū aliquem, vel Magistratum Politico Ecclesiasticum, sive ex solis sacerdotibus, sive ex iis & rectoribus politicis compositum, talem fuisse auctoritatem, leges morales & caerimoniales explicandi, amplificandi, & exigendi earum observationem, qualis *divina* possit adpellari, quatenus *conscientias* populi obligabat, & obsequium imperabat absolutum, non sine peccato omittendum. Hanc opinionem præcipue fundant a. in Deut. xvii. b. in *Legislatoris* titulo Gen. xlix. 10. c. in dicto Christi Matt. xxiii. & d. in loco Mal. ii., ne ipsius textus nostri, de quo disputamus, mentio fiat. Sed hæc hypothesi fundandæ non sufficiunt.

XXXX 2

§. XXXII.

§. XXXII. *a.* Deut. xvii: 8. non nisi de *judiciis* in causis civilibus & criminalibus, a sacerdotibus & Levitis, tamquam judicum personas agentibus, secundum leges supremam auctoritate, a qua nulla datur provocatio, pronunciandis, agitur, quorum iudicio erat standum. Quid hoc ad leges religionis ferendas, ad *conscientias* obligandas, ad leges cum divina auctoritate interpretandas? *Judices* hic sunt, qui *jus* dicunt, & causas cum plena potestate decidunt, non qui leges novas ferunt, aut *conscientiis* imperant. *b.* *Legislator* in notissimo illo vaticinio, *non recedet sceptrum a Juda, nec Legislator ab inter pedes ejus*, nihil aliud dicit, ac populum fore sui juris, ut suprema potestas non sit penes alios, quorum servituti sit addictus populus; sed ipse populus habeat, qui *judicia* exerceant, & civitatem *ordinent*, quod sine *edictis* publicatis fieri non potest. De quo uberius exposui ad eum locum *a.*

§. XXXIII. *c.* Sed quid sibi itaque vult *cathedra Moysi*? quam qui tenebant, jus habere videntur ritus religionis novos cum auctoritate imperandi, & leges interpretandi, ita ut *conscientiæ* obligentur. Matt. xxiii: 2. Verum *a.* Dominus hic non de supremis Rectoribus, sed *doctoribus* tantum loquitur, legem vel publice vel privatim interpretantibus: ut *ex scribis & Phariseis* diserte nominatis, exque vers. 8. manifestum est. *β.* Auctoritatem memorat, non quam divinitus collatam jure habebant, sed sibi arrogabant, & ex se aut a populo acceperant. *γ.* Denique non vult Dominus, ut eorum placitis absolute adsurgant, & *conscientias* suas ipsis obstringant, sed simpliciter, ut ea observarent, ordinis & pacis causa; quamdiu *cathedra Moysi* adhærerent, vel nihil *Mosi* contrarium docerent, aut imperarent: huc enim tendit illud *insidere cathedræ Moysi*, a qua discedere fas non erat. Quæ clariora fient, si, quod fas est, voces per interrogationem vel hypothetice capiantur, hac ratione: *sedentne in Moysi cathedra? vel, si sedeant, tenete igitur*

* Disf. select. ad Gen. xlix, §. 41 & seq.

tur eorum doctrinas. h. e. si verum sit, eos se cathedræ Mosis tenere adfixos &c. Hinc itaque pro suprema rectorum populi Judicii auctoritate in legibus interpretandis & ferendis nihil colligas. Denique quod ad locum Mak. I. 7. attinet, ubi dicitur, *labia sacerdotis custodient scientiam & legem ex ore ejus requirent, quia legatus Jehovæ exercituum ipse est*, illum huc nihil facere, & ad Ezram, sacerdotem simul legatum Dei, pertinere, alibi a demonstravi.

§. XXXIV. Hisce fundamentis destructis, facile elucescit, hypothesin, quam oppugno, utpote sublestatam, sponte sua ruere; nec tribunal aliquod Veteri sub test. esse agnoscendum, quod de religione, per Mosem instituta, divina cum auctoritate pronunciabat, & conscientias obligabat. Quale quid nec cum Theocratia, nec cum libertate hominis in re religionis, consistere potest. Lex Mosis erat unica religionis norma; quæ in omnium manibus esse, & ab unoquoque legi ac explicari, debebat, quantum ad conscientiæ obligationem adtinebat. Præterea cum *infallibilitas* non fuerit his doctoribus & legislatoribus concessa; qua quæso ratione tanta ipsis competere possit auctoritas? & quo sensu *Dii* audirent, qua doctores & interpretes, nisi vi animos obligandi, & fidem ac religionem imperandi potestate gauderent? Denique, si tale privilegium inter Judæos obtinuisset, utique vel penes *Pontificem*, qui Urim & Tummim gerebat, vel penes prophetas resedisset: sed Urim & Tummim eum habuisse scopum, aut usum, nusquam legimus; nec prophetæ, licet Spiritu acti, nomine *Deorum* usquam veniant.

§. XXXV. β. Sint itaque soli *Judices*, qui *Deorum* & filiorum *Altissimi* titulis hic condecorantur; quæritur quo sensu; eo, respondeo, qui in eos solos, & non in alios, qualescunque sint, sive reges, sive sacerdotes, sive prophetas, quadrat: cum nulla cæteroquin reddi queat ratio tituli solis Judicibus proprii. Unde manifestum est, *revelationem* vel *inspirationem* divinam hic in censum non venire, tum quod

a In comm. ad Mal.

judi.

judices ea non fuerint gavisi, tum quod viri inspirati, aut quos Deus adloquio suo est dignatus, uti Moses, Aaron & prophetæ, hoc titulo condecorari non soleant; nec ea fuit mens Domini nostri, cum Joh. x. dicit, eos fuisse Deos dictos, *ad quos sermo Dei* factus est, ut mox patebit. Quid itaque in *Judicibus* est, quo hunc *titulum* mereantur? 1. *Primum*, quod huc facit, est, *judicium*, seu *tribunal* ipsorum *judiciale*, esse *Dei*, *supremi judicis*, *tribunal*; quia *ipsi* & non *hominibus* habetur, & ejus ibi *statuta* vigent, *pœnæque* ac *præmia* secundum ipsius *leges* dispensantur. Quæ *tribunalium* *populi Dei* *peculiaria* erant *privilegia*, ob quæ *judicibus* *Israelis* *solis* hæc *elogia* competunt. *Dii* & *fili* *Altissimi* non absolute, sed relative adpellantur, non personarum, sed *muneris* respectu, adeoque non nisi quum pro *tribunali* sedent, & *judicium* agunt. *Dii* itaque sunt, quatenus *judicio* intersunt, quod singularem ad *Deum* habet respectum, cui Deus præsidere cœnetur; quod denique ea ratione exercetur, ut *divinis legibus* respondeat: non enim existimandum est, *judices*, qui *iniquitati* manus præbent, hoc titulo insigniri, nullo modo, tum enim nihil *divini* ab iis agitur, nec *Deo*, sed *Satanæ* habetur *judicium* manifeste *injustum*. *Divinum* ergo *tribunal*, a *judicibus* erectum, iis cum *titulos* *Deorum* & *filiorum Altissimi* communicat. *Dii* adpellantur respectu *Dei*, cujus est; & cui habetur *judicium*, adeoque vox *דיינים* proprie ad *judices* non transit, sed *judicii* & *tribunalis* eorum *characteres* & *conspicuum* exprimit, retinetque *veram* suam *notionem*, qua *Deum* verum denotat; conf. Deut. 1: 17. 2 Chron. xix: 6—8., ubi, quod not., *judices* dicuntur *præfeti* *judicio* *Jehovæ*. Accedit, *supremum tribunal*, quod hic intenditur, fuisse *Hierosolymis* *coram* *Jehovæ*, ut præcipitur Deut. xvii.

§. XXXVI. 2. Hoc primum est, alterum huic adfine, quod *Deorum* *titulum* ad eos transfert, respicit ad *summam auctoritatem*, qua *judices* *vestiti* sunt, quæ de *divina potestate* quid participat; cujus respectu, *acti* essent *Dii*, agunt. Quic-

Quicquid enim pronunciant supremi in civitate *judices*, pro *jure* habetur, habetque omnia *juris* effecta, quibus nemo obistere aufit; plane acsi *numen* aliquod edixisset. Ita lex fuit divina Deut. xvii: 10—12. 3. *Tertium*, quod *divinum* quid est in iudicibus, habet, quod de *fama*, *bonis*, & *vita* hominum sententiam dicant, & de iis omnibus pro summa auctoritate disponant: quod proprium Dei, quia supremi iudicis, munus est; in cuius consortium cum veniant iudices, hinc de titulis, Dei propriis, quid participant. 4. Addo denique, tribunal esse in civitate quid *sacrum* & *augustum*, venerandum & adorandum; cui omnia sunt subiecta & obnoxia. Cujus rei respectu iudices, cum pro tribunali sedent, tunc enim & non alias *Dii* censentur, *Dii* adpellantur. Quo ipsa vocis *εἰς* propria potestas nos ducit. Illa enim vox, a radice, quæ *calere* & *adorare* significat, proprie τὰ ἱερά exprimit, ut est 2 Thess. ii.

§. XXXVII. γ. Nihil restat, quam ut de origine horum titulorum dicam; quam textus exprimit, cum Deum introducit loquentem, *ego dixi, Dii estis, vel facti*. Quo hæc tria significari autem. 1. Titulos illos a Deo ipso in lege, ab ipso Deo lata, iis esse datos. *Dicere* Dei propria sua emphasi nos ad *legem* a Deo promulgatam ducit; unde cum tituli illi repetantur, in ea hos titulos *Judicibus* Israelis concedi, & aliubi existere, necesse est. Quo ipso ad loca, supra ex lege Moïsi prolata, ablegamur, & simul docemur, *legem* non sine emphasi memorari Joh. x., ubi Dominus dicit, *nonne in lege vestra scriptum est, ego dixi* &c. h. e. nonne in legis vestre voluminibus id existat, quod Ps. lxxxii. dicitur, *ego dixi* &c. Nec usquam, nisi forte una alterave vice; vox legis latiore sensu pro Script. V. T. tota sumitur. De quo hic non est agendi locus. 2. *Eminentiam* illam & *auctoritatem*, quæ titulorum illorum ambitu continetur, & cujus respectu titulos eos gerebant, esse a Deo, ipsius jussu & institutione, profectam. *Ego dixi, Dii vos*, h. e. *ego vos constitui & feci Deos*, tum leges

seren-

ferendo & sanciendo, tum formam tribunalium vestrorum ordinando, tum absolutum obsequium, vestris judicatis præstandum, præciendo, uti factum est, Deut. xvii. *Dicere Dei* est cum *jubere*, tum *efficere*, uti in vulgus notum est. 3. Denique, quales esse, seseque præstare, deberent, si titulos illos essent meritori, vel ad quæ officia per illos essent obligati. *Ego dixi, vos esse Deos*, dicit, ego tribunal vestrum declaravi & constitui *divinum*, mihi & coram me, meisque virtutibus & legibus convenienter, habendum, & exercendum: quod facientes, mei similes, meorumque titulorum in partem vos venturos esse, declaravi. Unde liquet, titulos illos iis non convenire, nec iis esse dando, ex jussu Dei, nisi cum tribunal eorum pro *divino* queat haberi, & ejus rei respectu ipsis competere: quod recte observandum est, & ex seq. confirmatur. Cum enim mox tanquam *Adam*, homo infirmus, dicantur morituri, manifeste indicatur, eos *titulis* illis, & esse indignos, & excidisse; adeoque, eos non nisi justis & divini tribunalis respectu ferre.

§. XXXVIII. Conferamus nunc verba Domini, Joh. x: 35. *Si illos dixit Deos, ad quos sermo Dei factus est, nec potest solvi scriptura; mene, qui Filium Dei me dixi, blasphemiae reum agitis, qui a Patre sanctificatus, & in mundum missus sum?* Cujus ratiocinii sensum hac paraphrasi illustro. Si illi, teste Scriptura, Deorum titulum recte gerunt, qui non nisi *jussu* & *constitutione* Dei eum habent: longe majore jure *Filii Dei* titulum mereor, qui eum non mandato Dei, sed per ipsam naturam gero, tanquam ipse *sermo* Dei, a Deo sanctificatus & in mundum missus, adeoque longe gravius in me peccatis, quod, cum eos dicatis Deos, me blasphemiae accusetis, quod me *Filium Dei* dixerem, cum longe meliore jure, & nobiliore origine, is sim, quam *Dii*, quibus vos eum titulum non negatis... Vis ratiocinii in eo sita est, quod longe excellentior sit origo tituli, quem Dominus, ac quem judices gerebant, adeoque cadit in hæc verba,

ad

ad quos sermo Dei factus est, oppositè ad Dominum, qui non erat *factus*, sed per *naturam* ipse *Dei sermo*, vel *Filius Dei*. Comparatio inter *judicum* & *Domini* munus non instituitur; ac si munus *Judicum*, cujus respectu erant *Dii*, ejusdem sit naturæ, ac *Christi*, quæ longè diversa sunt, sed inter utriusque *tituli* originem, & *fundamentum*: adeoque hic non traditur, *quare* & quo sensu sint *Judices Dii*, & quo sensu aut *quare* *Christus filius Dei*; sed *unde* ille *titulus*, & illud munus, ad utrosque devenerit: hac parte Dominus longè erat anteponeendus *judicibus*; quia ad illos *jussu* & *institutione* Dei devenerat *titulus* *deorum*, sed ad Dominum per *naturam*; illi non erant, sed *facti* sunt *Dii*, *Dii dicti* tantum; at *Christus* non *factus* est, nec constitutus, *Filius*, sed *natus*, adeoque naturæ & personæ respectu Ipse erat *sermo Dei*, & non factus per sermonem Dei ad ipsum delatum; ipse alius non erat per naturam, alius per *constitutionem* Divinam; nam qua *Filius* & *sermo* missus est in mundum, & quia erat, ideo missus, non, quia *missus* est in mundum, ideo erat. Cum itaque *se in mundum dicit missum*, rationem, *quare* sit *filius*, non tradit, sed se esse *Filium Dei*, qui missus est, & quia *Filius* est, ideo se esse missum, ostendit, ita ut *filii Dei* manifestatio & demonstratio sit in illa sanctificatione & missione.

§. XXXIX. Ex quibus difficile non erit, verborum illorum, *ad quos sermo Dei factus est*, *sensum* & *scopum* explicuisse. Verba non tradunt *cujus* rei respectu sint *Dii*, sed, *unde* illud sit derivandum, quod ejus rei respectu *titulum* eum habeant. Prius enim si obtineret; *Deorum* *titulus* diceret, eos fuisse *adloquit* Dei dignatos, cujus respectu *Dii*, tanquam divinitus adflati, audirent, qui divina funderent eloquia. Sed hoc proprium est *prophetarum* criterium, qui tamen hoc elogio nusquam leguntur *maestati*: nec Dominus dicit, si *eos dixerit Deos*, *quia sermo Dei*, sed *ad quos* ille factus est. Explicatur itaque origo & principium *tituli*, a *Dei sermone ad eos* derivandi; adeoque significatur, eos

Yyyy

non

non esse *ex se*, & in propriis personis, sed Dei *jussu* & *mandato* Deos factos; tum quod Deus in tali munere eos constituerit, quod hunc titulum ferre poterat, tum quod *jussit*, ut pro *Diis* illi haberentur, & agnoscerentur. *Sermo* Dei ad eos factus, & verbum Dei, quo ad eos dixit, *vos estis*, vel *sitis*, *Diis*, & mandatum de muneris forma, quo fungerentur, comprehendit. Unde elucet, eos *dictos* & *factos* esse Deos, jussu & verbo Dei factos, non proprie & vere, non personarum, sed muneris respectu, cum Christus esset proprie, & personæ respectu, *filius Dei*; quippe missus a Patre, & ipse *sermo Dei*; qui in principio fuit apud Patrem, & caro factus est; adeoque *Deus* longe excellentiore modo ac *Judices*. Idem ergo est, ac si dixisset Dominus; *si eos dixit Deos* scriptura, qui non per se, sed jussu & verbo Dei facti sunt; utique longe majore jure ego me *Filium Dei* dixi, qui non factus sum jussu Dei, sed cum essem missus sum, ut *sermo Dei* manifestarer inter homines.

§. XL. Quod vulgari dicto in proverbium abiit, *tolluntur in altum, ut graviore lapsu ruant*: illud in iudiciis hisce iniquis, & injustis, veritatem quoque habiturum, sententia Divina vers. 7. his verbis declarat: *profecit sicut Adam moriemini, & sicut unus Principum cadetis*. h. e. Excelsa illa dignitate, & divino munere, excidetis, & partim cum plebeis & vulgaribus hominibus eandem mortis sortem subibitis, partim violenta morte ex alto dignitatis loco precipitabimini in exitium. Sensus etsi in genere haud sit in difficili positus, attamen, comparatio cum *Adamo* & *uno principum* aliquid habet, ad quod quis obhærescat, quodque diversas peperit interpretationes: de quo paulo distinctius est disserendum.

§. XLI. Sensus in genere habet, eos munere esse privandos, & cum ipso esse in malam rem abituros, vel muneris abolitionem secum tracturos: ita ut & ipsi hac dignitate orbi interirent, & ipsi *munus* locum in populo habere

bere cessaret, quemadmodum tum ex phrasibus, quæ tribunalium corruptorum abolitionem, iudicibus quippe excindendis, comprehendunt, elucet, tum ex *judicio* Dei manifestando, ut vers. 8. traditur, confirmatur: ubi enim supremus iudex tribunal erigit, mundum iudicaturus, *judicia* hominum in obscurum itura esse, manifestum est. Sed illud tantum *queri* potest, num plenaria & perpetua *judiciorum* destructio, an ad *tempus* tantum, indicetur. Neutrum ex textu evinci potest, cum æque ad *certum* tempus restringi, ac ad *continuum*, & *interminabile* extendi possit: non enim *in æternum* additur, sed simpliciter *mori* & *cadere* dicuntur: adeoque primo sensu ad *temporariam* abolitionem, quæ tempore exilii Babylonici locum habuit, retulerim: quippe quo tempore, & ipsi iudices, de quibus hic agitur, partim munere privati sunt, partim mala morte multati; & ipsum iudicium supremum, quale hic describitur, in populo, extra terram Canaanæam misso, & servitutis iugo subiecto, cessavit. Atenim, cum hoc ipsum iudicium, populo inflicto, fuerit gravioris & ultimi, per Romanos inflicti, prænuncium, & repræsentamen; sensu secundo ob oculos poni non abnueri, *tribunalia*, suo tempore rursus, nec minore gradu, depravanda, ita pessum itura, ut nunquam revocarentur, & resuscitarentur. Quod per versum seq., ut mox videbimus, confirmatur. Nec infolens est prophetis, duo hæc iudicia, Babylonicum & Romanum, hac ratione conjungere, & una intendere; ut Jer. xvii, xxiii. Ez. v. & alibi. Quemadmodum liberatio ex eo exilio sæpe ita describitur, ut simul spiritualis per Mesiam comprehendatur, tanquam prioris *scopus* & complementum: uti notum est.

§. XLII. Sensu in genere percepto, superest, ut de *phrasibus*, & in primis de duplici comparatione, dispiciamus. *Prius* membrum, *sicut homo*, vel *Adam*, *moriemini*, omnem emphasin repositam habet in voce *hominis*, & sensum fundit generalem, eos non in *munere*, sed eo *pri-*

vatos, vitam cum morte esse commutatu-
 ros. Quod enim
 iudices mortalitatem exuant, nihil habet singulare; cum
Deorum & filiorum altissimi titulus non ad *personas*, sed
munus eorum pertineat, ut supra vidimus, adeoque com-
 muni mortalium forte non eximat; nec *violenta* mors per
 verbum *mori* necessario intelligitur, minus, cum *instar ho-*
minis addatur; quippe quo ad communem mortalitatis le-
 gem in genere ducimur; etsi nec *violentus* exitus excluda-
 tur, cum homini mille mortes incumbant. Quid itaque
 erit illud, *instar hominis*? & quo respicitur? prius non est
 in difficili positum, cum ex collatione versus superioris
 sua sponte eluceat, *Deorum* inter & *hominis* titulos compa-
 rationem institui. Cum autem *Deorum* ad *munus*, ejusque
 dignitatem & auctoritatem, respiciat, dubium non est quin
hominis titulus privationem illius muneris complectatur;
 adeoque sensus sit, eos munere excisuros, & privatos
 vita defuncturos, non in sublimi illa statione cum honore
 esse obituros, & sepeliendos, sed, ad privatam & humilem
 conditionem redactos, ei convenienter esse tractandos.

§. XLIII. Videamus, hoc præmissis, quo respiciat illud
instar hominis, vel unde illud simile sit repetitum. *Tria*
 sese mihi offerunt, quorum ratio haberi potest, & ex qui-
 bus adeo difficilis est electio, ut ea separanda forte hic non
 sint, sed junctim intelligenda. 1. *Primum* est, quo *homo*
 signat gregarium & vilem, nulla dignitate, nullo munere,
 nullo honore insignem, aut communi grege exemptum. Quo
 sensu vox Hebr. sumitur, cum *viro* opponitur, ut Ps. XLIX:
 3. *etiam filii Adam, etiam filii viri*, Prov. VIII: 4. sic Ps.
 VIII. *filius Adam cum homine misero* conjungitur, & Ps. XXII.
vermis hominis & non vir. ne alia memorem. ut Jes. V: 15.
 XXXI: 8. Imo pro *servili* conditione occurrit Num. XVI:
 32. Secundum hunc sensum *instar hominis mori* denotat,
a. humili, quin *servili*, in statu vitam deserere; oppositè ad
 spectatissimi & potentissimi viri mortem. *b. cum contemptu*
 decumbere; sine ullo honore aut desiderio sui relicto, ut
 vile

vile aliquod mancipium perit. *c.* cuius mortis generi esse expositum, ut viles & abjecti homines solent, oppositæ ad personas sublimi in loco positas, & per ipsum munus *sacras & inviolabiles*.

§. XLIV. 2. Secundum habet, *hominem* denotari *gentilem*, nulla relatione peculiari ad Deum præditum, (nulla prærogativa præ communi hominum genere insignem; oppositæ ad *Israel*, peculiarem Dei veri populum. Quam potestatem vox *hominis* habet, ubi *Israel* opponitur, ut Jer. xxxii: 20. Jes. xliii: 4. Ps. lxxviii: 60. *deseruit Silenti-um Tabernaculum, & tentorium posuit inter homines*, h. e. gentes, sc. Philistæorum, ut ex vers. seq. patet. Ps. cxxiv: 2. nec dubium mihi est, quin & hunc usum ferat in vulgatissimo illo loco Hof. vi: 7. *& illi sicut Adam transgressi sunt foedus meum*: de quo alibi. Hoc admissio, sensus erit, eos, qui antea peculiarem habebant, vi muneris in populo Dei, ad Deum relationem, per quam in partem titulorum Dei venerant, nunc eam in conditionem esse præcipitandos, quæ a *gentilium* sorte nihil differat; omni ad Deum relatione orbos, qui Deo nec cordi nec curæ sunt, magis ac reliquæ gentes omnes; adeoque prærogativis populi Dei esse privandos, eoque in statu morituros. 3. *Tertium* fert, digitum intendi ad ipsum Adamum, ex sublimissimo imaginis Divinæ, & Filii Dei, statu, cum dominio universali & immortalitate conjuncto, in abjectam & miseriæ cuiusvis plenissimam conditionem per lapsum præcipitatum, mortisque haud uno generi obnoxium. Ab hoc primo homine quominus cogitationes avertam, facit, quod idem illud, de quo hic agitur, in Adamo summa emphasi fuit conspicuum; ut nemini non notum est, & illud *instar Adam* hac ratione polleat emphasi singulari, cum in *Adam* & eadem excelsa dignitas, & eadem secuta deplorabilis conditio se exseruerit. Accedit, & alibi, ad Adamum respici, ut, ne Hof. vi. ex vulgata interpretatione citem, Job. xxxi: 33. Ps. viii.

§. XLV. Alterum membrum, & *sicut unus Principum cadetis*, (sic enim vertenda sunt verba, & non, vel, *sicut unus*, aut *una*, & *Principes*, ut nonnullis placet, invita constructione) in eo differt a priore, quod, cum *mori* sit generalioris usus, & communem mortalium sortem contineat, verbum *cadere* violentæ mortis cogitationem injiciat, & ex alto præcipationem includat: id quod ex Lexicis constat. Sed, ut hoc faciles habet explicatus, sic comparatio, & *sicut unus Principum*, quid impediti. Vulgo de *Principibus gentilibus*, ad quos dictam non erat, vos *Dii estis* &c. cogitatur, ut sensus sit, eos, divino illo titulo indignos, prærogativa ejus amplius non esse gavisuros, sed haud aliam sortem, ac profanos principes, quorum tam arcta non est ad Deum relatio, subituros, ad eorumque exemplum ex alto præcipientes ituros in perniciem. Non sperno equidem, licet nulla ratio sit ad *gentiles* restringendi, cum qualescunque *principes*, qui pro tribunali divino non sedent, sive sint Israëliti, sive gentiles, comprehendere queant: titulus enim Deorum in solos *Judices* supremos populi Dei quadrat, ut supra disputavi. Nec tamen in hoc sensu acquiesco, cum phrasis, *sicut unus principum*, sit singularis, & studio electa. Quare cogitationes nostras altius evehamus, & 1. de Angelis lapsis, eorumque principe, qui *nec principum, nec locum suum tenuerunt*, sed ex Deorum ac filiorum Altissimi dignitate in longe vilissimum ac miserum statum demersi sunt, cogitemus: quod simile superiori, quo ad Adamum simul respicitur, apte adjungitur: nec insolens est, ab hoc Angelorum lapsu similitudines peti, aut eo alludi, ut ex Jes. xiv. & Ez. xxviii. patet; nec *Principum* titulus abhorret, ut ex Dan. x, xii. aliisque locis patet. Instar unius *principum* ergo est, vel sublimissimorum, in summa emphasi sic dictorum, qui e coelo deciderunt, & vos *cadetis*; sublimi vestra conditione vos non magis, ac longe celsiore Angelos, tutos præstitura. 2. Sed, quo magis in hoc simile defixus hæreo, eo probabilius mihi fit,
poe.

poetam ad illustrem aliquem sui temporis casum, qui in omnium ore erat, resperxisse, simileque exemplum petiisse; quod iniquissimis iudicibus, simili fato opprimendis, ob oculos ponat. Quam casum non longe necesse fuerit querere, si nostra hypothesis de tempore Hizkiae, quo compositus est Ps., recte sit iacta; cum in *Sebna*, praefecto palatii regis, supremæ dignitatis & auctoritatis viro, singulari Dei iudicio de sublimi loco dejecto, & in terra peregrina Assyriaca contentissime mortuo, ut ex Jes. XXII. constat, sese sponte sua offerat. Quod simile eo aptius huc quadrat; quod *Sebna* apud Jes. tanquam emblemata procerum impiorum, qui mala morte perirent, proponatur, ut a Cl. Commentatore recte est observatum & illustratum. Ad hoc exemplum impios iudices animos referre jubet poeta, ut sortem suam, in eo depictam, intueantur. Ceterum *unus principum* hic, non simpliciter *aliquem* ex illis, sed *primum & supremum* denotat. ut Dan. x. 13.

§. XLVI. Hac decretoria sententia in impios iudices pronunciata; poeta sermonem resumit, & *justam* esse sententiam per modum adhortationis ad Deum, ut sententiam exequatur, his verbis declarat, vers. 8. *Surge Deus! iudica terram; quia Tu cornes in omnibus gentibus.* Prius membrum, quod multum negotii non facessit, duplicem admittit interpretationem, *alteram*, quæ vindicationem eorum; qui ab iniustis iudicibus oppressi sunt, dicit, *alteram*, quæ terræ, penitus corruptæ, destructionem comprehendit: cuius utriusque ratio reddenda est. Prior interpretatio in eo fundata est, quod verbum *iudicare* haud infrequenter pro *vindicare*, & oppressorum causam agere ac vindicari sumatur, ita Ps. I. 4. *clamabit ad coelos superne, & ad terram; ad iudicandum populum suum*; h. e. vindicandum, & injuriam propulsandam. Ps. LXXII. 4. *iudicabit pauperes populi, servabit egenos, & conteret oppressorem*, Ps. LXXXV. 14. Hoc admissio, sensus erit, Deum, improbos iudices puniendo, innocentes ab eorum tyrannide esse liberaturum; & causam

sam eorum justificaturum. *Posterior* interpretatio ulterius sese extendit, & universæ terræ destructionem comprehendit, tanquam quæ incolarum respectu tota fere esset corrupta, & depravata; quo judicio fieret, ut populus e terra ejiceretur, & terra incolis vacua jaceret inculta, aut incelebrata. Ceterum, cum poeta dicit, sermone ad Deum converſo; *surge Deus & judica terram*, indicat, *a.* se de sententiæ judicialis *executione* loqui, cum judicis sit, sententiam pronunciantis, *sedere*; sed, hoc facto, sese ad exequendam adcingens de *solio surgere* dicitur. *b.* Tempus adesse, quo Deus se *judicem* terræ demonſtret; nec diutius illud esse differendum, cum res ad summum pervernerit, nec justitia Dei, ut bonæ causæ diutius desit, patiatur. *c.* Denique judicium Dei a se & aliis omnibus tanquam *justum & æquum* adprobari. Adhortationis modus, quo utitur, non vult, se excidio impiorum & destructione terræ delectari, sed illud tanquam justum & necessarium adprobari: acsi diceret; res eo devenit, tyrannis adeo grasatur, & improbitas inemendabilis est, tantaque viget innocuorum oppressio, ut nemo sit, qui Te ad judicium, non æquum & justum judicaverit, accedere.

§. XLVII. *Posterior* membrum, quod *rationem* prioris continet, ut ex particula *quia* patet, duplici quoque sensu tractari potest, relate ad superioris membri sensum itidem duplicem. Si de *vindicatione* innocuorum ab impiorum judicum oppressione capiatur, referri poterit ad terram, & rationem continebit, quare Deus eam ulcisci & vindicare debeat, quia Deus *eam creavit in omnibus gentibus*. *h. e.* quia sibi in peculium & propriam possessionem elegit; adeoque tanquam hæreditatem suam ab impiorum dominio vindicaturus. Sic Jer. II: 7. *contaminastis terram meam & hæreditatem meam posuistis abominationi*, quod nostrum locum illustrat; cum Deus hic terram, quam improbi judices polluerant, vindicaturus dicatur, quia *hæreditas* ejus est. Sic *terra Jebovæ* appellatur Hos. IX: 3. & abibi...

Phrasie
cernit-

cernere in omnibus gentibus dicit, eam ex iis solam eligere & sibi adjungere, ut proprium suum peculium, in cujus medio *habitare* velit, quemadmodum de electione populi Israelis Deut. vi: 6. habetur. Verum quidem est, verbum *cernere* hic in fut. occurrere; sed per enallagen pro præterito, quæ emphasin habet *perpetuitatis*, ut *cernes* sit *crevisti in perpetuum*, quod præteritum ita exprimit, ut *futurum* semper locum habeat. Ita Ps. 1: 2. *in lege meditabitur*, seu meditatur in perpetuum. Ps. xxv: 1. & alibi.


§. XLVIII. Sed si phrasis, *judicare terram*, de illo iudicio Dei, quo terram abjicit, & remp. ac Ecclesiam suam in ea destruit, intelligatur; membrum posterius rationem continebit, quare Deo hoc liceat, & integrum sit facere; *quia in omnibus gentibus cernet*, sive de eo; quod Deus facere poterit & faciendi jus habet, capiatur, sive quod suo tempore reapse facturus est, vel faciendi propositum habet: utrumque temporis fut. usus permittit. Prius ex canone, quo *verba actionis agendi potestatem* notant, a. qua ratione sensus erit, Deum terræ Cananæ nuncium mittere posse, cum ipsi integrum sit, in omnibus gentibus cernere hæreditatem, quam, & ubi, velit. Posterius nos directe ducit ad vocationem *Gentium*, populo Judæo substituendarum: in quo nihil est difficultatis, cum voces hunc sensum clare fundant. Deus *cernere* dicitur in omnibus *gentibus*, cum suo jure excerpt & seligit præstantissimas quascunque partes, seu fideles, quos elegit, ex universa gentium massa. Verbum proprie dicit, *crevit* vel *discrevit* fursures a farina, inde ad lectionem præstantissimarum partium, & sic ad *hæreditarias* possessiones, transiit: ut *cernere hæreditatem* sit præstantissimas partes excerpte jure primogenituræ; hinc apte *cernere in gentibus*, ut modo explicui. Ratio vero, quare Deus necesse non habeat parcere populo Israelitico, a *vocatione* Gentium petita, nihil habet singulare, cum sæpius in verbo Prophetico occurrat, ad exemplum Moſis,

Zzzz

Deut.

a Vid. Glass. Gr. f. l. III. tr. III. can. 5.

Deut. xxxii: 21. nihil etiam obscuri; cum gentes fuerint in locum Israelis electæ, ut est Rom. xi. nisi quod cum hypothese nostra de iudicio Babylonico, hic intento, illud vix conciliari posse videatur. Verum hæc difficultas facile evanescet, cum observavero, 1. verba de *proposito* Dei, suo demum tempore exequendo, intelligi posse, posteaquam plane constitisset, populum Judæum esse emendari nescium. 2. Iudicium utrumque & Babylonicum & Romanum hic una comprehendi, ut supra observavi: quare plura non addo.



PSALM.

P S A L M. LXXXIII.

1. *Canticum Psalmus Asaphi!*
2. *o Deus! ne obstinatum Tibi silentium sit! ne surdus sis! ne tranquillius subsidas, Deus!*
3. *Ecce enim! inimici Tui tumultuantur, & oses tui caput efferunt*
4. *Contra populum tuum: acervatim struunt, vel denudant,*
5. *Dicunt; agite, excindamus eos, ne sint amplius gens, neve memoretur amplius nomen Israelis.*
6. *Corde enim uniter conspirarunt, contra Te fœdus iniierunt.*
7. *Tentoria Edom, & Ismaelitæ, Moab & Hagaræi.*
8. *Gebal & Ammon & Amalek, Palæstina cum incolis Tyri.*
9. *Etiam Assur una implicatur cum iis, qui filiis Loti brachio sunt.*
10. *Fac ipsis sicut Midianitis, sicut Siseræ, sicut Jabini, ad torrentem Kison.*
11. *Qui deleti sunt ad Hendorum, facti sunt finis terræ.*
12. *Insta ipsis, principibus eorum, uti Oreebo, Zeeboque, & Tsebacbo, & Tsalmunæ, omnibus principibus eorum.*
13. *Qui jactant; acquiramus nobis habitationes Dei.*
14. *Deus mi! insta ipsis instar rotæ, instar paleæ coram vento.*
15. *Quemadmodum ignis comburit sylvam, & flamma accendit montes.*

Zzzz 2

16. Sic

16. *Sic eos persequeris procella tua, & turbine tuo præcípites ages.*
 17. *Reple facies eorum notis iniustis, & quærant nomen tuum, Jehova!*
 18. *Pudefiant, & præcípites agantur in perpetuum, notisque publice adficiantur, & pereant.*
 19. *Et intelligant, Te, nomine tuo Jehova, solum esse excelsum super tota terra.*

P R O L E G O M E N A.

§. I.

Argumentum Psalmi est seria cum maxime, & fiduciæ plena, viri pii *oratio* ad Jehovam, Deum Israelis, pro populo Israelis, peculiari foedere cum Deo sociato, ab hostibus vicinis, foedere junctis, undiquaque ad totalem internecionem impetito: qua Deum ad curam populi sui, ad incitas redacti, suscipiendam, & hostes illos, qui temeraria & impia hæc consilia de populo Dei exterminando, Jehovæ, Dei ipsorum, nulla habita ratione, inierant, judiciis suis ita prosternendos, ut pudore confusi, & metu correpti, Jehovæ, tanquam supremi rectoris mundi, Majestatem cominus venerentur, eique gloriam nominis sui dent.

§. II. Hoc argumentum facili admodum *metodo*, sed stylo emphatico & sublimiore, pertractat. I. Deum gravissimis rationibus ad causam populi agendam impellit, quæ a præsentē populi, in summis angustiis positi, statu desumptæ sunt, vers. 2—9. II. Judicium Dei in hostes, quo cum divinæ potentæ & justitiæ demonstratione gravibus cladibus adfecti repellantur, implorat, ut Jehovam discant revereri, vers. 10—fin.

ANACRISIS.

A N A C R I S I S.

§. III. Sed sicut hæc facilia sunt, ita forte difficilior fuerit, hypothesin jecisse, ex qua Ps. exponendus est, vel statum populi Israelis definiisse, qui has preces peperit, & ad quem adcommo-*dan*dæ sunt. Populum enim Israelis hujus Ps. esse subiectum, & non Ecclesiam N. T., tam est manifestum, tum ex consilio populorum de Israele delendo, ne amplius sit populus, tum ex populorum illorum recensionem, ut & ipsi illi interpretes, qui ab antiquo Israele lubentes abstrahunt oculos in Ps. exponendis, hic in illo populo pedem figant, licet sit, qui velit, *sub nominibus hujus Ps. & eos, qui istorum opera imitantur, intelligi more prophetiarum*: quod si per *adcommo-*dan*tionem*, ut loquuntur, fiat, in hunc non magis, quam alias partes verbi Dei, quadrat: sed hoc nihil ad veram & propriam Ps. interpretationem.

§. IV. Verum enim vero circa casum ipsum, ejusque *tempus*, in varias partes scinduntur Interpretes, dum alii de temporibus Davidis, alii Jehosaphati, alii Jorami, ut Clericus, alii Hiskia, alii reducum ex Babylonico exilio, alii Estheræ, ut Altingius *a*, alii Judæ Maccabæi, cogitent: de quibus omnibus judicium ferre tædiosus & inutilis labor foret. Ducamus potius veras lineas hujus casus ex ipso Ps., & criteria status Israël exhibeamus, quæ historiæ peritum eo sponte sua ducent, ubi pes figendus est. 1. *Primum* characterem præbent populi vicini, quorum catalogus hic textitur, vers. 7—9. ubi illud animadversionem meretur, *Tyrios* hostibus accenseri, & Syrorum, vel Syro-Damascenorum, nullam fieri mentionem; quo ipso tempora Davidis, cui amicitia cum rege Tyri intercessit, & bellum cum Aram sive Syris, hic locum non reperire, evincitur. Hostiles vero populi memorantur, ad ortum, meridiem, & occasum; *septentrionis*, proprie dicti, prætermis-

Zzzz 3

men-

a Hept. VII.

mentionē. 2. *Secundum* criterium suppeditat eorum populorum *conspiratio*, foedere sociali in populum Dei secum pacto, ut unitis viribus Israelē adgrediantur; vers. 4, 6. non itaque diversa tempora, nec etiam separata consilia, & variorum populorum, licet uno tempore, sed seorsim, invasiones in censum veniunt. 3. *Tertiam* temporis notam quæro in *Affyrio*, non primo expeditionis auctore, sed *socio* tantum, præterea in Moabitis & Ammonitis tanquam incentoribus & facibus belli: quo vers. 9. nos manifeste ducit. *Etiam Assur implicatur una cum iis, & illi brachio sunt posteris Lothi.* h. e. hostiles illi populi in unum coacti sunt, ut posteris Lothi in Israele opprimendo sint auxilio. Bellum itaque proprie erat Moabitarum & Ammonitarum, in quo reliqui populi auxiliatricium copiarum partes habebant. 4. *Ultimum* criterium desumo a singulari modo, quo hostes sunt profligati; quem, ex comparatione cum *Midianitarum* clade tempore *Gideonis*, quo respicitur vers. 10 & 11. colligendum, huc redire existimo, ut hostes se mutuo consumerent, divinitus secum commissi, Israele primum spectante, dein eos persequente, & spoliante: quod intestinum prælium inciperet ad externa quædam signa ab Israele adhibita: quæ tempore *Gideonis* fuerunt tria, urcei colli si & confracti, faces, & buccinarum clangor. Jud. vii. Verum quidem est, de eo effecto ex Ps. non directe constare; sed ex *precum* argumento plusquam probabile fit, tali iudicio eos fuisse adfectos. Utique ejusmodi quid pio nostro oratori fuisse in animo, ex citatis veteris ævi exemplis certum est. Cum autem, preces a Divino spiritu fuisse profectas, credere fas sit, quin eæ implementum consecutæ sint, dubitare nefas est: preces enim a spiritu ortæ & Secundum ejus voluntatem fulsæ frustra cadere nequeunt.

§. V. Hæc criteria, feliciter eruta, si ad animum revo-centur, nullum tempus, quod in historia consignatum ex-stet, sub manus venit, cui ea aptius conveniunt, quam quo Josaphatus a Moabitis, Ammonitis, Idumæis, aliisque
trans

trans Jordanem & Syriam populis hostiliter est adpetitus, easque ad incitas redactus, ut in unius Jehovæ auxilio spem salutis habuerit positam: quam cum solennibus precibus invocasset, & promisso per Prophetam, unum ex Filiis Asaph, ipsi facto in certam salutis spem esset erectus, accidit, ut carminibus sacris magis quam armis hostes fuerit adgressus, eosque divina ope in eam conjecerit confusionem, ut in se arma verterint, & mutuis vulneribus confecti sint, reliquis in præcipitem fugam datis: a quo tempore florentissimo & pacifico statu est gavissus, populis vicinis Majestatem Dei Israelis reverentibus. Quæ historia prolixè narratur, 2 Chron. xx.

§. VI. Hæc hypothesis prærogativa non tantum suffragiorum, Interpretibus Christianis & Judæis in eam maximo numero pedibus euntibus, sed eo præcipue se commendat, quod modo prolata criteria in eam exactius, quam in ullam aliam, quadrent. Belli cum Josaphato faces fuerunt Filii Loth, Moabitæ & Ammonitæ, socii memorantur Idumæi & alii populi *trans mare & Aram*, adeoque Arabiæ desertæ incolæ & Assyrii, de quibus hic fas est cogitare. Verum est, *Philistæos & Tyrios* non memorari in historia, sed Philistæos non quievisse, ex inveterato eorum odio in populum Dei facile colligimus; illis *Tyrios* fuisse adsociatos, vers. 8. innuit. Erant enim maritimæ oræ ejusdem plagæ occiduae terræ Cananææ adcolæ. Si conjecturæ locus esset, huc referrem, quod de Philistæis & *Tyriis* habetur Am. i. ubi Israelitas tradisse *Idumæis* in *servitutem* dicuntur. Eos populos animo voluisse plenarium excidium Israelis, ex oratione Josaphati l. c. elucet. De *modo*, quo prostrati sunt, haud absimili destructioni Midianitarum, ex historia quoque constat; de quo postea: adeo ut hic pedem figere queamus, nec necesse fuerit reliquas opiniones refutare; cum id historiæ perito ex supra positis criteriis non sit difficile.

§. VII. De

§. VII. De oppugnatione Senacheribi tempore *Hiskiae* cogitare vetat, tum quod *Affyrius* non fuerit *focius*, sed auctor belli, tum quod de ejusmodi conspiratione nihil legatur, tum denique, quod alio etiam modo deleti sint hostes, quam hic indicatur. Tempus *Judæ Maccabæi*, quo post altare & Templum repurgatum vicini populi undiquaque insurrexerunt in *Judæos*, ut gentem eam extirparent, multum etsi habet commune cum hoc *Pf.*, ut ex collato *1 Macc. v.* videre est, hoc tamen notabile habet discrimen, quod 1. non de gente tota, sed *Judæis* tantum in eorum terra versantibus delendis, consilia ceperint. 2. non in unum coierint populi, ut hic requiritur, sed *sejuncti* id adgressi sint. 3. non tam mutuis cladibus, quam armis *Judæorum* fuerint contriti. 4. de *Moabitibus* & *Ammonitis* tanquam auctoribus nihil tradatur. 5. *Affyrius*, qui *Syro-Macedonas* comprehendere debebit, aliam in ea scena personam egerit, quam ut *focius* hostium adpellari simpliciter queat.

§. VIII. Sed, hisce missis, de auctore & tempore *Pf.* compositi verbum addamus. *Vulgatæ* opinioni, quæ celeberrimum illum *Asaphum*, tempore *Davidis*, pro auctore *Pf.* habet, quominus adsurgam, in causa est, non tam quod *Asaphus* ille nusquam cantica fecisse dicatur, quam quod de consiliis & foedere populorum vicinorum contra *Israelem*, tanquam de re præsentem, sermo fiat, sine ullo prophetici sensus indicio. Mihi itaque probabilius est, *Asaphitam* aliquem, seu aliquem ex posteris *Asaphi*, Spiritu Dei correptum, hoc canticum concepisse, & in usum populi, ad eum consolandum & erigendum, composuisse: nec destituit nos historia, *2 Chron. xx.*, cum ibi occurrat *Jachaziel*, unus posterorum *Asaphi*, qui in medio coetu Spiritu fuit adflatus, & adflatos populi animos in spem victoriæ ab hostibus erexit: qui, eodem Spiritu actus, eundem in finem hoc carmen confecisse censerî potest.

EXPLICATIO.

E X P L I C A T I O.

§. IX. Prima Pf. pars continet, *. petitionem auxilii a Jehova, vers. 2. 1. rationes moventes ad Deum excitandum, ab hostium moliminibus contra Israellem defunctas, vers. 3—9. *. Supplicatio ita sonat, vers. 2. *o Deus! ne obstinatum Tibi silentium! ne surdus sis! ne tranquillus subsidas! o Deus! h. e. Ne Te, tremenda & adoranda Majestas, Deus fortis, teneas, acsi vel os Tibi esset tectorio obductum, ut loqui nequeas, vel aures obsurduissent, ut quiritationes & clamores nostros audire non posses, vel ita omni cura vacuus & tranquillus, ut moveri, nostrasque angustias ad animum revocare, nolis. Hanc omnem emphasin habent voces Hebrææ, quæ præcipuas silentii causas expriment; oris obstipati, aurium surdarum, & tranquillitatis nimium tenacis, quæ omnes curas respuit. Primum membrum, ne os Tibi sit clausum, & lingua palato adfixa & immobilis, proprie denotat, ex vocis ^ו intima potestate, cujus radix dicit *adfigi* & compingi firmiter, velut *calce*, aut gypso illitum, & adfixum; aut *linimento* vel *tectorio superinducto*, unde ad tenacissimam immobilitatem, & sic obstinatum oris silentium, transfertur. Secundum membrum, *ne sis surdus*, proprie ad aures pertinet, ut Mich. vii: 16. *aures eorum obsurdescent*. Tertium, *ne tranquillus subsidas*, animi ad liquidam tranquillitatem redacti, curis & commotionibus depositis, cogitationem suggerit; verbum ^{שׁוּב} proprie est *fidere*, *subsistere*, cum fæces turbati liquoris subsidunt, & fundum petunt, unde ad animum a multo curarum æstu, & sollicitudinum ac amaritudinis fæculentia, liberum, animum serenum, liquidum & defæcatum, transfertur. Hic denotat animum ab omni cura & motu alienum, & Deum, cum dicitur, *ne tranquillus sedeas*, alium esse, ac qui ab Epicureo depingeretur, indicatur: quod Lucretius per *immortali ævo summa cum pace frui*,
Aaaaa sine*

sine dolore, sine periculis, nec bene promeritis capi, nec tangi ira, elegantissime expressit.

§. X. Videamus nunc quid poetæ in animo fuit, cum has preces fudit, quidve indicatum velit? 1. Innuit, populum ad eas redactum esse incitas, ut, nisi Deus subito opem ferat, videri posset, Jehovam, Deum Israelis, esse instar reliquorum falsorum Deorum, numen aliquod aut mutum, aut surdum, aut otiosum; quod non possit aut populi sui querelas audire, aut sine magno labore, beatitati adverso, succurrere: quæ cum falsæ, & Deo injuriusæ, sint cogitationes de Deo; differri amplius non debere auxilium populo præstandum, indicat. 2. Precatur itaque, ut Deus ipso facto demonstret, se & rerum tuarum habere notitiam, & gerere curam, quod ostenderet, si populos increpet, & populum defendat, ac eripiat. Illud enim est, Deo digne intellectum, *non filere, non surdum esse, non quiescere.* *Non filere est loqui:* loqui Dei est, rem ipsam sistere, quippe ad quod non nisi *verbo* Dei opus est. 3. Preces urget, cum ex relationibus Dei ad populum, cujus est *Deus*, & quidem Deus fortis; quare duobus hisce nominibus Deum insignit, tum ex Dei, tanquam potentissimi inspectoris & rectoris mundi, conspectu; qui pati non poterat, ut impii hostes impune grassentur in innocentes & immeritos: hoc enim si contingeret, videri posset, Rectori supremo vel non esse notas actiones hominum, vel non curæ, vel nimiam creare molestiam; aut viribus esse superiores.

§. XI. 1. Sed unde hæ angustia? & in quo litæ erant? quæ tam citum Dei auxilium requirebant: hoc enarrat vir sanctus, vers. 3—9. 2. ipsa hostium molimina exponens, vers. 3—6. 3. Hostes recensens, vers. 7—9. 4. Molimina eorum his verbis ob oculos ponit, 3—6. *Ecce enim inimici Tui tumultuantur, & osiores tui caput efferunt contra populum tuum: acervatim struunt arcem, & consultant invicem contra locutatos tuos: dicunt, agite, excindamus eos,*
ne

ne sint amplius gens, neve memoretur amplius nomen Israelit: corde enim uniter conspirarunt; contra Te fœdus inierunt. h. e. Quam intempestivum sit Tibi filere & quiescere, &, contra, quam opportunum, Te ipso facto præstare vindicem populi Tui, rerum præsentium status evincit. Ecce enim hostes & ofores Tuos sese undarum instar moventes, & insolenter se jactantes; ut consilium, quod deliberato de nobis, populo tuo, excindendis ceperunt, exsequantur: imo ecce populos, fœdere contra Te ipsum pacto, unitos!

§. XII. Duæ, sed adfines, sese hic offerunt rationes moventes, altera altera gravior, quas ita proponuntur, ut oratio scandat, & a gravi ratione ad graviolem adurgat: cujus duplicis rationis indicium est in vocula *quia* repetita; *quia* ecce vers. 3., dein rursus, vers. 6. *quia*. Incipit oratio cum vocula *ecce*, quæ vim non tantum habet *excitandi* Deum, sed & *rei præsentis* imaginem sistit, ut temporis, quo Deus se ad opus adtingat, opportunitas indicetur. Prior vero ratio hostes in motu contra populum Dei ob oculos ponit, *posterior* hoc crimen adgravat ex eo, quod fœdus contra ipsum Deum censerî possint pepigisse. Prior ratio comprehendit *a.* magnos hostium motus in populum Israelis, *β.* eorum principiam & scopum. Prius his verbis, *hostes tui tumultuantur, & ofores tui tollunt caput contra & supra populum tuum*: has enim voces, contra populum tuum, lubentes cum præcedentibus iungeremus, præva versuum distinctione inde avulsas, quia rectius cum præced. construuntur, quam sequent., & cæteroquin obiectum deficeret vers. 3. contra quod illi tumultus insolentes cidentur.

§. XIII. Hostes Israelis, de quibus hic agitur, *inimici & ofores Dei* adpellantur, ut ratio movens majore vi pelleret Deum impellendi, nec sine ratione tam atro notantur carbone, tum quod Israel sit populus Jehovæ, qui ejus erat protector, & Numen tutelare, adeoque non sine aliquo Jehovæ contentu oppugnandus, de quo mox, tum in ge-

nere, quod innocuum populum contra jus & fas invadentes eo ipso se iusti & æqui proculcatores, & iusti ac legitimi rectoris ac Domini totius universi adversarios, demonstrarent, tum quod idololatræ, veri Dei abnegatores, essent. Hos populos hostiles impios & profanos cum dicit *tumultuari & caput contra & supra Israelem efferre*, indicat, eos magno numero, ingente iræ æstu concitados, summa vi præditos, & insolente superbia ac fiducia inflatos, sese movere contra Israelem, instar undarum perfröpentium, tumultuantium, & obvia quæque obruentium; quam metaphoram verbum *tumultuari* continet apud Hebr., & Jes. xvii: 12, 13. ubi expeditionem Senacheribi depingit, egregie exsequitur, cum dicit: *bei strepitus populorum multorum, qui, ut strepere solent maria, perfröpunt, & tumultus nationum, quæ instar tumultus aquarum ingentium tumultuantur! nationes instar tumultus aquarum multarum tumultuantur*. Conf. etiam Jes. viii: 7. Pf. lxxv: 8. Phrasid tollere caput super & in aliquem de superbis hostibus, cum virium suarum fiducia alios invadentibus, usurpatur, Jud. viii: 28. & eleganter Job. xv: 25, 26. — *contra omnipotentem semet extulit, iucurrit adversus illum cum cervice*, h. e. erecto colle insurgit & impugnat, quæ contumacis superbiæ est videntia imago.

§. XIV. β. Sed quo animo & scopo hanc expeditionem susciperent? hoc declarant verba sequentia; *struunt acervatim arcana, & consultant contra locutos tuos, dicunt, agite exscindamus eos, ne amplius sint gens, ne amplius memoretur nomen Israelis*. Utitur verbis fut. temp., *struent & consulent*, pro præterito, ut consilia continua & durabilia, quæ semper quasi renovantur, indicaret. Vers. 4tus consilium comprehendit, quod illos motus populorum peperit, & vers. 5. mutux adhortationes, ad illud strenue & summa opum vi exsequendum, proponuntur. Consilium eorum erat de Israele funditus extirpando, ut *gens* esse desineret, nec alicujus amplius esset nominis. Quod non est accipiendum,

dum, ut nullus Israelita superesset, sed ne unitum aliquod populi corpus, aut politicum, aut Ecclesiasticum, restaret, aut in Cananæa, aut alibi terrarum. vid. Ex. xvii: 14. Emphasin habet *nomen Israelis*, quo nullum erat gloriosius, cujus deletionem sicut sine gravi reatu nemo intendere, ita Deus, salva veritate & gloria sua, permittere non poterat.

§. XV. Hoc consilium sumserant populi, ut habetur vers. 4. *acervatim struxerunt arcanum, consultarunt contra loculos tuos*, scilicet, populum cum cura a Te clausum, & reconditum, quemadmodum in loculos solemus recondere thesaurum. Verbum Hebr. *סא* proxime respondet Lat. *occulere*; habetque proprietatem in *folliculo coriaceo*, quo aliquid involvitur, & sic reconditur; unde est, *condere*, ut quid lateat, ac tutum sit, utique adservetur, tanquam thesaurus. Ps. xxxix: 20. Ps. xxvii: 5. Quo epitheto relatio Dei ad populum egregie exprimitur, & simul indicatur, Deum pati non posse, ut hic populus excindatur, & impia esse hostium molimina, quibus thesaurum Dei diripere tentabant. Contra hos *loculos Dei* tamen *consultaverant* populi, & quidem *diligentissime*, ac frequenter; ut forma conjug. verbi Hebr. indicat. Quo prius membrum etiam collineat, *acervatim struxerunt arcanum*, sive *consilium*, sive *confessum*, ad capiendum consilium, quo utroque modo usurpatur. Quod cum dicitur *acervatim strui*, vel *acumulari*, indicatur frequentia ejus, ut sit arcanum super arcano; sæpius & frequentissime. Ita de aquis coacervatis sumitur, Exod. xv. Sed interpretes per *callide agere* vertunt, quem usum etiam præfert; sed tum intransitive usurpatur, cum hic regat vocem seq.; nec tamen sprevierim; licet *callida agere secretum* aliquo modo offundat. Posset forte reddi; *nudarunt secretum*, vox enim, hinc derivata, nudum dicit. Qui sensus egregius foret, *caput extulerunt* contra populum, *nudarunt secretum*, & *consultarunt*, scilicet, quod deliberato consilio sumserant: quando recte se-

quitur, *dixerunt*, quæ erat aperta secreti prolatio, & arcæmi denudatio. Ego hic nihil definio.

§. XVI. *Posterior ratio*, quæ majus addit pondus, habet vers. 6. *quia animo uniter conspirarunt, contra Te fœdus fecerunt*. h. e. fœdere factò contra Te conspirarunt, idque non præcipitanter, nec fortuito, nec inconsiderate, sed consulto, & animo deliberato, non coacte & invite, sed toto corde, non a nobis irritati, sed sponte, & libidine quasi æstro perciti, unitis animis & junctis viribus, fœdere secum pactò. Sed quomodo *contra Jëhovam*? 1. Quia contra jus & fas, leges conscientias a Deo inscriptas, 2. contra populum unicum in orbe, cujus tutelam Deus susceperat, & quocum fœdus icerat. 3. contra *cultum & religionem* veram, quæ, populo Israelis ad nihilum redactò, in obscurum eat necesse est. 4. Imò contra *Jëhovam*, proprium & peculiarem Israelis Deum, ut eum vel *infirmum*, vel *mendacem*, verbo falsum esse Numen, demonstrarent; quod Senacheribo in animo fuisse, ex insolenti & improba Rabfaces oratione elucet. Sic Ps. xiv. redarguntur hostes populi Dei, qui *Jëhovam nihil vocabant* vers. 4., ut verba vertenda sunt, & non, ut vulgo, *non invocant*.

§. XVII. β. Periculum, in quo populus Dei versabatur, eo gravius erat, quo hostes non tantum animo Israelem excindendi essent adfecti, sed & magno numero ac viribus, undiquaque collecti, in Israelem irruerent: quorum populorum, qui hanc conspirationem inierant, catalogus texitur, vers. 7—9. his verbis. *Tentoria Edom, & Ismaelita, Moab & Hagaræi: Gebal & Ammon & Amalek; Palestina cum incolis Tyri. Etiam Assur implicatur una cum iis, qui Filiis Lotb brachio sunt*. h. e. Non unus alterve populus; sed ab omni parte, qui nostras regiones ab ortu, meridie & occasu, cingunt, adunatis consiliis & viribus, impetum in nos faciunt; faces belli quidem & incentores sunt Moabitæ & Ammonitæ, sed auxiliatrices eorum copiæ

copiæ sunt undique collectæ; ex omnibus populis vicinis, ne Assyriis, licet remotioribus, exceptis.

§. XVIII. In recensendis hisce populis hic ordo servatus, ut *a.* a vicinis ad remotiores pergatur, *b.* in vicinis a meridie ad ortum transeat, & mox ab ortu ad meridiem redeatur, inde ad occasum, a meridionali Cananæ plaga maritima ad Septentrionalem. *c.* denique populis hoc ordine recensitis subjungitur, qui fuerint auctores belli, qui focii, vers. 9. Incipiamus, ordinis causa, ab auctoribus belli, qui primas in eo tenuerunt, & reliquos in societatem pellexerunt. Illi sunt *filiis Loth*, ut ex vers. 9. liquet. *Etiam Assur una implicatur cum iis, sunt brachium filiorum Loth*, sc. omnes illi, quibuscum Assur fuit conjunctus; sic enim versus capiendus est, ut *brachium* ad eos pertineat, quibus adsociatus fuit Assur; illi vero omnes sese adjunxerunt filiis Loth, tanquam copiæ auxiliatrices.

§. XIX. *Filii Loth sunt Moabitæ & Ammonitæ*, ex incestuoso Lothi concubitu cum Filiabus suis orti; ut nemini non notum est. Moabitæ, ex filia natu majore, sedes tenuerunt ad ortum maris Sodomæi usque ad torrentem Arnon; Ammonitæ vero ad ortum Arnonis versus Aquilonem, ita ut *Jabokum* adtigerint; quippe qui *terminus* eorum dicitur, Deut. ii: 37. Num. xxi: 24. Utrique idololatræ, opibus & viribus superbi, & Israël ab antiquis temporibus infensissimi. Moabitæ, a Davidis tempore Israeli tributarii, sub Joramo, filio Achabi, desciverunt; quam ob causam a Joramo, societate inita cum *Josaphato*, oppugnati, & ad extremas angustias redacti sunt, 2 Reg. ii. quæ ipsa *Josaphati* societas ansam præbuisse videtur belli, quod Moabitæ & Ammonitæ intulerunt *Josaphato*, 2 Chron. xx. de quo in hoc Ps. agitur, ut a rege Judæ vindictam sumerent.

§. XX. Quod cum soli efficere non possent, in societatem belli adtraxerunt vicinos populos, quoscunque poterant, ne Assyriis, etsi remotioribus, neglectis; quod exprimitur vers. 9. per *brachium* esse *filiis Loth*. Illi bra-

chium

chium sunt; scilicet, non Assur tantum, sed omnes reliqui: illi enim pertinet ad eos, quibus una fuit implicitus Assur: de quibus omnibus dicitur, eos *brachium* præbuisse *Moabitis* & *Ammonitis*. Phrasis, quæ faciles habet explicatus, exprimit, populos illos *apibus* & *coptis* suis adjuvisse & corroborasse filios Loth: sunt enim stylo orientali *brachia* alicujus ejus *opitulatores* & *adjutores*, ut Job. xxii: 9. *brachia orphanorum*; & exercitus robusti & fortes adpellantur *brachia* Dan. xi: 22, 31., quæ ulteriore explicatione aut illustratione non indigent. Symmachus ergo recte σύμμαχος vertit.

§. XXI. Hi populi auxiliares recensentur sequentes.

1. *Edomita*, posterii Esavi, qui montanum *Seir* ad austrum Cananæ proxime mare *Sodomæum*, versus orientem paululum extensum, inhabitant; sine quorum ope regnum Josaphati ab austro invadi non poterat. Gens erat aspera & bellicosa, Judæis infesta valde; quæ, a tempore Davidis Israeli obnoxia, jugum ægre ferebat, illudque mox post Josaphatum mortuum sub *Joramo*, ejus filio, excussit. 2 Reg. vii: 20. Paulo ante societatem inierat cum Joramo Achabi & Josaphato, in bello cum *Moabitibus*, nunc cum *Moabitibus* ad Josaphatum debellandum: quod *historia* 2 Chron. xx: 10. expressis verbis testatur. Ceterum cum *tentoria Edomi* hic memorantur, vel ad gentem *pastoritiā*, in tentoriis degentem, vel ad statum belli, ubi milites sub tentoriis vivunt, respicitur; quod utrumque huc recte quadrat. 2. Adduntur *Ismaelita*, ab *Ismaele*, filio Hagaris ex Abrahamo, oriundi, qui, parentem imitati, & sceniticam ac latrocinalem vitam degebant, & quaquaversum per Arabiam Petræam & Desertam tentoria fixerunt; primitus quidem in *australi* parte Cananæ, dein in *orientali* versus Euphratem, quando, cum Midianitis confusi, totam regionem infederunt ab Euphrate ad mare usque Rubrum, teste Josepho. a Conf. Gen. xxv.

§. XXII.

a Ant. lib. i.

§. XXII. 3. Sequuntur *Moabitæ & Hageræ*; illi ad ortum maris Sodomæi, de quibus modo dixi; *hi* ad ortum Rubenitarum, Ptolemæo dicti *Agræi*, & 1 Chron. v: 10, 19. *Haggerii*, & Hieron. *Agaræi*; quos hic intelligendos esse ex ordine, quo hic enumerantur, & nominum convenientia, plusquam probabile fit: num vero Ismaelitarum fuerint portio, & ab *Hagar* nomen tulerint, quæ Bocharti *a* est opinio, dicere non habeo. Suffecerit, populum fuisse, cum quo bella interceserunt Israelitis, quique tandem sunt debellati & subiecti sub Jeroboamo II. ut ex l. c. colligitur. 4. Adduntur in textu *Gebal & Ammon*, & *Amalek*; haud longe diffiti, ut probabile est, licet de situ *Gebalis* nihil definiri poterit. Sunt qui in Phoenicia versus septentrionem quærunt, ubi urbs *Gabala* & *Giblim* fuisse memorantur, 1 Reg. v: 18. Ez. xxvii: 9. Jos. xiii: 5. Sed ordo, quo recensentur, obstat: quare alijs potius accedo, qui in Arabia Petràa collocant, prope *Amalekitas* & *Idumæos*, ubi regio *Gibale* memoratur *b*. Fateor tamen rectius & facilius fluere orationem, si, primis nominibus vers. 8. transpositis, legatur, *Ammon*, *Gebal* & *Amalek*; Gebal enim & Amalek fuerunt vicini ad austrum Cananæ, *Ammonitæ* vero ad *Agræos* & tractum Cananæ orientalem versus Aquilonem referuntur. Sic poeta ab austro versus Ortum & Sept. progressus, inde ad austrum reverteretur; imo, ut cum *Idumæis* incepit, sic in *Esavi* progenie apte definit. *Amalekitæ* enim ex *Eliphazo*, Esavi filio, oriundi Gen. xxxvii: 12, eandem australem partem Cananæ insederunt, Num. xiii: 9. a *Chavila ad Sur*, 1 Sam. xv. ubi antea *Ismaelitæ* vagati sunt: his enim in orientem magis excurrentibus, *Amalekitæ* eorum sedes maxime incoluerunt, antiquissimi & perpetui Israelis hostes, ab ipso exitu ex Aegypto usque.

§. XXIII. Hinc ad occidentalem plagam pergens poeta sistit ob oculos *Philistæos* & *Tyrios*, oræ maritimæ adcolas, illos australis, hos septentrionalis, populos nemini non no-

Bbbbb.

tissimos.

a Phal. iv: 11.

b Vid. Reland. Pal. 1: 15.

tiffimos. *Tyrii* autem, quod hic unice observandum, tanquam *socii* Philistæorum in hoc bello occurrere videntur, ut ex phrasi, *cum incolis Tyri*, colligi posse videtur. Tandem adjungitur his omnibus *Assur*, qui ultimo loco memoratur, quia remotior reliquis a terra Israelitica & omnibus potentior, licet hoc tempore rebus Cananæis se nondum ea ratione immiscuerit, qua postea. Phrasis, *etiam Assur una implicatus est cum iis*, indicat, 1. arctam societatem inter *Assurem* & omnes reliquos, hic memoratos, populos: verbum enim Hebr. *artissimum* nexum exprimit, dicitque proprie *implicari ac illigari multis spiribus ac flexibus*, & usu frequentatur in familiarissima consuetudine, ut inter *maritum & uxorem*, *Israelitam & profelytum* &c: 2. ad hanc societatem, inter omnes eos populos initam, accessisse tandem *Assyrtum*.

§. XXIV. Verum quidem est, in historia Josaphati 2 Chron. xx. non nisi *Moabitas*, *Ammonitis* & *adcolas montani Seir*, ipsis nominibus adpellari, sed 1. illi incentores & faces belli fuerunt, 2. alios iis fuisse adsociatos clare indicatur. Sic enim verba habent c. xx: 1. *post hæc venerunt Moabita, Ammonita, & cum ipsis qui ultra Ammonitas habitant, ut bellum Josaphato inferant*: qui vero *ultra Ammonitas*? sic enim vertendum, & non *ex Ammonitis*, ut facile liquet: *Agræi*, ni fallor, *Assyrii*, & *Arabia desertæ incolæ*, sive *Ismaelita & Nabatæi*, qui omnes mox vers. 2. generali phrasi dicuntur *trans mare*, sc. *salsum* vel *Sodomæum*. Reliquorum etsi nulla mentio occurrat in historia, hinc nihil aliud colligendum est, ac quandam esse in historia *relicentiam*, sacris & exoticis historicis frequentissimam: quod compluribus possit demonstrari exemplis. *Tyrios* vero & *Philistæos* *Esavitis* adfuisse socios, etsi ex hostili eorum animo præsumi queat, id, quod illis imputatur Am. 1., ubi *Israelem* dicuntur vendidisse *Idumæis*, confirmari posset, si necesse foret, aut tempus & locus ferret: non possum tamen, quin citem Joel. iv: 12. ubi, cum adlu-
sione

sione ad hanc ipsam Josaphati historiam, *cunctæ gentes in circuitu dicuntur congreganda in vallem Josaphati*, ut iudicia Divino destruantur.

§. XXV. II. Pergamus potius ad *Judicium*, quod hostibus, divinitus infligendum, denunciat vates, vers. 10—fin. Quod n. exemplis superiorum temporum proponitur, vers. 10—13. 1. stylo sublimiore & emblematico effertur, vers. 14—19. n. Prius his verbis describitur, vers. 10—13. *Fac ipsis sicut Midianitis, sicut Sisera, sicut Jabin, ad torrentem Kisonem: qui deleti sunt ad Hendorum, facti sunt finis terræ. Insta ipsis, principibus eorum, ut Oreebo, Zeebo, Tsebacbo & Tsalmana, omnibus principibus eorum; qui jactant: adquiramus nobis habitationes Dei. Ex multis divini iudicii exemplis, quo hostes populi Dei singulari clade sunt prostrati, duo hic seligit poeta, alterum quo Midianita, alterum, quo Cananæi, sunt deleti; illi sub ducibus Oreeb, Zeeb, Tsebacb & Tsalmana per Gideonem, hi sub rege Jabin & duce Sisera, per Deborah & Barakum; cujus rei rationem pandam, posteaquam verba & phrasés paucis illustravero.*

§. XXVI. Cum in genere dixisset, *fac ipsis sicut Midian, sicut Sisera & Jabin*; generalem thesin mox exponit, a posterioribus initio facto, pro more scripturæ: Phrasís, *fac ipsis*, egregiam præfert emphasín, quæ quævis mala, eaque gravissima, divinitus inferenda, comprehendit, ut in formula imprecationis, *ita mihi faciat Deus &c.* sic Jer. xviii: 23. *tempore iræ tuæ age contra eos*; Ez. xxxv. ubi per *facere desolationem* exponitur, & Ez. xxxi: 11. Hac generali phrasí non contentus, mox addit, quibus modis eos velit tractatos; similibus scilicet, ac olim *Midianitæ & Cananæi*; quod 1. respectu Cananæorum exponit, cum dicit, *sicut Sisera & Jabin ad torrentem Kison, qui deleti sunt ad Endor, facti finis terræ*, respiciens ad prælium, quo Israelitæ, ducibus Barako & Debora, Cananæos cum rege Jabin, & duce Sisera, divinitus profligarunt juxta torrentem *Kisibon*

& urbem *Endor*, prope montem *Tabor*, in tribu *Isascharis*: ut ex *Jud. iv & v.* notum est. Singularis inest & elegantia & emphasis *verf. 11. deleti sunt, facti fimus terrae*; quam genuina potestas verbi *מח* *delere* exhibet; cujus proprietates est in *fimo* & aliis purgantibus, dicitque proprie *instar stercoreis ejici*, & everri, *מחבליזעו*, unde ad gravissimam & ignominiosissimam perditionem transfertur. Vid. *i Reg. xiv: 10. coll. xv: 29. Jef. xiv: 23.* Ex quo facile elucescit, quam eleganter hic *deleri cum fimo terrae* conjungatur.

§. XXVII. 2. Ad Midianitas pertinet, quod *verf. 12.* occurrit, *instā ipsi, principibus eorum* &c. *Digitus* intenditur ad gravissimam cladem, quæ Midianitis eodem fere in loco, quo Cananæis, per Gideonem est inflicta, quæ principum *Oreb & Zeeb*, nec non regum eorum *Tsebach & Tjalmuna*, violentam necem secum traxit. *Jud. vii, viii.* Not. 1. emphasis in verbo *instā ipsi*, sic enim vertendum est, & non, ut vulgo, *pone ipsos*; denotat enim *instare* & impressionem hostilem facere, ut *Jef. xxi: 7. ponendo ponunt portam versus*, h. e. irruunt. *Pf. lxxv: 7. undique ponunt contra me*, seu hostilem faciunt impressionem. 2. captata antithesis in vocibus *principum* eorum & nominum *Oreb & Zeeb*. Vox *נריב* *principum* denotat proprie *liberales, munificos, & beneficos*, quales esse debent principes & potentes inter homines, sed nomina *Oreb & Zeeb* omnia contraria dicunt, illud enim *corvum*, hoc *lupum* designat: in tam rapaces & truculentas bestias cum principes eorum degenerarint, jure merito in eos impetus hostilis fit.

§. XXVIII. Sed quid movit poetam, ut hæc in specie exempla proferat? id quod verbo est exponendum. Præcipua ratio mihi a convenientia cladis, qua Cananæi & Midianitæ divinitus prostrati sunt, & hi hostes secundum vota & prædictiones prophetæ delendi essent, repetenda videtur: quæ convenientia in eo sita est. 1. quod utrisque hoc fatum post præcedentes prædictiones contigit. De Cananæis & Midianitis ex historia Judicum, & de his ex
2 Chron.

2 Chron. xx. constat, 2. utrisque divinitus hæc clades inflicta est: de Cananæis traditur, Jud. iv: 15. & *contabescit Jehova Siseram & exercitum ejus*, h. e. metu, pavore, & consternatione liquefcere quasi fecit, & consumtis viribus diffluere; ut de exercitu Pharaonis Ex. xiv: 24. & alibi; id enim *הפם* denotat. Sic Jud. v: 20. *e coelo pugnaverunt stellas ex orbitis suis cum Sifera prælium commiserunt*. Idem evenit *Midianitis*, Jud. vii: 22. 3. quod eodem fere modo fuerint divinitus prostrati, per mutuas cædes consumti: quod ut in exercitu expavescit & confuso fieri solet, sic in *Midianitarum* esse factum, ipsis verbis docet historia, Jud. vii. quod idem de hisce populis affirmatur, 2 Chron. xx: 22. quo accedit, Israëlitas non pugnando, sed precando & cantando hostes in confusionem & fugam utrobique conjecisse.

§. XXIX. Restat, *justas* hasce preces fuisse evincamus, ad quod viam sternit *ratio*, quæ hujus judicii, hostibus infligendi, datur, vers. 13. *qui dicunt, adquiramus nobis habitacula Dei*: quo declaratur, hostes propositum sumsisse, terras Israelitarum sibi adferendi in perpetuam possessionem, legitimo hærede extirpato vel exterminato; illudque propositum palam jactasse, imo de eo, tanquam cujus jam compotes essent facti, gloriatos esse: quæ ambitu verbi dicere sunt comprehensa. Sed quare *habitationes Dei*? 1. quia Deus non generali tantum sua providentia, qua hominum habitationes definivit, Act. xvii., sed *peculiaris* & prorsus singulari cura eas terras populo dederat possidendas in perpetuum; ut Josaphatus in oratione sua ad Deum dicit, 2 Chron. xx: 11. 2. quia populus in ea terra, tanquam grex in caulis, sub tutela Dei, tanquam pastoris, debebat, adeoque sine Dei contumelia non expellendus: quam cogitationem suggerit vox Hebr., quæ per *habitacula veritatis*; cujus usus frequentari amat in *ovili* vel *mansione ovium*: ut notum est. De re ipsa conf. Ps. xxiii: & c. 3. Accedit, 3. Deum ipsum hanc terram tanquam *suum*, con-

siderare, sibi que adseruisse; quam populus, colonorum magis, quam dominorum, conspectum præferens, inhabitabat, & in qua Deus *sedem* quandam fixerat per *Templum*. 4. Denique emphasi non caret, quod *Dei*, & non *Jehovæ*, dixerit; ut significaret, *Jehovam* non esse solius Israelis Deum & Cananææ Dominum, ut Dii gentium habebantur certarum regionum Dii & Domini, verum totius orbis Dominum, & unum verum Deum, quem usum præfert nomen *Dei*, a nomine *Jehovæ* distinctum. Ceterum, cum hæc verba hostibus in ore dantur, illud non ita est capiendum, ac si *Dei* habitacula directe voluerint occupare, seque *Deo* opponere; quod mortalibus in animo esse non solet, sed; eo tendere molimina ipsorum, indicatur, ut, si ex iis de animo & proposito foret judicandum, tale quid de iis adfirmandum sit. Impia itaque & improba hostium facinora hac figura emphatice exprimuntur, ipsique tanquam hostes Dei ipsius per opera sua depinguntur: de quo ad vers. 6. dixi.

§. XXX. Hinc facile liquet & quid poetæ in animo fuerit, cum dicit, *fac ipsis, insta ipsis*, & quam *juste*, sine charitatis lege violata, hæc pronunciaverit verba; qua de re in seq. dicam: nunc notasse suffecerit, 1. verba esse magis *adprobantis* judicium Dei, quam directe *precantis*: idem enim est, ac si legeretur, *fac ipsis*, ô Deus! licet, justum & æquum est, justitiæ tuæ convenienter ita cum iis agere poteris. 2. verba esse *prophetantis* verius, quam orantis, *fac ipsis* est *facies*, & quod facturus es *fac*. 3. denique *preces* si intelligantur, eæ *populi* Israelis liberationem & vindictam magis intendunt, quam *hostium* extirpationem, nec hanc hostium poenam, nisi quatenus eorum impetus sine ea reprimi nequit: adeoque non sunt preces hominis, excidii aliorum, sed salutis & liberationis populi Dei cupidi. Quæ si recte observentur, non est, quod ad has similesque preces obhærescatur, ac si animum minus pium, aut caritatis defectum, spirarent: ut nonnullis visum est.

§. XXXI.

§. XXXI. 2. Judicium Dei in hostes, qui adunatis viribus Judæos undiquaque invaserunt tempore Josaphati, quod modo exemplis antiqui ævi ob oculos posuerat, nunc sublimiore stylo, selectis metaphoris, a vento, procella & igni, depingit, & scopum ac effectum illorum judiciorum, ut pudore confusi Majestatem Jehovæ cominus revereri discant, exhibet; quando subjungit, simile quid hostes populi Dei in perpetuum esse experturos. Hæc summa est pericopæ, cujus duæ partes generales sunt, quarum *altera* ad hostes præsentis, *altera* ad futuros per omnia tempora pertinet, *prior*, vers. 14—17. *posterior*, vers. 18, 19. utraque & judicium & ejus scopum ac effectum comprehendit. a. *Prior* pars, quæ ad præsentis hostes, supra memoratos, respicit, a. judicium, iis indigendum, describit, vers. 14—16. b. scopum, ut ignominia adfecti Jehovam quærant, vers. 17.

§. XXXII. a. Judicium his verbis, vers. 14—16. profertur. *Deus mihi instat ipsis instar rotæ, instar paleæ coram vento: quemadmodum ignis comburit sylvam, & flamma accendit montes, sic eos persequeris procella tua, & turbine tuo præcipites ages.* h. e. Hostes, & tuos & nostros, ita invadas judiciis tuis, quæ justitiæ & potentiæ tuæ clarissima signa præferunt, ut partim prostrati jaceant, partim terrore correpti, ac consiliorum inopes, in præcitem fugam dentur, haud secus, ac vel sylvæ & montes igni corripiuntur & in flammam abeunt, vel glumæ & stipulæ vento urente & rotante agitantur ac dissipantur. Versus ita distingui possunt, ut vers. 14. *votum*, & duo seq. *prophetiam* comprehendant; ac si diceret poeta; votum meum contra hostes, quo ut in eos irruas instar rotæ & stipulæ a vento agitata; voveo, eum in modum, scio, implebis, ut sicut sylva & montes flammis accenduntur, tua procella urente & turbine auferantur, & præcitem ruant.

§. XXXIII. 1. Votum his verbis conceptum est: *Deus mihi, instat ipsis, instar rotæ, instar paleæ coram vento: sic enim*

enim rectius vertuntur, quam, ut vulgo, *pone ipsos*, quod, sicut ab elegantia metaphoræ, *ponere* enim & *glumæ* instar ferri a vento sunt contraria, ita a verbi potestate, *quam* habet, abit. Verbum enim *in* denotat *instare*, *impressionem hostilem facere*; ut ad vers. 12. observavimus. Sed, ut hoc liquidum & facile est, sic in simili *rotæ* & *paleæ* *coram vento* aliquid impediti est, quod vario modo expediri potest. 1. Simile hoc ad *celerrimum* & *facillimum* impressionis divinæ modum expingendum referri potest; ut sit, quem admodum *rotæ* & *palea* vento raptæ celerrime aguntur, & sine ullo labore agitantur; sic tu quam citissime & sine ullo negotio tuo in eos irruas. Quem conspectum fert Jes. xli: 2. *quis dedit ut pulverem gladium ejus, ut stipulam propulsam arcum ejus, respectu levitatis, qua gladium administrabit & vibrabit, & celeritatis, qua hostes persequatur*, ut recte Cl. Commentator. 2. Patitur, & forte rectius, sese transferri hoc simile ad præcipitem hostium fugam & dissipationem expingendam; sive vox *rotæ* cum Deo, sive cum seq. membro construatur; quod utrumque admittit orationis structura. α. Priore ratione vertenda sunt verba: *instar procellæ rotatæ irruere in ipsos, ipsique sint instar paleæ coram vento*: quo admissio, Deus hostibus instans cum *procella*, & hostis cum *palea*, a procelloso vento raptata, comparabitur. Vox Hebr. signat & *rotam* & *turbinem*, seu procellam rotatam; ut Jes. xvii. de quo mox; ultimum membrum per se stare poterit, & suppleri per *sint*, ut in versione institui. β. Sed, si *instar turbinis* & *instar paleæ* conjungantur, quod structura orationis non respuit, sensus erit, Deum in eos impressionem facturum instar ventī in *rotam*, vel vorticem, & in *paleam*; quæ a vento facillime & celerrime abripiuntur, & dissipantur: quo simili usus est Jes. xvii: 13. & *impelletur concitate* (hostis Assyrius) *ut glumæ montium coram vento* & *tanquam vortex coram turbine*, quod hic est: *instā ipsis instar vorticis & paleæ coram vento*, h. e. instar ventī *vorticem* & *paleam* agentis.

§. XXXIV. Quo-

§. XXXIV. Quocunque modo sumatur, sive hoc illove, sive utroque conjuncto, sensus eodem fere redibit; qui duo maxime comprehendit, 1. hostes, quantopere superbos, inflatos, & viribus fidentes, haud majore negotio a Deo posse dissipari, ac a vento vorticem, e levi materia constantem, & paleam. 2. Dei gloriæ & populi salutis interesse, ut hoc quantocyus fiat; cum res ad summum pervenerit, & de populo Dei ceteroquin actum sit. 3. Eo itaque collineare preces & vota populi, ut Deus miraculose interveniat, & populum extremis angustiis eripiat, hostes, si furorem & hostilem animum deponere recusent, dissipando, & in præcipitem fugam dando.

§. XXXV. 2. Huic voto poeta per modum prophetiæ subjungit, quid Deus in salutem populi sit facturus; non hoc tantum, quod vovit, sed plus, hostes ingente cum strage in terribilem confusionem & fugam præcipitem conjecturus: quod his verbis exprimitur, vers. 15, 16. *Sicut ignis succendit sylvam & flamma percutit montes: ita persequens ipsos vento tuo urente, & turbine tuo præcipientes & solutos abire facies.* Simile repetitur ab igni sylvas succendente, & flamma montes adurente, sive percutiente & nigrorem inducente: quæ verbi לֵהוּ potestas est, propria & derivata: proprie dicit, *percussit passa manu*, unde transfertur ad *flamam adurentem*, quæ æstu suo percutiat, & nigrorem inducat; ut Cl. Schultens observavit: quod in *montes*, qui non absumuntur, sed aduruntur, & nigredine vestiuntur, recte convenit. Hoc simile hunc in modum redditur & adplicatur, *sic persequeris eos vento tuo urente, & turbine tuo præcipientes ages*, h. e. eos partim violenta cæde, partim præcipiti fuga, auferes & dissipabis. Prius membrum respicit ad *ventum urentem*, qui *prester* & *αἰὼς* dicitur, ventum *Eurum*, in oriente notissimum, qui ut vehementissimus, & cum ingente fragore conjunctus, sic & flagrantissimus & pestilentissimus est, quo homines, animantia, herbæ, arbores aduruntur, et quævis noxia ac lethalia inferuntur: de quo

Ccccc

vento

vento sæpe loquitur Script., et historici ac itineratores mirabilia narrant. Hunc ventum ipsa vox Heb. designat, quæ, a rad. *ussit*, *aestuavit*, ventum urentem et flammante æstu omnia absumentem denotat: quare cum igni et *flamma* recte comparatur, ut Jes. xxix: 6. *Posterius* membrum nos ducit ad *turbinem*, seu ventum *rasorem*, qui multa cum glomeratione pulveris omnia sternit ac verrit, a rad., quæ *rasit*, *corrasit*, signat. Quod in eundem *Eurum* recte quadrat, quippe qui et *rasor* simul et *ustor* est; quare hæ duæ voces sæpe conjunguntur, ut Nah. i. *Jehovæ via est in vento rasore simul & ustore*, Jes. xxx: 6. et alibi. De hoc vento apte dicitur, eum *præcipitaturum* esse hostes, ut verbum reddi debet, *rasore tuo præcipites eos ages*, quod turbini proprium est; quo quis correptus susque deque agitur, jactatur, & propellitur instar infani, & haud secus ac si furiis agitur. Quam potestatem verbum Hebr. comprehendit. In genere enim dicit, *præcipitem & solutum abire*, unde ad mentem perturbatam, ipsas quoque furias infernales, & festinationem, seu præcipitem cursum, transit.

§. XXXVI. Verbis & phrasibus illustratis in mentem poetæ haud difficile fuerit penetrasse. Hostes hic cum *sylva* & *montibus*, judicium Dei cum igni & *flamma*, seu procella æstuante & turbinosâ, comparatur. 1. *Sylvæ* emblemata nos ad *copiam* & multitudinem, nec non complicatos eorum animos in perniciem Judæorum ducit, & præterea cogitationem injicit materiæ, quæ flammam facile concipit et absumitur: *montes* ad eorum superbiam, et vanam fiduciam pertinent; quæ emblemata in stylo figurato satis usitata sunt. Conf. Jes. iii. & x. Jer. xxi: 32. 2. Judicium Dei, cum igni et flamma, seu vento *ustore* ac *rasore*, comparatum, complectitur *a.* violentas partim cædes, partim præcipitatas fugas, cum desperatione et summa confusione conjunctam. *b.* In specie *mutuas cædes*, et intestinas discordias, quibus, haud secus ac si furiis infernalibus essent correpti, in se invicem ruerent, et se invicem dissiparent. Quæ discordiæ, indeque nata intestina bel-

bella, et mutuae cædes, divina vindicta iis immiffæ, apte cum igni, flamma, vento uftore et rafore, comparantur, ut ex ftvlo emblematico Prophetarum patet, Jel. ix: 17. *Quia improbitas exarfit ut ignis, fentes & vepres absumet, & incendit perplexitates fylvæ* etc. fic L. II. *ecce omnes vos, qui accenditis ignem, et vos fcintillis, vel malleolis, circumdati, ite in luce ignis veftri, & in fcintillis quas accendiftis.* Quod implemento exacte comprobatur; uti ex hiftoria 2 Chron. xx. nemini non conftat.

§. XXXVII. b. Hæc cum hoftibus imprecatur et nomine Dei denunciat mala; non eft illud in deteriorem partem rapiendum, acfi odio et ira concitatus hoftium perniciem cupide vellet; abfit hoc a pio vatis animo! longe aliud intendit, non exitium hominum, fed Dei gloriam, ab ipfis hoftibus agnoscendam et celebrandam; ut ipfe his verbis declarat, verf. 17. *Reple facies eorum notis iniuftis & quævant nomen tuum, Jehova!* h. e. fpe fua, quam conceperant fundatiffimam, dejecti, pro victoria pudendam cladem publice circumferant, et de Majestate tua, potentia ac iuftitia, ex certiffimis hifce fignis convicti, excelsum Tuum nomen, quo Jehova adpellaris, revereri ac fubmiffè colere difcant. Duplex hic occurrit iudicii Divini confequens, alterum *pudefactionem* hoftium, alterum animum illorum *immutatum* comprehendit. Illud priore membro effertur, *imple facies eorum notis iniuftis*, quæ vocis Hebr. נִפְּץ eft vera emphafis, a rad. נִפַּץ, *torruit*, unde ad illud fupplicii genus transfertur, quo terga, latera, lumbi, vultus folent malefici *inuri*, et ferro candente *notari*, adeoque recte per *notam iniuftam* vertitur: quod huc egregie quadrat; cum de *vento adurente* modo erat actum, quo facies recte percipiuntur *notis inuri*: quod fuperiorum eft confequens. Emblema non eft difficile explicitu, cum nemini non obvium fit, depingi ignominiofam cladem, eoque maiorem, quod de victoria tam alte præfumerant, tantisque viribus in populum imbellem invaferant, præterea pudendum cladis ac fugæ modum;

per mutuas cædes, cum clarissimis potentiæ & justitiæ Jehovæ signis, denique animum pudore confusum, de turpissimo & stultissimo facinore, quod in Israellem commiserant, & mox in se ipsos verterant, convictum.

§. XXXVIII. Alterum consequens, ex tali animo oriundum, habet, ut nomen Jehovæ *querant*, Majestatem ejus agnoscendo & fuspiciendo, potentiam ejus metuendo, clementiam ejus implorando, ipsumque Hierosolymis donis & muneribus suis honorando & colendo. Hunc enim scopum habent *judicia Dei*, ut incolæ *terrae justitiam discant*, Jes. xxvi: 6. hunc etiam subinde habuerunt effectum apud populos vicinos, ut Jehovam, Deum Israelis, tanquam potentissimum numen fuerint venerati, ejusque metu ab Israele laceffendo & adfligendo absterriti, imo donis suis eum coluerint; uti exemplum est in *Philistæis*, cum arcam cepissent, Aegyptiis, & aliis tempore Hiskiae regis post cladem *Senacheribi*, secundum 2 Chron. xxxii: 23. notabili admodum loco. *Et multi adducebant munus voluntarium Jehovae Hierosolymam, & res quasque pretiosas Hiskiae, & efferebatur post hæc coram oculis omnium gentium.* Quod quin Jehosaphati tempore, post hoc tam singulare Dei judicium in hostes, etiam factum sit, dubitandum non est; maxime cum historia 2 Chron. xx. ipsis verbis habeat, *timorem Dei corripuisse omnia regna terrae, posteaquam audivissent, Jehovam pugnasse cum hostibus Israelis.* Plura similia exempla proferre possem, si opus esset. Conf. Jes. xix: 16. de Aegyptiis, Jes. xxv: 3. *de populo valido, & civitate gentium violentarum*, Jehovam celebratura tempore Maccabæorum.

§. XXXIX. β. Sed intra hæc tempora non subsistit vates, verum vota sua ulterius extendit ad sequentia tempora in perpetuum, optatque, ut quicumque hostes Israellem in posterum ea ratione invaserint, eandem sortem subeant, plane quemadmodum Jes. xvii: 14. post cladem *Senacheribi* prænunciatam, *hæc sit portio conculantium nos, & fors diripien-*

diripientium nos, & Debora in cantico, Jud. v: 31. sic pereant omnes inimici tui, Jehova. Sic plane poeta noster, quæ altera pericopæ pars, & aptissima est cantici clauſula, verſ. 18, 19. Pudeſiant, & præcipites agantur in perpetuum, notis publice adſciantur, & pereant. Et intelligant Te, nomine Tuo Jehova, ſolum eſſe excelsum ſuper tota terra. Duas maxime ob rationes poetam non de iisdem, ſed ſimilibus hoſtibus ſequentium temporum hic agere exiſtimaverim, tum ut ejusdem rei inanis repetitio vitetur, tum ut phraſis, in perpetuum, majorem, imo genuinam ſuam, emphasin retineat: ne nunc dicam, haud inſolitum, quin aptiſſimum eſſe votum, quo canticum clauditur, ut modo obſervavi. Complectitur a. judicium Dei b. ejus ſcopum & effectum.

§. XL. a. Judicium Dei verſ. 18. ſonat, *perplexi præcipites agantur, notis publice adfecti pereant.* h. e. cum pudore & ignominia partim pereant, partim præcipitem in fugam dentur. Sic enim membra verſus apte ordinantur, plane ut verſ. 16, & 17. Verba ſunt ſelecta, quibus poeta utitur. Primum, quod *pudeſieri* vertitur, apud Arab. in *perplexitate* teritur, & uſurpatur de aridis multo ſtrepitu & tumultu inter ſe confuſis, inſtar ſtipularum in vento: unde transfertur ad animum perplexum pudore, ignominia, aliisque adfectionibus, cum mentis conſternatione confuſum: quocum apte jungitur verbum, quod, ut verſ. 16. vidimus, feſtinatum & præcipitem curſum denotat, & mentem perturbatam, ac furiis agitatam, involvit. Vertuntur itaque recte, *perplexi ruant.* Poſterius membrum, & *notis adſciantur & pereant*, eſt, inter multam ignominiam pereant, inſtar maleficorum, qui publicis notis adfecti occiduntur. Verbum Hebr., quod *fodere* notat, inter alias metaphoras, adſumit *impreſſionem*, & *inſoſionem* q. notarum & ſtigmatum, unde denotat, ignominia publica adſicere, notis ignominiaæ confodere. Hæc cum hoſtibus impreccetur in perpetuum, eos, quotieſcunque populum Dei ſimili ratione imperant, ſive cito, ſive diu poſt hunc caſum, in per-

Cccccc 3

petuum

petuum simili Dei iudicio esse puniendos, & adfligendos, in animo habet.

§. XLI. *b.* Addit quoque eundem scopum & effectum, vers. 19. *Et intelligant, Te, nomine Tuo Jehovah, solum esse excelsum per totam terram.* h. e. Te, cujus nomen est Jehovah, hoc ipso tuo nomine esse, non in Cananæa solum, sed per universam terram, excelsum & supremum Dominum; a cujus nutu omnia unice pendent. Sic versum rectius reddimus & intelligimus, ac solent Interpretes, qui hic varie instituunt. Nomen *Jehovæ* est proprium Dei Israelis nomen, quo ab aliis sic dictis Diis distinguebatur. Hoc nomine cum Deum vult esse per totam terram *excelsum*, significat. 1. Deum Israelis pro solo vero & supremo numine & terræ totius Rectore potentissimo esse agnoscendum, & celebrandum. 2. idque in specie nomine suo, quo Israelis & Deus fœderatus est, qui eum populum sibi elegit, & ejus vindicem agit: quo respicit nomen *Jehova*, Exod. iii. 3. imo ab illis in specie virtutibus *veracitatis, justitiæ & gratiæ*, quæ nominis Jehovahæ ambitu sunt comprehensæ, Exod. xxxiv. Hæc ut *cognoscant* hostes, cum poeta precatur, animum gloriæ Dei studiosum, hostium quoque salutis, & non exitii eorum æterni, cupidum exprimit: non enim simpliciter vult, ut vim nominis Jehovahæ *experiantur*, sed, hoc experimento docti, ad saniolem mentem redeant, & Jehovaham, Deum Israelis, pro solo Deo excelsò & summo rectore ac iudice agnoscant, & venerentur: id quod vers. 17. *querere nomen Jehovahæ* dictum est.

§. XLII. Quæ cum clara & certa sint, nollem erudito Commentatori, J. Clerico, excidisset ad vers. 17. *Optat hostibus non resipiscentiam & cognitionem Dei, qua eum placent, sed perniciem, ut sequentia ostendunt. Nondum iusti erant homines pro hostibus, etiam insensissimis, Deum orare, ut nos Christiani.* Licet mihi propositum non sit, hypothesin his verbis subjectam examinare, aut verba hæc ex hoc Pf. falsi convincere; quod ex dictis cuivis facile est: non possum

possum tamen, quin harum & similium precum conspectum & scopum verbo aperiā. 1. *Primo* itaque notari velim, non qualescunque hostes, multo minus privatos adversarios, sed rum publicos populi Dei eosque infensissimos, qui ejus perniciem hostiliter & palam moluntur, tum impios & profanos, omnisque juris, & æqui conculcatores, intelligi, qui per consequens *peccatorum clamantium* rei sunt, quos judicis supremi justitia non permittit abire impunitos; pro quibus sub ipso etiam N. T. *orandum* esse negat Joh. 1. ep. v. quippe qui ad *mortem peccarunt*. Talibus, tanquam humani generis pestibus, & latronibus, cum vi liceat resistere, iisque quævis mala infligere, cur orare nefas sit, ut cum effectu iis nos opponamus, & Deus conatibus nostris faveat, adeoque contra eos orare, equidem non video. 2. Sed præterea observari velim, preces contra hostes non legi fusas, nisi ubi de *voluntate* Dei constat, adeoque propheticarum interminationum & prædictionum habere conspectum, ut supra vidimus. 3. Accedit, preces illas non ex animo *vindictæ* cupido proficisci, quod semper damnandum est, sed gloriæ & salutis populi Dei studioso, ad ipsorum hostium commodum, ut, si aliter nequeant, per judicia Dei meliora discant.





P S A L M. LXXXIV.

1. *Praefecto super Gittit, filiis Corachi, Psalmus.*
2. *Quam dilecta habitacula tua! Jehova exercituum.*
3. *Desiderio tabefaciente & confumente anima mea desideravit atria Jehovæ: cor meum & caro mea tremulum & tinnulum sonabunt ad Deum vivum.*
4. *Etiam passer invenit domum, & palumbus nidum sibi, ubi pullos suos reponat, apud altaria tua, Jehova exercituum, rex mi! & Deus mi!*
5. *Beatos! qui inhabitant domum tuam, iterum iterumque Te laudabunt. Sela!*
6. *Beatum hominem! cui robur in Te est; in quorum corde sunt via trita.*
7. *Pertranseuntes vallem lacrymationis fontem ponent ipsum; etiam benedictionibus cooperiet pluens.*
8. *Ibunt e robore ad robur, donec conspiciatur ad Deum in Tsione.*
9. *Jehova, Deus exercituum! exaudi precationem meam, auribus accipe, Deus Jacobi, Sela!*
10. *Clypeus noster vide, Deus! imo vibrante oculo faciem uncti tui.*
11. *Quia potius die uno in atriis tuis limen domus Dei mei observare elegerim, quam mille habitare in tentoriis improbitatis.*
12. *Quia sol & scutum est Jehova Deus, gratiam & gloriam dabit Jehova, non prohibebit bonum ambulantibus integre.*
13. *Jehova exercituum! beatum hominem, Tibi confidentem!*

PROLE-

PROLEGOMENA.

§. I. Hoc in Psalmo illustris quidam Vir, Dei ejusque cultus flagrante studio ductus, introducitur, qui votorum pro tranquilla domus Dei in habitatione, quæ antea, cum hoc privilegio carebat, conceperat, compos factus, & singulare curæ Dei, in via ipsius ad hunc scopum dirigenda, specimen nactus, ac fiduciæ suæ in Jehova optatum fructum consecutus, summam hanc suam, aliorumque ejus beneficii consortium, felicitatem celebrat, ejusque perennitatem supplex petit; eo scopo, ut pii hoc exemplo & excitarentur ad Deo fidendum, in primis cum in similes casus difficiles inciderent, & cultus Dei exercitium quantivis pretii ducerent, adeoque nihil non agerent, ut hoc tanto beneficio in perpetuum fruantur.

§. II. Hæc quæ de *statu* personæ loquentis, de *argumento* & *scopo* Psalmi in brevem summam collecta, expressi, paulo accuratius & per partes sunt explicanda, & demonstranda, ut via ad Ps. intellectum sternatur. 1. *Status* personæ, hic loquentis, est læta domus Dei, Hierosolymis fundatæ, vel mox ædificandæ, inhabitatio, ac tranquillum cultus Dei exercitium, oppositæ ad statum præteritum, in quo hac prærogativa carens eam & ardenter expetebat, & per longam molestiarum seriem, solius Dei auxilio nixa, quærebat. Interpretes, ad duplicis hujus status criteria, ex Ps. mox eruenda, non adtendentes, personam sibi finxerunt, vel quæ gravissimis obstaculis a cultu Dei Hierosolymis prohibebatur, sive quod esset in exilio, domo Dei destructa, sive quod coram hostibus, Saulo aut Absolomo, (cogitant enim illi de Davide) fugeret; vel quæ per loca deserta & inhospita ad domum Dei tendebat, uti sacerdotes & levitæ Hierosolymam, ut in ordine suo servirent, adscendentes, ad quos Ps. adplicant. Atenim, licet Ps. in usum eorum, qui, non nisi multis difficultatibus sæpe superatis, Hierosolymam

D d d d d

adire

adire poterant, ut ex vers. 7 & 8. colligitur, de quo postea, sit compositus; praesens personae loquentis conditio erat *lata*, sicut hominis, qui votorum dampas factus est, longe diversa a praeterito statu, quo adpetebat, & quaerebat, hanc felicitatem. De praesente hoc statu testatur *a. argumentum & scopus* Psalmi, quo tum beatitatem suam & aliorum, domum Dei incolentium, & Deo fidentium, celebrat, tum suo exemplo salutare fiduciae, in Jehova positae, fructus explicat, ut piorum animos in similibus casibus erigat; de quo mox. *b. Versus* 3^{tius} utrumque statum complectitur; praeteritum his verbis, *desiderio consumente & tabefaciente desideravi atria Jehovae*; sic enim in praeteritum vertenda sunt; praesentem vero his, *cor meum & caro mea tremulum & tinnulum sonabunt ad Deum vivum*, h. e. laetas voces edent. Quae duo versus membra de uno eodemque statu capi nequeunt, tum quod diversi temporis verba, alterum praeteritum, adhibeantur, tum quod verborum diversissimus sit significatus, ut in versione expressi: de quo mox. *c. Accedit*, vers. 4^{to} *invenit avicula dandum*, &c. ad statum hujus personae adludi, ut suo loco observabo; adeoque innui, eam locum apud altaria Dei invenisse. Denique *d. cum* vers. 7 & 8. suo exemplo edoctus dicat, Deo fidentes per vallem lacrymantem ituros a robore ad robur, donec coram Deo in Tisione compareant; se eo pervenisse clare insinuat. Ne nunc *e. de* emphasi phrasios, vers. 10. *respice faciem uncti tui*, quae uncti praesentiam coram Jehova ex vers. 8. requirit, dicam: quia subtilius est, & forte dubium.

S. III. 2. Argumentum Psalmi est partim *gratulatorium*, partim *precatorium*. *a. In* priore, vers. 1—8. felicitatum suarum, & omnium aliorum, eodem beneficio gaudentium, statum, quo post tot desideria, tot labores & molestias exantlatas, Deo prope adesse in Templo & cultu ejus defungi sibi licebat, extollit, & multis praedicat. *β. in* posteriore preces pro status illius perennitate fundit, vers. 9—13. Et si

Et si enim precum exaudiendarum solam faciat mentionem; argumento eorum non memorato, ex seq. tamen haud obscure elucet, quid ipsi in animo fuerit; nimirum, ut dis versari liceret in domo Dei, nec unquam ad impiorum tentoria necesse haberet divertere.

§. IV. 3. De scopo Psalmi constat, tum ex ipso argumento, tum ex clausula, vers. 13. *Yehova exercituum! beatum hominem! qui tibi confidit*: adeoque huc redit, ut *o. fiducia*, in Deo rite reposita, a salutaribus effectis in genere commendetur. *β.* Cultus Dei studiosi, qui per multas molestias eo tendere debebant, corroborarentur, & ad Deo fidendum, nec de studio remittendum, excitarentur, suo exemplo admoniti, ut patet ex vers. 6—8.

A N A C R I S I S.

§. V. Cum Persona, ad quam monstrandam accedo, nomine suo non exprimitur, nec in Ps. titulo occurrat; ex *criteriis*, in ipso Ps. consignatis, de ea iudicandum est. Quæ itaque ante eruamus, quam de ea iudicium feramus, necesse fuerit. Sub manus mihi venerunt sequentia. 1. *Primum* est, hanc personam fuisse singulari prorsus affectu erga Dei cultum Hierosolymis peragendum præditam; ut ex toto Ps. elucet. Hoc enim bonum ardentissime desideravit, quum eo careret, hoc omnibus aliis bonis longissime præfert, ita etiam, ut vel dignitatibus quibuscumque renunciare voluerit, modo eo perenniter frueretur, vel infimo loco in domo Dei contenta. 2. *Secundum* habet, eam instar aviculæ & passeris aliquando extra hanc Dei domum debuisse oberrare; quod vers. 4. innuitur; ut suo loco patebit. 3. *Tertium*, pium hunc, Dei, ejusque cultus, amantissimum, per difficultia & molesta quævis grassari debuisse, ut hujus voti sui compos fieret, quod per *vallem lacrymantem* insinuat, vers. 7. 4. Hoc in statu eam a Deo, ejusque gratia & au-

xilio unice pendisse, & ei confidisse, *quantum* habet criterium ex eodem versu, & toto Pf., sponte sua sese offerens. 5. Denique eam vota sua tandem consecutam esse, & stabilem sedem apud altaria Dei accepisse, *quantum* docet criterium ex vers. 4, 8. & Pf. argumento facile eruendum. 6. Accedit postremo, non vulgarem, sed illustrissimam fuisse personam, cujus exemplum maximam vim habebat, adeoque, quod omnibus proponi merebatur; imo quæ *uncti* Jehovæ nomen eximie gerebat, vers. 10. *Si unctus* sit ipse ille, qui hic loquitur, & non alius; de quo mox.

§. VI. Personam quærenti, cui hæc criteria conveniunt, David & Ezras sese obtulerunt, quorum ratio hic haberi possit. Ezras, quo tempore cum insigni comitatu, litteris Artaxerxis munitus, Hierosolymam anno regis viimo venit, ut Jehovæ cultui operam daret, eumque instauraret, has lineas non male censeri posset præstitisse, quod ex Ezr. vii., ubi historia narratur, cum hoc Pl. comparato, cuique patebit. Ejus utique proprius character fuit *studium legis*; cui se totus dedit: oberravit instar aviculæ cum comitibus, & per varia rerum discrimina, unius Jehovæ sub tegmine tutus, per loca inhospita & siticulosa, inter medios hostes, Hierosolymam adpulit, ibique sedes fixit. Roboris quid addit huic cogitationi, quod Ezras fuerit persona sacra, ex genere sacerdotali; qualem videtur requirere tum illud inhabitare *domum Dei*, quod hic celebratur, tum phrasis, *limen domus Dei observare* vers. 11. Hæc licet magna specie sese commendent, duo tamen inprimis impediunt, quominus hic pedem figere ausim. 1. Unum est, quod præsens hujus personæ status hic fortunatior & tranquillior depingatur, quam in tempora Ezræ, periculosa, difficilia & tenuia, etiam corruptiora, quadret. 2. *Alterum*, quod magis stringit, titulus *uncti Jehovæ*, vers. 10. suppeditat, qualem nec in Ezra, nec alio ejus temporis reperio: ad quod accedit, *Davidis* vel *Salomonis* usitatum esse in Psalmis titulum.

§. VII. Mihi itaque, etsi Ezram oculis plane dimitti non-
 lim, tutius videtur eos ad *Davidem* flectere, in quo haud
 minore emphasi omnia criteria concurrunt; imo, cujus
 magis quam ullius character distinguens est *domus & cultus*
 Dei Hierosolymis ardentissimum studium; quod ubique in
 Ps., ut xxvii, xlii. & aliis expresit, & per omnem vitam
 demonstravit. Ipse etiam votorum compos evasit, sed non
 nisi post multas oberrationes, multa discrimina & graves
 molestias; id quod nemini non est notissimum. Modo te-
 neatur, ultima Davidis tempora præcipue in censum venire,
 post calamitates Absolomicas superatas, cum de Templo
 haud diu post ædificando esset certus, & ad illud essent
 omnia parata; ita ut censi possit, lætam illam conditio-
 nem sub Salomone, quam hic præcipue depingit, mente
 præcepisse. Primitiis quidem ipse est gaviscus, cum, malis
 omnibus superatis, cultu Dei coram *arca*, in Tione collo-
 cata, tranquille potuit defungi; sed plenam messem in Sa-
 lomone consequeretur; quo forte respicit vers. 10., de quo
 postea.

§. VIII. Hæc si obtineat hypothesis, quam Ps. explicatio
 corroborabit, & luce perfundet; eum Ps. xlii., cujus ad-
 pendix est Ps. xliiii., apte potuisse subjungi, observo;
 cum, sicut in illo tristis & calamitosus Davidis status sub
 Saulo vel potius Absolomo, quo, a sacris prohibitus, eorum
 desiderio flagrabat, & se ad Deo unice fidendum excitavit,
 depingitur, in hoc nostro digitus ad eum statum inten-
 datur tanquam præteritum, & præsentis felicitis ac tran-
 quilli, oppositæ ad præteritum illum, lineæ ducantur. Ha-
 bent etiam eandem fere inscriptionem, *Præcentori, filiis*
Korachi.

§. IX. Cujus tituli quis sensus sit, nosterque Ps. quem au-
 ctorem habeat, curiosius magis quam utilius inquiritur, &
 disceptatur; in primis cum. titulorum anceps ut plurimum
 sit explicatio. Prior tituli pars, *præfetto Haggittib, & præ-*
fectum musices, & melodiam Gittæam, unde etiam ita

dictam, signat; de quo ad Pf. LXXXI. jam egimus: posteriore in parte num *filii Korach* pro *cantoribus*, an *auctoribus*, sint habendi, dubium est. Mihi prius magis placet, ob rationes ad Pf. XLII. jam prolatas: quas non repetam. Sint itaque *filii Korach*, seu posterius ejus, *cantores*, quod eorum fuit officium. Quis sit *auctor*, non liquet, nec nostra interest: siue David ipse, siue alius, spiritu adflatus, qui eum introducit loquentem; quemadmodum poetis sæpe in more est, ut in personis aliorum carmina condant, perinde est.

E X P L I C A T I O.

§. X. In priore parte, ut ad Pf. explicationem accedam, in qua felicem suum statum præsentem extollit, vir cultus Jehovæ studiosissimus, qui hic loquitur, mox in principio erumpit in exclamationem, dicens vers. 2. *quam dilecta habitacula tua! Jehova Tsebaoth*, quæ de animo, adfectus plenissimo, testatur. Indicat enim, hinc auspicia sumens, sibi nihil optatius accidere potuisse hoc ipso bono, quo fruebatur, & postea magis gauderet in filio, qui Templum conderet, nihil homini pio esse felicius & magis diligendum. *Quam dilecta habitacula tua! Jehova Tsebaoth.* Adloquitur *Jehovam*, verum & proprium Israelis Deum, hoc nomine ab aliis sic dictis numinibus distinctum, Deum *veracem*, qui dictis & promissis plenissimam præstat fidem, uti Davidi præstiterat, eum ab omnibus malis liberando, & in felicissima conditione collocando; in qua nunc erat, Salomonem successorem habens, qui Templum ædificaret; & regnum longe prosperrimum haberet; præterea *Jehovam*, qui omnia promissa, populo Israelis facta, plenissime nunc partim implevit, partim impleveret. Sed, quare *Jehova Tsebaoth* seu plenius, *Jehova Deus Tsebaoth*, (Jehovæ enim nomen, uti notum, quod est proprium, statum constructum respicit,) id est *exercitus*? siue *celestium*, puta Angelorum, siue

sive terrestrium, puta Israelitarum, qui *castrorum* Dei epitheto ornantur: quod eo magis queritur, quia *quater* repetit in hoc Ps. Putem respici tum ad felicissimum omnium Davidis expeditionum successum, soli Deo acceptum ferendum, tum ad potentissimam Dii *protectionem*, qua regnum Davidis tutaretur, & intactum redderet, quo *clypei* titulus, vers. 10, 12., manifeste tendit.

§. XI. Loquitur de Jehovah *habitatulis*, eaque esse quam *amabilissima* pronunciat; ut mox in principio cantici insinuat, se jure meritissimo illa tanto ardore desiderasse, & nunc summam in eorum possessione ponere felicitatis, & gaudii. Domus Jehovah, quam nemo non hic intelligi videt, *a. tabernaculi* nomine, seu *tentorii*, qui vocis usus est, venit, sive quia Jehovahm adpellaverat *Deum exercituum*, cujus est *tentorium* inhabitare; sive quia *Templum* nondum erat, adeoque vox ea minus esset trita. *β. Tabernacula* in numero pl. dicuntur aedes Jehovah, sive quod variae essent partes, sive excellentiae ergo. Domus intelligitur, in qua Deus se, symbolice sistebat praesentem, ipseque publice & unice colebatur, & unde suas benedictiones in populum conferebat. Quae tritissima sunt.

§. XII. Explicemus potius summam hujus domus *amabilitatem*, quam hic tantopere praedicat Vir Sanctus, cum dicit, quam *dilecta habitacula*, tua scilicet, & *mibi* sunt, & omnibus esse merentur. Notio enim est relativa, dicitque objectum amoris & dilectionis aliorum. Quod cum praestantissimum & utilissimum, quo amor noster excitari solet, nobis obversari debeat; in *Tabernaculo* seu *habitatulis* Jehovah tale quid deprehenderit vir sanctus, necesse est. Non illud longe querendum est, modo oculis ab externa aedificii specie, quam splendida etiam & gloriosa, quippe quae non nisi carnalibus hominibus imponere potuerit, abstractis, *scopum* & *usum* horum habitaculorum ad animum revoce-
mus, quo Dei inhabitationi in medio populi, ejusque *cultui* ibi unice exercendo, interserviebant. Etsi enim *symbolica* fue-
rit

rit inhabitatio, & cultus externus ac ritualis, attamen; erat veri Dei cultus legitimus, a Deo præscriptus, in quo qui sese occupatum tenet, is se Deo præstabat obsequiosum, & eo nomine acceptum, 2. adeoque habebat hic cultus secum *bona* fœderis, quod Deus cum Israele pepigerat, conjuncta: 3. in specie, cum hæc habitacula essent Hierosolymæ adligata, regni Davidici perpetuam successionem & prosperitatem obsignabant. 4. Nec hæc sola erant privilegia, & bona hinc expectanda, verum qui ex vera *fide* & sincero in Deum adfectu his sacris defungebantur, ut oportebat, de summo & æterno Dei favore certi erant, & quævis bona Spiritualia, quæ fœderis gratiæ promissa audiunt, sibi promittere poterant. 5. Quocum proxime cohæret, sacra hæc omnia fuisse mystica & typica, Messiam, ejusque oeconomiam, depingentia; quæ ut præstantissimam meditationum materiam, sic & fidei ac spei firmamentum ac pabulum suppeditabant longe saluberrimum.

§. XIII. Hæc eorumque similia, Davidi fuisse animo obversata, tum ex hoc ipso Pl., tum Pl. xxvii: 4. ubi dicit, se unice quæsisse domum Dei incolere, *ad videndam amoenitatem Jeshovæ & inquirendum in Palatio ejus*, tum ex ipsa piissimi viri indole, facile elucescit. Quam ob causam hæc habitacula Dei jure meritissimo adpellaverat *amabilissima & exoptatissima*: quo ipso significat, se & sano de Deo, rerumque pretio, præditum fuisse judicio, & vera fuisse imbutum *pietate*, in specie, oculos non esse fulgore Majestatis & splendore regni præstrictos, nec gloriam ac potentiam ambiisse, sed Dei gloriam, ac cultum, præcipue quæsisse, & in Dei præsentia ac favore summam felicitatis suæ collocare; adeoque sibi unice in votis fuisse & esse, ut Deo sese adprobare queat; totamque vitam sub Dei oculis degat, & ad ejus voluntatem componat. Non enim existimandum est, virum pium tanta fuisse infectum superstitione, tamque abjecte de Deo sensitse, ut virtutis, officiorumque boni viri, nulla vel exigua habita ratione, so-

lo cultu rituali, in domo Dei exercendo, contentum, ejus favorem consequi se posse putaverit. Quæ pestilentissima est hominum inepte devotorum, & carni potius quam Spiritui & rationi litantium, opinio, qua *separant quæ Deus conjunxit*. Quibus ædes Dei sunt *amabiles*, & *cultus* Dei iis adligatus delectabilis; illorum animus a Deo non potest esse alienus, nec Deo sanctissimo, & omnis virtutis normæ ac exemplari, dissimilis. Quid enim *luci cum tenebris*? sancto Deo cum iis, quorum animæ & manus impuræ sunt?

§. XIV. Cum Vir illustris, & cultus Dei studiosissimus, sibi aliisque Dei amantibus, nihil in hac vita optatius & felicius inhabitatione in tabernaculis Jehovæ accidere posse, per modum exclamationis, vers. 2. testificatus esset, nunc accuratius exponit, κ. quo animo fuerit, cum hoc tanto bono carebat, vers. 3. in priore membro. α. quanta lætitia in præsentia sit adfectus, hac prærogativa mactatus, vers. 3. membro posteriore, & vers. 4. Quando α. beatos prædicat tum domus Dei incolæ & adcolæ, vers. 5. tum eos, qui hoc suo exemplo animati Deo fidant, nec vel in difficillimis casibus animis despondeant, addito promisso favoris Dei, quo votorum compotes sint futuri, vers. 6--8.

§. XV. κ. Summum animi desiderium, quo in Dei cultum Hierosolymis tempore præterito calamitoso fuit adfectus, his verbis vers. 3. exprimit. *Desiderio tabefaciente & consumente anima mea desideravit atria Jehovæ*, sc. tempore afflictionis & fugæ præterito, quo mihi Hierosolymam adire, aut cultu Dei legitime defungi, non contigebat: id quod supra observavi. Verba Hebræa non nisi in animum, quem rei amatæ desiderium, quod expleri non potest, cruciat, quadrant; adeoque statum Davidis, ad quem hoc canticum adplicamus, pingunt, quo hac prærogativa carebat, partim vi præpeditus, partim aliis negotiis, quæ manum domui Jehovæ admovere prohibebant, implicitus. De quo mox, posteaquam sensum & emphasin verborum in lucem produxero.

E e e e

§. XVI. Lo-

§. XVI. Loquitur de *atriis Jehovæ*, seque flagrasse eorum *desiderio* testatur. *Atria Jehovæ*, vel plenius *domus Jehovæ*, quæ duobus *atriis* *exteriore*, & *interiore*, illo in usum populi, hoc Sacerdotum & Levitarum, ut notum est, ornata erat, hic ipsam *domum Dei*, & *cultum*, cujus maxima pars, in atriis exercebatur, comprehendunt; quod *tralatitium* est Majoris fuerit, vim verborum, quibus *desiderium* explicatur, quæ haud spernenda est, tradidisse. Prius verbum, cujus proprietas est in *pallore*, qualis color est *argenti*, de quo derivatum usurpatur, ad animi adfectionem, quam *desiderium* vocamus, translatum, non qualecunque, sed *vehementius* signat, quo quis *tabefieri* dicitur, vel qui faciei & corpori eum inducit colorem. Dicit itaque proprie *tabifico colore infectus fui* ob atria Jehovæ, h. e. vehementissimo flagravi desiderio; ut Gen. xxxi: 30. Alterum verbum *אכל*, quod *consumere*, in specie *consumptione* tabis, denotat; ejusmodi quoque desiderium, quo vigor animi & corporis evanescit, ob oculos ponit, ut Ps. cxliii: 7. cxix: 82. & alibi sæpe. Emphasin non minuit vox *anima* addita, quæ desiderii *subjectum* continet. Illa enim, a rad. *respiravit*, proprie *flatum*, *spiritum*, inde *anhelans desiderium*, vel animam eo adfectam, denotat.

§. XVII. Cuncta eo tendunt, ut veri, vivi, summi, & amplius non ferendi, desiderii lineæ ducantur; adeoque Davidis animus hoc adfectu flagrans ob oculos ponatur, quo tempore 1. extra domum Dei oberrare debuit, sive sub Saulo, sive sub Absolomo. 2. Deo Templum erigere, perpetuis bellis fuit prohibitus: donec sub finem vitæ in certam spem Templi, brevi condendi, venit, eaque spe se lætavit, imo tanquam impleta lætatus est; quando hic Ps. est compositus. Spiravit per omne illud tempus hunc animum, ut ex ejus historia, & multis Ps., nemini non notum est. Huc semper vota collinearunt, non tam ut regno potiretur, quam ut Dei cultum, misere collapsum sub Saulo, instauraret non tantum, sed quam celeberrimum redderet.

§. XVIII.

§. XVIII. 3. Huic ardenti desiderio successit alius, nec minoris vehementiæ, adfectus, sed lætior & jucundior, *lætitiæ* sc., ex boni optati possessione, partim præsentē, partim mox futura sub Salomone: quem adfectum expromit vers. 3. ejusque *rationem & causam* vers. 4. Verba vers. 3. ita sonant: *cor meum & caro mea tremulum & tinnulum sonabunt ad Deum vivum*, sc. eum lætis vocibus invocando & celebrando. Quem sensum fundit constructio, ad *Deum vivum*; quæ, ex frequente particulæ *ad* usu apud Hebr., etiam verti potest, *de Deo vivo*, ut Jes. xxxii: 6. Job. v: 8. xlii: 7. 8. & alibi. Intelliguntur *preces & cantica*, sive ad Deum, sive de Deo, sive ad quid petendum, sive gratias agendas, sive Deum glorificandum: quæ pia erant piorum in domo Dei exercitia præter cultum rituale, & cum eo conjungi solita. Quo vir pius indicatum voluit, se in externis ritibus non acquiescere, sed *Deum* ipsum in animo & oculis habere; suumque adfectum, & gratum & Deo dicatum, omnibus modis explicare velle. Non sine emphasi *Deum vivum* adpellat, ut ab *idolis*, Diis mortuis vel nihili, distinguatur, & *omnisufficientia* Dei, qua & vult & potest omnibus desideriis nostris sufficere, sine quo amor & cultus Dei vix possunt subsistere, in animos nostros defigeretur. Ceterum lætum animi adfectum, non qualemcunque, sed purissimum & vehementissimum, designat verbum, quod verti; *tremulum & tinnulum sonabunt*, propriam verbi notionem secutus. Est enim רָנ inter nomina a sono ficta, sonum *tremulum & tinnulum* sonans, in רָנ enim *tremulum*, & in duplici רָנ *tinnulum* est; unde ad *lætitiā* transit, in qua similis inest vocis modulatio. In rem est, quod Ps. lxiii: 6. occurrit. *Velut adipe & pinguedine satiata est anima mea; & labiis tremulis ac tinnulis laudabit os meum*: quod hic brevius & concisius dicitur, *cor meum & caro mea læta sonabunt*. Quæ duo conjuncta, sicut totum hominem significant, ita lætas voces non corpore solum & ore, sed *animitus* esse edendas indicant. *Labiis* enim et ore Deum honorare, *corde* alie-

no, vel longius remoto, eorum est, qui Deo illudunt, & hominibus imponunt.

§. XIX. Hisce cum dicit officiis se *defuncturum* esse, verbo fut. temporis, præsentis status continuationem, quin amplificationem, intendit; & id, quod jam hoc tempore agebat, continuo, imo in posterum amplius, esse facturum, declarat. In præsentia, cum *arca* Dei in Tsione sedes habebat, & David pacifice ac tranquille degebat Hierosolymis, omnibus laboribus & molestiis superatis, cultu Dei cum lætitia occupatus erat, & in precibus, ac canticis componendis, Deoque accinendis, totus erat; nec ab hoc officio ad finem vitæ desisteret; quin, Templo a Salomone erecto, magis & amplius hoc ageret, tum per cantica sua, quorum tunc præcipuus foret usus, tum in Filio & piis ex populo.

§. XX. Sed unde illa læta animi adfectio? ex tranquilla inhabitatione loci, cui veri Dei cultus erat adligatus, qua & ipse & totus populus, ad minimum & vilissimum usque, post multas oberrationes & sollicitudines, molestiasque, fruebatur. Quam vers. 4. his verbis proponit. *Etiam passer invenit domum, & palumbus nidum sibi, ubi pullos suos reponat, apud altaria tua, Jehova exercituum, rex mi! & Deus mi!* Multi in *sensu* & *scopo* versus constituendo multum laborarunt, cum nec qua ratione *passeres* & *oves* in tabernaculo, quin altari, nidificare dicantur, nec quid hoc ad rem faceret, explicare potuerunt: quorum conatus nunc misos facio, cum, fundamento destructo, & vero sensu in lucem protracto, nihil hic difficilis supersit. Interpretes in errorem abduxit, quod *passerem* & *palumbum* proprie & litteraliter acceperint, cum emblematicè & inproprie hic occurrant: quid enim *passeribus* cum *altari*? quid *aves* memorasse adinet? aves nidificantes in altari nos ad desolationem domus Dei potius, quam frequentiam & prosperitatem ducerent. Quid multa? David se & quoscunque ci-ves, etiam vilissimos, hic cum istis aviculis comparat, seque

seque instar earum fixas & tranquillas ac tutas sedes prope ipsum altare Dei post longas oberrationes & varias vicissitudines accepisse, significat. Est acsi dicat: sive, *etiam sicut passer* invenit domum & *palumbus* nidum, sic ego *apud altaria tua*, sive, *etiam passer*, qui ipse ego sum, & mecum alii, etiam vilissimus quisque, *invenit domum apud altaria tua*. Prius si obtineat, apodosios & protasios particulæ deerunt, & pertinebit ad classem *similium implicitorum*, ut Gegerus recte observavit; posteriore sensu, vox *passeris* & *palumbi*, non proprie, sed figurate erit intelligenda; quo nihil in Script. est usitatus: imo ipse David se & alibi comparavit avi fugitivæ, & incertis sedibus vaganti, 1 Sam. xxvi: 20., & ipsi quoque vulgo illud fuit hoc simili, ut est Ps. xi: 2. *quomodo dicere poteritis de anima mea, eam vagari per montem instar aviculæ*.

§. XXI. Hac ratione recte cohærebit oratio, & versus noster conditionem Davidis præsentem, oppositam præteritæ calamitosæ, tutam & prosperam depinget, quæ lætas voces peperit, tanquam ei apte congruas: qui nexus clarior erit, si mente voculam *quia etiam passer* &c. intelligas: quod sæpe contingit. Comparatio instituitur inter *passerem* & *palumbum*, post varias oberrationes tutos nidos nactos, ubi pullos reponant sine metu & periculo, & *Davidem*, stabilem & tranquillam sedem prope altaria Dei, tanquam *asyla*, consecutum pro se & *domo* sua in seram posteritatem. Simile petitur a *passere* & *palumbo*. Prior enim vox in genere *avem*, a rad., quæ *sibilavit* denotat, sed usu suo *passerem* in specie; posterior vero *palumbum*, vel *turturem*, columbæ sylvestris genus, uti Vir in hoc studiorum genere summus, Bochartus, docuit. Aves itaque palabundas, incertis sedibus vagantes, simul viles & imbecilles, hic memorat, ut pristini sui status memoriam renovaret, & beneficium, quo mactatus erat, illustrius redderet.

§. XXII. Harum enim avicularum instar nunc *domum* & *nidum juxta altaria Dei* acceperat, h. e. tutum & tranquillum domicilium in ipso illo loco, ubi *altaria* Dei erant; non enim *ipsa altaria* pro *domicilio* haberi vult, ut male accipitur, sed pro loco sedibus suis proximo: quod particula *ne* facile admittit. *Altaria* in plur., duplicis *altaris*, holocausti & suffitus, respectu. Sed quare *altaria*, & non *domum Dei* memorat? tum, ni fallor, quod media essent reconciliationis & unionis hominis peccatoris cum Deo, tum quod præcipua cultus ritualis pars in *altaribus* exerceretur, tum quod *asylorum* habuerint prærogativam; ubi quis tutus & securus esse censebatur, quod huc recte quadrat, tum denique, quod chori cantorum circa altare versarentur ad sacros cantus Deo tempore sacrificiorum accinendos: quo respicitur Ps. xxvi: 6, 7. *lotis manibus circumibo altare tuum ad lætis & claris cantibus laudes tibi canendas, & mirabilia tua enarranda.*

§. XXIII. Significat itaque his verbis 1. se *stabilem & fixam* sedem consecutum esse, 2. tranquillam & tutam sub Jehova summi regis, & veri Dei, tutela. 3. pro se non tantum, sed & *familia & liberis*. 4. a loco cultus Dei non remotam, sed propinquissimam, in ipsa religionis *sede*, Hierosolymis adligata. 5. adeoque se votorum esse compotem factum, & cultus Dei exercitio continuo fore occupatum. 6. Denique peculiari prorsus Dei beneficio; eo majoris faciendo, quo vilior ipsius fuerat & calamitosior conditio pristina. Quo respicit particula *etiam*; *etiam passer invenit* &c. 7. Addi potest, non se tantum, sed quosvis alios cum ipso, in hoc beneficio partem habere; toto regno tranquillo & tuto, & religionis exercitio publice constituto; ita ut, quicumque voluerit, nidulari quasi potuerit juxta altaria Dei. Etsi enim ad Davidem directe & summa emphasi versus pertineat; nihil tamen impedit, quominus ad *cives* totius regni extendatur, ne vilissimis exceptis, imo proselytorum, qui tempore Davidis & Salomonis haud pauci fuisse videntur ex *vicinis* populis, ratio quoque, habeatur

habeatur; ad quos avium, in deserto vagantium, emblemata recte applicatur. Quod verbo tetigisse suffecerit.

§. XXIV. 1. Delinit in felicitatis eorum, qui domum Dei inhabitant, prædicatione, per modum exclamationis prolata, quacum vers. 2. inceperat; dicens vers. 5. *Beatos! qui inhabitant domum tuam: iterum iterumque Te laudabunt:* quatenus sc. ipsis nec unquam *materia* Te celebrandi, nec *animus* ad id pronus, deerit. Indicat, 1. piis abundantissimam esse Dei laudandi *materiam*, quæ laudes continuas & perpetuas producere potest, quam & præterita, & præsentia ac futura, Dei *beneficia* & opera præbent copiosissimam. 2. Hoc esse dignissimum & præcipuum religionis in domo Dei exercitium; sine quo *ritus* quicunque alii minoris vel nihili faciendi sunt. 3. Ad pia & sancta hæc officia pronissimis animis confluere sanctos, & veros Dei cultores; quorum hoc est proprium, ut in laudando & celebrando Deo & terti & semper sint, aut esse gestiant. 4. Res regni sui ita esse dispositas, ut domum Dei ejusmodi laudationibus & hymnis ac Psalmis esse celebrandam prævideat, sibi quoque certo promittat.

§. XXV. 5. Possit itaque vel hoc ipsum ob exercitium *beatos prædicari eos, qui domum Dei inhabitant*, sive sacræ, sint personæ, quarum hoc est proprium munus, sive cujuscunque conditionis, status, sexus & ætatis, aliæ. Et si enim domum Dei inhabitare propria sit Sacerdotum & Levitarum, nihil tamen vetat, quoscunque alios comprehendere, qui domum Dei frequentare amant, sive sedibus Hierosolymæ fixis quotidie in domo Dei compareant, sive instar *Annæ* ex Templo non discedant, *jejuniis & precibus noctes atque dies Deum colentes*, Luc. 11. sive, quoties occasio sese offerat, cultus Dei partibus assidue & sedulo fungantur. De quibus omnibus dici potuit, eos *inhabitare domum Dei*; ut facile patet, in primis quum sub V. T. *Templum* unica & communis esset religionis *sedes*, quam quisque

quisque ut *suam*, vel sui Dei, domum respiciebat, & incolebat, licet semper non adesset præsens.

§. XXVI. Sed quare illos *adeo beatos*? ut in hanc exclamationem erumpere potuerit Vir pius; *beatos!* &c.
 1. Quia tranquillum hoc religionis exercitium in domo Dei erat *felicitatis* temporum, & *favoris* Dei, quo populum prosequabatur, luculentum signum. 2. Animi pii & Deo devoti, eoque nomine Deo grati, indicium est 3. pia sunt & Deo accepta exercitia, quæ cum *benedictione* Dei sunt conjuncta. 4. Quia media sunt *sanctificationis* & *consolationis*. Attamen non quaecunque cultus Dei exercitium hic intelligendum est, quod quis facile perspicit, & Pl. ipse indicat, verum a *piis* *pæ* factum, &c.

§. XXVII. Quod Messias, Davidis antitypus, singularem fiduciæ suæ in Jehova fructum consecutus, quo hostium persecutionibus ereptus summa gloria erat *maclatus*, suo exemplo discipulos, Dei reverentes, ad eandem fiduciam excitans, Jes. L: 10. *Ecquis inter vos reverens Jehovæ & auscultans voci servi ejus; qui ambulaverit in tenebris, & cui nullus splendor; confidat in nomine Jehovæ, & inmitatur Deo suo*; idem nostro textu facit David, exemplum suum, utpote singulare & illustre, ac publicum, civibus suis ob oculos ponens, ut in illud, tanquam in speculum, intuentes, fiduciam ejus in difficilioribus casibus imitati, certam auxilii Divini spem concipiant. Cum enim conditionem suam adfectam præteritam, & felicem præsentem, qua votorum compos factus fuerat, seseque fiduciæ suæ in Jehova uberrimos carpisse fructus explicuisset: se nostro textu ad beatitatem eorum, qui Deo fidunt, prædicandam convertit, iisque, si in similia incidant discrimina, divinam opem & liberationem exemplo suo promittit; simili ab iis ducto, qui vallem aridam, ubi nulla vel exigua aqua, transeuntes, uberrima pluvia a Deo irrigati, & refocillati, viribus semper auctis in locum optatum læti veniunt, Deoque coram fruantur. Comprehendit pericopa *κ.* propositionem vers. 6.
 2. Ejus

2. Ejus illustrationem & ad singulares casus adplicationem, vers. 7, 8.

§. XXVIII. 1. *Propositio*, vers. 6. quæ sonat, *beatum hominem, cui robur in Te est, in quorum corde sunt viæ tritæ*, sententiam continet cum adjuncto simili, quo pars ejus, vel tota, ulterius explicatur, adeoque *a.* ex nuda sententia *β.* adjuncto constat. *a.* Nuda sententia est, *bene homini, cujus robur in Te est*, sc. o Jehova! in quo adloquendo hic pergit. 1. *Hominem* adpellat, de quo loquitur, 2. *characteristica* qualitas, a qua ipsum describit, est *fiducia in Deo*. 3. *Beatum* prædicat eum, qui ea qualitate est præditus. 1. Non sine ratione *Adami* nomine eum insignit, ut tum de *quocunque*, tum de *imbecilli* cogitaremus. *Homo* enim, nomine ab Adamo repetito, *a.* qualemcunque sine discrimine, si-ve divitem, si-ve pauperem, si-ve vilem, si-ve dignitate illustrem, si-ve servum, si-ve liberum, in genere qualemcunque *Adami* sobolem, significat. *b.* In specie ad *miseriam* & infirmitatem hominis nos ducit, ut Ps. viii. & cXLVII. Ps. ix. 22. *Opposite* ad *Deum*, ut *homo* & non *Deus* Jes. xxxi. Quod huc recte quadrat, ubi homo felix pronunciat, qui non in se, utpote infirmissimo, sed *Deo* fiduciam ponit.

§. XXIX. 2. Quæ *characteristica* ejus qualitas, quæ ab aliis sui similibus distinguitur, exprimitur elegante & emphatica phrasi, *cujus, vel cui, robur in Te est*: quæ *a.* intrepidus & firmus ejus animus, nullo periculo, malo, aut metu, frangendus, *b.* firmissimum subsidium, & insuperabile robur, quo quævis mala & obstacula superare, & de quibusvis hostibus triumphare potest, expingitur. Sed unde utrumque hoc, & animus firmus, & invictæ vires, in homine imbecillo? non ex se, aut alia aliqua creatura; sed a *Jehova*: in quo ejus robur esse dicitur; tum *ipsi* *fidendo*, tum *ipsius auxilio* & protectione gaudendo. Ipse enim sicut est *potentissimus*, cui nihil est impossibile, nihil resistere potest, ita, totius Scripturæ & naturæ consensu, unicum *hominis* robur; Ps. lxi. 12. *Semel locutus est Deus, bis illud*

Fffff

audi-

audivi, robur esse Dei; sed non nisi hominis ipsi fidentis; ab-
que quo esset, mortalis nec firmo foret animo, nec dignus;
cui Deus *robur* suum commendarèt, tum quod Deum non
honoret, qui eum, sive quod non possit, sive quod nolit,
dignum non esse cenlet, cui se suaque committat, tum
quod Deo gloria gratiæ denegetur ab eo, qui Deo non filius
ejus ope fruitur.

§. XXX. 3. Hic jure merito *felix & beatus* a Vate pro-
clamatur, sive ad *fiduciam* ejus in Deo, sive ad *robur Dei*,
quo gaudet, respiciatur. Quod posterius cum luce sua ful-
geat, ulteriore demonstratione non indiget. Ecquis enim,
nisi Atheus, & Epicureus, sive opinione, sive praxi, cum
non judicet ter quaterque felicem, quem Deus omnisuffi-
ciens & omnipotens suo robore fulcit, sua cura ducit, suis-
que divitiis cumulat? si Deus pro nobis, quis, quidve, contra
nos? Sed quare *beatum*, qui in ipso collocat *fiduciam*? tri-
plici, in fallor, nomine; primo, quod Deus non nisi sibi fi-
dentibus robur suum præstat. Est enim inter Deo fidere,
ejusque robore frui, certus nexus; ita ut nemo patrocini-
um Dei sibi vindicare possit, nisi ipsi firma adhæreat fiducia,
nemo ipsi fidat, qui *erubescit*, ut cum Ap. Rom. v. loquar.
Qui nexus, ut multis exemplis ab Ap. Heb. xi. est confir-
matus, sic haud difficulter perspicitur ab eo, qui sine *fide*,
unde *fiducia*, Heb. xi: 1. neminem Deo placere posse resc-
verit. *Iustitia & robur Dei* est in Christo, vero Deo & u-
nico servatore; cujus unio nos Deo conjungit. In ipso
enim cognoscimus & habemus Verum Deum, cum ipse sit
verus Deus & vita æterna. 1 Joh. v: 20.

§. XXXI. Secundo, quia sine hac fiducia nullum verum
animi robur, nulla, quæ hoc nomen meretur, *intrepiditas*,
nullus vigor, nulla in periculis *constantia*; nulla virtus he-
roica Christiana: sed, contra, nil nisi pavor & metus, tre-
pidatio, & anxia sollicitudo. Quid quæso inbecillo, &
omnium indigo, homini *animi* erit, nisi obrutuerit & dedo-
nerit, qui hac *fiducia* destitutus, vel præsentibus malis ob-
jicitur

jicitur, vel futura videt imminencia? quid in doloribus, afflictionibus, paupertate, persecutionibus, morbis, & morte, quid in iudicio Dei, ipsum, sustinebit; ab hac una si discesseris fiducia? Quid audebit præclari, quod edet laudabile facinus; quid, ut periculis caput objiciat; accendat eum, si hæc non adsit fiducia? Sed *tertio*, ne in re tam clara, totque sanctorum exemplis confirmata, diutius verfer, quia vera in Deo fiducia omnem virtutem, omnem tranquillitatem, & consolationem ambitu suo complectitur. Errant, errant graviter, sibi & aliis turpiter imponunt, qui in animo pietatis & virtutis minus studioso hanc fiduciam habitare autumant; aut sine illa consolationem percipi posse fingunt: quod idem esset, ac si mala a conscientia morsus ejus sejungas, aut eam æque ac bonam hominem absolvere dicas, quod ebriam addere sitienti, Deut. xxx. malum bonum, tenebras lucem, adpellare, in Script. notatur; & cum *væ* ac diris execrationibus reprehenditur. Ne erremus, vera fiducia in Deo non est cujusvis, sed hominis pii, & Deo devoti, qui *vivam*, charitatis & bonorum operum plenam, seu *frugiferam* possidet fidem. Vera est, & non ficta, aut temere concepta, fiducia, quæ in solido posita est; quæ Deo placet, & voluntati ejus convenit, quæ ex unione cum Deo oritur, quæ animum, ab omni carnali securitate abhorrentem, reddit tranquillum, & cum plena acquiescentia est conjuncta, quæ denique explorata omni auro purior enitescit. Secundum quæ principia qui iudicium instituerit, is profecto fiduciam & impietatem haud magis consistere posse, quam lucem & tenebras in Deo, clare perspexerit.

§. XXXI. Sed & ipse poeta per *adjunctum* sententiæ, in quorum animo sunt viæ tritæ, ut beatitatem, cum fiducia connexam, sic animi, in quo hæc fiducia habitat, qualitates, clarissimæ luci exponit. De quo nunc agendum est: Phrasis, in quorum corde sunt viæ tritæ, (h. e. in singulorum & omnium, singularis enim numerus in membro prior, & plur. in posteriore, qui hic alternantur, unumquem-

que, seu singulos & universos, denotat,) *via plana, æque, rectæ* & *subactæ*; proprie, *viæ strata & aggerata*, seu publicæ & *regiæ*, quarum eæ sunt, quas exhibui, qualitates: hæc inquam phrasis *duplicem* admittit interpretationem, *alteram*, quæ certam persuasionem de felici rerum suarum successu, ut qui viam planam et facilem insistit, significat; quo Pl. 1: 3. & *quicquid faciet, prospere fluet*, respicitur, oppositæ ad viam inpiorum, quæ *peribit* vers. 6. *alteram*, quæ animi, Deo fidentis, *dispositiones*, & *qualitates* comprehendit, similes *viæ planæ et triatæ*. *Posterior* ad animi, qui Deo fidere potest, descriptionem pertinet. Utræque ex seq. versu quid roboris acquirit; ut mox patebit. Sed in *posteriore*, cujus præcipuam rationem haberi existimaverim, illustrandâ aliquid operæ ponamus.

§. XXXII. *Via plana* sunt, quæ nullis offendiculis horrent, non *distortæ*, sed *rectæ* sunt, sine *montibus* tumulisve, sine *vallibus* et *cavatibus*, *æqualiter* dispositæ, ut Jes. xl. explicatur; *viæ* itaque *rectæ*, *æquæ*, faciles et *planæ*, ac *subactæ*, uti sunt *regiæ* et *publicæ*. Quæ, *animo*, vel *cordi*, adtributæ, similes ejus *dispositiones* et *qualitates* denotant, secundum quas homo in omnibus actionibus incedit, ut *scopum* adsequatur: quam ob causam *viæ* dicuntur. Animi itaque ductus expinguntur, in quo nihil est elati aut depressi, nihil perverſi aut tortuosi, nihil inæquale, aut quod offendit: adeoque qui 1. nec meritis et viribus suis superbit, quæ est animi *elatio*, Deo exosa, nec peccatorum sensu, & prostratarum plane virium opinione, nimium humilis & abjectus est, & flaccidus jacet, vigore & nervis prorsus destitutus, quæ est animi *depressio* & desperatio aliqualis, haud absimilis *valli*, & *profunditati*. 2. Qui a præjudiciis liber, & adfectibus subactis, de Deo & via salutis recte sentit, & veritati ac virtuti unice litat, nullis offendiculis, spinis, aliisque salebris horridus. 3. Qui æqualis est, & sibi constat, sibi semper similis; non hic rectus, ibi tortuosus, & in devia recedens; sed planus, sine hypocrisis, et recessibus; animus æquus et simplex: adeoque cujus
idem

idem semper scopus, eadem agendi norma, eadem, et sibi congruæ, actiones; in quibus nullæ sunt contradictiones se mutuo evertentes. 4. Denique animus in veritate & virtute callens, subactus continuis actibus, tanquam totidem *vestigis*, tritus, & habitu præditus; in quo notiones veri & iusti ac æqui alte infixæ hærent; in quo via est antiqua regia, & publico hominum, conscientia litantium, consensu firmata, cui lex regia amoris Dei & proximi est inpressa, quam ubique præfert & observat.

§. XXXIII. 1. Hoc animo qui ornatus est, sicut Deo jure & solide fidit, ita quibusvis casibus, in quos incidet, etiam difficilioribus, superior incedit, & scopo non excidit. Quod vers. 7, 8. his verbis proponitur. *Pertranseunt vallem lacrymationis fontem ponent ipsum; etiam benedictionibus cooperiet pluens: ibunt e robore ad robur, donec conspiciatur ad Deum in Tzionem.* h. e. Vel per medias afflictiones, & multa discrimina rerum, omni ope humana orbi, sed Deo confisi, ejus spiritu corroborati ac recreati, sine ulla lassitudine, nedum animis despondentes, quin novis identidem viribus aucti, iter suum ad Deum ejusque arctissimam communionem alacres persequentur, donec in conspectum ejus veniant, & in habitacula Dei salvi adpellant, figurate & umbratice in Tsiōne, sed vere & *σωματωδῶς*, ut cum Ap. loquar, in Ecclesia, perfecte in cœlis erecta. Pericopa enim primo sensu ad eos pertinere videtur, qui studio Dei Hierosolymis colendi & fruendi acti, eo non nisi post multos labores exantlatos, & varias difficultates, unde unde etiam natas, superatas, pervenire possunt. Sed sese latius ad omnes porrigit, qui per similes angustias ad arctissimam Dei communionem, partim in hac vita, partim in futura, tendunt. *Præ* ex Pf. argumento & scopo facile elucescit; *posterior* e spirituali Tsiōnis, & inhabitationis Dei symbolica, intellectu eruendum est; nec nisi ab iis inprobabitur, qui in cultu rituali nihil mystici nihil sublimis esse, contra claram Script. doctrinam & ipsam re-

etiam rationem, absurde opinantur, quibuscum mihi nihil negotii nunc est.

§. XXXIV. Offert sese hic *α*. status eorum qua externus qua internus, *β*. promissum de felici successu itineris ipsorum. *α*. Satus peregrinantium his verbis in primo membro ob oculos ponitur. *Transeuntes vallem lacrymationis ponent ipsum*, sc. Jehovam, *fontem*. h. e. ipsi fident, & ab ipso opem expectabunt, qui tritas in animo semitas habentes per multa difficilia transire debent. Simile petitum est ab iis, qui per vallem aridam aquæ penuria laborantes pergunt, nec tamen desperant, aut fatiscunt, sed Deum pro fonte suo, quo irrigentur & refocillentur, habent. Relativum enim in phrasi, *ponent eum*, ad Deum pertinere, ex textu & re ipsa clarius est, quam ut esse dubium debeat. Prior membri pars *statum externum*, posterior vero *internum* describit. 1. *Vallis lacrymationis*, ut verti debet, est, ubi tenuis tantum aquæ vena manat, & vix guttulæ humoris reperiuntur. Sic Lat. *flere* dixerunt ea, quæ *guttas* emittunt, & Orientalibus *puteus lacrymans* audit, quo tenuissima fudat & flet aqua, Job. xxviii: 11. *a fletu flumina ligat*, sc. ut ne gutta exeat *a*. Interpretibus crucem fixit, quod verbum Hebr. hic cum *α*, & non *η*, in fine veniat; cum *ננה* sit *flere* Hebræis. Sed ipsos præteriit, *ננה* & *ננה* unam eandemque lacrymandi potestatem habere, cum hoc solum discrimine; quod *ננה* *fletum* proprie dictum magis exprimat, verum *ננה* *fletum* suum inproprie extendat ad loca *guttis flentia*, ut Lucretius loquitur. Ergo hic rectissime cum *α*, ubi de *valle lacrymante* sermo est: quod verbo hic observasse suffecerit. Num vero ad Davidem coram Absolomo Hierosolymis fugientem, & per *adscensum olearum* incedentem ac *flentem*, 2 Sam. xv: 30. simul respiciatur, nec adfirmaverim, nec negaverim. Sensus emblematicus non est in difficili positus, quare uno verbo defungar. *Vallis*, sicut *statum depressum*, & abjectum; ita *vallis lacrymationis* eum cum multa *miseria* conjunctum,

• *α* Vid. Cl. Schultens ad 1 c.

conjunctum, & nullam vel exiguam consolationem præbentem, expingit. Statum itaque contemptus, afflictionis, & multiplicis miseriæ, in quo nihil, quod animum recreare, aut desiderii satisfacere, spem alicujus boni facere potest. Quod alla metaphora dicitur in *tenebris ambulare*.

§. XXXV. 2. Nec tamen animo despondent, qui Deo fidunt; verum ad ipsum, tanquam fontem aquarum vivarum, sese convertunt, &, in ipso spe posita, se erigunt, ac ab ipso vires & liberationes expectant. Quod hic dicitur, *Jehovam ponere fontem suum*. Describunt enim hæc verba, non *beneficium*, quo mactantur, sed *officium* quo funguntur, & qualitates animi, quæ requiruntur in iis, quos Deus sua gratia visitat; ut ex seq. liquet, ubi de gratia & auxilio Dei agitur; & ex particula *etiam* confirmatur. Quid vero sit, *Deum ponere fontem*, vix indiget explicatione. Ex dictis enim manifestum est, *fiduciæ* in Deo lineas duci. In statu afflictio, qui nihil opis humanæ, nihil spei relinquit, nihil consolationis præbet; Deum *fontem* ponit, qui animum lassum, & siticulosum, ad Deum elevat, ab ipso opem & consolationem expectat, animumque in ipso firmat, ipsique se secure, sub spe etiam contra spem, committit, reliquis omnibus rebus, aut meritis viribusve, renuncians.

§. XXXVI. β. Nec fallit ipsum opinio, aut spe excidet; Deus enim ipsi largiter sufficiet. Quod seq. verba declarant. In quibus *a. benedictio* Divina describitur, vers. 7. *b. ejus effectus*, vers. 8. *a. Benedictio* Dei his verbis: *etiam benedictionibus cooperiet pluens*, ut recte vertit Cloppenburg., a quo parum, vel nihil, recedit de *Dieu*: qui hic rectius aliis instituerunt. *Benedictiones* hic largissimam & abundantissimam aquæ copiam signant, ut Ez. xxxiv: 26. Hisce *cooperiuntur*, qui undiquaque adfluunt aquis, & toti madent. Verum unde? a *pluente*. Sicut dicitur, *benedictionibus cooperiet pluens*, sc. *Jehova pluvius*, verus ζεύς ὕετις, & ὀμβρέας, qui Jovis titulus est apud Græcos.

Græcos. Vox Hebr. est a rad. *נו* *stringere*, unde *pluere*, quod est *nubes stringere*. Vid. Joel. II: 23. Quid vero sit, *largissima pluvia operiet pluens*, vix opus est, ut exponam. Nemini enim non, nisi in emblematica doctrina hospiti, ignotum est, *aquam pluvialem* depingere institutionem cœlestem & Divinam, tum verbo, tum spiritu, qua desiderii hominis, salutem anhelantis, satisfacit, animus cognitione rerum salutarium imbuitur, sensu favoris Dei & spe salutis erigitur, & refocillatur, denique a vitiis & pravis affectibus magis magisque purgatur. Sensus ergo est, *dolorem* & *consolatorem cœlestem* piis hisce viatoribus in mediis afflictionibus necessaria subministraturum, quibus erecti, animati, & corroborati, in cursu alacres pergant, & nullis periculis aut malis fracti, sed læti etiam ac hilares ad finem optatum perveniant; sive promissa & exempla ad animos eorum adplicentur, sive in spe radicentur, sive primitiæ boni optati prægustandæ præbeantur, sive sensu favoris Dei lætificentur, sive denique singulari Dei ope sustententur, & mala aut vitentur aut superentur.

§. XXXVII. Hanc gratiam connectit poeta cum refugio ad Deum; cum dicit: *ponent ipsum fontem, etiam benedictionibus cooperiet pluens*. h. e. non ponent ipsum, quin etiam experientur; modo ad Deum, aquæ salutaris fontem, se recipiant, statim ac hoc fecerint, ejus salutarem influxum nanciscuntur, quo non tantum animis non deficient, nec succumbent malis, sed præterea viribus novis mactati iter summo studio persequentur, donec ad locum desiderii pervenerint. Quod *b.* his verbis adfirmatur. *Ibunt e robore ad robur, conspicietur ad Deum in Tsione*. h. e. renovatis & auctis semper viribus iter ad Deum in Tsione conficient, donec eo coram fruantur; litteraliter Hierosolymis in Templo, sed spiritualiter tum in Ecclesia, arcta Dei communione, & pacifico ac salutari religionis exercitio, tum in cælo. Quæ ex dictis sunt facilia; quare uno alterove observato ad phrasas & structuram orationis illustrandam desungar. 1. Phrasis,

lis, ire a robore ad robur dicit, integris semper, semperque in majus auctis, viribus ire. Hæc enim phrasis est potestas, hic usus. Vid. Pf. cXLIV: 13. Jer. IX: 2. Rom. I: 17. 2 Cor. III: 18. & alibi sæpe. Rem egregie expresit Jes. XL: 31. *Expectantes Jehovaham recentabunt vires, succrescent iis ala ut aquilis, ambulabunt & non fatigabuntur.* Significatur, 1. spem & fiduciam in majus esse augendam, & animum iis longe fortissimum futurum. 2. in actionibus fidei & virtutis copiosiores & alacriores futuros, tantum abesse, ut aliquid remitterent. 3. Pericula & mala, unum post aliud, esse superaturos. 4. Propius propiusque ad Dei similitudinem & communionem arctissimam esse magnis passibus accessuros.

§ XXXVIII. 2. Phrasis, *videre ad Deum in Tsione*, pro conspiciendum se præbere, coram apparere, *apud Deum*, usu suo eam comparitionem signat, qua Israelitæ se Deo præsentibus sistebant in loco, cultui Jehovahæ dicato, sacrisque ibi coram Deo fungebantur. ut Exod. xxxiv: 24. Deut. xvi: 16. Jes. I: 12. Mystice tum in genere religionis exercitium, tum arctam cum Deo communionem denotat, partim in hac vita in Ecclesia, partim in cælo, ubi vident Deum *a facie ad faciem*. Ceterum, *conspicietur* est pro *donec* conspiciantur, et finem desiderii, ac votorum complementum, exprimit: ut per se liquet.

§ XXXIX. β. Felicitatem suam, qua votorum damnas factus in præsentia fruebatur, omniumque civium, qui Deo pie fidunt, posteaquam prædicasset, & magnifice exulisset Vir-Sanctus: sese ad preces pro status illius perennitate convertit; quas ex animo, *desiderii & fiduciæ* pleno, fundit; *desiderii* ex certa persuasione de domus Dei inhabitatione, quibusvis aliis hujus vitæ bonis longe præferenda, orti; & *fiduciæ*, qua preces esse exaudiendas sciebat, in virtutibus & relationibus Dei ad pios fundatæ; quibus Deus *sol & clypeus* eorum est, & gratiam ac gloriam integre ambulantes dispertit; quando in beatitudine Deo fidentium prædicanda desinit. David itaque n. preces suas exaudi-

ri a Deo petit, vers. 9. 1. earum argumentum vel materiam tradit, vers. 10. 2. Desiderium, ex quo ortae sunt, exponit, vers. 11. 3. Fiduciam, quacum conjunctae sunt, ejusque fundamenta, quibus certa exauditionis spes innititur, exhibet, vers. 12. n. Quando Pf. concludit per exclamationem, vers. 13.

§. XL. a. Precum exauditionem his verbis supplicat, vers. 9. *Jehova Deus exercituum! exaudi precationem meam: auribus accipe Deus Jacobi!* h. e. preces, quas ego, unus verorum Jacobitarum, Tibi offero, Tibi, qui Deus es omnipotens & omnisufficiens, Deus Jacobi & gentinæ ejus posteritatis, gratæ sint & acceptæ, easque a Te admitti ostende, votis adnuendo, & desideria mea implendo. Eam enim potestatem habent verba *audire* & *auribus admittere* preces, de Deo usurpata; quod tanquam facillimum prætereo. Emphasi vero non caret, quod Deum epithetis *Jehova Dei exercituum*, & *Dei Jacobi* insigniat; quippe quæ rationes ad Deum movendum, ut preces exaudiat, continent. *Jehova* est Dei Israelis proprium nomen; & tum promissa ejus, Israeli facta, tum fidem & veracitatem Dei ob oculos ponit. *Deus exercituum* adpellatur, quod sit summus & potentissimus *cæli* & populi sui rector, a cujus nutu omnes & omnia pendent, Deus denique *Jacobi*, qui Jacobo singulari modo favit, & posteros ejus se eodem favore complexurum esse promisit.

§. XLI. 1. Hac præfatione, & pia & fiduciæ plena, præmissa, ipsas preces vel earum materiam his verbis effert, vers. 10. *Clypeus noster vide, o Deus! imo vibrante oculo faciem uncti tui* h. e. Tu, o Deus, qui es patronus & protector noster, & meus & totius populi, oculis amoris, favoris & curæ tuæ, in primis in unctum tuum, qui reip. & Ecclesiæ tuæ præsidet, esse apertos & intentos ostende. Duo verba, *videre* & *intueri*, insigni emphasi junguntur, & acri ac vibrante oculorum lumine contemplari denotant: ut Thren. 1: 11. Job. xxxv: 5. Ps. xxii: 8. Jesh. xlii: 18. &

18. & alibi. Posterius enim verbum *המים* sedem tenet in *fulmine micante*, vel in omni *tremulo & corusco* motu, qua fulminis, qua oculi, qua alterius rei *a*. Cum autem oculi aut iræ, aut favoris, indicia præferant, adeoque vel judicia in hostes, vel curam & multiplicia favoris erga Dei amantes effecta significant; hic de *favore, cura et benedictione*, Dei esse cogitandum, sponte sua elucescit. *Videre* itaque Dei, et quidem *vibrante* oculorum acie *videre*, expingit intensissimam Dei curam, exactissimam et potentissimam protectionem, omnigenam Dei benedictionem, et quævis favoris Dei effecta, quibus illustratur et splendescit, ac laetitia perfunditur, unctus Dei. Quod alias dicitur, *faciem Dei ad tolli* super aliquo, *lucere facere*, etc. Num. vi. Ps. iv: 7. et alibi.

§. XLII. Hæc ut clara et facilia sunt, sic peculiarem meretur animadversionem, tum Dei titulus, quo *clypeus* appellatur, tum *persona*, hac oculorum Dei luce fruitura. *Vide*, dicit Psalter, *o Deus! clypeus noster*. Sic enim verti debet, et non, ut Coccejus, *clypeum nostrum*, cui præivit Chald., qui reddidit, *merita patrum nostrorum adspice*. Est enim hoc in Ps. titulus Dei, et non *regis* aut *uncti*; ut ex vers. 12. liquet. De *Patribus* cum Chald. cogitare, absolum, et superstitiosam opinionem de *meritis* Patrum sapit, *Messia* autem nullum hic est indicium. Sed quare Deus appellatur *clypeus* Israelis, ubi de oculorum ejus intuitu agitur? *Clypeus noster, vide* etc. ut, ni fallor, de *protectore* non potente tantum, sed et ex se omnia vidente, et in omnia intento, cogitaremus. *Clypeus* est Deus, non qui ab alio dirigitur, sed qui ipse omnia novit, et agit, *Clypeus oculatus, et vivus*. Num quid altius hic lateat, ad vers. 12., ubi *sol* et *clypeus* conjunguntur, inquiremus. Ceterum; cum *clypeum nostrum* Deum compellat David, populum secum conjungit, et non se, sed Deum esse regem populi et *protectorem* significat: ut Ps. LXXXIX: 19. *Jehova est clypeus noster, sanctus Israelis rex noster*.

Ggggg 2

§. XLIII.

a Vid. Schultens Orig. l. i. c. 12.

§. XLIII. Persona, hac protectione et benedictione Dei gavifura, insignitur nomine *uncti Dei*, h. e. regis, a Deo ipso electi, et constituti; cui ipsa unctio spem donorum Dei, quibus ipsi opus est in regno administrando, fecit, et qui hoc signo reliquorum numero exemptus peculiarem accepit ad Deum relationem, singularem *sanctitatem*; a nemine impune violandam. Sive David ipse intelligatur, sive ad *Salomonem* digitus intendatur. Uterque enim intelligi potest, sive ad phrasin, sive ad scopum Ps. attendatur. Facies *uncti tui* esse potest pro *mea*, qui *unctus tuus* sum. Nomen frequenter loco *pronomini* apud Hebraeos ponitur, nec sine emphasi, in titulo *uncti* sita. Sed *Salomoni* hic quoque locus esse potest, ut Ps. cxxxii: 10. *Propter Davidem servum tuum ne avertas faciem uncti tui*; cum quod Salomo Deo Templum aedificaret, et per *preces* Deo dedicaret, tum quod sub ipso insigniter et pace, et prosperitate, omnigena floureret regnum. Ceterum cum oculos Dei super *uncto* ejus apertos supplicat, reliquum populum una comprehendit, ut ex *clypei nostri* titulo elucescit. *Uncti* solius mentionem facit, quia ipse, qua rex, populum, ut caput corpus, regit et gubernat, adeoque populi prosperitas et ab ipso derivaretur, et cum ejus felicitate conjuncta esset. Supplex itaque a Deo, supremo regni protectore et curatore, petit, ut rex, unctus Dei, et ipse, et in regno suo pace gaudeat, prospere agat, et religio, a rege instaurata, domusque Dei in regno aedificata, vigeat, floreatque in perpetuum.

§. XLIV. 1. Huc enim tendebant vota Davidis, et hinc originem repetebant preces ejus, ut Hierosolyma esset stabilis *domus Dei* sedes, et liberum, pacificum ac continuum, ibi vigeret religionis exercitium, ut Ps. cxxxiii: 9. *propter domum Dei nostri quæram bonum tibi*, etc. Ps. xxvii. *Hoc unum quæsi* etc. ita vers. ii. nostri Psalmi; ubi principium et rationem moventem precum suarum his verbis exprimit. *Quia potius die uno in atriis tuis*
limen

limen domus Dei mei observare elegerim, quam mille habitare in tentoriis improbitatis. Sic construenda sunt verba, si ad sensum respicias, quæ ad verbum ita sonant. *Bonum die in atriis tuis præ mille: elegi limen observare in domo Dei mei præ habitare in tentoriis improbitatis.* Quæ structura vel elegantiae, vel ligatæ orationi, est adscribenda, & in eum ordinem, quem dixi, redigenda; ut sensus inde emergat, longe satius sibi videri, & optabilius, vel unum diem in domo Dei ad limen ejus exigere, quam mille alios in tentoriis improbitatis. Quando cuncta prono alveo fluunt. Instituitur hic comparatio inter *inhabitationem domus Dei ac tentoriorum improbitatis*; & declarat Vir Sanctus, sibi longe præferendum videri, vel ad limen domus Dei brevissimo licet tempore versari, quam tentoriis improbitatis longissimo etiam tempore adfocari. Quæ paulo adcuratius merentur illustrari.

§. XLV. *Tentoria impietatis*, quæ domui Dei, & cultui sancto, ibi coram Deo exerceri solito, in omni complexu suo, seu omni latitudine, sumto, opponuntur, non quævis & qualiacunque intelliguntur, sed *opulenta, potentia, & gloriosa* ac splendida, quæ carnis desideria excitant, & specie sua blandiuntur, videnturque cum *felicitate* conjuncta. Quod ex re ipsa elucet. Alia enim si improbitatis tentoria, hisce bonis destituta, intelligas; emphasi prorsus carebit, & nihil singulare habebit, viri pii electio. *Tentoria itaque improbitatis* sunt loca bonis, opibus, & dignitatibus, improbe partis, referta: ut Mich. vi: 10. *domus improbi & thesauri impietatis* conjunguntur. Docet quoque experientia, possessionem & fruitionem horum bonorum sæpe cum multiplici improbitate esse conjunctam, & improborum frequentius, quam proborum, hanc esse sortem, ut bonis hisce inanibus adfluant. Vid. Ps. xxxvii, lxxii. &c. Addi meretur, *divitias injustitiæ* Luc. xvi. & eo sensu, & alio, quo *fallaces & incertæ* notantur, occurrere; a quo parum abit phrasis nostra, si *originis* vocis *πρ* habeatur ratio.

ratio. Ea enim, in origine sua, *jactatum*, & *irrequieto motu circumactum* signat; adeoque ad quævis hujus mundi bona, quæ nec possessorem quiescere sinunt, nec ipsa stabilia sunt, recte refertur.

§. XLVI. Declarat Vir Sanctus 1. unum diem in atriis Jehovæ mille aliis præferendum, 2. adeoque se eligere vel infimum in domo Dei locum, præ *inhabitatione in tentoriis improbitatis*. Quæ vocum structura, secum comparata, hunc, ut modo dixi, fundit sensum, brevem in domo Dei, etiam in loco infimo, moram sibi longe potiore esse & haberi diuturna vel in *medio*, & *optimo*, loco tentorium improbitatis. Oppositæ utriusque inhabitationis qualitates hic occurrunt duæ, altera *durationis*, altera *modi*, quo se habet, seu, dignitatis & gradus inhabitationis respectu. Ad *durationem* pertinent dies, *unus & mille*; ad *modum* incolatus, *limen terere* domus Dei, & *habitare in tentoriis improbitatis*. Unus & mille opponuntur, ut brevissimum & longissimum tempus: quemadmodum pauci & multi filii Eccles. xvi. 3. *præstat unus justus, quam mille*. Alterum membrum, *limen observare*, & *habitare in tentoriis*, ad diversum modum & gradum inhabitationis respicit. Verbum *מִשְׁמֶרֶת* *ad limen domus Jehovæ* se tenere, vel simpliciter ibi consistere & versari dicit, vel officium *excubitorum* & *custodum* liminum & portarum complectitur; sed prius probabilius, utpote *vilius*, quod hic majorem emphasin habet. Lxx. itaque non male sensum expresseverunt vertentes, *παροπιστῆναι* *projectum & abjectum* esse, instar *Lazari* ad atrium divitis, Luc. xvi. Huic stationi ultimæ prope domum Dei opponitur *habitare in tentoriis improbitatis*, sc. & diu, et libere ac intime. Verbum Hebr. *יָרַח* *habitationem*, in specie liberam, intimam, qua quis in orbem it, et ubique versatur, quæ verbi potestas est, et *diuturnam*, quæ *ætatem* fert, denotat. Usurpatur enim vox derivata de *ætate*, et annorum vitæ humanæ præscriptorum periodo. Adeoque *ætatem agere* hic recte vertitur.

§. XLVII.

§. XLVII. Huic diuturnæ licet et fortunatæ vitæ in tentoris improbitatis, qua quibusvis bonis adluit, quovis honore gaudet, et omnibus diffluit deliciis et jucunditatibus, cum Vir Sanctus renunciat, et vel vilissimum locum prope domum Dei ea longe præfert; in omnium oculos, et tantum de rerum pretio iudicium, et rectum animi adfectum sanctamque mentis dispositionem, ingerit; significans, 1. quanti domum Dei, ejusque cultum, faciat, 2. quanto in eum feratur desiderio, 3. quanta in Deum pietate, quantoque studio ejus voluntatem faciendi flagret. 4. quanta præditus sit modestia, quamque a vanitate illa se efferendi in domo Dei, et primum locum tenendi, sit alienus, Dei ejusque cultus sine ambitione, sine hypocrisi, unice studiosus. 5. Quanta felicitas, et jucunditas cum cultu Dei secundum ipsum sit conjuncta, longe supra quicquid excelsum, et desiderabile est in mundo. 6. Denique quantopere a vanitatibus hujus mundi, et bonis injuste partis, aliisque deliciis carnalibus, abhorreat.

§. XLVIII. Quo cum fuerit animo Vir pius, facile intelligitur, preces, vers. 10. fufas, et ipsum decuisse, et Deo non potuisse non esse gratas; simul inde colligitur, quid in precibus illis intenderit; nimirum, ut per Dei favorem et curam sibi diu et tranquille in domo Dei liceret versari, Deique bonitatem, et delicias, in cultus ejus exercitio gustare. Quæ omnia ex nexu et particula *quia*, quæ verbum nostrum cum superiore connectit, elucet. Continet itaque versus noster 1. *principium*, ex quo ortæ sunt preces, *studium* sc. domus et religionis Dei quam ardentissimum 2. Animi adfectionem, quam Deus in precante, qui se Deo adprobaturus est, requirit. 3. Materiarum precum vel scopi uberiorem explicationem.

§. XLIX. 1. Subjungit nunc tum *fiduciae*, qua preces esse exaudiendas confidebat, tum *judicii* et *animi* sui, modo expositi, fundamentum et rationem, his verbis, vers. 12. *Quia sol et scutum est Jehova Deus; gratiam & gloriam dabit,*

bit, nec prohibebit bonum ambulantis integre, ac si diceret: ut pateat, me nec temere indubiam spem precum exaudendarum concepisse, nec falso fundamento aut sublesto quibusvis hujus vitæ bonis prætulisse cultum Dei in domo ejus; ecce utriusque solidam rationem, a Dei virtutibus et relationibus ad pios et sanctos ejus cultores derivatam! *Est Deus sol & clypeus*, etc. Offerunt sese hic *a.* bona et beneficia a Deo expectanda, *β.* eorum characteres, qui ea sibi promittere queant, et certo certius consequentur.

§. L. *a.* In *priore* versus parte, quæ beneficia a Deo conferenda exhibet, *a.* Dei proprietates et relationes ad pios describuntur *b.* ipsa bona, inde oritura. *a.* Deus ipse duobus emblematis *Solis* et *clypei*, depingitur; quæ faciles habent, seorsum posita, explicatus, sed quorum conjunctionis ratio haud ita facile panditur. Quid enim *sol* cum *clypeo*? Chald., hac disparitate motus, vertit *murus altus* et *clypeus*: nec multum abijt Cl. Commentator Jes. ad c. LIV: II. *propugnaculum* reddi posse observans; sed cui adurgere nequeo, tum, quod vel rarissimus est iste vocis usus, vel potius fictus aut incertus; utique Jes. LIV. *solaria*, seu tecta, soli exposita, ac radiantia, quod Cl. Millius *a* disputat, intelligi possunt, tum quod vers. 10. *clypeus & videre* jungantur, ut hic *sol* et *clypeus*. Quare vel disparia hic copulari, ut sæpe in mysticis obtinet, quod in subjecto conveniant, dicendum est, vel alio, quod nobis ignotum est, respici. Si *scuta* hoc tempore figuris & inscriptionibus fuissent ornata, qui satis antiquus, & passim receptus mos fuit *b*, *Solis* imaginem in scuto fuisse viro divino obversatam, quovis pignore contenderem; nunc, cum de eo nihil adfirmari possit, nihil propius succurrit, quam *columnam nubis* protegentis instar *clypei*, & *ignis* illustrantis instar *solis*, ipsi in oculis fuisse, quod ad eam & similibus in locis respiciatur, uti Jes. iv: 5., quodque ejus monumen-

a Ad Jes. l. c.
l. II. c. 8.

b Vid. Fr. Junius de pictura Veterum

monumentum fuerit supra arcam in domo Dei. Sed forte rectius soli additur *clypeus* respectu radiorum, undique ambientium, & sanctum ac inviolabilem aliquem reddentium, instar *alarum*, quæ soli tribuuntur, Mal. III: 20. ubi vid. dicta. Voces quoque *alae*, כנף, & כנף א, ejusdem sunt potestatis, in *cingendo*, obsepiendo, inde *protegerendo*, sitae. Sol itaque & *clypeus* est sol radiis suis, instar *alarum*, pios cingens, & tutos reddens: sicut Deus instar *avium*, pullos alis tegentium, dicitur Hierosolymam hoc ipso verbo כנף *protekturus* Jes. xxxi: 5. Qua de re quicquid sit; *Solis* & *clypei* emblemata in Deum quam aptissime quadrare, nemini non notissimum est; cum ipse sit pater *luminum*, omnisque *veri*, *boni* & *gloriosi*, fons & dispensator unicus; potentissimus & fidelissimus populi sui *protektor*, & *patronus*, cujus *oculus* per omnia penetrat, & *manus* omnia vincit & dirigit.

§. LI. b. Qualem Deus sese præstat, cum bona *gratiae* & *gloriae* distribuit, nec *bonum* inbibet: quemadmodum mox subjungitur. *Gratiam* & *gloriam* dabit *Jehova*, nec *prohibebit bonum*. h. e. tantum abest, ut denegaret bonum, ut contra nihil certius sit, quam largissime eum dare *gratiam* & *gloriam*. Negans phrasis, adfirmanti subjecta, fortius adfirmat, et certitudinem, simul amplitudinem, exprimit. Prov. xxi: 26. *Iustus dat et non cohibet*. Jes. xli: 9. *elegi te & non reprobavi te*, nihil minus quam hoc: sic, *dabit et non arcebit*, est, nihil minus; contra, certissime et liberalissime dabit. Utitur poeta et generali voce *boni*, et speciali phrasi *gratiae* et *gloriae*. *Boni* notio est universalior, et quicquid utile, jucundum et gloriosum est, ac ad civitatis et civium commodum et perfectionem facit, complectitur; quod apte dispescitur in bona *gratiae* et *gloriae*, sive sensu in scholis recepto, quo *gratia* ad hujus vitæ, et *gloria* ad futuræ et æternæ bona refertur, quem usum habet vox *gloriae*, Ps. LXXIII: 24. *post gloriam adsumes me*; sive alio sensu, qui varie constitui potest. *Gratia* enim et *gloria* significare potest, tum *gratiam* multipli-

H h h h h

cem

cem et copiosissimam, quam potestatem præfert רַבּ, cujus prima notio est *gravitatis*, unde ad *copiam* & *numerositatem* transfertur, tum etiam *favorem Dei*, & ejus effecta: *gratie* enim vox proprie *intimam teneritudinem* רַחֵם רַעֲיָהּ, qualis est animantis erga pullos, a cujus *stridulo sono* nicta est, denotat, & in phrasi *invenire gratiam* apud Deum & homines, frequenter occurrente, obtinet. Altera vox *glorie* pro divitiis, opibus, splendore, & quibusvis bonis, quæ alicui gloriam conciliant, usurpatur. Quocunque modo phrasis intelligatur; quæcunque *bona*, ex benevolæ Dei adfectu orta, & de eo testantia, quæ veram felicitatem in hac & futura vita adferunt, quæque apta nata sunt favorem aliorum & æstimationem conciliare, comprehendendi, certum est.

§. LII. β. Hæc bona Deus non in qualescunque, nullâ moralium qualitatum ratione habita, confert, sed in eos, qui, Dei amantes, virtutis studio sincere & toto animo ducuntur; qui hic *integre ambulare* dicuntur, proprie *in integro*, sive pro abstracto *in integritate*, ut Jos. xxiv. 14. Jud. ix. 16. sive *habitu & more integri*. Littera enim aliquando cum emphasi redundat, & intimam rei naturam dicit; origine repetita a persona, in quam quis se induit, vel qua induitur. Quando egregia emphasi denotabit eos, qui *integri* personam intime induti ambulant; totum vitæ institutum, omnesque actiones hominis *integri* præstant et præferunt; idque *constanter* et *continuo*. *Integritatis* vero vox non absolutam perfectionem, sed *relativam* respectu et animi, et omnium partium, sive hominis sive legis, exprimit, qualis est hominis *sinceri*, et ab omni *hypocrisi* aut *dolo* alieni. Quare *integritas* et *veritas* conjunguntur Jes. xxiv. et *integri* ac *conforti viis duabus* opponuntur Prov. xxviii. 18. ut et *integri via* et *perversi corde* Prov. xi. 20. De clausula, Ps. vers. 13. *Yehova exercituum! beatum hominem, confidentem tibi!* nihil moneo, cum ex supra dictis, inprimis vers. 6., facile intelligatur.

PSALM.

P S A L M. LXXXV.

1. *Præfetto, Filiis Korachi, Psalmus.*
2. *Complexus es favore terram tuam, Jehova! reduxisti captivitatem Jacobi.*
3. *Abstulisti iniquitatem populi tui; texisti omnia peccata ipsorum. Sela!*
4. *Recollegisti omnem effervescentiam tuam; redire fecisti ab æstu nasum tuum.*
5. *Reduce nos, Deus salutis nostræ! & infringe indignationem tuam nobiscum.*
6. *An in perpetuum nobis irasceris? nasumne tuum protrahe in ætatem & ætatem?*
7. *Nonne Tu denuo vivificabis nos, & populus tuus in Te latabitur?*
8. *Videre nos fac benevolentiam tuam, & salutem tuam de nobis.*
9. *Audiam quid locuturus est fortis ille Deus Jehova: Quia loquetur pacem ad populum suum, & ad pios suos, modo ad stultitiam non redeant.*
10. *Veruntamen propinqua est timentibus ejus salus ejus, ut habitet gloria in terra nostra.*
11. *Benignitas & veritas se invicem offendunt, justitia & pax osculantur.*
12. *Veritas e terra germinabit, & justitia de coelo prospexit, vel prospectabit.*

Hhhhh 2

13. *Etiam*

13. *Etiā Jēhova dabit bonum, & terra nōstra edet proven-
tum suum.*

14. *Iustitia coram ipso gradietur, & ponet in viam gressus
suos.*

P R O L E G O M E N A.

§. I.

Argumentum præclari hujus Psalmi est supplex precatio
et instauratio populī exulis, in exilio versante, pro reductione
statu magnæ partis populī, in Cananæam reducis, et cum
certa fiducia exauditionis conjuncta, in promissis Dei de fe-
lici Ecclesiæ tempore, proxime implendis, fundata. In
scenam hic prodeunt Israelitæ exules, quibus nondum con-
tigerat gratia conversionis et reditus ad Deum, ejusque cul-
tum in Cananæa; vel pii eorum, qui omnium personam
sustinent. Hi in miseri sui status contemplationem ducti,
et prosperam fratrum suorum conditionem in Cananæa ad
animum revocantes, indeque prudenter colligentes, me-
liorum temporum, quæ a Prophetis erant prænunciata et
promissa, spem haud longe ab implemento suo abesse, ad
Deum sese in precibus convertunt, supplicesque petunt,
ut, cum Deus tot favoris sui erga populum suum in Cana-
næa dederit signa, quæ de ira Dei finita, et peccatis re-
missis, testabantur, reliquos Israelitas extra patriam et com-
munionem suam oberrare non amplius patiatur; sed tem-
pora illa allucere faciat, quibus Israel et Juda in unum cor-
pus sub Messia perfecte coalescant. Quas preces, sicut
tempestive fufas, ita brevi implendas esse, se confidere
testantur; cum, tempora illa meliora in verbo prophetico
pro-

promissa, ante fores esse, ex multis indiciis se colligere profiteantur.

§. II. Quod argumentum, summam propositum, ut in clariore luce collocetur, et per partes explicetur ac demonstretur, a quo Psalmi intellectus dependet, 1. notandum est, eos, qui hic supplicia sua faciunt, esse Israelitas exules, a reliquis fratribus, patriæ jam redditis, diversos. *Israelitas* se produnt, quod ex populi Dei restitutione et suam urgeant, indicio, se ad eundem populum pertinere, nec non quod Cananæam *terram* adpellent *suam* vers. 10, 13. denique quod in promissis *populo Dei* factis precum exauditionem fundent, vers. 9. Esse autem *exules*, sine favoris Dei indiciis oberrantes, et iræ Dei signa adhuc præferentes, ipsæ preces, earumque occasio, quam fratrum instauratio præbebat, clare evincunt. Ex quo etiam elucet, eos esse ab Israelitis reducibus in terram Cananæam diversos: cujus & in eo est argumentum, quod *diversæ* personæ adhibeantur, cum de reducibus & de se loquuntur. Deum terræ *sue* & *populo suo* sese propitium monstrasse dicunt, &, ut sibi eundem favorem præstet, orant.

§. III. 2. Hinc alterum observatum sponte sua fluit; exules hos Israelitas eodem, & non diverso, tempore preces pro sua liberatione fecisse, quo reliqui fratres non tantum in patriam essent reversi, sed summa in eo fruerentur prosperitate, omnibus calamitatibus defuncti, & ab omnibus iræ Dei signis & effectis liberi. Huc nos manifeste ducit oppositio inter suum & fratrum reducum statum, ab oratoribus hisce instituta. Cum dixissent, *reduxisti captivitatem Jacobi* &c. & mox subjungant, *reduc nos* &c. clare significant, fratribus terræ *sue* restitutis, & prospere agentibus, se cum pristina calamitate adhuc luctari. Errant itaque, qui diversa ejusdem populi tempora, & non ejusdem temporis diversas personas secum conferri censent. Quo accedit, nullum *diversi* temporis occurrere indicium, *diversarum* personarum clarissimum; ut modo vidimus.

Hhhhh 3

Quid?

Quid? quod plenissima iræ Dei ablatio, quæ primis tribus versibus celebratur, ejusmodi statum, in quo precatæ erant, non admittat in posterum: ut mox patebit.

§. IV. 3. Denique observari velim, supplices nostros introduci preces fundere, quo tempore Ecclesia Judaica prope abesset a *complemento* suo, vel ea instarent tempora, quæ *recreationis, consolationis* Israël, & *instaurationis* omnium rerum, etiam *dies Messæ*, adpellari solebant. Cujus observati sequentia sese offerunt argumenta. a. Quia reduces, omnibus calamitatibus defuncti, prosperrima in conditione erant, quæ iræ Dei nihil reliqui habebat; nihil etiam haberet, durante hac oeconomia rerum, vers. 2—4. quod in nullum tempus, nisi post afflictionem Epiphaniæ, & Messæ proximum, quadrat: de quo mox. b. quia Israelitæ exules, qui, fratribus restitutis, in eadem calamitate manebant, ad extremum terminum sui status miferi fere pervenerant. Id quod formula, *an in æternum nobis irasceris?* &c. indicat: ea enim idem hic denotat, ac ultra præstitutum terminum, supra *multos illos dies*, a Deo apud Hof. III. fixos: ne nunc dicam, formulam illam, *an in æternum quousque?* &c. quæ piam cum Deo expostulationem involvit, adhiberi solere, cum tempus exauditionis ante fores est, nec Dei virtutibus amplius convenit, liberationem differre. vid. Zach. 1. Jes. LXII: 17. & alibi. c. quia tempora illa meliora instare diserte testificantur, & in eo fiduciam suam collocant, vers. 9 & 10. *profecto propinquus est salus ejus* &c.

A N A C R I S I S.

§. V. Argumentum Psalmi, hac ratione in lucem protractum, quemadmodum nos in veram hypothesin Ps. exponendi sponte sua ducit, sic certam præbet normam Interpretum diversas opiniones dijudicandi. Interpretes hic vel de
Judæis,

Judæis reducibus ab exilio Babylonico, variis adhuc calamitatibus obnoxiiis, cogitant, vel ad Judæos reduces in novam afflictionem Epiphanicam delapsos adplicant, vel ad ultimam Judæorum conversionem post longi temporis exilium Romanum oculos vertunt. Sed ex nostra opinione pertinet Ps. ad reliquias Israelis in exilio Assyriaco, tempore summæ felicitatis Judæorum sub Maccabæis, quando Messia diu exoptata tempora imminebant. 1. Israelitæ sunt, quibus hæ preces in ore dantur, a Judæis reducibus distincti. 2. Israelitæ, qui in exilio suo continuabant, cum fratres jam essent restituti. 3. Denique, qui, quo tempore Judæi omnes afflictiones superassent, & Messia dies in omnium oculis erant, vixerunt. Quæ cuncta ex modo observatis clara luce fulgent. Calamitatis Epiphanicæ finitæ manifestum indicium est in primis quatuor Ps. versibus; quorum emphasis nullo modo patitur, ut de *reducibus* cogitemus; cum in continuo metu, multis malis subiecti, tunc fuerint, & gravis Dei excandescencia adhuc expectanda esset sub Antiocho Epiphane. Judæi post excidium Romanum hic in censum non veniunt, quod Israelitæ exules hic intelligantur, a *Judæis* reducibus, iisque feliciter agentibus in terra sua, distincti, quodque tempora Messia in genere describantur, initio non excluso: de quo suo loco.

§. VI. Convenit itaque huic Psalmo cum reliquis verbi Prophetici partibus, quod Messia tempora cum prospero Judæorum statu sub Maccabæis, & Israelitarum conversione, & reunionem cum Judæis, connectat. Utrumque enim illud apud Prophetas est vulgatissimum; quod nunc de Israelitarum & Judæorum instaurata unione uno verbo tantum demonstrabo ex luculentis illis vaticiniis Jes. xi. 11. &c. Jer. liii. 18. Jer. xxxi. 18. Ez. xxxvii. 15. & Hos. iii. & aliis. Akterum illud notius est, quam ut adstrui debeat.

§. VII. Ex

§. VII. Ex qua hypothefi de *tempore* compofiti Pf. iudicium eft ferendum. Probable mihi fit, Pfalmum temporibus Maccabaicis a Divino aliquo viro fuiſſe factum in uſum Israelitarum exulum, cum ut piorum animi in ſpe proximæ liberationis & ſalutis confirmarentur & erigerentur, tum ut formula ipsis in manus traderetur, ad quam preces ſuas pro ſua populique inſtauratione funderent, tum ut ad beata illa tempora præpararentur, ut, quum Meſſias adveniret, a populo pronis animis reciperetur. *Temporis* nota eſt in pericopa, quæ de Judæorum felici ſtatu in Cananæa, tanquam præſente, & calamitate finita, loquitur. Licet nullus intercedam, quominus ſtatuatur, ſi quis ita malit, antiquum aliquem prophetam, cogitationibus divinis in ea tempora ductum, Pfalmum ea ratione concinnaviſſe, ut in ea, quæ dixi, tempora quadret, & a piis eo tempore caneretur. In quo nihil eſt a Spiritu Prophetico, aut *ſcena* prophetica, alienum.

§. VIII. Partes Pf. *tres* ſunt, in quas ſponte ſua diſpeſcitur. I. *Prima* occaſionem precum continet, repetendam a proſpera Judæorum reducum conditione, tanquam nota temporis, Meſſiam proxime præceſſuri, & *rationem moventem* comprehendente ad Deum movendum, ut preces exaudiat, verſ. 2—4. II. *Secunda* pars ipſas preces exhibet, cum ratione illa movente, verſ. 5—8. III. *Tertia* pars fiduciam precantium, cum ejus *fundamentis*, promiſſis ſc. Dei mox implendis, ob oculos ponit, verſ. 9—14.

E X P L I C A T I O.

§. IX. Prima pars, quæ feliciffimam Judæorum reducum conditionem in terra Cananaea repræſentat, verſ. 2—4. *a.* ipſum beneficium Dei in eos collatum, verſ. 2. *b.* ejus cauſam & fontem, verſ. 3, 4. complectitur. *a.* Beneficium ita ſonat, verſ. 2. *Complexus es favore terram tuam*

tuam, *Jehova! reduxisti captivitatem Jacobi*. h. e. Cananæam, sedem inhabitationis tuæ & populi tui, incolis suis orbatam & misere vastatam, reductis Jacobitis, replevisti, instaurasti, & favoris tui effectis adeo cumulasti, ut felicissimam suam conditionem pristinam, quam unquam habuit, recuperaverit, quin superet, adpellarique queat terra, *cui Jehova*, fons omnis benedictionis, *faveat*, & in qua sibi plene complaceat. Hunc amplissimum sensum phrasæ, hic occurrentes, præferunt. Prior, *favore complexus es terram tuam*, cogitationem injicit terræ a Deo benedictæ, adeoque prosperrimæ & florentissimæ; in qua benevoli Dei adfectus multiplicia exstant indicia; quæque adpellari meretur terra, *in qua Jehova acquiescit*, cui ipse *favet*, cujusque *Deus* est, dicique vult. Quod omnigenam benedictionem, quævis bona, quæ terram gloriosam, prosperam & populum felicem reddunt, comprehendit. Verbum *נחם* proprie denotat, *firmiter adherere*, inde *sibi complacere*, & *acquiescere*, amore & benevolentia completi; *σέπην* Gr. *ἐνδοξάν*, ut LXX verterunt. *Terram* Jehovæ adpellat poeta, ut arctam relationem Dei ad eam, & populum ejus, indicaret; quæ de *favore* Dei erga eam testabatur. Hanc enim Deus in sedem populi sui, veræque religionis, & præsentis suæ, elegerat; eamque suo tempore & ipse in Filio suo calcaret, & in ea Ecclesiam suam primum colligeret, ac fundaret. Quæ facilia sunt.

§. X. Posterior phrasæ, *reduxisti captivitatem Jacobi*, duplicem admittit sensum, strictiorem & latiore, seu uberiorem; *illo* dicit, captivos, ex hostili manu ereptos, restituere, & patrio solo reddere, Deut. xxx: 3. & alibi: *hoc* denotat, in *integrum restituere*, resarcire damnum, res collapsas & dissipatas instaurare, & damna compensare: uti Job. XLII: 10. *reduxit Deus captivitatem Jobi*, h. e. fecit, ut res collapsæ in melius lætiusque resurgerent. Quam emphasin etiam habet, Ps. xiv: 7. *Quis dabit ex Tsione salutem Israelis? cum Jehova reduxerit captivitatem populi sui, exsul-*

tabit Jacob, letabitur Israel. Sic & Jer. xxx: 18. Quam & huic nostro loco esse adplicandam, facile evincit, tum prius membrum versus, tum sequens pericopa; quæ declarat, nihil de ira Dei restare; adeoque res plenissime esse in integrum restitutas.

§. XI. Quod antequam ulterius explicem, *fontem* inspicimus, ex quo hæc tanta beneficia fluxerunt; quod alterum pericopæ membrum est vers. 3, 4. *Abstulisti iniquitatem populi tui, texisti omne peccatum ipsorum. Recollegisti omnem effervescentiam tuam; redire fecisti ab æstu nasum tuum.* h. e. *iniquitates* populi tui, quibus æquissimas tuas leges iniquissime violaverat, & *peccata* ejus, quibus a Te defecerat, & libidini suæ morem gesserat; tu e conspectu abstulisti, & veste, seu velo, gratiæ obtexisti, absque ut eorum recordareris; adeoque de ira tua in populum ob peccata ejus accensa plenissime remisisti, omniaque excandescentiæ tuæ effecta & signa, quæ expertus erat, e medio sustulisti; populum tuum instaurando, & eodem, quo antea unquam, favore complectendo. Verba itaque *causam* bonorum, versu *imo* memoratorum, continent, opposite ad malorum, quæ populus passus erat, *causam* & fontem. Quemadmodum enim peccata captivitatem, destructionem populi, & quævis mala pepererant; sic eorum sublatio & condonatio malorum ablationem produxit: in quo nihil est difficile; quare uno alterove observato circa phrasas defungar.

§. XII. Versus ita coherent, ut prior *antecedens*, & posterior *consequens* contineat. Quemadmodum enim peccata iram Dei provocant, sic eorum condonatio excandescentiam ejus sedat & compescit. 1. Peccata, quibus mala sua accepta ferre debebant Jacobi posterius, in exilium abducti, nominibus *iniquitatis* & *aberrationis* a scopo exprimentur, quorum *illud* ad legem *æquam* & rectam; *hoc* ad eam, tanquam *viam felicitatis*, quam populus intendit, pertinet, & *illud* in specie quamvis *injustitiam* & iniquitatem,

tem, *hoc* qualemunque defectionem a Deo, ejusque cultu, unica salutis via, ad idololatriam, superstitionem & quasvis concupiscentias, complectitur. Quæ peccata & crimina ante exilium primas tenuerunt inter Israelitas, & judicia Dei tandem severa produxerunt: ut ex Prophetis & historia notissimum est. 2. Peccatorum condonatio hic dicitur *sublatio* & *obvelatio*; quæ voces conjunctæ indicant, peccata ex *conspectu* fuisse ablata; quatenus ea in effectis suis non amplius conspiciuntur, vel a Judice non amplius attenduntur, aut ad animum revocantur. In quo sita est eorum *condonatio*, seu *remissio*: de quo pluribus hic differere, nihil adinet.

§. XIII. 3. Consequens est *iræ* Dei judicis & vindicis cessatio, vers. 4. quæ hic emphatice exprimitur. Ipsa *iræ* adpellatur tum *excarescentia*, sive *effervescentia*, instar fluvii exundantis effusa, quæ vis vocis Hebrææ est, tum *æstus nasi*, quod voces proprie dicunt, summæ iræ signum. Quæ, *ἡ ὀργὴ* intellecta, nihil nisi summum *justitiæ* gradum & effectum repræsentant, qua Deus punit peccata, & læsam suam Majestatem vindicat, seseque justum ac sanctum demonstrat, legisque suæ auctoritatem a contemptu vindicat. Quæ tractitia sunt. *Iræ* hujus *cessatio* dicitur *recollectio effervescentiæ*, & *æstus nasi reductio*, qua ira exundans, & se in nasum exserens, recolligitur & retrahitur, seu finitur & aboletur, ita ut nihil ejus amplius conspiciatur, aut existat.

§. XIV. Sensus ergo est; malorum, quæ Judæi propter peccata experti erant, *causas* omnes plane & plene esse sublatas, adeoque nulla amplius iræ Dei signa & effecta restare, & Deum cum populo reduce plenissime rediisse in gratiam; sui que favoris signa & effecta plena mensura ei concessisse. Quo facit, quod *omnia* peccata texisse, & *omnem* effervescentiam recollegisse, dicatur. Ex quo manifestum est, in nullum tempus hoc quadrare, quam *Maccabaicum*, post finitam afflictionem *Epiphanicam*; quia ante hoc tem-

pus Judæi reduces continuis adhuc vel periculis, vel malis, fuerunt obnoxii, & in ipsa illa afflictione summam Dei excandescenciam senserunt; uti notum est. Hisce malis erepti tandem in longe prosperrimum statum sub Maccabæis resurrexerunt.

§. XV. Tantum de *scopo* versum & vero *conspectu*, verbo defungar, cum non sit in difficili positus. Ex dictis enim adparet, felicem Judaeorum in Cananaea statum, & Dei cum populo suo reconciliationem, hic memorari, tanquam 1. occasionem, quæ preces peperit 2. notam temporis, quæ, eas esse tempestivas, & exaudiendas, demonstrabat 3. rationem moventem, quæ Deum ad eundem favorem reliquis Israelitis præstandum permovere possit, quo reduces in Cananaea fruebantur.

§. XVI. Praeclara favoris Dei signa & effecta, in Judæis reducibus, & prosperrima eorum conditione sub Maccabæis, conspicua, posteaquam pii Israelitarum, in exilio & calamitate adhuc degentium, tanquam occasionem precum & rationem moventem exauditionis, in medium protulissent; de quo supra vidimus: ad ipsas preces sese convertunt, vers. 5—8. quas una cum rationibus moventibus *duplici* gradatione, altera *generaliore*, altera *specialiore*, hac ratione proponunt, ut *α.* pro *reductione* sua in genere orent, rationemque impellentem subjungant, vers. 5, 6. *β.* pro salute Messiae manifestanda in specie supplicent, præmissa, fundamenti instar, ratione movente, a promissis Dei, quæ non poterant non impleri, repetita, vers. 7, 8. Sic enim cohærent hi versus, & hoc ordine explicandi sunt.

§. XVII. *α.* Prior pars *α.* generaliorem precationem, vers. 5. *β.* rationem moventem, ei subjunctam, continet vers. 6. *α.* Ipsæ preces ita sonant, vers. 5. *Reducito nos o Deus salutis nostræ! & infringe indignationem tuam nobiscum*, h. e. iræ tuæ signa, quæ hucusque longo tempore in exilio experti sumus, Tuo favori, cultui & terræ nostræ, nondum redditi,

redditi, e medio aufer, & nos vel in possessiones nostras avitas inmittito, vel in prosperitate populi tui sortem concedito, vel ad Tui communionem & cultum, secundum voluntatem tuam exercendum, admittito; *o Deus salutis nostræ!* qui tot tantisque liberationibus, olim concessis, Te nobis talem demonstraſti, & ulterius præstiturum esse promisisti in Messia.

§. XVIII. 1. Israelitæ a Judæis reducibus, & prospere in Cananæa agentibus, distincti, adhuc sine Deo, & rege, sine ephod & cultu Dei oberrantes, hic loquuntur: ut ex diversa persona, antea *tertia*, hic *prima*, qua utuntur, & diverso ac opposito populi Dei & suo statu, facile elucet. De quo supra egi. Sed *pii* ex illo populo, omnium personas sustinentes, & pro universo populo intercedentes, hic intelligendi sunt. Quod sponte sua elucescit. 2. Deum, quem adloquuntur, aptissimo *Dei salutis suæ* titulo insigniunt; ut tum præterita beneficia se memore & grata mente recolere, tum futura promissa in promptu habere, significarent, & relationes Dei ad populum, in beneficiis & promissis fundatas, ob oculos ponerent. Titulus, sicut Deum tanquam omnis *salutis* fontem & causam unicam in genere proponit, sic in specie ad *præteritas* liberationes multiplices, variaque *bona* in populum collata respicit, simul ad futuras salutes se porrigit; & specialissime ad eam, quam Deus, hoc ipso nomine *Jesu & servatoris* adsumto, adferret. Quam omnem sensus amplitudinem hic complectimur; quemadmodum & Jef. xxvi: 9. & sæpe alibi; specialissimo sensui quare hic locum demus, faciunt sequentia, ubi *salus* per Messiam adducenda manifesto memoratur: ut suo loco patebit.

§. XIX. 3. Materiam precum constituit petitio *reductionis* populi, & *abolitionis iræ Dei*. *Reduc nos*, inquit, & *infringe indignationem tuam nobiscum*. Quo 1. indicant, populum suum adhuc in exilio versari, & in statu a Dei communione ac cultu alieno; adeoque *iræ Dei*, in peccata accensæ, unde illa mala fuerant orta, se adhuc præferre-

signa. 2. *Precantur*, ut Deus populum *reducat* & *iram infringat cum ipso*, h. e. ira infracta reducat. Sicut enim status exulium ex ira Dei in peccata erat ortus, & de illa, adhuc durante, testabatur; ita *reductio*, iram abolitam esse, demonstrat. Phrasim, *infringe indignationem nobiscum*, id est, qua nobis iratus es, ut per se liquet, iræ signa & effecta abolenda comprehendit. Verbum פָּרַר, hæc enim radix est statuenda, proprie *infractionem* denotat per *crenas* & *incisuras*, ut cum *acies* rei per multas crenas & incisuras infringitur, ut penitus *irrita* reddatur & *aboleatur*. *Indignatio* quamdiu viget & effecta edit, *aciem* habet, quæ ferit & pungit; sed quæ obtusa & infracta censetur, cum se exserere cessat, & mala non amplius producit, quæ de *ira* Dei testantur. Quod hic ad *reductionem* populi refertur; oppositè ad statum exulem, ab ira Dei profectum. *Reductionis* vero nomine, quod est generalius, utuntur, ut Deo se relinquere indicent, quo *reductionis* genere uti velit, sive populum avitis sedibus restituendo, sive a malis, quæ in exilio patiebantur, liberando, sive ad Deum ejusque cultum convertendo. Quæ omnia generali *reductionis* nomine sunt comprehensa. Orant itaque 1. ut in Cananaeam reducantur, qui hucusque extra sedes patrias, vel sua culpa, vel coacti, in peregrinis oris versati fuerant. 2. Quod si fieri non posset, ut saltem a malis liberarentur, quæ multa adhuc pati debebant inter Gentes, & prosperitate ac pace gaudeant. 3. Vel saltem, ut animis ad Deum verum, ejusque legem, conversi officiis religionis secundum præscriptum Dei defungi possent.

§. XX. Hanc petitionem urgent ex *diuturnitate* exilii nimia, nisi cito finiatur. vers. 6. *An in perpetuum nobis irasceris, nasumne tuum protrahes in aetatem & aetatem?* Sensus est, iram Dei vel nunc esse finiendam, & nasum ab aestu ejus reducendum, (quæ phrasim vers. 4. occurrit, oppositè ad *nasi protractionem*,) vel *nunquam*; quod posterius cum per Dei benignitatem, relationes ad populum, & promissa, fieri

fieri nequeat, quare illud hic rejicitur per formam interrogandi, quæ negationem dicit, oportet, *nunc* tandem finis ei imponatur; quia *tertium* non datur inter *nunc* vel *nunquam*, saltem ut videri posset. Ratio est, quia *characteres* temporis nunc adfunt, qui illud opportunum faciunt; & tempus iræ præfinitam characterizant. Quæ temporis opportuni *criteria* duo sunt, *alterum*, quod nulla amplius iræ in Judæos signa sint reliqua, sed illi ad summum prosperitatis & libertatis culmen pervenerint; ut superior pericopa habet; *alterum*, quod Messiae tempora ante fores sint. Quæ duo tanquam signa temporis, quo Israel & Juda in unum corpus coalescerent, in verbo Prophetico occurrunt: ut supra observavimus. Accedit, tam diu jam fuisse protractam iram Dei, ut videri posset *æternam* duratura, quod non deberet, si *diutius* prolongaretur. Cum itaque dicunt, *an in æternum?* &c. significant 1. illud esse absonum, Dei bonitati & veracitati adversum, 2. adeoque nunc esse *iræ* & *malis* terminum ponendum, cum sit tempus opportunum, & cæteroquin videri possit, *æternam* futuram Dei iram.

§. XXI. 1. Generali huic petitioni adjungunt aliam paulo specialiorem, quæ Messiae manifestationem supplicant, vi promissorum Dei, vers. 7, 8. quam ita proponunt, ut *rationem* moventem, fundamenti instar, præmittant, vers. 7. & *precationem* subjungant, vers. 8. Utriusque versus verba ita sonant. *Nonne Tu demum vivificabis nos, & populus Tuus in Te letabitur? Videre nos fac benevolentiam tuam, o Jehovah! & salutem Tuam des nobis.* h. e. Cum Tibi propositum sit, nos communioni tuæ & cultui, quæ vera nostra vita est, restituere, & populo tuo materiam veræ lætitiæ in Te subministrare in Messia: hanc tuam gratiam ac salutem ut nobis quantocyus fruendam concedas, etiam atque etiam precamur. Petunt itaque, ut *gratia*, per Messiam adducenda, manifestetur; & preces ex eo urgent, quod Deo propositum sit, populum *vivificare* & *lætificare*:

Letificare eo tempore. Praemittunt autem eam instantiam, quia ad superiores preces pro *reductione* sua pertinet, earumque exauditionem proprie urget: acsi dicerent. *Reduc nos*; quia Tibi stat, nos aliquando *vivificare* in Messia: quod cum Tibi propositum sit; quaesumus, eam gratiam Messiae fac manifestari; cum nostra vivificatio ab ea dependeat.

§. XXII. Sequamur itaque ordinem textus, & *a.* de ratione movente, ad praecedentes & sequentes preces se extendente, dicamus *b.* de precibus specialioribus inde ortis, & in ea fundatis. *a.* Prius, vers. 7. habet. *Nomine Tu denuo vivificabis nos, & populus Tuus in Te letabitur?* Quibus verbis ad oeconomiam gratiae, per Messiam erigendam, respici, autumaverim; tum quod sequentia eo manifeste pertineant, tum quod a *reductione*, de qua modo locuti fuerant, distinguant, tum quod *vivificationis* nomine hoc beneficium, saltem ultimo, intelligi soleat. ut Jes. xxvi: 19. Hos. vi: 2. Jes. lvii: 15. & alibi. Meretur illa oeconomia 1. *Vivificationis* nomen, eique 2. proprium est, ut *populus Dei* in Deo tunc *letetur*: quae duo hic occurrunt. 1. *Vivificationis* conspectum gerit, quia, *auctore* vitae verae, spiritualis & coelestis, manifestato, & per passionem consummato, beneficia *remissionis* peccatorum, *sanctificationis*, & *adoptionis* filiorum Dei, summa emphasi dispensantur, & *vita ac immortalitas* in *lucem* protracta est. In quibus vera hominis *vita* consistit. Quae, aliunde nota, hic latius explicare nihil adtinet. 2. Alterum illud, quod *letitiam populi Dei in Deo* comprehendit, oeconomiae Messiae quasi criterium ducit; cum, reatu expuncto, & signis peccati exstantis abolitis, Deo cum populo perfecte reconciliato, & favoris Dei multiplicibus signis prostantibus, Spiritu etiam S. plena mensura in Ecclesiam collato, et charitate Dei in corda credentium effusa, plenissima et uberissima purae et abundantis *letitiae* materia suppetat Dei in Christo amantibus. *In Deo* autem *letari* arctam cum Deo communionem, et spiritualem plane adfectum animi, a rebus

rebus externis prorsus abstracti, et Deo unice fidentis, exprimit. Quod summa emphasi sub N. T. locum habet.

§. XXIII. Ceterum cum *vivificationem* ad se, et *lætificationem* ad *populum* Dei referunt, indicant 1. pertinere haec beneficia proprie ad *populum* Dei, nec in genere tantum, sed omnes ejus *cives* in specie; nemine excepto: quare verbo plur. num., *laetabuntur in Te populus tuus*, utuntur, ut singulis ex populo hoc competere exprimerent. Populus autem Dei etiam hic primo sensu omnes credentes et Dei amantes ex Judaeis complectatur, ut sponte sua elucescit, latiore tamen *ad gentes*, quae sibi in semine Abrahami benedicerent, sese porrigit. 2. Se in eo beneficio partem habituros, significant; cum ejusdem populi reliquiae sint & posteri, nec nisi ad tempus a Deo rejecti, & in statum *non-populi* redacti, suo tempore recipiendi; ut verbum promissionis habet Hof. II. 1., & alibi. Cui innixi spem suam de melioribus illis temporibus exponunt, dicentes; *nonne Tu denuo vivificabis nos, & populus Tuus laetabitur in Te?* qui interrogandi modus *adseverationem* denotat, &, certo certius id esse futurum, indicat. Est acsi dicerent; nonne Tu hoc promissisti, & promissa implebis? imo vero facies, nosque secundum promissa iterum *vivificabis*, & *populum* Tuum in Te facies laetari. Quae promissa ubique prostant, & supra jam citavi. Sed quid sibi vult illud *iterum* in phrasi, *iterum vivificabis nos?* proprie, *nonne reverteris vivificabis*; sed, quod pervulgatum est, praecedens verbum in ejusmodi constructione usum *adverbii* habet. Idem ergo est, ac *altera, iterata vice*, vel *rursus, vivificabis nos*; opposita sc. ad destructionem & rejectionem populi in exilium missi, & *non populi* facti. Non acsi idem sibi contingere vellent, quod ante repudiationem suam habuerant, ut ad primam speciem videtur, sed aliud ei simile, verum excellentius, & eo nomine majore emphasi dignum; ut, cum *mortui* dicuntur iterum vivificandi, licet *vita* meliore, uti in resurrectione mortuorum, donentur.

Kkkkk

§. XXIV.

§. XXIV. Hac fide & spe meliorum temporum erecti, & promissis Dei innixi, *preces* pro manifestatione melioris œconomiae, quacum sua restitutio cohærebat, fundunt, vers. 8. *Videte nos fac gratiam tuam, & salutem des nobis.* Cum, Deum *se vivificare*, & populo ejus præbere *latitiæ* materiam, dixissent; nunc temporis *qualitatem*, & *modum*, quo ea beneficia sibi contingerent, explicant, & ut ea quantocytus repræsententur, supplices orant. Deus exules *vivificaret*, & populum *latificaret*, quando *gratiam* suam manifestaret, & *salutem* suam dispenseret; & hac ratione *vitam* & *gaudium* daret populo suo, ei *gratiam* faciendo, & *salutem* concedendo. Voces *gratiæ* & *salutis* sunt selectæ, quæ œconomiae Messiae lineas ducunt, quarum altera *principium* & *causam* beneficiorum, altera ipsa *beneficia* exprimit. *Gratia* seu *benignitas* enixissimum studium benefaciendi, quo Deus fertur, ob oculos ponit, & *amorem* Dei, quo hominibus nil merentibus bene vult, exhibet. Quod alias *gratia* nomine in Script. venit: adeoque *principium* & *fontem* omnium beneficiorum gratiæ designat. Ipsa vero *bona*, ex hoc largissimo fonte profluentia, adpellantur *salus*, quæ, quicquid hominem perficere & vere *beare* potest, ambitu suo complectitur; adeoque liberationem ab omni *malo*, & omnis *boni* largitionem, in hac & futura vita. Quæ beneficia, justificationis, sanctificationis, conservationis & glorificationis, nominibus nota, cum Deus in *Messia*, & ejus causa, dispenseret, & ipse etiam inde nomen *Jesus*, *servatoris*, imo *salutis*, accepit; hoc ipso *salutis* nomine ipsum hic comprehendi, non fuerit alienum statuisse. Sic Jes. xxv. 9. *Et dicitur illo dñe: ecce Deus noster hic est, quem expectavimus, & qui nos salvet: hic est Jobova, quem expectavimus; lætemur & gaudeamus salute ejus*, & alibi sæpe. Agnovit & celebravit hoc Simeon, Luc. ii. 29, 30. expectarunt hoc pii omnium temporum, & nostri precatore eo in precibus suis respiciunt, cum dicunt, *videte nos fac gratiam tuam, & salutem tuam des nobis.*

§. XXV. Qui-

§. XXV. Quibus verbis *tria* præcipue petunt, 1. gratiæ & salutis manifestationem claram & certam. 2. cognitionem & agnitionem suam, 3. participationem, & possessionem salutis istius. Quæ omnia ad *vivificationem & latificationem* necessario requiruntur, & verbis, *videre facere* ac *donare*, sunt comprehensa. Forte duo illa verba, secum copulata, idem dicunt, ac *datam gratiam salutarem videre facere*. *Datio*, 1. manifestationem & oblationem. 2. adplicationem, comprehendit. *Videre facere*, 1. gratiam manifestatam dicit, *a.* oculis offerre & sensibus; ut Abraham et Prophetæ desiderarunt, & *Simeon* aliique *viderunt*, *b.* non qualicunque modo, sed *clare et perspicue* manifestare, cum certissimis veritatis argumentis et signis. *c.* denique *intellectui et animo* tanta cum efficacia exhibere, ut eam et in omni certitudine ac amabilitate intelligant, ac intimo adfectu amplectantur, et *credant*: quod *revelare infantibus* et sapientibus occultare etc. dicitur. 2. *gratiam* adplicitam videre facere est, eam non tantum fruendam dare; sed et de sorte sua certiore facere; ita ut *sciunt*, *quæ a Deo donata sunt*, et in ea *salute latentur*. ut vers. 7. dictum erat.

§. XXVI. Precibus pro exulum reductione, iræ Dei termino, et salutis Messie manifestatione, fuis, poeta, reliquorum fratrum personam sustinens, plenum et fiducia plenum animum; de precibus exaudiendis certum, testificatur, ejusque suæ fiduciæ fundamenta ponit *duo*, *alterum* in benevolo Dei erga populum suum adfectu, cujus tot dederat, daretque, indicia, *alterum* in propinquitate temporum beatorum sub Messia situm. Quæ summa est ultimæ vel tertiæ partis Psalmi, vers. 9—14. Cujus duæ sunt partes, *n.* prior *fiduciæ* precantis continet, simul *pietatis* ejus explicationem, vers. 9. in primo membro, 2. posterior *duo fiduciæ* fundamenta, *alterum*, beneficia in populum collata et conferenda, nisi obstaculum ponat populus, vers. 9. *alterum*, oeconomiam Messie brevi erigendam, vers. 10—14.

Kkkkk 2

§. XXVII. *n.* Ani-

§. XXVII. 1. Animum, pietate et fiducia insignem, sanctus orator, omnium nomine, his verbis exponit, vers. 9. *Audiam quid locuturus est fortis ille Deus Jebova*, scilicet, qui et *potest* et *vult* dictis & promissis fidem præstare; quo nomina *Dei fortis* & *Jebova*, ut nemini non notum est, tendunt. Significat, 1. Deum aliquid secundum vota precantium esse *locuturum*, non verbis modo, sed & *factis*; unde, Ipsum precibus adnuere, pateat. *Loqui* de Deo usurpatum, relate ad preces, utrumque complectitur, & *verba*, quibus vel per prophetias, vel intimationem precantibus factam, preces se exaudire declarat, & *facta*, quibus reapse implet promissa, quibus preces sunt innixæ. Deus enim non *sonos* tantum fundit loquendo, sed ubi loquitur, ubi præcipit, rem ipsam sistit præsentem. 2. se illud oculis, auribus & animo, esse excepturum; cum *salus ejus* in *propinquo* sit, vers. 10. ita ut spes sit, suo forte tempore revelandam esse. Quod implementum confirmavit. A temporibus enim Maccabaicis, seu Joh. Hyrcani, quando Pl. videtur confectus, Messiae adventus tam longe non astit, ut initia & præludia a longævis observari non potuerint. 3. se *paratum* esse, & ita adfectum, ut, cum Deus loqueretur, & preces impleret, pronis auribus & animis sit excepturus; adeoque esse inter eos, qui *consolationem* Israelis *expectant*. 4. denique, se *pie*, *patienter* & *avide*, præstolaturum, donec Deus eo, quo dixi, modo loqueretur. Quæ omnia verbo *audire* comprehenduntur. *Audiam*, h. e. spes me alit me auditurum esse, utique profiteor, me, cum Dei dictum fuerit prolatum, esse auditurum, & ita esse adfectum, ut pie & patienter expectaturus sim.

§. XXVIII. 1. Sed quo fundamento vir sanctus se *bona* Dei verba esse auditurum, credidit? duplici, respondeo, *altero* in præterito & præsentem populi Dei statu, in posterum continuaturo, nisi populus cum cane ad vomitum redeat, sito, *altero* in propinquitate salutis Messiae certo certius revelandæ. Prius his verbis proponitur, *Quia loqui-*

loquetur pacem ad populum suum, & ad pios suos, modo ad stultitiam non revertantur. Quæ verba argumentum sermonis Dei, quem audire sperabat poeta, non continent, ut Interpretibus visum, sed *fundamentum*, cui spes sua innixa erat; quod cum ex particula causali *quia*, tum ex eo liquet, quod, *quid Deus* sit prolocuturus, se auditurum esse, profiteatur; quid autem illud sit futurum, a Deo erat audiendum, non ab ipso enunciandum. In errorem duxit forma fut., *quia loquetur*, sed ea sæpe præteritum & præsens involvit, siue *morem & consuetudinem* dicat, siue ad futurum se simul extendat; unde ratio *futuri* est repetenda. Sensus ergo est, Deum *pacem* populo suo procurasse, & procuraturum in posterum, si ad perversam suam indolem se non recipiat. Quæ ipsa conditio addita evincit, hic de promisso Messiae, quod se exauditurum sperabat sanctus poeta, quippe a simili conditione non suspensio, non agi, sed de prospero reip. & Ecclesiæ Judaicæ statu sub Maccabæis, tanquam signo adventus Messiae; de quo supra vidimus. Quo etiam pertinet, quod ad *populum Dei*, ad *pios ejus*, restringatur, sc. Judæos & *Chasidim*, siue pios illos temporibus Maccabaicis, eo nomine notos in historia, qui pro lege & patria decertarunt. Est itaque, acsi dicat vir sanctus, omnium fratrum in exilio nomine; *audiam quid boni* nobis Deus loquatur; loquetur enim in bonum nostrum; quia tam præclara præstitit, & præstiturus est, *populo suo*, & *piis suis*; pacem & prosperitatem ipsis procurando, quam perennare faciet, si officio suo non fuerint defuturi; argumento, nos prope abesse a redemptione & liberatione nostra, per Messiam adducenda.

§. XXIX. *a. Populus Dei & pii ejus sunt Judæi in Cananæa*, ut vers. 3 & 7. & in specie *studiosi legis & religionis*, eo nomine insigniri soliti, & in Ps. & in historia Maccabaica. *b. Pax* hic cum liberationem a servitute, oppressione, & bello religionis causa gesto cum Syris & impiis, tum quamvis *prosperitatem* aliam, quæ civitatem &

Ecclesiam felicem reddit, comprehendit, ut sæpe alias. *c. Hanc Deus loquitur* ad populum, cum eam ipso facto adfert, & præstat, in primis *singulari & Divino* modo; ut tempore Maccabaico. *Loqui Dei est dictum factum.* *d. Hanc sicut Deus populo procuraverat, ita etiam procuraturus* esset in posterum; quo forma fut., *loquiturus est*, tendit; modo redempti *non redeant ad stultitiam.* *e. Huc enim ultima verba, vers. 9. tendunt, & ne redeant ad stultitiam.* *h. e. at, sed, ne redeant;* modo, quod optandum est, ne revertantur. Quo manifeste indicatur, pacis continuationem, qua nunc fruebantur, ab eo esse suspensam; & tacite insinuat, populum denuo esse a Deo defecturum; non quidem ad idololatriam, ut antea, sed *superstitionem & morum corruptionem*, quæ æque ex *stultitia* originem repetit, & de ea testatur, ac idololatria: quare dicitur, *ne redeant ad stultitiam*, a vero Deo placendi, & legem, ut decet, præstandi studio, in quo solo *sapientia* est, remittendo, & propria placita, instituta propria, loco legis, sectando; denique libidini & corrupto adfectui ad quævis vitia & scelera indulgendo. Vox Hebr. a *lumbo* ad *vitium* in eo, & inde ad *torporem*, & *stultitiam*, transiit; dicitque, ut cum prisca Latinitate loquar, *lumbaginem*, quæ est *debilitas membrorum*, & animi *stultitia*. Non sine ratione hæc conditio, vel hoc *monitum*, additur, quia populum ad veterem *stultitiam* post Joh. Hyrcani tempora se recepisse, & in novas calamitates præcipitem dedisse, donec in novam *servitutem*, quæ reip. excidium secum traxit, prolapsus fuerit, experientia docuit.

§. XXX. Alterum fundamentum fiduciæ, quam de exaudiendis precibus conceperat, est propinquitas manifestationis Messiæ, a nulla conditione pendentis: quod *a. in genere* proponitur, vers. 10. *Veruntamen propinqua est timentibus ejus salus ejus, ut habitet gloria in terra nostra.* *h. e. quicquid de perenni illa prosperitate, quæ a populi statu morali dependet, futurum sit; attamen illud certum &*

& firmum stat, sive bene sive male officio defungatur; absolute implendum; *salutem Dei brevi* esse manifestandam & terram Cananæam, seu populi Dei hæreditatem, *gloria replendam*. Ex quo certissime mihi persuadeo, *verba bona & salutaria*, in quibus nostra redemptio & liberatio sita est, me a Deo esse auditurum. Hac ratione cohæret versus cum superiore; quem nexum particula *veruntamen*, *profecto*, *tantum*, haud obscure significat. Ceterum, *economiam* gratiæ sub Messia hoc & seq. versibus depingi, ex superioribus clarum est, & ex ipsa hac pericopa quam clarissimum. Phrases enim, si verum & plenum sensum sint habituræ, ut oportet, in nullum populi Judæi statum, ac quo Christus Ecclesiam erexit in eorum medio, conveniunt. Quod ipsa tractatio docebit.

§. XXXI. Nostro versu, in quo *de salute Dei brevi manifestanda timentibus ejus, & gloria in terra populi Dei habitatura*, agitur, felicissimi temporis, quo Messias in terra compareret, & bona gratiæ ac gloriæ adduceret, & cum Dei amantibus ac timentibus communicaret, *linæ* in genere ducuntur. *Salus Dei*, quæ ipsum habet auctorem, ejus, quæ imaginem præfert, ac ejus communionem involvit, quare *salus ejus* audit, quævis bona spiritalia, quæ hominem perficiunt, comprehendit in hac & futura vita, una eum ejus *causa* impetratoriæ, sive Messia; de quo ad vers. 8. vidimus. Hæc cum *propinqua* dicitur, eam brevi post esse manifestandam, & dispensandam, satis clare indicatur. Sed quare *timentibus Dei*? ut eorum characteres figerentur; qui hanc salutem participarent; ne, promiscuam ejus dispensationem fore, & qua in universum omnes ex populo Judæo, vel soli Judæi, fruerentur, existimaremus. *Timentes Dei* sunt, qui peccatorum & justis eorum vindicis sensu tacti, & hoc onere pressi, justitiam Dei servatoris esuriunt, & sitiunt, animo a peccatis alieno, & in legis Dei, seu virtutis, observantiam prono, præditi. *Timentes Dei* sunt, qui, Dei, tanquam doctoris & Legislatoris, reverentia

tia ducti, ejus revelationi & verbo submisſe adſurgunt, & legem Dei violare religioni ducunt, verbo, *reſiſcentes & credentes*, ut in N. T. audiunt. *Alterum* membrum eſt, *ut habitet gloria in terra noſtra*, ſc. propinquum eſt, *ut habitet*, quod ex ſuperiore membro ſupplendum eſt. Significatur 1. Meſſiæ manifeſtatio in terra Cananæa, cum ſignis *gloriæ unigeniti Dei*, Joh. 1: 14. 2. Spiritus S. glorioſa effuſio in Chriſti diſcipulos; ſuper quibus *Spiritus gloriæ* legitur *requieſcere*, 1 Pet. iv: 3. Eccleſiæ Chriſti inter Judæos erectio, & propagatio, cum multis Divinæ præſentiæ ſignis conjuncta, & vera ſapientia & ſanctitate fulgens. Conf. Jeſ. iv: 5. *ſuper omnem gloriam erit tegumentum*. 4. Denique ingens *Gentium* confluxus ad hanc Eccleſiam, quæ ſalutem in ejus communione participarent, & agnoſcerent, Deum eſſe in medio ejus, Jeſ. ii. & ſæpe apud Prophetas. Sic Simeon *ſalutare Dei* adpellat *lucem ad illuminationem gentium*, & *gloriam populi Iſraelis*, Luc. ii: 32. Sic gloria domus poſterioris fuit illuſtrior ea prioris, Hag. ii. imo miniſterium Moſis ne quidem glorioſum propter excellentiorem euangelii gloriam. 2 Cor. iii.

§. XXXII. β. Felicem, ſeu ſalutarem & glorioſum, hunc terræ & populi ſtatum, in genere propoſitum, Vir Sanctus per partes & articulos varios diſtincte & eleganter repræſentat, verſ. 11—14. 1. *Prima* pars ita ſonat, verſ. 11. *Benignitas & veritas ſe offendunt; juſtitia & pax oſculantur*, h. e. in mutuos ruunt amplexus. Quam cogitationem utrumque verbum ſuggerit. Prius *offendunt*, quod verti *offenduntur*, vel *offendunt ſe*, proprietatem habet in frontibus & capitibus ſibi invicem impactis, unde ab altera parte ad *hoſtilem* impactionem, ab altera *amicam* cum mutuo amplexu, transfertur: quam emphafiſ hic habet. Alibi ſimpliciter pro *occurrere* ſumitur, ut Prov. xxii: 2. *pauper & dives offenduntur, frontibus adverſis*, ſeu, ſibi occurrunt. Poſterius *proprie* eſt, *labra labris conjunxit, & arctius adpoſuit*; hinc *arctius adheſit*. Hic cum intimi illi amplexus *benignitati ac veritati, juſtitia & paci*, per aliquam

quam personæ fictionem adtribuuntur; duo, ni fallor, significantur, virtutum illarum combinatio, & publicum, frequens, ac liberum exercitium; ita ut in publico conspiciantur, & ubique sibi occurrant: oppositè ad id, quod Jes. LIX: 14. dicitur, *Fus aversum est retrorsum, & justitia stat a longinquo; profecto lapsa in foro veritas, & integritas nequit intrare.*

§. XLIII. Sed, cum hæc faciliores habeant explicatus, difficiliore forte ipsæ *virtutes*, earumque copulatio. Dubium enim forte est, sintne *Deo*, an hominibus erga se invicem, adtribuendæ. Prius si placeat, *gratia & veritas* studium Dei, quo & hominibus nil merentibus benevult ac benefacit, & dictis ac promissis fidem præstat, designabunt; *justitia* vero gratuitum remissionis peccatorum beneficium, in æternis *justitiæ* rationibus fundatum, & *pax* ejus consequens seu reconciliationem hominis cum Deo, ac omnigenam hominis *pacem & secum*, & cum aliis, exprimet. Quæ sibi occurrere & se complecti dicerentur, quatenus publica & multiplicia eorum existant indicia & effecta inter homines. Equidem, sensum & phrasibus & harmoniæ script. V. ac N. T. esse congruum, lubens concedo; attamen ad alium sensum, quo humanæ virtutes intelliguntur, inclino. 1. Quia voces hic absolute, sine ulla relatione, occurrunt: quo casu nusquam de Deo usurpantur. Dubium non est, quin *gratia & veritas ejus* dixisset poeta; si de Dei virtutibus nos cogitare voluisset. 2. Phrases, *benignitas & veritas, justitia & pax, se mutuo offendunt, & amplexantur*, nescio quid duri, si Dei virtutes intelligantur, habeant; utique de *civibus* sese mutua benevolentia, veracitate, justitia & æquitate, complectentibus, facilius capiuntur. Ducunt enim nos ad *civitatis* statum, & mutua civium officia. 3. Occurrunt hic tanquam signa & effecta *salutis* Dei inter homines manifestandæ; quæ *salutis* notio omnia beneficia gratiæ complectitur, quæ de virtutibus Dei testantur: adeoque de virtutibus hominum, inde ortis, & ad statum salutis pertinentibus, hic rectius cogitamus. 4. Accedit, vers. 13. *benefi-*
LIIII *ficia*

ficia Dei expresse memorari per *etiam Deus* &c. argumento, hic de felici civitatis statu, in virtutum illarum exercitio sito, agi. 5. Denique usus Scripturæ, ubi prosperum civitatis statum describit, confirmat hanc interpretationem. vid. Jes. xvi: 5. xxxii: 16. Zach. viii: 16. oppositæ ad tristem civitatis conditionem Jes. lxx.

§. XLIV. Explicemus secundum hanc hypothesin hasce virtutes, sed brevibus. 1. *Prima* virtutum biga est *benignitas* & *veritas*; quæ sæpe junguntur in Scriptura, etiam ubi hominibus tribuuntur, ut Jes. xvi: 5. Prov. xx: 28. Ps. lxi: 8. & alibi. *a. Benignitas* exprimit intensum studium alios juvandi, eorum commoda promovendi, bene de iis merendi, idque ex generoso & liberali animo; nec parce & segniter, sed copiose & studiose, in specie, ubi ex stricto jure ad id non sit obligatus, sed sponte & generoso aliquo animi motu. *b. Veritas* designat tum *sinceritatem*, ab omni furo, dolo, & adulatione alienam, oppositæ ad cor duplex, linguam fallacem, & labia doloſa; Ps. xii. Jes. lxx. & alibi, tum *veracitatem* in commercio sermonis, oppositæ ad mendacia & falsiloquia, vel noxia, vel officiosa, tum *ſidelitatem*, in dictis et promissis præstandis, et arcanis celandis; tum denique *constantiam* in officiis charitatis et benevolentiae. Quæ verbo memorasse suffecerit. Quæ virtutes quam arcto connubio cohaereant, facile perspicitur. Quid enim *benignitas* sine *veritate*, præter hypocrisin, et adulationem? quid sine *constantia*, præter subitaneum aliquem motum et adfectum transitorium, qui cito oritur et occidit, et civitatem non reddit felicem? denique, sicut *benignitas* sese in factis, ita *veritas* se in commercio sermonis, vinculo societatis certissimo, exserit.

§. XLV. 2. Secunda virtutum biga est, *justitia* et *pax*, quæ mutuis osculis se amplexaturæ dicuntur. *a. Justitia* est; qua cum rectores et iudices, tum cives, singuli ordini statui et relationibus suis convenienter, sese habent, et gerunt, actionesque suas edunt, secundum leges bonas et aequas;

æquas; absque ut aut personarum adsumptio; favor et odium, aut oppressiones et fraudes in societate locum habeant; sed cuique honores, possessiones, et bona relinquuntur ac dentur, quæ singulis competunt. *Justitia* est, qua cuique jus suum datur, et factum tectum manet; cives debita libertate gaudent; et ab omnibus injuriis immunes sunt. *Justitia* denique est, qua in *judiciis*, *commerciiis*, et omni *conversazione*, singuli secundum *merita* et *jura* sua tractantur. Quæ non sunt obscura. *b.* Adjungitur *pax*, sive tanquam effectum *justitiæ*, ut *Jes. xxxiii: 17.* *opus Justitiæ pax*; sive tanquam virtus, et officium, eum *justitia* indivulso nexu conjunctum. *Priore* sensu indicatur, *pacem*, tranquillitatem et prosperitatem, sine rixis, litibus, animorum divisionibus, multo minus bellis, in civitate, *justitiæ* et *æquitatis* sede, locum habituram. Quod sponte sua elucet, et *justitiæ* est necessarium consequens. Quo bono nihil optatius accidere potest societati. *Posteriore* sensu animum *pacificum* ob oculos ponet, et quævis officia comprehendet, quibus et nostram et aliorum pacem, tranquillitatem, et securitatem conservare, et promovere studemus. Quæ virtus cum *justitia* copulatur; tum ut, *pacis* studium ab omni *injustitia* alienum esse debere, indicaretur, ne in factionem & conspirationem degeneret; tum ut, *strictum* jus semper non esse urgeridum et observandum, inculcaretur. *Pacificus* enim animus ulterius tendit ac *justus*; cum officia imperet, quæ *stricta justitia* non exigeret, vel salva *justitia* omitti possent; imo illud jus aliquando vetaret. Animus denique *pacificus* est, quo de jure nostro *pacis* gratia multum remittimus; injurias condonamus, non ulciscimur, potius bonum pro malo retribuimus; saltem toleramus malos et mala; iræ non litamus; vindictam non sumimus.

§. XLVI. 2. Poeta, qui in prospero et felici civitatis et Ecclesiæ statu, ex salutis Dei manifestatione, et gloriæ habitatione, in terra orituro, depingendo hinc versatur,

Lllll 2

postea-

posteaquam virtutum iustitiae, veritatis, benignitatis et pacis, publicum, frequens & liberum, exercitium in populo prædixisset futurum; mox in hæc verba loqui pergit, *vers. 12. Veritas ex terra germinabit, & iustitia de cælo prospexit, vel prospectabit.* Quæ verba varias complectuntur sententias, generales & speciales, scopo & phrasibus congruas, quas distincte enucleabo; ne amplitudini sensus quid detrahā. *1. Primo*, eoque generalissimo, sensu significatur, virtutes illas, quæ hic *veritatis & iustitiæ* nominibus comprehenduntur; *1.* abundantes *fructus* laturas, seu qualescunque actiones & officia, ex illis oriri solita, producturas, quæ in medio populi conspicerentur, eumque sustentarent & exhilararent. *2.* Continuum fore earum virtutum propagationem, & successionem; ita ut non brevi tempore, & cum una generatione, cessarent; sed in longam posteritatem sese exlerent; & ab una ætate ad aliam transirent, piaque ex pia radice nasceretur soboles. *3.* Virtutes eas difficili labore non esse acquirendas & exserendas, sed *spon*te quasi nascituras & facili opera exercendas, ut quod ex *terra* sponte sua oritur, adeoque ex constantibus & alte radicatis habitibus proventuras, quæ cum ipsa ætate quasi succrescunt. *4. Virtutes* illas non fore viles & vulgares, quasi ex terra tantum natæ essent, quæ multum fordidum secum trahunt, & multis animi vitiis, ac falsis principiis & finibus, contaminatæ; quæ *umbræ* verius & *simulacra* virtutum sunt, quam veræ virtutes, eo nomine dignæ, in quibus Deus acquiescere potest: sed *virtutes* veras, cœlestes & Divinas; quæ de *cælo* venerunt, & imaginem Dei referunt. Quales sunt, quæ ex pio & gloriæ Dei studio animo, fide purificato, & per Spiritum Sanctum sanctificato, proveniunt, & de cœlesti origine sua testantur: ita ut *iustitia de cælo* prospectare cenferi queat. Quæ Christianæ sunt virtutes, & Deo in Christo ad æternam vitam placentes. Virtutes itaque divinæ, ex coelo demissæ, et ex *terra orta.* Quem sensum præfert phrasis, et *iustitia de cælo*

caelo proſpectabit; quam illustrat ſimilis apud Jeſ. XLV: 8. ſtillate cæli ſuperne, & nubes tenues manent juſtitia: aperiat ſe terra — — & pariter proferat germen juſtitia. 5. Denique virtutes illas illuſtriſſimo plane modo, qui in omnium oculos incurreret, in populo Dei exerendas eſſe; ita ut ab omnibus quaquaverſum conſpicerentur, et celebrarentur: inſtar phænomeni alicujus cœleſtis.

§. XLVII. 1. Secundus ſenſus, paulo ſpecialior, ex emblematico *cæli* et *terræ* conſpectu oritur: ſecundum quem *populus gerit terræ*, et proceres, ſeu præfeſti, *coeli* imaginem; aptam ſatis et intellectu facilem, ſive ad *populi* et *reſtorum* conditionem, illius inferiorem, horum ſuperiorem et excelfiorem, ſive ad *præfeſtorum* et *ſubditorum* relationes ac officia, quibus illi in populum influunt, eum dirigunt, et multa bona conferunt, ſpectes. Quae latius non exſequor. Hoc conſpectu, qui in Scriptura uſitatus eſt, ut Jeſ. XXIV: 21. Hag. II: 6. Jeſ. LXV: 17. et alibi, *veritas* et *juſtitia* apte diſtribuantur inter *reſtores* et *cives*, et omnium civitatis ac Eccleſiae membrorum laudabiles adfectiones et actiones comprehendunt, quae civitatem et Eccleſiam felicem reddunt et proſperam. Quod non eſt in difficili poſitum. Ceterum *reſtoria* haec juſtitia, alias *diſtributiva* dicta, 1. aptiſſima phraſi de *coelo ſpectare* dicitur, quatenus ad ſubditorum vitam et actiones adtendit, auctoritate ſua fovet et tuetur, omnemque injuſtitiam reſprimit et vindicat. Sic de Deo inſpectore et judice utripatur, Pf. XXXIV. 2. Cum ſuperiore membro verſus recte cohaeret; cum haec juſtitiae inſpectio multum contribuat ad veritatem et virtutem in ſubditis et civibus fovendam, educendam et ab omni injuria defendendam; et ſine ea *veritas* vel ſe occultare debeat, vel in multiplices fraudes vertatur, aut conculcetur.

§. XLVIII. 1. Specialiſſimum denique ſenſum alius pândit *terræ* et *cæli* conſpectus, quo *terra* de hominibus, et *cælum* de Deo intelligitur, ſecundum uſitatiſſimum loquendi

modum in Script., et apud omnes gentes receptum. Quæ ratione *veritas ex terra germinans* quasunque virtutes, quas homines haberent, et exfererent, quæcunque virtutum exercitia et opera bona, ab iis præstanda, comprehendet. *Iustitia* vero *ex coelo prospiciens* 1. eam in genere virtutem Dei *rektoris* et *judicis* signabit, quæ bonos inter et malos distinguit, et cuique rependit secundum opera, bonis bene, & malis male: sed *virtutem* eam testatissimam & omnibus notissimam, multis signis & effectis comprobata & manifestam. 2. In specie virtutem Dei *redemptoris*, quæ populum suum, in potestatem Satanae & peccati redactum, cum clara iustitiæ & sanctitatis demonstratione in sponse, redimit, & in statum gratiæ & salutis adferit. Quo sensu *Iustitia* nomine comprehenditur beneficium remissionis peccatorum, cum gratia spiritus illuminantis, & sanctificantis conjunctum; ut sæpe in N. T., ubi *iustitia Dei*, & quæ ex *Deo* est, opposita ad *nostram*, ex operibus & meritis nostris, celebratur: ita etiam Jes. XLV: 24. *In Jebova sunt iustitia & robur*, Jer. XXIII. *Jebova iustitia nostra*, & alibi. Hæc de *coelo* dicitur *prospectare*, cum clara, certa & publica, ejus est *manifestatio* & *demonstratio*, sicut est Rom. I: 17. quod vers. 10. nostro Pl. dicitur *propinqua est salus ejus* &c. Iustitia enim & salus sæpe hoc sensu conjunguntur, Jes. XLV. Jer. XXIII. &c.

§. XLIX. Hic si admittatur sensus, posterius membrum; ad prius relatum, continebit *a. causam moventem & producentem* veritatis e terra germinantis; & recte in prætervertitur, ut hic occurrit, *etenim iustitia de coelo prospexit*, iustitia, tam rektoris ac judicis, cujus clara Deus dederat tempore Euangelii testimonia, quam *servatoris* in Christo, causa salutis, præsentis & consummato. Quæ quemadmodum insigni vi pollebat animum ad virtutem flectendi, sic simul causa erat *meritoria* ac *effetrix* pietatis & virtutis. Cum hinc omnia Sp. S. dona profuant, quibus animus hominis fecundatur, & ad bonam frugem proferendam aptus redditur,

ditur. *b.* Simul *consequens & premium* comprehendit ex virtutis studio & exercitio, modo descripto, oriturum. Cum enim Deus iustus sit, & cum populo suo reconciliatus, fieri non posset, quin, virtutis studio in populo vigente & florente, & in omnes bonos fructus exundante, Dei iustitia de cœlo manifestaretur in *bonum* populi, quo testaretur se in populo acquiescere. Quod cum sequenti versu recte cohereret, ubi *benedictio* Dei, qua populus mactaretur, & status ejus prosperrimus fieret, proponitur.

§. L. 3. Verba ita sonant, *Etiā Jehovah dabit bonum, & terra nostra edet proventum suum.* Prius membrum est generalius, & quævis *bona*, ad populum ornandum & beatandum, comprehendit: quare *bonum*, & *bonum* cum articulo emphatico, quaecunque bonum, quod eo nomine dignum est, in genere adpellatur. Nec tamen alia *bona* intelligimus, ac quæ *civitatem & Ecclesiam* reddunt felicem, & prosperam; nec non de *favore* Dei testantur, & cum eo connexa sunt. De spiritali enim & cœlesti salute supra actum erat, vers. 10. hic aliquid spiritalibus bonis addendum proponitur, ut ex vocola *etiā*, & nexu liquet: de quo mox. Quævis itaque *bona* ad populum & societatem in genere pertinentia intellexerim; ut sunt libertatis, pacis; splendoris; amplitudinis, potentiae, abundantiae. *Posterius* membrum est restrictius, & ad ea pertinet, quæ ad societatem alendam & exhilarandam faciunt, quæ nomine proventus *terræ* veniunt: quo quicquid ad sustentandum, amicum, tutandum & lætificandum, populum confert, comprehenditur. Quod hic tanquam prioris consequens occurrit. *Deus dabit bonum, & terra nostra edet*, h. e. Deus omni modo benedicet nobis, & ex ea benedictione in specie abundantia omnium terræ proventuum exorietur. Quæ nihil habent difficultatis.

§. LI. De *nexu & scopo* hujus versus paucis dicendum restat. Duo, ni fallor, significantur, cum de populo, virtutibus florente, dicitur, *etiā dabit &c.* *a.* Bona temporalia & terrestria non abhorrere a populo Dei sub œcono-

mia

mia Euangelica; sed pro benedictione Jehovæ & nunc esse habenda. β. Cohærere ea cum pietatis & virtutis studio ac exercitio. α. Bona terrestria, ut adpellantur, quæ ad fœdus gratiæ, & singulos fideles, sub N. T. relata, non principalium sed accessoriorum bonorum conspectum ferunt; de quo hic nunc non agam; duplici tamen nomine inter promissa & bona *Ecclesiæ* Christianæ locum tenent, 1. quatenus *Ecclesia societatem civilem*, vel *civitatem*, constituit. 2. Suo tempore, a Deo definito, hæreditatem terræ possitura est. 1. Priore respectu *Ecclesia* eandem habet, licet arctiorem, ad Deum relationem, quam *societates & civitates* in genere; quæ ad Deum tanquam rectorem & gubernatorem justum, æquum & bonum, respiciunt; cujus est, bona & mala, tanquam præmia virtutis, & pœnas peccatorum, dispensare in hac vita. Etsi enim in ultimo iudicio cuique secundum opera sit tributurus, tanquam singulorum hominum iudex: non tamen de *societatibus & populis*, verum singulis hominibus iudicium feret, adeoque *populos* in hac vita iudicet necesse est; nisi quis omne tale iudicium e medio sublatum velit; quod personæ Dei, tanquam rectoris, adversatur. Accedit, peccata *clamantia*, quæ vocantur, hanc Dei relationem clare adfirmare. Illud enim nomen nos ad iustitiam Dei Rectoris, qua salva dimittere nequit enormia peccata impunita, manifeste ducit. 2. Posteriore respectu *Ecclesia* promissa habet florentis et prosperrimi status, suo tempore implenda, quo regna mundi futura sunt *Dei*, in unum Dei regnum coalitura, ut ex Dan. II, VII. Ps. XXXVII., multisque aliis prophetiis manifestum est, et nunc satis constat. Gaudebit itaque tunc *Ecclesia Christi* quibusvis bonis terrestribus, quæ populum, qua talem, reddere queunt quam felicissimam. Quo hic directe respici autumaverim, ut mox observabo.

§. LII. β. De nexu inter hæc bona et pietatem ac virtutem, quem vocula *etiam* involvit, multis dicam, opus non est. 1. Nihil est ex verbo Dei notius, nihil testatius;
cum

cum omnes Prophetarum conciones, cuncta promissa & minae, eo collineent; ut omnium animis imprimatur id, quod Jes. xxxiii: 6. habetur, *Et erit stabilitas temporis tui, possessio salutis, sapientia & cognitio, reverentia Jehovæ est thesaurus ejus.* Conf. in primis Jes. xxxiii: 14. &c. Ez. xviii. xxxiii. & ubique. Ps. xxxvii. 2. Virtutes justitiæ & bonitatis, Deo naturales, quas in mundi gubernatione abnegare nequit, relationes ejus, qua Rectoris, ad homines, ratione & libertate præditos, idem in omnium oculos facile ingerunt. 3. Promissa specialia de felici Ecclesiæ statu sub Messia, quæ ubique se offerunt, hæc semper copulant, ut in nostro Ps. & Jes. lx. ac ubique. 4. Ipsa denique experientia hoc confirmat. Nunquam populus sine his virtutibus, vel earum simulacris, floruit; nisi forte ad tempus, sive ex longanimitate Dei, sive ut eo, tanquam instrumento, utatur in aliis puniendis, sive ad alios fines. Vitia & crimina populos semper pessum dederunt, & *justitia populum exaltavit*, ut Salomo testatur.

§. LIII. 4. Denique illustrem hanc pericopam concludit vers. 14. his verbis. *Justitia coram ipso gradietur, & ponet in viam gressus suos.* h. e. Justitia sese, Deo inspectante & adprobante, tam clare, & frequenter, tantaque vehementia & eo gradu, manifestabit, ac exferet, ut altissima sit impressura ubique vestigia, & post se relictura, quæ viam planam & tritam, & publicam, sternerent, qua omnes incedent. Versionem ante illustremus, quam de *justitia* dicamus, & sensum ad subjectam materiam adplicemus. Comparatur Justitia cum illustri & magnifica persona, quæ continua sua itatione & gravi incessu viam aliquam calcando tritam reddit, vel alta post se relinquit vestigia, omnium oculis exposita, & ab omnibus facile sequenda. 1. Verbum *ambulare*, & vi sua, & forma conjugat., quæ hic occurrit, exprimit *frequentem & gravem* incessum. 2. Phrasim, *ambulare coram aliquo*, denotat, tum eo inspiciente & adprobante, tum in ejus gratiam, & ad ejus servitium, am-

M m m m m

bula.

bulare, uti de *sacerdotibus* coram Deo ambulantes frequen-
tatur, nec non 1 Sam. II: 35. 3. Posterius membrum,
ponet in viam gressus suos, quod hic tanquam præcedentis
consequens occurrit, duplicem admittit sensum; *alterum*,
quo dicit viæ *alte imprimere gressus*, ut vestigia relinquan-
tur, alta & ampla, nec delebilia; *altero* erit, *gressibus suis*
viam ponere, h. e. facere, dedicare, initiare. Utrumque
phrasis recte admittit. Vox, *gressus*, est a rad., quæ pro-
prie dicit *tundere*, inprimis pede *obsculare*, unde *calcan-*
do prellit, *farfit*: adeoque *gressus* signat, qui alte infixi sunt,
& vestigia imprimunt profunda. Phrasis reddi potest, *im-*
ponere viæ gressus, seu alte imprimere, infigere, facere
ut in via existant, & maneant, vel etiam, *gressus ponere in*
viam, h. e. gressibus facere viam, imo *dedicare & initiare*
ut Pl. I: 23. Sic *ponere* domum, statuum &c.

§. LIV. Sententia, hoc versu comprehensa, est aliquo
modo ambigua; quia *justitia*, a cuius sensu sententia de-
pendet, æque ad *Deum* ac *homines* referri potest, nec cer-
tum se offert criterium, quod eam definit. Sumamus utra-
tum ratione, & rem ambiguam in ambiguo relinquamus.
I. De Deo, rectore & iudice universi, intellecta *justitia*,
ad impiorum punitiones, & piorum vindicationes ac remu-
nerationes pertinebit, & hanc fundet sententiam, Deum hu-
jus suæ justitiæ quam clarissima & certissima in publicum
daturum indicia, & editurum effecta, quæ in omnium o-
culos incurrent, & semper manebunt recentia ac con-
spicua, tum in hostibus & improbis veritatis ac pieta-
tis conculcatoribus, ac piorum oppressoribus, exemplari
pœna adficiendis, & excindendis, tum in pietatis &
piorum causâ agenda & vindicanda, & Ecclesia quam
prosperrima reddenda. Quo sensu versus & *antecedens*,
& *causam effectricem*, felicitis Ecclesiæ conditionis, præ-
cedentibus versibus depictæ, continebit. Qui nexus
non est longe remotus: nec aut a verbo Prophetico,
aut experientia & implemento abhorret. Ecclesiæ enim
vindica-

vindicatio & instauration, in primis quæ cum felici ejus conditione cohæret sub Messia, cum illustri *justitiæ* Dei manifestatione eo, quo dixi, modo connexa est, ut ex Jes. xxxiii: 5. lxx: 16.— & aliis locis elucet. Phras, *justitia* ante *faciem* ejus *gradietur*, eam interpretationem recte admittit; cum idem dicere queat, ac Judex justitiam suam quaquaversum *ostentabit*, & *præmittet*; & quocunque iverit, clara & insignia ejus dabit indicia & effecta. Occurrit enim *Justitia* hic per personæ fictionem, tanquam persona, quæ Judicem præcedit, & ejus judicia exsequitur.

§. LV. 2. De *virtute* justitiæ, quæ omnem virtutem ambitu suo complectitur, in Ecclesia exercenda si versus capiatur; ad florentis populi Dei status descriptionem pertinebit, & *nova* non tantum phrasi eam ob oculos ponet, sed & novas *qualitates* exhibebit, eo tempore conspicuas; virtutis nim. exercitium Deo fore gratum & acceptum, tanquam naturæ & voluntati ejus congruum, nec qualemunque, sed singularem & exemplarem tunc fore virtutis præstationem, qua tum initiaretur illa via, tum etiam calcaretur in posterum. Duo itaque adtributa status Ecclesiæ sub Messia sese hic offerunt. *a. Justitiam* coram *Deo* esse præstandam; id est, convenienter Dei naturæ & voluntati, ipso inspectante & adprobante; adeoque ex principio Dei placendi, seseque ad ejus exemplar conformandi, & ad gloriam ejus illustrandam. *b. Illustria* plane hujus virtutis fore *exempla*, cum in initio hujus status, tum in progressu; quibus hæc *justitiæ* via poneretur; & continuo commendaretur. Quod in phrasibus exacte quadrat: ut ex dictis constat. Pertinebit itaque versus ad auctores & propagatores virtutis in Ecclesia, & in specie ad ipsum salutis auctorem, inter homines versantem, ejusque *Apostolos*; quorum illustris & exemplaris fuit virtus tanquam legatorum & sacerdotum Dei, qui viam hanc virtutis posuerunt, & posteris in-

cedendam reliquerunt. Huc nos ducit *a. phrasis coram ipso*, sc. *Jebova*; de quo versu præced. actum erat, quæ de ministris honoratioribus & intimioribus Dei usurpari solet. *b. gressus* inprimere viae & in viam *ponere*: de quo supra.


§. LVI. De *Implemento* illustris hujus pericopæ ut verbo dicam, facit haud exigua difficultas, quam historia Ecclesiæ Christi exhibet. Etsi enim ea sub cruce per *tria* fere secula, magis minusve, has virtutes, & ex iis nata officia, aliquo modo præstiterit: ex quo tamen *civitatem* constituere cœpit sec. IVto & seq., tantum abest, ut lineas hujus picturæ expresse- rit, ut, contra, vitia & crimina, cum multiplici superstitione, dominata & grassata sint; & variis Dei judiciis fuerit exercita, multis litibus, dissidiis & bellis, continuo agitata, a quibus malis ne per Reformationem quidem fuit liberata. Hoc ipso tempore qui populum Christianum; ubicunque etiam terrarum resideat, vel obiter inspexerit, nihil minus quam felicem hanc conditionem animadvertet. De quo mox. Accedit, dispersos Israelitas, qui hic loquuntur, ad Christianam societatem nondum fuisse adductos. Ubi itaque implementum?

§. LVII. Hunc nodum ut non secem, sed solvam, quod huic non tantum Ps., sed innumeris aliis prophetiis, de regno Messiae eodem tenore loquentibus, illustrandis utile erit; *duo* nunc observasse suffecerit: quorum *alterum* est, Deum fidem suam liberasse, &, quod implemento deest, non Deo, sed hominum culpæ esse adtribuendum; *alterum* habet, exactum implementum suo tempore futurum. 1. Prius ut clariore in luce collocetur, sciendum est, *a. salutem* fuisse statuto tempore manifestatam, & gloriâ habitasse in terra Israelis tempore Messiae & Apostolorum. *b. eam* fuisse quaquaversum adnunciatam, & omnes populos ad eam invitatos. *c. Ejus* esse naturæ œconomiam novam, ut hæ virtutes, & hæc bona, sponte ex ea fluant. Hæc Deus præstare debebat, & præstitit abunde; quod vero successum non habuerint, quem debebant & poterant, hominum
vicio

vitio est adscribendum. Prophetæ autem Christi œconomiam in natura sua & naturalibus effectis describere solent, quæ in veris Christianis semper sunt conspicua. Hac ratione implementum habuerunt dicta prophetarum, qui ipsi non neglexerunt prædicere, multos mansuros incredulos, & futuros hypocritas.

§. LVIII. 2. Sed si hoc non sufficiat, uti vere non sufficit; addo, implementum suo tempore illustriore modo esse repræsentandum; quando omnia regna erunt Dei & Christi: uti prænunciaverunt prophetæ. De quo hic non agam latius. Verbo dixisse suffecerit, prophetas, intermedia fata ignorantes, de glorioso Messia regno prophetasse in genere, tanquam cum Messia adventu connexo. De quo in Diff. ad Dan. fufius exposui.

F I N I S.



I N D E X L O C O R U M S. S.

QUÆ IN HOC COMMENTARIO
ILLUSTRANTUR.

E X O D.			2 C H R O N.		
Cap.	Verf.	Pag.	Cap.	Verf.	Pag.
XV.	2.	109.	XX.	I.	746.
N U M.			J O B.		
X.	36.	136.	X.	I.	43.
XI.	33.	548.			
D E U T E R.			P R O V.		
XVII.	8.	716.	XXIII.	29.	631.
XXIX.	20.	478.			
XXXIII.	27.	195.	C A N T.		
J U D.			V.	I.	651.
VI.	37, 38.	317, 320.	J E S.		
I S A M.			I.	22.	372.
XX.	7.	255.	E Z E C H.		
			XVII.	22, 23.	339.
2 S A M.			H O S.		
VII.	23.	561.	VI.	7.	725.
			J O E L.		

INDEX LOCORUM, &c. 831

JOEL.

Cap.	Verf.	Pag.
IV.	12.	746.

MICH.

I.	11.	124.
IV.	10.	48.
VI.	9.	124.

TSEPH.

III.	I.	117, 120.
------	----	-----------

ZACH.

V.	1.	660.
IX.	8.	652.
XII.	1.	198.
XIII.	7.	251.

MATTH.

Cap.	Verf.	Pag.
XXIII.	2.	716.

LUC.

XXIII.	34.	254.
--------	-----	------

JOH.

X.	34—36.	719,
	720—722.	

ROM.

VI.	17.	45.
-----	-----	-----

1JOH.

V.	16.	759.
----	-----	------

INDEX VOCUM HEBRÆARUM;

AB EODĒM, A QUO AD JERĒMIAM, ERUDITE
CONFECTUS, QUARUM GENUINA SIGNIFI-
CATIO ET USUS IN HOC

COMMENTARIO

EXPLICANTUR:

OMISSIS IIS, QUÆ IN PRÆCED.
TOMIS COMM. IN PS. 3AM
TACTÆ SUNT.

אבה	Orig. habet in <i>curvatione flexa</i> : unde ad <i>prorum</i> adfectum & <i>desiderium</i> transit. Inde est	Pag. 685.
אבין	propr. <i>incurvatus</i> ; inde <i>pauper</i> , oppressus mi- feria.	265.
ארכ	spec. de <i>gentilibus</i> adhibetur.	725.
אדר	propr. <i>tumorem</i> , vel <i>elationem tumidam</i> ; inde <i>magnificentiam</i> regalem, denotat.	474.
אור	orig. habet in <i>æstu</i> , <i>æstuatione</i> : unde נאור <i>æstua- bundus</i> .	ib.
אז	aliqui. est subst. <i>æstum bullientem</i> notans, a Rad. אז <i>ferlescere</i> , <i>exæstuarē</i> .	478.
		אור cogn.

אור	cogn. אור & אור, propr. dicit <i>torſionem</i> , qua quid <i>nectitur</i> ac <i>ſubſtringitur</i> .	Pag. 16,
אטר	orig. habet in <i>torquendo</i> ; unde <i>retorti</i> , <i>torquendo religati</i> , & <i>circumvincti</i> , ſignif.	239.
אי	<i>inſula</i> , propr. <i>flexio</i> , <i>flexus</i> litoris, a Rad. אי, ead. ac אי, <i>flectere</i> .	328.
איכה	<i>quomodo</i> ; propr. <i>ubi hic</i> , ex אי <i>ubi</i> , & כה <i>hic</i> .	373.
אל	pro <i>una cum</i> , <i>inter</i> .	254.
—	<i>ſecundum</i> , <i>juxta</i> , ad modum; ut על פי.	ib.
—	aliq. uſum Artic. habet.	265.
אמר	cum לי conſtr. eſt <i>loqui de me</i> .	289.
—	adhibetur de bono <i>promiſſo</i> .	103, 104.
—	<i>rem</i> ipſam, ſive <i>ſtatum</i> & <i>conditionem</i> , denotat.	104.
אנש	propr. <i>quaterè</i> , frangere ad ſummam uſque debilitatem.	244.
אסיר	pecul. uſu dicit <i>bello captum</i> ; & latius, dura ſervitute preſſum.	589.
אף	Partic. eſt a Rad. אפף <i>cumulare</i> .	140.
אפס	ut & פסח, פסס, propr. <i>crepitu</i> ultimo & flatu facto <i>exſpirare</i> : inde deriv. אפס, propr. <i>exſpiration</i> , hinc, <i>nibilum</i> .	ib. 337, 496.
ארה	ſignif. habere videtur <i>colligendi</i> , in unum cogen- di.	651.
ארי	convenit cum ארה <i>irriguus fuit</i> : hinc	
אריה	leo, q. maxime <i>irriguus</i> , h. e. medulloſus & for- tis.	ib.

834 I N D E X V O C U M

אֶרֶץ	<i>inferioritatis & depressionis</i> signif. continet.	Pag. 191.
אֶשְׁכְּרִי	<i>munus remuneratorium</i> , a Rad. שָׁכַר.	329.
אֶשְׁתָּה	<i>chytrópodas</i> denotat, a Rad. שָׁתָה.	113.

כ.

בָּא	<i>venire</i> aliq. denotat, rem cum studio adgredi.	Pag. 292.
—	— de proventu adhibetur.	547.
בִּזְוִן	propr. habet in <i>fissione</i> , & inde <i>divisione</i> ; unde ad distinctam intelligentiam transit.	384.
בָּתָּה	orig. habet in <i>trabendo</i> , spec. per <i>terram</i> ; inde <i>incurfare</i> , gravissima adficere contumelia.	392.
בֵּיתָה	<i>domus</i> subinde de <i>aula</i> regia usurpatur.	109.
בָּכָה	propr. <i>pressit</i> , <i>compressit</i> , <i>expressit</i> ; unde ad <i>lachrymas expressit</i> transit.	233.
—	quomodo differant בָּכָה & בָּנָה, vid.	782.
בִּרְךָה	propr. <i>plicare</i> ; unde ad <i>genuflexionem</i> , <i>reverentiam</i> , <i>benedictionem</i> , transfertur.	43.
בִּרְבָּה	<i>benedictio</i> . Subinde de abundantissima pluvia adhibetur.	24.
בִּרְהָה	propr. habet in <i>nitido</i> , & <i>rasili politura</i> .	336.

ג.

גָּאָה, גִּי, גִּוָּה	propr. habent in <i>eminendo per sui extensionem</i> ; unde in bonum transf. ad summam potentiam & excellentiam; & in malum, ad fastum & insolentiam.	363, 587.
גִּבְוָה	propr.	

גבן	prop. <i>coagulari</i> , <i>concrecere in grumos</i> .	Pag. 127.
גדר	de iterata aratione.	23.
גוה	<i>promus condus</i> , a גוה.	284.
גז	lanam <i>refectam</i> , crines <i>detonsos</i> , aut herbam <i>de-</i> <i>messam</i> , denotat, ab ead Rad.	317.
גזה	prop. <i>secare</i> , <i>refecare metendo</i> ; inde, <i>partiri</i> , subministrare cuique idonea.	ib. 284.
גזם	<i>etiam</i> ; prop. <i>glomeratio</i> , a Rad.	
גמם	prop. <i>glomerare</i> ; inde, accedere numero alio- rum.	549.
נער	<i>crepare</i> , <i>increpare</i> , sine ב fortius est, quam cum ב constr.	184, 187.

ך.

ךד	prop. <i>premere</i> ; inde <i>pendere</i> , <i>librare</i> ; inde <i>de-</i> <i>cidere</i> , omnibus ponderatis, <i>judicare</i> .	919.
ךז	de vilioris conditioni hominibus adhibetur; a Rad.	708.
ךח	prop. <i>tendere</i> , <i>tendi</i> ; inde per tensionem <i>adte-</i> <i>nuari</i> , viribus f. opibus deficere &c.	584.
ךח	<i>palumbus</i> , columbæ sylvestris genus.	773.

ק.

קח	sæpe firmam & fixam <i>existentiam</i> denotat.	339.
	Nnnnn 2	קח prop.

836 I N D E X V O C U M

ת	propr. <i>volvere, revolvere</i> , reciprocare gressum: Pag. spec. de <i>grassationibus & latrociniiis</i> adhibetur. 168, 367, 507.
ה	propr. <i>pangere, impingere</i> ; inde <i>gravius ferire</i> , <i>confringere</i> : spec. ad <i>inebriationem</i> adplicatur. 370, 372, 426.
—	Partic. non tempus, sed <i>locum</i> vel <i>rem</i> signat, <i>buc</i> ; propr. <i>adpañtum</i> , ita prope, ut quasi <i>pan-</i> <i>gatur</i> . Denotare quoque potest <i>contusionem</i> . 370.
הכחפ	<i>ad limen se tenere</i> , vel <i>versari</i> . - 790.
ת	propr. <i>minutatim concidere</i> ; inde, <i>laniare, trun-</i> <i>care</i> . - 555.
ת	propr. <i>tremulum & fractum sonum</i> continet; u- surpatur de <i>clangore</i> bellico & triumphali. 671.

י.

י	sæpe usum finalem habet, <i>ut</i> . - Pag. 10.
י	adhibetur pro <i>at, sed</i> . - 52.
—	diversa subinde singulari emphasi connectit. 374.
—	inferit comparationi & exæquationi, <i>ita</i> , vel <i>si-</i> <i>cut</i> . - 400.
—	aliquando est paragogenicum, emphaseos causa adjunctum. - 580.

י.

י	aliquando <i>rem ipsam, ejusve essentiam</i> , designat. 382.
י	subinde

חז	subinde <i>excellentiā</i> rei aut personæ exprimit.	Pag. 92.
חז	involvit <i>canticum</i> , erudite & artificiose composi- tum.	82.
חז	<i>pix</i> dicta a <i>tractu lentiori</i> , quæ vis est Rad. חז.	318.
חז	varias hujus vocis explicationes vid. 317—319, 321.	
חז	orig. habet in <i>torrente æstu</i> , vel igne <i>flagrante</i> : unde ad aquas ferventes & exæstuentes transfer- tur.	506.

ח.

חז	orig. habet in <i>arctatione</i> undique <i>adstricta</i> .	Pag. 27.
—	inde habet signif. <i>ad incitas redigendi</i> , cum pu- dore & pavore.	481.
חז	propr. habet in <i>contractione</i> ac <i>reductione oculi</i> ; unde ad <i>commiventiam</i> & indulgentiam transiit.	332.
חז, חז	<i>clanxit</i> , adhibetur de strepero sonitu ala- rum, spec. aquilæ, in prædam irruentis; inde, <i>imminere</i> .	52.
חז	propr. <i>fidit</i> , <i>secuit</i> ; unde, חז <i>fulgetrum ful-</i> <i>men</i> .	507.
חז	propr. est in <i>coagmentatione</i> , <i>conglobatione</i> ; inde multitudinem hominum in unam societatem <i>compactam</i> denotat.	101.
חז	propr. habet in <i>sono ignis flagrantis</i> ; unde ad fla- grans <i>desiderium</i> transiit.	130.
חז	signif. involvit partim <i>aceti</i> , partim <i>fermenti</i> : unde ad <i>perversum</i> & <i>corruptum</i> , simul ira & ex- acerba-	

838 I N D E X V O C U M

		Pag.
	acerbatione <i>tumidum</i> , transf.	282, 394.
חנמל	vox compos. de qua.	555.
חלל	<i>locusta</i> ; a Rad. חלל propr. <i>limare</i> , limando minutatim deterere.	554.
חסן	<i>robustum</i> , invicto robore pollentem, denotat.	84.
חצץ	propr. <i>scindere</i> , <i>secare</i> ; unde ad <i>sagittam</i> , & inde ad <i>fulmina</i> transiit.	507.
חצר	<i>aurum</i> dicit lectissimum, quod sponte q. effunditur ex terra, & multo splendore pollet: a Rad.	
חצר	propr. <i>findere acuminatim</i> , <i>cuspidare</i> .	116.
חצוצר	ejus orig. & signifi. vid.	360, 361.
חצר	orig. habet in <i>strictione</i> .	249.
חסננים	(ab Arab. חסנ, inserto , epenthet.) & <i>clientes</i> pudibundos, reverentes; & eorum <i>dominos</i> , reverenter habendos, denotare potest.	190.

ח.

חנך	propr. habet in <i>pangendo</i> : inde, <i>infigere mergendo</i> ; & <i>cadere monetam</i> ; ac de <i>annulo</i> , digito adaptato, adhibetur.	Pag. 216.
חנך טוב	de <i>bonæ fragrantie</i> odore etiam adhibetur.	262.
חנך מחרים	ulcera <i>urentia</i> , a Rad. חנך propr. <i>exæstquare</i> .	568.

י.

י	adf. <i>mibi</i> sæpe cum insigni emphasi abundat.	Pag. III.
י	propr.	

נָע propr. *biare*, *biāscere*; inde, *fatiscere*, *declassare*. Pag. 219.

יָה nomen Dei, vel *decorum* significat, propr. *præcisum*, si derivetur a יָהּ sive יָאָה, propr. *secare*, *præcidere*, unde ad *pulchrum*, harmonicum, transit, per apocopen 3tiæ, quæ est quiescens; vel potius *verendum*, a יָהּ cum הּ mob. propr. *tremere*; unde de *religioso tremore* usurpatur. 84.

יָוֵע׃ *innotescere*, pro, publica fama divulgari. 427, 587.

יָנוּק׃ cum *teneros ramos*, tum *stolones*, ex radicibus ad truncos arborum enatos, denotat; a יָנוּק *sugere*. 646.

יָכַח propr. *candicavit*: inde Hiph. *fecit*, ut *candicaret* aliquid, h. e. clare demonstravit, *arguit*. 376.

יָלַךְ aliquando heroicum *gressum* denotat, & de expeditione militari adhibetur. 168, 610.

יָנַח propr. *calcavit*, *detruncavit*; inde, *eradicavit*, *debilitavit*, nervo remisso: teritur in violenta *oppressione*, nec non *defraudatione*: hinc quoque ad *columbam*, *enervem*, *imbellem*, transit. 120, 428.

יָצַא pecul. usu *pompam* & *lætitiā* præfert. 48, 93.

— a propr. *emicandi* potest, adscivit usum *excre-
scendi*, sparsim ejiciendi: hinc & pro *nasci* sumi-
tur. 152, 153.

— de *hostili ingressu* adhibetur. 674.

יָרַק, cui respondet יָרַק, orig. habet in *nitore* emicante; unde ad *virorem*, & *sputum* transit. Hinc

יָרַק׃ rutilantem denotat *virorem*; & multitudinem *bractearum*, s. *laminarum*, quibus aliquid obdu-
citur.

citur.	-	-	-	-	Pag. 116.
יִצְחָק a Rad. יצח	<i>splenduit nitidissime</i> , it. <i>sideravit</i> , <i>ut יצח</i> , <i>desertum</i> notat, ubi omnia æstu sunt <i>glabra & nitida, urens & siderans.</i>	-	-	-	93.

ב.

כבד	propr. habet in <i>gravitate</i> ; unde ad <i>copiam & numero- sitatem</i> transit.	-	-	-	Pag. 794.
כחש	propr. <i>delere, obliterare</i> : inde <i>mentiri</i> ; it. <i>negare</i> , & spec. sensu recipr. <i>abnegare se</i> alicui.	-	-	-	691.
כִּלְמָה	<i>mallei, cunei</i> ; a כלף propr. <i>impegit</i> , vel <i>impa- ctus fuit cum sonitu</i> : est <i>ὀνομαστος</i> .	-	-	-	426.
כל	aliq. non est Nom. aut Partic. sed Verb. præter. vel partic. a Rad. כלל propr. <i>continere</i> , inde <i>mensura- re</i> .	-	-	-	16, 379.
כמו	elliptice pro כמו הנה, vel כמו ואח, <i>sicut secundum hæc, hoc כנה furculus, ramus obumbrans, prote- gens</i> , a כנן.	-	-	-	657.
כנור	<i>citbara</i> in orig. <i>motum tremulum & vibrantem</i> con- tinet.	-	-	-	301.
כנע	propr. <i>contractis alis, digitisque, debilitari</i> : spec. in bello de <i>prostrato</i> usurpatur.	-	-	-	690.
כנף	<i>cingere, sepire, septo circumdatum includere</i> ; unde ad <i>alas</i> transit.	-	-	-	115.
כסח	propr. <i>verrere, converrere</i> : unde כסחה <i>sordes</i> no- tat <i>verrendo ejestas & aggestas</i> .	-	-	-	659.
כריים	<i>regiones</i> denotare potest; alias ככרים pro כרכרים, propr. loca <i>orbiculata</i> : a Rad. כור <i>gy- ravit</i> ,	-	-	-	

	<i>ravit</i> , unde ad <i>vicos</i> , <i>urbes</i> , a forma rotunda, & dein ad <i>regiones late patentes</i> , transf.	Pag. 26.
רסס	<i>corrodere</i> , <i>consumere</i> .	656.
כרע	propr. in extremas corporis partes <i>cum nisu procumbere</i> ; unde non <i>ingeniculationem</i> , sed <i>totius corporis incurvationem</i> super genibus denotat.	326.
כשל	propr. <i>adpactus hæsit</i> : inde כשל in gen. <i>impactor</i> , inde <i>securis</i> , <i>gravior malleus</i> .	426.
כשר	orig. habet in <i>apte nexo & conglobato</i> : unde כשרא dicit <i>conglobationem nexam</i> , cum <i>societatum</i> , tum <i>fortunarum</i> .	86.

ל.

ל	præf. subinde tempus rei ingruentis designat.	Pag. 61.
למ	propr. <i>tortus</i> , <i>intortus fuit</i> , <i>adhæsit</i> : hinc, <i>deficere</i> , <i>defatigari</i> , cum allusione sæpe ad onus grave, quod torquet.	100.
לר, לה	propr. <i>implicari multis spiris & flexibus</i> : hinc frequentatur in familiarissima consuetudine. Hinc & ex לן syllaba ferv. vel לן <i>draco</i> , compos. est	746.
ליתן	<i>draco tortuosus</i> .	441.
לחם	aliq. spec. <i>carnem</i> denotat.	542.
לע	orig. habet in <i>creberrima vibratione & contorsione nasi & labiorum</i> : unde tum ad <i>loquelæ barbariem</i> , tum ad <i>illusionem</i> sarcasticam transfertur.	633.

Ooooo

ם. ם præf.

מ.

ם	præf. Heemant. intendit significationem.	Pag. 15.
מכסח	<i>præsidium, securitas summa, complanatissima.</i>	ib.
מכר	adhibetur de loco patente, pastui apto, ubi pecora possunt agi.	25.
מח	in gen. <i>contentionem</i> in judicio notat; spec. <i>jurgia</i> viliorum hominum, cum conviciis conjuncta: etiam <i>contemptum</i> forte.	631.
מח	Part. Hoph. a מ, <i>aversationem</i> hostilem, cum tædio & fastidio conjunctam, involvit.	229.
מח	propr. <i>stitulam immersit</i> , & in puteo huc illuc agitavit, <i>aquam hauritus</i> : unde ad profundam <i>cruentationem</i> , repetitis vicibus factam, transit.	159, 164.
מי	<i>quis?</i> non tantum <i>personam</i> , sed & <i>rem</i> aliquando comprehendit.	399.
מכא	<i>plaga lurida.</i>	255.
מכ	propr. <i>exfuxit.</i>	233.
מלא	propr. <i>farcire, difficere</i> ad distensionem rei refertæ: inde de summo rei gradu ac cumulo usurpatur.	371.
מנח	habet vim <i>donandi liberalius</i> & largius.	329.
מח	propr. <i>mixtura</i> aptissime temperata, spec. <i>veneni.</i>	465.
מח	propr. <i>flexit vulsim</i> , flecti præ mollitie.	250.

מחמח locus

מעמד	<i>locus stationis.</i>	-	-	-	Pag. 217.
מזר	orig. habet, ut מזר, in <i>unco</i> , <i>adunco</i> , <i>recurvo ad unguem</i> : unde transiit ad <i>cacumina montium</i> , <i>rupium</i> , <i>prærupta</i> , & <i>inaccessa</i> .	-	-	-	46.
מצודה & מצודה	<i>arcem præruptam</i> , a מצר, & <i>rete venatorium</i> , a צור, denotat.	-	-	-	ib.
מצולה	<i>æstum sævientem</i> denotat.	-	-	-	216.
מצץ	ut & מץ, מיץ, <i>fricare</i> , <i>effricare</i> : inde <i>frictione exprimere</i> : spec. de <i>suctione</i> & <i>sorbitione</i> usurpatur.	-	-	-	372.
מרה	propr. <i>stringere</i> ; inde <i>pluere</i> , quod est <i>nubes stringere</i> ; hinc Part. מורה <i>pluens</i> .	-	-	-	784.
משואה	<i>locus desolatus</i> , horridus; vel status fractus & miser: a Rad. שואה; vel a נשא sensu <i>vastandi</i> .	-	-	-	386.
משכיות	<i>figuræ spectabiles</i> , <i>imagines</i> , <i>externæ</i> , f. <i>internæ</i> in animo; a שכה.	-	-	-	365.
משכן	<i>latius subinde pro ditione, dominatione, regno</i> , sumitur.	-	-	-	564.
משלחת	<i>acies formidabiliter horrens telis armisque</i> .	-	-	-	556.
משפחים	<i>lapides focarii</i> , forma triangulari firmiter positi.	-	-	-	113.
מטוה	propr. <i>tendentia</i> ; inde <i>donum</i> , ad aliquem <i>tendens</i> , f. <i>directum</i> ; a נתן.	-	-	-	139.

I.

		Pag.
נע	propr. habet in <i>adpactione</i> : transferri solet ad graviorem plagam, spec. lepram.	361, 362.
גר	<i>bullire, ebullire.</i>	465, 490.
נר	spec. ad <i>expulsionem</i> cum opprobrio & conviciis refertur: hinc	
נח	pro <i>anathemate</i> .	107, 108.
נח	propr. <i>terere</i> ; hinc <i>insistere</i> in viam, quod est eam <i>terere</i> ; unde <i>ducere</i> per viam tutam, <i>agere</i> more pastoritio.	546, 559, 604.
נח	propr. <i>tendere, contendere</i> ; unde transf. ad <i>hospitium</i> commodissimum, ad quod tenditur, tanquam meditullium.	109, 450.
נן	vel נן propr. habere videtur in <i>foetatione, foetificatione</i> ; unde deriv. non <i>filium</i> , sed <i>prolem copiosam</i> , generationem, longe fusam, denotat.	343.
נח	propr. dicit <i>languorem remollescentem</i> ; inde primum gradum <i>sonni</i> denotat.	476.
נח	propr. ut נח, dicit <i>quater</i> , & ita frangere ad summam usque debilitatem: spec. <i>ultra citroque motitari</i> ; unde ad statum animi anxium, & fere desperatum, transfertur.	244, 245.
נח	in orig. dicit <i>eliquationem</i> , s. expressionem <i>liquoris sincerioris & interioris</i> : inde, <i>stillare, stillatim fluere</i> .	92.
נח	<i>peregrinus</i> , alienigena; propr. <i>dispunctus</i> e genere nostro.	229.
		נח propr.

נָסַח propr. *vellere, trahere*, ut cum palus in terram defixus revellitur: hinc de vento, qui cum magno impetu fertur, adhibetur. Inde & notio *proficiscendi, castra movendi*, tentoriorum palis revulsis. - - - 546, 559, 637. Pag.

נָסַח orig. habet in *agilitate excussa*, & in motum ex-prompta: hinc *pueritiam*, s. omnem ætatem inter infantilem & virilem, denotat. - 283.

נָסַח *cadere* aliq. emphatice dicit, de loco & statu sublimi ruere præcipitem, *mori*. - 387.

נָסַח propr. habet in *puro puto, sincero, mero & delibato*: hinc in Pih. *monuit*, s. curavit, ut aliquid pure sine vitio constet, & ad *veritatem, sinceritatem* puram putam, *perpetuitatem*, victoriam, *harmoniam* musicam sinceram, transfertur. 130, 596.

נָסַח orig. habet in *compactione firma*: unde *osculatio-nis*, & *armatura*, quæ arcte adhæret corpori, usus fluxit. - - - 535.

נָסַח & נָסַח Arab. teritur in *densitate fumi* omnia involvente; unde ad *vehementiorem ignem* transiit. 543.

נָסַח *via eminens & strata*, a Rad. Arab. נָסַח *eminuit*. 557.

נָתַן *dare*, sensu divite, pro, *concedere habendum*. 104.

— propr. *tendere*. - - - 139.



נָסַח propr. *flectere, flectendo stringere*; inde, *disce-dere* cum nisu & contumacia, instar jumentum re-fractarii. - - - 86. Pag.

846 INDEX VOCUM

רָבֹד propr. *radere*, *everrere*, five novacula, five ven- Pag.
to impetuoso: unde ad violentam Spoliationem
& vastationem transfertur. - - 388.

רָבֹד propr. habet in *scissione*, *fissione* cum acri sonitu,
unde fictum est Verb. hinc ad *refractorium*, *pro-*
tervum, & contumacem, transit. - 42, 83, 533.

י.

יָד duplicem exferit usum, quo & *durationem* rei, Pag.
& *terminum* signat; & pro *dum*, *durante* hoc,
sumitur. - - - 294.

יָד spec. quoque transf. ad pluviam largissimam &
fecundantem. - - - 341.

יָד , ut יָד , propr. *intorsit*: hinc יָד *intorsio*, inde
aceruus ruderum. - - - 579.

יָד pro *coram*. - - - 40.

— aliquando *excelsum*, *dominum*, *defensorem*, de-
notat. - - - 198.

— propr. *exsuperantiam* dicit. - - - 440.

יָד יָד *super vestigio*, pro *statim*. - - - 278.

יָד propr. *submergere*: inde in malum est, sub one-
re *demersit*, & in bonum, *cumulavit* bonis & do-
nis. - - - 149.

יָד propr. adhibetur in collo *altius erecto*, quod figu-
rate, cum *libertatem*, tum *ferociam* & *saevitiam*,
denotat. - - - 364.

יָד propr.

ענש	propr. <i>torquere</i> violenter, <i>extorquere</i> ; inde <i>multare</i> .	Pag. 47.
על	<i>tumere</i> , <i>efferre se</i> : inde עלים <i>tumores</i> .	568.
עץ	pro <i>arboreto</i> , <i>nemore</i> .	424.
ערב	<i>musca canina</i> .	554.
עשה	<i>facere</i> aliquando <i>oblationem</i> denotat.	50.
עש	<i>fumam</i> denotat <i>injustitiam</i> & <i>insolentiam</i> , sese palam <i>efferentem</i> .	368.
עץ	a <i>vetustate</i> transiit ad <i>durum</i> , <i>intractabile</i> , <i>rancidum</i> ; unde ad verba <i>putida</i> & <i>insolentia</i> applicatur.	367, 462.

פ.

פא	propr. <i>tumuit</i> , <i>intumuit</i> , <i>bullivit</i> : unde transf. ad <i>summum decus</i> , & <i>majestuosam excellentiam</i> .	Pag. 286.
פנ	orig. habet in capitibus & frontibus <i>sibi invicem impactis</i> : unde tum ad <i>hostilem</i> <i>impactionem</i> , tum ad <i>amicam</i> cum <i>mutuo amplexu</i> , transfer- tur.	816.
פר	etiam usurpatur pro <i>emulgere</i> , <i>facere ut erumpat</i> lac: unde forte fluxit signif. <i>redemptionis</i> , cuius pretium olim, <i>deficiente</i> adhuc <i>pecunia</i> , potuit esse lac <i>emulsum</i> .	242.
פור	propr. vehementer <i>bullire</i> , <i>astuare</i> : unde פורה <i>torcular</i> .	439.
פנה	propr. <i>teritur in facie adversa</i> , unde <i>adspiciendi</i> signif.	

signif., aliquando *faciem averſam* continet, unde Pag.
evaneſcendi uſus fluxit. In Pih. eſt *facere, ut quis*
vel quid nativam ſuam faciem oſtentet: quod va-
 rie transfertur. - - - 639.

פנים *facies* ſubinde majeſtatem venerandam exprimit. 589.

— apud Orient. pro *parte interiore* uſurpatur. 640.

פסח a Rad. פסס, *exspirans particula*, extremum,
 in quo exſpirat & evaneſcit res. - 337.

פקד *viſitavit ſpec. fumitur pro effuſione inbrium.* 20, 341.

פרר propr. habet in *infracſione per crenas & incisu-*
ras. - - - 439, 806.

פרפ duplicem habet uſum contrarium, et *expaſſionis*,
 f. *diffuſionis*, et *diffipationis.* - 121, 122.

צ.

צאן nomen myſticum Hieroſol. ex צאן & צין, ut ſit
 Tſion inſtar gregis refertiſſima. - 124.

צבא propr. *micuit, emicuit*: hinc *agminatim* iſcit,
in aciem prodiit, f. *emicuit*. Originem indicat
 deriv. - - - 105.

צבי *decus, ſplendor.* - - - 105.

צוד orig. habet in *unco, adunco*: inde, *venari*, q.
inuncare piſcem f. feram. - - 46.

צול, unde מצולה, Arab. denotat *vehementiam aſtuan-*
tem, furorem incitatum, *ferociam.* 162, 217.

צור propr.

צור	propr. <i>stringere, arctare</i> : unde summās angustias denotat.	Pag. 298.
צחה	propr. <i>nituit, splenduit</i> : unde transf. ad terram, folis æstui expositam, ad petram <i>glabram</i> , locum <i>aridum</i> .	87.
צלמון	locus <i>umbrosus, umbraculum</i> , f. locus protectionis.	123.
צמם	<i>plexuit, intorsit</i> , in fasciculum constrinxit: hinc צמם pro cinnamo.	221.
צפה	propr. <i>splendere, inde, splendido oculo lustrare, speculari</i> , in bonum & malum.	42.
צפר	<i>avis, spec. passer</i> , a צפר <i>sibilavit</i> .	773.
צרב	propr. <i>percussit, verberavit</i> : inde <i>adusit</i> .	318.

ק.

קד	<i>per longum secuit</i> ; unde קדקד <i>occiput</i> , ubi potissimum refecatur capillus.	157.
קום	<i>surgere</i> pro succrescere, & in lucem publicam venire; it. pro, aliquid cum impetu & studio adgredi.	532.
קטר	propr. <i>stillare, guttatim fluere</i> : inde קטרה <i>suffitus</i> : it. <i>nidor</i> , carnis adiposæ <i>stillatio</i> .	50.
קנא	propr. <i>intensissime rubere</i> : unde ad <i>æmulationem</i> & <i>zelotypiam</i> transiit.	581.
קנה	ejusmodi <i>acquisitionem</i> dicit, qua quid possidetur	Ppppp tur

850 INDEX VOCUM

..	tur ut peculium privum, omni cura custodien-	Pag.
..	dum.	561.
קצר	prop. <i>confringere</i> .	498.
קצר	prop. <i>secuit</i> , <i>amputavit</i> : inde קציר part. pass.	
	<i>sectum</i> , inde, <i>messes</i> , <i>stolones</i> , <i>ramos</i> tenerri-	
	mos, denotat.	646.
קרנ	& intimiorem conjunctionem denotat, & rem	
	mox futuram designat.	241.
קרום	<i>securis</i> : forte ex קרט <i>secuit</i> , & רום vel רמם <i>de-</i>	
	<i>struxit</i> ad solum usque.	424.
ך.		
ראה	orig. habet in <i>vibratione radiante</i> : inde, ac &	
	intento oculo, etiam ad <i>splendentes radios</i> , <i>vi-</i>	
	<i>dere</i> .	169, 359.
ראש	herba vel planta amarissima; forte <i>centaurium</i>	
	<i>minus</i> .	247.
—	<i>caput</i> pro persona ipsa: it. pro <i>præstantissimo</i> .	440.
רנתיק	Plur. auctus a רנית a sing. רנה, ingentem <i>my-</i>	
	<i>riadum</i> numerum videtur exprimere.	133.
רנם	<i>jaculatus est lapides</i> : inde lapidibus obruit, ig-	
	nominiola adfecit nece: Hinc	
רנמה	<i>lapidatio</i> , ignominiola occisio.	175.
רדד	orig. habet in <i>calcatione pedum</i> : unde <i>prostratio-</i>	
	<i>nis</i> , <i>subactionis</i> violentæ hostium, & <i>dominii</i> se-	
	veri, s. in bonum, s. in malum, usus fluxe-	
	runt.	

runt.	-	-	Pag. 174, 175, 324.
ררר	propr. <i>obturavit, obstruxit</i> : unde Niph. <i>attulmo</i> sopore, divinitus injecto, q. obstructum jacere.	477.	
רוה	teritur in <i>irriguo</i> , & potu expleto.	48.	
רות	teritur in <i>flando, perflando</i> : unde ad <i>laxa</i> spatia, recreationem, & respirationem, transfertur.	ib.	
רחק	aliquando <i>averruncare</i> denotat.	403.	
רמש	propr. <i>vibrare, cum vibratione palpitare</i> : unde deriv. de eo dicitur, quod sese huc illuc, spec. agiliter, movet. Adhibetur de piscibus non tantum, sed & animantibus ac avibus.	266.	
רנן	propr. <i>stridulum & tinnulum</i> sonare; inde, <i>lætas & jubilos</i> edere sonos; in Hithp. <i>se incitare ad jubilum</i> . Arab. etiam notat <i>vino superari</i> : unde Hitph. potest esse, <i>gerere se</i> , tanquam <i>vino superatum</i> .	567, 568.	
רנר	propr. <i>observare intentis oculis</i> : inde, <i>insidiari, & ex insidiis captare</i> .	129.	
רנץ	propr. <i>contudit, tundendo contrivit</i> : hinc רץ non <i>frustum</i> , sed <i>contritor</i> ; quod tamen etiam a רנר derivari potest.	186, 187.	
רנף	propr. <i>habet in tremulo & corusco vibramine, i. ardore vibrante</i> : unde ad vibrationes fulgurum transf.	473, 555.	
רנף	propr. <i>terendo attenuari</i> .	708.	

ש.

שמן	contr. ex שלמן, propr. <i>defoecate fustum & liquidum</i> , inde <i>tranquillitatem & prosperitatem</i> , denotat.	Pag. 136.
שאר	<i>omnes</i> , & שאריה <i>universitatem rei</i> , subinde denotat.	481.
שבח	propr. <i>mulcere</i> : inde <i>celebrare</i> , & <i>compescere</i> .	17.
שכלח	<i>laxus & longe protensus aquarum fluxus</i> , a שכל.	217.
שבר	<i>calamitosam diffractionem & subversionem</i> comprehendit.	473.
שנא	& שנה propr. <i>habent in implicatione</i> .	375.
שר	Nomen Dei, <i>omnisufficientem</i> , uberi vena manantem, denotans: alluditur in eo subinde ad שרר <i>vastare</i> .	122.
שור	<i>plenissimam instaurationem</i> , & <i>pristinæ felicitatis restitutionem</i> comprehendere solet.	160, 616.
שוח	propr. <i>exspatiari</i> : unde transf. ad animum, continuo & profundius <i>meditantem</i> .	492.
שום	<i>ponere</i> , pro <i>dedicare</i> , initiare, erigere monumentum.	36, 422.
שוק	, cui respondet שקק, propr. <i>discursare</i> : unde varii usus, ut <i>exundandi</i> .	22.
שחן	propr. <i>subtilius trivit</i> ; inde ad <i>subtiliorem aethera</i> transf.	199.
	שטף propr.	

- זנף propr. adhibetur de torrente, qui *exundat*, & Pag.
præceps fertur, ac sulcos post se relinquit. 217.
- שי orig. habet in *copioso lactis fluxu*: inde transf. ad
munus largum & lautum, spec. *bonorarium*, quod
 superiori offertur. - - 181.
- שיח a propr. *subsidenti* potest. ad *moerorem* acerbio-
 rem transit; ut שוח, שחח cogn. - 631.
- שיה etiam in malum sumitur pro capere materiam
 exspatiationis, unde oblectamentum captatur,
Sycophantarum more. - - 236.
- שכב propr. habet in *fundendo*, *profundendo*: unde
 ad *decubitus* quieturi, inde ad *mortem* & decu-
 bitum in sepulchro, transit. Sumitur varie in
 bonum & in malum. - - 113.
- שכה *similitudinem retulit obscuram*. - - 365.
- שכן usu suo dieit, *habitare*, & in tentorio *diversari*,
quiescere; etiam, *decumbere* ægrum, dormien-
 tem, mortuum. - - 87.
- aliq. in malum sumitur de statu misero & abje-
 cto. - - 139.
- שכו potum qualemcumque *inebriantem* denotat. 236.
- שכר a *mercede danda* transit ad *celebrationem laudis*,
 propr. ob accepta beneficia, f. *gratiarum actio-*
nem; quam continet Arab. שכר, unde שכר. 329.
- שליש mensuræ genus. Propr. *ternarium* numerum di-
 cit: inde transit ad quamvis rem *excellentiorem*
 denotandam, etiam *heroa*, q. d. virum tripli-
 catum. - - 626, 627.

854 I N D E X V O C U M

של	propr. <i>extraxit</i> cum raptatione violenta: inde <i>spoliationem</i> , spec. sapientiæ & animositatis pri- vationem, notat.	Pag. 476.
עמ	propr. <i>instar stercoris ejici & everti</i> : unde ad gra- vissimam & ignominiosissimam <i>perditionem</i> trans- fertur.	748.
שמרו	pro <i>שמרו</i> , <i>vigiliæ</i> , de oculis, sunt <i>oculi vi-</i> <i>gilantes</i> , non <i>palpebra</i> .	493.
שנא	& שנה propr. <i>stetere</i> ; inde <i>iterare</i> , duplicare. Hinc	
שנא	cum ; intens. denotat <i>iterationem multam</i> . Sed	135.
—	varios admittit explicatus, prout varie derivetur.	146.
שן	propr. <i>polivit</i> , <i>acuit</i> poliendo, friando.	ib.
—	hinc transit ad indignationem cruciantem, f. <i>compunctionem</i> .	395.
שנא	<i>judicare</i> late se extendit ad totam gubernatio- nem, & omnes ejus partes.	64.
—	denotat <i>benignus fuit</i> .	311.
שנא	propr. adhibetur de <i>olla in foco posita</i> , adhibito sustentaculo, chytropode vel tripode: unde שנא & שנא form. dual. <i>duæ lapidum foca-</i> <i>riorum strues</i> .	113.
שקט	propr. habet in fœcibus turbati liquoris <i>subiden-</i> <i>tibus</i> : unde ad animum a curis liberum, ferenum & <i>tranquillum</i> , transf.	737.
שרן	regionis nom. pro שרן, <i>planitiem magnam</i> de- notans.	26.
	ח. ח. limi-	

ה.

חמ	<i>limites ponere: it. signare, figuras facere.</i>	Pag. 552.
חכ	<i>propr. librare, extigere ad libellam.</i>	460.
חלם	<i>fulcus, ab Arab. نالم frangere.</i>	23.
חנה	<i>mercedem dare, inde laudibus celebrare: hinc אמנה.</i>	329.
חן	<i>draco, a Rad. חנן vasto hiatus sorbfit.</i>	441.
חריץ	<i>pro חריץ ab חרץ, erit submissus, humilis: sed strenuus ac justus, si sit ab Arab. Rad. חרץ, quæ firmum, compactum significat, dein rectum, & libratum.</i>	191.

F I N I S.